


Ebe-No-Pfuase Ishobo
Onogbo



New Testament in Ivbie North-Okpela-Arhe (NI:atg:Ivbie
North-Okpela-Arhe)

Ebe-No-Pfuase Ishobọ Onogbo

New Testament in Ivbie North-Okpela-Arhe (NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files dated 29 Jan 2022
03be06b0-68fd-500b-b9a9-6bca4b63979a

Contents

iMatiu	1
iMaki	60
iLuku	96
iJoni	156
Ikanya	198
iRoma	251
1 iKoritia	277
2 iKoritia	300
iGalesha	315
Efisha	323
iFilipia	332
iKolosha	338
1 iTeſalonia	344
2 iTeſalonia	349
1 iTimoti	352
2 iTimoti	359
iTato	364
iFilemo	367
Iburu	369
iJemhisi	389
1 iPita	395
2 iPita	402
1 iJoni	406
2 iJoni	412
3 iJoni	413
iJudu	414
Irokhase	416

Usomhi Onete oyi iJesu iKirisiti ni iMatiu O keke

*Unuekpẹ oyi iJesu iKirisiti
(iLuk 3.23-38)*

¹ Ona o khi akeke shi eke abi unuekpẹ oyi iJesu iKirisiti Omi iDefidi ni o khi Omi Aburaamu o li ze.

² Aburaamu o bia Aziki,
Aziki o bia iGiekọpu,
iGiekọpu o bia iJuda
ali inyoghuo o li nya.

³ iJuda o bia iPẹrezi
ali iZera, okpotso ni o bia we,
a lu iTama.

iPẹrezi o bia Ezironi.
Ezironi o bia iRamu.

⁴ iRamu o bia Aminadabu.
Aminadabu o bia iNashoni,
iNashoni o bia iSalimoni.

⁵ iSalimoni o bia iBoazi,
okpotso ni o bia iBoazi,
a lu iRe-abu.

iBoazi o bia Obedi
ni a lu inyoli iRutu.
Obedi o bia iJese.

⁶ iJese o bia iDefidi
ni o khi oghie.

iDefidi o bia iSolomoni
ni inyoli o kpe khi ughue Uraya.

⁷ iSolomoni o bia iReobuamu.
iReobuamu o bia Abija.
Abija o bia Asa.

⁸ Asa o bia iJeoshafati.
iJeoshafati o bia iJeoram,
iJeoram o bia Uzaya.

⁹ Uzaya o bia iJotamu.
iJotamu o bia Aazi.
Aazi o bia Ezekaya.

¹⁰ Ezekaya o bia iManase,
iManase o bia Amoni.
Amoni o bia iJosaya.

¹¹ iJosaya o bia iJekonaya
ali inyoghuo o li nya
egheghe ni a ro muno

egbo iZireni ighumha je iBabilo.*

¹² Abi e ke ro rote iBabilo jele,
iJekonaya o bia iShalitiyani.

* 1:11 Li ze 2 Ighie 24.14-15; 2 Okhe 36.10; iJere 27.20

iShalitiēni ɔ bia iZerubabeli.

¹³ iZerubabeli ɔ bia Abiudu.

Abiudu ɔ bia Eliakimu.

Eliakimu ɔ bia Azori.

¹⁴ Azori ɔ bia iZadoki.

iZadoki ɔ bia Akimu.

Akimu ɔ bia Eliudu.

¹⁵ Eliudu ɔ bia Eliaza.

Eliaza ɔ bia iMataani.

iMataani ɔ bia iGiekopu.

¹⁶ iGiekopu ɔ bia iJosefu,
ni ɔ rue iMeli inyi iJesu shi
ni a lu iKirisiti.

¹⁷ Rote eghēghe Aburaamu bhale eghēghe iDefidi, e khi agbhotu igbene. Ke rote eghēghe iDefidi bhale eghēghe ni a rɔ muno egbo iZireni ighumha je iBabilo, e khi agbhotu igbene. Ke rote eghēghe iBabilo bhale eghēghe ni a rɔ bia iJesu iKirisiti, e gbo li khi agbhotu igbene ghɔ.

Abi a li bia iJesu iKirisiti

(iLuk 2.1-7)

¹⁸ Abi a li bia iJesu iKirisiti na. Neni iMeli inyɔli ɔ ngeli na iJosefu ni ɔɔ gue ɔli. A bhale ya ɛ khi iMeli ɔɔ mɛ ɔmɔ ni ɔ rote obɔ oyi Ayemhe-nɔ-pfuase bhale.†

¹⁹ Itobɔ khi iJosefu ughuɔli, ɔ khi ɔgbo ni ɔ gue angeli, ɔɔ sali shi udu khi lɔli ya kuegbe-a ri imeli shi ekɛ, ini lɔli khi yeghe ɔlia ukpeloe agbo.

²⁰ Abi ɔ lii sa ona shi udu, ageni ɔ bhale deba li alo elena, ɔɔ li, “iJosefu omi iDefidi, khi ke zɛ ni ulishi o mu ɛ abi u li ya rue iMeli shi ughue, irari khi ɔmɔ ni ɔɔ mɛ, obɔ oyi Ayemhe-nɔ-pfuase ɔ te bhale.

²¹ ɔ ya bia ɔmɔ ɔmɔse, eva ni u ya lu ɔni ɔmɔ khi iJesu, irari khi ɔ ya mie egbo eyɔli olamhe pfuase.”‡

²² Eri a mɛ enana ni a rɔ bhɛ ya ɛ khi ingmemhi ni Eshinegba ɔ rote unu oyi omekeguele ngme, ni e bhale ya tse. Ni ɔɔ,

²³ “Ghe khe! ɔmueshi ni ɔa le deba ɔmɔse ghue ɔ ya ke mɛ ɔmɔ, ɔ bia ɔmɔ ɔmɔse, eva oyɔli a ya ke lu iManuēni.”§ Abi ona o ngme khi, “Eshinegba ɔ nu awa la.”

²⁴ Abi iJosefu ɔ rɔ guale, ɔ riɛle emini ɔnomhue ɔ mhese na li ɔ riɛle, ɔ rue iMeli ughue abi Eshinegba ɔ gueye ɔli.

²⁵ Eri-tse khi iJosefu ɔa tigbe le deba iMeli, ramhi ni ɔ rɔ bia ɔni ɔmɔ ɔmɔse. iJosefu ɔ lu eva oyi ɔni ɔmɔ, iJesu.*

2

Epfese ni e rote obini ovɔ o te ɛ ngale bhale

¹ Eɔli ni a lu iBetilemu obini ekɛ iJudia a bia iJesu shi, eghēghe ni oghie ni a lu Erɔdu ɔ rɔ khi oghie. Emɔse elɛsingme eghuo e rote obini ovɔ o te ɛ ngale bhale ekɛ iJerusalemu.

² Ee mhila, ee liɛ, “Obo a bia ɔni ɔmɔ ni ɔ ya khi oghie oyi egbo iJu shi? Irari khi anye she mɛ ukpetata oyɔli obini ovɔ o te ɛ ngale, lɔli o zɛ khi anye bhale ni anye ya ga li.”

† 1:18 Li zɛ iLuk 1.27 ‡ 1:21 Li zɛ iLuk 1.31 § 1:23 Li zɛ Aza 7.14; 8.8,10 * 1:25 Li zɛ iLuk 2.21

³ Abi ɔni oghie Eroɔdu ɔ ro suɔ ona, egbe ɛa ke sheshe lɔli ali ɛgbɔ kpa ni e la iJerusalemu.

⁴ O luno ighie eyi ekpodalo-ugamhi nya ali esese Ishi eyi iMosisi kugbe. O mhila we, ɔɔ we, “Obo ɛ khi a ya bia iKirisiti ɔmiepfuese shi?”

⁵ E gueye ɔli, “Eoli iBetileɛmu na eke iJudia lɔ.” “Irari khi igho emekeguele e keke shi eke khi:

⁶ “iBetileɛmu na eke iJudia,
yeye u ga khi ɔni ɔ mu ɛloe ne nya

elemhi ɛoli eniemhi
ni e la eke iJudia.
Aye oghie ɔ te ya lasese,
ni ɔ ya ri ɛgbɔ iZireni

khase ode.”*

⁷ Igho oghie Eroɔdu ɔ lu eni emose egbo ochi, ɔ mhila we, “Egheghe onoghuo a ro me oni ukpetata?”

⁸ Igho ɔ ghie we je iBetileɛmu, ɔɔ we, “A ke le, a kuegbe-a ya nono ɔli. A kha da me ɔli ne, a nyene egbe bhale ya gueye mhe ni mhi li ya ga li.”

⁹ Abi e ro suɔ abi Eroɔdu ɔ ngme se, e te agho fie lasese. Igho e gbo me oni ukpetata ni e kpe me obini ovo ɔ te ɛ ngale. O re we khase ode ya ramhi ni o ro migha ukhomhi oni owa ni ɔni omɔ ɔ la.

¹⁰ Egbe e mema mu we abi e ro me oni ukpetata. ¹¹ Igho e lo elemhi oni owa. Abi e ro me ɔni omɔ ali inyoli iMeli, e wugha e ga li. E khueghie ɛkue ni e tsua-a, e rue igolu ali afu ituale ali oili ituale ni ɛ ɛ pfi e ni e ghalɛ somhi ɔli opfa.

¹² Igho Eshinegba ɔ tse agua ye we alo ɛlena e khi gbo nyene egbe ukhokho deba ɔni oghie. Itobo igho e rote ode olese ya je apfe.

A rue iJesu na je eke ijipiti

¹³ Abi eni emose e ro je se, aɛni oyi Onomhue ɔ gueye iJosefu alo ɛlena, ɔɔ li, “Eroɔdu ɔɔ nono ɔni omɔ ɔna ni lue gbe ɔli-a. Rue ɔli ali inyoli na je eke ijipiti. La agho ramhi egheghe ni mhi ro ya gueye u rote agho vu.”

¹⁴ Obili o bi, iJosefu ɔ rue ɔni omɔ ali inyoli na je eke ijipiti.

¹⁵ Oobo ɔ la ramhi ni oghie Eroɔdu ɔ ro ghu-a. Eri Eshinegba ɔ riɛle ona ni a ro bhale ya ɛ khi emini ɔmekeguele ɔ ngme khi o bhale ya tse. Ni ɔɔ, “Eke ijipiti mhi te lu omi mhe.”†

Eroɔdu ɔ shi ushi a gbolo eniye enikeke-a

¹⁶ Abi Eroɔdu ɔ ro me khi eni emose ni e rote obini ovo ɔ te ɛ ngale bhale egbo khi e di lue, Elemhi ee bi ɔ egbegbo. ɔ shi ushi a gbolo eniye emose enikeke ni e la ɛoli iBetileɛmu ali ɛoli ni e la gasɛ ɔli-a nya. Eniye rote ikpe eva tiemhi eke, abi eni epfese e gueye ɔni oghie egheghe ni e ro me oni ukpetata.

¹⁷ Abi a li me ɔli ena, o ri ungmemhi ni ɔmekeguele iJeremaya ɔ ngme bhale ya tse.

¹⁸ “A suɔ okokokhue
eke iRama,‡

ni o khi oyi evie,
ali evie oya.

IReche ɔɔ vie imi ɔli,
Áa yese ɔli,
ɔa ze yese, irari

* 2:6 Li ze iMika 5.2 † 2:15 Li ze Osia 11.1 ‡ 2:18 Li ze iJere 31.15

khi imi ɔli e ghulo-a.”

IJosefu ali apfɔli e rɔte eke ijipiti jele apfe

¹⁹ Erɔdu ɔ ghu-a se, aɣeni oyi Eshineɣba ɔ bhale deba iJosefu alo elena obini eke ijipiti.

²⁰ Oɔ, “IJosefu, vule, rue omie ali ughue, a ke je eke iZireni irari khi eni eɛ nono ni wewe e gbe oni omo-a, e she ghuloa.”

²¹ Igho iJosefu ɔ vule, ɔ rue oni omo ali inyɔli, ɔ nyene egbe je eke iZireni.

²² Eri-tse khi abi iJosefu ɔ ro suo khi Achelusi ɔ ke shito ukpekhomhi oyi itali shi eke iJudia, ulishi o mu ɔli ɔa gbudu je oobo, ɔ ri ochogho ya je obini eke iGalili abi aɣeni ɔ she kpe tse agua ye ɔli.

²³ ɔ ri iNazareti mele apfe oyɔli-a. Irarigho, ungmemhi ni emekɣuele e ngme, o bhale ya tse. Ni ɔɔ. “A ya ke lu ɔli ɔngi iNazareti.”[§]

3

Iɔni Oni ɔɔ batazi eɣbo ɔɔ tse abo

(iMak 1.1-8; iLuk 3.1-18; iɔn 1.19-28)

¹ Ikpe ni e bu e doɣe, iɔni Oni ɔɔ batazi eɣbo ɔ lasele shi elemhi ɔdagbe ifufu na eke iJudia, ɔɔ tse abo.

² ɔɔ lie, “A rɔte olamhe eye e mu pfi irari khi Eghiele oyi Eshineɣba o she ti bhale.”^{*}

³ Ingme oyi iɔni ɔna, Azaya omekɣuele ɔɔ ngme abi ɔ ro lie,

“Ogbɔ oghuo ɔ la elemhi
ɔdagbe ifufu e tseɣe, ɔɔ lie,
‘Be ode-a na Onomhue rɔte,
be ɔli sheshe.’”[†]

⁴ Itsua ni iɔni ɔ ro so, iriria akphere a ro do we. ɔ ri oɣbene ekuɛ elamhi mu oku. Initso ali oribo e khi eminale eyɔli.[‡]

⁵ IJerusalemu ali eke iJudia ali edeli ni e mama oke ijodani nya eɣbo e rɔte e bhale ni e suo ungmemhi oyɔli.

⁶ ɔ la elemhi oke ijodani batazi eɣbo, ee zono olamhe eyewe lasele.

⁷ Abi iɔni ɔ ro me khi eɣbo otu iFarisi ali iSadusi ni e bu e bhale deba li ɔ batazi wewe, ɔɔ we, “Eɛ enye ali imi enye! Oghuo ɔ tse agua ye e, a na, khi anasemhe ɔɔ bhale ni Eshineɣba ɔ ya ghie ghi e?”[§]

⁸ A ke ngeli ingeli eni e ya rokhasɛ khi a she mu pfi.

⁹ A khi ke sa khi a ya na pfue anasemhe ini a da lie, ‘Aburaamu ɔ khi itita anye.’ Itobo khi Eshineɣba ɔ dobe ya rɔte echɛ ena wolɔ eniye lasele na Aburaamu.^{*}

¹⁰ A she to ze so udi ɔara. ɔara ni ɔa da mo umomhi onete ne, a ya khi ɔli pfilo erali.[†]

¹¹ “Ame mhi ro ɔ batazi e memena, irari khi a she mu pfi. Ogbɔese ni ɔɔ bhale ikpukhokho oyemhe, ɔ fu doɣe mhe. Mhi a fe fute ɔni ɔ tsua ekuɛ oyɔli eke. Lɔli ɔ ya ri Ayemhe-no-pfuase ali erali batazi e.”

¹² ɔ mu ukpokpo ni a to akhuli ni o ze eafia so mhuɛ obo oyɔli, ni ɔ ro ya ke ghiaghiɛ we, ɔ pfi efue ado-a, ashini a la kpishi we. ɔɔ ti we gbili shi ashini a ri eminale e shi, eni efue we egho, ɔ ya ri erali ni ea ya pfua ghue tose we-a.”

[§] 2:23 Li ze iMak 1.24; iLuk 2.39; iɔn 1.45 * 3:2 Li ze iMat 4.17; iMak 1.15 † 3:3 Li ze Aza 40.3

‡ 3:4 Li ze 2 Ighie 1.8 § 3:7 Li ze iMat 12.34; 23.33 * 3:9 Li ze iɔn 8.33 † 3:10 Li ze iMat 7.19

*Abi iJesu o li batazi**(iMak 1.9-11; iLuk 3.21-22)*

¹³ IJesu o ya rote eke iGalili bhale oke iJodani ni iJoni o batazi lue.

¹⁴ IJoni, oo nono ni loli khu iJesu oni ibatizi, oo iJesu, “Yeye u kha batazi mhe, se u ke gbo li bhale deba mhe mhi batazi e?”

¹⁵ IJesu o soli o, oo li, “Iye. Kie ze ni awa lina riyele oli egheghe ona, ni awa me asha ri oguemehe oyi Eshinegba gbe akanya pfo.” IJoni o lama shi oli o.

¹⁶ A batazi iJesu se, khi o lese na rote elemhi oke ngale eso egele, o me khi idane o khueghie a. Igho o me khi Ayemhe oyi Eshinegba o li abi anekhukhu tiemhile bhale ya ma li egbe.

¹⁷ A suo khi uruli o rote idane ngme, oo li, “Omimhe ni mhi nono ingme oyoli na, ni o ri egbe e mu mhe.”*

4*Imufe oyi iJesu**(iMak 1.12-13; iLuk 4.1-13)*

¹ Ayemhe o rue iJesu je odagbe ifufu ni Okphaghie o me asha mu oli fe.*

² Abi iJesu o ro pfi azumhi ogbele egbhuwa se, okiamhi oo gbe oli.

³ Igho Okphaghie o bhale deba li, oo li, “Ini o khia khi Omi Eshinegba u khi, nu eni echere ena ngme ni e mele eminale-a ne ni u le.”

⁴ IJesu oo li, “Ebe-no-pfuase o ngme gho khi:

“ ‘Qa khi eminale tse,

o ri agbo a na ogbo,

ama ungmehi ni

o rote Eshinegba unu lasele kpa.’ ”†

⁵ Igho Okphaghie o rue iJesu je iJerusalemu, eoli no pfuase. O rue oli ya nga apfiEFIEMHI ashini o yagha ne shi Owa Oyi Eshinegba ya migha.

⁶ Oo iJesu, “Ini o khi Omi Eshinegba u khi, rote ukhomhi ana ji ya tiemhi ekeke.” Irari khi Ebe-no-pfuase o ngme oli khi:

“ ‘Eshinegba o ya

ri unu na igeni eyoli

e ri eloe shi e egbe

e kpe abo mue,

Ini u khi khi owe

shi echere.’ ”‡

⁷ IJesu oo li, “A gbo li keke o shi Ebe-no-pfuase khi, ‘Khi mu Eshinegba Onomue oye fe bino.’ ”§

⁸ Igho Okphaghie o rue iJesu nga ukhomhi ute ni o lolo yagha, o ga ri eghiele ni e la agbo ona nya ali isomhotse oye we khasere oli.

⁹ Oo li, “Ena nya mhi ya ro ne ini u lese nyese ukhomhi ga mhe.”

¹⁰ IJesu oo li, “Vu mhe alo-a, Okphaghie! Ebe-no-pfuase oo lie,

“ ‘Nyese ukhomhi na

Eshinegba Onomue oye,

lolighuo kpe wa ke ga.’ ”*

¹¹ Igho Okphaghie o ze iJesu obo, igeni e bhale ya kpaghie oli obo.

‡ 3:17 Li ze iGbae 22.2; iWolo 2.7; Aza 42.1; iMat 12.18; 17.5; iMak 1.11; iLuk 9.35 * 4:1 Li ze iBuru 2.18; 4.15 † 4:4 Li ze iDeut 8.3 ‡ 4:6 Li ze iWolo 91.11,12 § 4:7 Li ze iDeut 6.16 * 4:10 Li ze iDeut 6.13

Ijesu o rōte iGalili gba ikanya eyōli eke le

(iMak 1.14-15; iLuk 4.14-15)

¹² Abi ijesu o rō suō khi a mu iJōni shi owa ighumha, o nyenē egbe je eḍeli iGalili.†

¹³ Oa migha iNazarēti, o je iKapanomu, eḍeli ni o la ukiēkiē okē iGalili ni o la eke iZebulo ali iNafutali.‡

¹⁴ Eri a mē ena ni a rō bhale ya e khi ungmehi ni Azaya omekeguele o ngme, o bhale ya tse, ni o la liē,

¹⁵ “Ee eke iZebulo
ali eke iNafutali,
ni a la ini a da okē iJōdani lase,
iGalili, ni eḡbō

iJeta§ e ngeli, ni o la oḍe ni o je okē oniēmhi.

¹⁶ Eḡbō ni e la alo ebili
e ya mē akpá oniēmhi.

Oni akpá oḡ ngale na
eḡbō ni o li abinē khi
eghuli o ti mama wē.”*

¹⁷ Rōte agho vu ijesu o rōte tse abo kia guele, “Oḡbōḡbō o mu pfi, irari khi Eghiele oyi Eshineḡba o she ramhi.”†

Ijesu o lu eḡbifēle aane e deba luē

(iMak 1.16-20; iLuk 5.1-11)

¹⁸ Abi ijesu o li kia epfepfe okē oniēmhi iGalili, igho o mē iPita ali Aduru, oḡbō ali inyoghuo ni e khi eḡbifēle khi e ri aga a gbe ifeḷe oni okē-no-khishi.

¹⁹ Ijesu oḡ wē, “A bhale deba mhe khi mhi ya seḡe e abi a ke liē ke lu eḡbō bhale, ocho ni a rō o gbe ifeḷe.”

²⁰ Aghoagho e ze aga eyewe obo, e deba li.

²¹ O ke le, o mē oḡbō ali inyoghuo, iJemhisi ali iJōni imi iZebedi khi e nu itawē la elemhi oko okē ni e lo, e riēle aga oyewe e riēle. Ijesu o lu wē e bhale.

²² Aghoagho e lase oko-okē le, e pfi itawē shi agho, e deba li vu.

Ijesu o ri eni eḡ ghua ze

(iLuk 6.17-19)

²³ Ijesu o kia asha kpa eke iGalili o la owa ugamhi eyewe seḡe wē usomhi onete oyi iloghie, ali o ri eḡbō ni e mhuē ighuamhi oḍoda ze.

²⁴ Igho a li suō eko oḷi ushishi iSiria ogho nya, ya ramhi khi eḡbō e tsua eni mhuē ighuamhi ali anasemhe oḍoda, ghe eni e mhuē ayemhe okphaghie ali ighuamhi ni oḡ mu oḡbō pfi gbe ali eni e guoḡho-a bhale deba ijesu. O ga reḡwē ze nya.

²⁵ Igho ebubu eḡbō e rōte iGalili ali eḷi iDikapolisi ali iJerusalemu, eke iJudia ali eḡbō ni e la ukiēkiē obinokpoḷe oyi okē iJōdani, e deba li.

5

Oseḡe ni ijesu o la esō ute seḡe

¹ Abi ijesu o rō mē oni olele eḡbō, o ti nga esō ute deḡe, o shito. Eniyē odukhokho eyoli e bhale ya shito gasē oḷi. ² Oḡ seḡe wē, oḡ liē,

³ “Ikhivose o khi oyi eḡbō

† 4:12 Li ze iMat 14.3; iMak 6.17; iLuk 3.19-20 ‡ 4:13 Li ze iJōn 2.12 § 4:15 Eḡbō iJeta khi eḡbō ni e la eke aḡbō ona nya ni eḡa khi eḡbō iZireni. * 4:16 Li ze Aza 9.1-2 † 4:17 Li ze iMat 3.2

ni e lẹṣẹ khi
 Ẹshinẹgba ọ mhufe emhikpa,
 wẹwe e mhọli obọ shi
 Eghiele oyi Ẹshinẹgba.

4 Ikhivọṣẹ o khi na egbo

ni ẹẹ viẹ,*
 Ẹshinẹgba ọ ya yese we.

5 Ikhivọṣẹ o khi oyi egbo ni
 e ti egbewe tiemhile,†
 Ẹshinẹgba ọ ya ri
 agbo ona nya na we.

6 Ikhivọṣẹ o khi oyi egbo ni
 okiamhi ali okiamẹ
 igue-ngeli ọọ gbe,‡

Ẹshinẹgba ọ ya ri
 emini ẹ nono na we.

7 Ikhivọṣẹ o khi oyi egbo
 ni e mhọli ilelemhi na egboese,
 Ẹshinẹgba ọ ya
 mhọli ilelemhi na we.

8 Ikhivọṣẹ o khi oyi egbo
 ni e mhọli udu no pfause,§
 e ya me Ẹshinẹgba.

9 Ikhivọṣẹ o khi oyi egbo
 ni ẹẹ dua ini opfomhe o la ọ,
 Ẹshinẹgba ọ ya lu we imioli.

10 Ikhivọṣẹ o khi oyi egbo
 ni a mu okhọli vule shi ọ
 irari khi e da riẹ
 emini Ẹshinẹgba ọ nono,*
 wewe e mhọli obọ shi
 eghiele oyi Ẹshinẹgba.

11 “Ikhivọṣẹ o khi ne, ini egbo e mu okhọli vule shi ẹ ọ, ẹẹ kiẹ iwali egbhọli
 ọdoda me irari khi u mie mhe suọ.†

12 Ze ni u ke ghele, egbe ẹẹ muẹ, irari khi eleli oye ni o la iloghie oo gbẹdi
 gba. Ina e li mu okhọli vule shi emekẹguele ọ ni e kpẹ bhale khe.‡

Ugbheli ali akpa oyi agbo a khi
 (iMak 1.16-20; iLuk 5.1-11)

13 “Eri a li abi ugbheli shi agbo ọ. Ini ugbheli o wasẹ oviolo oyoli-a, aa ke
 tigbe mhọli abi a li ya roli gbo mele ugbheli-a. Aa ke roli ya li emhikhoghuo
 dose a ku ọli kua ni a ri awe lighi ọli eke.

14 “Eri a li abi akpa shi agbo ọ. Owa ni a to shi ukhomhi ute ọa ya sheli.§

15 Aa me ogbo ni ọ ya ri akpa ru se, ọ khukhu ọli shi atalabi. Eri ọ ya ri
 ochoghọ rue ọli nga asha na kege, ni o ke me eke ni egbo ni e la oni owa e ke
 me eke.*

* 5:4 Li ze Aza 61.2 † 5:5 Li ze Iwolo 37.11 ‡ 5:6 Li ze Aza 55.1-2 § 5:8 Li ze Iwolo 24.3-4

* 5:10 Li ze 1 iPit 3.14 † 5:11 Li ze 1 iPit 4.14 ‡ 5:12 Li ze 2 Okhe 36.16; Ika 7.52 § 5:14 Li ze

ijon 8.12; 9.5 * 5:15 Li ze iMak 4.21; iLuk 8.16; 11.33

16 Ligho zẹ ni ákpá oye o ke ge khasẹ ẹgbọ, ni e rọ me ikanya enete eye ni e me asha kuẹghie Ẹshinẹgba ni o la iloghie.†

Osesẹ abi ishi eyi iMosisi o ngme

17 “A khi dabi khi eri mhi bhale ya shishi Ishi eyi iMosisi eke-a, a khi a dabi khi eri mhi bhale ya shishi emini emekeguele e sesẹ-a. Iiye! Eri mhi bhale ya re we tse.

18 Ze mhe gueye khi eke ali ukhuli e kha da kie la o ne, ukpamhi ingme okhoghuo oya ya wa Ishi eyi iMosisi-a, ini emini e keke we shi eke shi nya ẹa li bhale ya tse.‡

19 Itobo igho, onini o da gbe ushi ni o ga she ne a nya, ni o gbolo e sesẹ ẹgbọ e li ligho ne, lo li o ga ya she ne nya Eghiele oyi Ẹshinẹgba, onini o da riele we ni o gbolo e sesẹ ẹgbọ eni ishi eyi Ẹshinẹgba ne, o ya khi onofunẹ Eghiele oyi Ẹshinẹgba.

20 Mhi gueye e khi ini igue-ngeli oye e oya da dose igue-ngeli oyi esese Ishi eyi iMosisi ali ẹgbọ iFarisi ne, aa ya lo Eghiele oyi Ẹshinẹgba.

Osesẹ oyi ingme elemhi ibibi

(iLuk 12.57-59)

21 “A suo khi eghẹghe ni o dose khi a gueye eni egbhali, ẹe, ‘Khi gbe ugbeli, onini o da ligho ne, a ya ri o li gue ẹzo.’§

22 Ama memena mhi gueye e khi oni o da mhuẹ ofu deba inyoghuo o li ne, a ya ro li gue ẹzo. Oni o da lie inyoghuo o li, ‘Ye ye o gbọ afue ona!’ A ya rue o li bhale deba enighie. Oni o da lu inyoghuo o li, ‘Ye ye oye ghe ona!’ O ya la okhena erali na ilimhi irierie.

23 “Ini u mhuẹ isomhopfa ni u wa nono ni u rọ ghi Ẹshinẹgba ukhomhi atete, ni u rọ da sato khi inyoghuo e o mhuẹ ofu ne shi emini u riele o li ne,

24 ze oni isomhopfa ogho obo shi odalo atete, u je apfe ni ye ye ali oni inyoghuo e ni a rọ riele, u tigbe bhale ya ri isomhopfa oye na Ẹshinẹgba.

25 “Ini o be e o rue e le ikotu, nyanya lema li abi a li la ode e le egbo neni a ramhi agho. Ini oya khi igho, o ya rue e na osọ-ẹzo, oni osọ-ẹzo o rue e na o gbanelemhi, o rue e ya khukhu shi owa ighumha.

26 Abi o li mhi li gue o li e ye e khi, waa ya rọte agho lasele ini u waa li ze oko na fie pfo nya.

Osesẹ ingme okia

27 “A suo eghẹghe ni o dose khi a lie, ‘Khi kia okia.’*

28 Ama memena mhi gueye e khi onini o da ri oghuemhe itsebo bino okpotso ne, o she kia okia deba oni okpotso elemhi usamhi udu oyoli.

29 Irarigho, ini o khia khi eloe na obita oye o ya ze ni u lo owa ere, vuonyo li pfia, irari khi o ti ne ini egbe ẹa gba ne ya lo iloghie, dose khi ye ye nya u lo ilimhi irierie.†

30 Ini o khia khi obita oye o ya ze ni u pfido ya lo owa ere, khi o li pfia. O tine ni u ze obo oghuo ya lo iloghie dose khi ye ye nya u lo ilimhi irierie.‡

Osesẹ ipfa ughue-a

(iMat 19.9; iMak 10.11-12; iLuk 16.18)

31 “A li ngme o li shi Ishi eyi iMosisi khi, ‘Omose o kha khu ughue o li, o nya ebe ipfa ughue-a na li.’§

† 5:16 Li ze i Pit 2.12 ‡ 5:18 Li ze iLuk 16.17 § 5:21 Li ze Okiali 20.13; iDeut 5.17 * 5:27 Li ze Okiali 20.14; iDeut 5.18 † 5:29 Li ze iMat 18.9; iMak 9.47 ‡ 5:30 Li ze iMat 18.8; iMak 9.43 § 5:31 Li ze iDeut 24.1-4; iMat 19.7; iMak 10.4

³² Ama memena mhi gue ẹ ye ẹ khi, ọni ọ da khu ughue ọli ni o khia khi ọa khi eri ọ kia okia ne, ọ she yeşe ọni ọkpotoso mele ọkiokia-a. Ọmose ni ọ rue ọni ọkpotoso ọgho, eri ọ li kia okia.*

Oseşe ironga

³³ “A gbo li suo khi a gueye ẹgbo ena ẹlele, ‘A khi da ironga ni a ro nga, ama emini u romhi Ọnomhue ro nga, khi da ọ, ligho roli tse.’†

³⁴ Emini mhi ke gue ẹ ye ẹ mena khi, khi ga romhi isheli kpa. Khi romhi idane irari khi oobọ ukpekhomhi oyi Eshinegba o la.‡

³⁵ Khi gbo li romhi ekekhe, irari khi lolu khi akphawe-nga oyi Eshinegba. Wekhi iJerusalemu, irari khi lolu o khi ẹoli oyi Oghie no fune.§

³⁶ Khi ga ri ukhomhi oye romhi ishe, irari khi waa ya dobe ri etsui oghuo kpe bishi a we khi eri u dobe roli ya pfuase-a.

³⁷ Ungmemhi oye o lese migha shi ii, okekhi iye, emini o da dose igho ne, obọ oyi Ọkphaghiẹ o te bhale.

Khi ri onobe fali ota onobe

(iLuk 6.29-30)

³⁸ “A suo khi a kpe ngme ọli, khi, ‘A ri ukpeloe fata ukpeloe, ali ẹkọli o fata ẹkọli.*

³⁹ Ama mena, mhi gueye ẹ, a khi riẹle ẹgbo to ọ ini ọ riẹle ẹ onobe. Ini ẹgbo, ọ lase ẹ esọ obita nyene ona ọgobo na li gbo lase.

⁴⁰ Ini ẹgbo ọọ nono ni lolu luẹ ẹzo, ni lolu ro mie ẹ awulu oye, bie gbo gueghie oni u so kpoke ma ọ nali.

⁴¹ Ini ẹgbo ọ ri itoto liẹ u tsua itsua na luẹ imali oghuo, tsua we imali eva.

⁴² Ini ẹgbo ọ mhila ẹ emhi, rona li. Ngmomhi na ọni ọ ye ongmomhi deba ẹ.

Mholi inono na ebe ẹ

(iLuk 6.27-28,32-36)

⁴³ “A she suo khi a liẹ, ‘Nono ingme oyi ọnuzi-ava oye, u ke biselemhi obe ẹ.’†

⁴⁴ Ama mhi gueye ẹ. Nono ingme oyi obe ẹ, u gbo so iromhi na eni mu okholi vule shi ẹ ọ.

⁴⁵ U kha lina, eri u wa ngeli abi ite na iloghie. Irari khi lolu ọ ri ovo oyoli ẹ to na ẹgbo ọkholo ali ẹgbo enete. Igho ọ gbo liẹ ruese amẹ na ẹgbo ọkholo abi ọ liẹ ruese ọli na ẹgbo enete.

⁴⁶ Se u ke li ya me asha mhue eleli obọ oyi Eshinegba ini u lese nono ẹgbo ni e nono ingme oye? Egbegbi emionoga e lili ẹ ligho.

⁴⁷ Ini o khia khi inyoghuo ẹ tse u lese ẹ tse, ighe ikhioda ni o la yeye ali eni ẹa miesuo ọ? Eni ẹa miesuo e lili ẹ ligho.

⁴⁸ Itobo ona, ze ni u gba pfo abi Itẹ na iloghie ọ li gba pfo.”‡

6

Oseşe isomhopfa

1 “Gue kia ini u khi riẹle igue-ngeli abamemhe ukpeloe ẹgbo. Ini u wa a ligho, wa a ya mhue eleli obọ oyi Eshinegba Ita ni ọ la iloghie.*

* **5:32** Li ze iMat 19.9; iMak 10.11-12; iLuk 16.18; 1 iKori 7.10-11 † **5:33** Li ze iLev 19.12; iNoba 30.2; iDeut 23.21 ‡ **5:34** Li ze iJem 5.12; Aza 66.1; iMat 23.22 § **5:35** Li ze Aza 66.1; Iwolo 48.2 * **5:38** Li ze Okiali 21.24; iLev 24.20; iDeut 19.21 † **5:43** Li ze iLev 19.18 ‡ **5:48** Li ze iLev 19.2; iDeut 18.13

* **6:1** Li ze iMat 23.5

²“Ini u ri isomhopfa na ẹgbọ ni ẹa mhue, khi ọli pfi akala ke kiakia, abi eni ẹa miesuo ẹẹ li elemhi owa ugamhi ali ifuapfe. Eri ẹ ligho ni ẹgbọ e ba kueghie we. Abi o li mhi li gue ẹ ye ẹ, khi, e she mie eleli eyewe se.

³Ama ọna oni ọ la omunu, khi ze ni ọgbọse ọ lese.

⁴Egheghe agho o khi emhi osheli, ni Itẹ ni ọ la iloghie ni ọọ me emini u riẹle elemhi osheli, ọ ri eleli ne.

Oseşẹ abi a liẹ sọ iromhi
(iLuk 11.2-4)

⁵“Yeşe o ye ini u ya sọ iromhi khi ya riẹle ọli abi eri ugamhi ku alo ni ẹẹ migha epfe ode ali elemhi owa ugamhi ini ẹgbọ e ba ke me we. Abi o li mhi liẹ gue ọli ẹ ye ẹ khi e she mhue eleli oyewe gba se.†

⁶Ama ini u ya sọ iromhi, lo elemhi owa oye, u khukhu ode, u sọ iromhi ghi Ita ẹ ni ọ la osheli, Itẹ ni ọ la osheli ni ọọ me emini a li osheli, ọ ya ri eleli gba ne.

⁷Ini u ya sọ iromhi, khi ke riẹle ungmemhi oghuo ngme itingmingme, abi eni ẹa miesuo ẹẹ li. Eri ẹẹ dabi khi ingmemhi ni e bu dose Eshinẹgba oyewe ọ ro suo we.

⁸Khi li abi wewe. Itobọ khi Itẹ ọ she kpe lese emini u wa nono neni u mhila li.

⁹“U kha sọ iromhi, ke liẹ:
“Ita anye ni ọ la iloghie,
anye ri ufumhi na

eva oye no pfuase,

¹⁰ze ni Omhesẹ oye o bhale.

Ze ni a riẹle oghuemhe oye
eke agbo abi a liẹ riẹle ọli
obini iloghie.

¹¹Ri eminale ona
ogbe-namo na anye.

¹²Gbe olamhe kua na anye,
abi anye liẹ gbe kua
na ẹgbọ ni e lamhe shi anye ọ.

¹³Khi ze ni anye
de pfilo imufe,
mie anye pfuese obọ oyi okphaghiẹ.’

¹⁴U kha gbekua na eni e lamhe shi ẹ ọ, Itẹ na iloghie ọ ya li gbekua ne.

¹⁵Ama ini u wa a gbekua na eni e lamhe shi ẹ ọ, Itẹ na iloghie ọ ya li gbekua ne.‡

Abi a liẹ pfi azumhi

¹⁶“U kha pfi azumhi, khi wushe alo-a shi ukhomhi abi eni ẹa miesuo ẹẹ li. Eri ẹ nylene alo ze shi ukhomhi ini ẹgbọ e ba lese khi ẹ pfi azumhi. Abi o li mhi li gue ẹ ye ẹ, e she mhue eleli oyewe se.

¹⁷Ama u kha pfi azumhi, ri oili shishi ukhomhi ro dala egbe-a, u pfiono itsu-a shi ukhomhi,

¹⁸ini ẹgbọ e khi lese khi azumhi wa pfi. Ama oni Itẹ ni ọọ me osheli nya ọ ya ri eleli ne gbodojo.

Epfue ena obini iloghie
(iLuk 12.33-34)

† 6:5 Li ze iLuk 18.10-14 ‡ 6:15 Li ze iMak 11.25-26

19 “Khi ti epfue ma leghe na egbe e shi elemhi agbo ona, ni ifu e la le emhi, ni emhi e la mu oghuo-ghuo-a, ali ni ighiatọ e la dobe e do. §

20 Ochogho ti epfue ma iloghie ni ifu e dobe la le emhi, ali ni emhi e la mu oghuo-ghuo-a wekhi ighiatọ e dobe la do.

21 Irari khi asha ni epfue oye o la agho udu oye o la.

Ákpá oyi idiegbe
(iLuk 11.34-36)

22 “Ikpamhi alo e khi ákpá ni idiegbe o mhuẹ. Ini ukpelo e oye o dala, egbe eye nya o khi ákpá.

23 Ama ini alo eye e ti, idiegbe eye nya e khi alo ebili. Ini a ke bhale ya e khi ákpá ni o la idiegbe oye o khi obili, se oni obili o ke beshi lie gba ramhi shi idiegbe oye!

Eshinegba ali epfue
(iLuk 16.13; 12.22-31)

24 “Ogbokhoghuo o dobe ya ga ega ava. Eri o ya nono ingme oyi oghuo, elemhi onokpọle e bi o. O ya ke suọ esọ na oghuo, o ri ukpelo e gbe onokpọle. Ogbọ o ya dobe ga Eshinegba ali ukpago lo utoghuo.

25 “Onana o ze ni mhi ro gueye u khi ke sa usamhi emini a le ali emini a da, wekhi usamhi egbe e emini u ya so. Agbo oye o fu dose eminale? Abi khi eri idiegbe oye o fu dose ode?

26 A bino ipfeli ni e la idane, e ro ko wekhi eri e kheshe tima shi aka. Ama eri ite na iloghie o kie ri e loe e khu we. Aa mu e loe dose we?

27 Onge e onoghuo o dobe ya ri isamhi ali ayele khi iwakati oghuo kpe ma agbo oyoli?

28 “Elo o ze ni a ro o sa usamhi ode ni a ro o ku egbe? A bino idodo ni e la ifu ebili, khi e ya gbe akanya wekhi eri e fia ide zu egbewe.

29 Ama mhi gueye e khi ashini Oghie iSolomoni o mhuẹ ufumhi ramhi, o a khu e akhu ramhi udodo okhoghuo ena.*

30 Ini Eshinegba o lina ri ide ku ebili tse, ni o kha la o amo, ako o to-a, se o a ke lie li ri ode ku e? E e gbo ni irudunga oye e o she.

31 Itobo igho khi ke ye le obini u ya me eminale le ali obini u te ya me da, ali obini u te ya me ide ku egbe.

32 Emhi enana eni e miesuo e na khu, ama ite na iloghie o lese khi a kha mholi emhi eghogho kpa.

33 Ochogho kpe ze ni Eshinegba o mheshe shi agbo oye ne, ni u ri eni omheshe gbe akanya, khi o ya ri emhi enekpọle nya ma o ne.

34 Irarigho, khi ke ze ni ayele ako o nase udu amo, ako o ya sa usamhi egboli. Ogbelẹ ogbogbo o mhuẹ anasemhe oyoli.”

7

Igue e gbo ezọ
(iLuk 6.37-38, 41-42)

1 “A khi gue e gbo ezọ, ini Eshinegba o khi gue e ezọ.

2 Irari khi abi u li gue e gbo ese ezọ, igho Eshinegba o li ya gue ezọ oye. Emini u ro mheshe na o gbo ese a li ro ya mheshe ne.*

3 “Elo o ze ni u ro me uku ni o la inyoghuo e eloe ni u waa ro me ufolo qara ni o pfida e eloe?

4 Se u ke lie gueye inyoghuo e, ‘Ze ni mhi rue e uku eloe le,’ ni ye ye oye wa a ro me ufolo qara ni o pfida e eloe?

5 Ye ye o ri ugamhi ku alo, kpe rue ufolo qara ni o pfida e eloe-a ne neni u tige ya meke rue oni o la oyi inyoghuo e o-a.

6 “Khi ri emhi ipfuase na ewa. Khi pfi emini o mu eloe abi igolu ghi igulu. Eri e ya wu we eke-a, e so alo okholi ghue e.

Mhila, u nono, u kpheli

(iLuk 11.9-13)

7 “Mhila khi a ya ro ne. Nono khi u ya me rue, kpheli obo ode khi a ya khueghie-a ne.

8 Irari khi oni o mhila, loli a ro o na. Ogb o ni o nono loli o me e rue. Oni o kpheli obo ode, loli a khueghie-a a na.

9 “Ong ee onoghuo o bia ni omioli o ya mhila li ibuledi ni o ya rue echeli na li?

10 O kha mhila e afele, enye u ya rue na li?

11 Ini ee ni a khi egbo ebe a lese abi a li ri eminete e na imi e, se Ita ni o la iloghie o ke beshi li ya ri eminete na egbo ni e mhila li?

12 Irarigho, abi u nono ni ogbo li rie le deba e, ye ye li ligho rie le deba li. Irari khi emini Ushi oyi iMosisi ali emekeguele e sese nya na.†

Ode unuekpe na pfi ali ona gbada

(iLuk 13.24)

13 “Ro te ode unuekpe na pfi lo. Irari khi ode unuekpe na gbada ali ode agbala na gbada o khi ode ni o je owa ere, ebubu egbo e rote o.

14 Ode ni o je iloghie eri oo riele, ode unuekpe ni a te e je o, oo pfi, ama ikuku egbo e rote o.

Qara ali ikpamhi eyoli

(iLuk 6.43-44)

15 “A be eke ma emekeguele egbholi. Eri e ri eku e osumha ku egbe, ama elemhi udu oyewe, idumhi ni e nyan o ogbo le e khi.

16 Angeli oyewe o re we e khas e emini e khi. Okphekpe o a ya mo udumhi olomu, we khi eri o mo udumhi okhua eni.

17 Qara onete o mo udumhi onete. Qara ni o a ti o mo udumhi ni o a ti.

18 Qara onete o a ya mo udumhi ni o a ti, we khi eri qara ni o a ti o do be ya mo udumhi onete.

19 Qara kpa ni o a da mo udumhi onete ne, eri a ya khi oli pfi a, a to se oli a.‡

20 Itobo igho emini emekeguele egbholi ee rie le, u te e lese we. §

Mhi aa lese oni u khi

(iLuk 13.25-27)

21 “Oa khi ogbokpa ni o lu mhe, ‘Onomhue, Onomhue’ o ya lo eghie le oyi Eshinegba, ama egbo ni e rie le ogueme oyi Itamhe ni o la iloghie.

22 Ini ele iguezo o ramhi, ebubu egbo e ya lie mhe, ‘Onomhue, Onomhue, anye ee she ri eva oye me eke guele, anye ri eva oye khu egbo iyemhe ebe egbe-a, anye gbo gbe ikanya onyaloa ododa?’

23 Eghenge agho mhi ya gueye we gboo, ‘Mhi aa lese e. A vu mhe ana le pia, ee egbo okholo ena.’*

† 7:12 Li ze iLuk 6.31 ‡ 7:19 Li ze iMat 3.10; iLuk 3.9 § 7:20 Li ze iMat 12.33 * 7:23 Li ze iWolo 6.8

Ɖgbọ ava ni e tọ owa

(iLuk 6.47-49)

²⁴“Ɖgbọkpa ni ọ da suọ ungmemhi oyemhẹ ni ọ da rọli gbe akanya ne, eri ọ li abi ọgbọ ọlẹsingme ni ọ tọ owa nga ukhomhi eche.

²⁵Ini amẹ o riẹ ruẹ, ni ochikpho o rọ tu, khi akpekpeli o riẹ li gbe oni owa ogho, ọa o ya de, irari khi ukhomhi eche a tọ li nga.

²⁶Ama ọgbọ ni ọ da suọ ungmemhi oyemhẹ ni ọa da rọli gbe akanya ne eri ọ li abi oyeghe ni ọ tọ owa nga ekhashe.

²⁷Amẹ o kha ruẹ, ni ochikpho o rọ tu, ni akpekpeli o rọ li gbe oni owa ogho, oni owa o de kua, o de udemhi ọsanabe.”

²⁸Abi iJesu ọ rọ ngme se, osẹse oyọli o ri abọ sha eni e legba.

²⁹Irari khi eri ọ sẹsẹ ẹgbọ abi ọgbọ ni ọ lẹsẹ emini ọọ sẹsẹ.†

8

Omọse ashomha

(iMak 1.40-45; iLuk 5.12-16)

¹Abi iJesu ọ rọte ukhomhi ute tiemhile, ebubu ẹgbọ e bhale deba li.

²Igho omọse ashomha oghuo ọ bhale ya wugha iJesu odalo, ọọ li, “Onomhue, ini o ghọle ẹ, u dobe ya rẹ mhe ze.”

³Ijesu ọ nise obọ-a ti ọli, ọọ li. “O ghọle mhe, khi ọni ọ ze.” Aghoaghọ ọni omọse ọ ze.

⁴Ijesu ọọ li, “Khi gueye ọgbọkhoghuo, ama ka ri egbe ẹ khasẹ ekpodalougamhi eyi Eshinegba, ni u riele iluasobo ni iMosisi ọọ a ke riele ini a ri ọni efafe mu pfuase.”*

Irudunga ni okhọli-okhue ọ rọkhasẹ

(iLuk 7.1-10)

⁵Abi iJesu ọ rọ lo iKapanomu le, okhọli-okhue ni ọ mhẹsẹ na ekhọli-okhue egbhueshe oyi iRomu oghuo ọ bhale ya lema li ikpaghiobo.

⁶Ọọ li, “Onomhue, ọni ọọ ga mhe ọ ga yeshi apfe ẹ ghu-a egbegbo. Eri ọ guoghọ a.”

⁷Ijesu ọọ li, “Mhi ya bhale ya rọli ze.”

⁸Ọni okhọli-okhue ọọ li, “Onomhue, iye, lẹsẹ ngme oni ungmemhi tse, khi ọni ọọ ga mhe ọ ya ze. Irari khi mhia fu te ni u wa bhale apfe oyemhe.

⁹Mhemhe oyemhe, mhi li mhọli ekhọli-okhue eni e fu dose mhe, mhi li mhue elese ni mhia mhese na. Mhi kha gueye ọna ọ ke le, ọọ le, mhiẹ ọlese ọ bhale, ọ bhale. Mhi khe ọni ọọ ga mhe ọ li ona, ọ li ọli.”

¹⁰Abi iJesu ọ rọ suọ emini ọni omọse ọ ngme, abọ e sha li. Ọọ eni ẹ deba li, “Abi o li mhi li gue ọli ẹ ye ẹ ena khi mhia me irudunga onabi onana ghue eke iZireni.

¹¹Mhi gueye ẹ khi ebubu ẹgbọ e ya rọte obini ovọ o te ẹ ngale ali obini ovọ o te ẹ lo eko, bhale ya nu Aburaamu ali Aziki ali iGiekọpu shitọ ukue na eghiele na iloghie†.

¹²Ama ẹgbọ ni é khá lá iloghie, a ya pfi we je eke alo ebili ni e la ke vie, ẹe le ako ako.”‡

¹³Ijesu ọọ ọni okhọli-okhue ogho, “Ke je khi o ya ligho ne abi u li mhọli irudunga egho.” Igho ọni ọọ ga li ọ ze oni eghẹghẹ ni iJesu ọ la ngme ọli igho tee.

† 7:29 Li ze iMak 1.22; iLuk 4.32 * 8:4 Li ze iLev 14.1-32 † 8:11 Li ze iLuk 13.29 ‡ 8:12 Li ze iMat 22.13; 25.30; iLuk 13.28

Ijesu o ri ebubu egbo ze
(iMak 1.29-34; iLuk 4.38-41)

¹⁴ Abi Ijesu o ro bhale apfe oyi iPita, o me khi ogo iPita ni okpotso o yeshi khi oo ghu ughuamhi iba.

¹⁵ Ijesu o ri obo ti oli, eni iba e lase oli egbe le. O vule o feli oli epfese.

¹⁶ Abi ogbomhi o ro mu eke, ebubu egbo e wolo eni e mholi ayemhe ebe ododa bhale ghi ijesu. Igho ijesu o ri ungmemhi unu khu we eni ayemhe ebe egbo egbe ku a. O gbo ri eni efe ghua nya ze.

¹⁷ Eri a me enana ni ungmemhi ni Azaya omekeguele o ngme o bhale ya tse; Ni oo,

“Lolighuo o mie awa umha-ze,

o tsua ighuamhi eyawa ya kua.”§

Emini ideba-ijesu-kia o ya mie ogbo o rue
(iLuk 9.57-62)

¹⁸ Ijesu o me olele egbo ni e le gase oli, oo e ze ni wewe e da je ukiekie obini o kpole oyi oke oniemi iGalili.

¹⁹ Oseshe Ishi eyi iMosisi oghuo o bhale deba li oo li, “Oseshe, mhi ya deba ke je obiobini wa je kpa.”

²⁰ Ijesu o soli o, oo li. “Inyako e mholi ese, ipfeli e mholi eko, ama Omi Ogbu o mholi ashini o de ukhomhi e gbe.”

²¹ Omose olese ni o khi omu odukhokho oyoli, o lu oli, oo li, “Oseshe, ze mhe kpe je apfe ya ri itamhe ni o ghu-a to ne.”

²² Ijesu o soli o, oo li “Ke deba mhe, ze ni eni e ghu-a e ri eni e ghu-a to.”

Ijesu o pfomhise akpekpeli ukhomhi oke oniemi
(iMak 4.35-41; iLuk 8.22-25)

²³ Ijesu o lo elemhi oko-oke oniemi, eniye odukhokho oyoli e li lo deba li.

²⁴ Utoghuo-kpe, akpekpeli oniemi oo li oni ukhomhi oke oniemi. Ukuku emhi o kpole dena ni oni oko-oke oniemi o ro ku lue. Ama ijesu oo lese-a

²⁵ Eniye odukhokho oyoli e ya guise oli le, e oli, “Onomhue, tsumhi anye! Awa ya pfua!”

²⁶ Oo we, “Elo o ze ni a ro lina na ulishi, Eri irudunga oyeye oo na beshi she?” Igho o vule nu oni akpekpeli ngme, oni oke o de ma.

²⁷ Abo e sha egbo nya ni e la agho, e mhila, “Ogbu nabise onana o khi, egbegbi ozughu oyi oke oniemi ali akpekpeli e ga suo eso o na li.”

Ijesu o ri emose ava eni e mholi ayemhe ebe ze
(iMak 5.1-20; iLuk 8.26-39)

²⁸ Abi Ijesu o ro da je ukiekie obini o kpole oyi oke oniemi iGalili obini iGadara, emose ava ni e rote atalimhi lasele e bhale deba li. Eni emose ava ena e mholi ayemhe ebe ni e yeshe we ngme ni o rewe nono ingme. Egbo e ke gbudu rote oni ode dose.

²⁹ Eni ayemhe ebe egbo ni e la eni emose egbe, e tsehe utoghuokpe, e oli, “Elo e ku anye ali yeye gbe, yeye Omi Eshinegba? Eri u bhale ya nase anye neni oni egehe o ramhi?”

³⁰ Igulu ni e bu e la epfe agho le eminale.

³¹ Igho eni ayemhe ebe egbo e lema ijesu, e oli, “Ini u khu anye ya fie, khu anye ya lo eni igulu egbo egbe.”

³² Igho ijesu oo, “A ke vu!” Igho e lasele ya lo eni igulu egbe. Eni igulu nya e na ya tiemi eseso oni ute, ya lo oni oke, e ghulua.

³³ Emõse ni e ri eni igulu u kia, e na kua, e je ifui apfẽ ya guele emini a me ali emini eni emõse ni e mholi ayemhẽ ebe e me.

³⁴ Igho egho ni e la oni eoli nya e fiẽ lasele deba iJesu. Abi e ro me oli, e lema li o kpekpe o lase wewe eke le.

9

Ijesu o ri omõse ni o guoghõ-a ze
(iMak 2.1-12; iLuk 5.17-26)

¹ Ijesu o lo oko-okẽ oniemhi, o da oni okẽ iGalili mu egbe pfi je ukiẽkiẽ obini o kpõle, o bhale apfẽ oyõli obini iKapanõmu.

² Emõse egho e tsua omõse ni o guoghõ-a shi iya bhale. Abi iJesu o ro me irudunga oyewẽ, oo õni omõse ni o guoghõ-a, “Ri obo shi udu, omimhẽ, a she ri olamhẽ topfa e.”

³ Igho esesẽ Ishi eyi iMosisi eghuo e nu egbe we ngme, e liẽ, “Õni omõse ona o pfi unu-a!”

⁴ Ijesu o lesẽ usamhi ni e sa, o mhila we, “Elo o zẽ ni a ro sa isamhi ebe udu?”

⁵ Onoghuo o kelemhẽ ya ngme õni omõse ne? Ni mhi liẽ, ‘A she gbe olamhẽ kua ne;’ Ali ‘Vule ke kia?’

⁶ Ama, ni a ro lesẽ khi Omi Ogho o mhue afu elemhi eke agbo ni o ro gbe olamhẽ kua na ogho.” Igho, oo õni omõse ni o guoghõ-a, “Vule, rue iya oyẽ u ke je apfẽ.”

⁷ Igho õni omõse o vule oo je apfẽ.

⁸ Abi eni ebubu egho e ro me ona, abo e sha we. E kueghie Eshinẽgba ni o ri afu onana na egho.

Ijesu o lu iMatiu o deba lue
(iMak 2.13-17; iLuk 5.27-32)

⁹ Abi ijesu o rote agho je odalo, o me khi omionoga oghuo ni a lu iMatiu, o shito okhõlo ni a la miono oga. Oo li, “Deba mhẽ.” Igho o vule deba li.

¹⁰ Abi ijesu o ro la owa oyi iMatiu le eminale, emionoga eni e bu elese ali ena olamhẽ e bhale ya ku ma we o, e ga nu oli ali eniyẽ odukhokho eyõli le eminale.

¹¹ Abi egho iFarisi eghuo e ro me ona, e mhila eniyẽ odukhokho eyõli, eẽ, “Elo o zẽ ni osesẽ oyẽ e o ro nu emionoga ali ena olamhẽ e le eminale?”*

¹² Ijesu o suo ona, oo we, “Õni o toto ogho mhue emini o ri obo e li, ama õni oo to oo ye apfẽ obo.

¹³ A ka wena emini a ri ona ngme, ikhi, ‘Oa khi iluasobo e ghõle mhẽ, ama isomhelemhi’ Oa khi egho eni e pfuasẽ ne mhi bhale ya lu e mu pfi, ama egho ena olamhẽ.”†

Omhila oyi ingme azumhi
(iMak 2.18-22; iLuk 5.33-39)

¹⁴ Eniyẽ odukhokho eyi iõni õni oo batazi egho, e bhale deba iJesu, e mhila li, “Elo o fẽ zẽ khi anye ali egho iFarisi, khi anye e pfi azumhi ni eniyẽ odukhokho eyẽ eã ro pfi?”

¹⁵ Ijesu oo we, “Emõle omõse ni oo rue omueshi onoghõ e famhi ya mhue iyese udu-a ini õni oo rue omueshi o kie la we iteva? Eghẽghẽ oo bhale ni a ro ya rue õni omõse ni oo rue omueshi onoghõ iteva oyewẽ vu, eghẽghẽ agho e ro tigbe ya ke pfi azumhi.

* 9:11 Li zẽ iLuk 15.1-2 † 9:13 Li zẽ iMat 12.7; Osia 6.6

16 “Ogbo ọa ya gbela ode onogbo toma onodiọ, ini a me gho, onodiọ ogho o ya nyano-a toma onogbo, o fia ese ni o ke fu ne shi o.

17 U ke neta khi eri ogbo o ya ku onyo onogbo kulo akpaba ekuẹ elamhi onodiọ, ini a me gho, eri oni akpaba o ya ve-a, oni onyo o ku kua, oni akpaba onyo o li opfu-a. Onyo onogbo a ku e shi akpaba onogbo, eghẹghẹ agho, oni onyo ali oni akpaba onyo e ga migha.”

Omo omueshi ni o ghu-a ali okpotso ni ọa ze
(iMak 5.21-43; iLuk 8.40-56)

18 Abi oni ungmehi o kie la iJesu unu, okhemhue iJu oghuo o bhale ya wugha li odalo, oo li, “Kpekpe bhale ya ri obo ti omimhe ni o lese ghu-a, ni o guale.”

19 Igho iJesu o vule deba li vu, eniye odukhokho eyoli e li deba li.

20 Igho okpotso oghuo ni oia e she ku oli egbe ramhi ikpe igbeva o rote ukhokho ti mama iJesu, o ri obo ti oli eso ode.

21 Itobo khi o she ngme oli shi udu khi, “Mhi kha da lese ri obo ti iJesu ode tse ne, mhi ya ze.”

22 Igho iJesu o mu egbe nyene, o me oli, oo li, “Kpotso khi ke ze ni ulishi o mue irudunga ni u mhue o she re ze.” Agho agho oni okpotso o ze.

23 Abi iJesu o ro ramhi owa oyi oni okhemhue, o bhale ya e khi egbo e la agho. Ee vie oni omueshi ni o ghu-a egho. Agho oo li nyoghoo.

24 O gueye ogbokpa o lase agho le, khi oni omueshi ọa ghu ne khi eri o lese-a. Eni egbo e suo ungmehi ni o ngme, ee gia li.

25 Eni egbo e fie je olase se, iJesu o lo elemhi oni owa, o mu oni omueshi obo, oni omueshi o vule.

26 Okeke oni ingme ona o gbhiaku asha kpa oni edeli.

Ijesu o khueghie ezalo ava alo-a

27 IJesu o ke rote agho vu je odalo, ezalo ava e deba li. Ee tsesẹ lema li, e lie oli, “Mhue isomhelemhi na anye, omi iDefidi.”

28 Abi iJesu o ro lo elemhi oni owa, eni ezalo ava e bhale deba li. O mhila we, “A miesuo khi mhi ya dobe re e ze?”

E ke oli, “Gueguegue.”

29 Igho iJesu o ri obo ti we alo, oo we, “Alo eye e e khueghie-a abi a mhue irudunga.”

30 Ikpamhi alo eyewe e khueghie-a. IJesu o tse agua ye we e khi gueye ogbokhoghuo emini a me.

31 Ama asha ni e ramhi kpa, eri e gueye egbo, e gue ingme oyi iJesu ye egbo asha kpa.

Ijesu o ri ungmehi ze

32 Eni emose e vu, a tsua omose oghuo ni o mhue ayemhe ebe bhale, ni ọa li ngme unu.

33 IJesu o khu oli oni ayemhe ebe ogho egbe ya lase, oni omose o ngme. Abo e sha ogbokpa e lie, “Anye ẹa kpe me ingme onana ghue eke iZireni.”

34 Ama egbo iFarisi e lie khi oghie oyi iyemhe ebe o ri ekpabo na li. Loli o ze ni o ro dobe e khu egbo ayemhe ebe egbe-a. §

Egbikanya eyi Fshinegba ẹa bu

‡ 9:17 Akpaba oyi ekuẹ elamhi egbo iJu e ku onyo o shi. § 9:34 Li ze iMat 10.25; 12.24; iMak 3.22; iLuk 11.15

³⁵ Ijesu o kia la ɛoli khi ɛoli sɛsɛ ungmemhi oyi ɛshineɛgba elemhi owa ugamhi eyɛwɛ, o tse abo usomhi onete oyi Eghiele oyi ɛshineɛgba. O ri ɛgbɔ ni e mhue ighuamhi khi ighuamhi i ze.*

³⁶ Abi o ro mɛ eni ebubu ɛgbɔ, elemhi wɛ e lala li irari khi udu oyɛwɛ ɔa sheshe itobɔ khi ɛa mholi oni ɔo kpaghie wɛ obɔ, abi isumha ni ɛa mhue orewekia.†

³⁷ O gueye eniye odukhokho eyoli, “Oni ikhiesɛ oo gbɛdi gba, ama khi eni e khiesɛ wɛ, ɛa bu.”

³⁸ “A so iromhi, ni ɛshineɛgba oni o mhue ikhiesɛ, ni o ghie eni e ya khiesɛ oni ikhiesɛ fie lasele.”‡

10

Ijesu o ghie ighiusomhi na keɛ ogbava eyoli fie

(iMak 3.13-19; iLuk 6.12-16)

¹ Ijesu o lu eniye odukhokho ogbava eyoli kugbe. O ri afu na wɛ, e ke ya khu iyemhɛ ebe ɔdɔda ɛgbɔ egbe-a, e gbo ri ɛgbɔ ni e mhue ighuamhi ɔdɔda ke ze.

² Eva eyi eni ighiusomhi na keɛ ogbava na. Oni ododɛ khi ISamo ni a gbolo o lu iPita, ali inyoghuo ɔli, Aduru. IJemhisi ali inyoghuo ɔli ni a lu iɔni ni e khi imi iZebedi.

³ IFilipu ali iBatolomiu. ITomosi ali iMatiu ni e khi emionoga. IJemhisi omi Afeusi ali iTadiusi.

⁴ ISamo ni ingme o ghɔ mu egbe ali iJudasi Isikaroti ni o ri ijesu de.

Usomhi ni a ghie eni etuogbava

(iMak 6.7-13; iLuk 9.1-6)

⁵ Ijesu o ghie eniye odukhokho ogbava ena fie, o tse agua yɛwɛ, ɔo wɛ, “A khi je ɛoli oyi ɛgbɔ iJeta wɛkhi ɛoli na ekɛ iSameria.

⁶ Ochoghɔ a lɛ deba ɛgbɔ iZireni ni e li abi isumha ni e waa.

⁷ Abi a lie ke le, a ke tse abo usomhi ona-yɛwɛ, a lie wɛ, ‘Eghiele oyi ɛshineɛgba o she ti bhale.’

⁸ A ri ɛgbɔ ni e mhue ighuamhi ze, a ri eni e mhue efafe ze, a guise eni e ghu-a le, eni e mhue ayemhɛ ebe, a khu wɛ ɛwɛ egbe lasele. Afue a ri eni ekpabo ena na ɛ, a rɛ wɛ kpaghie ɛgbɔ obɔ afue, a khi mie ifata shi o.

⁹ Abi a lie le ena, a khi tsua ukpaghɔ okhoghuo shi omɔ-emhi.

¹⁰ A khi tsua ɛkue pfi so, wɛkhi itsua na ro so elese, wɛkhi ekue ni a so, wɛkhi ukpokpo na ro a to ɔkpɔ, irari khi asha ni ɔgbɔ o la gbe aghɔ o te ɛ le.*

¹¹ “ɛoli oni a da bhale kpa, a kushi ayi ɔgbɔ no da kpɛ abo mie ɛ, ramhi egheghe ni a ya rote agho vu.

¹² Neni a ya so ukhomhi owa okhoghuo, a kpe lie, ‘Opfomhɛ o la oni owa ona.’

¹³ Ini ɛgbɔ ne la oni owa e kpe abo mie ɛ, opfomhɛ oyɛɛ o ka nu wɛ la, ama, ini ɛa mie ɛ, opfomhɛ oyɛɛ o gbo nyenɛ deba ɛ.

¹⁴ Ini a bhale ɛoli, khi ɛgbɔ ne la oni ɛoli ɛa da kpe abo mie ɛ ne, a kpe abo o-a na wɛ ini a te o fie lase.†

¹⁵ Ogbɛle iguezɔ, mhi gueye ɛ khi ɛshineɛgba o ya mholi isomhelemhi na ɛgbɔ iSodomu ali iGomora dɔsɛ oni ɛoli ogɔhɔ.‡§

* 9:35 Li zɛ iMat 4.23; iMak 1.39; iLuk 4.44 † 9:36 Li zɛ iNɔba 27.17; 1 Ighie 22.17; 2 Okhɛ 18.16; Ezik 34.5; iMak 6.34 ‡ 9:38 Li zɛ iLuk 10.2 * 10:10 Li zɛ 1 iKɔri 9.14; 1 iTimo 5.18 † 10:14 Li zɛ Ika 13.51 ‡ 10:15 Li zɛ iMat 11.24; Igbae 19.24-28 § 10:15 Li zɛ iLuk 10.4-12

16 A sato khi eri mhi ghie e fię lase abi isumha ne la ifuabo idumhi. Irarigho, a ze ni a lese ingme abi enye, ama a mhue ikuegbe-a abi anekhukhu.*

Okholi ni a ya mu vule shi e o
(iMak 13.9-13; iLuk 21.12-17)

17 "A mu egbe e tsuke, irari khi egbo e ya mu e bhale ikotu, odalo egbhali ni ee so ezọ. E gbe e itali elemhi owa ugamhi eyewe.

18 E ya ri itobo eva oyemhe muno e bhale deba igovuno ali enighie, ni a gue usomhi onete oyemhe ye we. A gbo pfi otsela oyemhe ye egbo iju ali egbo ijeta.

19 A khi yele abi a ya ngme ali abi a ya so we, ini e muno e bhale agbala ezọ. Irari khi emini a ya ngme o ya bhale unu oye e eghenge ni a nono oli shi.

20 Irari khi ingmemhi ni a ya ngme, ea ya khi eye e. Ayemhe-ngo-pfuase oyi Eshinegba ni o khi ita e, o ya ri ungmehi ni a ke ngme shi e unu.†

21 "Eghenge na ngme ena, egbo e ya ri inyoghuo we bhale ni a gbe-a, ita eniye e wolo imi we bhale na gbolo-a, igho eniye e li ya rue itawe bhale na gbe-a.‡

22 Egbo kpa e ya ke biselemhi e shi irari oyemhe. Ama ogbo ni o da mu irudunga oyoli mhue ramhi ukpesa ne, loli a ya mie pfuese.§

23 Ini a la asheghuo mu okholi vule shi e o, a na je eoli olese. Mhi ze e lese khi, aa ya gbe akanya ona pfo ne eke iZireni neni Omi Ogbo o nyene egbe e bhale.

24 "Omọ odukhoko o a lese dose oga oyoli, wekhi eri oni oo ga ogbo o ya fu dose oga oyoli.*

25 Omọ odukhoko o dobe ya li abi oga oyoli, oni oo ga ogbo o ya dobe li abi oga oyoli. Ini a lu odapfe iBezebo, see a ke beshi e lu eni e la oni omhue-apfe oyoli.†

Oni a ya ke na ulishi oyoli
(iLuk 12.2-7)

26 "Itobo igho a khi ze ni ulishi o mu e irari khi aa me emini a gba khukhu ni o ya khueghie a, wekhi eri a me emini o sheli ni o a ya lasele.‡

27 Emini mhi gueye e eliyose a ngme oli lasele ini ogbe o gbe-a. Ungmemhi ni a bena gueye e, a la ukhomhi owa ngme oli lase ni egbo e suo gboo.

28 A khi na ulishi egbo ni o khia khi idiegbe e lese dobe ya gbe-a, ni ea dobe ya pfuse ogbo ayemhe-a. Ama a na ulishi oyi Eshinegba no kha gbe-a se o gbo mhue ekpabo ro ya pfuse ayemhe-a elemhi ilimhi iriere.

29 U lese khi ukpaghua a ri ipfeli otuava de? Ama aa me ongewe ni o ya ghu-a ni Eshinegba o a ya lese.

30 Eshinegba o she leli egbegbi itsu ni e la e ukhomhi nya.

31 Itobo igho, a khi ze ni ulishi o mu e, irari khi a mu eloe dose ipfeli ni e bububu.

Eni e migha na ifesu ali eni e kie oli
(iLuk 12.8-9)

32 "Ogbo ni o da gue ungmehi oyemhe ye egbo ne, mhi ya li gue ingme oyoli ye Itamhe ni o la iloghie.

33 Ama onini o da la ukpeloegbo kie mhe, mhi ya li kie oli ukpeloegbo oyi Itamhe na obini iloghie.§

* 10:16 Li ze iLuk 10.3 † 10:20 Li ze iMak 13.9-11; iLuk 12.11-12; 21.12-15 ‡ 10:21 Li ze iMak 13.12; iLuk 21.16 § 10:22 Li ze iMat 24.9,13; iMak 13.13; iLuk 21.17 * 10:24 Li ze iLuk 6.40; iJon 13.16; 15.20 † 10:25 Li ze iMat 9.34; 12.24; iMak 3.22; iLuk 11.15 ‡ 10:26 Li ze iMak 4.22; iLuk 8.17

§ 10:33 Li ze 2 iTimo 2.12

Ijesu ɔa ri opfomhɛ bhale ama okemhi

(iLuk 12.51-53; 14.26-27)

³⁴ “A khi sa khi opfomhɛ mhi rɔ bhale ekɛ agbɔ. Mhi aa rɔ opfomhɛ bhale, ama ogbhɔrɔ.

³⁵ Eri mhi bhale ya to okhue na

“ ‘Omɔse ali itali,
okpotso ali inyɔli,
osamɔ ali inyɔdɔli.

³⁶ Unuekpɛ oyi ogbɔ,
ebe ɔli e la.*

³⁷ “Ogbɔ ni ɔ da nono ingme oyi ita okekhi inyɔ dɔsɛ ingme oyemhɛ ne, ɔa ya doɔɛ khi omɔ odukhokho oyemhɛ. Ogbɔ ni ɔ da nono ingme oyi omi ɔli dɔsɛ mhɛ ne, ɔa ya doɔɛ khi omɔ odukhokho oyemhɛ.

³⁸ Ogbɔ ni ɔa da kpha apfida oyɔli tsua ni ɔ ke deba ɛtɛ-awɛ oyemhɛ ne, ɔa ya doɔɛ khi omɔ odukhokho oyemhɛ.†

³⁹ Oni ɔ da mu agbɔ oyɔli mhue gagaga ne, o mema ya de ɔli obɔ-a, ama oni rue agbɔ oyɔli obɔ-a shi ekɛ itobɔ oyemhɛ ne, ɔ ya mɛ eleli agbɔ oyɔli.‡

Eleli

(iMak 9.41)

⁴⁰ “Ogbɔ ni ɔ da kpe abɔ mie ɛ ne, mhɛmhɛ ɔ kpe abɔ mie. Oni ɔ da kpe abɔ mie mhɛ, oni ɔ ghie mhɛ ɔ kpe abɔ mie.§

⁴¹ Ogbɔ ni ɔ da kpe abɔ mie omekɛguele oyi Eshinegba ne, ɔ ya mhue isomhopfa onayi omekɛguele. Oni ɔ da kpe abɔ mie ogbɔ ni ɔ pfuasɛ ne irari khi ɔ da khi ogbɔ ni ɔ pfuasɛ, ɔ ya mhue eleli oyi ogbɔ ni ɔ pfuasɛ.

⁴² Ini ogbɔkhoghuo ɔ die amɛ ni e pfmhɛ na egbɔ eni ɛa mu elɛe ena da ne, irari khi e da khi eniyɛ odukhokho eyemhɛ, mhi gue ɔ ye ɛ gueguegue khi eleli oyɔli ɔa ya de ɔli obɔ a.”

11

Ijesu ali iɔni Oni ɔɔ batazi egbɔ

(iLuk 7.18-35)

¹ Abi ijesu ɔ rɔ gueye eniyɛ odukhokho ogbava eyɔli emini e ya riɛɛ se, ɔ je ɛɔli ni e la ekɛ iGalili ya seɛɛ, ɔ gbolo tse abɔ oni usomhi onete.

² Abi iɔni Oni ɔɔ batazi egbɔ ɔ rɔ la owa ighumha suɔ ikanya ni iKirisiti ɔɔ gbe, ɔ ghie eniyɛ odukhokho eyɔli ghi ɔli,

³ E lɛ ya lina mhila li. “Yeɛɛ u khi oni iɔni ɔ ngme khi ɔ ya bhale, abi anye ri elɛe shi ekɛ ke khɛ ogbɔ ɔlese?”

⁴ Ijesu ɔ sɔ wɛ ɔ, ɔɔ wɛ, “A nyenɛ egbe ya gueye iɔni emini a suɔ ni a mɛ.

⁵ Ezalo ɛɛ khueghie alo-a, eni e guoghɔ awɛ-a, e vule ɛɛ kia, a ri eni e mhue ighuamhi ɛkue idiegbe ɔdɔda ze, elesɔ ɛɛ suɔ esɔ, egbɔ ni e ghu-a, a guise wɛ le. A gbolo ɛ tse abɔ usomhi onete ye egbɔ eni ɛa mhue.*

⁶ Ikhivɔsɛ o khi na ogbɔ ni ɔa mhɔli akhɔkhomhɛ shi ingme oyemhɛ!”

⁷ Eniyɛ odukhokho eyi iɔni ee vu se, ijesu ɔɔ ngme ingme oyi iɔni khase eni e legba. ɔ mhila wɛ, ɔɔ. “Abi a rɔ fie je ɔdagbe ifufu ni a rɔ ya bino iɔni, ogbɔ nabise a dabi khi a ya mɛ? Ebuli ifulɔ ni akpekpeli ɔ pfi ɛ nga pfi ɛ tiemhi a dabi khi a ya mɛ?”

* 10:36 Li zɛ iMika 7.6 † 10:38 Li zɛ iMat 16.24; iMak 8.34; iLuk 9.23 ‡ 10:39 Li zɛ iMat 16.25; iMak 8.35; iLuk 9.24; 17.33; iɔni 12.25 § 10:40 Li zɛ iMak 9.37; iLuk 9.48; 10.16; iɔni 13.20 * 11:5 Li zɛ Aza 35.5-6; 61.1

⁸ Ini ɔa khi igho sho, elo a dabi khi a ya me abi a ro fe fie lase? Omose ni o so itsua eni e somhi otse a sa khi a ya me? Iiye o! Egbɔ eni ee so itsua eni e somhotse, apfe oyi oghie ee la.

⁹ Elo a fe fie lase khi a ya me sho? Omekeguele? Gueguегue, ama mhi gueye e, oni o gbo fu dose omekeguele a me.

¹⁰ IJoni o khi oni ogbɔ ni Ebe-no-pfuase o ngme ingme oyoli, ni Eshinegba o la lie,

“Mhi ya kpe ghie aghiusomhi oyemhe ralo ne,
ni o ya khueghie ode-a ne.”†

¹¹ Abi o li mhi li gue oli ye e khi, iJoni o fu dose ogbokpa ni o la agbo ona ghue, ama, ogbɔ ni o ga kpoke nya obini Eghiele oyi Eshinegba, o fu dose oli.

¹² Rote egheghe oyi iJoni Oni oo batazi egbɔ ya ramhi ogbe na amo, Eshinegba o te e ri ikakabo mhɔli omhese oyoli shi agbo oyi egbɔ, ama ikakabo egbɔ e ke ro o lo o.

¹³ Irari khi emekeguele nya ali Ishi eyi iMosisi, e me guele shi eke ramhi egheghe oyi iJoni.‡

¹⁴ Ini a ya lama shi o, iJoni o khi oni Elaja ni e khi o ya nyene egbe bhale. §

¹⁵ A mhɔli eso, a suo emini mhia gueye e, ni a roli gbe akanya.

¹⁶ “Elo mhi ri agbhotu ona ya khokho? Eri e li abi ikuku eniye ni e shito epfepfe oki ni e lu egbe we,

¹⁷ “Anye pfi ofele na e,
aa lama gbe ishimhi,

anye to uwolo

ni a ro vie olimhi shi e o,
ama aa lama vie.’

¹⁸ Abi iJoni o ro bhale, eri oo pfi azumhi, ɔa lama da onyo, irarigho egbɔ e lie khi, ‘Ayemhe Okphaghie oo nase oli.’

¹⁹ Ama Omi Ogbɔ o ke bhale, oo le oo da, egbɔ kpa e ke lie khi, ‘Ogbɔ unu-emhi ali odonyo o khi, ni o nu emionoga ali ena olamhe e mu omole.’ Emini Eshinegba oo rihe, o ri illesingme oyoli e khashe.”

Emini eoli ni ea lama mu pfi ee me

(iLuk 10.13-15)

²⁰ Igho iJesu o li ze emuebe na egbɔ ni e la eoli ni o la gbe ikanya onyaloa ebubu eyoli, itobo khi ea mu pfi, oo li.

²¹ “Epfa o khi ne, iKorazi! Epfa o khi ne, iBetisaida! Irari khi ini ikanya onyaloa ni a gbe ifui eoli eye e khi a li gbe we iTai ali iSidoni lo, e kha she vie osoli na egbewe shi olamhe eyewe, e te olamhe eyewe mu pfi agboagbo.*

²² Ama mhi gueye e khi, o ya somhi iTai ali iSidoni egbe dose e, ogbele iso-ezo

²³ Yeye iKapanomu, eri a nono ni a ya yase e nga idane ramhi irarogbe? Iiye o! Eri a ya pfi e tiemhi okke ilimhi irierie. Irari khi ini onyaloa ni a gbe khashe e khi a gbe we eke iSodomu lo, o kha la o ramhi amo.†

²⁴ Ama mhi gueye e khi o ya somhi iSodomu egbe dose e, ogbele iso-ezo.”‡

Bhale deba mhe ni u mhɔli iyemhea

(iLuk 10.21-22)

† 11:10 Li ze iMala 3.1 ‡ 11:13 Li ze iLuk 16.16 § 11:14 Li ze iMala 4.5; iMat 17.10-13; iMak 9.11-13 * 11:21 Li ze Aza 23.1-18; Ezik 26.1–28.26; iJoa 3.4-8; Emo 1.9-10; iZaka 9.2-4 † 11:23 Li ze Aza 14.13-15; Igbae 19.24-28 ‡ 11:24 Li ze iMat 10.15; iLuk 10.12

²⁵ Egheghe agho iJesu o lie, “Ita, Onomhue, ni o mhue eke ali ukhuli, mhi tse uwegbe khi emini u ro sheli na eguebe, ali eni e fialo-a, khi u rewe khase egbo ni ea mu eloe.

²⁶ Igho, Ita, ina o li ghole e shi.

²⁷ “Itamhe o she ri emhikpa nga mhe obo. Ogbokhoghuo o la la o, ni o lese oni Omọ, se ni Ita. Ogbokhoghuo o la la o ni o lese Ita se ni oni Omọ, ali eni oni Omọ o lama ri oni Ita khase. §

²⁸ “A bhale deba mhe, ee nya ni a tsua itsua ni ee khose e, mhi ya ri iyemhea na e.

²⁹ A ri egbe mie emini mhie a ke rieje, a rote obo oyemhe wena, itobo khi mhii pfomhe gba, ali khi udu oyemhe o mholi iriegbe-tiemhile, ni a mhue iyemhea.*

³⁰ Irari khi emini mhia lie a rieje oni o ze e rieje yeghele lo, ali khi eri itsua eyemhe ee fue.”

12

Ijesu o khi Onomhue oyi ele iyemhea
(iMak 2.23-28; iLuk 6.1-5)

¹ Egheghe ni a ngme ena, iJesu o rote ifui ishemfi iakpa dose ele iyemhea. Okiamhi oo gbe eniye odukhoko eyoli. Igho e li be eni iakpa, e le we.*

² Abi egbo iFarisi e ro me ona, e oli, “Ghe khe! Eniye odukhoko eye ee rieje emini Ishi eyi iMosisi o lama shi a rieje ele iyemhea.”

³ O so we o, oo, “Aa she kpe ze emini iDefidi o rieje abi okiamhi o ro gbe oli ali apfoli?”

⁴ Eri o lo elemhi owa oyi Eshinegba, loli ali apfoli, e ya rue ibuledi oni o pfuase le, ni ushi o lama shi e le. Oni ibuledi ona, ekpodalo-ugamhi eyi Eshinegba tse, e lese le oli. †‡

⁵ Abi khi aa rote ebe ushi iMosisi ze oli khi ekpodalo-ugamhi eyi Eshinegba ni e la Owa Oyi Eshinegba, ee gbe ushi-a ogbele iyemhea, ama ogbo o ro mu ota so we? §

⁶ Ama mhi gueye e khi ogbo ni o fu dose Owa Oyi Eshinegba o la ana.

⁷ Ini a lese emini a ri oni ungmemhi ona ngme shi Ebe-no-pfuase lo, ni oo, ‘Ilemhi o ghole mhe, o khi iluasobo,’ aa kha ke pfa ezo mu eni ea lue.*

⁸ Irari khi mheme Omi Ogbo mhi khi Onomhue oyi ogbele iyemhea.”

Ijesu o ri omose ni obo oyoli o cheghele-a ze
(iMak 3.1-6; iLuk 6.6-11)

⁹ Abi iJesu o rote agho vu, o lo elemhi owa ugamhi oyewe.

¹⁰ Igho omose oghuo ni o cheghele obo oghuo-a, o la akagho. Egbo oghuo e la agho ni e nono ni wewe e mu ingme shi iJesu egbe, igho e mhila li. E oli, “O fe ti ni a ri ogbo ze ele iyemhea?”

¹¹ Ijesu oo we, “Ini ongee o fe mholi osumha, ni o ro de pfilo ateke ele iyemhea, wa a ya fe mu oli o lasele? †

¹² Ogbo o mu eloe dose osumha! Irarigho, Ishi eyi iMosisi o lama shi o, ogbo o rieje onete ogbele iyemhea.”

§ 11:27 Li ze iJon 3.35; 1.18; 10.15 * 11:29 Li ze iJere 6.16 * 12:1 Li ze iDeut 23.25 † 12:4 Li ze iLev 24.9 ‡ 12:4 Li ze i1Sam 21.1-6 § 12:5 Li ze iNoba 28.9-10 * 12:7 Li ze iMat 9.13; Osia 6.6 † 12:11 Li ze iLuk 14.5

13 Igho ọọ ọni ọmọse ni ọ chẹghẹlẹ obọ oghuo a egho, “Nise obọ oye-a.” Igho ọ nise ọli-a. Oni obọ o na ya to abi onokpọle

14 Igho eni ẹgbọ iFarisi e fiẹ ya ye ugbamhi abi e li ya gbe iJesu-a.

Oni ọọ ga ni Eshinegba ọ zẹ

15 Abi iJesu ọ ke rọ lẹsẹ ugbamhi ni e gba, ọ rọte agho vu je oboese, ebubu ẹgbọ e deba li. Ọ ri eni e mhọli umha-ze nya ze.

16 Ọ tse agua yẹ wẹ e khi gueyẹ ẹgbọ ọni lọli khi.

17 Eri a ri ona ri ungmemhi ni Azaya ọmekẹguele ọ ngme bhale ya tse, ni ọ la liẹ,

18 “Oni ọọ ga oyemhẹ
ni mhi zẹ na,

 ọni mhi nono ingme oyọli,
 ni ọ ri egbe ẹ mu mhẹ,

mhi ya ri Ayemhẹ oyemhẹ

shi ọli egbe,

 ọ ya ri iguẹ-sọ-ẹzọ oyemhẹ
 khasẹ ishishi nya.

19 Ọa ya nu ẹgbọ wola

wẹkhi eri ọ ya tsẹsẹ

 ni ọgbọ suọ ifui apfẹ.

20 Ọ ya kuegbe-a

nu eni ẹa mhuẹ ekpabọ ngeli,

 abi a li kuegbe-a mu ọakpa

 ni akpekpeli o pfigbe vule.

Ọ ya lẹ elemhi

eni ẹẹ nono ikpaghiobọ,

 abi ọgbhali ọa liẹ la apfẹ

 ni amẹ o gbe erali

 ni o la umutse pfuse-a,

ya ramhi ni ọ rọ

 ri iguẹ-sọ-ẹzọ leghie.

21 Itobọ igbo ẹgbọ iJeta nya

 e rọ regbenga eva oyọli.”‡

IJesu ali iBezebọ

(iMak 3.20-30; iLuk 11.14-23)

22 Igho ẹgbọ eghuo e rue ọmọse oghuo ni ọ mhọli ayemhẹ obe bhale ghi iJesu. Ọ zalo ọ gbo khi ungmenu. IJesu ọ ri ọni ọmọse ze. Ọọ ngme, ọ gbolo ẹ mẹ ekẹ.

23 Igho abọ e sha eni ẹgbọ nya, e mhila, e liẹ, “Abi khi iJesu ọna ọ khi Ọni Ọmiepfuese omi iDefidi ni ẹ khi ọ ya bhale?”

24 Abi ẹgbọ iFarisi e rọ suọ ona, e kẹ, “Ekpabọ eyi iBezebọ ni ọ khi oghie oyi iyemhẹ ebe nya, ọ rọ khu ẹgbọ iyemhẹ ebe egbe lasele.”§

25 IJesu ọ she lẹsẹ usamhi oyẹwẹ, ọọ wẹ, “Eghiele ni o da kemhi shi iku-iku ni o nu egbewẹ ẹ khọli ne, eri o ya pfua. Igho khi ẹoli ali unuẹkpẹ ni e kemhi egbe nu egbewẹ ẹ khọli, ẹa dobẹ ya migha.

26 Ini Ọkphaghie ọọ khu Ọkphaghie lase, ọ she kemhi egbọli. Sẹẹ eghiele oyọli o ke li dobẹ ya migha?

‡ 12:21 Li zẹ Aza 42.1-4 § 12:24 Li zẹ iMat 9.34; 10.25

27 Ini mhi ri ekpabọ eyi iBezebo ẹẹ khu ẹgbọ ayemhẹ ebe egbe a, ekpabọ eyi oghuo ẹgbọ eyẹ ẹ e ro khu wẹ kua? Emini eni ẹẹ deba ẹ ẹẹ riẹlẹ o rokhasẹ khi aa rote ode.

28 Ama ini o khia khi Ayemhẹ oyi Eshinegba mhi ro ọ khu ayemhẹ ebe kua, loli o rokhasẹ khi Eshinegba ọ she ẹ mhesẹ shi ẹ egbe.

29 “Oghuo ọ fe lẹsẹ ya vule, ọ dọsẹ lo apfe oyi omose akama ya tsua li itsua vu. Ọa khi eri ọ kpẹ ya gẹ ọli shi eke? Ọ tigbe doḅẹ tsua li itsua owa?”

30 “Oni ọa da nu mhẹ la ne, eri ọ biselemhi mhẹ, ali khi oni ọa da nu mhẹ ti ẹ gbili ne, eri ọ miatse ku a.”*

31 Irarigho, mhi gueye ẹ khi, a ya ri olamhẹ ali ungmemhi ipfiunu-a nya topfa oḅbọ, ama aa ya tigbe ri ungmemhi ipfiunu-a ni a ngme deba Ayemhẹ-nọ-pfuase topfa oḅbọ.

32 A ya doḅẹ ro topfa onini ọ da pfi unu-a deba Omi Oḅbọ, ama aa ya ro topfa oni ọ da pfi unu-a deba Ayemhẹ-nọ-pfuase, elemhi agbọ ni a la memena, ghe agbọ ni o ke ẹ bhale.†

Udumhi ọra a te ẹ lẹsẹ ọra
(iLuk 6.43-45)

33 “Ri ẹloe khu ọara, o ya mo umomhi onete, ini u waa ri ẹloe khu ọara, o mo umomhi ni ọa ti. Irari khi umomhi oyi ọara a te ẹ lẹsẹ emini oni ọara o khi.‡

34 Sẹ ẹ ẹ ẹgbọ ebe ni a khọlọ abi enye afue, a liẹ ngme ungmemhi onete unu? Usamhi ni e vọ oḅbọ udu o rọli ẹ ẹ ngme ungmemhi rote unu lasele.§

35 Udu onete oḅbọ onete ọ te ẹ ngme ungmemhi onete lasele. Igho ungmemhi obe o li rote udu oyi oḅbọbe ẹ lasele.

36 Ama a lẹsẹ khi oḅbọoḅbọ ọ ya zono abi ọ li ngme ungmemhi afue unu lasele ogbele iso-ezo.

37 Irari khi ungmemhi unu oye a ro ya pfa ezọ ne, ungmemhi unu oye a gbo ro ya pfa ezọ mu ẹ.”

Irokhasẹ oyi ijona
(iMak 8.11-12; iLuk 11.29-32)

38 Igho ẹgbọ iFarisi ali esesẹ Ishi eyi iMosisi eghuo ẹ ẹ ijesu, “Osesẹ, ri ọlẹlẹ ọnyalao oghuo khase anye.”*

39 Ọ sọ wẹ ọ, ọọ, “Eẹ ẹgbọ okhọlọ ni aa ri igesikia ga Eshinegba.” Áá mhila mhẹ ọlẹlẹ ọnyalao? Oḅbokhoghuo ọa ya ri ọlẹlẹ okhoghuo khase ẹ, sẹ ni onabi a rokhasẹ oyi ijona omekẹguele.†

40 Irari khi abi ijona ọ li la elemhi oyi afele ogbele esẹ ẹle ọguota ali ẹle iyose, igho Omi Oḅbọ ọ li ya li la elemhi eke ogbele esẹ, ẹle ọguota ali ẹle iyose.‡

41 Egbọ iNineve e ya mu ezọ vule shi ẹ ẹgbọ agbhotu ona ọ ogbele iguezọ, irari khi e mu nyene abi ijona ọ ro tse abo ungmemhi oyi Eshinegba ye wẹ. Ama memena, oni ọ ga fu dọsẹ ijona ọ la akana, ama aa lama mu pfi.§

Abi ayemhẹ obe o liẹ kia
(iLuk 11.24-26)

42 Oghie-okpotso oyi eke iSheba ọ ya mu ezọ vule shi ẹ ẹgbọ agbhotu ona ọ ogbele iguezọ, ọ pfa ezọ mu wẹ. Itobọ khi ọọ rote obini odonuẹ bhale ya ri esọ

* 12:30 Li zẹ iMak 9.40 † 12:32 Li zẹ iLuk 12.10 ‡ 12:33 Li zẹ iMat 7.20; iLuk 6.44 § 12:34 Li zẹ iMat 3.7; 23.33; 15.18; iLuk 3.7; 6.45 * 12:38 Li zẹ iMat 16.1; iMak 8.11; iLuk 11.16 † 12:39 Li zẹ ijona 1.17–2.10; iMat 16.4; iMak 8.12 ‡ 12:40 Li zẹ ijona 1.17 § 12:41 Li zẹ ijona 3.5

kpɛ osɛɛ ilɛsingme oyi iSolomoni. Ama memena ɔni ɔ fu dɔɛ iSolomoni ɔ la akana, ama aa lama pfi esɔ shi ɔli ɔ.*

⁴³“Ini ayemhɛ ebe o rɔte ɔgbɔ egbe lasele, eri ɔ kpɛ je ekɛ okhakha ya dudu kia nono ashini ɔ je ya yemhɛ-a. Ama ini ɔa mɛ,

⁴⁴ɔ gueye egbɔli, ‘Mhi ya nyenɛ egbe ukhokho je owa ni mhi kpɛ te vu.’ Ini ɔ nyenɛ egbe bhale aghɔ ni ɔ rɔ ya ɛ khi aghɔ o gboo, khi asha kpa oo pfluase nguɛɛ.

⁴⁵Egheghe aghɔ, ɔ fiɛ je olase ya rue ayemhɛ ebe ishilua elese ni e khɔlɔ dɔɛ ɔli bhale ya lo aghɔ, e la aghɔ. Egheghe aghɔ, ikpukhokho oyi ɔni ɔgbɔ ɔghɔ o ke ya khɔlɔ dɔɛ abi o kpɛ li. Ighɔ o ya li ɛ egbe ɛɛ ɛgbɔ ɔkhɔlɔ ena.”

Inyɔ ifesu ali inyɔghuo ifesu
(iMak 3.31-35; iLuk 8.19-21)

⁴⁶Ifesu ɔ kie ghɔ nu eni ebubu ɛgbɔ ɔ ngme, inyɔli ali inyɔghuo ɔli e bhale. E migha olase, e nono ni wɛwɛ e nu ɔli ngme.

⁴⁷ɔgbɔghuo aghɔ, ɔɔ li, “Inyɛ ali inyɔghuo ɛ, e migha olase, ɛɛ nono ni wɛwɛ e nu ɛ ngme.”

⁴⁸Ifesu ɔ sɔli ɔ, ɔɔ, “Eghuo e khi inyemhɛ ali inyɔghuo-mhɛ?”

⁴⁹ɔ nise obɔ ghue eniyɛ odukhokho eyɔli, ɔɔ, “Enana e khi inyemhɛ ali inyɔghuo-mhɛ.

⁵⁰ɔnini ɔ da ri ungmehi oyi Itamhɛ na iloghie gbe akanya, lɔli ɔ khi inyɔghuo-mhɛ ɔni ɔmɔse ali ɔni ɔkpotso ali inyemhɛ.”

13

Okhɛ irɔkhokho oyi ɔghiale ni ɔ kpɛ ikpamhemhi
(iMak 4.1-9; iLuk 8.4-8)

¹Elɛ ni a ngme ena, ifesu ɔ fiɛ owa ya lase, ɔ shitɔ epfɛ okɛ oniɛmhi.

²Ebubu ɛgbɔ e le gasɛ ɔli ramhi ni ɔ rɔ vu ya lo ɔkɔ-okɛ oniɛmhi shitɔ, eni ɛgbɔ nya e migha egele oni okɛ oniɛmhi.*

³ɔ ri okhɛ irɔkhokho gue emhi ebubu u yɛ wɛ, ɔɔ wɛ, “A ghe i! ɔghiale ɔghuo ɔ je ishemhi ya ku ikpamhi emhi.

⁴Abi ɔ li i ku eni ikpamhi emhi eghɔ, eghuo ɔ e de kua epfɛ odɛ. Ipfeli e bhale ya sanɔ wɛ le.

⁵Eghuo ɔ, e de nga ukhomhi ɔkpegbhɛ, ni ɔa mhue ekɛ ni e bu. E nyanya zɛ. Ama itobɔ khi oni ekɛ ɔa mhue ɛlamhi ni e pfi imhili lo,

⁶ovɔ o gbolo wɛ-a. E khakha-a, irari khi ɛa mɛ asha pfi imhili lo ekɛ egbegbɔ.

⁷Ikpamhi eghuo ɔ, e de kulo ashini igba e la. Eni igba e zɛ, e tono wɛ gbolo-a.

⁸Ama ikpamhi eghuo, e de shi egbegbi ekɛ, e fu, e nyɛɛ ekhɛ. Eghuo e ri imɔmhi asha egbhueshe lasele, elese e ri asha egbhuesɛ lasele, enekpɔle, asha uye ali igbe. Egheghe aghɔ e ke ya bu dɔɛ emini a kpɛ rɔ kpɔ.

⁹A zɛ esɔ, a suɔ emini mhia gueye ɛ, ni a rɔli gbe akanya.”

Emini oni okhɛ irɔkhokho o migha shi
(iMak 4.10-12; iLuk 8.9-10)

¹⁰Eniyɛ odukhokho eyɔli e bhale deba li, e mhila li, “Elɔ o zɛ ni u rɔ ri okhɛ irɔkhokho ɔ sɛɛ eni ɛgbɔ?”

* **12:42** Li zɛ 1 Ighie 10.1-10; 2 Okhɛ 9.1-12

* **13:2** Li zɛ iLuk 5.1-3

11 Ijesu ọọ wẹ, a she mhọli ilẹşẹ oyi osheli abi Ẹshinegba ọ she mhọli omhẹşẹ shi ẹ egbe, ama a rọli sheli wẹ.

12 Ọnini ọ da kpẹ mhọli, a ya rọ ma ọ na li, ọ mhọli gbeku ọ. Ama ọni ọa mhue, a ya mie ọli oni ọ kpẹ mhue.†

13 Emini o zẹ ni mhi rọ ri okhẹ irọkhọkhọ nu wẹ ngme khi.
Ini e riẹ bino,

 ẹa ya mẹ eke,
ini e riẹ ri esọ shi eke,
 ọa ya lo wẹ esọ.

14 Lọli o zẹ khi ungmehi
ni ọmekẹguele Azaya
 ọ ngme o tşẹ shi wẹ egbe
 ni ọ la liẹ.

“A ya ri esọ shi eke khue,
ama ọa ya tigbe lo ẹ esọ,
 a fẹli ofeli khue,
 aa mẹ emhikhoghuo.

15 Udu oyẹwẹ o bi obili-a.
Itobo khi eri

 esọ eyẹwẹ e zuse,
 e gbo guese alo.
Ini ọa khi ighọ,
e kha ri alo eyẹwẹ
ke mẹ eke,
 esọ eyẹwẹ e kha suọ,
 udu oyẹwẹ o kha
 mhọli ilẹşingme,

ee kha mu pfi
bhale deba mhe,
 mhi rẹwẹ ze.”

“Eni ẹgbọ e ya ri esọ
 shi eke khue,
ama ọa ya tigbe lo wẹ esọ,
 e fẹli ofeli khue,
 ama ẹa mẹ emhikhoghuo.”‡

16 Ama oyẹẹ ọa khi ighọ. Á mẹ afa gba. A ri alo eye ẹ mẹ eke, a ri esọ eye ẹ suọ.

17 Abi o li mhi li gue ọli ye ẹ khi, emekẹguele ebubu ali ẹgbọ eyi Ẹshinegba ebubu, e li dua ini wẹwẹ e mẹ emini a mẹ ali ini wẹwẹ e suọ emini a suọ, ama ẹa dobe. §

Emini okhẹ irọkhọkhọ oyi oghiale o ngme

(iMak 4.13-20; iLuk 8.11-15)

18 Ijesu ọọ. “A ri esọ shi eke, ni e suọ emini oni okhẹ irọkhọkhọ o ngme.

19 Ọgbọ ni suọ ungmehi omhẹşẹ ni Ẹshinegba ọ mhọli shi agbọ oyi ẹgbọ, ni ọa lo ọli esọ ne, lọli ọ li abi ikpamhi emini e de kua epfẹ ode. Eri ọkphaghie ọọ bhale ya sanọ li wẹwẹ udu kua.

20 Eni e zẹ nga ukhomhi ọkpegbhe, eri e li abi ọgbọ ni ọ kha suọ ungmehi, ọ ga ri oghẹlẹ mie ọli.

† 13:12 Li zẹ iMat 25.29; iMak 4.25; iLuk 8.18; 19.26 ‡ 13:15 Li zẹ Aza 6.9-10 § 13:17 Li zẹ iLuk 10.23-24; iJon 8.56; iBuru 11.13; 1 iPit 1.10-12

²¹ Ama ɔa tiemhi ɔli udu, itobɔ igɔ, ɔa migha teɛ. Irarighɔ, ini ɔmunu o bhale ali ni a rɔ mu okhɔli vule shi ɔli ɔ shi itobɔ oni ungmehi, ɔ de oɔe a aghɔaghɔ.

²² Ikpamhi ni e zɛ shi ifu igba, wɛwɛ e li abi ɔgbɔ ni ɔ kha suɔ ungmehi oyi Eshinegba, inase-udu shi ingme agbɔ ali ɔghuɛmhɛ oyi ɛɸfue, e tono oni ungmehi abi igba, ɔa doɛ mɔ umɔmhi.*

²³ Ikpamhi ni e zɛ shi egbegbi eke, e li abi ɔgbɔ ni ɔ kha suɔ ungmehi oyi Eshinegba o lo ɔli esɔ. O mɔ umɔmhi. Eghuo e kha mɔ imɔmhi egbhuɛshe, elese mɔ egbhuɛshe, eghuo ɔ uye ali igbe.”

Okɛ irɔkhɔkhɔ oyi ebuli ɔfaghue ali ado

²⁴ Ijesu ɔ gbo zɛ okɛ irɔkhɔkhɔ olese khasɛ wɛ, ɔɔ wɛ, “Eri omhɛɛ oyi Eghiele oyi Eshinegba o li abi ɔmɔɛ ɔghuo ni ɔ kɔ ado enete shi ishemhi oyɔli.”

²⁵ Eɸiyɔɛ, khi ɛgbɔkpa e ya lese-a, ɔbe ɔli ɔ bhale ya kɔ ebuli ɔfaghue sɔlɔ shi ɔli ɔ, ɔ vu.

²⁶ Eni ado e zɛ khi e fu khi e ri itsagha lasele, eni ebuli ɔfaghue e li zɛ lasele.

²⁷ “Ighɔ eni ɛɛ ga eyi ɔni ɔmɔɛ e bhale ya gueye ɔli, ɛɛ ɔli, ‘Oga egbegbi ado ni u kɔ shi ishemhi oyɛ, ebuli ɔfaghue e nu wɛ zɛ lasele kia sɔlɔ shi wɛ?’”

²⁸ “Obe mhɛ ɔ riele ona.

“Eni ɛɛ ga e mhila li, ‘Wa a nono ni anye vuolo eni ebuli ɔ kua?’”

²⁹ Oɔ wɛ, Iiye! Irari khi ini a vuolo eni ebuli-a, a ya dɔ obɔ vuolo eni ado ma eni ebuli.

³⁰ A zɛ ni e ga fu kugbe ya ramhi eghɛghɛ ikhiɛɛ. Eghɛghɛ aghɔ, mhi ya gueye eni ɛɛ khiɛɛ, e kpɛ vuolo eni ebuli-a, e ge wɛ ikhuli, e toɛ wɛ-a, e tigbe khiɛɛ eni egbegbi ado shi aka na mhɛ.”

Okɛ irɔkhɔkhɔ oyi ukpamhi ɔara imɔsitadi

(iMak 4.30-32; iLuk 13.18-19)

³¹ Ijesu ɔ zɛ okɛ irɔkhɔkhɔ olese khasɛ wɛ. Oɔ wɛ, “Eri omhɛɛ ni Eshinegba ɔ mhɔli shi agbɔ oyi ɛgbɔ o li abi ukpamhi ɔara ni a lu imɔsitadi ni ɔmɔɛ ɔghuo ɔ rɔ ya kɔ ishemhi oyɔli.

³² Ukpamhi ɔli, o khi oghuo ikpamhi ɛɛra ni e shɛ nɛ nya, ama ini o fu vule, loɸi o ke fu dɔɛ emini a kɔ shi oni ishemhi nya. O mele ɔara oni ofunɛ a. Iɸfeli e bhale ya ku eko shi iguabɔ eyɔli.”

Okɛ irɔkhɔkhɔ oyi ifuma

(iLuk 13.20-21)

³³ Ijesu ɔ gbo zɛ okɛ irɔkhɔkhɔ olese khasɛ wɛ, ɔɔ wɛ, “Eri omhɛɛ ni Eshinegba ɔ mhɔli shi agbɔ oyi ɛgbɔ o li abi ifuma ni ɔkpotso ɔ rɔ ma ifulawa ni o bu wushe, ni o rɔli fuma shi ɔ.”†

³⁴ Okɛ irɔkhɔkhɔ ijesu ɔ rɔ gue ingme ena yɛwɛ. Oa tigbe gue ingme okhɔghuo yɛwɛ ni ɔa khi okɛ irɔkhɔkhɔ.

³⁵ Eri ona o ya tse shi ungmehi ni ɔmekɛguele ɔ ngme. Ni ɔɔ,
“Okɛ irɔkhɔkhɔ

mhi rɔ ya nu wɛ ngme.

Mhi ya gue ingme

ni a rɔte igbaekele

oyi agbɔ rɔ sheli yɛ wɛ.”‡

* **13:22** Li zɛ iMat 19.23; 1 iTimo 6.9-10,17 † **13:33** Li zɛ iLuk 13.20-21; iGal 5.9; iGbae 18.6 ‡ **13:35**
Li zɛ Iwolo 78.2

³⁶ Abi iJesu o ro ze eni ebubu egbo obo, ni o ro ya lo elemhi owa, niye odukhokho eyoli e bhale deba li. Ee oli, "Gueye anye emini okhe irokhokho oyi ebuli ofaghue ogho o ngme."

³⁷ IJesu oo, "Ogbo ni o ri eni egbegbi ikpamhi emhi ekomhi ko, o khi Omi Ogbo."

³⁸ Oni ishemhi o khi oni agbo ona, eni ikpamhi ado enete egho e khi egbo ni e ya ri egbewe na Eghiele oyi Eshinegba. Eni ebuli ofaghue e khi egbo eyi Okphaghie.

³⁹ Okphaghie o khi Obe ni o ri eni ebuli ko ifu ishemhi. Oni eghenge ikhiese o khi ikpukhokho agbo, eni eni ee ga egho e khi igeni eyi Eshinegba.

⁴⁰ "Ezeze abi a li ti eni ebuli gbili tose-a egho, igbo ikpukhokho agbo o ya li.

⁴¹ Omi Ogbo o ya ghie igeni eyoli ya wolof egbo ni e yese egbo pfido ali eni e li okholo elemhi eghiele oyoli lasele.

⁴² A ya pfi we kulo elemhi avuere, agho egbo e la ya ke vie e le ako ako.

⁴³ Eghenge agho egbo eyi Eshinegba e ya ke ge abi ovo elemhi agbo onogbo oyi Eshinegba. A mholi eso, a suo emini mhia gueye e ni a roli gbe akanya."

Okhe irokhokho oyi epfue ni a ro sheli

⁴⁴ "Eri omhese ni Eshinegba o mholi shi agbo oyi egbo o li abi epfue ni a ro sheli ifui ishemhi, ni omose o tonok eke me rue, ni o nyanya gbo roli sheli. Egbe e mu oli, o ya ri emini o mholi nya de, o ya de oni ishemhi ogho.

⁴⁵ "Eri omhese ni Eshinegba o mholi shi agbo oyi egbo o li abi omose ni o nono ugbhe-ema.

⁴⁶ Ini o me oni o lo mu eloe, o je apfe ya ri emini o mholi nya de, o de oli.

Okhe irokhokho oyi aga

⁴⁷ "Eri omhese ni Eshinegba mholi shi agbo oyi egbo o gbo li abi aga ni egbifele e pfi lo oko oniemi ni o khishi, e muno ifele ododa.

⁴⁸ Abi oni aga o ro vo, e ti oli ngale egele. Igbo, e shito e sano ifele eni e khi egbewe o kulo ughughu, e tsua eni ea ti kua.

⁴⁹ Igbo o ya li ogbele ni o kpe ukhokho. Igeni eyi Eshinegba e ya sano egbo okholo ifuabo egbo eni e pfuase lasele.

⁵⁰ E pfi egbo okholo egho kulo owa ere, ni e la ke vie, ee le ako ako.

⁵¹ "Eni ingmemhi ena nya e she lo e eso?" Ee oli, "Ii."

⁵² Oo we, "Irarigho, eri osese ushi nya ni o mele omo odukhokho-a, ni o da mie Eghiele oyi Eshinegba shi udu, o li abi ogbo ni o mholi owa, ni o rote elemhi owa ni o ri itsua shi e rue epfue onogbo ali onodiok lasele."

Edeli eyi iJesu e kie oli

(iMak 6.1-6; iLuk 4.16-30)

⁵³ Abi iJesu o ro ze eni okhe irokhokho ena se, O lase agho le.

⁵⁴ O nyene egbe je eoli oyoli. O la owa ugamhi sese, egbo ni e suo oli, abo e sha we. E mhila, e lie, "Obo o te mhue ilasingme enana, obo o te me ikanya oshabo ena a gbe?"

⁵⁵ "Oa she khi omi ikapita na? Oa khi iMeli o khi inyoli, iJemhisi ali iJosefu ali iSamo ali iJudasi ea she khi inyoghuo oli?"

⁵⁶ Ena ea khi inyoghuo oli eni ikpotso ni e ga nu awa la ana ena? Mhie, Obo o te me enana nya?"

⁵⁷ Irarigho, o ri elemhi bi we. §

Igho iJesu oƆ wẹ, “Aa me ashini aa la mu ekpe na omekeguele, se ni apfe oyoli ali unuekpe oyoli tse aa la mu ekpe na li.”

⁵⁸ Itobɔ khi ɛa mhuɛ irudunga, ɔa la agho gbe ikanya onyaloa ni e bu.

14

Eghuli oyi iƆni Oni oƆ batazi
(iMak 6.14-29; iLuk 9.7-9)

¹ Eghɛghɛ agho, Erodu oghie ekɛ iGalili o suɔ eko iJesu.

² O gueye eni ɛ ga li, oƆ, “IƆni Oni oƆ batazi na, ni o nyene egbe bhale agbo. Loli o ze ni o ro ligho mholi afu ro o gbe ikanya onyaloa enana.”

³ Irari khi Erodu o ke kpe ghie ya mu iƆni. OƆ, a ri iwɛghɛ gɛ ɔli, a mu ɔli pfilo owa ighumha shi itobɔ ingme oyi Erodiashi ughue iFilipu inyoghuo oni Erodu.

⁴ Eri iƆni o ke gueye Erodu khi ushi oyi egbo iJu ɔa lama shi o ni o ro rue ughue inyoghuo ɔli iFilipu shi.*†

⁵ Oni eghɛghɛ Erodu o nono ni loli gbe iƆni-a shi oni ingme, ama ulishi oyi egbo iJu oo mu ɔli irari khi o lese khi egbo kpa e lese khi omekeguele iƆni o khi.

⁶ Ama, ɛle ni Erodu o ghele shi ogbele ni a ro bia li, omi Erodiashi o gbe ishimhi khasɛ wɛ ni o ri egbe mu oni Erodu dose.

⁷ O ri oni Erodu romhi ishe, o neta omose gueye oni omueshi khi loli ya ri emiemini o mhila luɛ na li.

⁸ Igho inyoli o ya sese oni omueshi, o ka gueye itali o khi iƆni ukhomhi shi ukpeko na luɛ.

⁹ Abi o ro ngme ɔli gho, egbe pfo oni oghie-a. Ama irari ishe ni o romhi ali apfɔli ni e nu ɔli shito, oƆ a ri emini o mhila na li.

¹⁰ Igho o ghie ya khi iƆni ukhomhi o elemhi owa ighumha.

¹¹ A khi oni ukhomhi shi ukpeko a ri ɔli na oni omueshi, oni omueshi o tsua li ghi inyoli.

¹² Eniye odukhokho eyi iƆni e bhale ya tsua ekuli oyoli ro ya to. E vu ya gueye iJesu.

IJesu o ri eminale na egbo agbele ishe le
(iMak 6.30-44; iLuk 9.10-17; iƆn 6.1-14)

¹³ Abi iJesu o ro suɔ emini a me, o fiɛ agho lase. O lo oko-okɛ oniɛmhi je asha ni o da-ya ya shito. Abi eni egbo e ro suɔ ona e ri awe kia le deba li.

¹⁴ Abi iJesu o rote oni oko-okɛ oniɛmhi fiɛ lase, ni o ro me eni ebubu egbo egho, elemhi wɛ e ala li, eni ɛa ze, o re wɛ ze.

¹⁵ Ogbomhi o mu ekɛ, eniye odukhokho e bhale, ɛɛ ɔli, “Waa ke ze egbo ena ke je, irari khi oola o nuata shi apfe, ni e je ifu ɔli ya de emhi le.”

¹⁶ IJesu oƆ wɛ, “Oa ti ni e ligho vu tse, a nono eminale na wɛ le.”

¹⁷ Eɛ iJesu, “Ibulɛdi ishe ali ifele ava e khi emini awa lese mhuɛ shi ana.”

¹⁸ IJesu oƆ wɛ, “A rue wɛ bhale ghi mhe ghue.”

¹⁹ OƆ, ogbogbo o shito ukhomhi ebuli. O rue eni ifele ava ali ibulɛdi ishe egho, o tsua wɛ idane o ri ikpɛmhi na Eshinegba. O kholo eni ibulɛdi-a, o re wɛ na eniye odukhokho eyoli. Eni eniye odukhokho eyoli e kemhi wɛ na wɛ.

²⁰ Ogbogbo o le, o khue, e kpole. Igho eniye odukhokho eyoli e sanɔ eni e kpole vo ighughu igbeva tsululu.

²¹ Emose agbele ishe (5,0000) e le eni eminale, ini aa leli ikpotso ali eniye ma o.

* **14:4** Li ze iLev 18.16; 20.21 † **14:4** Li ze iLuk 3.19-20

*Ijesu o la ukhomhi oke kia**(iMak 6.45-52; iJon 6.15-21)*

²² Aghoaghō iJesu o gueye eniye odukhokho eyoli e lo oko-okē da je ukiēkie oke obini o kpole, o gueye eni ebubu egbo, ogbogbo o ke je.

²³ O vese eni egbo kua se, o je ukhomhi ute ya so iromhi. Ogbomhi o mu eke, ijesu lolighuo o kie la oobo.

²⁴ Eghēghē ni a ngme ena, oni oko-okē o she rote eke lo oni oke kia nuata. Igho akpekpeli oniēmhi oo zughuse oni oke, ni o tsua oni oko-okē ya nga ya tiemhi.

²⁵ Ele uzogbe neni ogbe o gbe-a, iJesu bhale deba we, o la oni ukhomhi oke e kia.

²⁶ Abi eni eniye odukhokho e ro me oli khi o la ukhomhi oni oke e kia, e yila. E tseṣe, e lie, “Ayemhe olimi lo!”

²⁷ Ijesu o nyanya nu we ngme, oo, “A mhōli udu, mhēmhe lo, a khi ke na ulishi.”

²⁸ iPita oo, “Onomhue ini yeye lo igesikia, weṣe mhe mhi bhale debē oni ukhomhi oke.”

²⁹ Ijesu oo li, “Bhale.” Igho iPita o fiē oni oko-okē lasele, oo kia ukhomhi oke, oo le deba ijesu.

³⁰ Ama abi o ke ro me abi oni ukpokpomhi akpekpeli o li pfiolo, ulishi o mu oli, oo tiemhi elemhi oni oke. O tseṣe, oo, “Onomhue tsumhi mhe!”

³¹ Igho ijesu o nise obo-a o mu oli. Oo li, “Elo o ze ni irudunga oye o ro na she. Elo o ze ni u ro mhue akhokhomhe?”

³² Igho e ga ya lo elemhi oni oko-okē, oni akpekpeli o pfomhe.

³³ Igho eniye odukhokho eyoli e nyese ukhomhi na li eṣe oli, “Igesikia lo khi, Omi Eshinegba u khi.”

*Ijesu o la iGenesareti ri oni oo ghua ze**(iMak 6.53-56)*

³⁴ Abi e ke ro da oni oke ni o khishi, e bhale eke iGenesareti.

³⁵ Abi egbo ni e la oni eke e ro lese khi ijesu lo, e ghie ghi egbo ni e la eoli i kia gasē oni eoli nya. Egbo e tsua egbo eyewe nya ni eṣe ghua ghi oli.

³⁶ E lema li o kpekpē o lese ze ni eni e ghua e ri obo ti esō awulu ni o so. Egbo nya ni e ri obo ti oli, e ze.

15*Oseṣe ipfuase na ekelemhi**(iMak 7.1-13)*

¹ Igho egbo iFarisi ali eseṣe Ishi eyi iMosisi eghuo e te iJerusalemu bhale ya mhila ijesu, eṣe,

² “Elo o ze khi eniye odukhokho eye ea ya ri oseṣe ni ititawa e ro shi eke gbe akanya? Ea ya kpe abo-a neni e le eminale!”

³ Ijesu oo we, “Elo o ze ni a ro ri itobo ushi oyeṣe gbe ushi oyi Eshinegba-a?”

⁴ Irari khi Eshinegba oo lie, ‘Ogbo o ke ri eke na itali ali inyoli,’ ali khi, ‘Onini o da ku itse na itali okekhi inyoli ne, a gbe oli-a.’*

⁵ Ama abi eṣe a ke ngme khi, ini ogbo o mhōli ikpagho ni o kha ro na itali okekhi inyoli, ni o ke ro lie khi eni ikpagho egbo khi lolu mu udu pfi, khi Eshinegba lolu ke ri eni ikpagho ya na.

⁶ Khi o gue kia ini o ke ri eke na itali ali inyoli. Ina a li ri elo e gbe ushi oyi Eshinegba ni a ba me asha ke deba oseṣe oye e.

* 15:4 Li ze Okiali 20.12; 21.17; iLev 20.9; iDeut 5.16

7 Eẹ e ri ugamhi ku alo! Azaya Ọmekeguele ọ kpẹ lina ngme ọli shi ẹ egbe ni ọ rẹ,

8 “Eni ẹgbọ ena, unu e rọ mu ekpẹ ẹ na mhe, ama udu oyewẹ o nuata shi mhe ọ.

9 Afuẹ e mema ga mhe, irari khi osesẹ oyi ẹgbọ ẹẹ sesẹ ẹgbọ, abine khi ishi eyemhe lo.”†

Emini e ri ogbo ọọ khi oni ọa pfuase
(iMak 7.14-23)

10 Ijesu ọ lu ẹgbọ ni e legba, ọọ wẹ, “A ri esọ shi mhe ekẹ, ni a mhue ilẹsingme.

11 Ọa khi emini ogbo ọ rọte unu le tiemhi elemhi e rọli ẹ khi oni ọa pfuase, ama emini e te ọli unu ya fiẹ e ri ogbo khi oni ọa pfuase.”

12 Igho eniye odukhokho eyọli e bhale deba li e mhila li, ẹẹ ọli, “U li lẹsẹ khi ingmemhi ni u ngme amo khi, o ri elemhi ẹ bi ẹgbọ iFarisi?”

13 Ijesu ọọ wẹ, “Ọara ni Itamhe na iloghie ọa da rọ ko ne, a ya vu ọli ekẹ-a.”

14 A khi zẹ ni ingme oyewẹ o nase ẹ udu. Ezalo ni eri ezalo ẹ kia e khi. Ini ọzalo ọ mu ọzalo ọnabi lọli obọ rọ ọ kia, eri wewẹ ava e ga de ya pfilo atekẹ.‡

15 IPita ọọ iJesu, “Gueye anye abi oni okhe irọkhokho ena e ngme.”

16 Ijesu ọọ wẹ “Aa kie lẹsẹ emini mhia ngme?”

17 A lẹsẹ khi emini o da te unu ya tiemhi elemhi khi eri a ne ọli ẹ kua?

18 Ama emini o da te unu lasele ne, elemhi udu o te lasele. Ena e khi emini e dobe ri ogbo ọ khi oni ọa pfuase.§

19 Irari khi elemhi udu isamhi ebe e te ẹ lasele. Usamhi abi a liẹ gbe ugbeli, ali abi a liẹ kia okia, abi liẹ do ighiatọ ni a rọ na eta ali iku itsebọ ali iyese ogbo-a, ali ni a rọ ọ pfi ọtsele ẹgbhue.*

20 Emhi enana e ri ogbo ọ khi oni ọa pfuase. Ama ini ogbo ọ le eminale ni ọa rọ kpe abọ, ọa ri ogbo khi oni ọa pfuase.

Irudunga oyi ọkpotoso ọngi iKena
(iMak 7.24-30)

21 Ijesu ọ te aghọ vu, ọ bhale ekẹ iTai ali iSidọni.

22 Ọkpotoso ọngi iKena ni ọ la ukiẹkiẹ ekẹ ogbo ọ bhale deba iJesu ọ lema li, ọọ li, “Ọnọmhue Omi iDefidi kpekpe mhọli ilẹlemhi na mhe. Omimhe ni ọmueshi ọ mhue ayemhe ọkphaghie. Oo ze mu ọli gba memena.”

23 Ama iJesu ọa sọ ọli ọ. Eniye odukhokho eyi iJesu, ẹ iJesu ọ khu oni ọkpotoso khi ọọ kpe okeke deba ewẹ.

24 Ijesu ọọ wẹ, “Isumha eyi iZireni ni e waa, a ghie mhe ghi tse.”

25 Oni ọkpotoso ọ suọ ona, ọ bhale ya de wugha odalo oyi iJesu, ọọ li, “Ọnọmhue kpekpe kpaghie mhe obọ.”

26 Ijesu ọọ li, “Ọa ti ni a rue eminale oyi eniye pfi ghi ewa.”

27 Oni ọkpotoso ọọ, “Igho lọ guẹguẹguẹ, Ọnọmhue. Ama ewa ẹẹ le eminale ni o rọte ukhomhi itebu oyi oni ọ mhọli wẹ de kua ekẹ.”

28 Ijesu ọọ oni ọkpotoso, “Egbegbo u mhue irudunga, a ya ri emini u nono ne.” Aghoaghọ omi ọli ọ ze.

29 Ijesu ọ te aghọ vu, ọ rọte okẹ oniẹmhi iGalili lẹ. Ọ nga ukhomhi ute ya shito.

† 15:9 Li zẹ Aza 29.13 ‡ 15:14 Li zẹ iLuk 6.39 § 15:18 Li zẹ iMat 12.34 * 15:19 Li zẹ iGal 5.19-21; 1 iKọri 6.9-10; iRom 14.14

³⁰ Ebubu ẹgbọ e bhale deba li aghọ, e tsua ẹgbọ ni e guoḡhọ awẹ-a, ali eni e zẹ alo ali eni e le esọ, ali eni e ki shi, ali ingmenu ali ebubu ẹgbọ ni e mhue ighuamhi oḡoda bhale ya shi ufuẹḡe oyi iJesu. O ri wẹwẹ nya ze.

³¹ Abọ e sha ẹgbọ abi e rọ mẹ khi ingmenu ee ngme, ẹgbọ ni e guoḡhọ a, e vule kia, eni e zẹ alo e mẹ eke, ighọ, ee kuẹghie Ẹshinegba oyi iZireni.

Ijesu o ri eminale na ẹgbọ agbeḡe ene le

(iMak 8.1-10)

³² Ijesu o lu eniye odukhokho eyoli, oḡ wẹ, “Elemhi ẹgbọ ena e ga lala mhe irari khi ele-esẹ na ni e te nu mhe la akana. E a mẹ eminale le. Mhi aa nono ni mhi gueye wẹ e ri elemhi ofue ke je, ini ubi o khi rue wẹ shi ode.”

³³ Eniye odukhokho eyoli e mhila li, “Obo a te ya mẹ eminale ni ebubu ẹgbọ ena e ya le ifu oyemhi ni awa la ena?”

³⁴ Ijesu o mhila wẹ, “Ibulẹdi ingme a mhọli shi aghọ?”

E o li “Iruli ishilua ali ikuku ifele.”

³⁵ Ighọ iJesu oḡ eni ẹgbọ e shito ekeke.

³⁶ Ighọ o rue eni ibulẹdi eghọ ali eni ifele o kphemhi na Ẹshinegba shi o. O khi wẹ a, o rewe na eniye odukhokho eyoli e kemhi wẹ na eni ẹgbọ.

³⁷ Ogbokpa o le, o khue. Eniye odukhokho eyoli e sanọ eni e le kpole shi ighughu ishilua e vọ tsuulu.

³⁸ Emose agbeḡe ene 4,000 e le eni eminale. Ini oḡbọ o a leli ikpotso ali eniye ma o.

³⁹ Ijesu o vese eni ebubu ẹgbọ kua se, o lo oḡo-okẹ oniemhi je ukiẹkie eke iMagidaleni.

16

E mhila iJesu o ri oḡele khasẹ ewe

(iMak 8.11-13; iLuk 12.54-56)

¹ Ẹgbọ iFarisi ali iSadusi eghuo e bhale deba iJesu e ya mu o li fe. E mhila li o ri oḡele ni o te iloghie bhale khasẹ wẹ.*

² Ijesu oḡ wẹ, “Ini ogbomhi oḡ mu eke, a guele khi, ‘Ogbe-namo o ma ti irari khi idane o yile-a.’

³ Ele uzogbe, a guele khi, ‘Ame o ya rue amo irari khi idane oḡ yile, o gbo bishi-a.’ A gue bino irarogbe guele abi ogbe o ya li, ama aa doḡe e guele emini eghẹghẹ ni a la memena o ngme.

⁴ Ee ẹgbọ ebe na agbhotu ona ni aa ri igesikia ga Ẹshinegba! A mhila mhe oḡele? Aa ya ri okhoghuo khasẹ e, se ni onayi iJona omekeḡuele.”†

Ighọ iJesu o pfi wẹ shi aghọ vu.

Oyese oyi ẹgbọ iFarisi ali iSadusi

(iMak 8.14-21)

⁵ Abi eniye odukhokho eyoli e rọ da oni oke oniemhi ni o khi shi je egele ukiẹkie obini o kpole se, e sato khi wẹwẹ ẹa yelele tsua ibulẹdi.

⁶ Ijesu oḡ wẹ a mhue ẹgbhe e shi angeli oyi ẹgbọ iFarisi ali iSadusi ni o li abi afuma oyi oyese.‡

⁷ Eni eniye odukhokho e nu egbewẹ ngme o li khi itobọ khi wẹwẹ ẹa tsua ibulẹdi bhale iJesu o rọ ngme ona.

⁸ Ijesu o suọ emini e ngme, oḡ wẹ, “Eni ẹa mhọli irudunga ena, elo o zẹ ni a rọ gue ẹzọ eminale?”

* 16:1 Li zẹ iMat 12.38; iLuk 11.16 † 16:4 Li zẹ iMat 12.39; iLuk 11.29 ‡ 16:6 Li zẹ iLuk 12.1

9 Aa kie leşe ingme? Aa sato abi mhi rọ kemhi ibuleđi ishe na ẹgbọ agbele ishe, ighughu ingme a sanọ eni e le kpọle vọ?[§]

10 Ali ibuleđi ishilia ni mhi rọ na ẹgbọ agbele ene le, ighughu ingme a sanọ eni e le kpọle vọ?^{*}

11 Elo o ze khi aa kie leşe khi ọa khi ingme ibuleđi mhi nu ẹ gue? Ama, mhiẹ a mu egbe ẹ shi oyese oyi ẹgbọ iFarisi ali iSadusi ni o li abi ifuma.”

12 Lọli eniyẹ odukhokho eyọli e rọ tigbe leşe khi, ọa khi ingme ifuma ni a rọ nye ibuleđi o nu we ngme ẹ shi, ama ingme oseşe ẹgbọli oyi ẹgbọ iFarisi ali iSadusi ọọ ngme.

IPita ọ guele ọni iJesu ọ khi

(iMak 8.27-30; iLuk 9.18-21)

13 Abi iJesu ọ rọ bhale eke iSizeria iFilipi, ọ mhila eniyẹ odukhokho eyọli, ọọ we, “Oghuo ẹgbọ e famhi ẹ lie khi Omi Ogbọ ọ khi?”

14 Eẹ iJesu, “Eri ẹgbọ eghuo ẹ khi iJoni Oni ọọ batazi ẹgbọ u khi, eghuo ẹ lu ẹ, Elaja, eghuo ọ ẹ khi, iJeremaya u khi, eghuo ẹ khi, ọoghuo emekeguele u khi.”[†]

15 IJesu ọọ we, “Eẹ oye ẹ, oghuo ẹ khi mhi khi?”

16 ISamọ iPita ọ rọ ọli, “Yeşe u khi ọni iKirisiti Omi Eshinegba ni ọ la ọ.”[‡]

17 IJesu ọọ li, “Oni a khi vọşe na u khi, iSamọ omi iJona. Ọa khi ọgbọ ọ ri igesikia ona khasẹ ẹ, obọ oyi Itamhe na iloghie o te bhale.

18 Mhi gueye, yeşe iPita, (ni u khi eche). Oni ungemhi ni u ngme ena mhi ya ma Igbaa oyemhe ni e mie mhe suọ nga, ekpabọ oyi eghuli ọa dobe ya mu ọli ọ le.

19 Mhi ya rue okpe oyi eghiele oyi Eshinegba ne, emiemini u waa da lama shi elemhi agbọ ona ne, Eshinegba ọa ya li lama shi ọ obini iloghie, emini u da lama shi elemhi agbọ ona ne, ọ ya lama shi ọ obini iloghie.”[§]

20 IJesu ọ gueye eniyẹ odukhokho eyọli e khi gueye ẹgbọ khi lọli khi ọni iKirisiti.

IJesu ọ gue ingme eghuli oyọli le shi eke

(iMak 8.31–9.1; iLuk 9.22-27)

21 Rọte egehege agho vu iJesu ọ te gueye eniyẹ odukhokho eyọli, ọọ, lie, “Mhi mema ya je eke iJerusalemu ni mhi la ya me osoli ebubu abọ eyi eni egbhali ali ighie eyi ekpodalo-ugamhi ali eseşe Ishi eyi iMosisi. A mema ya gbe mhe-a, ama ele nuzi-ese a ya guise mhe le bhale agbọ.”

22 Ighọ iPita ọ lu ọli fie je olase ọ lie ọli ọ khi ke gbo ngme ghọ, “Eshinegba ọ bighi ọli ku a, oghọ ọa ya tse shi ẹ egbe!”

23 IJesu ọ mu egbe pfi ọọ iPita, “Vu mhe ana, okphaghie! Ozuode u khi shi mhe ọ, irari khi waa ya sa isamhi ni e rọte obọ oyi Eshinegba bhale, ama usamhi oyi agbọ.”

24 Ighọ iJesu ọ gueye eniyẹ odukhokho eyọli, ọọ we, “Ini ọgbọ ọ da nono ni lọli deba mhe ne ọ mema ya kie egbọli ọ tsua apfida oyọli ọọ deba mhe.”^{*}

25 Irari khi ọgbọ ni ọ da dua ni lọli tsumhi ayemhe oyọli ne, agbọ onabi oyi Eshinegba o ya de ọli obọ-a, ama ọgbọ ni ọ da ri itobọ oyemhe rue ayemhe oyọli pfi-a ne, ọ ya tsumhi ọli.[†]

26 Ighẹ eleli ni ọgbọ ọ ya me ini ọ le ugu agbọ ona nya, ni ayemhe oyọli o rọ de ọli obọ-a? Abi khi elo ọgbọ ọ dobe rọ ya fali ota rọ to ayemhe oyọli.

§ 16:9 Li ze iMat 14.17-21 * 16:10 Li ze iMat 15.34-38 † 16:14 Li ze iMat 14.1-2; iMak 6.14-15; iLuk 9.7-8 ‡ 16:16 Li ze iJon 6.68-69 § 16:19 Li ze iMat 18.18; iJon 20.23 * 16:24 Li ze iMat 10.38; iLuk 14.27 † 16:25 Li ze iMat 10.39; iLuk 17.33; iJon 12.25

27 Irari khi Omi Ọgbọ ọ ya bhale elemhi ufumhi oyi Eshinẹgba lọli ali iḡeni eyoli, eḡheḡhe agho ọ ya ri eleli na ọgbogbo abi o li gbe.‡

28 Mhi gueye ẹ khi ẹgbọ eghuo e la ana memena ni ẹa ya ghu ne, ni e rọ ya mẹ khi Omi Ọgbọ ọọ bhale abi oghie.”

17

Imamachi oyi iJesu

(iMak 9.2-13; iLuk 9.28-36)

1 Ogbẹ-esea o dọse se, iJesu ọ rue iPita ali iJemhisi ali iJoni ikhi inyoghuo iJemhisi, weweghuo kpe e ya nga ukhomhi ute ni o yagha.

2 Ọ la agho mu mela-a ukpelo e wẹ. Alo eyoli e ḡe abi ovọ, itsua ni ọ so e ḡe abi ákpá.

3 O li denẹ, ghe khẹ, e mẹ khi iMosisi ali Elaja khi e nu iJesu ẹ ngme.

4 Igho iPita ọọ iJesu, “Onomhue, o ma ḡe ti khi anye la ana! Ini o ḡhọle ẹ, mhi ya to okhọlo ese, oghuo ọ o khi o ye, olese ọ o khi oyi iMosisi, onokpọle o khi oyi Elaja.”

5 Abi ọ kie li ngme, igho otughunu ni o ḡe nyanyanya o bhale ya khukhu wẹ-a. E suọ khi uruli o rọte oni otughunu liẹ, “Omimhe ni mhi nono ingme oyoli na, ni ọ ri egbe ẹ mu mhe. A suọ emini ọ gueye ẹ.”*†

6 Abi eni eniye odukhokho e rọ suọ ona, e de yeshi ta alo rughu, ulishi oo mu wẹ.

7 Igho iJesu ọ bhale ya ri obọ ti wẹ, ọọ wẹ, “A vule, a khi ke zẹ ni ulishi o mu e.”

8 Abi e ke rọ yase alo eke, ẹa ke mẹ ọgbokhoghuo agho se ni iJesu lolighuo kpe.

9 Abi e rọ tiemhi oni ute le, iJesu ọ tse agua ye wẹ, ọọ. “A khi gueye ọgbokhoghuo emini a mẹ, ini aa li rọte eghuli guise Omi Ọgbọ le.”

10 Eni eniye odukhokho eyoli e mhila li, ẹẹ, “Elọ o zẹ khi esese Ishi eyi iMosisi ẹ liẹ khi Elaja ọ mema kpe ya bhale?”‡

11 IJesu ọọ wẹ, “Elaja ọ mema kpe ya te ode bhale ya mu egbe emhikpa shi eke.

12 Ama mhi gue ẹ ye ẹ khi Elaja ọ she bhale ama ẹgbọ ẹa lama khi lọli ọ khi, e li ọli abi o ḡhọle wẹ. Igho e ya li na Omi Ọgbọ osoli.”§

13 Igho eniye odukhokho eyoli e tigbe lese khi ingme oyi iJoni Ọni ọọ batazi ẹgbọ ọọ ngme.

IJesu ọ ri omọ ze

(iMak 9.14-29; iLuk 9.37-43a)

14 Abi e rọ nyene egbe bhale deba eni ebubu ẹgbọ, omose oghuo ọ bhale ya wugha odalo oyi iJesu.

15 Ọọ, “Onomhue, kpekpe le elemhi omi mhe ni ọ mhue ughuamhi ni ọ mu ọgbọ pfi gbe. O ma nase ọli gba. Isheghuo o mu ọli ẹ pfilo erali, ishaghuo o de pfilo oke.

16 Eri mhi rue ọli ghi eniye odukhokho eye, ẹa dobe roli ze.”

17 IJesu ọọ, “Ashi mhi beshi ri abọ mu udu na ẹ ya ramhi, ẹẹ ẹgbọ ni ẹa mhue irudunga ali iwali ẹgbọ, ẹle ingme mhi ke beshi ri abọ mu udu na ẹ ya ramhi? A rue oni omọ ghi mhe ana.”

‡ 16:27 Li zẹ iMat 25.31; Iwolo 62.12; iRom 2.6 * 17:5 Li zẹ Iḡbae 22.2; iḡeṭ 18.15; Iwolo 2.7; Aza 42.1; iMat 3.17; 12.18; iMak 1.11; iLuk 3.22 † 17:5 Li zẹ iPit 1.17-18 ‡ 17:10 Li zẹ iMala 4.5 § 17:12 Li zẹ iMat 11.14

¹⁸ Igho iJesu o mhese na oni ayemhe okphaghe ogho, o te oli egbe fie ya lase, oni omo o ze aghoagho.

¹⁹ Igho eniye odukhokho e bhale deba iJesu abi o ro kpe lolighuo le, e mhila li, ee oli. “Elo o fe ze khi anye ea dobe khu oni ayemhe okphaghe ya lase?”

²⁰ IJesu oo we, “Itobo khi irudunga oye e oo she lo. Mhi gueye e khi ini a mhu e irudunga ni o she abi ukpamhi qara imositadi, a ya dobe gueye ute ona, ee oli, ‘Vu ana lasele je oobo.’ O ligho ne abi u ngme. Aa me emini qa ya ze e ke li.”

²¹ [Ama ode ni a te dobe khu ayemhe obe onana fie lase khi, ode iromhi isoso ali azumhi ipfifi.]*

IJesu o gbo gue ingme eghuli oyoli le shi eke

(iMak 9.30-32; iLuk 9.43b-45)

²² Abi eniye odukhokho eyoli e ro bhale iGalili, iJesu oo we, “Egheghe o she ramhi ni a ro ya ri Omi Ogho na egbo de.

²³ E ya gbe oli-a, ama elenuzi-ese a ya guise oli le bhale agbo.” Oni ungmehi o ri egbe pfo we-a.

E mhila iJesu oga oyi Owa ugamhi

²⁴ Abi iJesu ali eniye odukhokho eyoli e ro nyene egbe jele iKapanomu, emionoga na Owa oyi Eshinegba e bhale deba iPita, e mhila li, “Ose se oye e o li fe ze oga oyi Owa oyi Eshinegba?”†

²⁵ IPita oo we, “Ee.”

Abi iPita o ro lo elemhi owa le ya mhila iJesu, iJesu o kpe ngme. Oo, “ISamo, eghuo u fe sa khi enighie ena agbo ona e famhie mie oga? Emo-ek e abi epfese?”

²⁶ IPita oo, “Epfese.”

IJesu o li, “O ti sho! Ogho o rokhase khi omo eke qa khi oni oo ze oga.”

²⁷ “Ama ini awa khi lue na we, je oke ya pfi ugba oye pfilo. Afele ni u tode ya mu, khueghie oli unu-a, u ya me oli ukpagho unu rue. Rue oli ni u roli ya ze oni oga oyemhe ali oye.”

18

Oghuo o fune shi Eghiele oyi Eshinegba

(iMak 9.33-37; iLuk 9.46-48)

¹ Egheghe agho, eni eniye odukhokho e bhale deba iJesu, e mhila li, “Oghuo o fe fune shi Eghiele oyi Eshinegba?”*

² Igho iJesu o lu ukuku omo bhale migha we odalo.

³ Oo we, “Abi o li mhi li gue oli e ye e, khi, ini aa li mu pfi ni a li abi ikuku eniye, aa ya lo Eghiele oyi Eshinegba.†

⁴ Ogho ni o ga fune shi Eghiele oyi Eshinegba khi, oni o ri egboli tiemhile abi ukuku omo onana.

⁵ “Onini o da ri irari eva oyemhe mie omo onana ne, mheme o mie.

⁶ Ama ini ogbokhoghuo o yese enana ni e mie mhe suo pfido, ini a bie mu iko zu ogbo oghogh o uruli tsua pfilo elemhi oke oniemhi, o ti ne.

⁷ “O maa kholo mu egbo ni e yese egbo o lamhe. Ogho qa dobe ya na pfue imufe oyi olamhe. Ama o ma kholo egbo ni e ze khi a me eni imufe eghogh o egbe.

* **17:21** Li ze iMat 21.21; iMak 11.23; 1 iKori 13.2 † **17:24** Li ze Okiali 30.13; 38.26 * **18:1** Li ze iLuk 22.24 † **18:3** Li ze iMak 10.15; iLuk 18.17; 1 iPit 2.2

⁸ Ini obọ oye, okekhi owe oye, o ze ni u lamhe, khi ọli pfi-a. Irari khi o ti ne ini ogbo ọ khi okhomhi ya lo agbo na agboagbo, ni abọ ali awe e gba pfo nali ya lo owa ere.‡

⁹ Ini o khia khi eloe oye o ze e lamhe, vuonyo li pfi-a. O ti ne u ri ukpeloe oghuo ya lo iloghie, ni alo e ro gba ne, pfi e ya lo ilimhi iriere.‡

*Okhe irokhokho oyi osumha ni o wa
(iLuk 15.3-7)*

¹⁰ “A khi ze ni a ri eloe gbe eni ẹa mu eloe enana, irari khi eri igeni eyewe na iloghie e migha odalo oyi Itamhe eghegheka.

¹¹ [Eri mhemhe Omi Ogbo mhi bhale ya tsumhi eni e wa-a.]

¹² “Se a sa shi o? Ini ogbo ọ mhue isumha egbhuеше ne oghuo o, o ro wa-a. Oa khi eri o ya ze oghuo oa la egbhuеше egho obọ, o ya nono oghuo ni o wa a egho?

¹³ Ini o me ọli, mhi gue e ye e khi egbe e ya mu ọli shi oghuo ogho dose oghuo oa la egbhuеше enekpole ni ẹa waa.

¹⁴ Igho Ita e na iloghie oa li nono eni ẹa mu eloe enana ni e wa-a.

Inyoghuo e ni o pfido ne

¹⁵ “Ini inyoghuo e o lue ne, le deba li ka gueye ọli emini o li. Ama ze ni o khi yeye ali lolighuo kpe. Ini o ri eso shi e eke, u she gbo sheshe ọli shi ode.*

¹⁶ Ama ini oa ri eso shi e eke, lu ogbo oghuo abi ava elese, egheghe agho ni e khi otsela abi Ebe-no-pfuase o ngme.†

¹⁷ Ini oa ri eso shi e o, le ya gue eni ingme nya ye ena igbaa oyi eni e mie iJesu iKirisiti suo. Ini oa gbo da ri eso shi igbaa oyi eni e mie iJesu iKirisiti suo o ne, a ti kia nali. A rue ọli shi ogbo ni oa miesuo ali omionoga ogbo okholo.

¹⁸ “Abi o li mhi li gue ọli e ye e khi emiemini aa da lama shi oni agbo ona ne, aa ya li lama shi o na e obini iloghie. Ali khi emiemini a da lama shi agbo ona ne, a ya lama shi o na e obini iloghie.‡

¹⁹ “Mhi gbo gueye e khi ini ee otuava a da lama shi emhikhoghuo agbo ona ni a ro so iromhi shi o ne, Itamhe ni o la iloghie o ya riela ọli na e.

²⁰ Irari khi asha ni egbo ava o khi aase e da lona kugbe irari eva oyemhe ne, mhi nu we la agho.”

Okhe irokhokho oni oa ya gbe kua na ogbo

²¹ IPita o bhale deba iJesu, o mhila li, “Iti-ingme inyoghuo-mhe o fe ya lue na mhe ramhi ni mhi ro ya gbe kua nali? Iti ishilua?”

²² IJesu ọli li, “Iye, oa khi iti ishilua tse, ama iti egbhuese ali igbe asha ishilua.‡*

²³ “Irari khi eri Eghiele oyi Eshinegba o li abi oghie oghuo ni o eni ee ga eyoli e bhale ya rokhasa lu e abi e li gbe akanya.

²⁴ Abi o ro gho bino na we abi e li gbe na li, a rue omose oghuo ni o lo ọli eka idududu bhale.

²⁵ Abi oni omose oa ro dobe fali eni ikpagho, oni oghie oo e mu ọli ali ughue ọli ali imi ọli ya de ni o ro fali eni ota.

²⁶ “Oni oo ga ogho o de ya wugha odalo oyi oni oghie, oo li, ‘Kpeke, rabomudu na mhe, mhi ya fali e eni ikpagho nya.’

‡ 18:8 Li ze iMat 5.30 § 18:9 Li ze iMat 5.29 * 18:15 Li ze iLuk 17.3 † 18:16 Li ze iDeut 19.15

‡ 18:18 Li ze iMat 16.19; iJon 20.23 § 18:22 Li ze iGbae 4.24 * 18:22 Li ze iLuk 17.3-4

27 Igho ɔni oghie ɔ ya mhue isomhelemhi na li, ɔ gbe eni ota kua na li, ɔ ze ɔli vu.

28 “Ama abi ɔni ɔɔ ga ɔ ro fiɛ lase, ɔ me ɔni ɔɔ ga nabi lɔli ni ɔ lo ɔli ikuku ikpagho. Igho, ɔ khi awulu shi ɔli uruli, ɔɔ li, ‘Fali mhe ota ni u lo mhe!’

29 “Onuzava ɔyoli ogho, ɔ de ya wugha, ɔɔ lema li, ɔɔ li, ‘Kpekpɛ rabomudu na mhe, mhi ya fali ɛ.’

30 “Ama ɔa lama na li. ɔɔ a mu ɔli ya shi owa ighumha ya ramhi ni ɔ ro ya fali eni ota.

31 Abi eni ɛɛ ga enekpole e ro me emini ɔ li, elemhi ee bi we. E le ya gue eni ingme nya ye ɔni oghie ogho.

32 “Igho ɔni oghie ɔ ghie ya lu ɔni ɔɔ ga ɔgho, ɔɔ li, ‘Yeɛ ɔni ɔɔ ga ɔna okholo ɔna, mhemhe mhi gbe ikpokpomhi ikpagho ni u lo mhe kua ne irari khi u lema mhe,

33 waa khi ɔni ɔ kha li mhue isomhelemhi na ɔnuzi-ava ɔye abi mhi mhue isomhelemhi ne?’

34 Igho elemhi e bi ɔni oghie, ɔ mu ɔli ya shi owa ighumha ni a nali osue ya ramhi ni ɔ ro ya fali eni ota ni o lo nya.

35 “Ina Itamhe na iloghie ɔ li ya li ɛ ini aa rote ekelemhi udu gbekua na inyoghuo ɛ.”

19

Ipfa-ughue-a (iMak 10.1-12)

1 Abi iJesu ɔ ro ngme se, ɔ te eke iGalili vu je eke iJudia ukiekie okɛ iJodani,

2 Ebubu ɛgbɔ ɛ ve deba li. ɔ rewe la agho ze.

3 ɛgbɔ iFarisi eghuo e bhale ya mu ɔli fe ni e ba me asha mu ingme ma li obɔ. E mhila li, “Ushi oyawa o fe lama shi ɔ ɔmɔse ɔ ri itobɔ emhikhoghuo khu ughue ɔli?”

4 IJesu ɔ mhila we, “Aa ze abi Ebe-no-pfuase ɔ ngme khi eri Eshinegba ni ɔ ma ɛgbɔ te igbaekele, ɔ ma ɛgbɔ ɔmɔse ali ɔkpotso?*

5 Eshinegba ɔ gbolo ɛ, ‘Itobɔ ona ɔmɔse ɔ ya ze itali ali inyoli obɔ, ɔ to ma ughue-ɔli ɔ, wewe ava e mele ɔgbɔ oghuo-a.’

6 Eghɛghɛ agho ɛa ke khi ava ama aghuo. Itobɔ ona, emini Eshinegba ɔ she to ma, ɔgbɔ khi vase ɔli-a.”†

7 Eni ɛgbɔ iFarisi e mhila iJesu, “Elo ɔ ze khi Ushi oyi iMosisi o lama ɔgbɔ ɔ nya ebe ipfa-ughue-a mholi ughue ɔli obɔ, ɔ khu ɔli?”‡

8 IJesu ɔɔ we, “Itobɔ khi aa gbe udu o ze ni Ushi oyi iMosisi o ro lama li na ɛ, ama ɔa kpe te igbaekele ligho.

9 Mhi gueye ɛ khi ɔnini ɔ khu ughue ɔli ni ɔa ro khi itobɔ okia, ni ɔ ro ya rue ɔkpotso ɔlese ne, o she kia okia.”§

10 Eniye odukhokho eyi iJesu ɛɛ, ini ɔ khia khi ina o bie khi iteva ɔmɔse ali ughue ɔli, o bie ti ne ɔgbɔ khi rue ɔkpotso shi.

11 IJesu ɔɔ we, “Oa khi ɔgbokpa oni oseɛ ona o go lu, se ni eni Eshinegba ɔ ri oni afu na e khi rue ɔkpotso.

12 Irari khi emhi ebubu ɛɛ ze khi ebubu ɛgbɔ ɛa ya rue ɔkpotso, eghuo, itobɔ khi igho Eshinegba ɔ ma we, eghuo, itobɔ khi ɛgbɔ e re we khi igho, elese e ri

* 19:4 Li ze Igbae 1.27; 5.2 † 19:6 Li ze Igbae 2.24 ‡ 19:7 Li ze iDeut 24.1-4; iMat 5.31 § 19:9 Li ze iMat 5.32; 1 iKori 7.10,11

egbewe mele owali-a ni e me asha ga Eshinegba egbegbo. Ogbō ni o doḅe ya ri egbe mie oni oseṣe, o ri egbe mie.”

Ijesu o lema na eniye enikeke
(iMak 10.13-16; iLuk 18.15-17)

13 Eghēghe agho, egbo eghuo e wolō eniye enikeke bhale ghi ijesu ini o ri obō nga we ukhomhi, ni o sō iromhi na we. Ama eniye odukhokho eyōli ee khu we, e ti je ukhokho.

14 Ijesu oḅ we “A ze ni ikuku eniye e bhale deba mhe, a khi ke khu we irari khi wewe enana e mholi agbo oyi Eshinegba.”

15 O ri obō nga we ukhomhi se, o rōte agho vu.

Ozeo ni lolo pfue
(iMak 10.17-31; iLuk 18.18-30)

16 Ozeo oghuo o bhale ya mhila ijesu, oḅ, “Oseṣe onete, elo mhi fe ya li ni mhi ro ya mholi agbo onabi oyi Eshinegba?”

17 Ijesu oḅ li, “Elo o ze ni u ro o lu mhe onete? Eshinegba lueghuo kpe o lese ti. Ini u wa nono ni u mholi agbo onabi oyōli, ri ishi eyōli gbe akanya.”

18 O mhila ijesu, “Ishi eneghuo o?”*

Ijesu oḅ li, “Khi gbe ugbeli, khi kia okia, khi do ughiatō, khi pfi oṣele egbhue mu oḅo.”

19 Mu ekpe na ite ali inye, gbo ze ni, u nono ingme oyi onuzava oye abi u li nono egbe e.”†

20 Oni ozeo oḅ ijesu, “Te ekpe vu mhi te ri eni u ga ngme ena nya a gbe akanya, onoghuo o ke kpo mhe le?”

21 Ijesu oḅ li, “Ini u wa nono ni u gba pfo, le ya ri itsua ni u mholi nya de u kemhi eni ikpagho na egbo ni e mholi, ni u mholi epfue shi obini iloghie. U tige bhale ke ya deba mhe kia.”

22 Abi oni ozeo o ro suo ona, egbe e pfo li-a itobō khi oḅ pfue gba.

23 Ijesu oḅ eniye odukhokho eyōli, “Mhi gue oḅli e ye e khi, o ma munu ni egbo ni e pfue e ze ni Eshinegba o mhesē na we.

24 Mhi gbo gueye e khi, ni oḅo ni o pfue o ro lo eghiele oyi Eshinegba, o ya munu doṣe, ni oḅo ke dua ni loḅi ri akphere rōte ese asuge ya fie.”

25 Abi eniye odukhokho eyi ijesu e ro suo ona, abo e sha we, e mhila li, “Oghuo o ke doḅe ya lo Eghiele oyi Eshinegba sho?”

26 Ijesu o bino we, oḅ, “Ini a ri oyi oḅo ngme, ona o ya munu, ama obō oyi Eshinegba, emhikpa o ze oḅli e rieḷe.”

27 IPita o mhila ijesu, oḅ li, “Anye ni anye ze emhikpa obō bhale deba e ena, elo anye ya me o rue?”

28 Ijesu oḅ we, “Abi o li mhi li gue oḅli e ye e khi ini Omi Oḅo o da shito ukpekhomhi ufumhi oyōli eghēghe agbo Onogbo, ee ogbava ni a deba mhe a ya nu mhe shito ikpekhomhi igbeva, a mhesē e na edeli igbeva eyi iZireni.‡

29 Oḅokpa ni o da ze owa oyōli obō, okekhi inyoghuo oḅli, ni o ze itali ali inyōli obō ali inyoghuo oḅli ali imioli ali epfue eyōli obō shi itobō oyemhe ne, o ya mhuē epfue eghogho asha egbhueshe, o gbo mhuē agbo onabi oyi Eshinegba.

30 Ama egbo eghuo ni e ralo e ya kpukhokho eni e kpe ukhokho, e ya ralo.”§

* 19:18 Li ze Okiali 20.13-16; iDeut 5.17-20 † 19:19 Li ze Okiali 20.12; iDeut 5.16; iLev 19.18 ‡ 19:28 Li ze iMat 25.31; iLuk 22.30 § 19:30 Li ze iMat 20.16; iLuk 13.30

20

Okhe irokhokho oyi egbikanya na elemhi ogba ipfonu

¹ “Eri Eghiele oyi Eshinegba o li abi omose oghuo ni o fię lase ya wolọ egbo eluzogbe je ogba ipfonu oyoli ya gbe akanya.

² O lama khi loli ya fali ogbogbo ingme ni a mie ogbele. O rewe je ogba era ipfonu oyoli ya gbe akanya.

³ “Elemhi agogo itili eluzogbe, o fię lasele, o me khi emose eghuo e migha elemhi oki ni ęa mhuę oni ęę gbe.

⁴ Oọ we, ‘A je ogba era ipfonu oyemhe ya gbe akanya khi mhi ya fali ę emini o ti.’

⁵ Igho e vu.

“Elemhi agogo igbeva ele oguota ali agogo ese ele ogbomhi, o gbo ligho ya wolọ emose elese.

⁶ Agogo ishe o she ramhi, o gbo bhale ya ę emose elese ni ęa li gbe okhoghuo. O mhila we, o we, ‘Elo o ze ni a ro migha ana amo kpa pfuse egheghe-a, ni aa ro gbe okhoghuo?’

⁷ “E oli, ‘Irari khi ogbokhoghuo ọa lu anye shi akanya lo.’

“Oọ we, ‘A je ogba ipfonu oyemhe ya gbe akanya.’

⁸ “Ogbomhi o ke mu eke, oni o mhuę ogba ogho, o lu oni o ri egbo ę gbe akanya na li, oo, ‘Lu eni e gbe akanya ni u fali ogbogbo ota. O kpe rote egbo ni e kpe ukhokho bhale fali ota ya ramhi eni e kpe bhale.’*

⁹ “O fali egbo ni e te agogo ishe elogbomhi gba akanya le ukpaghuo.

¹⁰ Abi eni e te odode gba akanya le e ro bhale ya mie ifata, e dabi khi ikpagho eyewe e ya bu dose eni e kpe ukhokho bhale oni akanya. Ama a ga fali we abizize.

¹¹ E mie ifata se, ee wolọ oni o mhuę ishemhi.

¹² E oli, ‘Emose ena ni a kpukhokho mie, iwakati oghuo e lese gbe akanya, ama rote ele uzogbe fiefie anye te ri ukhomhi shi ovo ya ramhi ogbomhi. Ama u ya fali anye abizize!’

¹³ “Omhuę-ishiemhi o ro otuoghuo elemhi we, ‘Omue, mhi aa liele. Oa khi ukpaghuo-ghuo a lama na mhe shi akanya ogbele?’

¹⁴ A mo ikpagho eye ę ni a ke je apfe. Onoghuo o de ę shi o ini mhi fali omose ni mhi kpukhokho mie abi mhi fali ę.

¹⁵ Abi khi mhia dobe ya li ikpagho eyemhe abi o ghole mhe? Eri a ke kpe ofuma irari khi mhi da khi ogbo ni o somhopfa?’

¹⁶ “Ama egbo eghuo ni e ralo e ya kpukhokho eni e kpe ukhokho e ya ralo.”†

Ijesu o gbo gue ingme eghuli oyoli le shi eke

(iMak 10.32-34; iLuk 18.31-34)

¹⁷ Abi ijesu o ro o nga iJerusalemu, o lu eniye odukhokho eyoli je asheghuo ya gueye, oo we.

¹⁸ “iJerusalemu ni awa je ena, a ya la oobo ri Omi Ogbo na ighie eyi ekpodalo-ugamhi ali esese Ishi eyi iMosisi de, agho e la ya pfa ęzo igbe-a mu oli.

¹⁹ E tigbe rue oli na egbo iJeta, e roli li egia, e gbe oli ite, e ta li ma apfida, ama elenuzi-ese, a guise oli le bhale agbo.”

Emini ughue iZebedi oo ijesu o rięle na lue

(iMak 10.35-45)

* 20:8 Li ze iLev 19.13; iDeut 24.15 † 20:16 Li ze iMat 19.30; iMak 10.31; iLuk 13.30

²⁰ Igho ughue iZebedi o rue imi oli ava bhale deba iJesu, o wugha li odalo, oo li o kpekpe o somhi lue opfa.

²¹ IJesu o mhila li, "Elo wa nono."

Oo li, "Lama na mhe khi imimhe aava ena, khi oghuo o kha shito e obo ita, onokpole o shito e ogobo eghiele oye."

²² IJesu oo we, "Aa lese emini a mhila. A ya dobe da uko osoli ni mhi ya da?"

E oli, "Anye ya dobe."

²³ IJesu oo, "A rote uko ni mhi te da ya da, ama, oa khi mhemhe mhi ya ze oni o ya shito mhe obo ita ali ogobo. Eni Ita o riele we shi na e mholi we."

²⁴ Abi eniye odukhokho ogbe enekpole e ro suo, e pfaa na ogbo ali inyoghuo egho.

²⁵ Igho iJesu o lu we tighbili, oo we, "A lese khi ighie eyi egbo iJeta eri ee jili egbo eyewe. Eni e kpeda e ri omhesu ri itoto e sha we ma.

²⁶ Ama, oa khi igho iteva oye e. Oni o da nono ni loli fu ne, o khi oni oo ga enekpole.‡

²⁷ Ini ongee oo nono ni loli khi onodode, o mele oni oo ga oyi enekpole a.§

²⁸ Ezeze abi Omi Ogbo, oa li bhale ni a ke ga li, ama o bhale ni o ro ga egbo ali ni o gbo ri agbo oyoli mie ebubu pfuese."

IJesu o ri ezalo aava ze

(iMak 10.46-52; iLuk 18.35-43)

²⁹ IJesu ali eniye odukhokho eyoli e rote iJeriko vu, ebubu egbo e ve deba li.

³⁰ Emose ezalo aava e shito epfe-ode. Abi e suo khi iJesu o rote agho dose. E tseu, e lie. "Onomhue, Omi iDefidi, le elemhi anye."

³¹ Oni ebubu egbo e dese we, e khukhu unu, ama e kiele tseu leghe, e lie, "Onomhue, Omi iDefidi kpekpe le elemhi anye."

³² Igho iJesu o migha, o lu we, oo we, "Elo a nono ni mhi riele na e?"

³³ Ee oli. "Onomhue, kpekpe anye e nono ni u khueghie anye alo-a."

³⁴ IJesu o mhuu ilelemhi na we, o ri obo ti we alo, eni alo e khueghie-a, e deba li.

21

Egbo e ri ufumhi na iJesu abi o ro lo elemhi iJerusalemu

(iMak 11.1-11; iLuk 19.28-40; iJon 12.12-19)

¹ Abi iJesu ali eniye odukhokho eyoli e li ti i mama iJerusalemu, e bhale ikuku eoli na lui iBetifagi ni o la Ute eera Olivu. IJesu o la agho ghie eniye odukhokho eyoli aava je eoli ni o la odalo.

² Oo we, "A je eoli ni a fe odalo oye ena, khi a ya me akphere ali omioli. A taghie we-a, a mu we ghi mhe ana.

³ Ini ogbokhoghuo o mhila e emhikhoghuo, a gueye oli khi Onomhue o ya rewe riele emhi, o gbo ya nyene we bhale lena."

⁴ Eri a me enana ni a ro bhale ya e khi ungmehi ni emekeguele e ngme, ni e bhale ya tse. Ni oo

⁵ "A gueye edeli iZayo,*

'A bino khi oghie oye e oo bhale deba e.

O mholi ikuegbe-a, o nga ozele akphere,

ikhi Omi akphere.'"

⁶ Igho eniye odukhokho eyi iJesu e ye abi o ghie we.

‡ 20:26 Li ze iLuk 22.25-26 § 20:27 Li ze iMat 23.11; iMak 9.35; iLuk 22.26 * 21:5 Li ze iZaka 9.9

⁷ Igho e rue oni akphere ali omi oli bhale, e banọ ide eyewe egbe nga li egbe, ijesu o nga li shito.

⁸ Ehubu egbo e gueghie itsua eyewe naghie-a shi ode, eghuo e kholo eyamhi naghie-a shi ode.

⁹ Eni egbo ni e ralo ali eni e kpe ukhokho e tseşe, e kuęghie oli, e lie, "Tsumhi anye, Tsumhi anye, Omi iDefidi!"

"Ikhivose khi oni o ri eva oyi Onomhue bhale."

Ikuęghie khi oyi Eshinegba.

"Tsumhi anye."[†]

¹⁰ Abi ijesu o ro lo elemhi iJerusalemu, oni edeli nya o wushe-a, egbo e mhila, e lie, "Oghuo oni omose onana o fe khi?"

¹¹ Eni egbo ni e nu oli kia e gueye we, ee "Ona khi ijesu oni omekeguele onge iNazareti na eke iGalili, ni a shobo na awa khi oo bhale, ikhi oni awa migha khe."[‡]

Ijesu o lo elemhi Owa Oyi Eshinegba

(iMak 11.15-19; iLuk 19.45-48; iJon 2.13-22)

¹² Ijesu o lo elemhi Owa Oyi Eshinegba. O khu egbo ni e la elemhi oli e du oki kua. O ghino we abo itebu ni e la ngmomhi ikpagho kua, ali ibechi oyi eni e ri inekhukhu u e de.

¹³ Oo we "A she keke oli shi Ebe-no-pfuase, 'Owa oyemhe, owa ni a la lema o khi,' ama a she roli mele owa oyi ighiatọ-a."[§]

¹⁴ Ezalo ali eni e guoghọ awe-a e bhale deba li obini Owa Oyi Eshinegba, O rewe ze nya.

¹⁵ We ighie eyi ekpodalo-ugamhi ali esese Ishi eyi iMosisi e ro me khi ijesu oo gbe ikanya onyaloa ododa, elemhi Owa oyi Eshinegba, ali khi eniye e la akaghọ tseşe leghe kuęghie oli, e lie, "Ikuęghie o khi oyi Omi iDefidi," elemhi e bi we.

¹⁶ Igho e mhila ijesu, e oli "Wa a suo abi eniye ee ngme e?"

Ijesu oo, "Mhi suo." O mhila we, "Aa kpe suo abi Ebe-no-pfuase o ngme ni o.

"U she ri eniye ali emofe

kuęghie ikuęghie ni o gba pfo' "^{*}

¹⁷ Ijesu o te agho vu je iBetani. O gbhe agho ni ogbe o gbe.

Ijesu o ku itse na okhua-eni

(iMak 11.12-14,20-24)

¹⁸ Ele uzogbe abi o ke ro nyene egbe ukhokho je iJerusalemu, okiamhi o gbe oli.

¹⁹ Igho o me okhua-eni epfe ode, o le ya bino oli, ama oa me udumhi okhoghuo ukhomhi o, se ni ebebe. Igho oo oni qara ogho "Wa gbo ya mo udumhi ghue!" Aghoaghọ oni qara o ku ebe-a.

²⁰ Abi eni eniye odukhokho eyoli e ro me oli, abo e sha we. E mhila li, ee. "Se o li kia khi oni okhua o ro gho nyanya ku ebe-a?"

²¹ Ijesu oo we, "Mhi gueye e khi, ini a mhue irudunga ni aa ro mhue akhokhomhe, a ya dobe li emini mhi li oni okhua ona. Oa khi onana tse, a ya lie oni ute ona, 'Vu ya de pfilo okę oniemi,' oni ute o suo na e."[†]

²² Irari khi ini a mhue irudunga, emiemi a so iromhi mhila a ya mholi oli."

[†] 21:9 Li ze Iwolo 118.25,26 [‡] 21:11 Li ze iJon 6.14; 7.40; Ika 3.22; iMak 6.15; iLuk 13.33 **§** 21:13 Li ze Aza 56.7; iJere 7.11 ^{*} 21:16 Li ze Iwolo 8.2 [†] 21:21 Li ze iMat 17.20; 1 iKori 13.2

A mhila iJesu obini o te mhõli afu

(iMak 11.27-33; iLuk 20.1-8)

²³ IJesu o lo elemhi apfe oyi Owa oyi Eshinegba le, ighie eyi ekpodalougamhi ali eni egbhali e mhila li, "Afu eyi oghuo u ro gbe ikanya enana? Oghuo o ri afu ne?"

²⁴ IJesu oo we, "Mhemhe mhi ya li mhila e ogbo oghuo, ini a da gbaghie oia ne, mhi ya gueye e oni o ri afu ona na mhe.

²⁵ Mhie i, ibatazi ni ijoni oo batazi na egbo, oghuo o ri afu na li o ke batazi egbo? Egbo e ri oli na li abi khi Eshinegba lo?"

E nu egbewe khako, e lie, "Ini awa e khi 'Obõ oyi Eshinegba o te bhale,' o ya mhila awa, 'Elo o ze ni aa ro mie oli suo?"

²⁶ Ama ini awa e khi, 'Obõ oyi ogbo o te bhale,' ulishi apfowa oo mu awa, irari khi ogbokpa o lese khi omekeguele ijoni o khi."

²⁷ Itobõ ighõ e ke iJesu "Anye aa lese." IJesu oo we "Mhemhe mhi aa li ya gueye e obini mhi te me afu."

Okhe irõkhõkhõ oyi eniye aava

²⁸ "Se a me ona shi? Omõse oghuo o mhue eniye emõse aava. O bhale deba oni ogbhali, oo li, 'Omõ ke le ogba ipfonu amo ni u ya gbe akanya.'

²⁹ 'Oo itali, 'Mhi a ya ye.' Ama o li deñe, o mu udu pfi, oo le oni ogba ipfonu.

³⁰ "Oni itawe o gbo le deba onikeke, o gbo ngme oli abi o kpe ngme oni ogbhali. Oni ikeke ogbo o lama khi loli ya ye, ama o tigbe ye.

³¹ "Onõghuo eniye aava ena o riele emini itawe o nono?"

E e iJesu, "Oni ogbhali."

IJesu oo we, "Abi o li mhi li gue oli e ye e khi emionoga ali idegbe e she pfi e shi ana kpe lo Eghiele oyi Eshinegba.

³² Irari khi abi ijoni Oni oo batazi egbo oo bhale ya sese e ode ni a ya rote, ni aa lama mie oli suo. Ama emionoga ali idegbe e mie oli suo, e mu pfi. Abi a tseku ri eloe oyee me, aa kie mu udu pfi ni a miesuo.‡

Okhe irõkhõkhõ oyi eni a mie shi ogba ipfonu

(iMak 12.1-12; iLuk 20.9-19)

³³ "A suo okhe irõkhõkhõ olese. Omhue-apfe oghuo o ya laõ ni o gua ogba ipfonu shi ukhõkhõ apfe oyoli. O khi ogba gase oli, o riele ashini a la nye onyo shi o. O gbo to owa ni o yagha ni a la khe-ekhe shi o. O roli na egbo e ke ri eloe khu oli, o vu eoli oboese.‡

³⁴ Abi egheghe ikhiese o ro ramhi, o ghie eni ee ga eyoli ghi eni egbo, e ka mie we eni e khi eyeluẽ ghi lue.

³⁵ "Eni egbo ni o ro shi oni ogba ogbo, e mu eni eni ee ga eyoli, e gbe oghuo, e gbe oghuo-a, e tono onõkpoie eche.

³⁶ Ighõ oni omõse o gbo ghie eni ee ga elese ghi we ni e ke bu dose eni o kpe ghie. Ighõ eni e la oni ogba e li we abi e kpe li egbo.

³⁷ Ikpukhõkhõ o, o ghie omi oli ghi we. Oo, 'E ya mu ekpe na li.'

³⁸ "Ama abi eni e la oni ogba e ro me khi oni omi oli oo bhale, e lu egbewe ochi, ee egbe, 'Awa gbe oni omi oli-a, ni awa le ugu oyoli.'

³⁹ Ighõ e mu oli e rue oli je olase oni ogba, e gbe oli-a.

⁴⁰ "Irarighõ, ini oni o mhue oni ogba ipfonu ogbo o fe bhale, se ee a sa khi o ya li eni egbo egbo?"

41 Eẹ iJesu, “Eri ọ ya gbolo eni egbọ ọkhọlọ eghọ-a, ọ ri oni ogba na egbọ elese, eni e ya ke ri eni e khi eyọli ghi ọli.”

42 IJesu ọọ wẹ, “Eẹ a kpẹ zẹ ọli abi a li kẹkẹ ọli shi Ebe-no-pfuase khi:

“Eche ni itsona e kie pfi,
lọli o ke ya mele egbegbi eche
ni o kẹ mu ẹlo e nẹ nya-a.

Ọnọmhuẹ ọ lighọ riẹlẹ ona,
óó ti anye ẹlo e gba’ ”*

43 “Irarighọ, ighọ a li ya mie ẹ Eghiele oyi Eshinegba obo, a rue ọli na egbọ ni ẹ riẹlẹ emini Eshinegba ọọ a ke riẹlẹ.

44 Ogbọ ni ọ da ya de nga oni eche ne, ọ ya guogho-a, ama ogbọ ni oni eche o da de nga egbe ne ọ ya mhele-a abi ifufu.”

45 Abi ighie eyi ekpodalo-ugamhi ali egbọ iFarisi e rọ suọ oni okhe irọkhokho ona, e lẹse khi wẹwẹ iJesu ọ nu ngme.

46 E nono ode ni wẹwẹ e tẹ mu ọli ya khukhu, ama ulishi o mu wẹ irari khi egbọ e lẹse khi ọmekẹguele iJesu ọ khi.

22

Okhe irọkhokho oyi ukue ni á lá rue omueshi

(iLuk 14.15-24)

1 IJesu ọ gbo ri okhe irọkhokho ona nu wẹ ngme, ọọ,

2 Eri Eghiele oyi Eshinegba o li abi oghie oghuo ni ọ gbhẹ ukue na omiọli ni ọọ rue omueshi.

3 Ọ ghie eni eẹ ga eyọli e ka gueye egbọ ni ọ gbhẹ oni ukue na e bhale, ama ẹa lama ye.

4 “Ighọ ọ gbo ghie eni eẹ ga elese, ọọ wẹ, ‘A ka gueye eni a lu shi oni ukue khi mhi she nye ekhe shi eke. Mhi she gbolo ena-a, ena ni e mhuẹ ila, shi elamhako eyemhe, a she mu egbe emhikpa shi eke. A bhale oni ukue ikhuẹse omueshi.’

5 “Ama eni egbọ ẹa pfi esọ shi, e vu asha. Oghuo ọ vu ishemhi, ọlese ọ vu oki.

6 Eghuo ọ ni a lu shi oni ukue e mu eni eni eẹ ga eghọ, e gbe wẹ, e gbolo wẹ-a.

7 Ighọ elemhi e bi ọni oghie, ọ ghie ekhọli-okhuẹ eyọli, e ka gbolo eni egbọ ni e gbolo eni eẹ ga eyọli-a, e tose wẹ apfe-a.

8 “Ighọ ọni oghie ọ luno eni eni eẹ ga eyọli, ọọ wẹ, ‘A she mu egbe ukue oyemhe shi eke se, ama egbọ ni mhi lu shi ọ, ẹa khi eni a kha lu shi ọ.

9 Mena, a ke je ifu ẹoli ikpe ni ebubu egbọ e legba, ogbokpa ni a da me ne, a lu ọli bhale oni ukue.’

10 Ighọ eni eni eẹ ga e lo ifu ẹoli e luno egbọ ni e me kpa tigbili, ghe egbọ enete ali ikhiakhiamhi egbọ. Oni ashini a gbhẹ oni ukue shi o vọ egbọ.

11 “Ama abi ọni oghie ọ rọ bhale ya bino eni egbọ, ọ me khi omose oghuo ọ la agho ni ọa sọ itsua ukue ni a rọ khuẹse omueshi ye ughue.

12 Ọni oghie ọ mhila li, ‘Omue se u li lo ana le ni u wa rọ sọ itsua oyi ukue ni a rọ khuẹse omueshi,’ Ọni omose ọa dobe sọli ọ.

13 “Ighọ ọni oghie ọ gueye eni eni eẹ ga eghọ, ‘A mu ọli gẹ abọ ali awẹ, a tsua li pfi je olase alo ebili ni a la viẹ, ni a la le akọ akọ.’*

14 “Ogbokpa a lu ama ikuku wẹ ni e mie oni ulumhi, a zẹ.”

* 21:42 Li zẹ Iwolo 118.22-23

* 22:13 Li zẹ iMat 8.12; 25.30; iLuk 13.28

A mhila iJesu ini a ke ze oga na iSiza

(iMak 12.13-17; iLuk 20.20-26)

¹⁵ Igho eḡbo iFarisi e fiye ya gba abi e li ya ri omhila me asha mu iJesu.

¹⁶ E ghie eniye odukhokho eyewe ali eniye odukhokho eyi Eroḡu deba iJesu, e ɔli, “Oseṣe, anye leṣe khi oḡbo igesikia u khi, u gbolu e seṣe igesikia oyi oghuemhe oyi Eshineḡba. Wa a ya na ulishi oyi oḡboḡhghuo, itobḡo khi eḡbolie ɔa la ɔnini oḡbo ɔ khi.

¹⁷ Gueye anye, se o fe li udu oye? Abi ushi oyawa o ngme, o fe ti ni awa ze oga na oghie iSiza abi khi ɔa ti?”

¹⁸ IJesu ɔ leṣe ugbamhi obe ni e gba, ɔɔ we, “Ee eri ugamhi ku alo, elo o ze ni a ro nono ni a di mhe mu?”

¹⁹ A rue ukpaghuo ni a ro ze oga khashe mhe ghue!” Igho e rue ukpaghuo bhale ghi ɔli.

²⁰ ɔ mhila we “Alo eyi oghuo na? Eva oyi oghuo na?”

²¹ E ɔli “Eyi iSiza.”

Igho iJesu ɔɔ we, “Irarigho, a ri oni o khi oyi iSiza na iSiza a ri oyi Eshineḡba na Eshineḡba.”

²² Abi e ro suo ona, abo e sha we, e ze ɔli obo, e vu.

Ingme ughue iruerue ali irote eghuli guale

(iMak 12.18-27; iLuk 20.27-40)

²³ Oni oḡbeḡe eḡgho, eḡbo iSadusi ni e khi iteghuli guale ɔa la ɔ, e bhale deba iJesu ya mhila li oḡbo.[†]

²⁴ E ɔli “Oseṣe, iMosisi ɔ gueye anye khi, ini omose ɔ ghu-a ni ɔa ro bia eniye, inyoghuo ɔli ɔ rue ɔni ɔsamhi olimhi ni ɔ bia eniye na li na inyoghuo ɔli ni ɔ ghu-a ogho.[‡]

²⁵ Mena inyoghuo etuoshilua e ke nu anye la ana. Oni oḡbhali ɔ rue ɔkpotso ɔ ghua, abi ɔa ro bia eniye, ɔ ze ɔni ɔkpotso obo na inyoghuo.

²⁶ Igho eghuli o li gbe inyoghuo ɔli ɔnuzava ali ɔnuzase ya ramhi ɔnuzi-oshilua ea ga bia omḡo ɔkhoghuo na ɔni ɔkpotso.

²⁷ Ikpukhokho ɔ ɔni ɔkpotso ɔ ghu a.

²⁸ Mena, oḡbeḡe iteghuli guale, ughue oghuo ɔ fe ya khi elemhi ewe nya, aborokhia khi wewe oshilua e ga rue ɔli shi?”

²⁹ IJesu ɔɔ we, “Eri a da ode! Itobḡo khi aa leṣe ungmehi oyi Eshineḡba ali itoto eyoli lo.

³⁰ Irari khi ini eḡbo e rote eghuli guale, ea ke ya rue ikpotso, we khi ikpotso e ke ya ke ngeli na emose, eri e ke ya li abi igeni na iloghie.

³¹ Ama oyi ingme ite-eghuli-guale oyi eḡbo ni e ghu-a ne, eri aa suo abi Eshineḡba ɔ ngme e.

³² ɔ khi, ‘Mhemhe mhi khi Eshineḡba oyi Aburaamu ali Eshineḡba oyi Aziki, ali Eshineḡba oyi iGiekpu.’ Eshineḡba oyi eḡbo ni e la agbo ɔ khi, ɔa khi Eshineḡba oyi eḡbo ni e ghua.”[§]

³³ Abi eni ebubu eḡbo e ro suo ona, abo e sha we shi oseṣe ni ɔ seṣe.

Ushi ni o ga fune nya

(iMak 12.28-34; iLuk 10.25-28)

³⁴ Abi eḡbo iFarisi e ro suo khi iJesu ɔ pfi eḡbo iSadusi okpe unu, e le gba.

³⁵ Oghuo ɔ elemhi we ni ɔ khi oseṣe ushi ɔ roshaka ni loḡi doḡe ri ushi mu iJesu. ɔ mhila li oḡbo.

[†] 22:23 Li ze iJka 23.8 [‡] 22:24 Li ze iDeut 25.5 [§] 22:32 Li ze Okiali 3.6

36 Oo li, “Osesẹ, Ushi onoghuo o ga funẹ nya elemhi Ishi eyi iMosisi?”

37 Ijesu oo li, “ Ri udu oye nya ali ayemhe oye nya ali usamhi udu oye nya nono ingme oyi Onomhue Eshinegba oye.*

38 Onana o khi ushi onodode ali oni o ga fu ne nya.

39 Eri onuzi-eva o gbo li abi loli, ni oo li, ‘Nono ingme oyi ogbo olese abi u li nono ingme egbe e.†

40 Ishi eva ena elemhi Ishi eyi iMosisi ali emekeguele nya, e te ze.”‡

Omi oghuo Omiepfuese o khi

(iMak 12.35-37; iLuk 20.41-44)

41 Abi egbo iFarisi e kie li la agho egho, iJesu o mhila we.

42 “Se a khokho shi Omiepfuese o? Omi oghuo o fe khi?”

E oli “Omi iDefidi.”

43 Ijesu oo we, “Elo o ke ze khi iDefidi o rote elemhi ayemhe lu oli, ‘Onomhue?’ Irari khi iDefidi o lie,

44 “Onomhue gueye Onomhue oyemhe.

Shito mhe ukiekie obita ramhi

ni mhi ro ya ri ebe e

shi e ufu ekowe.§

45 “Ini iDefidi o lu oli ‘Onomhue,’ se o ni Omiepfuese o ke gbolo e khi omiomi iDefidi?”

46 Ongewe o dobe gbaghie oni ogbo-a. Rote elegho vu ogbo okhoghuo o a ke gbo gbudu mhila li ogbo okhoghuo.

23

A mhuẹ egbhe shi esese Ishi eyi iMosisi ali iFarisi egbe

(iMak 12.38-39; iLuk 11.43,46; 20.45-46)

1 Igho iJesu o nu egbo ni e ri esọ shi oli eke ali eniye odukhokho eyoli i ngme.

2 Oo we, “Esesẹ Ishi eyi iMosisi ali egbo iFarisi a ri afu na ni e ke guele abi Ushi oyi iMosisi o ngme.

3 Irarigho, a mema ya suo esọ na we, a li abi e gueye e a ke li, ama a khi khonya we ngeli ingeli enabi eyewe. Irari khi wewe e a ri emini e se se egbo gbe akanya.

4 Eri e ge itsua ni e kho na egbo tsua. Ama wewe oyewe e a lama ri umiesobo da we o kpaghie we tsua eni itsua.

5 “Emhikpa e ri abamemhe e ri ele. E ri ogbene ni a fia otsuotsuo shi mu alukpo ali abo. E pfi emini a rote ebe-no-pfuase keke emhi shi lo eni otsuotsuo. E gbo fia emhi na yayagha na dolodolo shi esọ iwulu ni e so.*

6 Ashini o mhuẹ ekpe ukue ali ikpekhomhi ni e fune oo ghole we ini e bhale owa ugamhi.

7 E ma nono ni a ke tse we otse ekpe atuoki, ali ni a gbo ke lu we, ‘Osesẹ.’

8 “Ama e oye e a khi lama ni egbo e lu e ‘Osesẹ,’ irari khi Oga oghuo o ga mholi e nya, a gbo khi inyoghuo.

9 A khi lu ogbokhoghuo agbo ona ‘Ita,’ irari khi Ita oghuo kpe a mhuẹ, iloghie o la.

10 We khi a ze ni ogbo o lu e ‘Osesẹ,’ irari khi Osesẹ oghuo kpe a mhuẹ ni o khi iKirisiti.

* 22:37 Li ze iDeut 6.5 † 22:39 Li ze iLev 19.18 ‡ 22:40 Li ze iLuk 10.25-28 § 22:44 Li ze iwolo 110.1; Ika 2.34-35; Iburu 1.13; 10.13 * 23:5 Li ze iMat 6.1; iNoba 15.38; iDeut 6.8

11 Oni o ga fune elemhi e, o mema mele oni o o ga oye e a.†

12 Onini o da ya ti egboli nga ne, a ya ti oli tiemhile. Ama onini o da ti egboli tiemhile ne, a ya ti oli nga.‡

13 “O ma kholo e egbe, ee esese Ishi eyi iMosisi ali egbo iFarisi erugamhi-ku-alo, ni e pfi okpe ode iloghie zuse egbo shi olase. Ee oye e na, aa lama lo elemhi o wekhi eri a ze ni eni e nono ni wewe e lo, ni e me asha le.

14 [O ma kholo e egbe, ee esese Ishi eyi iMosisi ali egbo iFarisi! Ee erugamhi ku alo! Eri a li esamhi olimhi le, ni a ri abamemhe a so iromhi ni o nuata. Itobo igho a ya na e osoli egbegbo.]

15 “O ma kholo e egbe, ee esese Ishi eyi iMosisi ali egbo iFarisi erugamhi-ku-alo! A ga rsheka kia eke ali ukhomhi oke ye obini odonue ya nono ogbo mu pfi lama shi osese oye e. O kha da tse na e se, osoli ni oni ogbo ogho o ke ya me ilimhi iriere, o ke fu dose oni ee a ya me agbhagbhahmi eva.

16 “O ma kholo e egbe irari khi ezalo a khi ni a sese egbo. Ee ni a sese khi, ‘Ini ogbo o romhi Owa Oyi Eshinegba o mhue abi o ngme, ama ini o romhi igolu ni o la ukhomhi oni Owa Oyi Eshinegba, oni ishe o ya mu oli.’

17 Ee eyeghe, ezalo, onoghuo o fe fune? Igolu abi Owa oyi Eshinegba ni o ri oni igolu ro khi oni o pfuase?

18 A gbolo e sese egbo khi ini ogbo o romhi atete khi o mhue abi o ngme, ama o khada romhi emini a ro luase oni atete, oni ishe o ya mu oli.

19 Ee ezalo, onoghuo o fe fune? Emini a ro luase obo ni o la ukhomhi oni atete abi oni atete ni o ri oni iluasobo khi oni o pfuase?

20 Itobo igho, ini ogbo o da romhi atete ne, oni atete ali emini o la ukhomhi oli nya o romhi egbo.

21 Ini ogbo o romhi Owa Oyi Eshinegba, oni Owa Oyi Eshinegba ali Eshinegba ni o la o o romhi egbo.

22 Ini ogbo o romhi iloghie, ukpekhomhi oyi Eshinegba ali oni o shito o o romhi egbo. §

23 “O ma a kholo e egbe, ee esese Ishi eyi iMosisi ali egbo iFarisi. Ee erugamhi-ku-alo. Aa ze aze-oghuo-igbe oyi ebe akhokho ali okphasa, ama a ri eloe e gbe emini e mu eloe shi elemhi ishi, nabi, umha gbe azeba ali isomhelemhi ali igbe akanya te ode igesikia. Enana khi egbegbi emini a kha rie e, aa kha pfi enana shi eke ni aa rie e we.*

24 Ee ezalo ni a ri egbo o kia, a pfiolo akia onyo-a, ama a to akphere lu e.

25 “O ma a kholo e egbe, ee esese Ishi eyi iMosisi ali egbo iFarisi, erugamhi-ku-alo. A kpe ukhokho iko ali itasa-a, ama emini a ri emhi itoegbe ali ufa mie e vo elemhi we.

26 Egbo iFarisi ezalo! A kpe ke kpe elemhi uko ali utasa-a ne, egheghe agho ikhokho we e li pfuase.

27 “O ma a kholo e egbe, esese Ishi eyi iMosisi ali egbo iFarisi, erugamhi-ku-alo. Eri a li abi uji ni a ri etseli opfopfo gbolo-a, ni o te odato oli ti eloe, ama elemhi we, e vo igua egbo ni e ghu-a ni e ke-a.†

28 Igho a lili e li, eri a rote odato idiege ga li abi egbegbi egbo, ama okholo ali irugamhi ku alo, o vo e elemhi.

*Ijesu o gue anasemhe oye we le shi eke
(iLuk 11.47-51)*

† 23:11 Li ze iMat 20.26-27; iMak 9.35; 10.43-44; iLuk 22.26 ‡ 23:12 Li ze iLuk 14.11; 18.14 § 23:22 Li ze Aza 66.1; iMat 5.34 * 23:23 Li ze iLev 27.30 † 23:27 Li ze iKa 23.3

29 “O ma a kholo e egbe ee esese Ishi eyi iMosisi ali egbo iFarisi, erugamhi-ku-alo! A ga to iji na emekeguele a riele iji eyi eni e gue ngeli somhotse.

30 A gbolo o lie, ‘Ini anye la agbo eghenge oyi itita anye lo, anye a kha nu we mholi obo shi emekeguele igbolo-a.’

31 Eri a ri ona pfi otsese mu egbe e khi a lama shi o khi imimi eni e gbolo emekeguele-a, a khi.

32 A ke je odalo, ni a pfuse gbe ikanya ni ititae e gbaekele gbe.

33 “Ee enye ali imi enye, se a dabi khi a li ya na pfue ilimhi iriere ni oo bhale?”

34 Itobo igho mhi ya gueye e khi mhi ya ghie emekeguele ghi e ali egbo ni e fialo-a ali esese ni e bu, a ya gbolo eghuo o-a, a tanu we ma apfida, elese a gbe we ite elemhi owa ugamhi eye e, a khu we te eoli oghuo ya je olese.

35 Itobo igho a ya ri oia eyi egbo eni e pfuase nya ni a gbolo-a shi eke agbo ona mu ota so e, rote idiegbe oyi Ebeli ni o mhue abi o li vu, ya ramhi idiegbe oyi iZakaraya omi iBerəkaya ni a gbe-a shi agadamhi eva atete ali Owa Oyi Eshinegba. §

36 Abi o li mhi li gue o li e ye e khi, osoli ni a ya me shi ugbeli ni a gbe idiegbe oyi egbo egho, egbo na agbhotu ona oni osoli o ya de rughu.”

Inono ni Ijesu o mhue na iJerusalemu
(iLuk 13.34-35)

37 Ijesu o ro lie, “Eekhue-oo! IJerusalemu, iJerusalemu! A gbolo emekeguele-a, a tono eni Eshinegba o ghie ghi e eche gbolo-a. Iti-ingmi-ingme mhi she roshaka ni mhi kolo egbo eye e kugbe, abi okhokho o lie kolo imioli shi ifui ipfua, ama aa lama na mhe.

38 Ghe i! Eshinegba o ya te Owa oyi Eshinegba oye e vu, o mele afue a.*

39 Mhi gueye e khi rote memena vu, khi aa ke gbolo ya me mhe ya ramhi ni eghenge ni a ro ya ke lie, ‘Oghete o khi ni oni o ri eva oyi Onomhuele bhale.’” †

24

Olele oyi ikpukhokho agbo
(iMak 13.1-2; iLuk 21.5-6)

1 Abi ijesu o rote oni Owa oyi Eshinegba fie lasele, eniye odukhokho eyoli e roli khase ugbe oyi oni owa.

2 Ijesu o ro we, “A ga me emhi enana nya, ama mhi gue a ye e khi aa me echeli ni a ro nga egbe egbe ro to oni owa ona ni aa ya che kua.”

Ozughu ali imu-okholi vule
(iMak 13.3-13; iLuk 21.7-19)

3 Abi ijesu o li shito ukhomhi Ute eera Olivu, eniye odukhokho eyoli e bhale ya ye oli ochi, ee oli. “Gueye anye eghenge ni eni ingme enana e ro bhale ya tse, ali emini a ya ke me ni anye ro ya lese khi a she ramhi ukpese agbo.”

4 Ijesu o so we o, oo. “A ke tokpe eke ini ogbokhoghuo o khi di e.

5 Irari khi ebubu egbo e ya ri eva oyemhe bhale, ee lie ‘Mhemhe mhi khi oni iKirisiti,’ ee di ebubu egbo.

6 A ya suo eko okholi ali okeke okholi. Ama a khi ze ni ulishi o mu e. A mema ya me emhi eghogho, ama ukpese agbo o kie ramhi ne.

‡ 23:33 Li ze iMat 3.7; 12.34; iLuk 3.7 § 23:35 Li ze Igbae 4.8; Iburu 11.4; iZaka 1.1; 2 Okhe 24.21

* 23:38 Li ze iJere 22.5 † 23:39 Li ze Iwolo 118.26

7 Ushishi e ya mu okhōli vule shi ushishi o, ẹgbọ e mu egbe iku iku nu egbe ẹ khōli. Ukpokpomhi okiamhi o ya ke pfi, ekẹ e ya ke dekuluẹ asha khi asha.

8 Eri enana nya e ya li abi khi oku o lẹṣe to ọkpoto ni o ya bia.

9 “Eghẹghẹ agho a ya mu ẹ na wẹ ni e nase ẹ, a gbolo ẹ-a. Ẹgbọ na agbọ nya e ya ke biselemhi ẹ, itobọ khi a khi ẹgbọ eyemhẹ.*

10 Eghẹghẹ agho ebubu ẹgbọ e ya de irudunga lasese, e ri egbe ẹ dẹ, ẹẹ biselemhi egbe.

11 Eghẹghẹ agho ebubu emeķeguele eyi ẹgbhōli e ya lasese, ẹẹ di ebubu ẹgbọ.

12 Irari khi ọkhōlo o ya gba ekẹ dọṣe, imhuẹ-inono na egbe ọa ke lolo ẹ la o.

13 Ama ọgbọ ni o da migha irudunga oyoli gbagbagba ramhi ukpeṣe, o ya khi ọni a mie pfuese.†

14 A ya she ri oni usomhi onete oyi oni Eghiele oyi Eshinegba onana, tse abo gasẹ agbọ kpa, ni o khi ọṣeṣe na ishishi nya, eghẹghẹ agho ukpeṣe agbọ o tigbe ramhi.

Ighuighue

(iMak 13.14-23; iLuk 21.20-24)

15 “ Irarigho, a kha da me emhi obe ni o veṣe ẹgbọ o kua khi ighuighue ni ọọ veṣe ẹgbọ kua, ni oo pfi ebemulishi, khi o da ya migha ashini o pfuaṣe ne, ẹzẹzẹ abi ọmekẹguele iDaniẹ o gue ọli le ne, ọni ọọ zẹ ebe o lẹṣe emini o zẹ.‡

16 Eghẹghẹ agho, ẹgbọ ni e la ekẹ iJudia e na ya nga ukhomhi ite.

17 Ọgbọ ni o la ukhomhi owa o khi tiemhile ya rue emhikhoghuo elemhi owa.

18 Ọgbọ ni o la ishemhi o khi jele apfe ya rue awulu oyoli apfe.§

19 O ma khōlo ikpotso ni ẹ me egbe ali eni e ri emofẹ shi egbe.

20 A lema Eshinegba o khi zẹ ni ẹlẹ unamhi oyẹẹ o khi eghẹghẹ oruẹ wẹkhi ogbeṣe iyemhẹa.

21 Irari khi osoli oniēmhi o ya lasese o. Osoli ni ọgbọ aa kpe me ghue roṣe igbaekẹle agbọ ya ramhi ogbe ni amo, wẹkhi eri a ke gbolo ya me oghogho ghue.*

22 Ini aa roṣe eni ogbeṣe eni a ngme ena khi-a, ọgbokhoghuo ọa ya pfue o. Ama itobọ oyi ẹgbọ ni Eshinegba o zẹ, o ya khi eni ogbeṣe-a.

23 Eghẹghẹ agho, ini ọgbokhoghuo ọọ u, ‘Bino, ghe ọni iKirisiti!’ Okekha khi eri o li, ‘Ghe ọli oobọ khẹ,’ khi mie ọli suọ.

24 Irari khi iromhi emiepfuese ali emeķeguele eyi ẹgbhōli e ya lasese, ẹẹ ri ọlẹlẹ eniēmhi ẹ khaṣe, ali ẹẹ gbe ikanya ọnyalao ro ke di egbegbi eni Eshinegba o zẹ, ini o ya zẹ li lo.

25 A ghe i, eri mhi gue onana ye ẹ shi ekẹ neni oni eghẹghẹ o ya ramhi.

26 “Igho, ini ọgbokhoghuo o gueye ẹ, ‘Ghe ọli oobọ, obini odagbe ifufu,’ a khi je oobọ. Okekha khi eri ọọ, ‘Ghe ọli ana, elemhi owa aza,’ a khi mie ọli suọ.

27 Irari khi eri inyenegbe bhale oyi Omi Ọgbọ o ya li abi akphala o lie nyamhise alo nya, o roṣe udi ukhuli ge ya je udi ukhuli, roṣe obini ovọ o te ẹ ngale ya je obini o te ẹ lo eko.†

28 Itobọ khi ashini elamhako o ke-a shi agho ighuli ẹẹ legba.‡

Inyenegbe bhale oyi Omi Ọgbọ

(iMak 13.24-27; iLuk 21.25-28)

* 24:9 Li zẹ iMat 10.22 † 24:13 Li zẹ iMat 10.22 ‡ 24:15 Li zẹ iDan 9.27; 11.31; 12.11 § 24:18 Li zẹ iLuk 17.31 * 24:21 Li zẹ iDan 12.1; Iro 7.14 † 24:27 Li zẹ iLuk 17.23-24 ‡ 24:28 Li zẹ iLuk 17.37

29 “Egheghe osoli ogho o kha da lese dose tee,
 “Ovo o ya bishi alo-a,
 uki o ke ge
 ikpetata e deno ukhuli kule,
 ekpabo ena ukhuli ee nighise.”§

30 “Egheghe agho, oleele irokhase oyi Omi Ogho o ya lasese shi ukhomhi idane.
 Egho ni e la agbo ona nya, e ya ke vie oya abi Omi Ogho o li rote irarogbe e
 tiemhile elemhi ekpabo ali ukpokpomhi ufumhi.*

31 Egheghe agho akala onofune o ya de. Omi Ogho o ghie igeni eyoli je iguabo
 enenene na eke agbo nya, e ka ti egho eyoli ni o ze gbili.†

Owena ni a te oora okhua-eni wena
(iMak 13.28-31; iLuk 21.29-33)

32 “A ze ni oora okhua o sese e ingme. Ini iguabo eyoli e da tsotsogho ne, ni o
 ro ta ebe, a lese khi okase o she ramhi.

33 Igho ini a da me emini mhi gue e ye ena ne, a lese khi oni egheghe o she
 ti ramhi ana.

34 Abi o li mhi li gue e ye e khi agbhotu ona o ya dose ne, ni emhi ena nya
 e ro bhale ya tse.

35 Eke ali ukhuli e ya dose, ama ingmemhi eyemhe, ea ya de kua.

Ogho o lese oni ogbele wekhi oni egheghe
(iMak 13.32-37; iLuk 17.26-30,34-36)

36 “Oghokhoghuo o lese oni ogbele wekhi oni egheghe. Egbegbi igeni na
 iloghie ea lese wekhi Omi Ogho o lese, se ni Ita lolighuo tse.

37 Abi o ke li egheghe oyi iNoa, igho ibhale oyi Omi Ogho o ya li.‡

38 Neni a me ogbele oyi ochikpho oniemhi, eri egho e le, e da, eghuo e woloo
 ikpotso, a ri ikpotso ye ughue, ya ramhi ogbele ni iNoa o ro mu oko-oke
 oniemhi nga,

39 Ama ea kie lese emini a ya me ramhi ni ochikpho o ro bhale ya tsua we
 kua nya. Igho ibhale oyi Omi Ogho o ya li.§

40 Emose aava e ya la ishemhi ke gbe akanya, a rue oghuo vu, a ze oni o kpole
 obo.

41 Ikpotso aava e ya la iko ke mhele emhi, a rue oghuo vu, a ze oni o kpole
 obo.

42 “A ri ukpeloee shi eke irari khi aa lese ele ni Onomhue oye e o ya bhale.

43 A lese khi ini omhue-apfe o lese egheghe ni ighiato e ro ya do oli lo, eri o ya
 shito ni ogbe o gbe-a. Oa ya ze ni ighiato e gbe oli ode-a lo owa le.

44 Itobo igho, a mema ya mu egbe shi eke, irari khi egheghe ni aa sa shi, Omi
 Ogho o ro ya bhale.

Oni o gue ee ga ali oni o ga gue ee ga
(iLuk 12.41-48)

45 “Oghuo o fe khi oni o ga ni ri egbe e nga ni o lese ingme. Ni oga oyoli o ze
 kpoda na eni ee ga eyoli, o ri eloe khu omhwapfe oyoli, ni o ke ri emhi na we le
 shi egheghe?

46 Oghele o khi na oni o ga ogho ini oga oyoli o jele ya e khi o ri ele emini o
 mhese na li.

§ 24:29 Li ze Iro 8.12; Aza 13.10; Ezik 32.7; iJofe 2.10-11,31; 3.15; iZef 1.15; Aza 13.10; 34.4; Iro 6.12-13

* 24:30 Li ze iDan 7.13; iZaka 12.10-14; Iro 1.7 † 24:31 Li ze 1 iKori 15.52; 1 iTesa 4.16; Aza 27.13;

iZaka 9.14 ‡ 24:37 Li ze Igbae 6.5-8 § 24:39 Li ze Igbae 7.6-24

47 Abi o li mhi li gue ẹ ye ẹ khi ọga ọyọli ọ ya ri emini ọ mholi nya nga li obo.

48 Ama ini ọ khi oni ọọ ga ni ọa ya suọ esọ lo, eri ọ ya ke gueye egboli, 'Ọga ọyemhe ọ ya la oobọ teşe,'

49 Ọọ gbe eni ẹẹ ga ni e kpole, ọ le, ọ deba edonyo a da onyo kia kia.

50 Ọga oyi oni ọọ ga ogho ọ ya jele apfe ogbele ali eghẹghẹ ni oni ọọ ga ogho ọa sa shi.

51 Oni ọga ọyọli ogho ọ ya nase ọli agboagbo, o roli je asha ni a ri erugamhi-ku-alo shi. Agho ọ la ke viẹ ọ le akọ akọ.*

25

Okhe irokhokho imueshi ogbe ni ẹa me omose ghue

1 "Eghẹghẹ ni a ngme ena, eri Eghiele oyi Eshinẹgba o ya li abi imueshi etuogbe ni ẹa me omose ghue, ni e ya rue ikpa eyewe, ni e vu ya a lu omose oni ọọ rue omueshi onogbo ode.*

2 Imueshi oshe elemhi we e khi eyeghe, oshe eni e kpole e khi elẹsingme.

3 Eyeghe ni e la ọ, e wolo ikpa eyewe ama ẹa sato tsua oili olese shi emhi.

4 Elẹsingme ni e la ọ, e wolo ikpa, gbo diẹ oili olese shi emhi.

5 Abi oni omose ni ọọ rue omueshi egho ọa ro kele ẹ bhale, eni imueshi nya e ri ukhomhi bo, olese o dowe rue.

6 "Abi itsotsogbie ro mu eke, uruli o de leghe, ọọ, 'A ghe khe! Oni ọọ rue omueshi ọ she ẹ bhale o! A vule ni a ya lu ọli ode!'

7 "Igho eni imueshi e ti vule, e ti ikpa eyewe ngale.

8 Ama ikpa eyi eyeghe ni e la ọ, e ẹa ke dobe lala. E le deba eni e khi elẹsingme, ẹẹ we, 'A kpeke a te oili oyeẹ diẹ na anye irari khi ikpa eyanye e she ẹ pfua.'

9 "Igho imueshi elẹsingme egho, ẹẹ we, 'Iye e! Oni anye mhuẹ ena ọa ya lo anye ni o gbolo lo ẹ ọ. A le deba eni e ri oili ẹ de ya de.'

10 "Igho eni imueshi eyeghe oshe egho, e le deba eni e ro de ya a de. Abi e ro vu ya de oni oili, oni ọọ rue omueshi ọ lole. Eni imueshi oshe ni e mu egbe oili olese egho e deba li lo elemhi owa ukue. A khukhu ode.

11 "O ke li denẹ, enekpole e bhale, ẹ ya kpheli ode, e liẹ, 'Ọga! Ọga! Khueghie ode-a na anye.'

12 "Ama oni ọọ rue omueshi ogho, ọọ we, 'Abi o li mhi li gue ẹ ye ẹ, mhi aa lese ẹ.†

13 "Irarigho, a ri eloe shi eke, itobọ khi aa lese oni ogbele we khi oni eghẹghẹ.

Okhe irokhokho oyi eni ẹẹ ga etuase

(iLuk 19.11-27)

14 "Eghẹghẹ agho, eri Eghiele oyi Eshinẹgba o ya li abi omose oghuo ni ọọ vu asha, ni ọ lu eni ẹẹ ga eyoli, ọ ri epfue eyoli nga we obo.

15 Ọ kemhi ikpagho na ogbogbo abi e li mhuẹ afu ramhi. Ọ ri ikpeshe na oghuo, ọ ri ikpeva na olese. Ọ ri ukpaghuo na onokpole. Ọ vu eoli.

16 Oni ọga ọ lese vu se, oni ọ mie ikpeshe egho, ọ nyanya ya ri ikpeshe eyoli du oki, ọ me eleli ikpeshe elese nga ọ.

17 Igho oni ọ mhuẹ ikpeva egho, ọ li ri eyoli du oki, ọ li me eleli ikpeva elese nga ọ.

18 Ama oni a ri ukpaghuo na egho, ọ vu ya to oni ukpagho eke so.

* 24:51 Li ze iLuk 12.39-46; 1 iTeṣa 5.2; Iro 3.3; 16.15; 2 iPit 3.10 * 25:1 Li ze iLuk 12.35 † 25:12 Li ze iLuk 13.25

19 “O tēṣe, ɔni ɔga ɔyewē ɔ jele. ɔ lu wē ɔgbɔgbɔ ɔ bhale ya guele abi ɔ li gbe.

20 ɔni ɔɔ ga ni ɔ mhuē ikpēshe eghɔ, ɔ bhale deba ɔga ɔyɔli, ɔɔ, ‘Oga, ikpēshe u rɔ na mhe, ama mhi she rɔli du oki, mhi mē ikpēshe eleli.’

21 “ɔni ɔga ɔyɔli ɔɔ li, ‘Mu akanya, yeye ɔni ɔɔ ga ɔnete ni ɔ mhuē igesikia! U she ri igesikia khaṣe shi ukuku emini mhi rɔ ngeṣe obɔ, mhi ya ri emini e bu ngeṣe obɔ. Bhale ni awa ga la oghele!’

22 “Ighɔ ɔni a ri ikpeva na eghɔ, ɔɔ li, ‘Oga, ikpeva u rɔ na mhe, mhi she mē eleli ikpeva.’

23 “ɔni ɔga ɔyɔli ɔɔ li, ‘Mu akanya, yeye ɔni ɔɔ ga ɔnete ni ɔ mhuē igesikia! U she ri igesikia khaṣe shi ukuku emini mhi rɔ ngeṣe obɔ. Mhi ya ri emini e bu ngeṣe obɔ. Bhale ni awa ga la oghele!’

24 “Ighɔ ɔni ɔ mie ukpaghuo eghɔ ɔ bhale, ɔɔ li, ‘Oga, mhi leṣe khi uwali ɔgbɔ u khi; khi ashini u waa gua shi wa je ya khiṣe, ali khi ashini u waa ri ukpamhi kɔ, u je ya tima.

25 Itobɔ igħɔ eri ulishi oye oo mu mhe, lolɔ o zē ni mhi rɔ ya tɔ ikpaghɔ eye eke sɔ. Ghe ikpaghɔ eye emhikhoghɔ ɛa li wē.’

26 “ɔni ɔga ɔyɔli, ɔ solɔ ɔ, ɔɔ li, ‘Yeye ɔgbɔ ɔkħɔlɔ ɔwaza ɔna. U leṣe khi eri mhia khiṣe emini mhi aa rɔkɔ, mhi gbo rɔte asha ni mhi aa pfi ukpamhi shi ɛ khiṣe.’

27 Abi o rɔ khi igħɔ, wa a kē ri ikpaghɔ eyemhe shi ilu ikpaghɔ, mhi kha jele, mhi kha bhale ya ɛ khi e gbe nga ɔ.

28 “ ‘A mie ɔli oni ukpaghɔ, a ri ɔli na ɔni ɔ mhuē ikpēshe.

29 Irari khi ɔgbɔ ni ɔ mhuē, a ya rɔ ma ɔ na li, ɔ mhuē gbeku ɔ, ama ɔni ɔa mhuē kpa, ukuku ni ɔ kpē mhuē a ya mie ɔli lue.‡

30 Ama ɔni ukhiakhiamhi ɔni ɔɔ ga ɔnana, a mu ɔli pfi lase ya pfi alo ebili, aghɔ ɔ la ke viē ɔɔ le akɔ akɔ.‡

Iguezɔ ni o kpukħokħo

31 “Ini Omi ɔgbɔ o bhale abi Oghie ɔnɔmhuē, ni igēni eyɔli nya e rɔ nu ɔli bhe, ɔ ya shitɔ eghiele ɔyɔli.*

32 ɛgbɔ ni e la agbɔ nya a ya tighili odalo ɔyɔli. Eghēghē aghɔ ɔ khi wē-a asha eva, abi ɔrisumha-kia ɔ liē vase isumha ali elamhi-a.

33 ɔ ya wolɔ ɛgbɔ ni e pfuase je ukiēkiē obita. Enekpɔle e la obɔgbɔ.

34 “Ighɔ ɔni oghie ɔ ya gueye ɛgbɔ ni e la li obɔ obita, ɔɔ wē, ‘A bhale ni a ke li agbɔ elemhi iloghie ni Itamhe ɔ riēle na ɛ rɔte eghēghē ni agbɔ o te gba eke le. Eɛ ni Eshinegba ɔ khi vose na.

35 Irari khi abi okiamhi o rɔ gbe mhe, a ri emhi na mhe le, okiamē o gbe mhe, a diē amē na mhe da. Abi mhi rɔ khi ɔpfeṣe, a mie mhe shi owa oyeṣe.

36 Abi mhi rɔ la irumheba a ri itsua na mhe sɔ. Mhii ghua, a ri ɛloe khu mhe. Mhi la owa ighumha, a bhale ya bino mhe.’

37 “Ighɔ eni ɛgbɔ ni e pfuase eghɔ e ya mhila mhe, ɛ mhe, ‘ɔnɔmhuē, eghēghē onoghɔ anye rɔ mē khi okiamhi oo gbe ɛ ni anye rɔ ri eminale nē le, ni okiamē o rɔ gbe ɛ ni anye rɔ rɔ nē da?’

38 ɛghēghē onoghɔ u rɔ khi ɔpfeṣe ni anye rɔ mie lo owa le. Eghēghē onoghɔ u rɔ banɔ-a ni anye rɔ ri itsua nē sɔ?

39 ɛghēghē onoghɔ u rɔ ghua ni u rɔ la owa ighumha ni anye rɔ bhale ya bino ɛ?’

‡ 25:29 Li zē iMat 13.12; iMak 4.25; iLuk 8.18 § 25:30 Li zē iMat 8.12; 22.13; iLuk 13.28 * 25:31 Li zē iMat 16.27; 19.28

⁴⁰ “Oni oghie ọ ya sọ wẹ ọ, ọ wẹ, ‘Abi o li mhi li gue ẹ yẹ ẹ egho khi, emiemi ni u da riẹlẹ na ẹgbọ ni e khi Inyoghuo-mhẹ ni e miesuọ ni ẹa mu ẹloe ena ne, mhẹmhe u riẹlẹ ọli na.’

⁴¹ “Egheghe agho oni oghie ọ ya gueye ẹgbọ ni e la li ukiẹkiẹ obo ọgobo, ‘A vu mhẹ ana le, ẹ ni a pfi unu na, a ke je owa ere ni Eshinegba ọ riẹlẹ na ọkphaghie ali igeni eyoli.

⁴² Irari khi abi okiamhi o rẹ gbe mhẹ, aa ri emhi na mhẹ le. Abi okiamẹ o rẹ gbe mhẹ, aa bọ amẹ na mhẹ da.

⁴³ Abi mhi rọ khi ọpfe, aa lama ni mhi lo ẹ apfe le. Abi mhi rọ la irumheba, aa bọ ide na mhẹ sọ. Mhi ghua, aa ri ẹloe khu mhẹ. Mhi la owa ighumha aa bhale ya bino mhẹ.’

⁴⁴ “Egheghe agho e ya liẹ mhẹ, ‘Onomhue, obo anye la mẹ khi okiamhi o gbe ẹ, ni u rọ khi ọpfe, ni u rọ la irumheba, ni u rọ ọ ghua, ni u rọ la owa ighumha ni anye aa rọ kpaghie obo?’

⁴⁵ “Oni oghie ọ ya sọ wẹ ọ, ọ wẹ, ‘Abi o li mhi li gue ẹ yẹ ẹ egho khi, emiemi ni u da riẹlẹ na ẹgbọ ena ni ẹa mu ẹloe ni e mie mhẹ suọ ne, mhẹmhe wa a riẹlẹ ọli na.’

⁴⁶ “Egheghe agho, e vu ya lo osoli na agboagbo, ama eni e gue ngeli, e je agbo na agboagbo.”†

26

Ugbamhi ni a gba khe iJesu

(iMak 14.1-2; iLuk 22.1-2; iJon 11.45-53)

¹ Abi iJesu ọ li seşe emhi ena se, ọọ eniye odukhokho eyoli,

² “A leşe khi akopfua khi ukpe iPasova. A ya mu Omi Ọgbọ, a gbe ọli-a shi apfida.”*

³ Egheghe agho, ighie eyi ekpodalo-ugamhi ali eni egbhali e ya lona agbala oyi iKefasi ni ọ khi Ọga oyi ekpodalo ugamhi nya.

⁴ E la agho gba ugbamhi abi e li ya bẹna mu iJesu ya gbe-a.

⁵ E gueye egbe khi, ọa ya khi egheghe oyi oni imu, ini ẹgbọ khi ri itobo igho tsua onyaghu lasele.

A la iBetani ku oili shi iJesu egbe

(iMak 14.3-9; iJon 12.1-8)

⁶ iJesu ọ bhale iBetani, ikhi owa oyi omose ọghuo ni a lu iSamọ ni efafe e kpe mu.

⁷ Abi iJesu ọ li la agho le eminale, ọkpotsọ ọghuo ọ tsua ituale ni o lolo ghale shi ukoko alabasita ni a ri ẹche riẹlẹ bhale. Ọ ya ku ọli shi iJesu ukhomhi.†

⁸ Abi eniye odukhokho eyi iJesu e rọ mẹ ona, e liẹ, “Elo o zẹ ni a rọ na pfueche oni ituale kua shi afue?” Elemhi e bi wẹ.

⁹ “A kha ri ituale ona de ghale lo, a kemhi eni ikpagho na eni ẹa mhue.”

¹⁰ iJesu ọ leşe emini e ngme, ọ mhila wẹ, ọ wẹ, “Elo o zẹ ni a rọ nyama oni ọkpotsọ ọna? Emini o somhi otse ọ riẹlẹ na mhẹ.

¹¹ Egheghe kpa eni ẹa mhue e rọ a la ẹ ifuabọ. Ama aa ya ke mẹ mhẹ egheghe kpa.‡

¹² Emini o zẹ ni ọkpotsọ ọna ọ rọ ku ituale ona shi mhẹ egbe khi, ni ọ rọ mu mhẹ egbe khe irotọ oyemhe.

† 25:46 Li zẹ iDan 12.2; iJon 5.29 * 26:2 Li zẹ Okiali 12.1-27 † 26:7 Li zẹ iLuk 7.37-38 ‡ 26:11 Li zẹ iDeut 15.11

13 Mhi gueye ẹ khi ashiashini a da la tse abo usomhi onete ona eke agbo ona ne, a ya ngme emini oni ọkpotsọ ona ọ riẹle ro sato ọli egbe.”

IJudasi o lama khi loyi ya ri iJesu de

(iMak 14.10-11; iLuk 22.3-6)

14 Igho oghuo eniye odukhokho ogbava eyi iJesu ni a lu iJudasi na Isikaroti, o fiẹ deba ighie eyi ekpodalo-ugamhi.

15 O mhila we, “Ingme a ya ro na mhe ini mhi ri ode khasẹ ẹ ni a te ya mu ọli?” Igho e leli ikpaghuo-ghuo uye ali igbe na li.†

16 Rote agho vu, eri iJudasi o ke ri ukpeloẹ shi eke nono ode ni o te ya ri iJesu na we.

Eminale ogbomhi oyi Onomhue

(iMak 14.12-21; iLuk 22.7-13,21-23; iJon 13.21-30)

17 Ogbelẹ onodode oyi oni ukpe na ibuledi ni aa ri ifuma wushe o ramhi, eniye odukhokho eyi iJesu e bhale deba li, e mhila li, ẹ ọli, “Obo wa nono ni anye mu egbe shi ni u la le eminale iPasova?”

18 Oo we “A le deba omose oghuo ni o la elemhi oni ẹli, a ka gueye ọli khi, ‘Osese o khi eghẹghẹ oyemhe o she ti ramhi, owa oye, mhemhe ali eniye odukhokho eyemhe anye la le eminale iPasova.’”

19 Igho eni eniye odukhokho eyi iJesu e riẹle abi o li ghie we. E ya mu egbe oni eminale shi agho.

20 Abi ogbomhi o ro mu eke, iJesu ali eniye odukhokho ogbava eyoli ee shito shi eminale.

21 Abi e ro le oni eminale, iJesu oo we, “Oghuo elemhi ẹ o ya remhe de.”

22 Igho egbe e pfo we a. Oghuo oghuo o mhila li “Onomhue she khi ọa khi mhemhe we khi o khi?”

23 IJesu oo we, “Oghuo ẹ ni o nu mhe ẹ so obo utasa, o ya re mhe de.*

24 Omi ogbo o ya ghu-a abi a keke nali. Ama o ma kholo omose ni o ri Omi Ogbo ya de egbe. O kha bie ti ne ini ogbo aa bie bia li.”

25 IJudasi ni o ya roli de oo li, “Osese, she khi ọa khi mhemhe wexhi o khi?” IJesu oo li, “Ii, yeye lo.”

Eminale ogbomhi oyi Onomhue

(iMak 14.22-26; iLuk 22.14-20; 1 iKori 11.23-25)

26 Abi e li le egho, iJesu o rue ibuledi, o kphemhi, o khi ọli a, o roli na eniye odukhokho eyoli, oo we, “A mo, a le khi idiegbẹ oyemhe na.”

27 Igho o gbo li rue uko, o kphemhi, o roli na we, o we, “Ee nya a rote o da.

28 Olia eyemhe ni a ku ro luase obo na egbokpa a na, ni o gbe olamhe kua na we. Olia ena Eshinẹgba o ro nu egbo eyoli mhue ishobo.†

29 Mhi gueye ẹ khi mhi a ke gbo rote oni ukpamhi ọara upfonu onana ya da rote memena vu. Seẹ ni ele ni mhi ke ya nu ẹ da li ode onogbo Iloghie oyi Itamhe.”

30 Abi e ro to uwolo se, e vu ya je ute ẹera Olivu.

IJesu o guele shi eke khi iPita o ya kie lue

(iMak 14.27-31; iLuk 22.31-34; iJon 13.36-38)

31 Abi e li le egho, iJesu oo we, “Amiose ena, ee nya a ya mhue akhokhomhe shi mhe egbe, a na tsua mhe pfa, irari khi ebe o ngme ọli khi.

“Mhi ya ri emhi li

Orisumhafia,

eni isumha
e ya gbhiaku-a.”‡

32 “Ama ini mhi rōte eghuli guale, mhi ya ralo na ẹ iGalili.”§

33 IPita ọọ li, “Ini ẹgbọ nya e tseku mhuẹ akhọkhomhẹ shi ẹ egbe, mhẹmhẹ mhi aa ya mhuẹ.”

34 IJesu ọọ li, “Abi o li mhi li gue ọli ẹ yẹ, khi amiọṣe ena, neni ọkpa ọ gbiẹghe, itese u ya liẹ khi waa leṣe mhe.”

35 IPita ọọ li, “Mhi aa ya ngme ghọ ini o tseku khia khi oni mhi ya nu ẹ ghua lo, mhi aa ya liẹ khi mhi aa leṣe.”

Eniyẹ odukhokho enekpọle nya e li ngme ghọ.

Ijesu ọ la iGẹtisemani lema

(iMak 14.32-42; iLuk 22.39-46)

36 Ighọ iJesu ọ lu eniyẹ odukhokho eyọli, e je ashini a lu iGẹtisemani, ọọ wẹ, “A shitọ ana khi mhi ya je oobọ ya sọ iromhi.”

37 Ọ rue iPita ali imi iZebedi aava ma egbe. Ọ viẹ osoli, egbe ẹa ke sheshe ọli.

38 Ọọ wẹ, “Udu oyemhẹ o vọ osoli ramhi khi mhi ya ghua. A shitọ ana, a nu mhẹ ke tokpẹ.”

39 Ọ ti lẹ deṣe, ọ de yeshi tọ alo mu eke ọ sọ iromhi. Ọọ, “Ita, ini o ya tse lo, ze ni u mie mhẹ uko osoli ona. Ama ọa khi abi o li ghọle mhẹ, ama abi o li ghọle e.”

40 Ọ nyenẹ egbe bhale deba eni eniyẹ odukhokho, ọ mẹ khi ẹ leṣe. Ọọ wẹ, “Aa doṣe nu mhẹ tokpẹ ukuku ẹghẹghe tse?”

41 “A ke tokpẹ, a sọ iromhi ini a khi de pfilo imufe. Ayemhẹ o mu egbe, ama o loṣe idiegbe.”

42 Ọ gbo vu utonuzi-eva, ọ ya lema, ọọ, “Itamhẹ, ini o khia khi ọa ze li ni uko osoli ona o doṣe, seẹ khi mhi da li, ze ni ọghuemhẹ oyẹ o tse.”

43 Ọ gbo nyenẹ egbe ukhokho bhale, ọ mẹ khi e leṣe ẹa ke doṣe khueghie alo-a.

44 Ighọ ọ ze wẹ oṣo shi aghọ. Ọ gbo ya lema utonuzi-eṣe, o gbo ngme abi ọ kpẹ ngme.

45 Ighọ ọ nyenẹ egbe ukhokho bhale deba eni eniyẹ odukhokho, ọọ wẹ, “Eri a kiele ẹ leṣe-a, a kiele ẹ yemhẹ-a? A bino khi ẹghẹghe o she ramhi khi a she ri Omi Ọgbọ na ẹgbọ olamhẹ de.

46 A vule ni awa vu! Ọni ọ remhẹ ẹ de ọọ bhale!”

A mu iJesu

(iMak 14.43-50; iLuk 22.47-53; iJọn 18.3-12)

47 IJesu ọ kie lighọ ngme, iJudasi ni ọ khi ọghuo eni eniyẹ odukhokho ogbava, ọ bhale. Ebubu ẹgbọ ni e tsua epia ali itakobi e nu ọli bhale, eni ighie eyi ekpodalo-ugamhi ali eni egbhali e ghie.

48 Ọni ọ rọli de ọ she ri ọlẹlẹ na eni ẹgbọ, ọọ wẹ, “Ọni mhi da ya pfipfi egbe ne, lolli lo, a mu ọli.”

49 Ọni iJudasi ọ lẹ deba iJesu, ọọ li, “Opfomhẹ o ka nu ẹ la Ọṣeṣe,” ọ pfipfi ọli egbe.

50 IJesu ọọ li, “Ọmuẹ, nyanya riẹlẹ emini u bhale shi.”

Ighọ eni emọse e fiẹ lasele, e mu ọli.

51 Ghe i, abi a rọ mẹ na, ọghuo eni e nu iJesu kia, ọ ji itakobi emhi lasele. Ọ khi ọni ọọ ga ọyi Ọga ekpodalo ugamhi eṣo-a.

⁵² IJesu oƆ li, “Rue itakobi oye shi irari khi Ɔni o ji itakobi, o ya li ghu eghuli itakobi.

⁵³ Eri u dabi khi mhi aa doƆe ya mhila Itamhe ikpaghiobo, aghoaghƆ o ri igeni ni e doƆe agbhagbhamhi igbeva ghi mhe.

⁵⁴ Ama, se Ebe-no-pfuase o ke li bhale ya tse, ni oƆ khi a mema lina me Ɔli?”

⁵⁵ Igho IJesu oƆ eni ebubu eƆbo egho, “Eri mhi ri eƆbo e pfi ozughu ni a ro tsua igbhoro ali itakobi bhale ya mu mhe? EƆ kpa mhi ro shito Owa oyi Eshinegba e sese, ama aa mu mhe.*

⁵⁶ Ama eri a me ena nya ni a bhale ya e khi emini emekeguele e ngme shi ebe o bhale ya tse.” Igho eniye odukhokho nya e ze Ɔli obo, e na kua.

Igba enighie ni a lu iSaediri e ri iJesu gue ezo

(iMak 14.53-65; iLuk 22.54-55,63-71; iƆon 18.13-14,19-24)

⁵⁷ Eni e mu iJesu e rue Ɔli je apfe oyi iKefasi ni o khi Oga oyi ekpodalo ugamhi, ashini eni e sese ishi ali eni egbhali e legbe.

⁵⁸ Ama iPita o tapfia a deba we. O deba we lo ramhi atukpapfe oyi Oga oyi ekpodalo ugamhi. O lo se, o nu eni eƆ khe ekhe shito, ni o me abi oni ingme o ke li ya kia.

⁵⁹ Ighie eyi ekpodalo-ugamhi ali eni iSaediri nya, e nono Ɔtsele egbhali ni e ya mu mhali iJesu obo ni e ba me asha gbe Ɔli-a.

⁶⁰ Ama eƆa me okhoghuo, abi ebubu eƆbo e tsekui fiƆe lasele ya pfi Ɔtsele egbhali.

Ikpukhokho o, emose aava e fiƆe lasele.

⁶¹ E li “Ɔmose Ɔna oƆ, ‘Mhi ya doƆe guogho Owa Oyi Eshinegba-a, mhi gbo rieƆe Ɔli to ogbele ese.’”†

⁶² Oga oyi ekpodalo ugamhi o vule, oƆ iJesu, “Waa bie mhue emini u ya ngme shi ezo ni a gue e shi e egbe ena?”

⁶³ Ama iJesu tsaghie-a.

Igho Oga oyi ekpodalo ugamhi o gbo vule migha, oƆ iJesu, “Mhi ri eva oyi Eshinegba ni o la o re romhi ishe, gueye anye, ini yeƆe u khi Omiepfuese Omi Eshinegba.”

⁶⁴ IJesu oƆ li, “Igho o khi abi u ngme. Ama mhi gueye eƆ nya khi, rote memena vu, a ya me khi Omi OgbƆ o shito obita oyi Eshinegba ni o fune nya, o la elemhi otughunu te irarogbe e bhale.”‡

⁶⁵ Igho, Oga oyi ekpodalo ugamhi o nyanƆ awulu a shi egbali uruli. Oo, “O she pfi unu-a! Ɔtsele olese awa ke gbolo e nono? EƆ a she suo oni ungmehi ipfiunu-a ni o ngme.

⁶⁶ Se a sa shi o?”

E Ɔli “O she lue, o mema ya ghua.”§

⁶⁷ Igho e tono ete ku iJesu alo, e ri ekpa gbe Ɔli. Eghuo, e lase Ɔli eso.*

⁶⁸ E lie Ɔli “Me eke na anye ghue yeƆe Omiepfuese. Gueye anye ghue Ɔni o ri emhi gbe e.”

IPita o kie iJesu

(iMak 14.66-72; iLuk 22.56-62; iƆon 18.15-18,25-27)

⁶⁹ IPita o shito olase, omueshi oghuo oyi Oga oyi ekpodalo ugamhi o bhale deba li, oƆ li, “YeƆe, u li nu iJesu onge iGalili kia.”

⁷⁰ IPita o tia li ukpeloƆe we nya, oƆ li, “Mhi aa fe lese emini a ngme.”

* 26:55 Li ze iLuk 19.47; 21.37 † 26:61 Li ze iƆon 2.19 ‡ 26:64 Li ze iDan 7.13 § 26:66 Li ze iLev

⁷¹ O ke rōte agho fię je unu ođe unuekpe ni a rōte ę lo oni apfe le, ọkpotsọ ọni ọọ ga ọlese ọ gbo me ọli, ọ gueye emose ni e la agho, ọọ “Ọmose ọna ọ nu ijesu na iNazareti kia.”

⁷² Igho iPita ọ gbo tia li. Utona, ọ romhise ma ọ, ọọ, “Mhi romhi ishe, khi mhi aa lese ọni ọmose ọgho!”

⁷³ O ke li deę, emose ni e migha agho e bhale deba iPita, ę ọli, “Igesikia lo khi ọtuoghuo elemhi we u khi. Ungmemhi oye o she ngmase le.”

⁷⁴ Igho ọ li se egbo li isheli, ọọ romhi isheli. O lię, “Mhi aa ga lese ọni ọmose!” Utoghukpe ọkpa ọ gbieghe.

⁷⁵ Igho iPita ọ sato ungmemhi ni ijesu ọ gueye ọli ni ọ re ọli, “Neni ọkpa ọ ya gbieghe, itese u ya lię khi waa lese mhe.” O fię je olase ya vie oya.

27

A mu ijesu ghi iPaleti

(iMak 15.1; iLuk 23.1-2; iJon 18.28-32)

¹ Ogbe o gbe-a ogbeakolo, ighie eyi ekpodalo-ugamhi nya ali egbhali e mhesę abi e li ya gbe ijesu-a.

² E ge ọli, e rue ọli vu ghi iPaleti ni ọ khi igovunọ.

Ijudasi ọ gbe egbo li-a

(Ika 1.18-19)

³ Abi ijudasi ni ọ roli de, ọ ro suọ khi a pfa ezọ mu ọli khi a ya gbe ọli-a, o ri egbe pfo li-a, ọ nyene egbe rue ikpaghuo uye ali igbe egbo ghi ighie eyi ekpodalo-ugamhi ali eni egbhali.

⁴ Oọ we, “Mhi she lamhe, irari khi mhi she ri ogbo ni ọa mhọli olamhe okhoghuo de,” ę ọli, “Egbo li oyi anye onoghuo o ke la ogbo? Yeye u lese.”

⁵ Igho ijudasi ọ ku eni ikpagho kua eke elemhi Owa oyi Eshinegba, ọ vu ya soli egbo li-a.

⁶ Igho ighie eyi ekpodalo-ugamhi e sanọ eni ikpagho eke, ę ọli, “Ikpagho ọli na, awa aa ya ku we ma ikpagho ugamhi.”

⁷ E gba ugbamhi nga eni ikpagho se, e rewe ya de eke onayi ọni ọọ ma ekhe, ni a ri ilimhi epfese ke to agho.

⁸ Lọli o ze ni a ro lu ọli Eke Ọlia ramhi ogbe na amo.*

⁹ Igho ungmemhi ni omekeguele ni a lu ijeremaya ọ ngme, o li bhale ya tse. Ni ọọ, “E rue ikpaghuo uye ali igbe ni e khi ikpagho ni egbo iZireni e lama fali shi ọli egbe.

¹⁰ E rue eni ikpagho ya de eke eme onayi eni ęę ma ekhe, abi Eshinegba ọ mhesę na mhe mhi ngme.”†

IPaleti ọ mhila ijesu ogbo

(iMak 15.2-5; iLuk 23.3-5; iJon 18.33-38)

¹¹ Ijesu ọ migha odalo oyi igovunọ iRomu, ọni igovunọ ọ mhila li, “Yeye u khi oghie oyi egbo iJu?” Ijesu ọọ li, “Ii, Igho ọ khi abi u ngme.”

¹² Ama ọa mhọli emini ọ so shi ingme ni ighie eyi ekpodalo-ugamhi ali egbhali e ngme shi ọli egbe.

¹³ Igho iPaleti ọ mhila li, ọọ. “Wa a suọ emini a ngme shi ę egbe?”

¹⁴ Ama ijesu ọa lama so ọli abikhoghuo, o ga lolo ri abọ sha ọni igovunọ.

A pfa ezọ igbe-a mu ijesu

(iMak 15.6-15; iLuk 23.13-25; iJon 18.39-19.16)

* 27:8 Li ze Ika 1.18-19 † 27:10 Li ze iZaka 11.12-13; iJere 19.1-13; 32.6-9

15 Ini a da li ukpe iPasova, eri igovunọ ọọ rue ọgbọ ọghuo ni a mu shi owa ighumha obọ-a na ẹgbọ iJu. Ikhi oni e zẹ, a rue igha le na wẹwẹ.

16 Ẹgheghe aghọ, a mẹ ọmọse ni a mema lẹsẹ shi ukhiakhiamhi ọgbọ, ni aa khena, ni a mu shi owa ighumha, ni a lu iBarabasi.

17 Ighọ abi eni ẹgbọ e rọ le gba, iPaleti ọ mhila wẹ, “Ọnoghuo elemhi ẹgbọ aava ena a nono ni mhi wolọ abọ-a na ẹ? IBarabasi abi iJesu ni a lu Ọmiepfuese?”

18 Irari khi ọ she lẹsẹ khi itobọ khi ighie eyi ẹgbọ iJu ẹẹ biselemhi iJesu e rọ mu ọli ghi luẹ.

19 Abi iPaleti ọ li shito ukpekhomhi ẹzọ oyọli, ughue ọli ọ ghie usomhi ghi ọli, ọọ. “Khi mhuẹ emini u li ọmọse ni ọa mhuẹ emini ọ li eghọ. Irari khi mhuẹ mẹ osoli elemhi ẹlena ooyosẹ shi ingme oyọli.”

20 Ama ighie eyi ekpodalo-ugamhi ali eni egbhali, e tanọ shi eni ebubu ẹgbọ elemhi, e liẹ iPaleti ọ rue iBarabasi obọ-a, ama a gbe iJesu-a.

21 Ighọ igovunọ ọ mhila wẹ, “Elemhi aava ena, onoghuo ọ, a nono ni mhi rue obọ-a?” Wẹwẹ nya ẹẹ.

“iBarabasi!”

22 Ọ mhila wẹ, “Sẹ mhi ya li iJesu ni a lu Ọmiepfuese ọna shọ?”

Wẹwẹ nya ẹẹ, “A ka ta li ma apfida!”

23 Ama iPaleti ọ mhila wẹ, “Elo o zẹ, onobe onoghuo ọ riẹlẹ?”

Ama e kie tsesẹ leghe “A ta li ma apfida!”

24 Abi iPaleti ọ rọ mẹ khi lolu ẹa mhọli emini lolu ke ya li ọ, khi onyaghu o tigbe te ọ lasele, ọ diẹ amẹ, ọ kpe abọ-a ukpeloe wẹ nya, ọọ wẹ “Mhi aa mhuẹ obọ shi eghuli oyi ọmọse ọna o! Obọ oyẹẹ o la o!”[‡]

25 Eni ẹgbọ nya ẹ li, “Ọlia eyọli e la ukhomhi oyanye ali oyi eniyẹ eyanye.”

26 Ighọ ọọ rue iBarabasi obọ-a na wẹ. Ọọ a gbe iJesu itali, ọ rue ọli na ekhọli-okhuẹ eyi iRomu e ka ta li ma apfida.

Eni ekhọli-okhuẹ e ri iJesu li egia

(iMak 15.16-20; iJón 19.2-3)

27 Ighọ ekhọli-okhuẹ eyi iPaleti e rue iJesu lo elemhi agbala oyọli, ọ rue eni ekhọli-okhuẹ nya le gasẹ ọli.

28 Ighọ e gueghie ọli itsua ni ọ sọ, e ri itsua oyilẹ sọ li.

29 E ri igba do arula rughu ọli. E ri ukpokpo mhọli ọli obọ ita, e wugha li odalo, e ri ọli li egia. E liẹ ọli, “Ẹshinẹgba ọ zẹ ni u to agbọ yeyẹ oghie iJu.”

30 E to etẹ ku ọli, e mie ọli oni ukpokpo gbe ọli ukhomhi.

31 E ri ọli li egia se, e gueghie ọli itsua eyilẹ ni e rọ sọ li eghọ, e tigbe ri itsua eyọli sọ li. E rue ọli je obini a la ya gbọli-a.

A ta iJesu ma apfida gbe-a

(iMak 15.21-32; iLuk 23.26-43; iJón 19.17-27)

32 Abi e li lẹ eghọ, wẹwẹ ali ọmọse ni a lu iSamọ ọngi iZireni e ya lona, e ri itoto mu ọli ọ tsua apfida oyi iJesu.

33 E bhale asha ni a lu iGogota. Abi iGogota o ngme khi “Asha ugua ukhomhi ọgbọ.”

34 Aghọ e la ri onyọ ni a ri emhi oyala shi na iJesu da, ama ọ to unu ọ bino, ọa lama da li. §

³⁵ E ta li ma apfida se, e pfi onolo rọ kemhi itsua ni ọ sọ mhọli egbe abọ. Onana o ri emini ọmekẹguele ọ ngme bhale ya tse, ni ọọ. “E kemhi iwulu eyemhe, e pfi onolo shi ide eyemhe.”*

³⁶ E rięę se, e shito, e khe ọli ekhe.

³⁷ E keke emini a gue shi ọli egbe shi upepe ọara rọ kphase kpeda nali. Emini a keke shi ọ khi, Ọna khi iJesu, Oghie egbo iJi.

³⁸ Ighọ e gbe ighiatọ aava ma li egbe. Oghuo ọ la ukiękię obita, ọnọkpọle ọ la li ukiękię ọgobọ.

³⁹ Egbo ni ee dose, e pfi itsue ọdọda manya iJesu.†

⁴⁰ E lię “Yeęe ni u ya guogho Owa Oyi Eshinęba-a, ogbele nuzi-esę u gbo tọli pfo. Tsumhi egbe e! Rote ukhomhi apfida ona tiemhile shọ, ini Omi Eshinęba u khi.”

⁴¹ Ina ighie eyi ekpodalo-ugamhi, ali esesę Ishi eyi iMosisi ali egbhali e gbo li tsue ọli.

⁴² E lię, “Ọ tsumhi egboese,” “Ama ọa dobe tsumhi egbo!i! Ọa khi ọli khi oghie ọyi iZireni? Ini ọ da te ukhomhi apfida onana tiemhile ne, anye ya mie ọli suo.

⁴³ Eri ọ ri egbe da Eshinęba o gbo lię khi, ‘Omi Eshinęba mhi khi.’ Awa ke bino ini Eshinęba ọ ya tsumhi ọli mena.”‡

⁴⁴ Ighọ khi ighiatọ ni a ta ma apfida e li tsue ọli.

Eghuli oyi iJesu

(iMak 15.33-41; iLuk 23.44-49; iJọn 19.28-30)

⁴⁵ Oguota o mu eke obili o tode bi asha kpa elemhi iwakati esę.

⁴⁶ Agogo esę o de te, iJesu ọ vię lasele leghe ọọ “Eloi, Eloi, Lama Sabachi tani?” Abi ona o ngme khi “Eshinęba ọyemhe, Eshinęba ọyemhe, elo ọ ze ni u rọ pfi mhe esọ a?”§

⁴⁷ Egbo eghuo ni e la aghọ e suo ona, e lię li, “Elaja ọọ lu.”

⁴⁸ Aghoaghọ, oghuo ọ, ọ na ya rue isoso, ọ sọ li onyo ni o khe-a, ọ geņọ li shi ukpokpo nise a ji iJesu unu ni ọ da.*

⁴⁹ Ama enekpọle e ọli, “Migha, ze ọli obọ ni awa me ini Elaja ọ ya bhale ya tsumhi ọli.”

⁵⁰ Ighọ iJesu ọ gbo vię leghe, ọ ghu-a.

⁵¹ Eghęghę aghọ tee, ode ugbakpi, ni a rọ ta pfa ode-a ni o la elemhi Owa Oyi Eshinęba o te odode rọte idane kięse-a ya tiemhi eke. Eke agbo o nighise, eche e veno-a.†

⁵² Iji e khueghie-a, ebubu egbo ni e pfuase ni eghuloa e guale bhale agbo.

⁵³ E fięọ iji lasele. Abi iJesu ọ rọ rọte eghuli guale se, e je elemhi ọli no pfuase, e ri egbe khasę ebubu egbo.

⁵⁴ Abi ekhọli-okhue ni a ze e ke khe iJesu ekhe e rọ me abi eke o li nighise ali emhi elese ni e me nya, ulishi oo mu we, e lię li, “Egbebo ọli khi Omi Eshinęba ọmose ọna ọ khi.”

⁵⁵ Ikpotso ebubu e la aghọ ni e ta pfi-a fe. Eri e deba iJesu rọte iGalili bhale ni wewe e ri ukpọle khu ọli.

⁵⁶ Eghuo ọ khi, iMeli ọngi iMagidaleni, iMeli inyi iJemhisi ali iJosefu, ali inyi iJemhisi ali iJoni.

* 27:35 Li ze Iwolo 22.18 † 27:39 Li ze Iwolo 22.7; 109.25 ‡ 27:43 Li ze Iwolo 22.8 § 27:46 Li ze Iwolo 22.1 * 27:48 Li ze Iwolo 69.21 † 27:51 Li ze Okiali 26.31-33

*Abi a ri iJesu tọ**(iMak 15.42-47; iLuk 23.50-56; iJon 19.38-42)*

⁵⁷ Abi ogbomhi o rọ mu eke, omose ni o pfue ongi Arimatia ni a lu iJosefu ni o li khi oghuo eniye odukhokho eyi iJesu,

⁵⁸ o le deba iPaleti ya mhila li olimhi oyi iJesu, o roli na luẹ ya tọ. iPaleti o ri unu bhale e ka rue ọli na iJosefu.

⁵⁹ Igho iJosefu o rue ọli, o ri ode onogbo no pfuase khuli ọli.

⁶⁰ O ri ọli tọ uji onogbo oyọli ni a lese tọ shi elemhi eche. O gheghele eche oniemi khukhu oni uji unu, o vu je apfe.

⁶¹ Igho iMeli ongi iMagidalen ali iMeli onokpọle e shitọ sọ alo ghue oni uji.

Ekhekhe ni e la oni uji

⁶² Ogbeakolo, ni o khi ele Iyemhea oyi egbo iJu, ighie eyi ekpodalo-ugamhi ali egbo iFarisi e bhale deba iPaleti, e ọli,

⁶³ "Oga, anye sa ya to khi abi oni oloegbhue ogho o rọ la agbo o lie khi, 'Mhi ya guale ele-ese.'‡

⁶⁴ Mena ri unu bhale a ke ya khe agho ekhe ramhi ele nuzi-ese, ini eniye odukhokho eyoli e khi bena ya tsua olimhi oyoli, ni e ke gueye egbo khi a she te eghuli guise ọli le. Egboli oni o ya kpukhokho ona, loli o ke ya kholo dose oni odode."

⁶⁵ iPaleti o o we, "A rue ekhe-khe, a ze ni e khe ekhe agho. A lolo khukhu ọli abi o ti e eloe shi."

⁶⁶ Igho e ya khukhu oni uji egbegbo, e zuse ọli, e ze ekhe-khe shi agho.

28*Irote eghuli guale oyi iJesu**(iMak 16.1-10; iLuk 24.1-12; iJon 20.1-10)*

¹ Ogbe o ya gbe khi ele Iyemhea o dose ni o khi ele ni odode elemhi efo uka, iMeli ongi iMagidalen ali iMeli onokpọle e le ya bino oni uji.

² Utoghukpe eni ikpotso, irari khi ageni oyi Onomhue o rote idane tiemhile. O gheghele oni eche ni o khukhu oni unu uji ode-a. O shitọ nga o.

³ O li abi erali akphala. Itsua ni o sọ e pfuase pepere abi otughunu opfopfo.

⁴ Ulishi o mu eni e la agho khe ekhe, ee guo, ubi o rue we pfi gbe.

⁵ Oni ageni o o eni ikpotso, "A khi ze ni ulishi o mu e irari khi mhi lese khi iJesu ni a gbe-a shi apfida a nono.

⁶ Oa la akana, o she te eghuli guale abi o kie kpe ngme. A bhale ya bino ashini a ri ọli yeshi.

⁷ A nyanya ke le memena, a ka gueye eniye odukhokho eyoli khi. 'A she te eghuli guise ọli le, khi mena, o o kia khe e, o je elemhi iGalili. Oobo a ya me ọli.' Ghe i, a khi yele-a abi mhi gueye e."

⁸ Igho eni ikpotso e nyanya rote oni uji vu, ulishi o mu we ama oghelẹ o vo we elemhi, e na ya gueye eniye odukhokho eyoli.

⁹ Utoghukpe iJesu o bhale deba we, o o. "Opfomhe o ka nu e la." E bhale deba li, e mu ọli awe, e nyese ukhomhi ga li.

¹⁰ IJesu o o we, "A khi ze ni ulishi o mu e, ama a ka gueye Inyoghuo-mhe e ke je iGalili. Agho e te ya me mhe."

Emini ekhe-khe e guele

‡ 27:63 Li ze iMat 16.21; 17.23; 20.19; iMak 8.31; 9.31; 10.33-34; iLuk 9.22; 18.31-33

¹¹ Abi eni ikpotso e rọ vu se, eni ekhọli-okhue ni e khe oni uji ekhe, e vu ya gueye ighie eyi ekpodalo-ugamhi emini a ga me nya.

¹² Igho ighie eyi ekpodalo-ugamhi e le deba eni egbhali e lona ye ugbamhi abi e ke ya li. E gba, e ri ikpokpomhi ikpagho na eni ekhọli-okhue egho.

¹³ Ee we. "A lie khi, 'Eniye odukhokho eyoli e bhale ya tsua li vu abi obili o rọ bi ni anye rọ lese.'"

¹⁴ Ini igovuno o suo ona, anye ya pfa e shi eke, a khi ze ni emhikhoghuo o nase e udu."

¹⁵ Igho eni ekhọli-okhue e mie we eni ikpagho e li abi e sese we. Eri ingme emini e riele o gbhiaku asha kpa ifuabo egbo iJu. Ramhi ogbe-namo, eri a kiele e ze oni okhe ona.

Usomhi ni o fune ni iJesu o ghie

(iMak 16.14-18; iLuk 24.36-49; iJon 20.19-23; Ika 1.6-8)

¹⁶ Igho eniye odukhokho ogbaghuo eyoli e je iGalili deba iJesu ukhomhi ute ni o sese we.*

¹⁷ Abi e rọ me oli, e nyese egbe ga li, ama eghuo o e kiele khokho oli.

¹⁸ Igho iJesu o kia ti mama we, oo. "A she rue afu nya na agbo ona ali iloghie na mhe.†

¹⁹ Irarigho, a fie lase je asha kha asha, a ke ya ri egbo mele eniye odukhokho eyemhe-a, a ri eva oyi Ita, ali oyi Omọ ali oyi Ayemhe-no-pfuase batazi.‡

²⁰ A sese we, e ke ri emhi nya ni mhi mheshe na e gbe akanya. A ghe i, mhi nu e la ramhi ukpese agbo."

* 28:16 Li ze iMat 26.32; iMak 14.28; 1 iKori 15.5; iJon 21.1-23 † 28:18 Li ze iMat 11.27; iLuk 10.22; iFili 2.9; Efi 1.20-22 ‡ 28:19 Li ze Ika 1.8

Usomhi Onete oyi iJesu iKirisiti ni **iMaki** **Ọ kẹkẹ**

*Itsabọ oyi iJoni Oni ọọ batazi ẹgbọ
(iMat 3.1-12; iLuk 3.1-18; iJon 1.19-28)*

¹ Ona o khi igbaekẹle oyi usomhi onete oyi iJesu iKirisiti Omi Ẹshinẹgba.

² A kẹkẹ ọli shi Ebe-no-pfuase ni ọmekẹguele oyọli ni a lu Azaya ọ kẹkẹ. Ni Ẹshinẹgba ọ la liẹ,

“Mhi ya ghie aghiusomhi
oyemhẹ ralo nẹ.

Oni ọ ya bẹ ode
shi eke kẹ.”*

³ “Ogbọ ọ la ọdagbe
ẹ pfiẹ okokokhuẹ. Ọọ liẹ,

‘A riẹlẹ ode
shi eke kẹ Ọnọmhue,
ni ọọ bhale.

Riẹlẹ oni ode sheshe
ni ọ rọte.’”†

⁴ Ighọ iJoni ọ li bhale, ọọ batazi ẹgbọ obini ọdagbe ifufu, ọọ tse abọ, ọọ liẹ, “A mu pfi lase olamhẹ eyẹ ẹ le bhale deba Ẹshinẹgba ini a ri olamhẹ topfa ẹ.”

⁵ Ighọ ẹgbọ e rọte eke iJudia ali ẹoli iJerusalemu lẹ deba iJoni. Ee zọnọ olamhẹ eyewẹ yẹ ọli. Ọ la oke iJodani batazi ẹgbọ.

⁶ Ode ni a ri iriria eyi alakumi do, iJoni ọ rọ fia itsua sọ. Ọ ri ẹkuẹ riẹlẹ ọgbenẹ mu oku. Initso ali oribo e khi eminale eyọli.‡

⁷ Abọ ni ọọ tse gueyẹ agbọ khi: “Ọmọse ni ọ ke ya bhale ẹlẹlese ode ukhokho oyemhẹ, ọ fu dọsẹ mhẹ, ọ mhọli ekpabọ dọsẹ mhẹ. Mhi aa fu ramhi oni ọọ taghiẹ uli ni o la ẹkuẹ ni ọ sọ-a.

⁸ Amẹ mhi rọ batazi ẹ memena, ama Ayemhẹ-no-pfuase ọ ke rọ ya batazi ẹ.”

*Ibatazi ali imufẹ oyi iJesu
(iMat 3.13-4.11; iLuk 3.21-22; 4.1-13)*

⁹ Oa te aghọ tẹsẹ nẹ, ni iJesu ọ rọ rọte iNazarẹti ni o la eke iGalili bhale ni iJoni ọ la oke iJodani batazi ọli.

¹⁰ Abi iJesu ọ rọ lẹsẹ rọte elemhi oke ji egbe ngale te, ọ mẹ khi idane ọ khueghie. Ayemhẹ oyi Ẹshinẹgba ọ li abi anekhukhu rọte idane tiemhile ya ma li egbe.

¹¹ A suọ khi uruli o rọte idane ngme tiemhile, ọọ, “Omimhẹ ni mhi nono ingme oyọli u khi. U ma ri egbe ẹ mu mhẹ gba.”§

¹² Utoghukpe, Ayemhẹ oyi Ẹshinẹgba o rue iJesu je ọdagbe.

¹³ Ogbẹlẹ egbhueva ọ la oobọ. Ọkphaghie, ni ọ khi oghie ayemhẹ ebe, ọ mu ọli fẹ. IJesu ọ nu elamhako la oobọ, ama igeni eyi Ẹshinẹgba e ri ukpẹloe e khu ọli.

* 1:2 Li zẹ iMala 3.1 † 1:3 Li zẹ Aza 40.3 ‡ 1:6 Li zẹ 2 Ighie 1.8 § 1:11 Li zẹ Igbae 22.2; Iwolo 2.7; Aza 42.1; iMat 3.17; 12.18; iMak 9.7; iLuk 3.22

Eniyẹ odukhokho eni ododẹ ni ifesu ọ ze

(iMat 4.12-22; iLuk 4.14-15; 5.1-11)

14 Abi a rọ mu ijoni shi owa ighumha se, ifesu ọ je iGalili ya tse abọ usomhi onete oyi Eshinegba.

15 Oọ liẹ, “Oni egheghe ọ she bhale, Eghiele oyi Eshinegba o she ti mama awa. A mu pfi lase olamhe eyẹ ẹ le, ni a mie oni usomhi onete suọ.”*

16 Abi ifesu ọ rọte epfepfe oke oniemi oni o khi shi, na lui iGalili kia le, ọ me iSamọ ali inyoghuo ọli Aduru. Egbifele e khi. E pfi aga lo elemhi oni oke, ee gbe ifele.

17 Ifesu ọọ we, “A deba mhe, mhi ya sese e abi a ke liẹ ke ti egbo gbili.”

18 Aghoaghọ e ku iga eyewe shi eke, ẹ deba li.

19 O ke te agho je odalo denẹ, ọ gbo me inyoghuo etuava, ijemhisi ali ijoni imi izebedi e la elemhi oko-oke oniemi, e zu iga eyewe.

20 Abi ifesu ọ rọ lese me we, o lu we e deba lue, aghoaghọ e pfi itawe ali egbo ni e nu we ye shi elemhi oko-oke oniemi, e deba li vu.

Ifesu ọ khu omose ayemhe ebe egbe-a

(iLuk 4.31-37)

21 Ifesu ali eniyẹ odukhokho eyọli e bhale ẹoli iKapanomu. Ogbele iyemhea ni o ke deba li, ifesu ọ dose lo elemhi owa ugamhi, ọ la agho sese.

22 O ri abọ sha egbo ni e ri esọ kpe abi ọ li sese, itobọ khi eri ọ sese egbo abi ogbo ni ọ lese emini ọọ sese, osese oyọli o kiọda shi oyi eni e sese Ishi eyi iMosisi.†

23 Utoghuo kpe omose ni ayemhe ebe o la egbe, ọ lo elemhi oni owa ugamhi le. O tse gbaa! Oọ,

24 “Elo wa nono anye egbe, ifesu na iNazareti? Eri u bhale ya pfuse anye-a? Mhi ga lese oni u khi. Oni O pfuase oyi Eshinegba u khi.”

25 Ifesu ọ dese oni ayemhe obe, ọọ li, “Guese unu pia, te ọli egbe lase le.”

26 Oni ayemhe obe o nighise oni omose, o mu ọli pfi gbe. O pfi okokokhue, o rọte oni omose egbe ya lase.

27 O ga ri abọ sha egbo nya. E mhila egbe we, “Onoghuo na? Osese onogbo ni o mhọli ekpabo! Eri ọ ga nu ayemhe ebe ẹ ngme, e ga suọ esọ na li.”

28 Aghoaghọ ingme oyi ifesu o gbe eke-a asha kpa eke iGalili.

Ifesu ọ ri ebubu egbo ze

(iMat 8.14-17; iLuk 4.38-41)

29 Ifesu ali eniyẹ odukhokho eyọli, ghe ijemhisi ali ijoni, e ga rọte owa ugamhi fiẹ lasele, e ya je apfe oyi iSamọ ali Aduru

30 Ogo iSamọ oni okpotso, ọ yeshi ghua ughuamhi iba. Ifesu ọ lese ramhi agho, a gue ingme oyọli ye ifesu.

31 Igho ọ lo deba li, ọ mu ọli obọ, ọ mu ọli ukpho vule. Igho eni iba e lase ọli egbe le. O fele we epfese.

32 Elogbomhi elegho khi ovọ ọọ tiemhi eko, egbo e tsua eni ẹa ze, ali eni iyemhe okphaghiẹ e yese ngme bhale ghi ifesu.

33 Egbo nya ni e la oni ẹoli e le gba odalo oni owa.

34 Ifesu ọ ri eni ẹ ghua, ighuamhi khi ighuamhi, ze. O khu ayemhe ebe ebubu egbo egbe a, ama ọa ze ni eni ayemhe ebe egbo e ngme emhikhoghuo unu lasele, itobọ khi e lese oni o khi.

* 1:15 Li ze iMat 3.2 † 1:22 Li ze iMat 7.28-29

Ijesu o la iGalili tse abo usomhi onete
(iLuk 4.42-44)

³⁵ Ogbie-fiefie ogbeakolo khi obili o a pfo ogbe ne, ijesu o fi e lase je ashini o da-ya, o ya so iromhi.

³⁶ ISamo ali apfoli ni e kpole, e vu ya nono oli.

³⁷ Abi e ro me oli, ee oli, "Egbo kpa ee nono e."

³⁸ Ijesu oo we, "Awa mema ya je eoli oboese, ikhi apfe eni e timama akana, ni mhi li la ooboto tse abo, irari khi ona o ze ni mhi ro bhale."

³⁹ Igho o kia gasa eke iGalili nya tse abo. O la owa ugamhi eyewe tse abo. O khu egbo ayemhe ebe egbe ku-a.[‡]

Ijesu o ri oni efafe e mu ze
(iMat 8.1-4; iLuk 5.12-16)

⁴⁰ Omose ni efafe e mu o bhale deba ijesu. O wugha li odalo, oo lema li, oo, "Ini o ghole e, u dobe ya remhe ze, u remhe khi oni o pfaase."

⁴¹ Igho elemhi oli, ee ala ijesu, o nise obo-a ti oni omose, oo li, "O ghole mhe, khi oni o pfaase."

⁴² Aghoagho eni efafe e lase oli egbe le, o ze, o khi oni o pfaase.

⁴³ Ijesu o gueye oli, o ke vu. O lolo tse agua ye oli,

⁴⁴ oo li, "Khi gue ingme ona ye ogbokhoghuo, ama le ya ri egbe e khasa ekpodalo-ugamhi eyi Eshinegba, ni e te okpe ne, ni u luase obo ni iMosisi oo a ke luase, ini a ri ogbo lina ze. Ishegho, ni o khi otsele na we khi u she ze."[§]

⁴⁵ Eri oni omose o ri ochogho ngme oli kiakiala gboo, o miatsa oni ingme onete ku asha kpa. Itobo ona, ijesu o ke dobe lo eoli okhoghuo le gboo. Eri o ke la odagbe obini o da-ya. Abi o rie khi igbo, eri egbo nya e kie rote asha kpa e bhale deba li.

2

Ijesu o ri omose ni o guogho-a ze
(iMat 9.1-8; iLuk 5.17-26)

¹ Ikuku ogbele e dose, ijesu o gbo lo elemhi iKapanomu, eni egbo e suo khi o she bhale apfe.

² Ebubu egbo e le gba ramhi ni ogbo a ke me ashikhoghuo ni o kpole, ya ramhi olase unu-ode. Ijesu o tse abo oni usomhi ye we.

³ Igho emose aane e tsua omose ni o guogho-a adigege shi iya bhale ghi ijesu.

⁴ Abi eni emose e a ro me asha tsua li lole ashini ijesu o la, itobo egbo ni e gho bu dose, e nga ukhomhi oni owa rote ashini ijesu o la gbese ekpha-a. Abi e ro gbese oia se, e ri ili ri oni omose tiemhile, abi o kie li yeshi iya. ⁵ Abi ijesu o ro me irudunga oyewe, oo oni omose ni o guogho-a, "Omimhe, a she ri olamhe topfa e."

⁶ Ama eni e sese Ishi eyi iMosisi ni e shito akagho, e sa o udu oyewe, e lie,

⁷ "Elo o ze ni oni ogbo ona o ro ngme ungmehi onana unu. Eri o pfi unu-a! A li me oni o dobe ya gbe olamhe kua na ogbo? Oa khi Eshinegba luoghho?"

⁸ Aghoagho ijesu o she lese elemhi ayemhe oyoli emini e sa shi elemhi udu oyewe, oo we, "Elo o ze ni a ro sa usamhi onana.

⁹ Onoghwo o kele ne, ni a ro lie oni omose ni o guogho-a, 'A ri olamhe topfa e,' abi khi 'Vule, rue iya oye ni u ke kia?'

10 Mhi ya rọ li khasẹ ẹ khi Omi Ọgbọ ọ mhọli ekpabọ elemhi agbọ ona ni ọ rọ gbe olamhẹ kua na ọgbọ.” Ighọ ọ gueyẹ ọni ọmọse ni ọ guoghọ-a eghọ,

11 “Mhiyẹ yẹ u vule, u rue iya oyẹ, u ke je apfẹ.”

12 Ọni ọmọse ọ vule, ọ rue iya oyọli, ọ la akpewẹ nya kia vu. O ri abọ sha ẹgbọ kpa. Ee kuẹghię Ẹshinęba, e liẹ, “Anye ẹa kpẹ mẹ onana ghue oo!”

Ijesu ọ lu iLẹvi

(iMat 9.9-13; iLuk 5.27-32)

13 Ijesu ọ gbo je epfẹ okẹ oniẹmhi ni o khishi. Ebubu ẹgbọ e bhale deba li, ọ sẹsẹ wẹ.

14 Abi ọ kia le, ọ mẹ ọmionoga iLiva omi Afeusi khi ọ shitọ okholo eyi eni ẹ mie oga. Ijesu ọọ li, “Deba mhẹ.” Ighọ ọ vule deba li.

15 Abi ijesu ọ la ayi iLẹvi le eminale ẹlogbomhi, emionoga ni e bu ali ẹgbọ ena olamhẹ e li nu ọli ali eniyẹ odukhokho eyọli le emhi, irari khi ẹgbọ ni e bu e deba li.

16 Abi ẹgbọ eni ẹẹ sẹsẹ ishi na lui iFarisi e rọ mẹ khi ijesu ọ nu egbushia ali emionoga ẹ le eminale, e mhila eniyẹ odukhokho eyọli, “Elo o zẹ ni ọ rọ nu emionoga ali egbushia ẹ le eminale?”

17 Ijesu ọ suọ onana, ọọ wẹ, “Ẹgbọ ni e ze ẹa mhuey emini e ri ọbo ẹ li. Ọni ọọ to, ọ ye apfẹ ọbo. Ọa khi eni e pfuasẹ ne mhi bhale ya lu, ama egbushia.”

Omhila ingme azumhi

(iMat 9.14-17; iLuk 5.33-39)

18 Ẹghẹghẹ oghuo eniyẹ odukhokho eyi iJoni Ọni ọọ batazi ẹgbọ ali ẹgbọ iFarisi ee pfi azumhi. Ẹgbọ eghuo e bhale ya mhila ijesu, ẹ ọli, “Elo o zẹ ni eniyẹ odukhokho eyi iJoni ali enayi ẹgbọ iFarisi e rọ pfi azumhi ni eyẹ ẹa rọ pfi?”

19 Ijesu ọ sọ wẹ ọ, ọọ wẹ, “Sẹ epfẹse eyi ọmọse ni ọ rue ọmueshi ọnọgbọ e liẹ ke pfi azumhi ini oni ọmọse ọ kie nu wẹ shitọ? Ẹa mẹ asha pfi azumhi ini ọ kie nu wẹ shitọ.

20 Ama ẹghẹghẹ o ya bhale ni a rọ rue ọni ọdọ ọni ọmueshi vu. Ẹghẹghẹ aghọ, e rọ tigbe ya ke pfi azumhi.

21 “Ọgbọ a ya khi ode onogbọ gbẹla ma ode onodiọ. Ini u lighọ, eri oni ode onogbọ o ya nyanọ oni ode onodiọ-a. O ke nyanọ-a dọsẹ abi o kpẹ li.

22 Ali khi ọgbọ ọa ya ku onyo onogbọ shi akpaba onodiọ. [Ikhi akpaba ni ẹgbọ iJu e ku onyo shi.] Ini u lighọ, eri oni onyo o ya vẹsẹ oni akpaba-a. Oni onyo ali oni akpaba e ga li opfu-a. Akpaba onogbọ a ku onyo onogbọ ẹ lo.”

Ọnọmhue ọyi ogbẹlẹ iyemhẹa

(iMat 12.1-8; iLuk 6.1-5)

23 Ogbẹlẹghuo ẹlẹ iyemhẹa ọyi ẹgbọ iJu, ijesu ọ rọte ifui ishemi iakpa kia dọsẹ. Eniyẹ odukhokho eyọli e li nu ọli kia. Ighọ e li bẹ eni iakpa.*

24 Ighọ iFarisi e mhila ijesu, “Elo o zẹ khi eniyẹ odukhokho eyẹ ẹẹ riẹlẹ emini a ghuey ẹlẹ iyemhẹa?”

25 Ijesu ọ sọ wẹ ọ, ọọ, “Aa kpẹ mẹ ọli zẹ Ebe-no-pfuasẹ emini Oghie iDefidi ọ riẹlẹ abi okiamhi o rọ gbe ọli ali eni e nu ọli kia?”

26 Ẹghẹghẹ ni Abiata ọ rọ khi Ọkpeda na ekpodalo-ugamhi eyi Ẹshinęba, ni Oghie iDefidi ọ rọ lo Owa ọyi Ẹshinęba ya rue ibulẹdi ni a rọọ ga Ẹshinęba le, ọ kholo na eni e nu ọli kia le. Ibulẹdi ona ighie eyi ekpodalo-ugamhi tẹ, ushi o lama e ke le wẹ.”†‡

* 2:23 Li zẹ iDẹt 23.25 † 2:26 Li zẹ iLẹv 24.9 ‡ 2:26 Li zẹ 1 iSam 21.1-6

27 Igho ọọ wẹ, “Eri a ma ogbẹlẹ iyemhẹa na ọgbọ, aa ma ọgbọ na ogbẹlẹ iyemhẹa.

28 Itobọ igho, Omi Ọgbọ ọ khi Ọnọmhuẹ, li shi ọyi ogbẹlẹ iyemhẹa.”

3

Ọmọse ni ọ ghu obọ oghuo-a (iMat 12.9-14; iLuk 6.6-11)

1 Elelese khi iJesu ọ gbo je owa ugamhi, ọmọse ni obọ oyọli oghuo o ghua, ọ la akaghọ.

2 Egbọ eghuo e nono ashini e te ya mẹ asha gue ingme shi iJesu egbe. E ri ukpelọe shi ọli egbe ini ọ ya ri ọgbọ ze ẹlẹ iyemhẹa.

3 IJesu ọọ ọni ọmọse ni ọ ghu obọ-a, “Vule migha odalo oyi egbọ kpa.”

4 IJesu ọ mhila wẹ, “Onoghuo o gbe akanya elemhi ushi oyawa nẹ ẹlẹ Iyemhẹa? Ni a rọ riẹlẹ onete abi ni a rọ riẹlẹ onobe? Ni a rọ tsumhi agbọ oyi ọgbọ abi ni a rọ pfuse ọlia?” Ama e tsaghie a.

5 Igho iJesu ọ ri elemhi ibibi bino wẹ gase, udu oyọli o yese-a shi udu obe ni e mhue. Ọọ, “Nọmọse nise obọ-a.” Ọ nise ọli-a. Igho obọ oyọli o gbo li abi o kpẹ te eke li

6 Igho egbọ iFarisi e fiẹ deba eniyẹ odukhokho eyi Erọdu, e ya gba ugbamhi abi e li ya gbe iJesu-a.

Ebubu egbọ e deba iJesu

7 Igho iJesu ali eniyẹ odukhokho eyọli e lase wẹ iteva le ya je okẹ na iGalili. Ebubu egbọ e rọte iGalili deba iJesu.

8 Abi e rọ suọ emini ọ riẹlẹ, ebubu egbọ e bhale deba li, rọte eke iJudia ali iJerusalẹmu, ali Idumia ali eke ni o kpe obọ na iJodani ali epfepfe iTirẹ ali iSidoni.

9 Itobọ khi eni egbọ e bu doşẹ, iJesu ọ gueyẹ eniyẹ odukhokho eyọli e nono ọkọ-ọkẹ oni ikeke ni lọli lo ọ ini egbọ e khi sha mu luẹ.

10 Itobọ khi ọ she kpẹ ri ebubu egbọ ze, egbọ eni ẹa ze, e mise egbe ini e mẹ asha ramhi ọli egbe ri obọ ti ọli.*

11 Eghẹghẹ kpa ni egbọ ni ayemhẹ ebe e yese ẹ ngme e rọ da mẹ iJesu ne, e de ya yeshi eke odalo oyọli. Eẹ tşese, eẹ lie, “Omi Eshinegba u khi.”

12 Ama, ọ tse agua yẹ eni ayemhẹ ebe eghọ e khi gue ọni lọli khi le.

IJesu ọ ze ighiusomhi na ke ogbava (iMat 10.1-4; iLuk 6.12-16)

13 IJesu ọ nga ukhomhi ute, ọ lu emọse ni e ghọle ọli. E bhale deba li.

14 Ọ ya ze egbọ ogbava ke, ọ lu wẹ ighiusomhi na keş. Ọ ze wẹ ni e nu luẹ ke kia, ali ni luẹ mẹ wẹ ke ghie usomhi fiẹ ke tse abọ usomhi onete,

15 ali ni e gbo mhue ekpabo ni e rọ ke khu egbọ ayemhẹ ebe egbe kua.

16 Ena e khi otuogbava ni ọ ze. ISamọ, ọni iJesu ọ lu iPita.

17 IJemhisi ali inyoghuo-ọli iJoni imi iZebedi (eni iJesu ọ ri akiseva iBonajisi na. Ni o migha shi Imi Akphala),

18 Ali Aduru, iFilipu, iBatolomiu, iTomọsi, iJemhisi omi Afeusi, ali iTadiusi, iSamọ [oni ije-odalo oyi eđeli iju oo ghọ mu egbe.]

19 Ali iJudasi Isikarọti ọni ọ ri iJesu de.

IJesu ali iBezebọ (iMat 12.22-32; iLuk 11.14-23; 12.10)

* 3:10 Li ze iMak 4.1; iLuk 5.1-3

²⁰ Ijesu o nyene egbe je apfe. Igho ebubu egbo e gbo tighbili ramhi khi ijesu ali eniye odukhokho eyoli ea me asha, we khi eminale e ya le.

²¹ Abi apfe o e ro su o na, E nono khi we we e ya mu oli je apfe. Irari khi eri e lie, "Ujili o she e kpha li."

²² Eni ee sese ishi ni e rote iJerusalemu tiemhie, e lie, "Ayemhe iBezebo ni o khi Okphaghie o la li egbe yese oli e ngme! Loli o khi oghie oyi iyemhe ebe ni o ri ekpabo na li ni o ro ke khu egbo iyemhe ebe egbe kua."[†]

²³ Igho ijesu o lu we, o ri okhe irokhokho nu we ngme, Oo we, "Se okphaghie o lie ke khu okphaghie?"

²⁴ Ini ushishi e kemhi egbe we shi ikui-iku ni e ro nu egbe we e kholi, eri oni ushishi oo de.

²⁵ Ini omhue-apfe o kemhi shi ikui-iku ni e ro nu egbewe e kholi, eri oni omhue-apfe o ya de.

²⁶ Ini okphaghie o mu okholi vule shi egboli o, oa ya to, eri o ya de, ukpese oyoli o she ramhi.

²⁷ "Ogbo okhoghuo oa la o ni o dobe ya lo owa oyi omose-akama ya ti oli itsua eke-a ini oa kpe mu oni omose-akama ge shi eke. Eghenge agho, o tigbe dobe ti oli itsua eke-a.

²⁸ "Egbegbi ingme mhi gueye e, khi, aa me olamhe ni ogbo o lamhe ali ungemmi ipfiunu-a ni ogbo ya ngme, ni aa dobe ro ya gbekua na li.

²⁹ Ama onini o da ngme ungemmi ipfiunu-a deba Ayemhe-no-pfuase ne, aa ya ro topfa li, irari khi olamhe ona agboagbo o pfi obo lo."[‡]

³⁰ Itobo khi e oli khi, "O mholi ayemhe ebe," o ro ngme ona.

Inyo ijesu ali inyoghuo oli eni emose

(iMat 12.46-50; iLuk 8.19-21)

³¹ Igho inyo ijesu ali inyoghuo oli ee bhale. E migha oolase. E ghie ogbo o ka lu ijesu ghi ewe.

³² Ebubu egbo e shito gaso oli. E bhale ya gueye oli khi inyoli ali inyoghuo oli e la oolase, khi ee nono ni we we e me oli.

³³ O mhila we, "Eghuo e khi inyemhe ali Inyoghuo-mhe?"

³⁴ Igho o bino eni e shito gaso oli, oo, "Enana e khi inyemhe ali Inyoghuo-mhe!"

³⁵ Onini o da riye emini e ghole Eshinegba, o khi Inyoghuo-mhe onomose ali onokpotso ali inyemhe."

4

Okhe irokhokho oyi oni o ko ikpamhi emhi

(iMat 13.1-9; iLuk 8.4-8)

¹ Ijesu o ke gbo la epfe oke ni o khi shi na iGalili sese. Egbo ni e le gaso oli e bu dose ramhi ni o ro ya lo elemhi oko-oke shito. Oni oko-oke o la elemhi oni oke. Eni egbo e ke migha egele eseso oni oke.*

² Emhi ebubu o ri okhe irokhokho o sese we. Oo we.

³ "A ghe i! Oghiale o ya la o. O fie ya ko iakpa.

⁴ Abi o li kia miatse eni iakpa, ikpamhi eghuo o e de kua ode, igbo ipfeli e bhale ya sano we le.

⁵ Eghuo o, e de kushi eke ni o khi okpegbhe, ni eke ea lolo la. Igho e nyanya ze, e fu, ama oni eke oa limhi.

[†] 3:22 Li ze iMat 9.34; 10.25 [‡] 3:29 Li ze iLuk 12.10 * 4:1 Li ze iLuk 5.1-3

⁶ Ama abi ovọ o rọ to, o toşẹ wẹ a, e khakha, itobọ khi ẹa mẹ eke ni o limhi pfi imhili lo.

⁷ Ikpamhi emhi elese e de kulo ifui igba. Ighọ igba e zẹ lasele tono eni iakpa abi e rọ fu vule. Itobọ ighọ, ẹa ke dobe ni e fu nyanọ ekhe lasele.

⁸ Ama ikpamhi eghuo, e de shi eke onete. Eni ikpamhemhi e zẹ, e fu, e nyanọ ekhe lasele. Eghuo ọ, e mhuẹ ikpamhi uye ali igbe, eghuo ọ, e mhuẹ ikpamhi egbhuẹşẹ, elese e mhuẹ egbhuẹshe.”

⁹ Ighọ iJesu, ọọ, “Oni ọ mhọli esọ, ọ suọ.”

Emini o zẹ ni a rọ zẹ oni okhe irọkhọkhọ

(iMat 13.10-17; iLuk 8.9-10)

¹⁰ Abi iJesu lẹlighuo ọ rọ shito, eniyẹ odukhokho ogbava eyọli ali ẹgbọşẹ ni e li suọ abi ọ rọ ngme, e bhale deba li, ọ gueyẹ wẹ emini ọ ri oni okhe irọkhọkhọ ngme.

¹¹ Oọ wẹ, “A she ri osheli oyi Eghiele oyi Eshinegba na ẹ. Ama okhe irọkhọkhọ a rọ gue ungmehi nya yẹ ẹgbọşẹ.

¹² Ni a bhale ya ẹ khi,
 “ E kha riẹ nya alo-a shi eke
 ẹa tigbe ya mẹ emhikhoghuo,
 ali e kha riẹ ku esọ a shi eke,
 ọa ya lo wẹ esọ.
 Irari khi ini ọa khi ighọ,
 e dobe mẹ eke, e suọ esọ,
 e mu pfi deba Eshinegba,
 ọ rọ topfa wẹ.”†

Ijesu ọ guele emini oni okhe irọkhọkhọ o ngme

(iMat 13.18-23; iLuk 8.11-15)

¹³ Ijesu ọ mhila wẹ, ọọ wẹ, “Aa lẹşẹ emini a ri okhe irọkhọkhọ ona ngme? Şẹ a li tigbe ya lẹşẹ emini a ri okhe irọkhọkhọ okhoghuo ngme şọ?”

¹⁴ Eni iakpa ni ọni ọghiale ọ miatşẹ ẹ ku, e migha shi ungmehi oyi Eshinegba.

¹⁵ Eri ikpamhi iakpa ni e de shi ode e li abi ẹgbọ eghuo ni e kha da lẹşẹ suọ oni ungmehi ne, Okphaghiẹ ọ bhale ya rue wẹ luẹ udu le.

¹⁶ Ikpamhi emhi ni e de shi eke ni o li echeche, e li abi ẹgbọ ni e kha da lẹşẹ suọ oni ungmehi ne, e ri udu oghẹlẹ mie ọli.

¹⁷ Ama, ọa ya tiemhi wẹ eke elemhi. Ẹa dobe migha teşẹ, itobọ khi ọa pfi imhili lo eke. Itobọ ighọ, ini ọmunu o bhale ali ni a rọ mu okhọli vule shi wẹ ọ rọte oni ungmehi ni e suọ, e keleş de ode-a.

¹⁸ Ikpamhi emhi ni e de pfilo ifui igba eri e li abi ẹgbọ ni e kha suọ oni ungmehi,

¹⁹ isamhi ingme agbọ ona, ali ọghuemhẹ ẹpfue, ali ọghuemhẹ khi ọghuemhẹ e lu gueşẹ oni ungmehi-a, ẹş tonu ọli igba, itobọ ighọ ọa mọ imomhi.

²⁰ Ama ikpamhi emhi ni e de shi eke onete, e li abi ẹgbọ ni e suọ ungmehi, e mie ọli suọ, e mọ imomhi enete. Eghuo e mhuẹ ikpamhi uye ali igbe, eghuo e mhuẹ egbhuẹşẹ. Eghuo, e mhuẹ egbhuẹshe.”

Ákpá ni a rọ nga ukhomhi asha

(iLuk 8.16-18)

²¹ Ijesu ọ gbolo ẹ wẹ “Ogbọkhoghuo ọọ ya ri ákpá ru lasele, ọ ya rue atalabi gueşẹ ọli mu eke, wẹkhi eri ọ ke ya rue ọli ya sheli ufui ukpho?‡

22 Emiemini a rọ sheli, o ya lasese gbo alo gbugbugbu. Aa mę emhi osheli ni aa ya khueghie a. §

23 Onini o mhọli eso, o ri eso shi eke ni o suọ.”

24 O gbolo e wę, “Emiemini u da suọ kpa, sa o bie! Emiemini u da rọ shi ushi rọ gue egbọese ezo, Eshinegba o li ya rọli gue e ezo. Oye o gbo ya ze ne.

25 Oni o kpę mhọli ne, a ya gbo rọ ma o na li, ama oni ọa mhọli a ya mie ọli ukukuọ ni o gbo mhọli.”*

Okhe irọkhọkọ oyi ikpamhi emhi ni ọọ ze

26 Ijesu o gbolo e, “Abi Eghiele oyi Eshinegba o li na. Eri o li abi ini omose o miatse ikpamhi iakpa kia ku shi eke.

27 Obili o kha bi, o ya lese a, ogbe o kha gbe o guale, ama eni ikpamhi emhi eę ze lasese, eę fu vule. Ama ọa ya lese abi o li kia.

28 Eke ọlighuo o lese abi o li ri emhi ekomhi eę bie. Oni odode, o kha ze ukhuli, o ke fu vule, o nyanọ ifele, o ya ri umomhi lasese.

29 Eni iakpa e kha da bie ne, oni o gua wę o rue agaga ya gbe wę, itobo khi egheghe ikhięse o ramhi.”†

Okhe irọkhọkọ oyi ukpamhi ọora imositadi

(iMat 13.31-32,34; iLuk 13.18-19)

30 Ijesu o gbolo e wę, “Elo awa mema ri Eghiele oyi Eshinegba ya khokho? Okhe irọkhokho onoghuo awa mema ya ze rọli lo egbọ eso egho o?

31 Eri o li abi ukpamhi ọara imositadi ni ukpamhi ọli o she ne nya agbo ona, ni ogbo o rọ ko eke.

32 Ini a rọli ko, o ze, o fu vule, o mele unyanọ ni o fune a shi ishemhi, ni o mhọli iguabo eniemhi, ni ipfeli e bhale ya ku eko shi.”

33 Okhe irọkhokho enana ijesu o rọ nu wę ngme oni ungmehi, ramhi ashini o lo wę eso ramhi.

34 Aa mę ungmehi ni o nu wę ngme, ni ọa ri okhe irọkhokho nu wę ngme. Ama ini o de te ọli ali eniye odukhokho eyọli, o rọ ri emini o nu wę ngme nya a lo wę eso.

Ijesu o pfomhise akpekpeli

(iMat 8.23-27; iLuk 8.22-25)

35 Ele ogbomhi elegho, ijesu ọọ eniye odukhokho eyọli, “Awa da je ukiekie oke obini o kpole.”

36 Igho e ze egbọ ni e legba obo shi agho, eni eniye odukhokho e ya lo elemhi oko-oke oni ikeke ni ijesu o she lo shitọ. E gua li vu. Oko-oke elese e li deba wę vu.

37 Utoghuokpe, akpekpeli oniemhi oo li, oo zughuse oni oke, ni amę e fiase kulo elemhi oni oko-oke, ramhi ni o rọ vo amę. Ukukuọ o kpole ni ọa rọ kulue.

38 Ijesu o la ukhokho oni oko-oke oniemhi, o lese-a ri ukhomhi nga akpesukhomhi. Igho eniye odukhokho eyọli e guise ọli le. E ọli, “Osese, wa bie ga lie ini awa ghọ ghua?”

39 Igho ijesu o ti vule, o dese oni akpekpeli, ọọ li, “Li tsuke.” Igho oni akpekpeli o pfomhe te. Asha kpa o pfomhe tsuke.

40 Igho ijesu ọọ eniye odukhokho eyọli, “Elo o ze ni a rọ ligho o na ulishi. Eri aa kie mhọli irudunga?”

41 Ulishi oo mu wę, e mhila egbe wę, “Oghuo ọna o khi? Ghe akpekpeli ali izughuse oke e ga suọ eso a na li.”

§ 4:22 Li ze iMat 10.26; iLuk 12.2 * 4:25 Li ze iMat 13.12; 25.29; iLuk 19.26 † 4:29 Li ze iJofe 3.13

5

*Ijesu o ri omose ni ayemhe ebe o la egbe ze
(iMat 8.28-34; iLuk 8.26-39)*

¹ Ijesu ali eniye odukhokho eyoli e da oke iGalili je ukiękię eke iGerasęsi.
² Abi ijesu o lese rote elemhi oko-okę lasele, omose ni o mholi ayemhe ebe, o rote atalimhi ni o la agho bhale deba ijesu.

³ Ifui atalimhi oni omose o o la. Ogbokhoghuo o a ke dobe ri iwęghę ge oli.

⁴ Egheghę kpa, a ro ri iwęghę ge oli abo ali awe, ama eri o o kphuru we a, o taghię we a, o shashe we a. Ogbokhoghuo o a dobe mu oli.

⁵ Nobi-nogbe o ro la ifui atalimhi ali ikhomhi ite dudu gase. O o pfi okokokhuę. O ri eche fian o egbeoli.

⁶ Abi o lese ta pfi a me ijesu te, o na bhale ya wugha li odalo.

⁷ O tseę leghe, o o, "Ijesu Omi Eshingeba ni o Yagha Ne Nyaa, elo wa nono mhe egbe? Mhi ri Eshingeba lema e khi na mhe osoli!"

⁸ Itobo emini o ro ngme na khi, ijesu o she kpe gueye oli, "Yeye ayemhe obe, lase oni omose ona egbe le."

⁹ Igho ijesu o mhila li, "Se a lui eva oye?" O o, "Eva oyemhe o khi Olele egbo, itobo khi anye bu gba."

¹⁰ O gbo lema ijesu o kpekpe, o khi khu ewe oni eke ya lase.

¹¹ Igulu ni e bububu e la epfe ute ni o la agho le eminale.

¹² Eni ayemhe e lema ijesu, "Khu anye ya lo igulu egbo, ze ni anye ya lo we egbe."

¹³ Ijesu o ri egheghę na we, e ka lo eni igulu egbe. Igho e rote oni omose egbe lasele e ya lo eni igulu egbe. Eni igulu ni e ramhi agbele eva, e rote egele na ya kulo oni oke, e ghuloo nya.

¹⁴ Eni e ri ukploe e khu eni igulu e na je ifui apfe ali eoli nya ni e la oni eke ya guele emini a me. Igho egbo e bhale ya bino emini a me.

¹⁵ Abi eni egbo e ro bhale deba ijesu, e me oni omose ni ayemhe ebe ni e bu e kpe la egbe, khi o shito agho, o ri itsua so, egbhali eyoli e she gba na li. Ulishi oo mu we.

¹⁶ Eni e me emini a me e gueye egbo emini oni omose ni ayemhe obe e la egbe o me egbe ali emini e li eni igulu.

¹⁷ Igho, e gueye ijesu o lase wewe eke le.

¹⁸ Abi ijesu o lo elemhi oko-okę onięmhi khi o o ke vu, oni omose ni ayemhe ebe e kpe la egbe, o lema ijesu o ze ni loli deba li vu.

¹⁹ Ama ijesu o lama na li. O ri ochogho lię oli, "Ke je apfe ni u ya gueye egbo ena unuekpe oye emini Onomhuę o rięle ne, ali abi o li le elemhi e."

²⁰ Igho oni omose o lui ifui eoli igbe ododa ena eke iDikapolisi. O kia gueye egbo abi ijesu o li rięle na lue. O ri abo sha egbo nya.

*Omueshi ni o ghu-a ali okpotso ni oia ee ku egbe
(iMat 9.18-26; iLuk 8.40-56)*

²¹ Abi ijesu o ro gbo nyene egbe da je ukiękię oke obini o kpole, egbo e le gase oli.

²² Omose oghuo ni a lu iJarosi, ni o khi otuoghuo eni e mhesę shi owa ugamhi, o bhale akagho. Abi o o me ijesu te, o de ya wugha li odalo.

²³ O mema lolo lema li, o o li, "Omimhe oni omueshi o ma ghua gba memena, kpekpe bhale ya ri obo ti o li egbe ni o ze, ini o khi ghua."

²⁴ Igho ijesu o deba li vu.

Igho ebubu egbo e deba li e we mu oli.

25 Ọkpotoso ọghuo ọ la agho ni ọ she ku ọlia ishitọ egbe ramhi ikpe igbeva.

26 Ọ she me osoli obo oyi ebubu egbo abi ọ ro kia dua oni ughuamhi. Ọ she ri epufe eyoli nya dua ọ, ama ọa pfo, oo ga kholo ọli egbe.

27 Abi ọ ro suo ingme oyi iJesu, igho ọ te ifuabo oyi egbo ri obo ti ọli awulu ni ọ so.

28 Ọ ro li shi udu khi, “Ini mhi da me asha ri obo ti ọli awulu ne, mhi ya ze.”

29 Abi ọ ri obo ti ọli awulu te, eni ọlia ni e ku ọli egbe, e khakha utoghuo kpe. Aghoaghọ ọ lese khi emini o yese lue e ngme, khi o pfo.

30 Aghoaghọ, iJesu ọ lese khi itoto o she rote lue egbe ya lase. Igho ọ migha, ọ mu egbe pfi iteva egbo ni e sha mu ọ. Ọ mhila we, ọ. “Ọghuo ọ ri obo ti mhe awulu?”

31 Eniye odukhokho eyoli e ọli, u ga me abi egbo e lie ve mu e, u kiele e mhila, “Ọghuo ọ ri obo ti mhe?”

32 Ama, iJesu ọ kie bino gasẹ ini ọ me oni ọ ri obo ti ọ.

33 Abi oni ọkpotoso ọ ro me abi o ke li ọli egbe, ọ bhale odalo oyi iJesu ya wugha, ulishi o mema mu ọli, ọ gue igesikia le abi o ga li kia nya.

34 IJesu ọ ọni ọkpotoso, “Omi mhe, irudunga oye o she mie e pfuese. Ri opfomhe ke je, anasemhe oye o she pfo.”

35 Abi iJesu ọ kie li ngme, emose eghuo, e rote owa oyi iJarosi bhale. Ee iJarosi, “Omi e ọ she ghua, khi ke yese Osese ngme.”

36 IJesu ọa fe ri eso shi emini e ngme, ọ ọni omose “Khi ze ni ulishi o mu e, ama lese mhọli irudunga.”

37 Ọa ze ni ọgbokhoghuo ọ deba li se ni iPita, ali iJemhisi ali iJoni inyoghuo iJemhisi.

38 Abi e ro bhale owa oyi iJarosi, iJesu ọ me abi egbo e li i kpe okeke, ni e li i vie gbii.

39 Igho, ọ lo elemhi oni owa, ọ, “Elo o pfi onyaghu onana? Elo o re e vie? Oni omọ ọa ghu, eri ọ lese a.”

40 Ama eni egbo e gia li. Abi ọ ro khu we fi se, ọ rue ita ali inyọni omueshi ali eniye odukhokho otuase egho mhu e obo je ashini oni omọ ọ yeshi.

41 IJesu ọ mu ọli obo, ọ ọni omueshi, “Talita kumi.” Emini a ri ona ngme khi, “Onomueshi, mhi e ye u vule.”

42 Utoghuo kpe, oni omueshi ọ vule, ọ kia gasẹ. [Omọ ikpe igbeva ọ khi.] Abi a ro me ona, o ri abo sha we.

43 Ama iJesu ọ lolo tse agua ye we e khi gueye ọgbokhoghuo. Ọ we, “A ri emhi na li le.”

6

A ri ukpeloe gbe iJesu obini iNazareti (iMat 13.53-58; iLuk 4.16-30)

1 IJesu ọ rote agho vu je eoli oyoli, eniye odukhokho eyoli e deba li.

2 Ogbelẹ iyemhea oyi egbo iJu o ramhi, ọ se se elemhi owa ugamhi. O ri abo sha ebubu egbo eni e ri eso shi ọli ọ.

E mhila egbe, “Obo oni omose ona ọ rote me eni emhi enana? Ilesingme nabi onghuo na ni a ro na li, ni ọ gbo ro gbe ikanya onyaloa?”

3 Ona ọa she khi ikapita, omi iMeli, ni ọ gbo khi inyoghuo iJemhisi ali iJosisi ali iJudasi ali iSamo? Ena e a khi inyoghuo ọli eni imueshi, ni e ga li nu awa la akana enana?” O ri elemhi bi we.

4 Ama iJesu ọ́ọ́, “Ashakpa a la mu ekpẹ na ọmekẹguele, sẹ ni apfẹ oyọli ali unuẹkpẹ oyọli aa la mu ekpẹ na li.”*

5 Ọa doḅẹ la akaghọ gbe akanya ọnyalọa okhọghuo, sẹ ni ikuku ẹgbọ ni ẹa ze ni ọ rọ ze abi ọ rọ ri obọ ti wẹ.

6 Umha-mhọli irudunga oyẹwẹ o ri abọ sha iJesu. Ighọ iJesu ọ kia rọte ẹoli je ẹoli sẹsẹ eni ẹgbọ.

Ijesu ọ ghie eniyẹ odukhokho etuogbava fiẹ
(iMat 10.5-15; iLuk 9.1-6)

7 Ọ lu eniyẹ odukhokho etuogbava eyọli tigbili, ọ ghie wẹ ava-ava fiẹ, ọ ri ekpabọ na wẹ ni e rọ mhuẹ itoto rọ khu ayemhẹ ebe.

8 Ọ gueyẹ wẹ, “Ini a lẹ, a lẹsẹ rue orọkpọ mhuẹ obọ, a khi tsua eminale, wẹkhi akpaba ni a pfi ẹ sọ, wẹkhi ukpaghọ.

9 A sọ ekuẹ, ama a khi tsua awulu olese ma oni a rọ sọ.

10 Ọ gbolo ẹ wẹ, a kha da lo apfẹ okhọghuo le ni e rọ da mie ẹ, a la akaghọ ramhi ni a rọ ya rọte oni ẹoli vu.

11 Ini o khia khi a bhale ẹoli okhọghuo khi eni ẹgbọ ẹa mie ẹ, ni ẹa rọ gbo ri esọ shi emini a ngme, a rọte aghọ vu. A kpe abọ ọ-a na wẹ, a rọte aghọ vu. Eri ona o ya khi ọtsẹlẹ shi wẹ egbe.”†

12 Ighọ e fiẹ ya tsẹ abọ gasẹ, e liẹ ẹgbọ e rọte olamhẹ oyẹwẹ mu pfi.

13 E khu ebubu ẹgbọ ayemhẹ ebe egbe-a, e ri oili to eni ẹẹ ghua ebubu egbe, e rẹwẹ ze. §

Eghuli oyi iJoni Ọni ọọ batazi
(iMat 14.1-12; iLuk 9.7-9)

14 Ẹghẹghẹ ana, oghie Erọdu ọ li suọ eko eni ingme ena nya, itobọ khi eva oyi iJesu o she gasẹ asha kpa. Ẹgbọ eghuo e liẹ khi iJoni Ọni ọọ batazi lọ ni ọ nyenẹ egbe bhale agbọ, lọli o zẹ ni ọ rọ lighọ mhọli ekpabọ rọ gbe ikanya ọnyalọa.

15 Ẹgbọ eghuo e liẹ khi, “Elaja Ọmekẹguele ọ khi.” Elese ẹ khi, “Ọmekẹguele nabi emekẹguele ena ẹlẹlẹ ọ khi.”*

16 Ama abi Erọdu ọ rọ suọ ona, ọ kẹ, “Ijoni, ni mhi khi ukhomhi ọ, a rọte eghuli guise le!”

17 Itobọ khi Erọdu ọọ ke mhẹsẹ a mu iJoni gẹ pfilo owa ighumha. Ini egbe e ba mu Erodias. Eri Erọdu ọ mie iFilipu inyọghuo ọli Erodias.

18 Ẹghẹghẹ kpa iJoni ọ rọ gueyẹ Erọdu khi, ọa ti ni ọ rue ughuẹ inyọghuo ọli shi. †

19 Itobọ ona, ọni Erodiasi ọọ biselemhi iJoni, ọọ nono ode ni ọ te ya gbe ọli-a, ama ọa doḅẹ.

20 A gbo bhale ya ẹ khi Erọdu ọọ na ulishi iJoni itobọ khi ọ lẹsẹ khi iJoni khi ọgbọ onete ali ọgbọ ọ ni ọ pfuasẹ ọ khi. Ọ ri irarighọ ri ukpẹloe ẹ khu ọli. Ọ ma nono ni lọli ri esọ ke shi ungmehi oyi iJoni, ini o ri riẹ khia khi ingmemhi eyọli e ma yese ọli udu-a ẹghẹghẹ kpa ni ọ rọ suọ li.

21 Ikpukhokho ọ, Erodiasi ọ mẹ ashini ni ọ te ya mu ota sọ iJoni. Ighọ ẹlẹghuo ni o ikhi ogbẹlẹ ni Erọdu ọ rọ mhọli ukue ni ọ rọ yelele ogbẹlẹ ni a rọ bia li le. Ọ ya luno idenọmọ eyọli ali ẹgbọ eni mu ẹlole ali ẹgbọ igomẹti ali eni ẹẹ gbe ikanya igomẹti ni e la ekẹ ifudia shi oni ukue.

* 6:4 Li zẹ iJon 4.44 † 6:11 Li zẹ Ika 13.51 ‡ 6:11 Li zẹ iLuk 10.4-11 § 6:13 Li zẹ ijem 5.14

* 6:15 Li zẹ iMat 16.14; iMak 8.28; iLuk 9.19 † 6:18 Li zẹ iLuk 3.19-20

²² Abi ọmọ ọmueshi omi Erodiasia ọ rọ fiẹ lasele gbe ishimhi, o mema ti Erodu ali egbo eni e bhale ya bino ọli ẹlo.

Igho ọni oghie ọọ ọni ọmueshi, “Mhila mhẹ romiemini o ga ghọle ẹ, mhi ya rọli nẹ.”

²³ Ọ romhi isheli khase ọni ọmueshi, “Emiemini u mhila, mhi ya rọli ne, o kha riẹ khi agbekhi-eva eghiele oyemhẹ.”

²⁴ Igho ọni ọmueshi ọ fiẹ ya mhila inyo li, “Elo mhi ya mhila?”

Inyoli ọọ li, “Ukhomhi oyi iJoni Ọni ọọ batazi egbo wa mhila.”

²⁵ Aghoaghọ ọni ọmueshi ọ nyanya na ya lo deba oghie, ọ mhila li, “Ukhomhi oyi iJoni Ọni ọọ batazi egbo mhia nono ni u khi shi ukpeko na mhẹ memena.”

²⁶ Udu o tode yese oghie a. Ama itobo ekha ni ọ tse ukpele oyi epfese ni ọ lu shi oni ukue, ọa ke dobe ti da oni ekha.

²⁷ Aghoaghọ ọ ghie eni ẹẹ gbolo egbo-a e ka pfa iJoni ukhomhi ọ bhale. Eni emose e je owa ighumha ya khi iJoni ukhomhi ọ.

²⁸ E rue ọli shi ukpeko bhẹ. Igho oghie ọ kpha li na ọni ọmueshi. Ọni ọmueshi ọ kpha li na inyo li.

²⁹ Abi eniye odukhokho eyi iJoni e rọ suọ ona, e bhale ya tsua etuli oyọli ya rọ tọ.

Ijesu ọ ri eminale na egbo agbele ishe le

(iMat 14.13-21; iLuk 9.10-17; iJon 6.1-14)

³⁰ Eni ighiusomhi na keẹ e jele, e le gase ọli, e gueye ọli emini e riẹle ali emini e sese nya.

³¹ Igho, itobo ebubu egbo, ni ee bhale ni ee vu, iJesu ali eniye odukhokho eyoli ẹa me asha le eminale. Ijesu ọọ we, “A bhale ni awa je ashini awa-eghuo tse awa ya la, ni a yemhẹ-a ukuku ọ.”

³² Igho weweghuo tse ee lo oko-okẹ oniemi ya je ashini o da-ya.

³³ Ama ebubu egbo ni e me we abi e rọ vu, e lese khi wewe lo. Igho eni egbo e rọte ẹoli nya ri awe na ya ralo ashini iJesu ali eniye odukhokho eyoli e je.

³⁴ Abi iJesu ọ rọ ramhi agho, ọ me abi eni egbo e bu, elemhi we e lala li. Itobo khi eri e li abi isumha ni ẹa mhọli ọni ọ re we ẹ kia. Igho ọ li sese we emhi ebubu.‡

³⁵ Eghẹghẹ ana, ogbe o she vu. Igho eniye odukhokho eyi iJesu e bhale deba li, e ke ọli, “Aborokhia khi oola oo nuata shi apfe ena, ni eghẹghẹ o rọ she vu dose ena,

³⁶ waa ke gueye eni egbo ena e kia je ifui apfe ya nono emhi de le.”

³⁷ Ama, iJesu ọọ we, “A ri emhi na we le.”

E mhila li, “Ifata eyi ogbele elele eyi ogbo e ya lo ni a rọ de ibuledi ghi we le?”

³⁸ Igho iJesu ọ mhila we, “Iruli ibuledi ingme a mhọli shi agho? A ka bino ghue.”

Abi e rọ bino se, e ọli, “Iruli we ishe ali ifele aava.”

³⁹ Igho iJesu ọọ we e riẹle eni egbo shito ikui-iku, ukhomhi ebuli.

⁴⁰ E shito ikui-iku, egbo egbhuẹshi-she ali egbhuẹ-eveva ali ogbogbe.

⁴¹ Igho iJesu ọọ rue eni ibuledi ishe ali ifele aava egbo, ọ bino idane, ọ tse Eshinẹgba uwegbe. Ọ gbe eni ibuledi khia, ọ rọ na eniye odukhokho eyoli e ke kemhi na egbo. Ọ gbo kemhi eni ifele aava na we nya.

⁴² Ogbo kpa ọ le, ọ khue.

⁴³ Iku we ni eniye odukhokho eyoli e sanọ eke, e vọ ighughu igbeva.

⁴⁴ Emose agbele ishe, e le eni eminale.

‡ 6:34 Li ze iNoba 27.17; 1 Ighie 22.17; 2 Okhe 18.16; Ezik 34.5; iMat 9.36

Ijesu o kia ukhomhi oke
(iMat 14.22-23; iJon 6.15-21)

⁴⁵ Aghoaghō o ri omo odukhokho eyoli lo oko-okē oniēmhi, e ka ralo iBētisaida ya migha khē luē ukiēkiē obinokpōle. Igho o gueye oni ukpokpomhi ebubu egbō e ke je apfe.

⁴⁶ Abi o rō tse wē okhila se nya, o nga ukhomhi ute ya sō iromhi.

⁴⁷ Ogbomhi o mu eke, oni oko-okē oniēmhi o kia ramhi iteva oni oke, o ke kpe ijesu lolighuo tse le shi eke.

⁴⁸ O mē khi akpekpeli oó nase eniye odukhokho eyoli. O ramhi itsotsō ogbiē, iteteva elemhi agogo esē ali agogo esesa, oó kia ukhomhi oni oke le deba wē. O she kia ya dōse wē.

⁴⁹ Ama abi e mē ijesu khi oó kia ukhomhi amē, e dabi khi ayēmhe olimhi lo, e tsešē leghe.

⁵⁰ Itobō khi eri wēwē nya e yila abi e rō mē oli.

Aghoaghō o nu wē ngme, oó wē, “A mhōli udu! Mhēmhe lo! A khi ke na ulishi.”

⁵¹ O lo elemhi oko-okē oniēmhi deba wē, oni akpekpeli o pfōmhe. O ri abo sha eni eniye odukhokho,

⁵² itobō khi ēa kie doḃe lešē udi ingme eminale ni o kpe rō na egbō agbele ishe le; a toto wē udu.

Ijesu o la iGeṇsarēti ri egbō ze

(iMat 14.34-36)

⁵³ Abi e rō da oni oke se, e lasēle shi iGeṇsarēti, e mu oni oko-okē oniēmhi zu agho.

⁵⁴ Abi e lešē rōte oko-okē oniēmhi tiēmhie, egbō e she lešē khi ijesu lo.

⁵⁵ Igho eni egbō e nyanya kia gasē oni eke nya, ashiashini e da suo khi o da la ne, e tsua eni eḃ ghua shi iya bhale agho.

⁵⁶ Obiobini ijesu o da je ne, o ke khi eoli ni e gbēdi, o ke khi enikeke o, ghe ifui ishemhi o, eri ee tsua eni eḃ ghua bhale agbagbajighana atuoki. E lema ijesu o lešē zē ni eni eḃ ghua e ri obō ti o esō awulu ni o rō sō tse. Eni e da ri obō ti oli nya e ze.

7

Osešē oyi ipfuasē ni o te ekelemhi lasēle

(iMat 15.1-9)

¹ IFarisi ali esēšē Ishi eyi iMosisi eghuo ni e rōte iJerusalemu bhale, e le gasē ijesu.

² E mē khi eniye odukhokho eyoli eghuo e ri abo ni ēa pfuasē ni aa kpe-a a le eminale. [Emini a ri ona ngme khi ēa kpe abo-a abi egbō iFarisi eḃ a ke li.]

³ Irari khi iFarisi ali egbō iJu eni e kpole nya ēa ya le eminale ini ēa li kpe abo-a. Abi ititawē e sešē wē na, ni e rō gbe akanya.

⁴ Ini e rōte oki jele khi ēa li kpe egbe a, ēa ya le eminale. E gbo mhōli ighuighue ebubu elese ni e gbolō e ghue, Ighuighue abi a liē kpe iko, ekhe, itasa ali igege-a.

⁵ Irarigho, eni iFarisi ali esēšē Ishi eyi iMosisi e mhila ijesu, “Elo o zē khi eniye odukhokho eyē ēa ri ishi ni itita awa e rō shi eke gbe akanya, ni e rō ri abo eni ēa pfuasē e le eminale?”

⁶ Ijesu oó wē, “Igesikia Azaya o ngme abi o rō ngme ungmēmhi oyi Eshinēgba ni o go lu eḃ ni a di egbe e. Oni a keke shi eke khi, “Ungmēmhi unu

egbo ena e ro ri ekpe e na mhe,
ama udu oyewe
o nuata shi mhe o.

7 Ugamhi afue ee ga mhe,
ushi eni egbo e ro shi eke,
ee sese egbo.*

8 A she pfi ishi eyi Eshinegba shi eke, a ri osese eyi egbo e gbe akanya.”

9 O gbolo e we, “A ga lese ode ni a te ri ishi eyi Eshinegba shi ukhokho obo, ini a ba me asha ri osese eye e gbe akanya.

10 Itobo khi iMosisi oo lie, ‘Mu ekpe na ite ali inye.’ O gbolo e, ‘Onini o da ku itse ni itali okekhi inyoli ne, a gbe oia.’†

11-12 Ama ee a sese egbo khi ini ogbo o gueye itali okekhi inyoli, khi emini loli kha kpe ro kpaghie itali ali inyoli obo khi Ikobani o ke khi, khi oa mhu e abi o ngme. Khi ushi oa mu oli ini oa ke ririe ri emhikhoghuo na itali ali inyoli. (Emini a ro somhi Eshinegba opfa se, aa lui Ikobani).

13 Eri a ri osese ona a shishi ungmehi oyi Eshinegba eke a. A gbo mholi emhi elese eghogh o ebubu ni a gbolo e ri ele.”

Emini e ri ogbo khi oni oa pfuase

(iMat 15.10-20)

14 Ijesu o gbo lu eni ebubu egbo gbili, oo we, “A ku eso a shi mhe o, ni ona o lo e eso.

15 Emhikhoghuo oa la o ni ogbo le, ni o ri ogbo khi ona umha pfuase. Se ni emini o rote ogbo ekelemhi lasese, o ri ogbo o khi oni oa pfuase odalo oyi Eshinegba.”

16 [Oni o mholi eso, o ro suo.]

17 Abi ijesu o ro pfi eni ebubu egbo shi agho ni o ro ya lo owa se, eniye odukhokho eyoli e bhale deba li, e mhila li emini oni ungmehi o ngme.

18 O mhila we, “Aa kie lese udi emhi mhia ngme? Oa kie lo e eso khi emhikhoghuo ni o rote odato lo ogbo elemhi khi oa ya ri oli khi oni oa pfuase odalo oyi Eshinegba?”

19 Irari khi oni emhi oa ya je oli udu, ama eke elemhi oo tiemhi, o gbo rote idiege ya fie lase.” Eri ijesu o ri ona guele khi eminale ni a le nya, khi e ti.

20 Ijesu o gbo lie. “Emini o rote ogbo ekelemhi udu lasese, o ri ogbo o khi ona umha-pfuase.

21 Itobo khi rote ekelemhi udu oyi ogbo, isamhi ebe e rote e lasese, enabi, itsebo, ighiato, ogbo ugbeli, okia,

22 emhi ituegbe, obe imumu, ikpamhika, efiala, ubogbo, iyese-egbe eva a, umha-mholi ekpe, iditse.

23 Ekelemhi udu eni ingeli ena nya e rote e lasese ni e ri ogbo o khi ona umha-pfuase odalo oyi Eshinegba.”

Imiesuo oyi okpotso oghuo

(iMat 15.21-28)

24 Igho ijesu o rote agho vu, o je ukiekie eke iTai. O lo owa oghuo, oa nono ni ogbokhoghuo o lese khi loli la akagh o. Ama oa dobe ri egbe oli sheli.

25 Abi okpotso oghuo ni ayemhe ebe o la omi oli oni omueshi egbe, o ro suo eko ijesu, o nyanya bhale ya de wugha li odalo.

* 7:7 Li ze Aza 29.13 † 7:10 Li ze Okiali 20.12; iDeut 5.16; Okiali 21.17; iLev 20.9

²⁶ Oni iJeta oni okpotso o khi, a bia li shi eke iFonisha ni o la iSiria. O lema iJesu o khu oni ayemhe ebe omi oli egbe a.

²⁷ IJesu o o li, "Ze ni eniye e kpe le eminale ne, o a ti ni eminale ni a kha ro na eniye le, ni a pfi oli ghi ewa."

²⁸ Oni okpotso o o, "Gueguegue Onomhue! Ama ewa e kiele la ifui itebu e san o eminale ni eniye kes le le."

²⁹ IJesu o o li, "Itobo oni ungmehi ni u ro so mhe o ena, ke je, u ya bhale ya e khi oni ayemhe ebe, o she rote omi e egbe ya lase."

³⁰ Igho, oli je apfe, o ya e khi omi oli o yeshi ukpho khi oni ayemhe ebe o she rote oli egbe vu.

Ijesu o ri ungmehi ni o gbo les o ze

³¹ Igho iJesu o rote ukiokie obini iTai vu, o rote iSidoni ya tiemhi ok e iGalili, o je eke iDikapolisi

³² Oobo egbo eghuo e la tsua omose oghuo ni o khi oleso, ni o gbo khi ungmehi, bhale ghi iJesu. E lema li o kpekpe o lese ri obo nga li egbe.

³³ Igho iJesu o rue lolighuo fi e iteva oyi eni ebubu egbo, o ri imiesabo shi oni omose eso, o to ete, o ri obo ti oni omose elemhi.

³⁴ Igho iJesu o bino idane, o tu ekperumhe-a, o o oni omose "Efata!" Emini a ri ona ngme khi, "Khueghie-a!"

³⁵ Utoghuo kpe eso eyi oni omose e khueghie a, elemhi oyoli o taghie-a, o ngme lasela gboo.

³⁶ Igho iJesu o tse agua ye we e khi gueye ogbokhoghuo. Ama abi o dobe tse agua ye we kpa, igho e dobe ngme oni ingme.

³⁷ O ri abo sha egbo eni e suo nya. E lie, "O ma gue ri ele emhikpa," e gbo lie, "O ri eni e le eso o suo eso, o khueghie ingmenu unu a, e ngme."

8

Ijesu o ri eminale na egbo agbele asha ene le

(iMat 15.32-39)

¹ O a rote agho tese ni ebubu egbo elese e ro legba. Abi eni egbo e a ro me emhi le, iJesu o lu eniye odukhokho eyoli, o o we,

² "Elemhi egbo ena e ala mhe, o she gba ele ese ni e te nu mhe la ana ni e a te me emhikhoghuo le.

³ Ini mhi e ri okiamhi ke je apfe mena, ubi o ya rue we shi ode, itobo khi eghuo o, e rote odonue bhale."

⁴ Eniye odukhokho eyoli e mhila li, "Obo u sa khi a te ya me eminale ni e bu ifu odagbe ona, ni e ya khuese egbo ena nya?"

⁵ IJesu o mhila we, "Ibulodi ingme a mholi?"

E oli "Ishilua."

⁶ O gueye eni ebubu egbo e shito eke. Igho o rue eni ibulodi ishilua egbo, o kphemhi na Eshinegba, o khi we-a, o rue we na eniye odukhokho eyoli e ke kemhi we na eni egbo. Igho eniye odukhokho eyoli e li kemhi na we.

⁷ E gbo mholi ikuku imi ifele shi agho. O gbo kphemhi na Eshinegba shi o. O rewe na eniye odukhokho eyoli e gbo li kemhi we.

⁸ Eni egbo e le, e khue. E le se, eni eniye odukhokho e san o iku we ni e le kpo le vo ighughu ishilua.

⁹ Egbo agbele asha ene e khi. IJesu o o eni egbo e ke je.

¹⁰ Loli ali eniye odukhokho eyoli e lo oko-ok e oniemhi e je ukiokie obini iDalamanuta.

*Egbọ iFarisi e mhila irọkhasẹ**(iMat 12.38-42; 16.1-4)*

11 Egbọ iFarisi e bhale, e mhila ijesu ogbọ ni e rọ mu ọli fẹ. Eẹ ọli ọ ri irọkhasẹ ni o rọte iloghie bhale khasẹ ewẹ ni wewẹ e lẹsẹ khi Ẹshinẹgba ọ ghie ọli.*

12 Ijesu ọ tu ekperumhẹ-a, ọọ, “Elo o zẹ ni eẹ egbọ a rọ mhila irọkhasẹ onyaloa? Abi o li mhi li gue ọli e ye ẹ khi, aa ya me irọkhasẹ onyaloa okhọghuo.”†

13 Ighọ ọ pfi wẹ shi aghọ vu, ọ nyenẹ egbe ukhokho gbo ya lo ọkọ-oke oniẹmhi, ọ da je ukiẹkiẹ obinuzewa.

*Oyese oyi iFarisi ali Erodu ni o li abi ifuma**(iMat 16.5-12)*

14 Eniyẹ odukhokho eyọli ẹa sato tsua ibulẹdi ni e bu, sẹ ni uruli oghuo ni e mhue shi oni ọkọ-oke oniẹmhi.

15 Ijesu ọ tse agua yẹ wẹ, ọọ wẹ, “A mhue egbhe shi ifuma eyi iFarisi ali Erodu.”‡

16 Eniyẹ odukhokho eyọli e nu egbewẹ ngme, e liẹ, “Itobọ khi awa a mhue ibulẹdi ọ rọ ngme ona.”

17 Ijesu ọ lẹsẹ emini e ngme. O mhila wẹ, “Elo o zẹ ni a rọ gue ezọ khi aa mhọli ibulẹdi? Eri aa ya me eke abi khi eri ọa kie lo ẹ esọ? Eri udu oyẹẹ o na khukhu?”

18 A mhọli alo, aa rẹwẹ a me eke? A gbo mhue esọ aa rẹwẹ ẹ suo? Aa sato?§

19 Abi mhi rọ kholo ibulẹdi ishe-a na egbọ agbẹlẹ asha ishe, ighughu ingme a sanọ iku wẹ eke vọ?” Eẹ ọli, “Igbẹva!”

20 “Abi mhi rọ gbo kemhi ibulẹdi ishilua na egbọ agbẹlẹ asha ene, ighughu ingme a sanọ iku wẹ vọ?”

E ọli “Ishilua.”

21 Ọọ, “Eri emini mhia ngme ọa kie lo ẹ esọ?”

Ijesu ọ la obini iBẹtisaida khueghie ọzalo alo a

22 E bhale iBẹtisaida. Egbọ eghuo e tsua omọse ọzalo bhale ghi ijesu, E ọli ọ kpẹkpe ọ ri obọ ti ọli.

23 Ighọ ijesu ọ mu oni omọse ọzalo obọ-obọ ya fiẹ ifui oni apfẹ. Ọ to etẹ shi obọ rọ shishi ọli alo-a. Ijesu ọ mhila li ini ọ me emhikhoghuo.

24 Oni omọse ọ bino idane, ọọ “Mhia me egbọ khi e li abi ẹera a kia gasẹ.”

25 Ighọ ijesu ọ gbo ri abọ shi oni omọse alo. Alo eyọli e tigbe khueghie-a, ọ me eke gboo.

26 Ijesu ọọ ke je, ọ ọli, “Khi gbo je elemhi ifui ẹoli.”

*IPita ọ guele oni ijesu ọ khi**(iMat 16.13-20; iLuk 9.18-21)*

27 Ighọ ijesu ali eniyẹ odukhokho eyọli e vu je ikuku ẹoli ni e la gasẹ iSizeria iFilipi. Abi e li lẹ, ọ mhila wẹ, “Oghuo egbọ e famhi ẹ liẹ khi mhi khi?”

28 E ọli, “Eri eghuo ẹ khi ijoni ni ọọ batazi egbọ u khi; eghuo ẹ khi Elaja u khi; elese ẹ khi ọtuoghuo emekeguele na ẹlẹ u khi.”*

29 O ke mhila wẹ, “Ama, oghuo eẹ oyẹẹ a liẹ khi mhi khi?”†

IPita ọ sọ li ọ, ọọ li, “Yeẹ u khi iKirisiti ni ọ khi Omiepfuese?”

30 Ijesu ọ tse agua yẹ wẹ e khi gueyẹ ogbọkhoghuo oni lọli khi.

* 8:11 Li zẹ iMat 12.38; iLuk 11.16 † 8:12 Li zẹ iMat 12.39; iLuk 11.29 ‡ 8:15 Li zẹ iLuk 12.1

§ 8:18 Li zẹ ijere 5.21; Ezik 12.2; iMak 4.12 * 8:28 Li zẹ iMak 6.14-15; iLuk 9.7-8 † 8:29 Li zẹ ijon 6.68-69

Ijesu o guele shi eke khi loli ya ghua
(iMat 16.21-28; iLuk 9.22-27)

³¹ Igho o sese eniye odukhokho eyoli khi Omi Ogbọ o mema ya me osoli egbegbo. Eni egbhali, ali ighie eyi ekpodalo-ugamhi ali eni e sese ishi, e ya kie oli. A ya gbe loli-a, ama ele onuzi-esese, o gbo ya guale.

³² O ngme ona lasese gboo. Igho iPita o lu oli ochi, oo li o khi ke ngme ungmehi onana ghue.

³³ Ama abi Ijesu o ro nyene alo ukhokho bino eniye odukhokho eyoli, o dese iPita. Oo li, "Vu mhe odalo le yeye Okphaghie. Wa mholi ingme Eshinegba shi udu, ama emhi agbo."

³⁴ Igho o lu eni ebubu egbo ali eniye odukhokho eyoli, oo we, "Ini ogbokhoghuo oo nono ni loli bhale deba mhe, o mema ya kie egboli, o rue apfida oyoli, oo deba mhe.‡

³⁵ Itobo khi onini o da dua ni loli tsumhi agbo oyoli ne, o ya de oli obọ a, ama oni o da ri irari oyemhe ali irari oyi usomhi onete oyi Eshinegba rue agbo oyoli pfia, o ya tsumhi oli. §

³⁶ Eleli onoghwo ogbọ o ya me ini o mholi agbo nya khi ayemhe oyoli o li opfu-a?

³⁷ Elo ogbọ o ya ro ooghie ayemhe oyoli?

³⁸ Ini omama oyemhe ali omama oyi ingme oyemhe o da mu ogbokhoghuo elemhi agbo ichimhi ali agbo okholo ona ne, omama oyi onogbo o ya li mu Omi Ogbọ elegho ini o bhale elemhi ufumhi oyi Itali ali oyi igeni ni e pfuase."

9

¹ O gbolo e we, "Mhi gue igesikia ye e khi, egbo eghuo e migha ana, ni ea ya ghu ne, ni e ro me khi Eghiele oyi Eshinegba o bhale, elemhi ekpabo."

Imamachi oyi Ijesu
(iMat 17.1-13; iLuk 9.28-36)

² Abi ele-esesa e ro dose, Ijesu o rue iPita, ali iJemhisi ali iJon, ya nga ute oniemhi ni o yagha, asha ni weweghuo kpe e la. Igho e me khi Ijesu o mu melaa.

³ Itsua ni o ro so, e pfuase-a, e ge pepere. E tode pfuase dose utsakolo, e dose abi ogbokhoghuo o tigbe dobe ya li pfue we-a pfuase ramhi agbo ona.

⁴ Igho eni eniye odukhokho aase eyoli e me khi Elaja ali iMosisi e lasese nu ijesh gheta.

⁵ iPita oo Ijesu, "Osesese, o gue ti khi awa la akana. Zobe ni anye to ikholo esese shi ana. Oghuo o o kha khi oye, oghuo o khi oyi iMosisi, onokpole o khi oyi Elaja."

⁶ Oa ke lese emini o ke ya ngme, itobo khi eri loli ali enekpole e yila dose.

⁷ Igho otughunu o lasese ya guese we-a, Eshinegba o rote elemhi oni otughunu ngme, oo, "Omimhe ni Omose na, ni mhi nono ingme oyoli egbegbo. A ke suo eso na li."* †

⁸ Utoghuokpe khi e ke pfi alo bino, ea ke me ogbokhoghuo se ni Ijesu lolighuo.

⁹ Abi e li rote oni ukhomhi ute e tiemhi le, Ijesu o gueye we e khi gueye ogbokhoghuo emini e me ini Omi Ogbọ o li rote eghuli guale.

¹⁰ E ri oni ungmehi gbe akanya, ama e nu egbewe gheta emini irrote eghuli guale o ngme.

‡ 8:34 Li ze iMat 10.38; iLuk 14.27 § 8:35 Li ze iMat 10.39; iLuk 17.33; iJon 12.25 * 9:7 Li ze iMat 3.17; iMak 1.11; iLuk 3.22 † 9:7 Li ze 2 iPit 1.17-18

11 Igho e mhila iJesu, “Elo o ze ni eni e sese e ro lie khi Elaja o kpe ya bhale?”‡

12 IJesu oo, “Egbegbo lo khi Elaja o kpe ya bhale, o ya bhale ya mu egbe emhi nya shi eke. Elo o mema ze ni Ebe-no-pfuase o roo khi Omi Ogb o mema me osue egbegbo, a gbo kie oli?”

13 Ama a ghe i, Elaja o she bhale, e riefe emini o ghole we deba li ezeze abi a li keke ingme oyoli shi Ebe-no-pfuase.

Iroze oyi ozeo no mhuē ayemhe obe

(iMat 17.14-21; iLuk 9.37-43)

14 Abi e ke ro ya kugbe eniye odukhokho ni e kpole o, e me khi ebubu egbo o le gasē we, esese Ishi eyi iMosisi e nu we la akaghō khako.

15 Abi eni egbo e lese me iJesu te, abo e sha we egbegbo. E na ya tse oli.

16 O mhila we, “Elo o khi ni a nu we khako o shi?”

17 Omose oghuo o rote elemhi eni ebubu egbo ya rue unu, oo, “Osese, omimhe oni omose mhi ro bhale ghi e, ayemhe obe o nase oli, ni o ke ze oli e ngme.

18 Ini oni ughuamhi o da tsua rughu oli ne, eri o pfi oli e gbe, oo chi ofulu unu, oo le ako unu, o zese a. Mhi gueye eniye odukhokho eye e khu oli oni ayemhe egbe-a, ama e dobe.”

19 IJesu oo, “Ee egbo ni e mholi irudunga ena, efe-ingme mhi ke mholi ro nu e ya la akana, efe-ingme mhi beshi ya la onana ramhi, Mu oni omō ghi mhe!”

20 Igho e mu oni omō bhale. Abi oni ayemhe o ro me iJesu tee, o de rughu oni omō, o pfi oni omō gbe, oo kpi abo ali awe-a, oo wu oli eke, oo chi ofulu unu.

21 IJesu o mhila ita oni omō, “Aefe o te lina?”

Oo, “Abi o te khi omō.”

22 “O she lina mu oli pfi lo elemhi erali ali elemhi oke itingmingme abi o kha gbe oli-a. Ini u mholi emini u dobe ya riefe, kpekpe le elemhi anye ni u kpaghie anye obō.”

23 IJesu oo, “Eri u we ini mhi dobe? Emhikpa oo tse na oni o da mholi irudunga.”

24 Aghoaghō ita oni omō o nyanya lie, “Mhi miesuo ukuku, kpaghie mhe obō ni mhi gbo miesuo shi o egbegbo.”

25 Abi iJesu o ro me khi eni ebubu egbo e na bhale ashini oni ingme o de shi, o tsefe ku oni ayemhe obe. “Ye ye ayemhe ungmene ali ilesō, rote oli egbe ya lasela, khi gbo nyene egbe bhale o ghue.”

26 Oni ayemhe o tsefe, ri itoto nighise oni omō, o rote oli egbe ya fie. Oni omō o ke li abi oni ghua. Egbo e lie, “O she ghua.”

27 Ama, iJesu o mu oni omō obō vule migha. O migha.

28 Abi iJesu o ro lo elemhi owa se, eniye odukhokho eyoli e bēna mhila li, “Elo o ze ni anye aa ro dobe khu oli oni ayemhe egbe-a?”

29 IJesu o so we o, oo we, “Iromhi isoso ali azumhi tse o dobe a khu onana.”

IJesu o gbo ngme ingme eghuli oyoli

(iMat 17.22-23; iLuk 9.43-45)

30 IJesu ali eniye odukhokho eyoli e rote agho vu, e rote iGalili dose, o nono ni ogbokhoghuo o lese ashini wewe e la,

31 Itobo khi o sese eniye odukhokho eyoli, oo ye, “A ya ri Omi Ogb o na egbo de. E gbe oli-a. Efe nuzi-esē o gbo guale.”

32 Ama emini o ngme o lo we esō, ulishi o mu we abi e li ya mhila li emini o roli ngme.

‡ 9:11 Li ze iMala 4.5; iMat 11.14

*Oni o fu ne nya**(iMat 18.1-5; iLuk 9.46-48)*

³³ E bhale eoli iKapanomu. Abi o ro la elemhi owa, o mhila we, “Elo a khako shi amo abi a ro la ode?”

³⁴ Ama e tsaghie-a, itobo khi oni o kpeda nya elemhi we e la ode khako shi. §

³⁵ Ijesu o shito, o lu eniye odukhokho ogbava eyoli, o o we, “Ini ogbokhoghuo o o nono ni loli khi oni odode, o kpe ya ri egboli khi oni o kpukhokho nya, ali oni o ga egbo nya.”*

³⁶ O mu ukuku omo vule migha we iteva. O mu oli shi abo, o o we,

³⁷ “Onini o ri itobo oyemhe mie otuoghuo ikuku eniye enana ne, mhemhe o mie. Onini o da mie mhe ne, oni o ghie mhe o mie, o a khi mhemhe.”†

*Oni o da khi obe awa ne oyi awa o khi**(iLuk 9.49-50)*

³⁸ Ijoni o o, “O sese, anye me omo oghuo ni o ri eva oye khu ayemhe ebe kua. Ama anye gueye oli o khi gbo ligo, itobo khi o a khi oghuo elemhi awa.”

³⁹ Ijesu o we, “A khi ke khu oli o, itobo khi oni o ri eva oyemhe gbe akanya onyalo, o a tigbe e vule ke ngme onobe oyemhe.

⁴⁰ Itobo khi oni o a khi obe awa, oyawa o khi.”‡

⁴¹ Abi o li mhi li gue oli e ye e khi, onini o da die uko ame na e da irari eva oyemhe ne, ali irari khi onayi iKirisiti a khi, o ya me eleli o. §

*A mu egbe e shi emini e yese ogbo o lamhe**(iMat 18.6-9; iLuk 17.1-2)*

⁴² “Ini ogbokhoghuo o yese ikuku eniye enana ni e mie mhe suo lamhe, o bie tine ni a ge eche iko oniemhi shi ogbo oghogho uruli tsua pfilo elemhi oke oniemhi.

⁴³ Ini obo oye o re ya lamhe, khi oli pfia. O ti e egbe ne ini u waa mholi obo ya lo iloghie na agboagbo, ni u ro tsua abo eve-eva eye ya lo ilimhi iriere, ashini erali e a tigbe e pfo-a ghue.*

⁴⁴ [Akagho ikpatso ni e le we ni e a tigbe e ghu e la, ali ashini erali ni e tose we-a, e a tigbe e pfo ghue.]

⁴⁵ Ini owe oye o re ya lamhe, khi oli pfia, o ti e egbe ne ini u waa mholi awe ro lo iloghie na agboagbo ni u ro mholi awe eve-eva, ni u ro ya lo ilimhi iriere.

⁴⁶ Akagho ikpatso ni e le we ni e a tigbe e ghu e la, ali ashini erali ni e tose we-a, e a tigbe e pfo ghue.

⁴⁷ Ini ukpeloe oye o re e lamhe, vuonyo li pfia, o ti e egbe ne ini u ri ukpeloe oghuo lo Eghiele oyi Eshinegba, ocho ni u ro ya mholi ikpamhi alo eva, a pfi e ya lo ilimhi iriere.†

⁴⁸ Akagho,

“‘Ikpatso ni e le we
ni e a tigbe e ghu e la,
ali ashini erali ni e tose we-a,
e a tigbe e pfo ghue.’‡

⁴⁹ “Erali a ro nye ogboagbo-a, a roli khi oni o pfuase abi a li ri ugbheli e ri iluasobo khi pfuase.

§ 9:34 Li ze iLuk 22.24 * 9:35 Li ze iMat 20.26-27; 23.11; iMak 10.43-44; iLuk 22.26 † 9:37 Li

ze iMat 10.40; iLuk 10.16; iJon 13.20 ‡ 9:40 Li ze iMat 12.30; iLuk 11.23 § 9:41 Li ze iMat 10.42

* 9:43 Li ze iMat 5.30 † 9:47 Li ze iMat 5.29 ‡ 9:48 Li ze Aza 66.24

⁵⁰ “Ugbheli o ma ti, ama ini oviọlọ oyọli o kala, sẹ o ke li zẹ gbolo rọ ya mele ugbheli-a?”

“A zẹ ni a mhọli ugbheli shi agbọ oye ẹ. A nu egbe ke ngeli angeli opfomhẹ.”[§]

10

Ijesu o ngme shi ingme ipfughue-a

(iMat 19.1-12; iLuk 16.18)

¹ Ijesu o rọte aghọ vu je eke iJudia, ini a da iJodani. Ighọ ẹgbọ ni e bu e gbo wẹ ngale deba li, o sẹsẹ wẹ abi o kpẹ li.

² Ẹgbọ iFarisi eghuo e bhale ya mu ọli fẹ, e mhila li, “Ushi oyawa o lama, omọse o khu ughue oyọli?”

³ Oọ, “Elo iMosisi o gueye ẹ a ke li?”

⁴ E ke, “Eri iMosisi o lama omọse o keke ebe ni a rọ pfa ughue-a mhọli ughue ọli obọ, o khu ọli.”*

⁵ Ijesu oọ wẹ, “Itobọ khi udu oyeẹ oọ gbe, iMosisi o rọ lighọ keke oni ushi na ẹ.

⁶ Ama omọse ali okpotso, Ẹshinegba o rọte igbaekele agbọ ma wẹ.”†

⁷ Onana o zẹ ni omọse o rọ o pfi itali ali inyọli shi eke, o ya toma ughue ọli o.

⁸ Wẹwẹ aava e mele idiegbe oghuo a. Ẹghẹghẹ aghọ ẹa ke khi etuava, ama oghuo.‡

⁹ Irarighọ, emini Ẹshinegba o da toma ne, ogbokhoghuo o khi vase wẹ a.”

¹⁰ Abi e rọ gbo la elemhi owa, eniye odukhokho eyi ijesu e mhila li ogbo ona.

¹¹ Ijesu oọ wẹ, “Onini o da khu ughue ọli ni o ya rue okpotso ọlese ne, eri o kia okia shi oni ughue ọli o.

¹² Ini oni okpotso o lase ayi odọli le khi o ya ngeli na omọse ọlese, eri o kia okia.”[§]

Ijesu ali eniye enikeke

(iMat 19.13-15; iLuk 18.15-17)

¹³ Ẹgbọ eghuo e mu eniye bhale deba ijesu ni o ri obọ ti wẹ, ama eniye odukhokho eyọli ee khu wẹ.

¹⁴ Abi ijesu o rọ me ghọ, o ri elemhi bi ọli. Oọ wẹ, “A zẹ ni ikuku eniye e bhale deba mhẹ. A khi ke khu wẹ, itobọ khi enabi wẹwẹ e li mhọli obọ shi Eghiele oyi Ẹshinegba.

¹⁵ Zẹ mhẹ gue igesikia ye ẹ khi oni ọa da rue Eghiele oyi Ẹshinegba abi eniye enikeke ne, ọa tigbe ya lo iloghie.”*

¹⁶ O muno eniye shi egbe, o ri obọ nga wẹ ukhomhi, o sọ iromhi na wẹ.

Ozele-omọse ni o lolo pfue

(iMat 19.16-30; iLuk 18.18-30)

¹⁷ Abi ijesu o ke rue okiali eke khi o vu, omọse oghuo o na bhale ya wugha li odalo, oọ li, “Osẹsẹ nete! Elo mhi ya riele ni mhi rọ ya mhue agbọ na agboagbọ?”

¹⁸ Ijesu o ọli, “Elo e zẹ ni u rọ o lu mhẹ onoti. Ogbokhoghuo ọa laọ ni o ti, sẹ ni Ẹshinegba.

[§] 9:50 Li zẹ iMat 5.13; iLuk 14.34-35 * 10:4 Li zẹ iDẹnt 24.1-4; iMat 5.31 † 10:6 Li zẹ Igbae 1.27; 5.2 ‡ 10:8 Li zẹ Igbae 2.24 § 10:12 Li zẹ iMat 5.32; 1 iKori 7.10-11 * 10:15 Li zẹ iMat 18.3

19 Ni mhi rọ sọ ẹ ogbọ ni u mhila mhẹ, u lẹsẹ ushi ni Ẹshinegba ọ rọ shi ekẹ. Ni ọ lẹ, 'A khi gbe ugbeli, a khi kia okia, a khi do ughiatọ, a khi pfi ọtsẹlẹ egbhọli mu ogbọ, a khi li ogbọ le, mu ekpẹ na ita ẹ ali inye e.' †

20 Oni ọzẹo ọọ, "Ọsẹsẹ, abi a te bia mhẹ mhi te ri ena nya a gbe akanya."

21 Ijesu ọ ri eloe inono bino ọli, ọọ li, "Emhi oghuo tse ọ kpe ẹ le ni waa riẹlẹ ne. Je ya ri emini u mhọli nya de ni u kemhi we na eni ẹa mhọli emhi, egheghe agho ni u mhọli ẹpfue shi obini iloghie, u tigbe bhale ya deba mhẹ ke kia."

22 Abi oni omose ọ rọ suọ ona, alo eyọli e yese a, ọ ri iyeseudu-a ya vu, itobọ khi ọ mhọli ẹpfue eniemhi.

23 Ijesu ọ bino gasẹ kpa, ọọ eniyẹ odukhokho eyọli, "O ma mu ogbọ ni ọ pfue unu ni ọ rọ lo Eghiele oyi Ẹshinegba."

24 Ingmemhi eyọli e ri abọ sha eniyẹ odukhokho eyọli. Ama ijesu ọ gbolo ẹ, "Eniyẹ eyemhẹ, o ma mu eni e ri egbe da ẹpfue oyewẹ unu ni e rọ lo Eghiele oyi Ẹshinegba."

25 Ni ogbọ ni ọ pfue ọ rọ lo Eghiele oyi Ẹshinegba, o ya munu doşẹ, ni ogbọ ke dua ni lọli ri alakumi rote esẹ asugẹ ya fiẹ."

26 Ona o ke ri abọ sha eniyẹ odukhokho eyọli ne, e rọ mhila egbe, "Oghuo ọ dobẹ ya lo ọ sho?"

27 Ijesu ọ pfi ukpẹloe bino wẹ, ọọ, "Ona ọa zẹ ogbọ ya li ama emhikpa o zẹ Ẹshinegba a li."

28 IPita ọọ ijesu, "Emhinya anye tsua kua bhale deba ẹ."

29 Ijesu ọọ wẹ, egbegbi-ingme mhi gue ẹ ye ẹ khi ọnini ọ da pfi apfẹ ọli shi ekẹ, ali inyoghuo ọli eni emose ali eni ikpotso, ali ita ali inyo, ni ọ pfi eniyẹ ali ishemhi, ghe ọwolọ shi ekẹ irari oyemhẹ ali usomhi onete oyi Ẹshinegba,

30 a ya somhi ọli opfa. Elemhi agbọ ona, a ya khivose na li asha egbhueshe, ikhivose owa ali ikhivose inyoghuo, ali inyo ali eniyẹ ali ishemhi, ali anasemhẹ. Ọ ya mhue agbọ na agbọagbọ, elemhi agbọ ni o kẹ ẹ bhale.

31 Ama egbọ eghuo ni e ralo, e ya kpẹ ukhokho. Eni e kpẹ ukhokho amo, e ya khi eni odode.‡

Ijesu ọ gbo ngme ingme eghuli oyọli utonuzi-esẹ

(iMat 20.17-19; iLuk 18.31-34)

32 Abi ijesu ọ rọ tsua wẹ lẹ iJerusalemu, ni ọ rọ ralo na wẹ, eni ingme e pfuse ghagha a shi eniyẹ odukhokho eyi ijesu udu. Ulishi o mu egbọ ni e deba wẹ. Ighọ ijesu ọ gbo li rue eniyẹ odukhokho ogbava eyọli ye ochi, ọ gueyẹ wẹ emini lọli ya me ini wewẹ e ramhi iJerusalemu.

33 Ọọ, "iJerusalemu awa je ena, a ya la oobọ rue Omi ogbo na ighie eyi ekpodalo-ugamhi ali eni ẹ sesẹ ishi de, a ri ọli na wẹ mu. E pfa ezọ igbe-a mu ọli, e ghi ọli abọ ghi egbọ ijeta.

34 E ya rọli ke li egia, e tono etẹ ku ọli, e gbe ọli ite, e tigbe gbe ọli-a. Ama ẹlẹ nuzi-esẹ, ọ ya rote eghuli guale."

Emini ijemhisi ali ijoni e mhila ijesu ọ riẹlẹ na ewẹ

(iMat 20.20-28)

35 Ighọ ijemhisi ali ijoni imi iZebedi e bhale deba ijesu, ẹ ọli, "Ọsẹsẹ, anye ẹ nono ni u riẹlẹ emini anye ya mhile ena na anye."

36 Ijesu ọọ wẹ, "Elo a nono ni mhi riẹlẹ na ẹ?"

37 E kẹ, anye ẹ nono, ini u da shitọ ukpẹkhomhi oye obini Eghiele oniemi oye ne, ni u zẹ ni ọtuoghuo anye ọ kha shitọ ẹ ukiẹkiẹ obita, ọnọkpọle ọ shitọ ẹ obogbo.

³⁸ Ijesu oƆ we, “Aa leŝe emini aa mhila. Uko ni mhi rote da, a doƆe ya rote o da, abi khi eri a doƆe ya mie ibatizi onabi mhi mie?”[§]

³⁹ E ke, “Anye ya doƆe.” Ijesu oƆ we, “A doƆe ri uko ni mhi ro da ya da, a gbo doƆe mie ibatizi onabi mhi mie,

⁴⁰ ama mhia mhõli afu ni a ro ri oƆbo o shito mama mhe ukiẽkiẽ obita ali obogobo ukpekhomhi oghie obini iloghie. Eshinegba o ri asha eghõghõ ya na egbo ni o re we shi aghõ khe.”

⁴¹ Abi eniye odukhokho etuogbe enekpõle e ro suo ingmemhi ena, e nu ijemhisi ali iƆoni i wola shi o.

⁴² Ighõ ijesu o lu we tiggili, oƆ we, “A leŝe khi eni e lu egbewe ighie eyi egbo eni eƆa ya ga Eshinegba, khi eri e li we abi o ghõle we, ighõ eni e kpeda omhese e li e mhese na we.

⁴³ Ama, a khi li abi weƆe. Ama onini o nono ni lo li khi oniemhi elemhi e, o khi oni o ga eƆ nya.*

⁴⁴ Onini o nono ni lo li khi onodode, oƆ mema kpe ri egbõli khi oghumha oyi egbo kpa.†

⁴⁵ Itobo khi Omi OƆbo oƆa bhale ni a ke ga li, ama eri o bhale ya ga ali ni o gbo ri agbo oyõli bhale ni a ro luase obo na ebubu egbo.”

Ijesu o ri iBatimeusi otase-alo-a ze

(iMat 20.29-34; iLuk 18.35-43)

⁴⁶ Ighõ e bhale ijeriko. Abi ijesu ali eniye odukhokho eyõli ali ebubu egbo ni e deba li, e ro rote oni eoli vu, omõse oƆhuo ni o tase alo-a na lui iBatimeusi (omi iTimeusi a ri iBatimeusi ngme) o shito epfe ode mhila omhila.

⁴⁷ Abi o ro suo khi ijesu ona iNazareti lo, oƆ tseŝe leghe, oƆ lie, “Ijesu omi iDefidi, kpeƆpe, le elemhi mhe.”

⁴⁸ Ebubu egbo e tseŝe ku õli, eƆ õli o ze ni a suo esõ. Ama eena o mema lolo pfi okokokhue lu õli ne, “Omi iDefidi le elemhi mhe!”

⁴⁹ Ijesu o migha, oƆ, “A lu õli na mhe.” Ighõ e lu oni otasalo-a, e õli, “Ke ghele, vule, khi oƆ lu e.”

⁵⁰ O rue awulu no o so pfi a, o ti vule pia bhale deba ijesu.

⁵¹ Ijesu o mhila li, “Elo wa nono ni mhi riele ne?”

Oni omõse ni o tase alo-a, oƆ, “Oseŝe, mhia nono ni mhi gbo ke me eke.”

⁵² Ijesu oƆ, “Ke le, khi irudunga oye o she re ze.” Aghõaghõ, oƆ me eke, o deba ijesu rote ode vu.

11

Egbo e ri ufumhi na ijesu abi o ro lo ijerusalemu

(iMat 21.1-11; iLuk 19.28-40; iƆon 12.12-19)

¹ Abi e ro ti ramhi ijerusalemu ni e ro bhale iBetifagi ali iBetani Udi Ute Olivu, ijesu o ghie etuava elemhi eniye odukhokho eyõli,

² OƆ we, “A je eoli ni o la odalo oobõ eghõ. A kha leŝe lo oni eoli le, a ya me omi akphere ni a muzu, ni oƆbõkhõghuo oƆa nga shito ghue. A taghie õli bhale ana.

³ Ini oƆbõkhõghuo o mhila e, ‘Elo o ze ni a ro taghie õli? A gueye õli khi, Onomhue oƆ nono ni lo li ri õli riele emhi, ali khi o gbo roli bhale ya shi eke lena.’ ”

§ 10:38 Li ze iLuk 12.50 * 10:43 Li ze iLuk 22.25-26 † 10:44 Li ze iMat 23.11; iMak 9.35; iLuk 22.26

4 Igho ee bhale ya ẹ ọni ozele akphẹrẹ ni a muzu shi ifui apfẹ epfẹ ode. Abi e li taghiẹ ọli-a,

5 ẹgbọ eghuo ni e migha akaghọ e mhila wẹ, “Elo a la akaghọ a riẹlẹ ni a rọ taghiẹ ọni omi akphẹrẹ oghọ-a?”

6 E sọ wẹ ọ abi iJesu ọfẹ e li sọ wẹ ọ. Igho eni ẹgbọ e zẹ wẹ vu.

7 Abi e rọ mu ọni ozele akphẹrẹ bhale ghi iJesu se, e banọ ide egbe-a pfinu nga ọni ozele akphẹrẹ ukhokho. Igho, iJesu ọ nga li shito.

8 Ebubu ẹgbọ elese e li ba ide rọ ku ode, eghuo, e nyanọ eyamhi ku ode.

9 Ẹgbọ ni e ralo ali eni e deba li e gbe ukua, e tsesẹ, e liẹ,
“Okuekhoogo! Oolo!”

Ẹshinegba ọ ka khivose
na ọni ọ ri eva oyi

Onomhūe bhale!*

10 “Ẹshinegba ọ ka khivose
shi Eghiele oyi oghie iDefidi
ita awa ni ọọ bhale.”

“Tkuẹghie ọ khi oyi Ẹshinegba!”

11 Abi iJesu ọ rọ ramhi iJerusalemu, ọ doşẹ ya lo elemhi Owa oyi Ẹshinegba. Ọ bino emhi nya gase, ama aborokhia khi obili o she bi doşẹ, loḷi ali eniye odukhokho ogbava eyoli e je iBetani.

Ijesu ọ pfi unu na ọra okhua-eni

(iMat 21.18-19)

12 Ogbekolo abi e li roṭe ẹoli iBetani fiẹ, okiamhi oo gbe iJesu.

13 Igho ọ tapfia me ọara okhua-eni ni o gue ta ebe. Ọ le ya bino ini o she mo udumhi. Abi ọ rọ ramhi agho ọa me emhikhoghuo ọ, se ni ebe, itobo khi ọa ramhi eghẹghẹ ni okhua-eni e rọ mo ne.

14 Igho ọọ oni okhua-eni, “Ogbokhoghuo ọa ke gbo roṭe ẹ ukhomhi ya pfa udumhi ghue.”

Eniye odukhokho eyoli e suo khi ọ ngme na.

Ijesu ọ je Owa oyi Ẹshinegba

(iMat 21.12-17; iLuk 19.45-48; iJon 2.13-22)

15 Abi e ke rọ ramhi iJerusalemu, iJesu ọ lo Owa oyi Ẹshinegba, ọ veşẹ eni e la akaghọ du oki kua. Ọ kpha okphẹ oyi eni e pfa ikpagho ali eni e ri inekhukhu de kua.

16 Ọa zẹ ni ogbokhoghuo ọ tsua itsua-oki roṭe elemhi apfẹ oni Owa oyi Ẹshinegba doşẹ.

17 Abi ọ ke rọ seşẹ ẹgbọ, ọ rọ liẹ, “A she kpẹ kekẹ ọli shi Ebe-no-pfuase khi,
“Owa iromhi oyi ishishi nya,
a ya ke lu Owa oyemhe,”

Ama ẹẹ, a she roḷi mele owa ighiatọ a.”†

18 Abi ighie eyi ekpodalo-ugamhi ali eni ẹ seşẹ ishi e rọ suo ona, ee dua ode ni e te me asha ya gbe iJesu a. Ama ulishi oyi iJesu oó mu wẹ, itobo khi eri oseşẹ oyoli o ri abọ sha ẹgbọ kpa.

19 Ogbomhi o mu eke, iJesu ali eniye odukhokho eyoli e roṭe oni ẹoli ya fiẹ.

Ilesingme ni a roṭe okhua-eni ni o ku ebe a rue

(iMat 21.20-22)

20 Eluzogbe oogbeakolo khi e roṭe oni ode doşẹ, e me khi oni ọara okhua-eni o khakha ya ramhi imhili.

* 11:9 Li zẹ Iwolo 118.25-26 † 11:17 Li zẹ Aza 56.7; iJere 7.11

²¹ IPita ọ sato, ọọ iJesu, “Ọsẹsẹ, bino khẹ! Ọara ọkhua-eni ni u pfi unu na o she khakha-a.”

²² IJesu ọ sọ li ọ, ọọ, “Mhọli irudunga na Eshinẹgba.”

²³ “Egbegbi-ingme mhi gue ẹ yẹ ẹ khi ọnini ọ gueyẹ oni ute ona, ‘Rọ te akana lasele ya je elemhi okẹ oniẹmhi,’ ni ọa rọ da mhọli akhọkhọmhe shi udu shi emini ọ ngme ne, ni ọ rọ mhọli miesuọ khi emini lọli ngme o ya bhale ya tse, oo ya lighọ na li.‡

²⁴ Irarigho, emiemini u sọ iromhi mhila, miesuọ khi u she mhọli ọli, oye o ke khi.

²⁵ U kha da migha a lema, ni u rọ ri ingme oyi ọgbọ shi elemhi, nyanya rọ topfa li. Ini itẹ ni ọ la iloghie ọ ri olamhe eyẹ li topfa ẹ.”

²⁶ “Ama ini u waa da rọ topfa ọgbọese ne, itẹ na iloghie ọa ya li ri olamhe eyẹ topfa ẹ.”§

*A mhila iJesu ọni ọ ri afu na li
(iMat 21.23-27; iLuk 20.1-8)*

²⁷ Ighọ ee gbo lo iJerusalemu le. Abi iJesu ọ li kia elemhi apfe Owa oyi Eshinẹgba gasẹ, ighie eyi ekpodalo-ugamhi ali eni ẹ sẹsẹ ishi ali egbhali e bhale deba li.

²⁸ E mhila li, “Ọghuo ọ ri afu nẹ ni u rọ riẹlẹ eni emhi enana nya, ọghuo ọ ri unu nẹ u ke riẹlẹ ena.”

²⁹ IJesu ọ sọ wẹ ọ, Ọọ, “Mhi ya mhila ẹ ọgbọ ọghuo. A sọ mhe ọ, ni mhi tigbe gueyẹ ẹ ọni ọ ri afu na mhe mhi ke riẹlẹ emhi ena.

³⁰ Ọghuo ọ fẹ ri itoto na iJoni ọ ke batazi ẹgbọ abi ẹgbọ?”

³¹ Ighọ, e ya ye egbe ochi, e nu egbe wẹ ngme ọli khi, “Awa khẹ ‘Rọte iloghie’ lọ, ọ ya mhila awa, ‘Elọ o zẹ ni aa rọ mie ọli suọ?’

³² Ama ini awa ke, ‘Obọ oyi ẹgbọ.’ ” Ulishi oyi ẹgbọ o mu wẹ, itobọ khi ọgbọkpa ọ lẹsẹ khi ọmekeguele iJoni ọ khi.

³³ Ighọ ẹẹ iJesu, “Anye ẹa lẹsẹ.” Ighọ iJesu ọọ wẹ, “Mhi aa ya li gueyẹ ẹ ọni ọ ri afu na mhe mhi rọ ke riẹlẹ eni emhi ena.”

12

*Okhẹ irọkhọkhọ oyi eni e ngmomhi shi ogba ẹera ipfonu
(iMat 21.33-46; iLuk 20.9-19)*

¹ Ighọ iJesu ọ ke ri okhẹ irọkhọkhọ sẹsẹ wẹ. Ọọ, “Ọmọse ọghuo ọ ke ya gua ogba ẹera ipfonu. Ọ ma ugbe gasẹ oni ogba. Ọ tọ esẹ shi ọ, ni a mino amẹ ikpamhi eni ẹera kulo. Ọ gbo tọ owa ni o yagha ni a la khẹ-ekhẹ shi ọ. Ighọ ọ ya ri oni ogba nga eghiale eghuo obọ e nu lọli ri ukpẹloe ke khu. Ọ vu asha obini odonuẹ.*

² Eghẹghẹ ikhiẹsẹ o ramhi, ọni ọmọse ọ ghie oghumha oyọli ghi eni ọ ri ogba nga obọ, ọ lẹ ya mie wẹ idumhi emhi ni a kọ shi oni ogba bhale ghi lue.

³ Ama e mu ọli, e gbe ọli, e khu ọli. Ọ pfino abọ efue ya je.

⁴ Ọ gbo ghie oghumha oyọli ọlese ghi wẹ, E pfi emhi shi ọli ukhomhi, e yeghe ọli-a

⁵ Ọ gbo ghie ọlese, e gbe onana-a. Ọ ghie elese ni e bu, e gbe eghuo itali, e gbole eghuo-a.

⁶ “O kpọli ọghuo le ni ọa ghie ne, ikhi omi ọli ni ọ lolo nono ingme oyọli. Lọli ọ kpukhokho ghie. Ọ sa, ọọ, ‘E ya mu ekpẹ na omi mhe.’

‡ 11:23 Li zẹ iMat 17.20; 1 iKori 13.2 § 11:26 Li zẹ iMat 6.14-15 * 12:1 Li zẹ Aza 5.1-2

7 “Ama eni e la oni ogba, eẹ egbewe. ‘Ona o ya le ugu oni ogba ona, a bhale ni awa gbe ọli-a. Eghẹghẹ agho ni oni ugu o mele oyawa-a.’

8 Igho e mu ọli, e gbe ọli-a, e pfi ọli rọte oni ogba ya lase.

9 “Sẹ oni o mholi oni ogba ona o fe ya li? Eri o bhale ya gbolo eni egbọ ni o ri oni ogba nga obọ-a, o rue oni ogba na egbọese.

10 Aa she zẹ ọli Ebe-no-pfuase khi.

“Eche ni itsona e kie pfi,
lọli o ke ya mele egbegbi eche
ni o ke mu eloe ne nya-a.

11 Onomhue o ligho riele ona,
óó ti anye eloe gba’ ”†

12 Igho egbhali eyi egbọ iJu, e nono ode ni e te ya mu iJesu, itobo khi e lese khi wewe o ri oni okhe irokhokho ona nu ngme. Ama e na ulishi oyi ebubu egbọ ni e la agho, e zẹ ọli obọ, e vu.

Ingme izẹ oga na iSiza

(iMat 22.15-22; iLuk 20.20-26)

13 Igho e tigbe ya nyene egbe ya ghie iFarisi eghuo ali eniye odukhokho eyi Erodu ghi iJesu, ni e me asha rọte emini o ya ngme ri ingme de ọli.

14 Igho e bhale deba iJesu, eẹ ọli, “Osese, anye lese khi u ma ngme igesikia, khi emiemini egbọ eẹ ngme ali emiemini ogbọ o khi ọa ya mu e eloe, ama ode oyi Eshinegba wa sese ni o te ode igesikia. Mhie i, o famhi ti abi khi ọa ti elemhi ushi, ni a ro zẹ oga na oghie iSiza?”

15 Anye ke zẹ, abi anye khi zẹ?”

Ama iJesu o she me ikpamhika oyewe. Ofo we, “Elo o ze ni a ro nono ni a di mhe mu? A rue ukpamhi anini bhale ghue ni mhi bino.”

16 E rue oghuo bhale ghi ọli, ofo we, “Alo ali eva eyi oghuo na ni a mu shi o ena?” Eẹ ọli, “Eyi iSiza lo.”

17 IJesu ofo we, “A ri emini o khi oyi iSiza na iSiza, a ri emini o khi oyi Eshinegba na Eshinegba.”

Igho ingme oyi iJesu o sha we abo.

Ingme iteghuli-guale

(iMat 22.23-33; iLuk 20.27-40)

18 Igho egbọ ena otu na lui iSadusi ni eẹ sese khi ite-eghuli-guale ọa ya la ikpukhokho agbo, e bhale deba iJesu ya mhila li ogbọ.‡

19 Eẹ ọli, “Osese, iMosisi o keke ọli shi ebe ushi na awa khi, ‘Ini omose o ghu-a pfi ughue ọli shi agbo, ni ọa ro bia omọ na li, inyoghuo oni omose o mema rue oni osamhi-olimhi ughue ni o bia eniye na oni okpotso na inyoghuo ọli ni o ghu-a ogho’§

20 Eghẹghẹ oghuo o ya la o, a me emose oshilua ni e khi inyoghuo. Oni ogbhali o rue okpotso. Oni omose ya ghua, ọa bia omọ na oni okpotso.

21 Inyoghuo ọli ni ofo deba li o ke rue oni okpotso, o gbo ghua, ọa bia omọ. Igho o gbo li inyoghuo ọli onuzase.

22 Igho o gbo li khi eni inyoghuo oni omose ni e kpole nya. Eni inyoghuo oshilua nya e ga rue oni okpotso ughue ni ẹa bia omọ okhoghuo na li. Ikpukhokho o, oni okpotso o li ghua.

† 12:11 Li ze *Iwolo* 118.22-23 ‡ 12:18 Li ze *Ika* 23.8 § 12:19 Li ze *iDeut* 25.5

23 Ini ogbeḷe iguale o ramhi, ni eni e ghu-a nya e rọ guale, oghuo o famhi ya khi ughue ọni ọkpotso? Aborokhia khi wewe oshilua nya e ga rue ọli ughue egbo.”

24 Ijesu o so we o, Oo, “Wa a me khi eri a da ode khi aa lese emhikhoghuo elemhi Ebe-no-pfuase, wekhi eri a lese emhikhoghuo elemhi ekpabo oyi Eshinegba.

25 Ini eni e ghu-a e guale, ea ke ke rue ughue wekhi eri a ke re we ke ye ughue. Eri e ke li abi igeni ena iloghie.

26 Ama ingme iguale oyi eni e ghua, aa she kpe ze ọli ebe ni iMosisi o keke ni o ngme ingme ebuli ni oo to shi? Abi Eshinegba o gueye iMosisi khi, ‘Mhemhe mhi khi Eshinegba oyi Aburaamu ali Eshinegba oyi Aziki, ali Eshinegba oyi iGiekopu.*

27 Eshinegba oyi eni e la agbo o khi, ọa khi oyi eni e ghua. Eri a ga da ode pfo nya.” Emini a ri ona ngme khi, egbo eni ghu-a eghuo e kie mholi agbo.

Ushi ni o fune nya

(iMat 22.34-40; iLuk 10.25-28)

28 Otuoghuo eni e sese ishi, o la agho suo abi e ro khako, o me khi ijesu o ga gue so egbo iSadusi ogbo ni e mhila li, o mhila li, “Elemhi ishi nya, onoghuo o ga fune nya?”

29 Ijesu o so li o, oo, “Oni o mu eloe ne nya na, ‘Ku eso-a ye ye iZireni, Onomhue Eshinegba oyawa, lolighuo kpe o khi Onomhue.

30 Nono ingme oyi Eshinegba Onomhue oye, ri udu oye nya ali agbo oye nya, ghe isamhi ali ekpabo oye nya nono ingme oyi Eshinegba.†

31 Onuzi-eva ni o gbo lolo mu eloe khi, ‘Nono ingme oyi Onuzava oye abi u li nono ingme egbe e.’ Ushi olese okhoghuo ọa ke la o ni o gbo mu eloe dose ena.”‡

32 Oni omose oo, “U ga gue ngme, Osese. Igesia u ngme ni u we khi Eshinegba oghuo o khi, ali khi olese ọa ke la o, se ni lolighuo.§

33 Ali khi awa ri udu oyi awa nya, ali isamhi eyi awa ali ekpabo eyi awa nono ingme oyi Eshinegba. Ali awa nono ingme oyi Onuzava oyawa abi awa li nono ingme egbe awa. Ni awa ro ri ishi eva ena gbe akanya, o ghole Eshinegba dose ni awa ya ri iluasobo ali isomhopfa ododa bhale ghi ọli.”*

34 Abi ijesu o ro me ileingme ni o ro so lue o, ijesu oo li, “Wa a ga nuata shi Eghiele oyi Eshinegba.”

Rote agho vu ogbo okhoghuo ọa ke gbolo mhila li ogbo okhoghuo.†

Omi oni Omiepfuese o khi

(iMat 22.41-46; iLuk 20.41-44)

35 Abi ijesu o ro la elemhi apfe ni o la Owa oyi Eshinegba sese egbo, o mhila we ogbo. Oo, Elo o ze ni esese Ishi eyi iMosisi e ro lie khi omi iDefidi Omiepfuese o khi?

36 Abi Ayemhe-no-pfuase o ro kpha iDefidi so, o ro rote unu oyoli lie. “‘Eshinegba oo, Onomhue oyemhe.

Shito mama mhe
ramhi egheghe

ni mhi ro ya ri ebe e

shi e ufui ekoawe.’ ”‡

* 12:26 Li ze Okiali 3.6 † 12:30 Li ze iDent 6.4-5 ‡ 12:31 Li ze iLev 19.18 § 12:32 Li ze iDent 4.35

* 12:33 Li ze Ossia 6.6 † 12:34 Li ze iLuk 10.25-28 ‡ 12:36 Li ze Iwolo 110.1

³⁷ Ini iDefidi o rōte unu oyi lōlighuo lu oḷi Ōnōmhuē, sē ōni Ōnōmhuē oyoḷi o ke gbo liē khi omi oḷi?

Ebubu eḡbō e ku esō a shi ekē shi emini o ngme, ni o ri egbe mu wē.

Ijesu o tse agua yē eniyē odukhokho eyōli shi esēsē Ishi eyi iMosisi egbe (iMat 23.1-36; iLuk 20.45-47)

³⁸ Ijesu o sēsē wē, Ōḷ wē, “A mu egbe e shi esēsē Ishi eyi iMosisi egbe. Itsua na dōḷdōḷo e ma ghōle wē e isō ke kia ifui oki, ni eḡbō e ke tsē wē otse ekpē.

³⁹ E ma nono ni wēwē e shitō ukpēkhomhi ni o mu eḷoe elemhi owa ugamhi oyi awa ali ashini o mu eḷoe elemhi ilegba, ni a la le, ni a la da.

⁴⁰ Itoto e rō li esamhi-olimhi e le. Iromhi ni e nuē, eyi abamēmhē, e sō. Eshineḡba, o ya na wē osoli oniēmhi to o.”

Irōna ni oṣamhi-olimhi o rō na Eshineḡba (iLuk 21.1-4)

⁴¹ Abi ijesu o rō shitō ti mama oni akpati ni a pfi ukpaghōḷo irōna a lo elemhi Owa oyi Eshineḡba, oḷ bino eḡbō abi e li pfi ikpaghō lo o. Eḡbō ni e pfue ebubu e pfi ikpokpomhi ikpaghō lo.

⁴² Ighō oṣamhi-olimhi ni oḷa mhūē emhikhoghūo, o li ya pfi anini eva lo.

⁴³ Ighō ijesu o lu eniyē odukhokho eyōli, Ōḷ wē, “Iḡesikia mhi gue e ye e, khi ōni oṣamhi-olimhi ni oḷa mhōli emhikhoghūo oḷa, lōḷi o ri irōna ni o funē nya bhale dōsē eḡbō enekpōle nya

⁴⁴ Itobō khi eri eni e pfue e rōte epfue ni e mhūē mu epfiē rō riēḷe irōna. Ama ōni oṣamhi-olimhi oḷa, rōte elemhi umhamē oyoḷi, o kie rue emini o mhōli nya ni o kha rō ke le, riēḷe irōna.”

13

Ijesu o guele emini a ya ke mē ikpukhokho agbō (iMat 24.1-2; iLuk 21.5-6)

¹ Abi ijesu o rōte elemhi Owa oyi Eshineḡba fiē lasele tee, oḷo odukhokho oyoḷi oghuo, oḷ li, “Bino ghue, Ōsēsē! Ghe abi ukpokpomhi owa ona ali eche ni a rō ma li e li somhi otse khē!”

² Ijesu o sō li o, oḷ, “Wa mē ukpokpomhi owa ona. Eḡhēḡhē o ya bhale ni echeḷi okhoghūo oḷa ke rō ya migha ukhomhi okhoghūo. Wēwē nya e ya de kua.”

Ozughu ali Imu-okhōli vule (iMat 24.3-14; iLuk 21.7-19)

³ Abi ijesu o li shitō ukhomhi Ute eḡra Olivu, ni o sō alo ghue oni Owa oyi Eshineḡba, iPita ali ijemhisi ali iḷōni ali Aduru e beḷa bhale ya mhila li,

⁴ E oḷi, “Gueyē anye, eḡhēḡhē ni a rō ya ke mē eni ingme enana. Eḷo a ya ke mē ni a rō ya lesē khi oni eḡhēḡhē ni eni emhi ena e rō ya tsē khi o she ramhi?”

⁵ Ighō ijesu oḷ wē, “A kueḡbe-a ke tōkpē, ini oḡbōkhoghūo o khi di e.

⁶ Ebubu eḡbō e ya ri eva oyēmhē bhale deba e, e liē khi, ‘Mhēmhē mhi khi lōli,’ eḡ di ebubu eḡbō.

⁷ Ini a suō khi a khōli, o ke khi eri a suō eko ingme okhōli obini odonūē, a khi ze ni o nighise e udu. Emhi eḡhōḡhō e mema bhale ya tsē, ama ukpēsē agbō oḷa kie ramhi.

⁸ Ishishi ali ishishi e ya mu okhōli vule shi egbe o, eghiele ali eghiele e ya li mu okhōli vule shi egbe wē o. Ekē o ya la asha kpa ke nighise, eḡ kulūē. Okiamhi oniēmhi oḷ pfi. Igbaekēle osoli na abi oḷ li oḷpotso ni oku o lesē beḷe e to egbe.

9 “A ri ukpeloē shi ekē lolo ke tokpē. A ya mu ẹ je owa ni a la gue ẹzọ. A la elemhi Owa ugamhi gbe ẹ. A ya ri itobọ oyemhẹ mu ẹ bhale odalo oyi enighie ali eni ẹ mhẹsẹ ni a rọ gue usomhi onete oyi Eshinegba ya wẹ.

10 Ama neni ukpẹsẹ agbọ o ya ramhi, a mema she ya tse abọ oni usomhi onete oyi Eshinegba yẹ ẹgbọ na ishishi nya.

11 Ini a da mu e bhale khi a rẹ ẹ gue ẹzọ, khi zẹ ni udu o nase ẹ shi emini u ya ngme. Ama lẹsẹ ngme emiemini Eshinegba o ya rọ nẹ oni ẹghẹghẹ aghọ, itobọ khi ọa khi yeyẹ wa ngme, ama Ayemhẹ-nọ-pfuasẹ.*

12 “Egbọ e ya ri inyoghuo wẹ bhale na gbolo-a, ita e li ri imi wẹ li bhale ni a li gbolo-a. Eghẹghẹ aghọ, eniyẹ e ya ke sọ alo okhọli ghue eni e bia wẹ ọ, e gbolo wẹ-a.

13 Egbọ nya e ya ri itobọ oyemhẹ ke biselemhi ẹ, ama ọni ọ ri egbe mie ya ramhi ukpẹsẹ, a ya mie pfuase.†

Emhi obe ni ọọ vẹsẹ egbọ kua

(iMat 24.15-28; iLuk 21.20-24)

14 “Ama, a kha da mẹ emini ẹ pfi oyese, ashini aa kha mẹ ọli, ikhi oni ọ vẹsẹ egbọ kua, ẹghẹghẹ aghọ ọni ọ zẹ ebe ọ lẹsẹ abi a ri emini ọ zẹ ngme. Eni e la ekẹ ijudia e na nga ikhomhi ite.‡

15 Ọni ọ la ukhomhi owa ne ọ khi tiemhile elemhi owa ya rue emhikhoghuo.

16 Ọni ọ la ifui ishemhi ọ khi na bhale apfẹ ya rue awulu oyọli.§

17 O ma ze mu ikpotso ni ẹ mẹ ali eni e mhọli eniyẹ ni ẹ nye ẹnyeli shi egbe ẹghẹghẹ aghọ.

18 Lema Eshinegba ọ khi bie zẹ ni o de shi ẹghẹghẹ ni ulili oniēmhi o la gbe egbọ elemhi ukpe.

19 Itobọ khi onana o ya khi osoli ni o khọlọ ne nya rọte ẹghẹghẹ ni Eshinegba ọ te ma agbọ. Ọgbọ a ke gbo ya mẹ osoli uza onana ghue ekẹ agbọ.*

20 Ini Eshinegba ọa li rọte ogbẹlẹ osoli ni a ngme ena khi-a, ọgbọkhoghuo ọa ya dobẹ ji ukhomhi ọ le. Ama irari oyi egbọ eyọli ni ọ zẹ ọda ke, ọ rọ rọte eni ogbẹlẹ osoli ena khi-a.

21 Eghẹghẹ aghọ ini ọgbọkhoghuo ọ gueye, ‘Ghekhe, ghe Ọmiepfuase!’ Okekha khi eri ọ ye, ‘Ghe ọli oobọ khe!’ Khi mie ọli suọ.

22 Itobọ khi iromhi emiepfuase ali emekeguele e ya lasele. E ya ke riẹlẹ ọlẹlẹ ali ikanya ọnyaloa ọdọda rọ ke di egbọ. Ni o khia khi ini ọa gue kia, e ga li ya di egbegbi eni Eshinegba ọ zẹ ọda ke.

23 Irarighọ, a ga lolo kuegbe-a ke tọ ẹlọe ekẹ. Mhi she gue emhi nya yẹ ẹ shi ekẹ se neni oni ẹghẹghẹ o ya ramhi.

Inyenegbe bhale oyi Omi Ọgbọ

(iMat 24.29-31; iLuk 21.25-28)

24 “Ini ẹghẹghẹ osoli ona o ga doṣe se nya,

“ ‘Ovọ o ya bishi alo-a,
uki ọa ke doṣe gẹ,†

25 Ikpetata e deno ukhuli kule,
ukhuli ali ekpabọ
ni e la irarogbe ẹ mhẹsẹ
e ya ke nighise.’‡

* 13:11 Li zẹ iMat 10.17-20; iLuk 12.11-12 † 13:13 Li zẹ iMat 10.22 ‡ 13:14 Li zẹ iDan 9.27; 11.31; 12.11 § 13:16 Li zẹ iLuk 17.31 * 13:19 Li zẹ iDan 12.1; Irọ 7.14 † 13:24 Li zẹ Aza 13.10; Ezik 32.7; iJoẹ 2.10,31; 3.15; Irọ 6.12 ‡ 13:25 Li zẹ Aza 34.4; iJoẹ 2.10; Irọ 6.13

26 “Egheghe agho, egbo nya e ya me khi Omi Ogbo o kia elemhi otughunu e bhale, elemhi ekpabo ali ufumhi ni o ge nyanyanya.^S

27 Egheghe agho, o ya ghie igeni eyoli e te asha kpa, ikhi ukpese agbo nya, ti egbo eyoli ni o ze oda ke gbili.

Osese oyi oni oora okhua-eni

(iMat 24.32-35; iLuk 21.29-33)

28 “Bino abi okhua-eni o li e te. O kha da kpese ukhuli, ni o ro ke ta ebe ne, lese khi okase o kele ya le.

29 A kha da gbo li ligho me khi eni emhi ena khi a da me we ne, lese khi egheghe o she ramhi.

30 Abi o li mhi li gue oli e ye e khi, egbo eghuo ni e la agbo memena ea ya ghu ne, ni eni emhi ena nya e ro bhale ya tse.

31 Eke ali ukhuli e ya dose, ama ingmemhi eyemhe ea ya tigbe dose ghue.

Ogbokhoghuo o a lese oni ogbele we e oni egheghe

(iMat 24.36-44)

32 “Ogbokhoghuo o a lese oni ogbele we khi oni egheghe. Ghe egbegbi igeni ena iloghie ali mhemhe Omi oli, se ni Itamhe lolighuo.*

33 A ri ukpeloe shi eke ke tokpe, itobo khi waa lese egheghe ni o la ya bhale.

34 Eri ona o li abi omose ni o vu asha obini odonue, ni o ri ighumha eyoli shi apfe e ri ukpeloe khu shi na lue. O gueye ogbogbo akanya ni o ya gbe. O gueye oni o khe ekhe o ke khe ekhe apfe.†

35 “Irarigho, ke khe ekhe, itobo khi waa lese egheghe ni oga o ro ya jele. Ini elogbomhi lo o, okekhi itsotso ogbie lo o, okekhi egheghe obili-atso lo o, abi khi ogbie-fiefie lo.

36 Ini o bhale guo, khi ze ni o bhale ya e khi u wa lese a.

37 Abi mhi li gue oli ye e ena mhi li gbo gueye ogbokpa. ‘A ke khe ekhe!’ ”

14

Ugbamhi ni a gba khe ijesu

(iMat 26.1-5; iLuk 22.1-2; iJon 11.45-53)

1 O ke kpe ogbele eva le ni a ro ya li ukpe iPasova ali ukpe ni a la le ibuledi ni aa ri ifuma shi nye, ighie eyi ekpodalo-ugamhi ali esese Ishi eyi iMosisi, ee nono ode ni e te ya bena mu ijesu gbe-a.*

2 E egbe, “Awa khi ri ele oli ini a li imu, onyaghu o ya lasese shi o.”

A la iBetani ku oili shi ijesu egbe

(iMat 26.6-13; iJon 12.1-8)

3 Abi ijesu o ro la eoli iBetani, owa oyi iSamo ni efafe e kpe mu shito le eminale, okpotso oghuo o rue ukoko ituale ni o lolo ghale, ni o pfie lasese. O gbe ali ukoko a, o ku oni ituale shi ijesu ukhomhi.†

4 Egbo eghuo ni e la agho, e ri elemhi ibibi lie egbe, “Elo o ze ni a ro na pfueche oni ituale kua shi afue?”

5 A kha ri oli de ramhi ifata ukpe ali emhi, a kemhi eni ikpagho na eni ea mhue. E shi oni okpotso unu egbegbo.

6 Ama ijesu o e we, “A ze oli obo. Elo a yese oli e ngme shi? Egbegbi emini o ti ni o somhi otse o ri ele na mhe.”

^S 13:26 Li ze iDan 7.13; iIro 1.7 * 13:32 Li ze iMat 24.36 † 13:34 Li ze iLuk 12.36-38 * 14:1 Li ze Okiali 12.1-27 † 14:3 Li ze iLuk 7.37-38

⁷ Egheghe kpa eni ɛa mhuɛ e rɔ nu ɛ la ana, egheghe ni o ghɔle ɛ kpa a kpaghiɛ wɛ obo. Ama aa ya mɛ mhe egheghe kpa.[‡]

⁸ Emini ɔ doɛe ya riɛle ɔ riɛle egɔ. Eri ɔ ku ituale ku mhe egbe shi ekɛ khe egheghe irɔto oyemhe.

⁹ Igɛsikia mhi gue ɛ yɛ ɛ khi, ashashini a da la tse abo usomhi onete ekɛ agbo ona nya ne, a ya yelemi emini ɔkpotoso ɔna ɔ riɛle le.”

Ijudasi ɔ lama khi lɔli ya ri ijesu dɛ

(iMat 26.14-16; iLuk 22.3-6)

¹⁰ Egheghe agɔ ijudasi Isikarɔti, ni ɔ khi ɔtuɔghuo eniyɛ odukhokho ogbava, ɔ lɛ deba ighie eyi ekpodalo-ugamhi, ni ɔ ya ri ijesu na wɛ dɛ.

¹¹ Onana ni ɔ gueye wɛ, o ga ghɔle wɛ. E shobɔ khi wɛwɛ e ya ri ikpaghɔ na li. Ighɔ ijudasi ɔ li nono egheghe ni ɔ ti ni ɔ rɔ ya mɛ asha ri ijesu na wɛ.

Ijesu ɔ nu eniyɛ odukhokho eyɔli le Eminale iPasova

(iMat 26.17-25; iLuk 22.7-14,21-23; iJɔn 13.21-30)

¹² Ogbele ni odode ni a li oni ukpe ni a la le ibuleɔi ni aa ri ifuma shi nye o ramhi, ni o khi ogbele ni a rɔ gbe ozele Osumha ɔyi oni iPasova-a, eniyɛ odukhokho eyi ijesu e mhila li “Ashi o ghɔle ɛ ni anye mu egbe shi ekɛ ne, ni u la le eminale iPasova?”

¹³ Ighɔ, ɔ ghie eniyɛ odukhokho etuava eyɔli, ɔɔ wɛ, “A lo ifuapfe, ɔmɔse ni ɔ tsua ubene amɛ, ɔ ya lona ɛ oɛ. A deba li je apfe.

¹⁴ A gueye ɔni ɔ mɔli apfe ni ɔ ya lo, khi, ‘Osesɛ ɔɔ, anye mhile u ri anye khasɛ elemhi owa ni lɔli ali eniyɛ odukhokho eyɛluɛ wɛwɛ e la ya le eminale iPasova?’

¹⁵ ɔ ya rɛ ɛ khasɛ agbala ni emhi nya e gba shi ukhomhi owa atɔnga, a muno egbe shi akaghɔ na awa.”

¹⁶ Eni eniyɛ odukhokho e vu, e lo ifui apfe, e ya mɛ eni emhi tee abi ijesu ɔ gue ɔli yɛ wɛ. Ighɔ e mu egbe oni eminale iPasova.

¹⁷ Ogbomhi o mu ekɛ, ijesu ali eni eniyɛ odukhokho ogbava e bhale.

¹⁸ Abi e li shito gasɛ itebu le eminale, ijesu ɔɔ wɛ, “Egbegbi-ingme mhi gue ɛ yɛ ɛ khi ɔtuɔghuo elemhi ɛ ɔ ya rɛ mhe dɛ. Oni ɔ nu mhe le emhi memena.”[§]

¹⁹ Udu o yese wɛ-a, ɔtuɔghuo-ɔghuo ɔɔ mhila li, “She khi ɔa khi mhemhe o khi?”

²⁰ ɔ sɔ wɛ ɔ, ɔɔ wɛ, “ɔtuɔghuo elemhi ɛ ogbava ɔ ya khi, ɔni ɔ ga ri ibuleɔi nu mhe ɛ somhi elemhi utasa memena.

²¹ Eri Omi Ogbɔ ɔ ya ghu-a abi a li kekɛ ɔli shi ekɛ na li. Eri-tse khi, o maa kholo ɔni ɔ ya rɔli dɛ egbe! O kha ga ti ne, ini ɔgbɔ ɔa bie bia li lɔ!”

Eminale oyi Onomhue

(iMat 26.26-30; iLuk 22.14-20; 1 iKori 11.23-25)

²² Abi e li le eminale egɔ, ijesu ɔ rue ibuleɔi, ɔ kpemhi, ɔ khi ɔli a, ɔ rɔ na eniyɛ odukhokho eyɔli, ɔɔ, “A mɔ le; Idiege oyemhe na.”

²³ Ighɔ ɔ gbo sɔ onyɔ shi uko, ɔ kpemhi, ɔ rɔli na wɛ, wɛwɛ nya e ga te ɔ da.

²⁴ Ijesu ɔɔ wɛ, “ɔlia eyemhe na ni e migha shi ishioɔo onogbo, ni a ku kua na ebubu egbo.*

²⁵ Mhi gue igɛsikia yɛ ɛ khi mhi aa ke gbo ya rɔte onyɔ upfonu ona da, se ni obini Eghiele oyi Eshinegba, ni mhi la da onyɔ onogbo.”

²⁶ Abi e rɔ to uwolo se, e fiɛ lasele, e je Ute Eɛra olivu.

Ijesu o guele shi eke khi iPita o ya kie lue
(iMat 26.31-35; iLuk 22.31-34; iJon 13.36-38)

²⁷ Ijesu o o wɛ, “Eɛ nya, a ya na kua, a zɛ mɛmɛhɛ-ghuo obo, irari khi a she keke o li shi Ebe-no-pfuase khi.

“Mhi ya ri emhi li
o risumhakia,
isumha e ya vɛ kua.”†

²⁸ “Ama ini a guise mɛ le se, mhi ya ralo khe ɛ iGalili.”‡

²⁹ iPita o o li, “Ini egbo nya e ririɛ kie ɛ, mhi aa ya kie ɛ.”

³⁰ Ijesu o o iPita, “Mhi gueye khi, neni okpa o o gbieghe iteva amiose, u ya kie mɛ itese.”

³¹ iPita o kie gema o gue gagaga, o lie, “Ini o ri riɛ khia khi oni mhi la nu ɛ ghu-a lo, mhi aa ya tigbe kie-ɛ.” Enekpole nya e li ngme gho.

Ijesu o la iGetisemani so iromhi

(iMat 26.36-46; iLuk 22.39-46)

³² E je ashini a lu iGetisemani, ijesu o o eniye odukhokho eyoli, “A shito ana ni mhi ya so iromhi bhale.”

³³ O rue iPita ali iJoni ali iJemhisi ma egbe vu. Iyesudu-a ali anasemɛ e bhale na li.

³⁴ O wɛ, “Oya ni o la mɛ udu memena o gba a. O ga nono ni lue gbe mɛ. A migha akana khe mɛ, a ke tokpe.”

³⁵ O ti je odalo deɛ, o de ya yɛshi eke, o o so iromhi ini o ya zɛ riɛle ni oni egheghe ona o dose lue.

³⁶ O o, “Itamɛ, Itamɛ, emhikpa o zɛ ɛ riɛle. Rue mɛ oni uko osoli ona odalo le. Eri-tse khi, o a khi abi o ghole mɛ, seɛ ni abi o li ghole ɛ.”

³⁷ Abi o nyene egbe bhale, o mɛ khi eni eniye odukhokho e lese-a. O o iPita, “ISamɛ, eri u lese-a? Aa doɛ nu mɛ tokpe ukuku egheghe tse?”

³⁸ Ri ukpeloɛ shi eke gboo ke so iromhi ini u khi de ini u mholi imufe. Ayemɛ oye o mu egbe ni o ro riɛle, eri-tse khi, idiegbe oye o doɛ.”

³⁹ Igho o gbo vu ya so iromhi enabi o kpɛ so.

⁴⁰ Abi o ro nyene egbe bhale, o gbo bhale ya ɛ wɛ khi e lese-a, irari khi olese o la wɛ alo, ɛa lese abi e ke ya ngme oli.

⁴¹ Abi o ro nyene egbe bhale utonuzese, o o wɛ, “Olese a kie la, ni a yemɛ-a? Olese ogho o she bu ɛ! Oni egheghe o she ramhi. A bino khe khi, a ri Omi Ogbɔ na ena olamɛ de.

⁴² A vule ni awa vu! Oni o remɛ de o o bhale ena!”

A mu ijesu

(iMat 26.47-56; iLuk 22.47-53; iJon 18.3-12)

⁴³ Abi o li ngme, iJudasi, ni o khi otuoghuo elemhi eni eniye odukhokho ogbava o bhale. Egbo ni e tsua itsua okholi ali itakobi ali ikpokpo, ni ighie eyi ekpodalo-ugamhi, ali esese Ishi eyi iMosisi ali egbhali e ghie, e nu oli bhale.

⁴⁴ Oni o roli de o she kpɛ gueye eni e nu oli kia, o o wɛ, “Oni mhi da pɛpɛ ekphamhi ne, loi o khi oni a nono. A mu oli, a khe oli ekhe rue vu.”

⁴⁵ Abi e ro lese lole, iJudasi o le deba ijesu, o o, “Oseɛ.” O pɛpɛ oli ekphamhi.

⁴⁶ Eni emose e mu ijesu.

⁴⁷ Igho otuoghuo eni e migha epfe-aghɔ o ji itakobi oyoli emhi lasele, o be oghumha oyi Oga oyi ekpodalo ugamhi eso-a.

⁴⁸ Ijesu o o wɛ, “Okholi mhi tsua, ni a ro lina tsua itsua okholi ali itakobi ali ikpokpo bhale ya mu mɛ?”

† 14:27 Li zɛ iZaka 13.7 ‡ 14:28 Li zɛ iMat 28.16

49 Ogbelẹ kpa mhi rọ nu ẹ la, mhi la Owa oyi Ɛshinegba ẹ sẹsẹ. Aa mu mhẹ. Eri a mẹ emhi ena ni emini a kẹkẹ shi Ebe-no-pfuasẹ o bhale ya tşẹ.”[§]

50 Igho eniye odukhokho eyọli nya ni e deba li e ve kua, o kpe lọlighuo le.

51 Oẓẹo oghuo ni o sọ awulu ona yeyeyẹ, oọ deba iJesu. Abi e rọ tọ obọ sọ li, khi wẹwẹ e ya mu ọli,

52 o nyanọ awulu-a mhue wẹ abọ, o ri irumheba na vu.

Otu iSaẹdiri e ri iJesu gue ẹzo

(iMat 26.57-68; iLuk 22.54-55,63-71; iJón 18.13-14,19-24)

53 E mu iJesu bhale owa oyi Oga oyi ekpodalo ugamhi, ighie eyi ekpodalo-ugamhi nya, ali egbhali ali ekekebe ali esesẹ Ishi eyi iMosisi nya e le gba.

54 IPita o tapfia deba li ukhu-khokho, ya ramhi elemhi apfe oyi Oga oyi ekpodalo ugamhi. O nu eni ẹ khe ekhe shito khasẹ erali.

55 Eni ighie eyi ekpodalo-ugamhi ali oni igbaa oyi iSaẹdiri nya, e nono emhi ushi ni e ya mu mholi iJesu obọ, ni e ba mẹ asha gbe ọli-a. Ea mẹ emhikhoghuo.

56 Ebubu egbo e pfi otselẹ eyi egbhọli mu ọli, eni otselẹ nya, ẹa de shi oghuo.

57 Ikpukhokho, egbo eghuo e vule pfi otselẹ egbhọli ona mu iJesu. Eẹ,

58 “Anye suọ khi ọọ liẹ khi, ‘Mhi ya guoghọ Owa oyi Ɛshinegba onana ni egbo e ri abọ ma-a, ẹlẹ-esẹ mhi tọ olese ni egbo ẹa ri abọ ma.’”^{*}

59 Abi e riẹ kie ngme ona, otselẹ eyewẹ ẹa kie de shi oghuo.

60 Igho Oga oyi ekpodalo ugamhi o vule migha odalo oyewẹ nya, o mhila iJesu. “Waa bie ya sọ wẹ o? Ezo elo na ni egbo ena ẹẹ gue shi ẹ egbe?”

61 Ama iJesu o tsaghiẹ a, ọa sọ wẹ o. Oga oyi ekpodalo ugamhi, o gbo mhila li, “Yeyẹ u khi Omiepfuese, Omi Ɛshinegba ọna Kuẹghie?”

62 IJesu ọọ li, “Lọli mhi khi. Eẹ nya a ya mẹ khi Omi Ogbọ o shito obita oyi Ɛshinegba ni o funẹ, ali khi o la otughunu rọte irarogbe ẹ tiemhie.”[†]

63 Oga oyi ekpodalo ugamhi o nyanọ itsua shi egbọli uruli abi o li yila. Oọ, “Awa ke gbo nono otselẹ olese.

64 Eẹ nya a she suọ abi o pfi unu-a deba Ɛshinegba. Sẹ a sọ shi o?”

Wewẹ nya e pfa ẹzo mu ọli khi ọni a gbe-a o khi.[‡]

65 Egbo eghuo o, e tono etẹ ku ọli. E ri emhi genọ ọli alo. E pfi ọli emhi, ẹ ọli, “Mẹ eke guele, gueye anye ọni o pfi ẹ emhi?” Eni ẹ khe ekhe e mu ọli, e lase ọli esọ.

IPita o khi lọli ẹa lẹsẹ iJesu

(iMat 26.69-75; iLuk 22.56-62; iJón 18.15-18,25-27)

66 Abi iPita o kie shito elemhi apfe egho, omueshi oghuo ni o khi ọni oọ ga oyi Oga oyi ekpodalo ugamhi o bhale.

67 O mẹ iPita abi o rokhasẹ erali, o tọli okpe tsuke.

Oọ li, “Yeyẹ u li nu iJesu na iNazareti i kia.”

68 Ama iPita o tia. Oọ, “Mhi a lẹsẹ emini wa ngme.” O lase agho le je ode ni a tẹ ẹ lo elemhi apfe. [Igho okpa o gbieghe.]

69 Abi ọni omueshi ni o ga ogbọ ogho o rọ gbo mẹ iPita agho, o gbo riẹlẹ eni ingmemhi ngme khasẹ eni e migha epfe agho. Oọ, “Otuoghuo elemhi wẹ, ọni omose ọna o khi.”

70 IPita o gbo tia.

Oo li denẹ, eni e migha epfe agho e kẹ iPita, “Igesikia lo khi otuoghuo elemhi wẹ u khi, irari khi onge iGalili u khi.”

§ 14:49 Li zẹ iLuk 19.47; 21.37 * 14:58 Li zẹ iJón 2.19 † 14:62 Li zẹ iDan 7.13 ‡ 14:64 Li zẹ iLuk 24.16

⁷¹ Igho ọ li sẹ egbọli isheli, ọ romhi eni isheli. Ọ liẹ, “Mhi aa ga lẹsẹ ọmọsẹ ọna ni a ngme ena.”

⁷² Utoghukpe, ọkpa ọ gbiẹghẹ utonuzi-eva. IPita ọ sato emini iJesu ọ gueyẹ ọli khi, “Neni ọkpa ọ ya gbiẹghẹ utonuzi-eva, u ya kie mhẹ itesẹ.” Igho ọ gbe akhe eviẹ a.

15

A rue iJesu bhale odalo oyi iPaleti

(iMat 27.1-2,11-14; iLuk 23.1-5; iJon 18.28-38)

¹ Eluzogbe fiefie, ighie eyi ekpodalo-ugamhi, ali egbhali ali esesẹ Ishi eyi iMosisi ali igbaa eyi iSaediri nya, e ye ugbamhi. E gẹ iJesu rue vu ghi iPaleti.

² Ọni iPaleti ọ mhila iJesu ogbo, ọọ li, “Oghie oyi egbo iJu u khi?”

Ijesu ọ́, “Eee! Igho lo abi u ngme ọli.”

³ Eni ighie eyi ekpodalo-ugamhi eyi Eshinẹgba e ga gue ezọ emhi ebubu shi ijesu egbe.

⁴ Igho iPaleti ọ gbo mhila li ogbo, ọ́, “Wa ya pfunu, u suọ iwali ezọ ni e gue ẹ shi ẹ egbe?”

⁵ Ama iJesu ọa sọ li ọ. O ri abọ sha iPaleti.

A pfa ezọ mu iJesu a ka gbe ọli a

(iMat 27.15-26; iLuk 23.13-25; iJon 18.39-19.16)

⁶ Abi áá li ini o lina ramhi ẹghẹghẹ ukpe iPasova, eri iPaleti ọ rue ogbo ọghuo owa ighumha lasela na wẹ abi o ghọle wẹ shi.

⁷ Eghẹghẹ agho ọmọsẹ ọghuo ni a lu iBarabasi ọ la owa ighumha, ni ọ khi ọghuo egbo ni a mu. Eri a mu ọli shi ugbeli ni ọ gbe ẹghẹghẹ ni a rọ mẹ onyaghu.

⁸ Abi eni egbo e rọ bhale gbii ya mhila iPaleti ọ riẹlẹ emini ọ kie kpẹ riẹlẹ na wẹ,

⁹ iPaleti ọ mhila wẹ, ọ́, “A nono ni mhi rue oghie iJu abọ a na ẹ?”

¹⁰ Ọ ga lẹsẹ gboo khi itobọ ibiselemhi, ighie eyi ekpodalo-ugamhi e rọ mu ijesu ghi luẹ.

¹¹ Ama ighie eyi ekpodalo-ugamhi e sesẹ egbo e gueyẹ iPaleti ọ ri ochoghọ wolo iBarabasi obọ a na ẹwẹ.

¹² iPaleti ọ mhila wẹ, ọ́, “Elọ mhi kẹ li ọni a lu oghie iJu shọ?”

¹³ E tsesẹ leghe, “A ta li ma ọara apfida.”

¹⁴ iPaleti ọ mhila wẹ, ọ́, “Elọ o zẹ, umha-guẹkia onoghuo ọ riẹlẹ?” Ama eena e tsesẹ nẹ, “A ta li ma ọara apfida!”

¹⁵ Ni ọ rọ riẹlẹ emini oo ghọle eni egbo, ọ wolo iBarabasi abọ-a na wẹ. Ọ́ e gbe iJesu itẹ, ọ rue ọli na wẹ e ka ta li ma ọara apfida.

Ekhọli-okhuẹ e ri iJesu li egia

(iMat 27.27-31; iJon 19.2-3)

¹⁶ Eni ekhọli-okhuẹ e rue iJesu lo elemhi apfẹ agbala oyi igovunọ. E lu ekhọli-okhuẹ apfẹwẹ eni e kpọle.

¹⁷ E ri awulu ichẹ ni o khi ẹgholi ibulu, sọ li, e ri igba do arula rughu ọli ukhomhi.

¹⁸ E liẹ ọli, “A da abọ na oghie oyi egbo iJu!”

¹⁹ E pfino ọli ukpokpo ukhomhi iti ingmi-ingmẹ, e tono etẹ ku ọli. E de ya wugha li odalo, e nyẹsẹ ukhomhi na li.

²⁰ Abi e rọ lighọ ri iJesu li egia se nya, e gueghie ọli oni awulu ichẹ ni o khi egholi ibulu oghọ, e nyenẹ egbe ri itsua eyọli sọ li. Ighọ e rue ọli vu ya tama ọara apfida.

A ta iJesu ma apfida

(iMat 27.32-44; iLuk 23.26-43; iJọn 19.17-27)

²¹ Abi e rọ lẹ, e ya ẹ ọmọse oghuo ni a lu iSamọ ni ọ rọte ode oyọli dọse, ni ọ rọte asha jele. Ighọ eni ekhọli-okhue e ri itoto mu ọli ọ tsua ọara apfida oyi iJesu. ISamọ ọngi iZireni ọ khi, ọ gbo khi ita Alẹzada ali iRufosi.*

²² E rue iJesu bhale ashini a lu iGọgọta. [Ugua ukhomhi olimhi a ri iGọgọta ngme]

²³ A ri onyọ ni a ku ikhumhi na lui Imari shi na li ọ rọ da, ama ọa lama da li.

²⁴ E ta li ma ọara apfida. E kemhi itsua ni ọ sọ mhọli egbe abọ. E ti ebe rọ kemhi eni ide eyọli, ni e lẹsẹ oni o ya tẹ ogbogbo.†

²⁵ Eghẹghẹ agogo itili ẹluzogbe a rọ ta li ma ọara apfida.

²⁶ Emini e kẹkẹ rọ kphase oni ọara apfida kpeda na li khi. Oghie Oyi Egbọ iJu.

²⁷ E li gbo ta ighiatọ etuava ma ọara apfida mama li, ọtuoghuo ọ la li obọ-ita, ọnọkpọle ọ la li obogobọ.

²⁸ Ona o ri emini a kẹkẹ shi Ebe-no-pfuasẹ bhale ya tse, ni ọdọ, “A leli ọli ma ighiatọ.”‡

²⁹ Egbọ eni e te epfe aghọ dọse, e pfi itsue manya iJesu, ee nighise ukhomhi, e liẹ, “Ebanẹkẹ! Yeyẹ ni u ya guoghọ Owa oyi Eshinẹgba-a, u gbo riẹlẹ ọ to ogbẹlẹ esẹ.§

³⁰ Rọ te ọara apfida tiemhie shọ ya mie egbe ẹ pfuase.”

³¹ Ighọ ighie eyi ekpodalo-ugamhi, ali esesẹ Ishi eyi iMosisi e li ri iJesu li egia, e liẹ egbe wẹ. “Ọ mie egbọese pfuase, ama ọa dobẹ mie egbọli pfuase.

³² A zẹ ni ọni Omiepfuase ọna, ikhi oghie iZireni, ni ọ rọte ọara apfida tiemhie ni awa mẹ, ni awa mie ọli suọ.” Eni a li ta ma ọara apfida mama li, e ga li nu wẹ tsue ọli.

Eghuli oyi iJesu

(iMat 27.45-56; iLuk 23.44-49; iJọn 19.28-30)

³³ Agogo igbẹva oguota, obili o bi oni ekẹ a nya. Elemhi iwakati esẹ oni obili o la ogbe ramhi.

³⁴ Agogo esẹ o ramhi, iJesu ọ tsesẹ leghe, ọ ri unu ẹoli oyẹwẹ liẹ, “Eloi, Eloi, Lama Sabachi tani?” Emini a ri ona ngme khi, “Eshinẹgba oyemhẹ, Eshinẹgba oyemhẹ, elọ o zẹ ni u rọ tsua mhẹ pfia.”*

³⁵ Abi egbọ eghuo ni e migha epfe aghọ e rọ suọ khi ọ ngme na, e kẹ, “Ri eso shi ekẹ khi ọ lui Elaja.”

³⁶ Ọmọse oghuo elemhi eni egbọ ọ na ya rue isoso sọ li onyọ ni okhẹ a, ọ ge ọli shi ukpokpo rọli kpẹ iJesu unu ọ rọ da. Oni ọmọse ọ kẹ. “A zẹ ọli obọ, ni awa mẹ ini Elaja ọ ya bhale ya rue ọli ukhomhi ọara apfida tiemhie.”†

³⁷ IJesu ọ tsesẹ leghe, ọ ghua.

³⁸ Ukpokpomhi ode ugbakpi ni a rọ pfa ode-a shi elemhi Owa Oyi Eshinẹgba, o rọte idane kiẹsẹ-a asha eva ya to ekẹ.‡

* 15:21 Li zẹ iRom 16.13 † 15:24 Li zẹ Iwolo 22.18 ‡ 15:28 Li zẹ Aza 53.12 § 15:29 Li zẹ Iwolo 22.7; 109.25; iMak 14.58; iJọn 2.19 * 15:34 Li zẹ Iwolo 22.1 † 15:36 Li zẹ Iwolo 69.21 ‡ 15:38 Li zẹ Okiali 26.31-33

³⁹ Abi օkhօli-okhue օniemhi ni օ migha odalo oni օara apfida օ rօ suօ abi iJesu օ tsesօ leghe, ni օ rօ mօ abi օ li ghua, օօ, “Egbegbօ lօ khi, Omi Eshinegba օmօse օna օ khi.”

⁴⁰ Ikpotso eghuo e ta pfia bino, iMeli օnge iMagidaleni, ali iMeli inyi ijemhisi օni օ kpօkօ, ni օ gbo khi inyi ijosisi ali iSalome.

⁴¹ Ikpotso ena e mema deba iJesu ni e ri ukpօloe khu օli obini iGalili. Ikpotso elese ni e deba iJesu bhale iJerusalemu e li ga migha aghօ. ^S

Irotօ oyi iJesu

(iMat 27.57-61; iLuk 23.50-56; iJօn 19.38-42)

⁴² Ogbօmhi o she mu ekօ eղօghօ ni o khi eղօ ni a rօ mu egbe khօ eղօ iyemhօa oyi egbօ iJu.

⁴³ IJesefu օnge Arimatia, ni օ khi օghuo eni օ mhօsօ, ni օ khi օgbօ ni օ li mu eղօ. Eri օ bie kpօ ri eղօe shi ekօ khօ Eghiele oyi Eshinegba. օ gbe udu lօ ya gueye iPaleti o rue olimhi oyi iJesu na luօ ya tօ.

⁴⁴ օ ga sha iPaleti abօ khi iJesu օ she gbhօ ghօ kօlօ ghua. օ lui օni օkhօli-okhue օniemhi օghօ mhila ini iJesu օ she gbhօ ghua.

⁴⁵ Abi iPaleti օ rօ rօte unu oyi օni օkhօli-okhue օniemhi օghօ suօ khi ighօ օ khi egbegbօ, օ tsua olimhi oyi iJesu na iJesefu.

⁴⁶ Ighօ iJesefu օ dօ ide, օ rue օni olimhi tiemhile օara, օ khuli օli, օ ri օli tօ uji ni a tօ shi eche. օ gheghele օchօ օniemhi guese օni uji.

⁴⁷ iMeli օnge iMagidaleni, ali iMeli inyօ ijosisi e mօ ashini a ri օli tօ.

16

Irote eghuli guale oyi iJesu

(iMat 28.1-8; iLuk 24.1-12; iJօn 20.1-10)

¹ Abi eղօ iyemhօa o rօ dօsօ se, iMeli օnge iMagidaleni, ali iSalome, ali iMeli inyi ijemhisi, e dօ afu ituale ni օchօ pfie mhue obօ ni wօwօ e ya khakha li shi idiegebe olimhi oyi iJesu.

² Ogbiօ-fiefie ni o khi uka, khi ovօ o lօsօ ngale, e je atalimhi ni a rօli tօ.

³ Ighօ e mhila egbe wօ, “օghuo օ ya gheghele օchօ unu օni atalimhi-a na awa?”

⁴ Ama abi e ke rօ yasօ alo ekօ bino, e mօ khi a she gheghele օni օchօ ni o ghօ gbօdi unu օni atalimhi-a a.

⁵ Abi e rօ lo օni uji, e mօ օzօ օni օ sօ itsua epfopfo na dogo, khi օ shitօ epfօ obita. օ sha wօ abօ.

⁶ օօ wօ, “Abօ e khi sha օ.” “iJesu օnge iNazarօti օni a ta ma օara apfida a nono. օ she te eghuli guale. օa la akana. Ghe ashini a rօli tօ.

⁷ Ama a ke vu, a ka gueye eniyօ odukhokho eyօli ali iPita khi, ‘օ she ralo iGalili օ khօ օ. A ya bhale ya օ օli shi aghօ abi օ kie kpօ gueye օ.’”*

⁸ Eni ikpotso e lasele, e na ya je apfօ. Abօ e sha wօ, ulishi oo mu wօ, օa nu օgbօkhօghuo ngme irari khi ulishi օ mu wօ.

[Ebe eni ododօ eghuo eni a rօte kօkօ օni Usomhi Onete օna, օa mhօli օdada 9-20 oyi ukhomhi 16 օna.]

IJesu օ ri egbօli khase iMeli օngi iMagidaleni

(iMat 28.9-10; iJօn 20.11-18)

⁹ Abi iJesu օ rօ rօte eghuli guale eղօ uka se, օ ri egbe օli kpօ khase iMeli օnge iMagidaleni, օni iJesu օ khu ayemhօ ebe ishilia rօte egbe ya fie.

¹⁰ Ọ vu ya gueye apfe iJesu ni ee viẹ.

¹¹ Abi e rọ suọ khi iJesu ọ she guale khi ọ la agbọ ali khi iMeli ọngi iMagidalení ọ me ọli, ẹa mie shi ọli ọ.

Ijesu ọ ri egbọli khase eniye odukhokho aava

(iLuk 24.13-35)

¹² Abi a rọ me ona se, iJesu ọ rọte ode ọdọda ri egbọli khase ewe aava abi e li lo elemhi oni eoli.

¹³ E nyene egbe jele, e gbo gueye eniye odukhokho ni e kpole, ama, ẹa gbo li mie shi we ọ.

Ijesu ọ ri egbọli khase eni eniye odukhokho ogbaghuo

(iMat 28.16-20; iLuk 24.36-49; iJpn 20.19-23; Ika 1.6-8)

¹⁴ Ikpuhokho, iJesu ọ ri egbọli khase eni eniye odukhokho ogbaghuo abi e rọ le eminale. Ọ dese we shi umha-mhọli irudunga oyewe, ali umha-nono ni e mie shi emini eni e me lue e ngme abi ọ rọ guale se.

¹⁵ Ọọ we, “A lo elemhi eke agbọ nya, a ke gue usomhi onete oyemhe ye ogbọkpa.†

¹⁶ Ọnini ọ da mie e suọ, ni a da batazi ne, ọ ya mhọli imiepfuese, ama oni ọa da miesuọ, a she pfa ezọ mu ọli.

¹⁷ Ọlele ona o ya ke deba eni e miesuọ, e ya ri eva oyemhe khu ayemhe ebe kua, e ya ngme emue onogbọ unu.

¹⁸ E ya ri abọ eyewe mu enye eke, ini e riẹ rue ikhumhi ni ọọ gbe ogbọ da, ọa ya li we abikhoghuo. E kha ri abọ nga eni e ghua egbe, e ya toto.”

A rue ijesu nga obini iloghie

(iLuk 24.50-53; Ika 1.9-11)

¹⁹ Abi iJesu Ọnọmhue ọ rọ nu we ngme se, a rue ọli nga idane iloghie. Ọ shito ukiẹkiẹ obita oyi Eshinẹgba.‡

²⁰ Igho eniye odukhokho eyi iJesu e li fiẹ ya tse abọ oni usomhi onete gase asha kpa. Igho Ọnọmhue ọ re we gbe ikanya, ọ ri ikanya ọnyaloa ni e gbe ri ungmehi oyi tse.

† 16:15 Li ze Ika 1.8 ‡ 16:19 Li ze Ika 1.9-11

Usomhi Onete oyi iJesu iKirisiti ni ILuku O keke

Irokhase

- ¹ Ebubu eḡbọ e she roshẹka keke emini e bhale ya tse nya eḡheḡhe oyi anye.
² Ezeze abi eḡbọ eni e gue ungmehi oyi Eshineḡba le, ni e rote igbaekele ri eloe me we abi e li de, igho e li gue we ye anye, ni anye ro ligho keke we.
³ Aborokhia khi eni ingme ena, khi rote igbaekele mhi te towe okpe, loli o ro ti mhe eloe, ni mhi kuegbe-a keke abi e li de ghi e, yeye iTiofilosi ni a ri ekpe e na,
⁴ Ishegho ni u ro ya lese eḡbegbi ingme ni e la emini a sese e.

A guele shi eke khi, a ya bia iḡoni

- ⁵ Okpodalo-ugamhi oyi Eshineḡba oghuo ni a lu iZakaraya o ya la o eḡheḡhe oyi oghie ni a lu Erodu ni o mhu eke iJudia. Oni iZakaraya o khi otuoghuo igbhoghbo ekpodalo-ugamhi eyi Eshineḡba ni Abija o li la. A lu ughue oli Enizabeti ni o khi omiomi Eroni.*
⁶ Oni omose ona ali ughue oli, e khi eḡbọ ni e pfuase shi odalo oyi Eshineḡba, ni e ri ishi eyi Eshineḡba a gbe akanya.
⁷ E a bia omọ itobọ khi Enizabeti aga o khi. Wewe ava-ava e she womhe.
⁸ Eḡghuo, khi ugamhi o te iku eḡbọ ekpodalo-ugamhi eyi Eshineḡba ni iZakaraya o la,
⁹ obọ o mu iZakaraya khi loli o ya lo Owa oyi Eshineḡba ya tose ituale afu eera ukhomhi atete. Igho eni igbhoghbo ekpodalo-ugamhi eyi Eshineḡba e kie kpe e li.
¹⁰ Abi eḡheḡhe ni a ro o tose eni ituale o ro ramhi, eni eḡbọ ni e bhale shi oni ugamhi, e legba atukpapfe, e so iromhi.
¹¹ Igho aḡeni oyi Eshineḡba o bhale ya migha ukiękię obọ ita oni adido ni a la tose ituale.
¹² Abi iZakaraya o ro me oni aḡeni, o yila, ulishi oo mu oli.
¹³ Ama oni aḡeni o o li, "Khi ze ni ulishi o mu e, Eshineḡba o she su o iromhi ni u so. Ughue Enizabeti, o ya bia omọ ne. Iḡoni khi eva ni u ya lu oli.
¹⁴ Oni omọ, o ya ri oghelę ali iregbemu ghi e. Ebubu eḡbọ e ya ghele shi ubiamhi oyoli.
¹⁵ Irari khi o ya fu shi odalo oyi Eshineḡba. O khi tigbe da onyo ni o toto ghue. Rote ele ni a te ya bia li, o te ya mhu e Ayemhe-no-pfuase.
¹⁶ Eḡbọ iZireni ebubu o ya mu pfi bhale deba Eshineḡba Onomhu e oyewe.†
¹⁷ Onomhu e o ya ghie oli ralo, o mhu e ekpabo ali ayemhe enabi eyi Elaja. O ya mu udu oyi eni e khi ita pfi ni e ke nono ingme oyi imi we. Eḡbọ eni e a kpe e su o esọ na Eshineḡba, e e su o esọ na Eshineḡba abi eḡbegbi eḡbọ e e li. O gbo mu eḡbọ egbe shi eke khe Eshineḡba."‡
¹⁸ IZakaraya o ro mhila oni aḡeni, "Se e o li ya khuese mhe khi igesikia u ngme? Irari khi mhemhe ali ughuemhe anye she womhe."

* 1:5 Li ze 1 Okhe 24.10 † 1:16 Li ze iNoba 6.3 ‡ 1:17 Li ze iMala 4.5

19 Oni aḡeni ọọ li, eva oyemhẹ khi iGbuleni. Mhemhẹ mhia migha odalo oyi Eshineḡba. Lọli ọ ghie mhẹ mhi ka nu ẹ ngme, mhi gue oni usomhi onete ona ye. §

20 Ama unḡmenu u ke ya melea ramhi eḡheḡhe ni oni unḡmemhi ona o rọ bhale ya tṣe, itobọ khi u waa mie emini mhi gueye suọ ni ọ bhale ya tṣe shi eḡheḡhe oyọli.

21 Eḡheḡhe ni a ngme ena, eḡbo e kie migha olase khẹ iZakaraya. Abọ e sha we, irari khi ọ she ke tṣe oni elemhi Owa oyi Eshineḡba doṣe.

22 Abi ọ ke rọ lasele ọa ke ngme unu. Eni eḡbo e te odode ṣeṣe khi imekẹ ọ me oni elemhi Owa oyi Eshineḡba irari khi obọ ọ ke rọ nu we ngme.

23 Abi ogbeḡe ni iZakaraya ọ rọ ya ga oni ugamhi e rọ gba, ọ je apfe.

24 Ighọ, ughuoli Enizabẹti ọọ me. Ọ la ufui owa iki ishe, ọa ke lasele ni eḡbo e me.

25 Oni ọkpotoso ọọ, “Eshineḡba ọ she rieḡe onana na mhẹ. Ọ mhue isomhelemhi na mhẹ, Ọ rue mhẹ omama egbe le ukpeḡoe oyi eḡbo.”

Aḡeni ọ guele abi a liẹ bia iJesu

26 Uki onuzi-esesa o gba ni Enizabẹti ọ te e me, Eshineḡba ọ ghie aḡeni ni a lu iGbuleni bhale ẹoli iNazarẹti ni o la eke iGalili.

27 Oni aḡeni ọ bhale deba ọmueshi ni ọa ṣeṣe ọmose ne ni a lu iMeli ni ọmose ni a lu iJosefu ọọ gue. Unuekpe oyi iDefidi iJosefu ọ khi.*

28 Oni aḡeni ọ bhale deba iMeli. Ọ tṣe ọli, ọọ li, “Moo mueshi! Eshineḡba ọ she khivose ne! Eshineḡba ọ nuẹ la!”

29 Oni otṣe ona o ri abọ sha iMeli irari khi ọa ṣeṣe emini otṣe onana o ngme. Egbe ẹa ke sheshe ọli.

30 Ama ọni aḡeni ọọ li, “Khi ke zẹ ni ulishi o muẹ, irari khi Eshineḡba ọ she mhọli isomhelemhi ne.”

31 U ya ke me, u bia ọmọ ọmose, iJesu wa lu eva oyọli.†

32 Oḡbo ọniemhi ọ ya khi, Omi Eshineḡba nọ Yagha ne Nya a ya ke lu ọli. Eshineḡba ọ ya rue ukpeḡhomhi eghiele oyi itali iDefidi na li.

33 Ọ ya mhue omheṣe shi ọmhue-apfe oyi iGiekopu agboagbo. Eghiele oyọli ọa ya mhue ukpeṣe.‡

34 iMeli ọ mhila ọni aḡeni, ọọ, “Ṣe ingme ni u ngme ena e li bhale ya tṣe? Irari khi mhi aa ṣeṣe ọmose ghue.”

35 Oni aḡeni ọọ li, “Ayemhẹ-nọ-pfuase ọ ya bhale deḡe, eḡheḡhe aghọ ekpabo eyi Eshineḡba nọ Yagha ne Nya e ya tsua rughue, ọmọ ni u ya bia, ọni ọ pfuase Omi Eshineḡba a ya ke lu ọli.

36 Enizabẹti inyoghuoṣe ni a kpẹ ẹ lu aga, ọ she liẹ me umemhi, iki esesa o la memena, abi ọ tseku khia khi ọ she womhẹ eghọ, ọ ya bia ọmọ.

37 Irari khi aa me emini Eshineḡba ọa doḡe ẹ rieḡe.”§

38 iMeli ọọ li, “Eshineḡba ọ mhue mhẹ. O ka a tṣe na mhẹ abi u li ngme ọli.” Ighọ ọni aḡeni ọ li vu.

iMeli ọ ya feli Enizabẹti

39 Eḡheḡhe ana iMeli ọ nyanya muno egbe, ọ je ẹoli ni e la epfepfe ute ena eke ijudia.

40 Ọ ramhi apfe oyi iZakaraya, ọ tṣe Enizabẹti.

§ 1:19 Li zẹ iDan 8.16; 9.21; iMat 18.10 * 1:27 Li zẹ iMat 1.18 † 1:31 Li zẹ iMat 1.21 ‡ 1:33 Li zẹ 2 iSam 7.12,13,16; Aza 9.7 § 1:37 Li zẹ Igbae 18.14

41 Abi Enizabēti ọ rọ suọ otṣe oyi iMeli, ọmọ ni ọ la li elemhi ọ mu egbe nyene. Ayemhe-nọ-pfuase ọ bhale deba li.

42 Enizabēti ọ khueghie unu a leghe, ọọ li, “Oni a khivṣe na u khi elemhi ikpotso. Oni a khivṣe na ọmọ ni u ya bia ọ khi.

43 Ọghuo mhi khi, ni inyo Ọnṣmhuẹ ọyemhe ọ ko ya feli?

44 Abi mhi rọ leṣe suọ otṣe oye, ọmọ ni ọ la mhe elemhi ọ ri oghelẹ mu egbe nyene.

45 Ikhivṣe ọ khi na ọgbọ ni ọ mie ungmemhi ni Eshinẹgba ọ ngme khi ọ ya rọli tṣe.”

Uwolo ikuẹghie ni iMeli ọ to

46 IMeli ọọ,

“Mhi ri ayemhe ọyemhe
kuẹghie Eshinẹgba.

47 Mhi rote elemhi ayemhe ọyemhe
kuẹghie Eshinẹgba Omiepfuese ọyemhe.

48 Irari khi ọ yele mhe
ni mhia mu eloe le.

Rote ana vu,
egbọ kpa, e ya ke e lu mhe,

Oni a khi ṣe na.*

49 Ipfuase ọ khi
eva oyi Eshinẹgba nọ fune,

Irari khi ọ rieṣe
eminiemhi na mhe.

50 Ọ mhuẹ isomhelemhi
na egbọ nya ni e na ulishi oyọli
rote agbhotu ya je agbhotu.

51 Ọ ri abọ eyọli
gbe ikanya Ọnyalọa,
ọ ṣeṣe egbọ ni e mhuẹ itiegbenga
elemhi isamhi udu eyewe kua.

52 Ọ ti ighie tiemhile eke,†
ama ọ yase egbọ ni
e ti egbewe tiemhie nga idane.

53 Ọ ri eminente na egbọ ni
okiamhi ọọ gbe le.

Ama eni e pfue,
ọ ku we pfue abọ-a.

54 Ọ she ri ishiobọ ni ọ shi
na itawa tṣe.
Ọ bhale ya kpaghie egbọ iZireni
eni eṣ ga li obọ.

55 Abi ọ li shi ishobọ
na agbọagbọ na Aburaamu
ali imimi ọli,‡
ni ọ gbo li nu

ititawa ngme ọli agbọagbọ.”§

56 IMeli ọ nu Enizabēti la iki ese neni ọ je apfe.

* 1:48 Li ze 1 iSam 1.11 † 1:52 Li ze iJobu 5.11; 12.19 ‡ 1:55 Li ze Igbae 17.7 § 1:55 Li ze 1 iSam 2.1-10

Abi a li bia iJoni Oni oḡ batazi eḡbḡ

⁵⁷ Eḡheḡhe o ramhi ni Enizabeti o ro ya bia, o ya bia oḡo oḡose.

⁵⁸ Idogbapfe ali eḡbḡ eyoli e suḡ abi Eshineḡba oḡ somhi elemhi oḡi. E nu oḡi ghele.

⁵⁹ Oḡbele-elele o ramhi ni a ro ya shele oni oḡo a, ee nono ni e lu oḡi iZakaraya ni o khi eva oyi ita li.*

⁶⁰ Inyoli oḡ we, "Iiye! Eva oyoli khi iJoni."

⁶¹ Eni eḡbḡ e oḡi, "Oḡbḡkḡhḡhuo oḡa la unuekpe oye ni o kpe le eva onana ghue."

⁶² Iḡhḡ e ri abḡ nu ita oni oḡo ngme ro mhila li abi a ya ke lu oni oḡo.

⁶³ Oḡ we, e rue emini a keke emhi e shi ali ugba na luḡ. O keke khi, "Eva oyoli khi iJoni." O ri abḡ sha we nya.

⁶⁴ Utoghukpe, unu oyoli o khueghie-a, oḡ ngme, oḡ kueghie Eshineḡba.

⁶⁵ Ulishi oo mu idogbapfe eḡhḡ nya. Oni ungmehi eḡbḡ nya e ke ngme asha kpa eke ijudia.

⁶⁶ O ri abḡ sha oḡbḡkpa ni o suḡ oni ungmehi. Ee mhila, "Oḡo nabi se ona o ya khi?" Irari khi obḡ oyi Eshineḡba o nu oḡi la.

Uwolo ikuēghie ni iZakaraya o to

⁶⁷ Ayemhe-no-pfuase o tiemhile shi iZakaraya ita oni oḡo o. Oḡ ngme ungmehi aguele, oḡ lie,

⁶⁸ "Ikuēghie o khi na
Eshineḡba Onḡmhue oyi iZireni,
itobḡ khi o she
bhale ya pfa
eḡbḡ iZireni eyoli shi eke.

⁶⁹ O roḡe unuekpe
oyi iDefidi, oḡo oyoli,
mu adenḡoḡ Omiēpfuese
vule na anye.

⁷⁰ Abi o li roḡe
unu emekeḡuele
ni e pfuase eyoli
ena elele shobḡ,

⁷¹ khi loḡi ya tsumhi awa
obḡ oyi ebe awa
ali eni e biselemhi awa.

⁷² Ali khi loḡi ya somhelemhi itita awa,
ni sato ishobḡ oyoli ni o shi na we,

⁷³ ikhi isheli ni o romhi
shi emini o gueye ita awa Aburaamu,

⁷⁴ khi loḡi ya rue awa
obḡ oyi ebe awa le,

ini awa khi ri
ulishi ga luḡ

⁷⁵ elemhi ipfuase ali ingeli enete,
agbḡagbḡ kpa.

⁷⁶ Yeḡe omimhe,
a ya luḡ omekeḡuele oyi
Eshineḡba nḡ Yagha ne Nya;†

* 1:59 Li ze iLev 12.3 † 1:76 Li ze iMala 3.1

irari khi u ya ralo
ya be ode-a khe Onomhue.

77 Ni u ro gueye egbo eyoli khi
rote igbe-olamhe-kua na we,
e te ya mholi imiepfuese.

78 Irari khi Eshinegba oyawa
o o mholi ilelemhi,

o ya ze ni ovo
imiepfuese oyoli
o te idane ngale shi awa o.

79 Ali ni o rote idane ge
nga eni e la alo ebili egbe
ali eni e la okhena eghuli.‡

Ni o ri awa te ode opfomhe.”

80 Igho oni omo o lii fu, o lese ingme. O la ifui odagbe ifufu ramhi eghenge ni
o ro lasele tse abo ungmemhi oyi Eshinegba ye egbo iZireni.

2

Ubiamhi oyi iJesu (iMat 1.18-25)

1 Eghenge agho, Oghie Ogositosi iSiza o shi ushi a ka leli egbo ni e la ishishi
ni igometi iRomu e mhese shi nya.

2 Ona o ya khi ileli egbo oni odode ni a kpe me eghenge ni iKuirinusi o ro
khi igovuno shi eke iSiria.

3 Ogbogo o je apfe oyoli ya keke eva shi eke.

4 IJosefu o te eoli iNazareti ona eke iGalili li je iBetilemu ona eke iJudia apfe
oyi itali ni a bia oghie ni a lu iDefidi shi, oni iJosefu o khi unuekpe oyi iDefidi.

5 O rue iMeli ni o o gue ughue mhue obo je oobo li ya keke eva shi eke. Oni
iMeli o she me.

6 Abi e ro la oobo, oku oo to iMeli.

7 O bia omo omose ni o khi omodioli. O ri ide geno li yeshi ukpeko ni a ri
eminale e shi na elamhako le. Ogba ni a so elamhako shi o bia li shi, itobo
khi ea me asha kushi ashini egbo e ku a shi.

Igeni e gueye erisumha-kia khi a bia iJesu

8 Eni e ri elamhako e kia eghuo, e la oni ukiokie oni eoli ri eloe e khu
elamhako eyewe eliyose.

9 Igho ageni oyi Eshinegba o bhale deba we agho, ufumhi oyi Eshinegba o ge
nyanyanya gasa we, ulishi o mu we egbegbo.

10 Oni ageni o o we, “A khi ze ni ulishi o mu e, irari khi usomhi onete ni o ri
oghele oniemi ya ghi ogbokpa mhi ro bhale ghi e.

11 Irari khi ogbe ni amo ena, a she bia omiepfuese shi eoli oyi iDefidi na e.
IKirisiti Onomhue lo.

12 Emini o ya rokhasa e khi, a ya me khi a ri ide geno omofe shi ukpeko ni a
ri eminale e shi na elamhako le.”

13 Udemhija, igeni ebubu e lasele, e bhale ya ku ma oni ageni, ee to uwolo
kuoghi Eshinegba. E lie,

14 “Ufumhi o khi oyi Eshinegba ni o la obini o yagha ne. Opfomhe o la eke
agbo na ni o mhue isomhelemhi na.”

‡ 1:79 Li ze Aza 9.2

15 Abi eni igeni e ro pfi eni e ri isumha e kia shi agho nga idane se, e gueye egbewe, "Awa je eke iBetilemu ya ri eloe me onana ni Eshinegba o bhale ya gueye awa."

16 Igho e nyanya rote agho vu ya je oobo. E bhale ya e iJosefu ali iMeli ali oni omo khi a roli yeshi ukpeko ni a ri eminale e shi na elamhako le.

17 Abi eni e ri elamhako e kia e ro me oli se, ee gueye egbo kpa emini oni ageni o gueye we idiegebe oyi oni omo.

18 Egbonyanya ni e suo emini eni e ri elamhako e kia egho e ngme, o ri abo sha we.

19 Ama iMeli o ri ingme enana nya shi udu, o sa o, o to eloe eke.

20 Eni e ri elamhako e kia ee je apfe, e to uwolo kueghie Eshinegba irari ungmehi ni e suo ni e gbo ri eloe me, abi a li gue oli yewe te, igho e li ri eloe me oli.

A lu Ijesu eva

21 Eleleli o ramhi ni a ro ya shele oli a, a lu oli eva iJesu, ni o khi eva ni ageni oyi Eshinegba o lu oli neni a me ungmehi oyoli.*

A ri Ijesu lo Owa ugamhi

22 Abi egehege iropfuase oyi iJosefu ali iMeli o ro ramhi abi Ushi oyi iMosisi o ngme, iJosefu ali iMeli e rue oni omo bhale iJerusalemu deba Eshinegba.

23 Abi o li la ushi oyi Eshinegba khi, "Omo odode ni o kueghie okpotso elemhi a, o khada khi omose ne, a ri oni omo ke nga Eshinegba obo.†

24 A rue ipfeli inekhukhu aava ro riehe iluasobo na li abi Ishi eyi iMosisi o ngme.‡

25 Omose oghuo o la o ni a lu iSamu ni o la eke iJerusalemu, Ayemhe-no-pfuase o la li egbe. O khi ogbo ni o gue ngeli ni o migha khe Omiepfuese ni o ya mie egbo iZireni pfuese.

26 Ayemhe-no-pfuase o she kpe gueye oli khi oya ya ghu-a neni o ro ya me iKirisiti ni Eshinegba o shobo khi loli ya ro bhale.

27 Ayemhe-no-pfuase o kpha li so, o rue oli lo elemhi apfe na owa oyi Eshinegba abi ita iJesu ali inyoli e ro rue iJesu bhale ni a ro riehe na li abi Ishi eyi iMosisi o ngme.

28 ISamu o mu oni omo shi abo, o kueghie Eshinegba, oo,

29 "Ita ni o fune,
abi u li shobo na mhe,
ze ni u roli tse na mhe
ni mhi ghu shi opfomhe.

30 Irari khi alo eyemhe,
e she me Omiepfuese
ni u ghie bhale.

31 Ni u she ro ghi agbo nya.

32 Akpa ni o ri
oghuemhe oyi Eshinegba
a khase egbo iJeta na alo ebili,§
ni o ri ufumhi e na
iZireni egbo eye."

33 Abo e sha ita ali inyo oni omo abi e ro suo khi a ngme eni ingmemhi ena shi oni omo egbe.

* 2:21 Li ze iLev 12.3; iLuk 1.31 † 2:23 Li ze Okiali 13.2,12 ‡ 2:24 Li ze iLev 12.6-8 § 2:32 Li ze Aza 42.6; 49.6; 52.10

³⁴ ISamo ọ so iromhi na wẹ, ọọ iMeli, “Eri ibhale oyi ọmọ ọnana ó ya ri ebubu ẹgbọ de, ọ ri ebubu vule eke iZireni, ọ gbo khi irokhase ni ẹgbọ e ya ke ngme emini ẹa ti shi egbe.

³⁵ Ni a rọ bhale ya ẹ khi osheli oyi isamhi eyi ebubu ẹgbọ e khueghie-a, yeyẹ oyẹ u ya me oya abi oni a so ogbhoro udu.”

³⁶ Okpotso oghuo ni ọ khi ọmekeguele ni a lu Ana, omi iFanuẹli na unuẹkpe oyi Asha, ọ li la akaghọ. Ikpe ishilua ọ nu ọdọli la ughue ni oni ọdọli ọ rọ ghua.

³⁷ Oni okpotso ọna ọa gbo ye ughue ramhi ni ọ rọ gbe ikpe egbhue ali ene. Ọa gbo tigbe rọte Owa oyi Eshinegba vu. Ọọ pfi azumhi ẹle ọguota ali ẹle iyose.

³⁸ Abi ọ rọ lole deba iJosefu ali iMeli oni eghẹghe, ọ kuẹghie Eshinegba, Ọ gue ingme oyi oni ọmọ ye ẹgbọ kpa ni e la aghọ ni e migha khe ipfasheke oyi iJerusalemu.

³⁹ Abi iJosefu ali iMeli e rọ riẹle abi Ishi eyi iMosisi o ngme se, ee je apfe oyewẹ obini iNazareti na eke iGalili.*

⁴⁰ Oni ọmọ ọọ fu, ọ mhue ekpabọ, ọ mhọli iletingme khi iletingme, ekpabọ oyi Eshinegba o la li egbe.

Ijesu ọ bhale Owa ugamhi abi ozele

⁴¹ Ukpe kpa ita iJesu ali inyọli e rọ je iJerusalemu ya li ukpe iPasova.†

⁴² Abi ijesu ọ ke rọ gbe ikpe igbeva, e ye shi ukpe iPasova oyewẹ abi e kie kpe ẹ li.

⁴³ Oni ukpe o pfo li se, itali ali inyọli ee je apfe, ama ijesu ọ kie la iJerusalemu, itali ali inyọli ẹa lese khi ọ kie la ukhokho.

⁴⁴ E dabi khi ọ nu wewẹ kia. E she kia ẹleghuo gbada ẹa me ọli, e nono ọli ifuabọ apfẹwẹ ali emole wẹ ni e ga kia.

⁴⁵ Abi e rọ me khi wewẹ ẹa me ọli, e nyene egbe ukhokho je iJerusalemu ya nono ọli.

⁴⁶ Eẹ nuzi-ese, e tigbe me ọli khi ọ la owa ugamhi nu esese Ishi eyi iMosisi shito, ọ ku esọ-a a shi emini e sese, ọ mhila wẹ omhila.

⁴⁷ Ilesingme oyọli ali abi ọ li i gbaghie ogbo-a, o ri abọ sha ogbokpa ni ọ suo li.

⁴⁸ Abi itali ali inyọli e rọ me ọli, abọ e sha wẹ. Inyọli ọọ li, “Ọmọ elọ o zẹ ni u rọ li anye na? Odẹ o she nuẹ ni anye te ẹ nono ẹ.”

⁴⁹ Ijesu ọ mhila li, “Elọ o zẹ ni a rọ nono mhe? Aa lese khi mhi mema ya la owa oyi itamhe?”

⁵⁰ Ama ọa ye wẹ abi ọ li so wẹ ọ.

⁵¹ Ighọ ọ li deba wẹ je iNazareti, ọ ri ungmehi oyi itali ali inyọli gbe akanya. Ama inyọli ọ genọ ingme ena nya shi udu.

⁵² Ighọ ijesu ọọ womhelo elemhi eghbali ali idiegbẹ, ẹgbọ ali Eshinegba e nono ingme oyọli.‡

3

Itsabo oyi IJonni Oni ọọ batazi ẹgbọ

(iMat 3.1-12; iMak 1.1-8; iJon 1.19-28)

¹ Abi o rọ gbe ikpe igbeshe ni oghie iSiza ni a lu iTiberusi o rọ khi oghie, oni eghẹghe iPotiusi iPaleti o rọ li khi igovunọ shi eke iGalili ali eke iJudia. Eghẹghe aghọ Erọdu o rọ ọ mhese shi eke iGalili. Inyoghuo ọli, ikhi iFilipu ọ mhese ẹ shi eke iTurea ali eke iTirakonitisi. Oghie iLisaniasi, ọ mhese shi eke Abilini.

* 2:39 Li zẹ iMat 2.23 † 2:41 Li zẹ Okiali 12.1-27; iDeut 16.1-8 ‡ 2:52 Li zẹ 1 iSam 2.26; Ekpi 3.4

² Eghẹghẹ ni Anasi ali iKefasi e rọ khi eni e kpeda nya na ekpodalo-ugamhi eyi Eshinegba, Oni eghẹghẹ ungmemhi oyi Eshinegba o rọ bhale deba iJoni omi iZakaraya, elemhi ifu odagbe ifufu.

³ O rọ tse abo eke iJodani nya kiakia. O liẹ, “A mu nyenẹ rọte olamhẹ eyẹ lasele ni a batazi ni a rọ gbe olamhẹ eyẹ ẹ kua na ẹ.”

⁴ Abi a li kẹkẹ ọli shi ebe Azaya ọmekeguele, ni ọ re, “A ya suọ khi ogbo ọ la ifu odagbe ifufu ẹ tseṣe.

O ọ liẹ,
riele ode shi eke
khe Onomhue,
‘Be ode ni o sheshe
na Onomhue’

⁵ A ka tsua eke suli
igbilimhi eke nya,
a gbomọ ute ogbogbo tiemhie eke,
e mele ugbereke-a.
A ka ri ode na gene-gene
mele eni sheshe-a,
ena fuonyo-fuonyo,
a ku we gbe leghe.

⁶ Ogbokpa ọ ya me

Imiepfuese oyi Eshinegba.*

⁷ Ebubu egbo e fiẹ bhale deba iJoni ni ọ batazi we, iJoni ọ re we, “Eẹ enye ifue, oghuo ọ tse agua ye ẹ a na, khi eghẹghẹ ofu oyi Eshinegba ọọ bhale?†

⁸ A ke ngeli angeli imu-nyene, a khi ke liẹ, ‘Aburaamu ọ khi ita anye.’ Irari khi abi o li mhi li gue ọli ẹ ye ẹ khi, Eshinegba ọ dobe ya rọte echẹ ena wolo eniye lasele na Aburaamu.‡

⁹ A she rue uze shi eke ni a rọ ya rọte imhili ẹra te eni ẹra gbe, ọra kpa ni ọa da mọ udumhi onete ne, eri a ya tọli gbe, a toṣe ọlia.”§

¹⁰ Eni egbo e mhila iJoni, “Se anye ke li ya kia mena?”

¹¹ IJoni ọọ we, “Oni ọ mhue iwulu eva ọ ka rue oghuo ọ na ogbo ni ọa mhue. Oni ọ mhue eminale ọ ka kemhi na oni ọa mhue.”

¹² Emionoga eghuo e li bhale deba li ni a batazi we. Eẹ ọli, “Oseṣe, se anye li ya kia?”*

¹³ O ọ we, “A khi ke miono oga doṣe ingme ni ẹ ẹ a ke miono.”

¹⁴ Ekhoḷi-okhue eghuo e mhila li, “Se anye li ya kia?” O ọ we, “A khi ri itoto rue ikpagho ni ẹa khi e ye ẹ, a khi ke gbo gue ingme ni ẹa la ogbo egbe shi ọli egbe. A ze ni ifata eyẹ ẹ e bu ẹ.”

¹⁵ Egbe e mu eni egbo, e ri udu oyewe khokho ini iJoni ọ khi oni Omiepfuese ni áá ngme.

¹⁶ Ama iJoni ọọ we, “Ame mhi rọ batazi ẹ, ama ogbo ọọ bhale ni ọ toto doṣe mhe, ekuẹ ni ọ so shi owe, mhi aa fu te ni mhia taghie ọli-a. Ọ ya ri Ayemhe-pfuase ali erali batazi ẹ.

¹⁷ O mu ukpokpo ni a to akhuli ni o ze epfia so oyoli mhue obo. Loli ọ rọ la ashini a la kpishi ado a ke pfe ado-a. O ọ ti egbegbi ado ni e la ọ ọ gbili, ọ so we ẹ shi ikpulu tsua ya shi owa eminale. Ama ọ ya ri erali ni ẹa ya a pfu ghue

* 3:6 Li ze Aza 40.3-5 † 3:7 Li ze iMat 12.34; 23.33 ‡ 3:8 Li ze iJon 8.33 § 3:9 Li ze iMat 7.19

* 3:12 Li ze iLuk 7.29

tosẹ efuẹwẹ-a.”¹⁸ Odẹ ebubu iJoni ọ te tse abọ ungmemhi oyi Ẹshinegba yẹ wẹ, ọọ liẹ wẹ e mu ingeli eyẹwẹ pfi.

¹⁹ IJoni ọ gue emhi ebubu yẹ oghie Erọdu ni ọọ riele ni ẹa ti, ali ọ gbo gueyẹ ọli khi ọa gue kia ni ọ rue Ẹrodiasi ni ọ khi ughue iFilipu inyoghuo ọli shi.

²⁰ Itobọ ona, Erọdu ọ riele ingmobe ni o rue nga ọ, ọ ya mu iJoni shi owa ighumha.†

Ibatizi oyi iJesu

(iMat 3.13-17; iMak 1.9-11)

²¹ Abi iJoni ọ rọ batazi eni ẹgbọ ọ se, ọ li batazi iJesu. Abi iJesu ọ li sọ iromhi, idane o khueghie-a.

²² Ayẹmhe-nọ-pfuase ọ li abi anekhukhu rọte idane tiemhile shi ọli egbe. Uruli o rọte idane ngme, ọọ, “Omimhe u khi. Mhi i nono ingme oye gba, irari khi u ma ri egbe ẹ mu mhe.”‡

Unuekpe oyi iJesu

(iMat 1.1-17)

²³ Ikpe uye ali igbe iJesu ọ gbe ni ọ rọ gbe ikanya eyọli eke le. Ọ khi omi ọmọse ni a lu iJosefu abi ẹgbọ e kie li khokho li shi, iJosefu ni ọ khi omi Eli.

²⁴ Omi iMatati

ni ọ khi omi iLevi,

ni ọ khi omi iMelki,

ni ọ khi omi iJana, omi iJosefu.

²⁵ Ni ọ khi Omi iMatatiasi,

omi Emosi, omi iNaumu,

omi Esili, omi iNagai,

²⁶ Omi iMaati

omi iMatatiasi, omi iSemeini,

omi iJosechi, omi iJoda,

²⁷ Omi iJoana, omi iResa,

omi iZerubabeli,

omi iShalitieli, omi iNeri.

²⁸ Omi iMelki,

omi Adi, omi iKosamu,

omi Emadamu, omi Eri,

²⁹ omi iJoshua, omi Eliaza,

omi iJorimu,

omi iMatati, omi iLevi,

³⁰ omi iSamọ,

omi iJuda, omi iJosefu,

omi iJonamu, omi Eliakimu.

³¹ Omi iMelea, omi iMena

omi iMatata, omi iNatani,

omi iDefidi,

³² omi iJese,

omi Obedi, omi iBoazi,

omi iSamọ, omi iNashoni,

³³ omi Aminadabu,

omi Adimi, omi Ani,

omi Ezironi, omi iPerezi,

omi iJuda,

† 3:20 Li zẹ iMat 14.3-4; iMak 6.17-18 ‡ 3:22 Li zẹ Igbae 22.2; Iwolo 2.7; Aza 42.1; iMat 3.17; iMak 1.11; iLuk 9.35

34 Omi iGiekoṗu,
omi Aziki, omi Aburaamu,
omi iTera, omi iNaṓ.

35 Omi iSeṛugu, omi iReu,
omi iPēlegi, omi Eba,
omi iSheḷa,

36 omi iKenani,
omi Afazadi, omi iSheṃu,
omi iNoa, omi iLameki,

37 Omi iMeṭuseḷa, omi Enṓki,
omi iJareḍi, omi iMaalaleḷi,
omi iKena,

38 omi Enṓshi,
omi iSeṭi, omi Adamu,
Omi Eshineḡba.

4

Imufe oyi iJesu

(iMat 4.1-11; iMak 1.12-13)

1 IJesu ọ rṓte okẹ iJṓdani jele, Ayemhẹ-nṓ-pfuasẹ ọ vṓli egbe. Ọni Ayemhẹ ọ rue ọli je ọdagbe ifufu,

2 Ọkphaghie ọ la oobṓ mu ọli fe elemhi ogbeḷe egbhueva. Ọa le emhikhoghwo ogbeḷe ingme ni a ngme ena. Ikpukhokho ọ okiamhi oo gbe ọli.

3 Ọkphaghie ọṓ li, “Ini u leṣe khi Omi Eshineḡba u khi, weḡe oni eche ona o mele ibuleḍi-a.”

4 Ama iJesu ọṓ li, “A she keke ọli shi Ebe-no-pfuasẹ khi ọa khi eminale tse o ri agbo a na ogbo.”*

5 Igho ọkphaghie ọ rue ọli nga ashini o yagha egbegbo, ọ ri eghie na agbo nya khasẹ ọli.

6 Ọṓ li, “Mhi ya ri itoto ali epfue ni e la agbo nya ne, irari khi a she rewe na mhe, ọni ọ ghole mhe mhi ya rue we na.

7 Irarigho, leṣe nyese ukhomhi na mhe tse, eye ena nya e ke ya khi.”

8 IJesu ọ ro ọli, “A she keke ọli shi ebe no pfuese. Ke ga Onomhue Eshineḡba oye, lolighuo kpe u ya ke ga.”†

9 Ọni ọkphaghie ọ ke rue ọli bhale iJerusalemu, ọ roli migha ashini o yagha ne ukhomhi owa ugamhi oyi Eshineḡba, ọṓ li, “Ini Omi Eshineḡba u khi, te akana ji tiemhi.”

10 Irari khi a she keke ọli shi Ebe-no-pfuasẹ khi,
“Eshineḡba ọ ya ghie igeni eyoli,
e ka kpe abo rue.”‡

11 E ya ri abo tsua e idane,
ini u khi khi owe shi eche.”§

12 IJesu ọ oli, “A she keke ọli shi Ebe-no-pfuasẹ, ‘Khi mu Onomhue Eshineḡba oye fe bino.’”*

13 Ọni ọkphaghie ọ mu iJesu fe se, o ze ọli obo ne, ọ ke migha khe eghẹghẹ olese.

* 4:4 Li ze iDeut 8.3 † 4:8 Li ze iDeut 6.13 ‡ 4:10 Li ze Iwolo 91.11 § 4:11 Li ze Iwolo 91.12

* 4:12 Li ze iDeut 6.16

*Ijesu o rōte iGalili gba akanya oyōli ekẹ le
(iMat 4.12-17; iMak 1.14-15)*

¹⁴ Ijesu o nyenę egbe bhale iGalili, ekpabọ eyi Ayemhę-nọ-pfuasę e rōli gbe ikanya. A suọ eko ingme oyōli asha khi asha.

¹⁵ O la owa ugamhi oyewę sesę. Wewę nya e kuęghię oli.

*Egbọ iNazareti e kie ijesu
(iMat 13.53-58; iMak 6.1-6)*

¹⁶ O je ekẹ iNazareti obini o la fu vule, ighọ ogbelę iyemhęa, o lo owa ugamhi abi o kie kpẹ ẹ li. Ighọ o vule migha a zẹ ebe.

¹⁷ A rue ebe oyi Omekeguele Azaya mhọli ọli obọ. O naghię ọli-a, O mę ashini a kekẹ ọli shi khi.

¹⁸ “Ayemhę oyi Eshinęgba
o la mhę o,
irari khi o she zẹ mhę
ni mhi ke gue usomhi onete
oyi Eshinęgba ye
eni ẹa mhue.

O ghie mhę mhi
guele khi mhi
ya rue eni a mu
shi owa ighumha lasese,
ni mhi khueghie ezalo alo-a,
mhi pfuese eni a na osoli.

¹⁹ Ni mhi rọ gue le khi
isomhelemhi oyi Eshinęgba
o she ramhi.”†

²⁰ O zẹ se, o khili oni ebe, o rue ọli na oni o ri ẹloe a khu oni ugamhi, O shito, ighọ ogbọkpa ni o la oni owa ugamhi o wolọ alo shi ọli egbe.

²¹ Ighọ ọli gueyę wẹ, “Amo, emini mhi zẹ ẹna o bhale ya tşę shi ẹ esọ.”

²² Ogbọkpa o ngme onete oyōli. Abi e rọ bhale ya ẹ ingmemhi ọnyaloa ni e rōte ọli unu u lasese, e mhila, “Ọna ọa she khi omi iJosefu?”

²³ Ijesu ọọ wẹ mhi lesę khi a ya ri ekpita lię mhę, “Ọbo, ri egbe ẹ ze. ‘A ya gbo lię mhę la akana gbe ikanya ọnyaloa ni u gbe obini iKapanọmu.’”

²⁴ “Abi o li mhi li gue ọli ẹ ye ẹ khi, aa mu ekpẹ ẹ na omekeguele ẹoli oyōli.‡

²⁵ Mhi gueyę ẹ khi esamhi-olimhi ebubu e la ekẹ iZireni eghęghę oyi Elaja, ni amę o rọ mu ikpe esę ali ukhukhui ni ukpokpomhi okiamhi o rọ pfi oni ekẹ nya.§

²⁶ Abi o tseku khi ighọ, aa ghie Elaja ghi ọngewę ọkhọghuo, sẹ ni ọsamhi-olimhi na iZarifati ni o la ekẹ iSidoni.*

²⁷ Ebubu egbọ ni efafe e mu e gbo la ekẹ iZireni eghęghę oyi Elasha Omekeguele, ni o rọ khia khi aa mę ọngewę ọkhọghuo ni a rọ ze, sẹ ni iNamani ọngi iSiria.”†

²⁸ Ighọ elemhi e li bi eni e la elemhi oni owa ugamhi nya abi e rọ suọ ungmemhi ona.

²⁹ Ighọ e vule khu ọli oni ẹoli ya fię. E rue ọli bhale esesọ ute oyi oni ẹoli, ni wewę e ba pfi ọli ya tiemhi.

³⁰ Ama o rōte wẹ ifuabọ ya lase, o vu.

† 4:19 Li zẹ Aza 61.1-2 ‡ 4:24 Li zẹ iJon 4.44 § 4:25 Li zẹ 1 Ighie 17.1 * 4:26 Li zẹ 1 Ighie 17.8-16

† 4:27 Li zẹ 2 Ighie 5.1-14

Ijesu o khu omose oghuo ayemhe okphaghie egbe-a
(iMak 1.21-28)

³¹ Igho ijesu o tiemhi eoli iKapanomu ni o la iGalili ele iyemhea, o sese eni egbo.

³² Emini o sese we e ri abo sha we, irari khi ekpabo e la ungmehi oyoli.‡

³³ Omose oghuo o la oni elemhi owa ugamhi ni o mhue ayemhe okphaghie. O tseseg leghe.

³⁴ “Ghi e! Elo wa nono anye egbe, ijesu na iNazareti? Eri u bhale ya pfuse anye-a? Mhi lese oni u khi, yeye u khi oni o pfaase oyi Eshinegba.”

³⁵ Igho ijesu o tseseg ku oli, “Khukhu unu, rote oli egbe lasele.” Igho oni ayemhe okphaghie o mu oni omose pfi eke kpo ukpeloe oyi eni egbo nya, o lase oli egbe le, ama o a kuale oli utse.

³⁶ Oni ingme o ri abo sha eni egbo, e mhila egbe, “Obo aa me osese onana? Itobo khi afu ali ekpabo o roo mheseg na iyemhe okphaghie, eni iyemhe e suo eso na li, e na ya lase!”

³⁷ Igho eva oyoli o gbhiaku ashakpa.

Ijesu o ri ebubu egbo ze
(iMat 8.14-17; iMak 1.29-34)

³⁸ Ijesu o te oni owa ugamhi fie, o je owa oyi iSamu, o bhale ya e khi iba ne fune ee to ogo iSamu oni okpotso. E gueye ijesu o kpaghie oni okpotso obo.

³⁹ Igho ijesu o nyese egbe ti mama li, o khu eni iba, igbo eni iba e lase oli egbe le. Aghoaghoo oni okpotso o vule, oo fele we epfese.

⁴⁰ Abi ogbomhi o ke ro mu eke, a tsua ebubu egbo ni e mholi ighuamhi ododa bhale ghi ijesu, o ri obo nga we ukhomhi, o rewe ze nya.

⁴¹ Iyemhe ebe e gbo li rote ebubu egbo egbe ya lase, eni iyemhe e tseseg, e lie, “Omi Eshinegba u khi oo!” Ama ijesu o dese we, o a ze ni e ngme, irari khi e lese oli khi Omiepfuese o khi.

Ijesu o tse abo elemhi owa ugamhi
(iMak 1.35-39)

⁴² Ogbe o gbe-a, ijesu o te oni eoli je ashini o da-ya, eni egbo ee nono oli. Abi e ro me oli, ea ke ze oli vu.

⁴³ Ama o gueye we, “Mhi mema ya gue ungmehi onete oyi Eghiele oyi Eshinegba ye eoli eni e kpole, itobo khi emini o ze ni Eshinegba o ro ghie mhe bhale na.”

⁴⁴ Igho o kiele tse abo kia eni owa ugamhi ni e la eke ijudia gase.

5

Ijesu o lu eniyeghoo odokhoko eni odode
(iMat 4.18-22; iMak 1.16-20)

¹ Ogbelghuo khi ijesu o nu egbo migha ukiekie oke ni o khishi na iGenesarati, eni egbo e le gase oli ri eso o shi ungmehi oyi Eshinegba*.

² O me oko-okoghe eva epfepfe oni oke, ni egbo eni e gbe ifele e ze obo shi agho. Eni egbo ee yeghe iga ni e roo gbe ifele-a.

³ Ijesu o lo elemhi oghuo ni o khi oyi iSamu, oo iSamu o gua li ti lase oni egele oni okoghe. Igho o shito oni oko-okoghe oniemhi, oo sese we.

⁴ Abi o ro sese we se, oo iSamu, “Pfi aga lo ashini o limhi ni o mu ifele.”

‡ 4:32 Li ze iMat 7.28-29 * 5:1 Li ze iMat 13.1-2; iMak 3.9-10; 4.1

⁵ ISamo ọọ li, “Oga, a-ooyọṣe anye te ẹ rọshẹka ini anye mu ifeḷe, anye a mu emhikhoghuo. Ama itobọ khi u ngme gho, mhi ya pfi aga lo.”†

⁶ Abi e rọ pfi aga lo oni oke, e mu ifeḷe ni e bububu, ni o ri aga eyewe kphuru-a.‡

⁷ Igho e ri obo lu apfewe ni e ga rọ gbe ifeḷe, ẹẹ e bhale ya kpaghie wewe obo. E muno eni ifeḷe kulo oko-okẹ eni e kpole. Eni oko-okẹ e vọ ifeḷe ya ramhi unu, ni eni ifeḷe e rọ khose eni oko-okẹ ramhi ni e rọ tiemhi udi oke.

⁸ Abi iSamo iPita ọ rọ me ona, ọ de ya yeshi awe eyi iJesu, ọọ li, “Kpekpe ke vu ni u ze mhe obo, irari khi ona olamhe mhi khi.”

⁹ Abo e sha li ali egbo ni e nu oli la agho, itobo ifeḷe ebubu ni e mu.

¹⁰ Igho abo e li sha ijemhisi ali iJonimi iZebedi, ni e khi enuzava eyi iPita. Igho iJesu ọọ iSamo, “Khi ke na ulishi. Rote amo vu, egbo u ke ẹ ke muno.”

¹¹ Igho e tialo oko-okẹ oniemi eyewe ngale egele.

Ijesu ọ ri omose ni efafe e mu toto
(iMat 8.1-4; iMak 1.40-45)

¹² Abi iJesu ọ rọ la ẹoli oghuo, omose oghuo ni efafe e mu ọ bhale deba li. Abi oni omose ọ rọ me iJesu, ọ de ya yeshi oli odalo, ọ lema li, ọọ li, “Onomhue, ini o ghole ẹ, u dobe ya remhe ze.”

¹³ Ijesu ọ nise obo-a rọ ti oni omose, ọọ li, “O ghole mhe, khi oni ọ ze.” Aghoagho eni efafe e lase oli egbe le.

¹⁴ Igho iJesu ọ tse agua ye oli, ọọ li, “Khi gueye ogbokhoghuo, eri-tse ka ri egbe ẹ khasẹ ọkpodalo-ugamhi ni u riḷe iluasobo ikhue-pfuase ni iMosisi ọ mhese na ẹ, egheghe agho ni o khi otsele na we.”§

¹⁵ Igho ingme oyoli oo gbhiaku shi ọ. Ebubu egbo e bhale deba li ni e rọ me asha suọ ungemhi oyoli ali ni ọ gbo rewe ze elemhi iwali ighuamhi ododa.

¹⁶ Ama eri iJesu ọọ bi egbe-a je ashini o da-ya, ọ ya so iromhi.

Ijesu ọ rọ omose ni ọ ghu abo ali awe-a toto
(iMat 9.1-8; iMak 2.1-12)

¹⁷ Eleghuo abi iJesu ọ li sese, egbo iFarisi ali eni ẹẹ sese Ishi eyi iMosisi ni e te ẹoli iGalili ali eke iJudia ali iJerusalemu bhale, e shito agho. Igho Eshinẹgba ọ li ri ekpabo na li rọ ri eni ẹẹ ghua toto.

¹⁸ Egbo ni e tsua omose oghuo ni ọ ghu abo ali awe a bhale, e nono abi e li ya rọli lo oni owa bhale odalo oyi iJesu.

¹⁹ Abi e ke rọ me khi wewe ẹa me asha, itobo khi egbo e bu dose, e nga ukhomhi oni owa, e ri ili ge oli abi ọ yeshi iya egho, e rote ekpha rọli tiemhile shi iteva egbo, e rọ li shi odalo oyi iJesu.

²⁰ Abi iJesu ọ rọ me abi irudunga oyewe oo fu, ọọ oni omose, “Omue, a she gbe olamhe eye kua ne.”

²¹ Eni egbo iFarisi ee sa udu oyewe, e lie, “Oghuo oni ogbo ona ọ khi ni ọọ pfi unu-a, oghuo ọ dobe ẹ gbe olamhe kua, seẹ ni Eshinẹgba lolighuo?”

²² Ijesu ọ lese emini e sa, ọ mhila we, “Elo ọ ze ni a rọ sa isamhi enana a shi udu oye.”

²³ Onoghuo o ya keḷe ogbo ngme ne? ‘A she gbe olamhe kua ne,’ ali, ‘Vule ke kia.’

²⁴ Emini o ze ni a rọ me na khi ni a rọ lese lo khi Omi Ogbo ọ mholi afu shi elemhi agbo ni a rọ gbe olamhe kua.” Ọọ oni omose ni ọ ghu abo ali awe-a egho, “Mhie u vule, rue iya oye, ni u ke je apfe.”

²⁵ Utoghuo kpe ọ vule migha odalo oyẹwẹ, ọ rue iya ni ọ rọ yẹshi mhue obọ, ọ je apfe, ọọ kuẹghie Ẹshinegba.

²⁶ Abọ e sha eni ẹgbọ nya, ee kuẹghie Ẹshinegba. Abọ e sha wẹ, ulishi o mu wẹ, ee lie, “Awa me ọshabọ amo.”

Ijesu ọ lu iLiva ọ deba lue

(iMat 9.9-13; iMak 2.13-17)

²⁷ Onana o doşe se, ọ fie lase, ọ me ọmionoga ni a lu iLiva khi ọ shito elemhi okholo oyoli ni ọ la mie oga, ijesu ọọ li, “Deba mhe.”

²⁸ Igho iLiva ọ vule, ọ ze emini ọọ riẹle obọ, ọ deba li.

²⁹ Igho iLiva ọ nye ekhe, ọ lu ukpokpomhi ukue na ijesu shi apfe oyoli. Emionoga ebubu ali ẹgbọ elese ni e bu e li bhale shi oni ukue, e nu wẹ le emhi.

³⁰ Ama ẹgbọ iFarisi ali eni e seşe ishi ee woło khasẹ eniye odukhokho eyi ijesu, ee lie, “Elo o ze ni ọ rọ nu emionoga ali ena olamhe ẹẹ le eminale?”*

³¹ Ijesu ọ so wẹ ọ, ọọ wẹ, “Oni ọọ to, ọọ ye apfe obo.

³² Mhi aa bhale ni mhi rọ ya lu ẹgbọ ni e pfuase ne, ama ena olamhe mhi bhale ya lu, ni e rọ mhue imiepfuese.”

A mhila ijesu ogbo ingme azumhi

(iMat 9.14-17; iMak 2.18-22)

³³ Ẹgbọ eghuo e mhila ijesu, “Elo o ze khi eniye odukhokho eyi iJoni ali eniye odukhokho eyi iFarisi ẹ pfi azumhi, ni eye e rọ le ni e rọ da?”

³⁴ Ijesu ọ so wẹ ọ, “A lie me ghọ khi a ri epfese ni e nu ọdo ọmueshi ọnogbo shito ọ pfi azumhi, ini oni ọdo ọmueshi ọ nu wẹ la aghọ?

³⁵ Ama khi ẹghẹghẹ ọọ bhale ni a rọ ya rue ọdo ọmueshi iteva oyẹwẹ le, ẹghẹghẹ aghọ, e ya pfi azumhi.”

³⁶ Ọ ze okhe irokhokho onana khasẹ wẹ, ọọ, “Ogbokhoghuo ọa ya khi ode onogbo ya gbela ma ode onodio, ini ọ lighọ, eri ọ mema ya khi oni ode onogbo a shi afue. Ini a gbela ode onogbo ma onodio, ẹa ya li abeghuo.

³⁷ Wẹkhi eri ogbo ọ ya ku onyo onogbo shi akpaba oyi ẹkue-ẹlamhi onodio, ini ogbo ọ li ghọ, eri oni akpaba o ya nyanọ-a, oni onyo o ku kua, oni akpaba o li opfu-a. [Akpaba ẹkue ẹlamhi ẹgbọ iju e ku onyo ọ shi.]

³⁸ Onyo onogbo a ku ẹ shi akpaba onogbo.

³⁹ Aa me ogbo ni ọ ya da onyo onodio se, ni ọ tigbe ya mhila onyo onogbo, irari khi ọ ya lie khi onodio o ti ne.”

6

Ingme ogbele iyemhea oyi ẹgbọ iju

(iMat 12.1-8; iMak 2.23-28)

¹ Ogbẹle iyemhea, ijesu ali eniye odukhokho eyoli e rote ifu ishemhi iakpa doşe, e be eni iakpa mhue abọ, e kphali ikpamhi wẹ le.*

² Ẹgbọ iFarisi eghuo, e mhila wẹ, “Elo o ze ni a rọ gbe ushi ona ogbele iyemhea-a?”

³ Ijesu ọ so wẹ ọ, ọọ wẹ, “Aa kpe ze emini iDefidi ọ riẹle abi okiamhi o rọ gbe ọli ali apfoli?”

⁴ Abi ọ li lo Owa oyi Ẹshinegba ya rue ibuledi ni a rọ ọ ga Ẹshinegba le, ni ọ gbo rọ na apfoli le. Eri a ghue oni ibuledi ogho, se ni ekpodalo-ugamhi eyi Ẹshinegba tsẹ ẹẹ le ọli.”†‡

* 5:30 Li ze iLuk 15.1-2 * 6:1 Li ze iDẹt 23.25 † 6:4 Li ze iLẹv 24.9 ‡ 6:4 Li ze 1 iSam 21.1-6

5 Loli iJesu o ro o o we, “Onomhue oyi ogbele iyemhea Omi Ogbo o khi.”

Omose ni o ghu obo-a
(iMat 12.9-14; iMak 3.1-6)

6 Igho elelese ni o khi ogbele iyemhea, iJesu o la elemhi owa ugamhi sese egbo. Omose oghuo o la agho ni obo ita oyoli o ghua.

7 Eni egbo iFarisi ali esese Ishi eyi iMosisi e nono emini wewe e ro ya mu umha-guekia shi iJesu obo. Igho e li to oli okpe ini o ya ri ogbo ze ogbele iyemhea oyi egbo iJu.

8 IJesu o lese isamhi eyewe o o oni omose ni o ghu obo oghuo-a egbo, “Vule migha ana, ni ogbokpa o lolo ke me.” Igho oni omose o vule migha we iteva.

9 IJesu o o, “Mhie i, onoghuo ushi oyi awa o lama shi ogbo o ri ele ogbele iyemhea? Ni a ro ri ele onete abi ni a ro ri ele onobe, ni a ro tsumhi agbo oyi ogbo, abi ni a ro pfuse oli-a?”

10 O bino we gasa nya, o o oni omose o nise obo-a. O ligho. Oni obo o nise a.

11 Ama elemhi e bi we egbegbo, e gba ugbamhi abi e ya li iJesu.

Ijesu o ze ighiusomhi na kee ogbava
(iMat 10.1-4; iMak 3.13-19)

12 Ogbeleghuo, iJesu o nga ute ya so iromhi. O la agho eliyose elegho nya o o so iromhi lema Eshinegba

13 Abi ogbe o ro gbe-a, o luno eniye odukhokho eyoli, o ze ogbava elemhi we, o lu we ighiusomhi na kee

14 ISamo, ni o lu iPita ali inyoghuo Aduru, iJemhisi, iJoni, iFilipu ali iBatolomiu.

15 IMatiu ali iTomosi, iJemhisi omi Afeusi, ali ISamo, ni e lu iZiloti.

16 IJudasi omi iJemhisi, ali iJudasi Isikaroti ni o ri iJesu de.

Ijesu o sese, o gbo ri egbo ze
(iMat 4.23-25)

17 Abi iJesu ali eniye odukhokho eyoli e ro rote oni ute tiemhile, o migha ugbereke, eniye odukhokho eyoli ebubu e la agho. Ebubu egbo e la agho ni e rote ukiekie eke iJudia nya ali eoli iJerusalemu ali eoli iSidoni ali eoli iTai ni e ngeli epfepfe oke oniemi bhale.

18 Eri e bhale ya suo ingmemhi eyoli ali ni o gbo re we ze elemhi ighuamhi ododa. Eni ayemhe ebe e nase e li bhale, o rewe ze.

19 Eni egbo nya e rosheka ri obo ti oli, irari khi itoto e te oli egbe lasele, o re we nya ze.

Oghele ali oya
(iMat 5.1-12)

20 IJesu o bino eniye odukhokho eyoli, o o we,
“Ikhivose o khi na
e e ni aa pfue,

irari khi ee a mholi
Eghiele oyi Eshinegba.

21 Ikhivose o khi na
eni okiamhi o gbe memena
irari khi a ya me le khue.

Ikhivose o khi na e e
ni a vie memena,
irari khi a ya gia.

22 Ikhivose o khi na e,

ini egbo ẹ biselemhi ẹ,
ni e ro kie ẹ, ni e ro tsue ẹ,
ni e ro kie ẹ khi egbo ebe a khi,
itobo oyi Omi Ogbo. §

²³ “A ke ghele ini a da me gho. A gbe ishimhi irari khi a ri eleli ni o fune shi iloghie ẹ khe ẹ. Irari khi igho eni e bia we e li nase emekeguele eyi Eshinegba egheghe oyewe.*

²⁴ “Ama, o ma kholo ẹ egbe,
ikhi ẹẹ ni a mhue ẹpfue memena,
irari khi a she mie
eleli oyey se.

²⁵ O ma kholo ẹ egbe,
ikhi ẹẹ ni a she le khue memena,
irari khi okiamhi o ya gbe ẹ.
O ma kholo ẹ egbe,
ikhi, ẹẹ ni a gia memena,
irari khi a ya vie ẹ vie oya.

²⁶ O ma kholo ẹ egbe,
ikhi ẹẹ ni egbo ẹẹ ngme onete oyey,
irari khi igho eni e bia we
e li ngme onete oyi
emekeguele eyi egbholi.

Awa mholi inono na obe awa
(iMat 5.38-48; 7.12a)

²⁷ “Mhi gueye ẹ, ẹẹ ni a suo mhe, a nono ingme oyi obe ẹẹ. A ke riyele onete na egbo ni ẹẹ biselemhi ẹ.

²⁸ A ke so iromhi na egbo ni ẹẹ tsue ẹ, a so iromhi ke na egbo ni ẹa guẹ ẹ ngeli deba ẹ.

²⁹ Ini ogbo o lase ukiekie esọ oghuo, nyene oni o kpole gbo na li lase. Ini ogbo o ri itoto mhi awulu, gbo ze ni o rue oni u so kpoke ma o.

³⁰ Ke ri emini ogbokpa o mhila ẹ na li, ini ogbo o rue ẹ emhi, ze oli obo na li, khi gbo mhila li lue.

³¹ Ngeli ke deba ogbo abi u liye nono ni a li ngeli deba ẹ.†

³² “Ini o khia khi egbo ni e nono ingme oye u lese a nono ingme oyewe, ighe ikhivose ni o la o ne? Irari khi ena olamhe e lili ẹ nono ingme oyi egbo ni e nono ingme oyewe to o.

³³ Ini o khia khi eni e riyele onete ne u lese li ẹ riyele na, ighe ikhivose ni o ke la o ne? Egbegi ena olamhe e lili ẹ ligho.

³⁴ Ini o khia khi eni e ngmomhi ẹ ne u lese li ngmomhi ẹ na, ighe ikhivose ni o la o ne? Irari khi ena olamhe e li ngmomhi ẹ na egbewe.

³⁵ Ama ze ni u nono ingme obe ẹ, ke riyele onete na we. Ke ngmomhi na we, khi ngmomhi na we ni u ke ri eloe shi eke khi e ya fali ẹ ota to o. Egheghe agho ikhivose oye o ya gbedi, u khi omi Eshinegba no Yagha ne Nya. Irari khi loli o so somhi elemhi eni ẹa lese obode ali ena okholo.

³⁶ Khi ona ilelemhi, ezeye abi ita ẹ o li khi ona ilelemhi.

Igue egboese ezọ
(iMat 7.1-5)

§ 6:22 Li ze 1 iPit 4.14; iJon 9.22; 16.2 * 6:23 Li ze 2 Okhe 36.16; Ika 7.52 † 6:31 Li ze iMat 7.12

37 “Khi gue oḡbọ ẹzọ ini a khi li gue yẹyẹ ẹzọ, khi ri unu pfiuẹchẹ oḡbọ-a, ini a khi li ri unu pfiuẹchẹ-a. Gbekua na ọnuzava oye, ni Ẹshinẹgba ọ li gbe kua ne.

38 Rona khi a ya rọ ne. Ukiẹkiẹ onete, oni a lolo mimi, ni a jighise ni o tsua kua, a ya rọ somhije opfa. Irari khi ukiẹkiẹ ni u rọ mhẹsẹ na ẹgbọ, Ẹshinẹgba ọ li rọ ya mhẹsẹ ne.”

39 O gbo zẹ okhe irokhokho ona khasẹ we, ọọ we, “Ozalo ọ fe doḡe ya ri ozalo nabi luẹ ke kia? Eri wẹwẹ aava e ya de pfilo uchoke.‡

40 Omọ ni ọ la owena ọa ya fu doḡe oni ọọ sẹsẹ ọli, Eri-tse ini omọ ni ọọ ye owena ọ ye owena oyọli se, ọ ya li abi oni ọ sẹsẹ ọli.‡

41 “Elo o zẹ ni u rọọ mẹ uku ni o la inyoghue ẹloe ni u waa rọ mekẹ mẹ ufolo ọara ni o pfi da ẹloe oye?”

42 Sẹ u liẹ liẹ inyoghue, ‘Inyoghue zẹ ni mhi rue ẹ uku ẹloe a,’ ni yẹyẹ oye waa rọ mẹ ufolo ọara ni o pfi da ẹloe oye? Yẹyẹ oḡbọ ọrugamhi ku alo, kpẹ toḡe rue ufolo ọara ni o la ẹloe oye-a ni u tigbe mekẹ gbo rue uku ni o la inyoghue ẹloe a.

Ọra ali ikpamhi eyoli

(iMat 7.16-20; 12.33-35)

43 “Ọara ni ọa ti ọa doḡe ya mọ ukpamhi onete, u ke ya liẹ khi eri ọara onete o ya mọ ukpamhi ni ọa ti.

44 Ikpamhi ni ọara ọọ mọ, a rọ ọ lẹsẹ ọara ni o khi. Aa rọte ọkphekpe ẹ pfanọ ọkhua-eni.*

45 Eri oḡbọ onete ọ rọte emini o ti ni ọ rọshi udu ẹ rue emini e ti lasele, Ama oḡbọ obe, ọ rọte udu obe oyọli rue emhi obe ni ọ rọshi udu ẹ lasele. Irari khi isamhi ebubu ni e la oḡbọ udu, ọ te ẹ ngme ungmemhi lasele.†

Oḡbọ ọtsẹgbẹ ali oyeḡhe

(iMat 7.24-27)

46 “Elo o zẹ ni a rọ lu mhe, ‘Onomhue, Onomhue,’ ni aa rọ ri emini mhia ngme gbe akanya?”

47 Mhi ya rọkhasẹ ẹ abi oḡbọ ni ọ bhale deba mhe, ni ọ ri esọ ẹ shi mhe eke, ni ọ gbo ri ingmemhi eyemhe a gbe ikanya ọ li.

48 Eri ọ li abi oḡbọ ni ọ tọ owa, ọ tọno eke-a limhi, ni ọ ri owa gbe ukhomhi ẹche. Abi ukpokpomhi amẹ o rọ rue, ochikpho o ri itoto ghi oni owa abọ, ama ọa doḡe nighise ọli, irari khi eri a tọli eḡbegbo.

49 Ama oḡbọ ni ọọ suọ ungmemhi oyemhe ni ọa rọ li gbe akanya, eri ọ li abi oḡbọ ni ọ tọ owa nga ekhasẹ. Abi amẹ o rọ rue, ochikpho o ri itoto tsua oni owa, oni owa o de, o khi oyese oniemhi.”

7

Irudunga oyi ọkhọli-okhue oyi iRomu

(iMat 8.5-13)

1 Abi iJesu ọ rọ ngme enana nya shi esọ eyi eni ẹgbọ se, ọ lo elemhi ẹoli iKapanomu.

2 Oobọ a mẹ omose ni ọọ ga ọkhọli-okhue oniemhi, ni ingme oyọli o lolo mu ọga oyọli egbe. Oni omose ọọ ghu ughuamhi ni o rọli ramhi eghuli.

3 Abi oni ọkhọli-okhue onofunẹ o rọ suọ eko iJesu, ọ ghie eḡbhali eyi ẹgbọ iJu ghi ọli, ọ bhale ya ri oni ọọ ga oyelue ze.

‡ 6:39 Li zẹ iMat 15.14 § 6:40 Li zẹ iMat 10.24-25; iJon 13.16; 15.20 * 6:44 Li zẹ iMat 12.33 † 6:45 Li zẹ iMat 12.34

⁴ Abi e rọ bhale deba iJesu, e lema li egbegbo, eẹ iJesu, “Ọni ọmọse ọna, ọ khi ọni u kha kpaghie obọ.

⁵ Irari khi ọ ma nono ingme oyi egbo eyi anye gba, ọ gbo tọ owa ugamhi na anye.”

⁶ Igho iJesu ọ deba we vu. O she kia a ramhi owa oyi ọni okhọli-okhue ni ọ rọ ghie emole ọli e lie iJesu, “Khi ke nase egbe e, mhia somhi ramhi ni u wa lo owa oyemhe le.

⁷ Lọli o ze ni mhi rọ bino khi mhiaa ti ramhi ni mhi a bhale deba e. Lese ngme oni ungmehi khi ọni ọọ ga mhe ọ ya ze.

⁸ Irari khi mheme oyemhe, ọna omhesẹ mhi li khi, ni ekhọli-okhue e li kpoke na. Mhia mhese na ọna, ‘Vu,’ ọ vu. Mhi mhese na ogho, ‘Bhale,’ ọ bhale. Mhi gueye oghumha oyemhe, ‘Riele ọna,’ ọ riele ọli.”

⁹ Abi iJesu ọ rọ suọ oni ungmehi ona, abọ e sha li. O nyene alo ukhokho bino ebubu egbo ni e deba li, ọọ we, “Mhi gueye e khi mhia kie kpe me irudunga ni o na fu ghue, mhia kpe me ọli eke iZireni ne.”

¹⁰ Igho eni a kpe ghie, e nyene egbe je apfe oyi ọni okhọli-okhue nọ fune, e bhale ya e khi ọni ọọ ga li ọ she ze.

IJesu ọ rọte eghuli guise omi Ọsamhi-olimhi le

¹¹ Oo li deṅe, iJesu ọ te agho vu, ọ je ẹoli ni a lu iNei, eniye odukhokho eyoli ali ebubu egbo elese e deba li.

¹² Abi ọ li ti ramhi ode unuekpe ni a te e lo oni ẹoli le, ọ me khi a tsua ogbo ni ọ ghu-a a lasele. Lọlighuo kpe inyoli ọ me bia. Ọni ọkpotso ọ gbo khi ọsamhi-olimhi. Ebubu egbo e rọte oni ẹoli ve deba li.

¹³ Abi Onomhue ọ rọ me ọni ọkpotso, ọ mhue ilelemhi na li. Elemhi ọ e ala li, ọọ li, “Khi ke vie.”

¹⁴ Igho ọ vu ya ri obọ ti oni akpati olimhi, egbo ni e tsua li e mu migha, iJesu ọ, “Ọni ọzeo mhi ye vule.”

¹⁵ Igho ọni ọmose ni ọ ghu-a egho ọ vule shito, ọọ ngme. IJesu ọ mu ọli obọ na inyoli.

¹⁶ Ulishi o mu eni egbo nya, e kuẹghie Eshinegba, e lie, “Omekeguele oniemihi ọ she bhale iteva oyi awa. Eshinegba ọ she bhale ya kpaghie egbo eyoli obọ.”

¹⁷ Ingme oyi iJesu o gbhiaku eke iJudia nya ali ẹoli ni e la gasẹ ọli.

Ijoni Ọni ọọ batazi ọ ghie usomhi ghi iJesu

(iMat 11.2-19)

¹⁸ Abi eniye odukhokho eyi iJoni e rọ gue eni ingme enana nya ye iJoni, ọ lu aava elemhi we.

¹⁹ Ọ ghie we e ka mhila iJesu, “Ye ye u khi ọni ọ ya bhale abi anye ri ẹloe shi eke ke khe ọlese?”

²⁰ Abi e rọ bhale deba iJesu, e ọli, “Ijoni Ọni ọọ batazi egbo ọ ghie anye ghi e, anye ka mhila e, ‘Ye ye u khi ọni ọ ya bhale abi anye ri ẹloe shi eke ke khe ogboese?’ ”

²¹ Eghẹghẹ agho te iJesu ọ ri ebubu egbo ni e mhue ighuamhi ali iyemhe okphaghie ze. Ọ khueghie ebubu ezalo alo-a.

²² Ọ rọ gueye eniye odukhokho eyi iJoni, “A nyene egbe ukhokho ya gueye ijoni emini a me, ni a gbo ri esọ suọ. Ezalo e me eke, eni e guoghọ awẹ-a, eẹ kia, eni efafe e mu e ze, elesọ e suọ esọ. Eni e ghu-a e guale. A kiele e tse abọ usomhi onete oyi iloghie ye egbo ni ẹa mhue.*

* 7:22 Li ze Aza 35.5-6; 61.1

23 Oghelę o khi ni oğbo ni ọa da de ode-a itobo khi ọa mhue akhokhomhe shi mhe o.”

24 Abi eniye odukhokho eyi iJoni e ro vu se, iJesu o gue ingme oyi iJoni ye eni egbo, oo we, “Abi a ro fe fe je odagbe ifufu ya bino oli, ogbo onabi onoghwo a dabi khi a ya me? Ogbo oyeghe ni o li abi ebuli ifulo ni akpekpeli o kha pfi je ana, o pfi oli e je oobo a dabi khi a ya me oobo?”

25 Ini ọa khi ogbo oghoghọ a dabi khi a ya me oobo, onabi ise a ke nono je oobo shọ? Omose ni o sọ itsua ni e somhi otse? Egbo ni e sọ itsua ni e somhi otse, apfe oyi oghie e la.

26 Ogbo nabise a dabi khi a je oobo ya me? Omekeguele? Abi o li mhi li gue oli e ye e khi oni o dose omekeguele lo.

27 Onana a keke ingme oyoli kpe shi eke, ni ee,

“‘Ghe khe, mhi ya ghie
aghiusomhi oyemhe ralo ne,
ni o ya khueghie ode-a
shi eke khe.’”

28 “Mhi gueye e khi aa me ogbo ni a bia bhale eke agbo ona ni o fu dose iJoni, eri-tse khi oni o ga she ne nya shi Eghiele oyi Eshinegba o fu dose oli.”

29 Egbo nya, li shi emionoga, abi e ro suo ingmemhi eyi iJesu, e mie shi o khi ode oyi Eshinegba o gbe akanya, irari khi iJoni o she batazi we.

30 Egbo iFarisi ali eni e lese emhi ingme ushi e kie ugbamhi ni Eshinegba o gba na we, irari khi ẹa lama ni iJoni o batazi we.‡

31 Eri egbo iJesu o re, elo mhi fe ri egbo ena agbhotu ona ya khokho, se e fe ga li ena?

32 Eri e li abi eniye ni e shito oki ni e nu egbe e ngme ni e lie,

“‘Anye pfi ofele na e,
ama aa lama gbe ishimhi,
anye vie vie olimhi khasẹ e,
ama aa lama nu anye vie.’”

33 Itobo khi abi iJoni Oni oo batazi egbo o ro bhale, ọa li le emhi wekhi eri o da onyo, eri e khi, ‘Ayemhe okphaghie o mhue.’

34 Omi ogbo o bhale, oo le, oo da, a ke lie khi, ‘Ogbo unu-emhi ali ogbo odonyo o khi, ali khi oni o nu emionoga ali egbo ena olamhe e mu omole o khi.’

35 Eri egbhali oyi Eshinegba o rote obọ oyi egbo ni e miesu ri egbọli khasẹ.”

Okpoto ona olamhe o ku ituale ni oo pfi shi iJesu awe

36 Ogbo iFarisi oghuo oo iJesu o bhale ka ko fele lue ni o nu lue le eminale. Igho o je owa oyi oni iFarisi, o shito, o le emhi.

37 Igho okpotso oghuo, ongi oni eoli ni o la agbo olamhe, o suo khi iJesu o la oni owa oyi ogbo iFarisi ogho. O de akanama ituale ni o ghale.

38 O bhale, o de ya wugha iJesu idi awe. Oo vie ku amevie shi oli awe. O ri itsu ni e la li ukhomhi shishi oli wewe-a, o pfpfi oli awe. O gbo ku ituale ni oo pfi shi oli awe.‡

39 Abi oni iFarisi ni o lu iJesu bhale apfe oyoli ya mu oli epfese, o ro me onana, o la eke elemhi udu lie, ini omekeguele oyi Eshinegba omose ona o kha khi lo, o kha lese uwali okpotso ni ona o khi ni o ri egbe a ti oli ena, khi ona olamhe o khi.

40 IJesu oo, “ISamo mhi mhue emini mhi ya gue ye.”

ISamo oo li, “Gueye mhe, Osese.”

⁴¹ IJesu oḡ li, “Omōse oghuo o la ni eḡbo aava e lo oḡi ota, oghuo o, o lo oḡi eḡpa eva ali ukhukhui, oḡi o kpoḡe o lo oḡi ipomhi uye ali ishe.

⁴² Abi eḡa ke ro doḡe falɪ oḡi eḡe, o gbe eni ota kua na we. Mena gueye mhe oḡi o ya nono ingme oyi oḡi ne elemhi weḡe ava-ava?”

⁴³ ISamo oḡ li, khi oḡi o lo ikpagho eni e bu ne lo. IJesu oḡ li, “U gueḡ so.”

⁴⁴ IJesu o nyene alo ghue oḡi oḡkpotso, oḡi ISamo “Wa me oḡi oḡkpotso oḡa, abi mhi ro bhale owa oye wa diḡ amḡ na mhe ro kpe awe-a, eri oḡi oḡkpotso oḡana o ri amevie eyoḡi kpe mhe awe-a, o ri itsu ni e la li ukhomhi shishi we-a.

⁴⁵ Waa pfpfi mhe unu egbe, roḡe eḡheḡhe ni mhi te lo ana le, oḡi oḡkpotso oḡa o te pfpfi mhe unu awe ramhi memena.

⁴⁶ Waa ku oili shi mhe ukhomhi, oḡi oḡkpotso oḡa, o she ku ituale ni o pfi shi mhe awe.

⁴⁷ Itobo igho mhi gue e ye e khi a she gbe olamhe eyoḡi ni e bububu kua na li, irari khi oḡi o nono emini e bu o khi. Oḡi a gbe ukukuḡ kua na, ukukuḡ o nono.”

⁴⁸ O gueye oḡi oḡkpotso, “A she gbe olamhe eye kua ne.”

⁴⁹ Eḡbo ni e nu oḡi shito e mhila egbewe “Oghuo oḡana oḡo dabi khi loḡi khi ni oḡo gbe olamhe kua na oḡbo.”

⁵⁰ IJesu o gueye oḡi oḡkpotso “Irudunga oye o she mie e pḡuese, ri opḡomhe ke je.”

8

Ikpotsu ni e kpaghie ijesu obo

¹ Ona o doḡe, iJesu o kia roḡe eoli je eoli. Oḡo gue usomhi onete oyi Eghiele oyi Eshineḡba le. Eniye odukhokho ogbava eyoḡi e nu oḡi kia.

² Ikpotsu eghuo ni e kpe mhuḡ ayemhe oḡkphaghie ali iwali ighuamhi ni o ro ze, e li la agho: IMeli oḡi iMagidaleni ni ayemhe ishilua e roḡe egbe lasele;

³ IJoana ni o khi ughue iChuzo ni o gbe akanya na oghie Eroḡu; ISuzana ali ikpotso elese ghḡ, e ga la akaghḡ. Enana e roḡe eḡkuḡ oyeḡe e kpaghie iJesu ali eniye odukhokho eyi oḡi obo.*

Okhe irokhokho oyi oghiale (iMat 13.1-9; iMak 4.1-9)

⁴ Abi ebubu eḡbo e ro roḡe eoli oḡoḡa bhale ya lona kugbe, ni e ro le gase iJesu, iJesu o ze okhe irokhokho khasḡ we, oḡo we,

⁵ “Oghiale o ya ri ikpamhi emhi ko. Abi o ro ku eni ikpamhi emhi kia ko, eghuo o e ku shi epḡepḡe oḡe. Eghuo o eḡbo e ri awe muno we. Ipḡeli e bhale ya sanḡ we le.

⁶ Eghuo o e de ku nga eḡe, abi e ro ze ngale, e khakha. Itobo khi eḡa me asha lolo pfi imhili lo eḡe.

⁷ Ikpamhi eghuo o e de shi ifu igba, eni igba e tono we.

⁸ Igho eghuo o e ku shi eḡe onete, e fu, e mo ikpamhi agbhagbhamhi egbhuḡshe. Abi o ro ngme ona se, oḡo li, Oḡi o mhḡi esḡ o ro suḡ.”

Emini o ze ni o ro ze oni okhe irokhokho (iMat 13.10-23; iMak 4.10-20)

⁹ Eniye odukhokho eyoḡi e mhila li emini a ri oni okhe irokhokho ngme.

¹⁰ Oḡo we, “A she khueghie osheli ni o la Eghiele oyi Eshineḡba-a khasḡ e. Ama aa roḡi khasḡ eḡbo ni e kpoḡe. Loḡi o ze ni mhi ro ri okhe irokhokho nu we e ngme.

* **8:3** Li ze iMat 27.55-56; iMak 15.40-41; iLuk 23.49

“‘Irari khi ini e ririę ę fe,
 ęa ya me eke,
 ęę suę, ęa lo we esü.”†

*Emini okhe irokhokho oyi oghiale ogho o ngme
 (iMat 13.18-23; iMak 4.13-20)*

11 “Emini a ri oni okhe irokhokho ngme na. Oni ukpamhi emhi ogho, ungmemhi oyi Eshineęba lo.

12 Eni e de kua epfefę ođe egho, e khi eębo ni e kha suę ungmemhi oyi Eshineęba, okphaghię o bhale ya sanę we oni ungmemhi udu-a, ini e khi miesuę, ni e ba mhue imiepfuese.

13 Eni e zę nga okpegbhe e to ęoli eębo ni e miesuę, ni e khia khi abi imufe o ro bhale ęa ke dobę migha, e de ođe-a.

14 Ikpamhi ni e zę shi ifu igba, wewe e khi eębo ni e suę oni ungmemhi ama ęa dobę migha shi o, isamhi eyi emhi agbo ali anasemhe ali epfue ni o la agbo ali oghuemhe ni o la o, ęa zę ni e mhue iwomhele shi irudunga.

15 Ikpamhi ni e zę shi eke onete ni e mo ikpamhi, wewe e khi eębeghi eębo ali udu onete ni e kha suę oni ungmemhi, e mu oli shi, e kha ri egbe mie o ri emini a ro kọ o zę lasele.

*Ákpá ni a ro ru nga ukhomhi emhi
 (iMak 4.21-25)*

16 “Aa me oębo ni o ri ákpá ya ru, ni o ya rue oli sheli elemhi ukoko, wekhi ufu ukpho. Eri o ri ochogho ya rue oli nga asha na keghe ni eni ęę lo le e ke me eke, ęę me oni ákpá.”‡

17 Irari khi aa me emiemi ni a ro sheli ni aa ya ro lasele gboo, wekhi eri a me emini a khukhu shi elemhi, ni aa ya khueghie-a gboo.§

18 Itobo igho mhue eębhe shi emini u wa suę. Oni o mhue, a ya ro ma li o. Ama oni ęa mhue a ya gbo mie oli ukuku oli ni o sa khi loli mhue.”*

*Inyoghuo iJesu ali inyi iJesu
 (iMat 12.46-50; iMak 3.31-35)*

19 Igho inyoli ali inyoghuo oli e bhale deba li, ama ęa me asha ramhi oli egbe, irari ebubu eębo ni e le gasę oli.

20 Oębo o ya gueye iJesu, ođ li, “Inye ali inyoghue, e migha olase, ęę nono ni wewe e me.”

21 IJesu ođ we, “Inyemhe ali inyoghuo-mhe wewe e khi eębo ena ni ęę suę ungmemhi oyi Eshineęba, ni e gbo roli ę gbe akanya.”

*IJesu o mu akpepeli migha
 (iMat 8.23-27; iMak 4.35-41)*

22 Eęghuo iJesu ođ eniye odukhokho eyoli, “A bhale ni awa da je ukiękie obinokpote oyi oke ni o khishi.” E lo oko-oke e le.

23 Abi e li le, iJesu o leseęa. Utoghukope ukpokpomhi akpepeli o lo oni oko-oke le ya ramhi khi oni oko-oke o ku ya luę, wewe nya e la okheņa.

24 Eniye odukhokho eyoli e bhale ya guise oli le. Eę oli “Onomhue, Onomhue oke o ya ku awa luę.” O vule, o nu oni akpepeli ali oke ni o zughuse ngme. Oni akpepeli o mu migha. Oke ni o zughuse egho o dema, asha kpa oo tsuke.

† 8:10 Li zę Aza 6.9-10 ‡ 8:16 Li zę iMat 5.15; iLuk 11.33 § 8:17 Li zę iMat 10.26; iLuk 12.2 * 8:18 Li zę iMat 25.29; iLuk 19.26

25 O mhila eniyē odukhokho eyōli, “Ighe irudunga oyē?” E ri ulishi ali oshabō mhila egbewe, “Oghuo onana o fē ga khi ena? Irari khi o o mhēse na akpekpeli ali oke, e suo na li.”

Ijesu o ri omose no mhue ayemhe okphaghie toto
(iMat 8.28-34; iMak 5.1-20)

26 E kia ramhi eke iGerasenesi ni o gbe oke ni o khishi na iGalili khi-a.

27 Abi Ijesu o o da tiemhile eke, Omose ongi oni eoli, ni o mhōli ayemhe okphaghie ni o she tēse ni o te ke so awulu, wēkhi eri o ke la owa ghue, ama atalimhi o ke la, o bhale ya o.

28 Abi o rō mē ijesu, o de yēshi oli awe, o tseṣe leghe, o liē, “Elo u rēmhe ya li, ijesu Omi Eshinegba onofunē, kpekpē khi nasē mhē.”

29 Eri o ngme ona irari khi ijesu o she mhēse na oni ayemhe okphaghie ogho o rōte oli egbe lasele. Iti-ingmi-ingmē oni ayemhe o she mu oli, ni o khia khi ini a riē mu oli ri iwēghe shi oli abo ali awe, o pfanō eni iwēghe-a, oni ayemhe okphaghie o tsua li je o dagbe ifufu.

30 Ijesu o mhila li, “Sē a lu eva oyē?” Oni ayemhe o o li, eva oyemhe khi, “Iligioni,” irari khi ayemhe okphaghie ebubu e she lo oli egbe.

31 Eni ayemhe okphaghie e lema ijesu o khi khu wewe je ilimhi na ningolo.

32 Igulu ebubu e la epfe ute le eminale. Igħo eni ayemhe e lema li o kpekpē o zē ni wewe e ya lo eni igulu egbe. Igħo o zē ni e ya lo eni igulu egħo.

33 Eni ayemhe okphaghie egħo e rōte egbe oyi oni omose lasele, e ya lo elemhi eni igulu egħo. Eni igulu e rōte oni epfe ute na ya kulo oke ni o khishi egħo, oke o gbe wē.

34 Abi eni e ri eni igulu e kia e rō mē emini a mē, e na je ifu apfe ya gueye egbo emini a mē.

35 Egbo e lē ya bino emini a mē. Abi e rō bhale deba ijesu, e bhale ya e khi oni omose ni iyemhe okphaghie e te egbe lase khi o shito ufuēge oyi ijesu. O ga pfomhe, o ku egbe-a shito, ulishi o mu wē.

36 Egbo ni e mē oni ingme e gueye egbo elese abi oni omose o li kia ni o rō ze.

37 Igħo eni egbo iGerasenesi e gueye ijesu o lase ewe eke le, irari khi ulishi o mu wē. Ijesu o lo oko-oke o vu.

38 Oni omose ni eni iyemhe okphaghie e rōte egbe lasele o o ijesu, “Kpekpē zē ni mhi deba e vu.” Ama ijesu o o li, o ke vu.

39 Nyenē egbe je apfe ni u ya guele emini Eshinegba o riēle nē. Igħo oni omose o vu ya gueye egbo ni e la oni eoli ogho nya, emini ijesu o riēle na li.

Omi ijarusi ali okpotso ni o ri obō ti ijesu awulu
(iMat 9.18-26; iMak 5.21-43)

40 Abi ijesu o rō nyenē egbe je ukiekie oke ni o kpole, egbo e tse oli o mu awe itobo khi o she tēse ni e te migha a khe oli.

41 Igħo omose oghuo ni a lu ijarusi ni o khi ogbo oni o mhēse shi owa ugamhi oyi egbo iju, o de ya wugha ijesu awe. O o lema li o kpekpē o bhale apfe oyelue.

42 Irari khi omō omueshi oghuo kpe ni o mē bia ni o lēse gbe ikpe igbeva o ya ghua. Abi ijesu o li lē, egbo e le gasē oli, e ma mu oli ashakpa.

43 Okpotso oghuo o la ifuabo wē ni o she ku oia egbe elemhi ikpe igbeva. O she ga pfuse emini o mhue-a nya na idokita, ama aa mē oni o dobe dua oli egbe.

44 Igħo o rōte ifuabo oyi eni egbo lase bēna ya ri obō ti esō ode ni ijesu o sō, oia ni e ku oli egbe e pfa tee.

45 Ijesu o mhila, “Oghuo o ri obō ti mhē?”

Ogbokpa o tia. IPita oo li, “Onomhue, ebubu egbo e le gasen ni e ma mu e.”

⁴⁶ Ama iJesu o li, “Ogbo o ri obo ti mhe, mhi lese khi itoto e she rote mhe egbe ya lase, loli mhi ro lese.”

⁴⁷ Oni okpotso o me khi loli a dobe ya vu ni a ro ya me lue, o ri ulishi fie lasele, o de ya wugha odalo oyi iJesu. Ukpeloe oyi eni egbokpa, o gueye iJesu emini o ze ni loli ro ri obo ti oli ali abi loli ze utoghuokpe.

⁴⁸ Igho iJesu o li, “Omimhe ke je khi irudunga oye o she re ze. Ri opfomhe ke je apfe oye.”

⁴⁹ IJesu o kie ligho ngme, ogbo o rote owa oyi iJarusi ni o khi oni o mhesa elemhi owa ugamhi bhale. Oo li, “Omie o she ghua-a. Khi ke bie nase osese.”

⁵⁰ Abi iJesu o ro suo ona, o gueye iJarusi, “Khi ze ni ulishi o mue. Lese miesuo tse khi o ya toto.”

⁵¹ Abi o ke ro ramhi apfe oyi iJarusi, oa ze ni ogbokhoghuo o nu lue lo agho, se o ni iPita ali iJoni ali iJemhisi ali inyoo oni omoo ali itali.

⁵² Ogbokpa e she kie kpe vie evie oyi oni omoo. IJesu oo we, “A khi ke vie irari khi oni omoo oa ghu, eri o lesa.”

⁵³ Wewe nya ee gia iJesu, irari khi e lese khi oni omoo o she ghua.

⁵⁴ Ama iJesu o mu oli obo o lu oli leghe, “Omimhe, vule.”

⁵⁵ Ayemhe oyoli o nyene egbe bhale deba li. O vule migha utoghuokpe. Igho iJesu oo we, “A ri eminale na oni omoo le.”

⁵⁶ Abo e sha ita ali inyoli. IJesu o gueye we e khi gueye ogbokhoghuo emini a me.

9

IJesu o ghie eniye odukhokho ogbava fie

(iMat 10.5-15; iMak 6.7-13)

¹ IJesu o lu eniye odukhokho ogbava eyoli kugbe, o ri itoto ali afu na we ni e ro ke khu egbo iyemhe ni ea ti egbe lasele, ali ni e gbo ri egbo ni e mhue ighuamhi ododa toto.

² O ghie we fie e ke ya tse abo ungmehi oyi Eghiele oyi Eshinegba kiakia ali ni e gbo ke ri egbo ze.

³ Oo we, “A khi tsua emhikhoghhuo abi a lie le ena, a khi tsua ukpokpo wekhi akpaba wekhi eminale wekhi ikpagho wekhi iku itsua eva ni a so.

⁴ Owa ni a da lo ne, a la agho ramhi ni a ro ya te oni eoli vu.

⁵ Ini egbo ea da mie e ne, a kpishi itutu ni e la e awe-a shi oni eke ini a rote oni eoli e vu, ni o khi otsela ni a ya pfi mu we.”*

⁶ Igho eni eniye odukhokho e vu, rote eoli je eoli. E ri usomhi onete oyi Eshinegba tse abo kiakia. E ri egbo o toto ashaka.

Oghie Erodu oo khokho oni iJesu o khi

(iMat 14.1-12; iMak 6.14-29)

⁷ Igho Erodu ni o khi oghie shi eke iGalili o suo ikanya onyaloa ni iJesu oo gbe. Abo e sha li itobo khi egbo eghuo e lie khi iJoni Oni oo batazi egbo lo ni o rote eghuli guale.

⁸ Eghuo e khi Elaja o khi ni o bhale, eghuo elese e lie khi oghuo omekeguele enedio o khi ni o nyene egbe bhale agbo.†

⁹ Ama, Erodu oo, “Mhemhe mhi khi iJoni ukhomhi o. Oghuo onana o khi ni mhia suo eko?” Oo dua abi o li ya me oli.

* 9:5 Li ze iLuk 10.4-11; Ika 13.51 † 9:8 Li ze iMat 16.14; iMak 8.28; iLuk 9.19

*Ijesu o ri eminale na eḡbọ agbẹlẹ ishe (5,000) le
(iMat 14.13-21; iMak 6.30-44; iḡon 6.1-14)*

¹⁰ Abi eni ighiusomhi na keḡe e ro jele, e gueye ijesu abi e li kia. Igho o rue we vu je epfe eoli na lu iBētisaida,

¹¹ Ama eni ebubu eḡbọ e suo obini o je, e deba li. O mie we, o gue ungmehi Eghiele oyi Eshineḡba ye we, o ri eni e mhue ighuamhi toto.

¹² O te agho li denḡ abi ogbomhi o ke ro mu eke, eniye odukhokho ogbava e bhale deba li, ee oli. “Gueye eni eḡbọ e vu je eoli ni e ti mama ana ni e ya nono ashini e ya ku shi ali eminale ni e ya le, irari khi ifui odagbe ifufu awa la.”

¹³ O so we o, oḡ we, “A ri eminale na we le.”

E oli, “Ibulḡdi eva ali ifele aava e leḡe la ana, se ni awa vu ya de eminale ghi we.”

¹⁴ Irari khi emose agbẹlẹ asha ishe e la agho.

Ama oḡ eni eniye odukhokho, “A re we shitḡ ikui-iku eḡbọ egbhueva ali igbigbe.”

¹⁵ Eni eniye odukhokho e li ghḡ, ogbḡkpa o shitḡ.

¹⁶ Ijesu o rue eni ibulḡdi ishe ali ifele aava eḡbọ, o bino idane, o kphemhi shi eni eminale, o kholo we a. O rue we na eniye odukhokho eyoli ni e kemhi we na eni eḡbọ.

¹⁷ Igho we we nya e le, e khue. Eni eniye odukhokho e wolḡ eni e le kpole shi ighughu igbeva.

*IPita o guele oni ijesu o khi
(iMat 16.13-19; iMak 8.27-29)*

¹⁸ Eleghuo khi ijesu o la ashini o da-ya e so iromhi, eniye odukhokho eyoli e nu oli la agho, o mhila we, “Oghuo eḡbọ e fe e lie khi mhi khi?”

¹⁹ E oli, “Eḡbọ eghuo e khi iḡoni Oni oo batazi eḡbọ u khi, elese e lie Elaja, elese ghḡ e khi omekḡeuele onḡdiḡ u khi ni u nyene egbe bhale agbḡ.”[‡]

²⁰ O ro mhila we “Oghuo ee e khi mhi khi?”

IPita oḡ li, “Ye ye u khi Omiepfuese onayi Eshineḡba.”[§]

*Ijesu o gue ingme osoli, ali eghuli, ali iguale oyoli le
(iMat 16.20-28; iMak 8.30-9.1)*

²¹ Ijesu o tse agua ye we e khi gueye ogbḡkhoghuo.

²² Igho, oḡ we, “Omi Ogbḡ o mema ya me osue emhi ebubu. Eni egbhali ali ighie eyi ekpodalo-ugamhi ali esese Ishi eyi iMosisi, e kie oli. E mema ya gbe oli-a, ama elenuzi-esḡ, o ya guale.”

²³ Igho o gueye we nya, “Ini ogbḡkhoghuo o nono ni loli khi omḡ odukhokho oyemhe, o mema ya kie egboli, o rue apfida oyoli ogbẹlẹ kpa, oḡ deba mhe.*

²⁴ Itobḡ khi oni o da nono ni loli tsumhi agbḡ oyoli ne, o ya wasḡ oli-a, ama oni o da wasḡ agbḡ oyi oli-a ne shi itobḡ oyemhe, o ya tsumhi oli.†

²⁵ Ighie eleli ni ogbḡ o ya me ini o mhue agbḡ ona nya ni o ro wasḡ ayemhe oyoli-a?

²⁶ Ini ogbḡ o da na omama mhe ali ungmehi oyemhe ne, Mhemhe Omi Ogbḡ mhi li ya na omama oyi oni ogbḡ, ini mhi bhale elemhi ufumhi oyemhe, ali ufumhi oyi Ita ali oyi igeni ni e pfuase

²⁷ Mhi gue oli e ye e abi o li, khi, eḡbọ eghuo e la ana ni ea ya ghu ne, neni e ro ya me oni Eghiele oyi Eshineḡba.”

[‡] 9:19 Li ze iMat 14.1-2; iMak 6.14-15; iLuk 9.7-8 [§] 9:20 Li ze iḡon 6.68-69 * 9:23 Li ze iMat 10.38; iLuk 14.27 † 9:24 Li ze iMat 10.39; iLuk 17.33; iḡon 12.25

Ijesu o mu imamachi
(iMat 17.1-8; iMak 9.2-8)

²⁸ Abi ogbele nuzi eleli o ro gba abi ijesu o te ngme eni ingme, o rue iPita ali iJonni ali iJemhisi nga ute ya lema.

²⁹ Abi o li so iromhi egho, alo eyoli e mu nyene, itsua ni o so e ge nyanyanya abi akpa.

³⁰ Igho Emose aava, iMosisi ali Elaja,

³¹ e li lasela e ge nyanyanya, e nu ijesu u ngme, e gheta eghuli ni ijesu o ya ghu obini iJerusalemu.

³² Olese o mema re IPita ali apfoli. Abi e ro gualo ni olese o ro kala we alo-a, e me ufumhi oyi ijesu ali emose aava ni e nu oli migha.

³³ Abi eni emose aava e li vu, iPita o o ijesu, "Oga, oo ga gue ti khi anye la akana. Ze ni anye tonon okholo ese, oghuo oye, oghuo oyi iMosisi, onokpole oyi Elaja." Eri o li ngme tse, oga lese emini o ngme.

³⁴ O kie ligho ngme, otughunu o bhale ya khukhu we-a. Ulishi o mu we abi e ro lo elemhi oni otughunu.

³⁵ Igho uruli o rote oni otughunu ngme, oo, "Omimhe na ni mhi ze, a ri eso shi emini o ngme."§

³⁶ Abi oni uruli o ro ngme se, e me khi ijesu lueghuo o ke migha. Eni eniye odukhokho e ri ingme ona shi udu, ea gueye ogbokhoghuo emini e me eghenge agho.

Ijesu o ri ozeo ni ughuamhi o mu ze
(iMat 17.14-18; iMak 9.14-27)

³⁷ Ogbeakolo abi e rote ukhomi ute tiemhile, ebubu egbo e bhale deba li.

³⁸ Igho omose oghuo o rote elemhi eni ebubu egbo tsele leghe, o li "Osele, kpeke bino omimhe, loli o khi omog oghuo kpe ni mhi me bia.

³⁹ Ayemhe obe o tsua mu oli, eri oo mu oli pfi eke, oo kpi awe-a, o roli e chi ofulu unu. Oa ga nono ni loli rue oli obo-a kpa. Eri oo nono ni loli pfuse oli ayemhe-a.

⁴⁰ Mhi she lema eniye odukhokho eye e khu oli oni ayemhe egbe-a, ea dobe."

⁴¹ Ijesu oo we, "Ee egbo ni aa mhue irudunga wekhi ilese. Ele ingme mhi dobe ya ri egbe mie umhalese oye e ramhi? Ele ingme mhi ke nu e ya la akana?" Oo oni omose, "Rue omie bhale ana ghi mhe."

⁴² Abi oni omog o li bhale, oni ayemhe okphaghiye o mu oli pfi eke jighise, oo chi ofulu unu. Igho ijesu o dese oni ayemhe okphaghiye, o ri oni omog ze. O rue oli na itali.

⁴³ Abo e sha eni egbo nya shi ekpabo oyi Eshinegba ni e fune.

Ijesu o gbo gue ingme eghuli oyoli le shi eke
(iMat 17.22-23; iMak 9.30-32)

Abi e kie ligho sha eni egbo shi emini ijesu o ri ele, ijesu o o eniye odukhokho eyoli,

⁴⁴ "A ri eso shi eke shi ingme ni mhi ya gueye e ena. A ya ri Omi Ogbo na egbo de."

⁴⁵ Eri-tse khi eni eniye odukhokho ea lese abi oni ungmehi o ngme. Irari khi eri a roli sheli we ini e khi lese emini a roli ngme. Ama ulishi oo mu we shi abi e lie mhila li.

*Oghuo o fune**(iMat 18.1-5; iMak 9.33-37)*

⁴⁶ Ekhako o bhale iteva oyi eniye odukhokho eyoli shi oni o ya fune elemhi we.*

⁴⁷ Ijesu o lese emini ee sa udu oyewe, o rue ukuku omo lasele migha we iteva.

⁴⁸ Oo we, "Onini o da ri eva oyemhe mie omo ona ne, mhemhe o mie. Onini o da mie mhe ne, oni o ghie mhe o mie. Irari khi onini o da ri egboli tiemhie-ekene elemhi e, loli o khi oni o fune nya."†

*Oni o da khi obe awa ne oyi awa o khi**(iMak 9.38-40)*

⁴⁹ Ijoni oo, "Oga, anye me omo ne ni o ri eva oye e khu ayemhe okphaghe lase, anye nono ni anye gueye oli o khi ke ligo irari khi o ya ya debe abi anye lie debe."

⁵⁰ Ijesu oo we, "A khi ke ligo, irari khi ogo ni o da da khi obe awa ne, onayi awa o khi."

Egbo iSameria e lama mie ijesu

⁵¹ Abi eghenge o ro ramhi ni a ro ya rue ijesu je iloghie, o mholi oli shi udu khi loli ya je iJerusalemu.

⁵² O ghie ighiusomhi ralo, ni e lo elemhi eoli nikeke na elemhi iSameria ni e ya mu egbe emhikpa shi eke khe oli.

⁵³ Ama eni egbo iSameria e lama mie oli irari khi e lese khi iJerusalemu oo je.

⁵⁴ Abi eniye odukhokho eyoli ikhi ijemhisi ali ijoni e ro me gho, e oli, "Onomhue, waa ke ze ni anye lu erali rote idane tiemhie ro tose we a nya?"‡

⁵⁵ Ijesu o nyene alo ukhokho, o dese we, oo we, aa lese ayemhe ni a mhue. Oa khi eri omi ogo o bhale ya yese egbo agbo-a, ama eri o bhale ya tsumhi we.

⁵⁶ Igho ijesu ali eniye odukhokho eyoli e vu je eoli olese.

*Emini ideba-ijesu-kia o ya mie ogo o rue**(iMat 8.19-22)*

⁵⁷ Abi e li lese egho, omo oghuo oo ijesu, "Oga mhi ya ke debe je obiobini wa je kpa."

⁵⁸ Ijesu oo li, "Inyako e mhue ese, ipfeli e mhue eko, ama Omi Ogo o mhue ashini o do ukhomhi e gbe."

⁵⁹ Ijesu o gueye omo olese, "Deba mhe." Oni ogo oo li, "Oga, kpe ze ni mhi ya ri itamhe to."

⁶⁰ Ijesu oo li, "Zobe ni eni e ghu-a e ri eni e ghu-a to. Yeye fie ke ya gue ungmehi Eghiele oyi Eshingba le."

⁶¹ Olese oo li, "Oga mhi ya debe, kpe ze ni mhi ya tse apfemhe, okhila."§

⁶² Ijesu oo li, "Ogo ni o da ri obo nga ega ni oo she e gua ese, ni o da bino ukhokho ne, o a te ni o lo Eghiele oyi Eshingba."

10*Ijesu o ghie egbo egbhuesetuogbava fie*

* 9:46 Li ze iLuk 22.24 † 9:48 Li ze iMat 10.40; iLuk 10.16; ifon 13.20 ‡ 9:54 Li ze 2 Ighie 1.9-16

§ 9:61 Li ze 1 Ighie 19.20

1 Ona o dōṣe se, Onomhūe ọ zẹ ẹgbọ ẹgbhūṣe etuogbava, ọ mu wẹ ava-ava, ọ e ralo na luẹ ni e kia je ikpe ni ọọ nono ni lōli kia ramhi.

2 Ọọ wẹ, “Ikhiṣe oniṣmhi o la ọ, eri-tṣe eni ẹ khiṣe wẹ ẹa bu. Itobọ ighọ, a sọ lema ita ọni ọ mhūe okhiṣe, ni ọ ghie eni ẹ khiṣe bhale ishemhi oyoli.*

3 A ke le! Eri mhia ghie ẹ abinẹ isumha ne la ifuabọ idumhi.†

4 A khi tsua ẹkuẹ ukpaghọ wẹ khi akpulu wẹ khi ẹkuẹ, a khi tṣe ẹgbọ ode.

5 “Ini a lo owa okhọghuo, a kpẹ to de liẹ ‘Opfomhẹ o ka la oni owa ona.’

6 Ini ọgbọ opfomhẹ ọ la aghọ, opfomhẹ oye ẹ o deba li, ini aa me, opfomhẹ oye ẹ o nyenẹ egbe deba ẹ.

7 Apfẹ okhọghuo ni a da lo ne, a la aghọ le, a la aghọ da emiemi e da rọ ya na ẹ. Irari khi o ti ni ọgbakanya ọ mie ifata. A khi ke kia te owa da je owa.‡

8 “Ini a da lo ẹoli le ni e rọ da mie ẹ ne, a le emini e rọshi ekẹ na ẹ.

9 A ri eni ẹẹ ghua ni e la aghọ ze, a gueyẹ wẹ, ‘Eghiele oyi Ẹshinegba o she ti mama ẹ.’

10 Ẹoli ni a bhale kpa ni ẹa da mie ẹ, a je ifu apfẹ ya liẹ,

11 ‘Itutu oyi ekẹ oye ni e la anye awẹ, anye she kpishi wẹ shi ekẹ na ẹ, ni e ya pfi ọtsẹle mu ẹ. Ama ẹẹ oye ẹ, a leṣe khi Eghiele oyi Ẹshinegba o she ti mama ẹ.’§*

12 Mhi gueyẹ ẹ khi ogbeṣe isọ-ẹzọ khi o ya somhi iSodomu egbe dōṣe oni ẹoli ogbo.†

Eoli ni ẹa miesuo (iMat 11.20-24)

13 “O ma kholọ ẹ egbe, ikhi ẹẹ ẹgbọ iKorazi! O ma kholọ ẹ egbe, ẹẹ ẹgbọ iBetisaida! Irari khi ini ikanya ọnyaloo ni a la elemhi ẹ gbe khi a la ekẹ iTai ali iSidoni li gbe wẹ lọ, e kha mu nyenẹ agbọagbo. E sọ ide eviẹ, e shitọ ukhomhi emue.‡

14 Eri-tṣe khi Ẹshinegba ọ ya mhūe isomhalemhi na ẹgbọ iTire ali ẹgbọ iSodomu dōṣe ẹ ogbeṣe iguẹzọ.

15 Ẹẹ ẹgbọ iKapanomu, eri a dabi khi a ya ti ẹ nga idane? Iiye! Eri a ya ti ẹ tiemhi ilimhi iriṣe. §

16 “Ọọ wẹ, ọni ọ da ri esọ shi ẹ ọ ne, mhẹmhẹ ọ ri esọ shi ọ. Ọni ọ da kie ẹ, mhẹmhẹ o kie. Ọni ọ da kie mhẹ ne, ọni ọ ghie mhẹ ọ kie.”*

Ijele oyi ẹgbọ ẹgbhūṣe etuogbava

17 Ighọ eni ẹgbọ ẹgbhūṣe etuogbava ẹghọ e ri ogheṣe jele. Ẹẹ ọli, “Onomhūe, eri ẹgbegi iyemhẹ ọkphaghie e ri irari eva oye nyṣe ukhomhi na anye.”

18 Ijesu ọọ wẹ, “Mhi me khi ọkphaghie ọ rọte idane de pfile abi erali akphala.

19 A ghe khe! Mhi she ri afu na ẹ, ni a rọ lighi enye ali ikpi dōṣe, ali ni a gbo mu itoto ali ekpabọ alo ebili nyaa ọ le. Emhikhọghuo ẹa ya li ẹ.†

20 A khi gheṣe khi ọkphaghie ọ ri irari eva oyemhẹ nyṣe ukhomhi na ẹ, ama a ke gheṣe khi a keṣe eva oye ẹ shi iloghie.”

Ijesu ọ gheṣe

(iMat 11.25-27; 13.16-17)

* 10:2 Li zẹ iMat 9.37-38 † 10:3 Li zẹ iMat 10.16 ‡ 10:7 Li zẹ 1 iKori 9.14; 1 iTimo 5.18 § 10:11 Li zẹ Ika 13.51 * 10:11 Li zẹ iMat 10.7-14; iMak 6.8-11; iLuk 9.3-5 † 10:12 Li zẹ Igbae 19.24-28; iMat 11.24; 10.15 ‡ 10:13 Li zẹ Aza 23.1-18; Ezik 26.1-28.26; ifọe 3.4-8; Emọ 1.9-10; iZaka 9.2-4 § 10:15 Li zẹ Aza 14.13-15 * 10:16 Li zẹ iMat 10.40; iMak 9.37; iLuk 9.48; ifon 13.20 † 10:19 Li zẹ Iwolo 91.13

²¹ Eghẹghẹ agho, oghẹle o te elemhi Ayemhe-nọ-pfuase vọ iJesu egbe, oọ li, “Mhi tse uwegbe, Ita ni o mhuẹ ekẹ ali ukhuli. Irari khi u she ri emhi ena sheli egbo ni e fia alo-a ali eni e mema wena ebe. Ama u rewe khase ikuku eniye. Igho lo Ita, irari khi abi o li ghole e shi gho.

²² “Itamhe o she ri emhikpa shi mhe obo. Aa me ogbo ni o lese oni omọ o khi, se ni Ita. Aa me ogbo ni o lese oni Ita o khi, se ni omọ. Eni e ghole oni omọ o ri Ita a khase.”[‡]

²³ Igho o nyene alo ghue eniye odukhokho eyoli, o bena nu we ngme, oọ we, “Ikhivose o khi na ikpalo ni e me emini e e a me.

²⁴ Mhi gueye e khi emekeguele ali ighie ebubu e nono ni wewe e me emini e e a me ali ni e suo emini a suo ena, ama ea dobe.”

Ekpita oyi ongi iSamarita onete

²⁵ Igho osese Ishi eyi iMosisi oghuo o vule ya mu iJesu fe bino. O mhila li, “Elo mhi fe ya li ni mhi ro ya mhuẹ agbo na agboagbo?”

²⁶ IJesu o li, “Elo a kekẹ shi ebe Ishi eyi iMosisi? Se u lie ze emini a kekẹ shi o?”

²⁷ O iJesu, “Rote ekelemhi udu oye nya ali ayemhe oye nya ali ekpabo eye nya ali isamhi eye nya nono ingme oyi Eshinegba. U gbo nono ingme oyi onuzava oyi e abi u nono ingme egbe e.”[§]

²⁸ IJesu oọ li, “U ga gue bgaghie-a. Lina ke ngeli khi u ya mhuẹ agbo ona agboagbo.”^{*†}

²⁹ Eri oni osese Ishi eyi iMosisi ona o nono ni loli rokhase khi loli lese enana nya. O mhila iJesu, “Oghuo o fe khi onuzava oyemhe?”

³⁰ IJesu o lina so oli o, “Omose oghuo o ke rote eoli iJerusalemu tiemhi eoli iJeriko. Igho o de ya pfilo ighiatọ abo. E gbe oli bano-a, e kesẹ ukuku ayemhe shi oli o, e mie oli emini o mhuẹ nya.

³¹ A bhale ya e khi okpodalo-ugamhi oyi Eshinegba o rote oni ode e dose. Abi o ro me oni omose ni ighiatọ e gbe egho, o da je ukiekie ode ni o kpole ya dose vu.

³² Igho oni o la Owa oyi Eshinegba gbe akanya oghuo, eni a lu iLivaiti, o ramhi agho, o me oli, o li rote ukiekie ode ni o kpole ya dose.

³³ Omose ongi iSameria oghuo ni o le asha, o ramhi ashini oni omose o la. O me oli, elemhi oli e lala li.

³⁴ O le deba li, o ku oili ali onyo shi oli ikpe ni o kuali utse. O ri ide gono li ewe. O tsua li nga akphere oyoli, o tsua li bhale owa ni a ku e shi, oọ gueye we e ri eloe khu oli.[‡]

³⁵ Ogbeakolo o ri ifata ogbele eva na oni o mhuẹ oni ashini a ku e shi. O oli, ‘Kpekpe ri eloe khu omose ona. Ingme ni o ke ya gbe nya, ini mhia jele mhi ya fali e we.’

³⁶ “Oghuo o elemhi egbo aase ena u sa khi o khi onuzava oyi oni omose ona ni ighiatọ e gbe?”

³⁷ Oni osese ushi oọ li, “Oni o mhuẹ ilelemhi na li.”

Igho iJesu oọ li, “Li ligho ke ngeli.”

IJesu o je apfe oyi iMata ali iMeli

³⁸ Abi iJesu ali eniye odukhokho eyoli e li le, e bhale eoli oyi okpotso ni a lu iMata. Oni iMata o mie oli shi owa.

[‡] 10:22 Li ze iJon 3.35; 10.15 § 10:27 Li ze iLev 19.18; iDeut 6.5 * 10:28 Li ze iLev 18.5 † 10:28 Li ze iMat 22.35-40; iMak 12.28-34 ‡ 10:34 Li ze 2 Okhe 28.15

³⁹ Oni iMata o mhuẹ inyoghuo okpotso ni a lu iMeli ni o shito kpese iJesu ri eso shi emini o sese. ^S

⁴⁰ Abi a li ya mu iJesu epfese, o zu iMata alo, o a me asha ri eso shi emini iJesu o sese. Igho o bhale deba iJesu, o o li, "Wa me khi inyoghuo-mhe o zobe ikanya nya na mhemhe-ghuo a gbe? We o bhale ya kpaghie mhe obo."

⁴¹ Onomhue o o li, "iMata, iMata, u ma kphakpha egbe ke nase egbe e shi itobo emhi ebubu.

⁴² Ama emhi oghuo o mema mu egbe. iMeli o she ze oni o tine ni o lao, o gbo o ya ya mie o li lue."

11

Ijesu o sese abi a lie so iromhi (iMat 6.9-13; 7.7-11)

¹ Ogbeleghuo, iJesu o la asheghuo o so iromhi, Abi o ro so se, o mo odukhokho oyoli oghuo, o o li, "Onomhue, sese anye abi a lie so iromhi abi ijoni o li sese eniye odukhokho eyoli."

² Ijesu o o we, "U kha so iromhi, ke lie:

"Ita anye ni o la iloghie,

anye ri ufumhi

na eva oye no pfaase,

Ze ni eghiele oye o bhale.

Ze ni a riele

oghuemhe oye eke agbo

abi o li shi obini iloghie.

³ Ri eminale ona ogbe-namo

na anye le.

⁴ Gbe olamhe kua na anye,

abi anye li e gbe kua na

egbo ni e lamhe shi anye o.

Khi ze ni anye de pfilo imufe,

ama tsumhi anye

obo oyi okphaghie. "

⁵ Ijesu o o we, "Ini o khia khi onge e o mhuẹ omole ni o ro le deba omole o li itsotso ogbie, ni o re o li, 'Omue kpekpe ngmomhi irui ibuledi ese na mhe,

⁶ Irari khi omole mhe ni o la asha o bhale ya kushi na mhe, ama mhia mhuẹ emini mhi ya ro feli o li epfese."

⁷ "Ini oni omole o, o rote elemhi owa lie o li, 'Khi ke nase mhe ghue irari khi mhi she pfi okpe ode, mhemhe ali imimhe anye she yeshi, mhia ke ya dobe vule ya rue emhi okhoghuo ne."

⁸ Mhi gueye e khi ini omole o li o tseku ri itobo khi wewe e khi omole vule ya rue emini o o mhila li na li, ama itobo khi o mema kie le e mhila li tse, o mema ya vule ya rue emiemi ni o nono na li.

⁹ "Mhi gue e ye e: Mhila khi a ya ro ne, nono khi u ya me, kpheli obo ode khi a ya khueghie-a ne.

¹⁰ Irari khi oni o mhila loli a ro o na, oni o nono loli o o me, oni o kpheli obo ode loli a khueghie-a na.

¹¹ "Ee ni a khi ita, oghuo elemhi e omioli o ya mhila li afele ni o ya rue enye na li, ocho ni o kha ro ri afele na li?"

¹² O ke khia khi ini o mhila li ekeli, ni u ya rue okpi na li?"

13 Ini ẹẹ ni a khi ẹgbọ ebe a lẹsẹ abi a liẹ ri ẹgbegbi emhi somhi imię opfa, sẹ Ita ẹ ni ọ la iloghie ọa ke li ya ri Ayẹmhe-nọ-pfuasẹ na eni e mhila li?”

Ijesu ali Ọkphaghie

(iMat 12.22-30; iMak 3.20-27)

14 Eļẹ oghuo khi ijesu ọ khu ayẹmhe ọkphaghie ungmene fiẹ, ọ khu oni ayẹmhe fiẹ lase, oni ungmene ọọ ngme. Oni ingme o ri abọ sha ẹgbọ ni e la agho.

15 Ama ẹgbọ eghuo ẹ, “Ekpabọ ebe oyi iBezebọ ni ọ khi oghie oyi iyẹmhe ebe, ọ rọ a khu iyẹmhe ebe fiẹ lase.”*

16 Eghuo ọ, e mu ọli fẹ bino, ẹ ọli ọ riẹlẹ ọnyaloa ni o ri wẹwẹ ya mie shi ọli ọ khi Eshinẹgba ọ mie shi ọli ọ.†

17 Ama ijesu ọ she lẹsẹ usamhi oyẹwẹ, ọ, “Eghiele ni o da kemhi ẹgbọli o ya de, ọmhuẹ-apfẹ ni o da kemhi ẹgbọli o ya de.

18 Ini Ọkphaghie ọ kemhi ẹgbọli, sẹ eghiele oyọli o li ya migha? Eri mhi a ngme ona itobọ khi ẹ khi ekpabọ oyi iBezebọ mhi rọ ọ khu iyẹmhe ọkphaghie kua.

19 Mena ini mhi ri ekpabọ eyi iBezebọ ọ khu iyẹmhe ọkphaghie kua, ekpabọ onoghuo eniyẹ eyi ẹẹ e rọ a khu wẹ kua? Eniyẹ eyi ẹẹ e ya gue ẹ ẹzọ itobọ ungmemhi ni a ngme ena.

20 Ama ini o khia khi ekpabọ oyi Eshinẹgba mhi rọ ẹ khu iyẹmhe ọkphaghie kua, ogho o rọkhasẹ khi Eghiele oyi Eshinẹgba o she bhale ẹ iteva.

21 “Omọsẹ ni ọ mhuẹ ekpabọ ọ kha ri itsua okhọli gbanọ egbe ẹgbegbọ ni ọ rọọ khẹ owa oyọli ekhẹ, itsua eyọli e ya mhuẹ akhukhu.

22 Ama omọsẹ ni ọ toto dọsẹ ọli ọ kha tsua okhọli mu ọli ni ọ rọ nẹ ọli abọ, eri ọọ miono ọli itsua okhuẹ nya ni ọ regbenga. Ọ tsua ọli ẹpfue ni ọ mhuẹ shi oni owa vu ya kemhi.

23 “Oni ọa da ku ma mhe ọ ne, ọbe mhe ọ khi. Ọgbọ ni ọa da mu ma mhe ọ ti ẹgbọ gbili ne, eri ọọ vẹsẹ ẹgbọ kua.‡

Abi ayẹmhe o liẹ kia

(iMat 12.43-45)

24 “Ini ayẹmhe ọkphaghie ọ rọte ọgbọ egbe ya fiẹ, eri ọ kpẹ a kia je ifu ọdagbe ifufu ni amẹ ẹa la ya nono ashini ọ kpẹ je ya yemhe-a, ama ini ọa mẹ asha, ọ egbelue, ‘Mhi gbo lo a je owa ni mhi kpẹ te vu.’

25 Ini ọ bhale ọ ni ọ rọ bhale ya ẹ khi, a ga fuomhi oni owa muẹne, emhikpa o ga guẹ la ayọli kuete.

26 Igho, ọ vu ya wolo iyẹmhe oshilua elese ni e khọlọ dọsẹ lọli, e bhale ya la oni omọsẹ egbe, ikpukhokho oyi oni omọsẹ o ke khọlọ dọsẹ abi ọ kpẹ li.”

27 Abi ijesu ọ li ngme oni ungmemhi ona, ọkpotoso oghuo ọ rọte oni elemhi ebubu ẹgbọ tsẹsẹ leghe ọọ, “Oni a khi vọsẹ na ọkpotoso ni ọ bia ẹ, ni ọ kuẹlẹ, ọ khi.”

28 Ijesu ọọ li, “Egbọ ni e suọ ungmemhi oyi Eshinẹgba ni e rọ ọli gbe akanya, wẹwẹ e mema mhuẹ ikhivọsẹ nẹ.”

Ọlẹlẹ oyi iJona

(iMat 12.38-42)

29 Abi eni ẹgbọ e ke li bua shi ọ, ijesu ọọ, “Egbọ ebe, ẹgbọ agbhotu onana e khi. Ẹ mhila ọlẹlẹ ọnyaloa, ama aa ya mẹ ọnyaloa okhọghuo, sẹ ni ọlẹlẹ oyi iJona ọmekẹguele.§

* 11:15 Li zẹ iMat 9.34; 10.25 † 11:16 Li zẹ iMat 12.38; 16.1; iMak 8.11 ‡ 11:23 Li zẹ iMak 9.40

§ 11:29 Li zẹ iMat 16.4; iMak 8.12

30 Abi iJona o khi oḷeḷe na eḡbo iNineve, igho Omi oḡbo o gbo li ya khi oḷeḷe na eḡbo ena agbhotu ona.*

31 Oghie-okpotso oyi eke iSheba o ya shito ukpekhomhi ezo ya gue agbhotu ona ezo, o pfa ezo mu we, irari khi o ke rote eke odonuḗ bhale ya ri eso suo ungmemhi eḡbhali oyi oghie iSolomoni, ama oḡbo ni o fu doḡe iSolomoni o la akana.†

32 Eḡbo iNineve e ya mu ezo vule shi agbhotu ona o, e pfa ezo mu we irari khi e mu pfi abi iJona o ro ya ri ungmemhi oyi Eshineḡba tse abo ye we, memena oḡbo ni o fu doḡe iJona o la akana.‡

Egbegbi ákpá

(iMat 5.15; 6.22,23)

33 “Aa me oḡbo ni o ya ri ákpá ru ni o ya ri oḷi sheli, eri o ri ochogho ya rue oḷi nga ashini o yagha, ni a bhale ya e khi eḡbo ni eḡe lole e me eke.§

34 Ikpamhalo eye e khi ákpá oyi idiegbe oye. Ini ikpamhalo eye eḡe me eke eḡbegbo, idiegbe oye nya o khili ákpá. Ama ini u tase alo-a, idiegbe oye nya o khili alo ebili.

35 Itobo ona khi ze ni ákpá oye o khi alo ebili.

36 Ini idiegbe oye e khili ákpá ni obili o a ro la ashikhoghwo o, eri o ya ke ge nyanyanya abine khi ákpá o nga oḡbo egbe.”

Epfua esesa

(iMat 23.1-36; iMak 12.38-40)

37 Abi iJesu o ro ngme se, iFarisi oghwo o lu oḷi o bhale ya nu luḗ le eminale. O lo deba li ya shito shi oni eminale.

38 Ama abo e sha oni iFarisi abi o ro me khi iJesu o a kpe abo a neni o le emhi.

39 Igho Onomhue oḷi li, “Wa me mena khi eḡe eḡbo iFarisi khi eri a kpe ukhokho uko ali itasa eye-a, ama elemhi oyeḡe o vo emhi ituegbe ali okholo.

40 Eḡe eḡbo eyeḡe! Oa khi Eshineḡba ni o riḗle ukhokho o o gbolo e riḗle elemhi o?”

41 Ama a rue emini e la elemhi uko ali utasa na eḡbo ni ea mhue, eḡheḡhe agho emhikpa e ya pfuase na e.

42 “O ma a kholo eḡe eḡbo iFarisi egbe gba, itobo khi a guḗ ze aze-oghwo-igbe ebe akhokho, ali ebe alagho ali ebe elese ni a rote ogba e khiḡe, emini ea lolo mu eloe. Ama igue-so-ezo ali inono onayi Eshineḡba, a ri obo gbe we shi. Ena e khi emini a kha mema ke riḗle, ma eni a riḗle eḡho.*

43 “O ma a kholo eḡe eḡbo iFarisi egbe gba, irari khi ukpekhomhi ni o yagha a nono elemhi owa ugamhi ali otse ekpe elemhi oki.

44 “O ma a kholo e egbe irari khi eri a li abi uji oyi eḡbo ni oḡbo o a shi oḷeḷe shi ni eḡbo e lighi e doḡe, ni ea lese.”

45 Oseḡe ushi oghwo o sḷi o, oo, “Oseḡe, ini u wa ngme enana, eri u li ri anye ma o me bie.”

46 IJesu o sḷi o, oo, “O ma a kholo eḡe ni a seḡe Ishi eyi iMosisi egbe, irari khi eri a so itsua ni eḡbo ea doḡe ya tsua na we tsua, ama eḡe aa lama ya tsua ugegemo.

47 “O ma a kholo e egbe irari khi eḡe a manḡ iji na emeḡeḡe ni itita e e gbolo-a.

* 11:30 Li ze iJona 3.4 † 11:31 Li ze 1Ighie 10.1-10; 2Okhe 9.1-12 ‡ 11:32 Li ze iJona 3.5 § 11:33 Li ze iMat 5.15; iMak 4.21; iLuk 8.16 * 11:42 Li ze iLev 27.30

⁴⁸ Eri a pfi ɔtsele shi ɔ, a gbo mu ma emini ititae e riɛle irari khi wewe e gbolo emekeguele eyi Eshinegba a, ee a manɔ iji na we.

⁴⁹ Itobɔ ona, rote ileasingme oyi Eshinegba, ɔ rɔ liɛ, 'Mhi ya ghie emekeguele ali ighiusomhi na kee ghi we, e ya gbolo eghuo ɔ-a, e mu okhɔli vule shi elese ɔ.'

⁵⁰ Itobɔ ighɔ Eshinegba ɔ ya mu ota sɔ egbɔ ena agbhotu ona, shi ɔlia eyi emekeguele nya, rote egeheɛ ni agbɔ ona o te gba eke le.

⁵¹ Rote ɔlia eyi Ebeli ya ramhi ɔlia eyi iZakaraya ni a gbe-a shi iteva Owa oyi Eshinegba ali atete. Ighɔ lo! Mhi gueye e khi a ya na e osue to ɔ.†

⁵² "O ma khɔɔ ee ni a lese Ishi eyi iMosisi pfo egbe, irari khi a she rue okpe ni a rɔ e khueghie ode ileasingme sheli. Ee na, aa lama lo, egbɔ ni e nono ni wewe e lo, aa ze ni e me asha dose lo."

⁵³ Abi ijesu ɔ rɔ rote aghɔ vu, egbɔ iFarisi ali esese Ishi eyi iMosisi e mu okhɔli vule shi ɔli ɔ egbegbo. E ri omhila ododa a khi ɔli ode.

⁵⁴ Ini e ba me asha mu ungmehi mhɔli ɔli obɔ.

12

Ijesu ɔ tse agua shi iri-ugamhi-kualo

(iMat 10.26-27)

¹ Egeheɛ ana ebubu egbɔ agbele agbele e legba, ni o ramhi ni e rɔ lighi egbewe, ijesu ɔ nu eniye odukhokho eyɔli ngme, ɔɔ we. "A mu egbe e shi iri-ugamhi ku alo oyi egbɔ iFarisi ni o li abi ifuma ni a rɔ ma ibuledi e nye."*

² Irari khi aa me emini a rɔ sheli ni ɔa ya lasela, wekhi eri a me emini a khukhu ni ɔa ya khueghie-a.

³ Ungmehi ni u ngme eliyose a ya suɔ ɔli ele ɔguota. Emini u nyese ogbo eso gueye elemhi owa aza, a ya suɔ ɔli eko ukhomhi owa.†

Oni a ya na ulishi

(iMat 10.28-31)

⁴ Emɔle mhe, abi o la mhi li gue ɔli e ye e, a khi na ulishi egbɔ ni o khia khi idiegbe e lese dobe ya gbe-a, ini e gbe idiegbe-a, ea ke mhue emhi olese ni e ke dobe ya li.

⁵ Ama mhi ya gueye e oni a ya na ulishi. A na ulishi Eshinegba ni ɔ mhue itoto ni ɔ kha gbe ogbo a se, ɔ gbo pfi ɔli lo ilimhi iriere. Abi o li mhi li gue ɔli e ye e, a na ulishi oyoli.

⁶ ɔa khi ikobo eva a ri ipfeli isuesue oshe e de? Ama abi o rie khi ighɔ, Eshinegba ɔa ye le ongewe okhoghuo a. ⁷ Egbegbo lo khi, Eshinegba ɔ she leli itsu ni e la e ukhomhi nya. Itobɔ ighɔ a khi ze ni ulishi o mu e, irari khi a mu eloe dose ipfeli isuesue ebubu.

Eni e migha na ijesu ali eni e kie ɔli

(iMat 10.32,33; 12.32; 10.19,20)

⁸ Abi o li mhi li gue ɔli e ye e khi, oni ɔ da lama gue ingme oyemhe ye egbɔ ne, Omi ogbo ɔ li ya gue ingme oyoli ye igeni eyi Eshinegba.

⁹ Ama oni ɔ da kie mhe ukpeloe egbɔ, mhi ya li kie ɔli ukpeloe igeni eyi Eshinegba.

¹⁰ Ogbo ni ɔ da ze emuebe na Omi ogbo ne, a ya gbekua na li. Ama ogbo ni ɔ da pfi unu-a deba Ayemhe-no-pfuase, ogbo a ya gbekua na li.‡

† 11:51 Li ze Igbae 4.8; 2 Okhe 24.20-21 * 12:1 Li ze iMat 16.6; iMak 8.15 † 12:3 Li ze iMak 4.22; iLuk 8.17 ‡ 12:10 Li ze iMat 12.32; iMak 3.29

11 Ini a rue ẹ bhale owa ugamhi oyi ẹgbọ ifu ali ẹgbọ eni ẹẹ mhẹsẹ ali enighie, a khi zẹ ni a yele abi a ya ngme, ali abi a li ya pfa egbe ẹ shi ekẹ.

12 Irari khi Ayemhẹ-nọ-pfuasẹ ọ ya sẹsẹ ẹ abi a ya ngme oni ẹghẹghẹ. §

Okhẹ irọkhọkhọ oyi oyẹghẹ

13 Ogbọ oghuo elemhi eni ebubu ẹgbọ ọ lu iJesu, ọọ li, “Osẹsẹ kpekpe gueyẹ inyoghuo-mhẹ ni ọ kemhi ugu na mhẹ.”

14 IJesu ọ sọ ọli ọ, ọọ, “Oghuo ọ zẹmhẹ shi ọni ọ rẹ ẹ a gue ẹzọ ali ọni ọọ kemhi ugu na ẹgbọ?”

15 Ighọ ọ gueyẹ wẹ nya, “A mu egbe ẹ shi emhi ituegbe, irari khi agbọ oyi ọgbọ ọa migha nga ukhomhi ẹpfue ni ọ mhue.”

16 Ọ zẹ okhẹ irọkhọkhọ ona khasẹ wẹ, ọọ wẹ, “Ekẹ oyi ọmọsẹ ni ọ pfue oghuo, o lolo ti emhi na li.

17 Ọni ọmọsẹ ọ shitọ sa, Ọọ, ‘Sẹ mhi li ya kia eghọ? Mhi a mẹ asha ke ri emhi ya shi aka oyemhẹ.’

18 “Ighọ ọọ, ‘Emini mhi ya riẹlẹ na. Mhi ya guọghọ aka oyemhẹ-a, mhi ya tọ aka onofunẹ olese ni mhi rọ sọ iakpa ali itsua elese shi.

19 Eghẹghẹ aghọ mhiẹ egbemhẹ, Ọmuẹ u zẹ ukhomhi onete gba e! Irari khi u mhue ẹpfue ni e bububu, ni e ya tsua-ẹ ramhi ikpe ebubu. Ka yemhẹ-a, ke le, ke da. Wa li agbọ abi o ghọle ẹ.’ ”

20 “Ama Eshinẹgba ọọ li, ‘Yeyẹ oyẹghẹ! U ya ghu-a amiọsẹ; mena oghuo ọ ke ya mhọli eni ugu ni u she ti ma na egbe ẹ?’

21 “Ighọ o ya li ọgbọkpa egbe ni ọ da ti ẹpfue ma na egbọli, ni ọa mhue ẹpfue oyi emini o mu Eshinẹgba ẹloe.”

A khi ke sa usamhi agbọ

(iMat 6.25-34)

22 Ighọ iJesu ọ gueyẹ eniyẹ odukhokho eyọli, ọọ wẹ, “Irarighọ, a khi zẹ ni usamhi emini a ya le ali usamhi emini a ya da, o nasẹ ẹ, wẹkhi usamhi idiegbe oyẹ emini u wa sọ.

23 Agbọ oyẹ o mu egbe dọsẹ eminale, idiegbe oyẹ o gbo mu egbe dọsẹ ode ni a sọ ẹ shi ọ.

24 A bino ipfeli na ukhomhi idane, ẹa rọ kọ wẹkhi eri ẹẹ khiẹsẹ, ẹa mhue ashini e tsua eminale a shi wẹkhi eri e mhue aka, ama eri Eshinẹgba ọ rọ na wẹ a le. A mu ẹloe dọsẹ wẹ!

25 Ongeẹ onoghuo ọ ya dobẹ ri irari inyama-egbe oyọli khi ogbele oghuo ma agbọ oyọli?

26 Aborokhia khi u wa ya dobẹ riẹlẹ ukuku emhi onana, elọ o zẹ ni u rọ a nasẹ egbe ẹ shi emini e kpọle?

27 “Sa ọ bino abi ebuli idodo e li ẹ fu. Ea ya gbe akanya wẹkhi eri ẹẹ do ide. Ama mhi gue a yẹ ẹ khi egbegbi iSolomoni ni ọ tseku lighọ mhue itsua ni e somhi otse, ọa khue akhue nabi ebuli okhoghuo o khue.*

28 Eẹ ni a mhue ukuku irudunga, ini o khia khi ighọ Eshinẹgba ọ ri ide ku ebuli egbe, ni e kha laọ amo, akọ a tosẹ wẹ-a, sẹ u ke liẹ sa khi ọa ya li ri egbegbi itsua sọ ẹ?

29 “Irarighọ, a khi ke sa emini a ya le ali emini a ya sọ; a khi zẹ ni o nasẹ ẹ udu.

30 Irari khi ẹgbọ ena agbọ ona nya, wẹwẹ e na khu emhi enana, ama Ita ẹ ni ọ la iloghie ọ lesẹ khi e to ẹ.

§ 12:12 Li zẹ iMat 10.19-20; iMak 13.11; iLuk 21.14-15 * 12:27 Li zẹ 1 Ighie 10.4-7; 2 Okhẹ 9.3-6

³¹ Ochoghọ emiemini u wa rięę nya, zę ni Eghiele oyi Eshinęgba o khi onododę, emhi elese ni u wa nono nya, ọ ya ręwę ma ọ nę.

Epfue na obini iloghie

(iMat 6.19-21)

³² “A khi zę ni ulishi o mu ę, ęę ikuku isumha, irari khi oghuęmhę oyi Ita ę o khi ni ọ rọ ri oni eghiele na ę.

³³ A ri emhikpa ni a mhuę dę, a kemhi eni ikpaghọ na eni ęa mhuę. A zę ni a mhuę ękue ukpaghọ ni ọa ya khakha, ali ni a gbo mhuę epfue shi iloghie ni ọa ya pfo wękhi oghiatọ ọ mę asha a ti bhale ọ, wękhi ifu e mę asha a tọwę,

³⁴ Irari khi ashini epfue oyę o la, aghọ udu oyę ọọ la.

A mu egbe shi ekę khę ibhale oyi Onomhuę

³⁵ “A mu egbe shi ugamhi, a zę ni ikpa eyę ę e ke gę.†

³⁶ Abi eni ę ga ọgbọ e migha khę ijele oyi ọni ọ mhuę wę ni ọ ye ukue ni a rọ a rue ọkpotoso, ini ọọ bhale ni ọ rọ kpheli obọ odę, e nyanya khueghie odę a na li aghoaghọ.‡

³⁷ O ma ti eni ę ga ọgbọ eghọ egbe ini ọni ọ mhuę wę ọ bhale ya ę khi e mu egbe migha khę luę. Abi o la mhi gue a ye ę khi, ọ ya mu egbe akanya, ọ lu we, ọ nu wę shito, ọ ri eminale na wę le.

³⁸ Oghęlę o ya khi na eni eni ę ga eghọ ini ọni ọ mhuę wę ọ bhale ya ę khi e mu egbe shi ekę ini o tseku khi itsotso ogbię, o ke khi ini ogbe o ya gbe ọ rọ bhale.

³⁹ A lęşę ona khi ini ọni ọ mhuę apfę ọ lęşę eghęghę ni oghiatọ ọ rọ ọ bhale ọli owa ya do lọ, ọa kha zę ni ọ lo ọli owa ya do.

⁴⁰ Eę oyęę a ke mu egbe, irari khi Omi ọgbọ ọ dobę ya bhale eghęghę ni aa sa shi.”§

Oni ọ guę ęę ga ali ọni ọa guę ęę ga

(iMat 24.45-51)

⁴¹ IPita ọ mhila li, ọọ, “Onomhuę anye u kpe ekpita ona ye abi ọgbọkpa?”

⁴² Onomhuę ọọ li, “Oghuo ọ fę khi ọni ọręloekhu, ni ọ mhọli ilęsingme, ni ọọ gbe akanya te odę igęsikia, ni ọga ọyọli ọ ri apfę nga obọ, ni ọ gueyę ọli ọ ri eminale na eni ę ga li ke le shi eghęghę?

⁴³ Ikhivọşę o khi na ọni ọ ga ọgbọ oghọ, ini ọga ọyọli ọ bhale ya ę ọli shi iguę-rięlę.

⁴⁴ Mhi gue a ye ę khi eri ọ ya ri emini ọ mhuę nya nga ọli obọ.

⁴⁵ Ama ini ọni ọọ ga ọgbọ oghọ ọ la udu oyọli lię, ‘Oga oyęmhę ọ she tęşę ę doşę,’ ni ọ rọ gbe eni ęę ga eni ikpotso ali eni emọşę ni a rọ shi ọli obọ, ọọ le, ọọ da, onyọ ọọ gbe ọli.

⁴⁶ Eri ọni ọga ọyọli ọ ya bhale ęlę ni ọa sa shi ni ọa ri ęloe shi ekę ę khę ọli, ikhi eghęghę ni ọa sa shi. Oni ọga ọyọli ọ gbe ọli, ọ kuale ọli utse, ọ ghie ọli abo pfilo deba ęgbọ umha-sueso.

⁴⁷ “Ama ọni ọọ ga ọgbọ oghọ, ni ọ lęşę oghuęmhę oyi ọga ọyọli, ni ọa mu egbe ni ọ rọ rięlę oghuęmhę oyọli, a ya gbe ọli itali, a nali osoli eghęgbọ.

⁴⁸ Ama ọni ọ ga ọgbọ ni ọa lęşę oghuęmhę oyi ọga ọyọli ni ọọ rięlę emini o ye ni a gbe ọli shi, a ya gbe ọli ukukuọ. Irari khi ọni a ri emini e bu na, emini e bu a ya mhila li. Ọni a ri emini e lolo bu nga obọ, emini e lolo bu a ya mhila li.

Ijesu ɔa ri opfomhɛ bhale ama okemhi

(iMat 10.34-36)

⁴⁹“Erali mhi bhale ya pfi shi ekɛ agbɔ ona. Abi a khɛ khi e she a lala.

⁵⁰Mhi mhue ibatizi ni mhi ya mie shi egbe. Egbe ɛa ke sheshe mhɛ ne ini mhia li mie ɔli se.*

⁵¹Eri a dabi khi opfomhɛ mhi rɔ bhale ekɛ agbɔ? Iye! Okemhi mhi rɔ bhale.

⁵²Rɔte memena vu, ɛgbɔ oshe ni e la omhue-apfɛ oghuo e ya kemhi egbe. Aasɛ ɔ e mu okhɔli vule shi aava ɔ, aava ɔ e mu okhɔli vule shi aasɛ ɔ.

⁵³Ita ali omiɔli onomose e ya mu okhue vule shi egbe wɛ ɔ. Inyɔ ali omiɔli onokpotso e mu okhue vule shi egbe wɛ ɔ. Inyɔɔɔ ali ɔsami ɔli, e ya mu okhue vule shi egbe wɛ ɔ.”†

Ilesɛ emini ɛghɛghɛ o ngme

(iMat 16.2,3)

⁵⁴Ijesu ɔ gueye eni ɛgbɔ nya, ɔɔ, “Ini a da mɛ khi otughunu o gbe shi obini ovɔ o te ɛ tiemhi eko ne, aghɔaghɔ a liɛ khi amɛ o ya ruɛ, amɛ o ruɛ esheshighɔ.

⁵⁵Ini akpekpeli o rɔte ukiɛkiɛ ɔgobɔ ini a sɔ alo ghue obini ovɔ o te ɛ lo eko ɛ li ne, ɛ khi ogbe o ya nye amo, esheshighɔ o lighɔ.

⁵⁶Ɛɛ erugamhi-ku-alo, a lesɛ abi a liɛ bino abi ekɛ ali ukhui o ngme, a guele abi ogbe o ya li. Elɔ o zɛ khi aa lesɛ abi ɛghɛghɛ o ngme memena?

Yeɛ ali ɔbe ɛ a rɔ nu egbe riɛɛ

(iMat 5.25-26)

⁵⁷“Elɔ o zɛ khi a gueye egbe ɛ emini o te odɛ ni a ke riɛɛ ɔli?

⁵⁸Abi yeɛ ali ɔni ɔ luɛ ɛzɔ a liɛ ke le ikɔtu, rɔsheka ni a rɔ riɛɛ neni a ramhi ikɔtu. Ini ɔa khi ighɔ, eri ɔ ya ti ɛ bhale ufuɛɛ oyi ɔsɔ-ɛzɔ, ɔni ɔsɔ-ɛzɔ ɔ muɛ ghi ɔni ɔ omhɛsɛ, ɔni ɔ mhɛsɛ ɛghɔ muɛ ya pfilo owa ighumha.

⁵⁹Mhi gueye ɛ khi u wa ya tigbe lase aghɔ le, ini u wa li fali oko ni a ya fiɛ pfo nya.”

13

Ini ɛɛ aa li mupfi eri a li ya pfua

¹Ɛghɛghɛ aghɔ, ɛgbɔ eghuo ni e la aghɔ e gueye ijesu abi oghie iPaleti ɔ ku ɔlia eyi ɛgbɔ iGalili eghuo ni ɔ gbolo-a ma ɔlia eyi elamhako ni a rɔ luasɛ obo.

²Ijesu ɔɔ wɛ, “Eri a dabi khi olamhɛ eyi eni ɛgbɔ iGalili eghɔ e dɔsɛ olamhɛ eyi ɛgbɔ iGalili ni e kpɔle, ni o zɛ khi e ghɔ na wɛ osue?

³Iye! Aa khi ighɔ, ini ɛɛ aa li mupfi, ighɔ ɛɛ a ya li pfua.

⁴Abi khi eri a dabi khi ɛgbɔ ogbalale ni owa atonga ni o la ekɛ iSiloamu o de mu gbolo-a eghɔ, khi olamhɛ eyewɛ e khɔlɔ dɔsɛ eyi ɛgbɔ ni e kpɔle ni e la iJerusalemu?

⁵Iye! Mhi gue ɛ ye ɛ khi ini ɛɛ aa li mu pfi, ighɔ a li ya pfua.”

⁶Aghɔ ijesu ɔ la zɛ okhɛ irokhokhɔ oyi ɔara okhua-eni ni ɔa ya mɔ. ɔɔ wɛ, “Omose oghuo ɔ ko okhua-eni shi ogba upfonu. ɔ je ɔ ya bino ini lɔli mɛ udumhi ɔ pfa, ama ɔa mɛ emhikhoghuo ɔ.

⁷ɔ gueye omose ni ɔ ri ɛloe a khu oni ogba upfonu, ɔɔ li, ‘Oonokpe-esɛ na ni mhi te ɛ kiasɛ oni ɔara ona ini mhi mɛ udumhi ɔ, mhia mɛ okhoghuo. Ka khi ɔli-a, elɔ o zɛ ni o rɔ le ekɛ shi afue?’

* 12:50 Li zɛ iMak 10.38 † 12:53 Li zɛ iMika 7.6

8 “Oni omose o lema oni o mhue oni ogba ipfonu, oo li, ‘Oga kpekpe ze oli obo ukpe ona bino ni mhi gua gasẹ udi oli, ni mhi ku ifatalaza shi o bino.

9 O kha mo idumhi ishukpe, o ti, ama ini o a ke mo, u khi oli-a.’ ”

Ijesu o ri okpotso ni o guoghọ-a ze ele iyemhea.

10 Ele iyemhea, ijesu o la owa ugamhi u sese egbo.

11 Okpotso oghuo o la agho ni o khia khi o gbe ikpe igbelele ni ayemhe okphaghiẹ o te mu oli gono-a. Eri o ke nyese, o a ke dobe e vule migha.

12 Abi ijesu o ro me oli, o lu oli lasela, oo li, “Kpotso, ughuamhi oye o she pfo.”

13 O ri abo nga oli egbe, aghoaghọ oni okpotso o vule migha, o kueghie Eshinegba.

14 Elemhi e bi oni o mhese shi oni owa ugamhi khi ijesu o ri oni okpotso ze ele iyemhea. Oni omose oo egbo ni e le gba, “Ogbele esesa e la efo uka ni awa ro o gbe ikanya, a ke bhale eni ogbele esesa egbo ni a la o re e ke ze, ama a khi ke bhale ele iyemhea.”*

15 Onomhue o so li o, oo, “Ee egbo eri ugamhi ku alo, o a khi eri a taghie ichi ali ikphere eye-a shi ashini a geno we shi, a rue we je oke ya da ame ele iyemhea?”

16 Elo o ke ze ni okpotso ona ni o li khi omiomi Aburaamu ni okphaghiẹ o she geno ikpe igbelele, ni aa ro li ya taghie oli-a ele iyemhea?

17 Abi ijesu o ro ngme ona se, omama o mu egbo ni e mu okholi vule shi oli o, ama ikanya onyaloa nya ni o gbe o ri egbe e mu eni egbo.

Okhe irokhoko oyi ukpamhi oara imositadi

(iMat 13.31-32; iMak 4.30-32)

18 Ijesu o mhila we, oo, “Se Eghiele oyi Eshinegba o fe li? Elo mhi fe ya ri oli khoko?”

19 Eri o li abi ukpamhi oara imositadi ni ogbo o rue ya ko ogba. Oo fu, o mele ukpokpomhi oara ni ipfeli e ku eko shi iguabo eyoli a.”

Okhe irokhoko oyi ifuma

(iMat 13.33)

20 O gbo ro mhila we, “Elo mhi fe ya ri Eghiele oyi Eshinegba khoko?”

21 Eri o li abi ifuma ni okpotso o ro ma italabi ifulawa ese wushe ni o fuma shio.”

Ode na pfi

(iMat 7.13,14,21-23)

22 Eghẹghẹ agho, ijesu o kiakia eoli khi eoli, o sese egbo abi o li je ijerusalemu.

23 Ogbo oghuo o mhila li, oo, “Onomhue, ikuku egbo tse Eshinegba o ya mie pfuese?”

Ijesu oo we,

24 “A rosheka ni a rote unu-ode na pfi lo. Mhi gue a ye e khi ebubu egbo e ya rosheka ni wewe e lo, ama, ea ya dobe.

25 Itobo khi ini oni o mhue owa o da vule ya pfi okpe ode ne, eri a mema migha olase ke kpheli ode shi afue, a lema, a lie, ‘Oga kpekpe khueghie ode a na anye.’

“Ama o so we o, oo, ‘Mhi aa lese e wekhi eri mhi lese obini a te bhale.’

26 “Eghẹghẹ agho, a ya lie, ‘Anye nu e le, anye nu e da, u gbo la ifu apfe eyi anye e sese.’

* 13:14 Li ze Okiali 20.9-10; iDeut 5.13-14

²⁷ “Ama ọ ya gbo liẹ, ‘Mhia lẹsẹ obini a te bhale. Eẹ nya a vu mhẹ ana lasele, eẹ ẹgbọ ọkhọlọ.’[†]

²⁸ Aghọ ẹgbọ e la ke viẹ, eẹ gbe akọ akọ, ini a mẹ Aburaamu ali Aziki ali iGiekọpu ali emekeguele obini Eghiele oyi Eshinegba ama a khu ẹ ya lase.

²⁹ Egehẹ aghọ ẹgbọ e ya rọte obini ovọ o te ẹ ngale ali obini ovọ o te ẹ lo eko, ali ukiẹkiẹ obita ali ukiẹkiẹ ọgbọ ini a sọ alo ghue obini ovọ o te ẹ lo eko bhale, e ya shitọ shi ukue na Eghiele oyi Eshinegba.[‡]

³⁰ A bino khi a ya mẹ ẹgbọ eghuo ni e kpe kpe ukhokho e ya kpe odalo, ẹgbọ ni e kpe kpe odalo e ya ke kpe ukhokho.”[§]

Ingme oyi iJerusalemu o to iJesu egbe

(iMat 23.37-39)

³¹ Egehẹ aghọ ẹgbọ iFarisi eghuo e bhale deba iJesu, ẹ ọli, “Vu ana lasele irari khi oghie Erodu ọ nono ni lọli gbe-a.”

³² IJesu ọọ wẹ, “A ka gweye ọni anyakọ ọghọ, ‘Khi mhi ya khu ayemhẹ ọkphaghiẹ ẹgbọ egbe lasele ali mhi gbo ri ẹgbọ ya ze amo ali akọ, ama akọpfua mhi ya gbe akanya oyemhẹ pfo.’

³³ Abibi o riẹ li, mhi mema ya ti okiali ke je odalo, amo ali akọ ali akọpfua, irari khi ọmekẹguele ọkhọghuo ọa khi ọni ọ mẹ asha a ghu shi ẹoli oboese sẹ ni iJerusalemu.

³⁴ “Eekhue-oo! IJerusalemu, iJerusalemu. Eẹ ni a gbolo emekeguele-a, ni a gbolo ẹ tonon eni a ghie ghi ẹ echẹ, iti-ingme o ghọle mhẹ ni mhi kono imiẹ kugbe, abi ọkhokho ọ liẹ kono imi ọli shi ifu ipfua, ama ọa ghọle ẹ!

³⁵ A bino khi apfẹ oye ẹ khi ikpukpu igbe e ke khi. Khi ọgbọ ọa ke la ọ, mhi gue a ye ẹ khi aa ke ya mẹ mhẹ, sẹ ini oni egehẹ o ramhi ni a ke rọ a liẹ, ‘Eshinegba ọ khi vọsẹ na ọni ọ ri eva oyi Ọnọmhuẹ bhale.’ ”*^{*}

14

IJesu ọ gbo ri ọgbọ ze ẹlẹ iyemhẹa

¹ Ogbeleghuo ẹlẹ iyemhẹa, iJesu ọ je apfẹ oyi ọkhemhuẹ iFarisi ọghuo ya le eminale, ẹgbọ e ri ẹloe mema shi ọli egbe ni e mẹ emini ọ ya li.

² Itobọ khi ọmọsẹ ọghuo ọ la aghọ ni ọ fumhi abọ ali awẹ.

³ IJesu ọ mhila eni iFarisi ali eni ẹ sẹsẹ Ishi eyi iMosisi, “O fẹ ti elemhi Ishi eyi iMosisi ni ọgbọ ọ rọ ri ọgbọ ze ẹlẹ iyemhẹa, abi khi ọa ti?”

⁴ Ama ẹa pfa shi ọli eke. Ighọ ọ pfi obọ rue ọni ọmọsẹ, ọ rọli ze, ọ rue ọli obọ-a, ọli ọ ke je.

⁵ Ọ mhila wẹ, ọọ wẹ, “Ọngẹẹ ọnọghuo ọ ya mhọli ọmọ, o ke khi ẹna ni ọ ya de pfilo ilija ni ọa ya nyanya mu ọli ọ lasele, ini o riẹkhi ẹlẹ iyemhẹa?”*^{*}

⁶ Ẹa mẹ sọ shi ọli ọ.

IJesu ọ sẹsẹ osẹsẹ iregbe-tiemhi eke

⁷ IJesu ọ mẹ abi ẹgbọ eni a lu bhale oni ukue, e li ya shitọ ashini o mhue ekpe shi oni ukue, ọ zẹ okhẹ irọkhokho khasẹ wẹ, ọọ wẹ,

⁸ “Ini ọgbọ ọ lu ẹ bhale ukue ni a la rue ọmueshi khi kpe tode ya shitọ ashini o mhue ekpe, itobọ khi, otse a she li kpe lu ọgbọ ni ọ mu ẹloe dọsẹ li shi oni ukue.

[†] 13:27 Li zẹ Iwolo 6.8 [‡] 13:29 Li zẹ iMat 8.11-12; 22.13; 25.30 [§] 13:30 Li zẹ iMat 19.30; 20.16; iMak 10.31 * 13:35 Li zẹ Iwolo 118.26; iJere 22.5 * 14:5 Li zẹ iMat 12.11

⁹ Ini a meŋ ghō, ɔni ɔ lu e shi ukue, ɔ ya bhale deba e, ɔɔ, ‘Kpekpɛ vule ni ɔmɔse ɔna ɔ shito.’ Eghɛghɛ aghɔ u ri omama ya shito ukpekhomhi onikeke.

¹⁰ Ama ini a lu e shi ukue, kpe ya rue ukpekhomhi onikeke shito na rɔ bhale ya e khi ɔni ɔ lu e shi oni ukue ɔ bhale deba e, ɔɔ ‘Omue, vule je ukpekhomhi ni o yagha.’ Eghɛghɛ aghɔ u mhue ekpe shi ukpeloe oyi ɔgbɔkpa ni ɔ ga la oni ukue.*

¹¹ Irari khi ɔni ɔ da ti egbɔli nga, a ya ti ɔli tiemhi, ama ɔni ɔ da ti egbɔli tiemhi, a ya ti ɔli nga.”‡

¹² Ighɔ iJesu ɔ gueye ɔni ɔ lu ɔli shi oni ukue, “Ini u ya nye ekhe feli egbo, khi lese lu emole e, ali inyoghuo e, ali egbo eye ali eni e pfue tse, irari khi e li dobe e ghie lu e shi ekhe ni e nye elelese, ni o li abineŋ khi e she fali e ota to ɔ.

¹³ Ama ini u mhɔli ukue, luno egbo eni e mhɔli ali egbo eni e mhɔli awe e kia ali eni e guoghɔ awe-a ali ezalo.

¹⁴ Eghɛghɛ aghɔ u mhɔli ikhivoŋe. Itobɔ khi e ya dobe fali e oru to ɔ. U ya me eleli ogbele ite-eghuli-guale oyi egbo ni e pfuase.”

*Okhe irɔkhokho oyi ukue Oniemhi
(iMat 22.1-10)*

¹⁵ Abi ɔmɔse ɔghuo ni e ga shito shi eni ekhe, ɔ rɔ suo abi iJesu ɔ ngme, ɔɔ li, “Oghɛle ɔ ya khi na ɔgbɔ ni ɔ ya la ukue na Eghiele oyi Eshineŋba le emhi.”

¹⁶ IJesu ɔ so ɔli ɔ, ɔɔ li, “Omɔse ɔghuo ɔ mu egbe ni ɔ rɔ ya mhue ukue oniemhi. ɔ lu ebubu egbo shi oni ukue.

¹⁷ Eghɛghɛ oni ukue o ramhi, ɔ ghie ɔni ɔɔ ga li ghi egbo ni ɔ lu shi oni ukue, ɔ ɔli ɔ ka gueye we, ɔ lie, ‘A bhale khi mhi she mu egbe se.’

¹⁸ “Ama ɔgbɔgbɔ ɔ guele emini o ze khi lolɔ a ya me asha bhale. ɔni odode ɔɔ li, ‘Mhi lese de eke ishemhi, mhi ya le ya bino ɔli. Kpekpɛ khi wola.’

¹⁹ “Olese ɔɔ li, ‘Mhi lese de ena agbhagbhamhi ishe ni a ge toma aava aava kugbe, ni a rɔ gua ishemhi. Mhi ya le ya rewe gbe akanya bino. Kpekpɛ khi wola.’

²⁰ “Ighɔ olese ɔɔ, ‘Mhi lese rue ɔkpotso mhi aa ya me asha bhale.’

²¹ “Ighɔ ɔni ɔɔ ga ni a ghie eghɔ, ɔ nyene egbe ukhokho ya gueye ɔga ɔyɔli, abi eni egbo e ngme nya. Ighɔ elemhi e li bi ɔni ɔdapfe. ɔɔ ɔni ɔ ga li, ‘Nyanya fie je olase, ka kia ode ni e je ifu apfe nya, wolɔ egbo eni e mhue. Eni e ghu abo ali awe-a ali ezalo ali eni e dobe a kia bhale.’

²² “Ighɔ ɔni ɔɔ ga ɔgbɔ ɔ bhale, ɔɔ ‘Oga mhi she ye usomhi ni u ghie mhe, ama owa ɔa kie vɔ egbo ne.’

²³ “Ighɔ ɔni ɔga ɔ gueye ɔni ɔɔ ga ɔgbɔ ɔghɔ, ɔɔ, ‘Je ode ali ifu apfe ya lu we lole ni owa oyemhe o vɔ.

²⁴ Mhi gueye e khi ɔgbɔkhoghuo ɔa la egbo ni mhi ri ebe ghi ni ɔ ya ri unu mu eminale ni mhi nye.’ ”

*Emini o ya gbe e, ni u rɔ khi ɔmɔ odukhokho
(iMat 10.37,38)*

²⁵ Ebubu egbo e deba iJesu le iJerusalemu, iJesu ɔ nyene alo gueye we, ɔɔ we,

²⁶ “Ini ɔgbɔ ɔkhoghuo ɔ da nono ni lolɔ bhale deba mhe ni ɔa rɔ da kie itali ali inyɔli ali ughue ɔli ali imiɔli, ali inyoghuo ɔli, ali agbo ɔyɔli ne, ɔa ya dobe khili ɔmɔ odukhokho oyemhe. §

27 Ogbò ni ọa da tsua apfida oyọli ke deba mhe ne, ọa ya dobe khi omọ odukhokho oyemhe.*

28 “Ongẹe onoghwo ọ ya to owa atonga ni ọa ya kpe tode shito ta ingme ni o ya gbe ọli, ni ọ me ini loli ya mhue ikpagho to li pfo?

29 Ini ọa khi igho, ọ kha ri ọli gbe ni ọa ke ro dobe to li pfo, eri egbokpa ni e da me oni owa e ri oni omose ya ke li egia.

30 E lie, ‘Omose ona ọ to owa ama ọa ke dobe to li pfo.’

31 “Oghie onoghwo ọ nono ni loli ri okhue ghie oghie olese ni ọa kpe tode ya shito sa bino ini loli ya dobe ri egbo agbele igbe 10,000 ya nu oni oghie ogho ni ọ mhue egbo agbele uye 20,000 kholi?

32 Ini ọ me khi loli aa ya te ọli ọ, eri ọ ya nyanya ghie egbo ghi oni oghie abi ọa li ramhi ọli egbe ne, ọọ li ze ni wewe e ro riefe.

33 “Igho khi ogbo ni ọa rue emhikpa ni ọ mhue obo-a, ọa ya dobe khi omọ odukhokho oyemhe.

Ugbheli

(iMat 5.13; iMak 9.50)

34 “Ugbheli o ma ti gba, ama ini ugbheli ọa ke mhue iviolọ oyọli, se a ka gbo dobe ya ri ọli ke gbo mhue iviolọ oyi ugbheli?

35 Eghẹghẹ agho aa ke ri ọli ya riefe emhi okhoghwo, wekhi eri a ya ku ọli shi eke ni o ri eke wogho, ama eri a ke ya ku ọli kua.

“Oni ọ mhue esọ ọ ro suọ.”

15

Okhe irokhokho oyi osumha ni ọ wa-a

(iMat 18.12-14)

1 Igho ebubu emionoga ali ena olamhe e bhale ti mama iJesu ni e ro suọ ingmemhi ni ọ ngme.

2 Ama egbo iFarisi ali esese Ishi eyi iMosisi e, “Oni omose ona ọ kpe abo e mie egbo olamhe, ọ gbo nu we e le eminale.”*

3 Igho iJesu ọ ze okhe irokhokho khasẹ we, ọ,

4 “Ini o khia khi ongẹ e ọ mhue isumha egbhueshe, ni a ro bhale ya e khi oghwo ọ wa ọ a, se ọ ya li? Aa khi eri ọ ya ze oghwo ọa la egbhueshe eni e kpole obo shi ifu odagbe ifufu, ọ vu ya nono oghwo ni ọ wa egho, ramhi ni ọ ro ya me ọli mu?

5 Ini ọ me ọli, egbe e mu ọli, ọ mu ọli ta ike.

6 Ini ọ ramhi apfe, ọ luno emole ọli ali idogbapfe eyoli, ọọ we, ‘A bhale ya nu mhe ghele irari khi osumha oyemhe ni ọ wa, mhi she me ọli mu.’

7 Mhi gueye e khi ini ogbo olamhe ọ mu pfi, oghẹle o la iloghie dose ogbo oghwo ọa la egbhueshe ni e she pfuase ni e ke nono imupfi.

Ukpaghọ ni o wa

8 “Ini o khia khi okpotso ọ mholi ikpekhuhi igbe, ni ọ ro wase oghwo ọ-a, se ọ ya li? Ọa khi eri ọ ya ri akpa ru, ọ fuomhi owa nguene, ọ kuegbe-a nono ọli ramhi ni ọ ro ya me ọli rue?”

9 Ini ọ me ọli rue, ọ luno emole ọli ali idogbapfe eyoli, ọọ we, ‘A bhale ya nu mhe ghele irari khi ukpekhuhi oni o wa mhe-a, mhi she me ọli rue.’

10 Mhi gueye e khi igho igeni eyi Eshinegba e lie ghele ini ogbo olamhe oghwo ọ mu pfi.”

* 14:27 Li ze iMat 10.38; 16.24; iMak 8.34; iLuk 9.23 * 15:2 Li ze iLuk 5.29-30

Omọ oni o wa-a

11 Ijesu o gbo ze okhe irokhokho ona khasẹ we, o o we, “Omose oghuo o ya la o ni o mhuẹ eniye emose aava.

12 Onikeke ni o la o, o o itali, ‘Itamhe, kemhi ugu ni o ya khi oyemhe na mhe.’ Igho oni itali o kemhi oni ugu na we.

13 Oa tẹ se ne, oni omọ ogho o tsua ugu eyoli. O vu je eoli odonue oboese, o ya pfuse e pfue egho kua.

14 O pfuse e pfue egho nya kua se, ukpokpomhi okiamhi o lo oni ushishi ogho nya le. Oyemhe o gbe oli.

15 Igho o le deba omose ni o khi omọ eke agho. O ri egboli mele oni o o ga oni omose-a. O ghie oli je ishemhi oyoli ni o ri eminale na igulu eyoli ke le.

16 O nono ini loji me asha ke le eminale ni eni igulu e le kpole. Ama o gbokhoghuo o ba eminale na li.

17 Abi egbhali eyoli e ro tiemhile, o mhila egboli, ‘Oa khi eri ighumha eyi itamhe nya e me eminale a le, e keshe shi, ni mhi ro la ana ri egbe na okiamhi a gbe ya ghua!’

18 Mhi nyene egbe ya je apfe deba itamhe, ni mhi ya lie oli, Ita mhi she lamhe na Eshinẹgba ali yeye.

19 Mhia ke te oni abi a lu omie, rue mhe abi oghumha oghuo oye.’

20 Igho o vu ya je deba itali. Ama abi o li bhale ni o kie nuata shi apfe egho, itali o me oli, o mhuẹ ilelemhi na li. O na ya mu oli, o pfi abo gege oli uruli, o pfi oli elemhi egbe.

21 Oni omọ o o itali, ‘Itẹ, mhi she lamhe shi Eshinẹgba ali yeye o, mhia ke te ni a lu omie, ke rieje mhe abi eni e e ga e otuoghuo.’

22 Ama itali o luno eni e e ga li, o o, ‘Okuekhoogo! A nyanya a rue egbegbi itsua ni e somhi otse nya bhale so li. A rue ukhui shi oli obo, ni a ri ekuẹ so li.

23 A mu ena ni o khoro bhale ni a gbe oli-a ni awa mhuẹ ukue ke gheje gbii.

24 Irari khi eri omimhe ona o kpe ghu-a ama o she guale. Eri o kpe wa ama a she me oli rue.’ Igho e lu ukue, e gheje gbii.

25 Eghẹghẹ agho omioli onogbhali ni o kpe la ifui ishemhi o rote ishemhi jele. Abi o ro ti mama apfe, o suo eko ebola ali ishimhi.

26 Oni omioli ogho o lu oni o o ga oyi itali oghuo, o mhila li, o, ‘Elo a me?’

27 Oni o o ga o li, ‘Inyoghuo e o jele, ni ite o ro gbe ena ni o gbẹdi oghuo-a. Irari khi o jele shi itoto ali oghẹ.’

28 Igho elemhi e bi oni inyoghuo oli onogbhali ogho, o a ke lama lo owa le. Igho itali o le deba li, o lema li o lo le.

29 Ama o o itali, ‘Bino oonokpe-ingme ni mhi te la ana a ge, ni mhia a tigbe da ushi oye okhoghuo ghue, ama agboagbo wa tigbe mu elamhi okhoghuo na mhe ghue, ni emole mhe e li nu mhe gheje.’

30 Ama abi omie ona ni o tsua itsua e pfue eye ya pfuẹche kua na idegbe o ro jele, u ya gbe ena ni o gbẹdi-a na li.’

31 Itali o o li, ‘Omimhe, eghẹghẹ kpa u te nu mhe la akana, emhikpa ni mhi mhuẹ eye e khi.

32 Ama o ti ni awa gheje, irari khi eri inyoghue ona o kpe ghua, ama o she nyene egbe bhale agbo; eri o kpe wa ama a she me oli rue.’ ”

16

Okhe irokhokho oyi oreloekhu ona ikpamhika

1 Ijesu o zε okhε irōkhōkhō khase eniyε odukhokho eyōli, oō wε, “Omoε oghuo ni o pfue o la o, o mhue orelōekhu εpfue enayōli. A gueye oni omoε khi oni orelōekhu o pfuse luε εpfue-a.

2 Igho o lu oli, o mhila li, ‘Elo ona o khi ni mhi a suo idiegbe oye? Rokhasε mhe ghue abi u li gbe akanya oye irari khi waa ke gbolo ya khi orelōekhu oyemhe.’

3 Igho oni orelōekhu o sa o, ‘Se mhi li ya kia abi oga oyemhe o ro ya khu mhe akanya ena? Mhi aa mhue itoto ni mhi ro dobe ya gua ishemhi. Omama omhila kia-kia oō mu mhe.

4 Mhi lese abi mhi ya li ini εgbō e zemhe lo apfe oyewe le ini a khu mhe akanya.’

5 “Igho o lu εgbō ni e lo oga oyōli ota. O mhila onodode, ‘Ingme u lo oga oyemhe?’

6 “Oo li, ‘Igalō oili olivu egbhueshe asha elele.’ Oni orelōekhu oō li, ‘Mo ebe, shito khi we-a, ni u keke igalō egbhueshe asha ene.’

7 O mhila onuzava, ‘Ingme yeye u lo?’

“Oo li, ‘Ikpulu ado agbele.’

“Oo li, mo ebe shito khi we-a ni u keke egbhueshe asha eleli.’

8 “Oni oga ogho o kueghie oni orelōekhu ona ikpamhika ogho, irari khi o riεle ingme ikpamhika ni o li abi ileingme. Irari khi εgbō ena agbō ona e lese abi e li ri ikpamhika nu egbe ε ngeli dose abi εgbō ni e khi ena akpā ε li.

9 Mhi gue oli ε ye ε, a ri εpfue ni a mhue mu emole shi agbō ona ni a ro bhale ya ε khi ini e pfo, a ya ze ε lo iloghie.

10 “Ogbō ni a da dobe ri egbe ε nga shi ukuku emhi ni a ro nga li obō ne, o ya ze regbenga shi eminiemhi, ini a roli nga oli obō. Oni o da ze ri egbe ε da shi ukuku emhi ne, o ya ze ri egbe da shi eminiemhi.

11 Ini u wa ze ni a regbenga shi εpfue na agbō ni a ro shi ε obō, se a li ya ri egbegbi εpfue nge obō?

12 Ini o khia khi u wa ze ri egbe ε nga shi εpfue oyi ogbōese, oghuo o ya ri oye ne?

13 “Aa me oni oō ga ogbō ni o dobe ya ke ga ega aava utoghuo. Eri o ya nono ingme oyi oghuo, o nono ingme oyi onokpole. Oo suo eso na oghuo dose onokpole. Wa dobe ya ke ga Eshinegba u gbolo ε ga ukpaghō.”*

Oseε eyi ijesu eghuo

(iMat 11.12,13; 5.31,32; iMak 10.11,12)

14 Abi εgbō iFarisi ni e nono ingme ukpaghō dose e ro suo ona, e do ijesu okonyo.

15 Ijesu oō wε, “Eri a ngeli ukpeloε agbō ni a ro ke khase khi eni angeli oyewe o migha shi ipfuase a khi, ama Eshinegba o lese usamhi udu oyε. Emini εgbō εε bino khi oo mu εloe gba, eri oō kpase Eshinegba.

16 “Eri a ri Ushi oyi iMosisi ali emini emekeguele e keke gbe akanya ramhi εghεghε oyi iJoni Oni oō batazi εgbō. Rote εghεghε agho vu ya ramhi memena, eri a ri ungmemhi oyi Eghiele oyi Eshinegba a tse abo, ogbōkpa o rōshεka ini loli dobe lo o.†

17 O ya kele ni eke ali ukhuli ni e kelea, ama ukpamhi ungmemhi okhōghuo kpele o ya de Ishi eyi iMosisi pfi-a.‡

* 16:13 Li ze iMat 6.24 † 16:16 Li ze iMat 11.12-13 ‡ 16:17 Li ze iMat 5.18

18 “Omōse ni o da khu ughue ɔli pfa ni o ya rue ɔkpotso ɔlese ne, o she kia okia. Omōse ni o da rue ɔkpotso ni a khu ughue, o she li kia okia. §

Omōse ni o pfue ali iLazarōsi

19 “Omōse oghuo o ya lao ni o mema pfue. Oo so itsua enete ni e somhi otse ni e ghale, o li agbo nyafunyafu ogbele kpa.

20 Omōse oghuo ona umhame ni a lu iLazarōsi, o li ya la o. Igboko e ge ɔli. A tsua li bhale ode unuekpe oyi oni omōse ni o gho pfue ogho eghenge kpa.

21 Eri oni iLazarōsi o shito oni ode unuekpe oyoli ini loli me eminale ni e rote ɔli ukhomhi itebu de kua rue le. Eri ewa e gbolu bhale ya lalo ɔli eni igboko.

22 “Eghenge o bhale ni oni iLazarōsi o ro ghua. Ige ni eyi Eshinēgba e bhale ya tsua li je ashini Aburaamu o la. Omōse ni o ligho pfue egho, o li ghua, a ri ɔli to.

23 Ilimhi irierie ni o la me osue, o yase alo idane, o me Aburaamu khi o nuata shi lue egbe, iLazarōsi o shito mama li.

24 Igho o lu leghe, ‘Aburaamu ita! Kpekpe mhuē ilelemhi na mhe. Ghie iLazarōsi ni o to obo ame to mhe elemhi, itobo khi mhi la ukpokpomhi osoli elemhi ere memena.’

25 “Ama Aburaamu oo li, ‘Omō sato khi abi u ro la agbo, u she mie eminete eye, ama iLazarōsi o mie emini ea ti eyoli. Mena egbe e pfomhi ɔli shi ana, ye ye u la ukpokpomhi osoli.’

26 Ini a ri obo rue ona o shi eke, rote ashini u la bhale ana ugbilimhi eke o pfa awa a. Irarigho, eni ee nono ni wewe e rote ana da je obini u la, ea ya dobe wekhi eni e la obini u la e dobe ya da bhale deba anye oola.’

27 “Oni omōse oo ɔli, ‘kpekpe mhia lema e, ghie iLazarōsi je apfe oyi itamhe,

28 irari khi mhi mhuē inyoghuo emose oshe. Zobe ni o ya tse agua ye we ini e khi bhale asha osoli ona.’

29 “Aburaamu o so ɔli o, oo li, ‘E mhuē Ishi eyi iMosisi ali emekeguele, e ri eso shi we eke.’

30 “Oni omōse oo li, ‘Iye, Aburaamu ita, ini ogbo o rote eghuli guale ya tse agua ye we, e ya mu nyene.’

31 “Aburaamu oo li, ‘Ini ea ri eso shi emini Ishi eyi iMosisi ali emekeguele e ngme, ea ya ri eso shi eke ini ogbo o tseku rote eghuli guale.’ ”

17

Olamhe ali igbekua

(iMat 18.6,7,21,22; iMak 9.42)

1 Ijesu oo eniye odukhokho eyoli, “Emini e ri ogbo o lamhe olamhe e mema ya bhale, ama o ma kholo oni ogbo ni o rote obo oyoli bhale egbe.

2 O ti ne ni a mu eche iko zu ogbo oghogho uruli tsua pfilo oke oniemhi, dose ni o ro ya ze ni otuoghuo ikuku eniye enana ke lamhe olamhe.

3 A mholi egbhe shi emini a ri ele.*

“Ini inyoghuo e o lamhe, gue ɔli ye ɔli. Ini o mu nyene, gbekua na ɔli.

4 Ini o lamhe ne iti ishilua ogbele, ni o ro bhale ya lema e eni iti ishilua egho, ni o re, ‘Mhi mu nyene.’ U mema ya gbekua na li.”

Irudunga

5 Ini ighiusomhi na kee ogbava ni ijesu o ze, ee, “Onomhuē, zese irudunga oyanye-a.”

§ 16:18 Li ze iMat 5.32; 1 iKori 7.10-11 * 17:3 Li ze iMat 18.15

⁶ Onomhuę ọọ wẹ, “Ini u mhue irudunga ni o she abi ukpamhi imositadi, u ya lie ọara ọaghie ona, ‘Ọọ eke-a, ni u ya gbọla shi elemhi okẹ oniemhi!’ O ya suọ nẹ.

Akanya oyi oni ọ ga ọgbọ

⁷ “Ini ongeę ọ fe mhue oni ọọ ga li ni ọ gua ishemhi ẹ nali, okekhi isumha ọ ri ẹloe ẹ khu nali. Eri ọ ya lie ọli, ‘Nyanya bhale ya le eminale ini ọ rote ishemhi jele?’

⁸ Oa khi eri ọ ri ochogho ya kpe lie ọli, ‘Ka nye emhi ogbomhi na mhe, u kpha li na mhe ni mhi le. Mhi kha le se, ni mhi ro da se, u tige ya le oye?’

⁹ Ọ ya tse oni ọ ga ọgbọ ọghọ ọ mu ikanya irari khi ọ da ye usomhi ni ọ ghie ọli?

¹⁰ Ighọ khi ẹẹ, ini a riẹẹ abi a ghie ẹ se, a ke lie, ‘Eni ẹ ga ọgbọ tse anye khi, akanya khi akanya oyi anye, anye ẹ gbe.’ ”

Ijesu ọ ri emose ishomba ze

¹¹ Abi ijesu ọ ro je iJerusalemu, ọ rote iteva ẹoli iSameria ali ẹoli iGalili ii dose.

¹² Abi ọ li lo ẹoli oghuo le, emose ogbe ni efafe e mu e bhale deba li, e ta pfia migha.

¹³ E tseş leghe, ee lie, “Ijesu Onomhuę, mhue ilelemhi na anye!”

¹⁴ Abi ijesu ọ ro me we, ọọ wẹ, “A ka ri egbe ẹ khasẹ ekpodalo-ugamhi eyi Eshinegba.” Abi e li le egho, eni efafe e kala we egbe-a, e ze.†

¹⁵ Ighọ oghuo ọ elemhi we, abi ọ ro me khi lolu ze, ọ nyene egbe ukhokho bhale, ọ kuęghie Eshinegba leghe.

¹⁶ Ọ bhale ya de yeshi ijesu odalo, ọ tse ọli uwegbe. Oni iSameria oni omose ọ khi.

¹⁷ Ighọ ijesu ọ mhila we, “Oa khi egbọ ogbe a ro ze? Ighẹ otiale ni e kpole?”

¹⁸ Aa me ongewe okhoghuo ni ọ nyene egbe ukhokho bhale ya kuęghie Eshinegba, se ni ofese onana?”

¹⁹ Ijesu ọ li, “Vule ke je, irudunga oye o she re ze.”

Ibhale oyi Eghiele oyi Eshinegba

(iMat 24.23-28,37-41)

²⁰ IFarisi eghuo e mhila ijesu eghẹghẹ ni Eghiele oyi Eshinegba o ro ya bhale. Ijesu ọọ wẹ, “Eghiele oyi Eshinegba ọa ya bhale ni a ke me alo gbugbugbu.

²¹ Oa khi oni a lie, ‘Ghe ọli ana.’ We khi, ‘Ghe ọli agho.’ Irari khi Eghiele oyi Eshinegba ọ la iteva oye ẹ.”

²² Ighọ ọ eniyẹ odukhokho eyoli, “Eghẹghẹ ọ bhale ni a ya nono ogbele oghuo oyi omi ogbo, ama a ya me ọli.

²³ Egbọ e ya ke gueye ẹ, ‘Bino khi ọ la agho.’ Ali khi, ‘O la ana.’ Ama a khi na deba we.

²⁴ Irari khi ẹẹ ni Omi Ogbọ ọ ya bhale, eri ọ ya li abi erali akphala ni ọ nyamhise alo rote ukiękię ukhui oghuo ya je ukiękię ni ọ kpole.

²⁵ Ama ọ mema kpe ya me osue egbegbo, egbọ agbhotu ena e kie ọli.

²⁶ “Abi o ke lese li eghẹghẹ oyi iNoa, ighọ o ya li ogbele ni Omi Ogbọ ọ ya bhale.‡

²⁷ Eri egbọ e le, e da, e rue ikpotso, a ri ikpotso ye ughue ya ramhi ni iNoa ọ ro lo oko-okẹ oniemhi. Ighọ amẹ ni ofunẹ o rote idane tiemhile ya pfuse we-a nya.§

28 “Igho o gbo li eghēghē oyi iLṛti. Egbō e le, e da. E dē, e rō dē. E kō, e tō apfē.

29 Ama eḷē ni iLṛti o lase ekē iSodomu le, erali ali ingamhi e rōte idane zē kule ya pfuse wē-a nya.*

30 Igho o ya li eḷē ni Omi Ogbō o ya bhale.

31 Eḷē ni a ngme ena, ɔni o la ukhomhi owa, o khi tiemhile ya wolō itsua eyoli. Igho o khi ɔni o la ishemhi, o khi nyenē egbe je apfē shi emhi khoghūo.†

32 A sato ingme oyi ughuē iLṛti!‡

33 Ogbō ni o da nono ni lōli tsumhi agbō oyōli ne, o ya de ɔli obō-a, ama ogbō ni rue agbō oyōli obō-a shi ekē itobō oyemhē ne, o ya mē ɔli rue.§

34 Eḷiyōṣē ni a ngme ena, emōṣe aava e ya leṣē shi ukpho oghuo, a ya rue oghuo o vu, o kpe ɔtuoghūo o le.

35 Ikpotso aava e ya ke mhēli emhi kugbe, a ya rue oghuo o vu, o kpe ɔtuoghūo o le.”

36 [Emōṣe aava e ya la ishemhi, a ya rue ɔtuoghūo o vu, o kpe ɔtuoghūo o le.]

37 Eniyē odukhokho eyōli e mhila li, e ɔli, “Obo lō Ọnṛmhue?” Ijesu oḷo wē, “Ashini idiegbe olimhi o la, agho ighuli eḷē legba.”

18

Okhē irōkhokho oyi ɔsamhi-olimhi ali ɔsɔ-ezɔ

1 Ijesu o zē okhē irōkhokho khase eniyē odukhokho eyōli, ni o rō ṣeṣe wē khi o ti ni a ke lema eghēghē kpa, ali e khi zē ni o lōṣe wē.

2 Oḷo wē, “Elemhi eoli oghuo, omōṣe ɔsɔ-ezɔ o ya la o ni ɔa li na ulishi Eshinēgba wēkhi eri o mu ekpē na ogbō.

3 Ọsamhi-olimhi o li la oni eoli ni o bhale deba ɔni ɔsɔ-ezɔ, oḷo li, ‘Kpekpe pfa ezɔ na mhē shi ingme ni o de mhēmhē ali ogbō.’

4 O ga tēṣe ɔni omōṣe ɔa kie pfa shi ɔli ekē. Ama ikpukhokho o, ɔni omōṣe oḷo egbeḷi, ‘Ini o riē khia khi mhi aa ya na ulishi Eshinēgba wēkhi eri mhia mu ekpē na ogbō,

5 ni o rō khia khi ɔni ɔkpotso ɔna o lina bhale ya nase mhē ena, mhi ya pfa ezɔ na li, ini o khi ya ri ibhale oyōli ona kie ke nase mhē!’ ”

6 Ọnṛmhue oḷo wē, “Aa suḷo abi ɔsɔ-ezɔ ɔna ɔkhōlō ɔna o ngme?”

7 Eshinēgba ɔa ya li pfa ezɔ na eniyē eyōli ni e viē e lu ɔli, ghe eḷē-ɔguota, ghe eḷē-iyōṣe?

8 Mhi gueyē e khi o ya pfa ezɔ na wē pia. Abi o li ena, ini Omi Ogbō o nyenē egbe bhale, o li bhale ya e irudunga ekē agbō?”

Okhē irōkhokho oyi iFarisi ali ɔmionoga

9 Ijesu o gbo zē okhē irōkhokho ona khase egbō eghuo ni e regbenga khi wewē e mhōli iguē-ngeli dōṣe egbōṣe, ni e ri eḷoe a gbe egbōṣe.

10 “Emōṣe aava e je Owa Oyi Eshinēgba ya sọ iromhi. Oghuo o o khi iFarisi, ɔnṛkpōḷe o khi ɔmionoga.

11 Ọni iFarisi o vule, o sọ iromhi, o kueghię egbōli, oḷo liē, ‘Eshinēgba, mhi kphēmhi nē khi mhi aa li abi egbōṣe ni e khi ighiatō ni eḷē li ingmobe, ni eḷē kia okia abi omōṣe ɔmionoga Ọnana.

12 Iteva mhia pfi azumhi elemhi eḷo uka. Mhi a zē azē-oghūo-igbe elemhi emini mhi mhue kpa.’

* 17:29 Li zē Igbae 18.20; 19.25 † 17:31 Li zē iMat 24.17-18; iMak 13.15-16 ‡ 17:32 Li zē Igbae 19.26 § 17:33 Li zē iMat 10.39; 16.25; iMak 8.35; iLuk 9.24; iJon 12.25

13 “Ama ɔni ɔmionoga ɔgho, ɔ tapfia migha ɔa gbudu yase alo fehi idane, ama ɔ lese gbe abo nga aye, ɔ lie, ‘Eshinegba mhue ilelemhi na mhe, mhemhe ɔgho olamhe.’

14 Mhi gue egbegbi ingme a ye e khi ɔni ɔmionoga ɔna Eshinegba ɔ bino khi ɔ pfuase dose ɔni ɔmose ni ɔ kpole. Egbe e mu ɔli je apfe. Itobo khi ɔgho ni ɔ da ti egboli nga ne, eri a ya ti ɔli tiemhi eke, ama ɔni ɔ da ti egboli tiemhi eke, a ya ti ɔli nga.”*

Ijesu ɔ khi vose na ikuku eniye
(iMat 19.13-15; iMak 10.13-16)

15 Eleghuo, egho e li mu eniye enikeke bhale ghi ijesu ni ɔ ri obo ti we. Abi eniye odukhokho eyoli e ro me we, ee e khi bhale ya nase ɔli.

16 Ama ijesu ɔ lu eni eniye, oo we, “A ze ni ikuku eniye e bhale deba mhe, a khi ke mu we migha irari khi enabi wewe e mhue Eghiele oyi Eshinegba.

17 Abi o li mhi li gue ɔli ye e khi, ɔni ɔa da mie Eghiele oyi Eshinegba abi ukuku omoo ɔ li mie ɔli ne, ɔa ya lo ɔli le.”

Oghie ni ɔ pfue
(iMat 19.16-30; iMak 10.17-31)

18 Okhemhue oghuo ɔ mhila ijesu, oo, “Osese onete, se mhi ya li ni mhi ro ya mhue agbo na agboagbo?”

19 Ijesu ɔ mhila li, “Elo o ze ni u ro ɔ lu mhe osese onete? Ogbokhoghuo ɔa la ɔ ni ɔ khi onoti, se ni Eshinegba.”

20 U lese abi ishi eyi Eshinegba e ngme, “Khi kia okia, khi gbe ugbeli, khi do ughiatu, khi pfi otsese egbhue mu ɔgho, mu ekpe na ite ali inye.”†

21 Oo ijesu, “Rote abi mhi te khi omoo mhi te ri ishi ena nya a gbe akanya.”

22 Abi ijesu ɔ ro suo ona, oo li, “O kpo e emhi oghuo le, le ya ri emini u mhue nya de, u kemhi eni ikpagho na egho ni ea mholi khi u ya mhue epfue shi iloghie. Ni u tigbe bhale ke deba mhe.”

23 Abi ɔni ɔmose ɔ ro suo ona, egbe e pfo li-a itobo khi ɔ pfue gba.

24 Ijesu ɔ me abi egbe e pfo li-a shi o, Oo, “O ma mu unu ni egho ni e lolo pfue ni e ro lo Eghiele oyi Eshinegba.

25 Ni ɔgho ni ɔ pfue ɔ ro lo Eghiele oyi Eshinegba, o ya munu dose, ni ɔgho ke dua ni loli ri alakumi rote ese asuge ya fie.”

26 Egho ni e suo ona e mhila, “Oghuo ɔ ke ya mhue imiepfuese sho?”

27 Ijesu oo we, “Emini ɔa ze ɔgho a riehe loli ɔ ze Eshinegba a riehe.”

28 IPita oo ijesu, “Bino, anye she tsua emhi eyanye nya kua se, anye bhale deba e.”

29 Ijesu oo we, “Abi o li mhi li gue ɔli ye e khi, aa me ɔni ɔ ya tsua apfe-oli, okekhi ughue-oli pfia, ni ɔ tsua inyoghuo ɔli, ghe itali ghe inyoli ali imioli pfia, itobo Eghiele oyi Eshinegba,

30 ni ɔa ya mhue eleli ni e bu dose eghogho, elemhi agbo ona ali agbo oni o ke e bhale.”

Ijesu ɔ gbo gue ingme eghuli oyoli le
(iMat 20.17-19; iMak 10.32-34)

31 Ijesu ɔ rue eniye odukhokho ogbava eyoli je asha eghuo, ɔ gueye we. “A ri esho shi eke, awa ya nga obini iJerusalemu. Emini emekeguele e keke shi Omi Ogho egbe nya, e bhale ya tse oobo.

* 18:14 Li ze iMat 23.12; iLuk 14.11 † 18:20 Li ze Okiali 20.12-16; iDeut 5.16-20

³² A ya mu ọli, a rue ọli na ẹgbọ iJeta. E ya rọli li egia, ẹẹ tsue ọli, e tono ete ku ọli, e gbe ọli itali, e tigbe gbe ọli-a.

³³ Eje onuzi-ese, o ya guale.”

³⁴ Eniye odukhokho eyọli ẹa leşe udi ingme ena irari khi eri a ri ingme enana sheli wẹ, ali khi ẹa gbo leşe emini ọọ ngme.

Ijesu o khueghie ọzalo alo-a

(iMat 20.29-34; iMak 10.46-52)

³⁵ Abi ijesu o li ti i mama iJeriko, ọzalo ọghuo o shito epfe ode, o mhila.

³⁶ Abi o ro suo okeke ẹgbọ ni e doşe, o mhila wẹ emini a me.

³⁷ A gueye ọli khi ijesu na iNazareti ọọ doşe.

³⁸ O lu leghe, ọọ li, “Ijesu Omi iDefidi mhue isomhelemhi na mhe.”

³⁹ Ẹgbọ ni e ralo na li ẹ ọli o khukhu unu. Ama igho o kie li tseşe ọọ li, “Omi iDefidi mhue isomhelemhi na mhe.”

⁴⁰ Ijesu o migha, o e lu oni omose ghi luẹ. Abi o ro ti mama li, ijesu o mhila li.

⁴¹ “Elo wa nono ni mhi riẹle ne?” Oo ijesu, “Onomhuele mhi a nono ni mhi ke me eke.”

⁴² Ijesu ọọ li, “Alo eye e khueghie-a, irudunga oye o she re ze.”

⁴³ Aghoaghọ alo eyọli e khueghie-a. O deba ijesu kia, o kuẹghie Eshinegba. Abi eni ẹgbọ nya e ro me ọli e li li kuẹghie Eshinegba.

19

IZakiosi omionoga

¹ Ijesu o rọte ẹoli iJeriko doşe.

² Omose ọghuo o la oni ẹoli ni a lu iZakiosi, lo li o khi oga oyi emionoga. O ga mema mhue epfue egbegbo.

³ O nono ni lo li me oni ijesu o khi, ama ọa doşe. Ọa me asha itobo khi ẹgbọ e bu doşe. Ali khi ọgbọ ni ọa yagha o khi ni o lolo she.

⁴ Igho o na ya ralo ode ni ijesu o te ya doşe, o ya nga ọara ugbele shito, ini lo li me asha me ọli.

⁵ Ijesu o ramhi agho, o yase alo idane lu ọli, Oo li, “IZakiosi, nyanya tiemhile, mhi mema ya kushi apfe oye amo.”

⁶ Igho o nyanya tiemhile. Egbe e mu ọli, o ri oghelẹ kpe abo mie ijesu.

⁷ Ẹgbọ nya ni e me ona, e wolo, e li, “O she ya kushi na ọgbọ ona olamhe.”

⁸ O ke leşe li denete, iZakiosi o ti vule, ọọ, “Onomhuele ghe i, mhi ya khi epfue eyemhe shi asha eva, mhi ri asheghuo o na ẹgbọ ni ẹa mhue. O kha kha khi mhi li ọgbokhoghuo le ghue, mhi ya fali ọli eni ota agbhagbhamhi ene.”

⁹ Ijesu ọọ li, “Amo ena imiepfuese o she bhale apfe ona, itobo khi omi Aburaamu, omose ona o li khi.

¹⁰ Irari khi eri Omi Ọgbọ o bhale ya nono ẹgbọ ni e waa, ali ni o gbo ro ya mie wẹ pfuese.”*

Okhe irokhokho igue-ri emini a ro ne kia

(iMat 25.14-30)

¹¹ Abi e kie li suo ingmemhi ena, ijesu o ze okhe irokhokho khasẹ wẹ irari khi o she ti i mama iJerusalemu. Eni ẹgbọ e dabi khi utoghuokpe Eghiele oyi Eshinegba o ro ya bhale.

¹² Oo wẹ, “Omose okhemhuele ọghuo o ye ushishi odonue ni a ro ya ri oghie na li, ikpukhokho, o gbo jele.

* 19:10 Li ze iMat 18.11

13 Igho ọ luno eni ẹẹ ga li ogbe, ọ kemhi ikpaghọ eyi igolu na wẹ. Ọọ wẹ, ‘A ri ikpaghọ ena du oki ramhi ni mhi rọ ya jele.’

14 “Eri tse khi eri apfoli e biselemhi ọli, e ghie usomhi ghi eni e ya gbanọ ọli ukhomhi khi wẹwẹ ẹa nono ni ọni ọmọse ọna, ni ọ khi oghie oyi wẹwẹ.

15 “A kie ri oghie na li, ọ jele. Igho ọ luno eni ẹ ga li egho ni ọ ri ikpaghọ na, ni ọli mhila wẹ abi e ri eni ikpaghọ kia.

16 “Oni ododẹ ọ bhale, ọọ li, ‘Ọga, ukpaghọ igolu oye o she bia igbe elese.’

17 “Oni ọga ọọ li, ‘Mu akanya, ọni ọọ ga ọnete oyemhẹ. Itobọ khi u khi ọni a ri egbe ẹ nga shi ukukuọ ni a rọ shi ẹ obọ, mọ ẹoli igbe ke mhẹshẹ shi.’

18 “Onuzava ọ bhale, ọọ li, ‘Ọga ukpaghọ igolu oye o she bia ishe elese.’

19 “Oni ọga ọọ li, ‘Yeyẹ mọ ẹoli ishe ri ẹoli ke khu.’

20 “Onuzasẹ ọ bhale, ọọ, ‘Ọga ghe ukpaghọ igolu oye. Eri mhi gẹnọ li shi ode ya shi ne.’

21 Eri ulishi oye o mu mhẹ itobọ khi ogbo ni ọ ze alo u khi. Ashini u waa roshi u te ẹ rue, ashini u wa rọ kọ shi u te a khiẹse.’

22 “Oni ọga oyọli ọọ li, ‘Mhi ya rọte emini yeyẹghuo u ngme sẹ unu ingme ikhi yeyẹ ọni ọ ga ogbo ọbe ona. Abi u rọ leşẹ khi ọmọse ni ọ ze alo mhi khi, khi ashini mhia rọ shi mhi te a rue, mhi gbo rọte ashini mhia rọkọ shi a khiẹse.

23 Elo ọ zẹ ni u waa rọ ri ukpaghọ oyemhẹ ya shi owa ukpaghọ na mhẹ ni e la aghọ ke gbe nga ọ, ni mhi mẹ ọli ali eleli eyọli mie ini mhi nyenẹ egbe jele?’

24 “Igho ọ gueye eni e migha, ‘A mie ọli oni ukpaghọ igolu ona na ọni ọ mhue eleli asha igbe.’

25 “Eni ẹgbọ ẹ ọli, ‘Ọga, ọ she kpẹ mhue igbe.’

26 “Oni ọga ọọ wẹ, ‘Abi o li mhi li gue ọli ẹ ye ẹ khi, ogbo ni ọ da kpẹ mhue ne, a ya rọ ma li ọ. Ama ọni ọa kpẹ mhue a ya gbo mie ọli ọni ọ kpẹ mhue.†

27 Ama ebe mhẹ egho ni ẹa nono ni mhi le eghiele shi wẹ ukhomhi, a wolọ wẹ lase ana, a gbolo wẹ-a ukpeloe mhẹ.’ ”

Ijesu ọ lo ijerusalemu le

(iMat 21.1-11; iMak 11.1-11; iJọn 12.12-19)

28 Abi ijesu ọ rọ ngme ona se, ọ ya ralo na wẹ. E nga ijerusalemu.

29 Abi ọ rọ ti mama ẹoli iBetifagi ali iBetani obini ukhomhi ute ni o khi ẹera olivu, ọ ghie eniyẹ odukhokho eyọli aava ralo, ọọ wẹ,

30 “A je ẹoli ni o la ẹ odalo. Ini a ramhi agho, a ya mẹ omi akphẹrẹ ni ogbo ọa nga ghue khi a mu ọli zu. A taghiẹ ọli-a, a mu ọli ghi mhẹ ana.

31 Ini ogbokhoghuo ọ mhila ẹ, khi ọọ, ‘Elo ọ zẹ ni a rọ taghiẹ ọlia?’ A liẹ ọli, ‘Onomhūẹ ọ mhue emini ọ ri ọli ya li.’ ”

32 Eni ọ ghie, e bhale ya ẹ ọni akphẹrẹ tee abi ijesu ọ li gueye wẹ.

33 Abi e li taghiẹ ọlia, eni e mhọli ọli e mhila wẹ, “Elo ọ zẹ ni a rọ taghiẹ ọni akphẹrẹ a?”

34 Ẹ wẹ, “Onomhūẹ ọ mhue emini ọ rọli ya li.”

35 E mu ọli ghi ijesu. E ri ide ku ọli egbe, e mu ijesu nga ọ.

36 Abi ọ li le, ẹgbọ e naghie ide ku ode.

37 Abi ọ rọ ti i mama ashini ute Olivu o te pfi ukhomhi kpọkẹ, eni eniyẹ odukhokho nya ee kueghie Ẹshinegba leghe shi ikanya ọnyalọa ni e mẹ.

38 Ee liẹ,

“Ikhivose ọ khi oyi oghie
ni o ri eva oyi Onomhūẹ bhale.”

“Opfomhẹ o la iloghie,

† 19:26 Li zẹ iMat 13.12; iMak 4.25; iLuk 8.18

ufumhi o la obini o yagha ne nya.”[‡]

³⁹ Igho iFarisi eghuo ni e la ifuabo eni eḡbo eḡ iJesu, “Oseḡe, gueye eniye odukhokho eye e khukhu unu.”

⁴⁰ Oḡ we, “A ri esḡ shi eke, ini e khukhu unu, eche e ya ke tseḡe leghe.”

Ijesu o viḡ na iJerusalemu

⁴¹ Abi o ro ti i mama iJerusalemu ni o ro me oni eoli, o viḡ na li.

⁴² Oḡ, “Abi a khe khi u leḡe emini o ya ri opfoḡhe ghi e amo ena lo! Eri tse khi a she ri oli sheli na e mena.”

⁴³ Oḡbeḡe oḡ bhale ni ebe e e ro ya gbe ogba gase e, e khi e shi iteva, e roḡe ashakpa gase e shi.

⁴⁴ E ya kholi e pfuse-a. Ea ya keḡe oḡo wekhi odio le, e shashe e apfe-a. Ea ya keḡe ukpalo nga ukpalo, itobo khi aa leḡe eḡheḡe ni Eshineḡba o ro bhale ya tsumhi e.

Ijesu o je Owa Oyi Eshineḡba

(iMat 21.12-17; iMak 11.15-19; iḡon 2.13-22)

⁴⁵ Igho o lo Owa Oyi Eshineḡba, o khu eḡbo ni e la agho e du oki fiḡ.

⁴⁶ Oḡ we, “A she keke oli shi Ebe-no-pfuase khi, ‘Owa oyemhe owa iromhi lo! Ama, a she ri oli mele eḡbha ighiatḡ a!’”[§]

⁴⁷ Oḡbeḡepa iJesu o la Owa oyi Eshineḡba seḡe, ama eni ighie eyi ekpodalo-ugamhi ali esese Ishi eyi iMosisi ali eni e ralo na eni eḡbo, ee nono ni wewe e gbe oli-a.*

⁴⁸ Ama ea me ode ni e te ya rieḡe oli, itobo khi eni eḡbo e ri esḡ shi oseḡe oyoli, ea nono ni unḡmemhi oyoli okhḡghuo o de we esḡ-a.

20

A mhila iJesu oni o ri afu na li

(iMat 21.23-27; iMak 11.27-33)

¹ Eḡghuo khi iJesu o la Owa Oyi Eshineḡba tse abo usomhi onete oyi Eshineḡba, ighie eyi ekpodalo-ugamhi ali esese Ishi eyi iMosisi, ali eni eḡbhali e bhale deba li.

² E oli, “Gueye anye afu oyi oni u ro o gbe ikanya enana. Oḡghuo o ri eni afu ena ne?”

³ IJesu oḡ we, “Mhi ya li mhila e oḡbo, a so mhe o!”

⁴ Ibatizi ni iḡoni oḡ batazi eḡbo, obo oyi Eshineḡba o te bhale abi obo oyi oḡbo?”

⁵ E lu egbe we ochi, e ke, “Awa khe, ‘Obo oyi Eshineḡba o te bhale.’ O ya mhila awa, ‘Elo o ze khi aa mie oli suo?’”

⁶ Ini awa ke, ‘Obo oyi eḡbo.’ Eḡbo nya e ya tono awa eche irari khi oḡboḡpa o leḡe khi omekeḡuele iḡoni o khi.”

⁷ Igho eḡ iJesu, “Anye aa leḡe obini o te bhale.”

⁸ IJesu oḡ we, “Mhia li ya gueye e afu ni mhi ro a gbe ikanya enana.”

Okhe irokhokho oyi eghiale ena okhḡo

(iMat 21.33-46; iMak 12.1-12)

⁹ IJesu o ze okhe irokhokho ona khasḡe eni eḡbo, oḡ we, “Oḡose oḡghuo o gua ipfonu shi ogba, o roli ye onḡmomhi na eghiale. O vu eoli ni o la tseḡe.*

[‡] 19:38 Li ze iwolo 118.26 [§] 19:46 Li ze Aza 56.7; ijere 7.11 * 19:47 Li ze iLuk 21.37 * 20:9 Li ze Aza 5.1

10 Eghẹghe ikhiẹse o ramhi, o ghie oni oọ ga li ghi we e rote oni ogba pfanọ idumhi ghi luẹ. Ama eni eghiale e gbe oni a ghie ogho. O pfino abo efue je.

11 Oni omose o gbo ghie oni oọ ga li onuzava ghi we. E gbe oli, e yeghe oia. O gbo pfino abo efue ya je.

12 Oni omose o gbo ghie onuzase. E kuale oli utse, e khu oli ya fie.

13 “Oni o mhuẹ oni ogba ipfonu ogho, oọ, ‘Se mhi fe ya li egho? Mhi ya ghie omimhe ni mhi nono ingme oyoli egbegbo, otse, e ya mu ekpe na li.’

14 “Ama abi eni eghiale e ro me oli, ee, ‘Egbegbi omi oli na ni o ya le ugu ogba ona, awa gbe oli-a ni awa rue oni ugu le.’

15 Igho e ti oli je olase oni ogba ipfonu, e gbe oia.

“Se oni o mhuẹ oni ogba ipfonu egho o fe ya li we?”

16 Eri o ya bhale ya gbolo eni eghiale egho-a, o tigbe rue oni ogba na eghiale else.” Abi eni egbọ e ro suo oni ingme, e, “Eshinegba o gbe etse kua!”

17 Ijesu o bino we alo ukhomhi, oọ we, “Se emini a keke ona o fe ngme, ni oọ,†

“ Eche ni itsona e kie pfia,
o tigbe ya mele eche ebe
ni o mu eloe ne nya-a?”

18 “Oni o da ya de nga oni eche ne, o guogh-o-a, ali oni oni eche o da ya de mu ne, o mhele oia.”

Ingme oga izeze

(iMat 22.15-22; iMak 12.13-17)

19 Eni e sese Ishi eyi iMosisi ali ighie eyi ekpodalo-ugamhi e nono ode ni e te ya mu oli aghoaghọ, irari khi wewe o ze oni okhe irokhokho tsue. Ama ulishi oyi egbọ oo mu we.

20 Igho e li ri eloe shi oli egbe egbegbo. E ze egbọ ni e riele abi egbọ ni ee mie shi ijesu o deba li, e ke de oli awe, ini e me ushi mu shi oli obo, ni e mu oli ghi ena omhese eyi igovuno.

21 Igho eni a ze egho ee mhila li ogbo, “O sese, anye ga lese khi abi ungmehi oyi Eshinegba o li u lie ngme oli, u gbolo a sese emini e te ode, waa ya gbe ogbokhoghuo azeba, ama eri wa sese egbegbi ingme oyi Eshinegba.

22 O fe ti ni anye ze oga na oghie iSiza abi anye khi ze?”

23 Ijesu o she lese oshili eyewe.

24 Oo we, “A ri ukpagho elomho khashe mhe. Alo eyi oghuo a fe mu shi o?”

25 E oli, “iSiza.”

Ijesu oọ we, “A ri emini e khi eyi iSiza na iSiza, a ri emini e khi eyi Eshinegba na Eshinegba.”

26 E a dobe rote emini o ngme igbaa me emhikhoghuo mu shi oli obo. Abo e sha we shi abi o li gbaghie oni ogbo-a, e khukhu unu.

Egbo iSadusi e mhila li ogbo irote-eghuli guale

(iMat 22.23-33; iMak 12.18-27)

27 Egbo iSadusi eghuo ni e a lama shi o khi a ya me irote eghuli guale, e ri omhila bhale deba ijesu.‡

28 E oli, “O sese, iMosisi o keke shi eke na awa khi ini omose o ghu-a pfi ughue oli shi eke agbo ni o a ro bia eniye, inyoghuo oni omose o rue oni okpotso ughue ni o bia eniye shi agbo na inyoghuo oli ni o ghu-a egho. §

²⁹ Inyoghuo egbe etuoshilua e ya la ọ. Ọni odode ọ rue ọkpotoso, ọ ghua, ọa bia omọ.

³⁰ Onuzava ọ rue ọni ọkpotoso.

³¹ Igho onuzase ọ gbo rue ọli. Igho wewe nya e rue ọli, e ghulo-a, ẹa bia omọ.

³² Ikpukhokho ọ, ọni ọkpotoso ọ li ghua.

³³ Mena, ogbele ni ẹgbọ e ya e ghuli guale, ughue oghuo ọni ọkpotoso ọ ya khi, aborokhia khi wewe oshilua e ga rue ọli ughue egho?"

³⁴ Ijesu ọọ we, "Egbọ ena agbọ ona ẹ rue ikpotso, wewe e gbo ri ikpotso a ye ughue.

³⁵ Ama ẹgbọ ni a leli shi eni e mhuẹ okemhi shi agbọ ogho ali irote eghuli guale, ẹa ya rue ikpotso, wekhi eri a rewe ya ye ughue.

³⁶ Ẹa ke ke ghu, irari khi eri e ke ya li abi igeni eyi Eshinegba. Imi Eshinegba e ke ya khi, irari khi e she rote eghuli guale.

³⁷ Ashini a keke ingme oyi ebuli ni oo to shi, iMosisi ọ te rokhase ẹ gboo khi eni e ghua, ẹ guale, irari khi ọ lu Onomhuẹ, 'Eshinegba oyi Aburaamu ali Eshinegba oyi Aziki ali Eshinegba oyi iGiekọpu.*

³⁸ Eshinegba oyi ẹgbọ ni e la agbọ ọ khi. Ọa khi Eshinegba oyi ẹgbọ ni e ghua."

³⁹ Esese Ishi eyi iMosisi eghuo ni e la agho ẹẹ ọli, "Osese, u ga guẹ ngme!"

⁴⁰ Ogbokhoghuo ọa ke gbo gbudu mhila li ogbọ olese.

Omi oghuo ọni Omiepfuese ọ khi

(iMat 22.41-46; iMak 12.35-37)

⁴¹ Igho ijesu ọ mhila we, "Se ẹẹ a lie lie khi ọni Omiepfuese khi omi iDefidi ọ khi?"

⁴² Irari khi ọni iDefidi ọ ngme ọli shi ebe Iwolo, ni ọ re,

"'Onomhuẹ ọọ Onomhuẹ oyemhe:

Shito mhe ukiekie obita

⁴³ ramhi ni mhi ro ya

ri ebe ẹ shi ẹ ẹkoawe

ni u kpha awe ukhomhi.†

⁴⁴ Ini iDefidi ọ lu ọli, 'Onomhuẹ.' Se ọ ke gbo lie khi omi iDefidi?"

Ijesu ọọ e mhuẹ egbhe shi esese Ishi eyi iMosisi ege

(iMat 23.1-36; iMak 12.38-40)

⁴⁵ Abi eni ẹgbọ e kie ku eso-a shi eke egho, ijesu ọọ eniye odukhokho eyoli,

⁴⁶ "A mhuẹ egbhe shi esese Ishi eyi iMosisi ege. O ma ghole we ni e ke so itsua na dolodolo ke kia gase, ni ẹgbọ e ba ke tse we otse ekpe atu oki. Ẹẹ shito ashini o mhuẹ ekpe elemhi owa ugamhi, e gbolo ẹ shito ashini o yagha ni o fune ukue. ⁴⁷ Ẹẹ lo apfe oyi esamhi-olimhi ya ri itoto miono we emini e mhuẹ. Ẹẹ so iromhi ni e nuẹ eyi abamemhe. A ya na ẹgbọ eghogho osue egbegbo."

21

Isomhopfa oyi osamhi-olimhi

(iMak 12.41-44)

¹ Ijesu ọ bino gase, ọ me khi ẹgbọ ni e mhuẹ epfue e pfi ukpagho lo akpati ni a pfi ukpagho a lo elemhi Owa oyi Eshinegba.

² Igho osamhi-olimhi ni ọa mhuẹ emhi ọ li pfi ikpamhi inini eva lo oni akpati.

³ Ijesu ọọ eniye odukhokho eyoli, "Mhi gueye ẹ khi osamhi-olimhi ọna ọ ga rona dose ẹgbọ eni e kpole nya.

* 20:37 Li ze Okiali 3.6 † 20:43 Li ze Iwolo 110.1

4 Eri ẹgbọ eni e kpọle ena e rọte ẹpfue eyẹwẹ rọna, ama ọsamhi-olimhi ọna ọ rọte umhamẹ ri ukukuọ ni ọ mhue rọna.”

*Ijesu ọ guele emini a ya mẹ ikpukhokho agbọ
(iMat 24.1-2; iMak 13.1-2)*

5 Eniye odukhokho eyọli eghuo e ngme abi a li ri echẹ ni e somhi otse li atsona shi ugbe oyi oni Owa Oyi Ẹshinẹgba, li shi itsua isomhopfa ni a rọ ma ọ na Ẹshinẹgba. Ama iJesu ọọ wẹ,

6 “Emini a bino ena ii, ẹghẹghẹ ọọ bhale ni o khia khi ẹchẹli okhọghuo ọa ke ya nga ọlese egbe, irari khi a ya bighi wẹ kua.”

*Ozughu ali Ajilimhe
(iMat 24.3-14; iMak 13.3-13)*

7 E mhila li, ẹẹ ọli, “Ọsẹsẹ, ẹghẹghẹ onoghuo a rọ ya mẹ ona. Elọ a ya mẹ ni o rọ ya khasẹ khi oni ẹghẹghẹ o she ramhi?”

8 Ijesu ọọ wẹ, “A mhue ẹgbẹ ini ọgbọ ọ khi di ẹ. Ebubu ẹgbọ e ya ri eva oyemhẹ bhale, ẹẹ lie, ‘Mhẹmhẹ mhi khi Ọmiepfuese,’ ali khi, ‘Oni ẹghẹghẹ o she ti bhale.’ A khi deba wẹ.

9 Ini a suọ eko okhue ali ozughu, a khi zẹ ni egbe e guọghọ ẹ a, irari khi emhi enana e mema bhale ya tşẹ, eri-tşẹ khi ukpẹşẹ agbọ ọa kie ramhi ne oni ẹghẹghẹ.”

10 Ọọ wẹ, “Ishishi e ya mu okhue vule shi ishishi ọ, eghiele e mu okhue vule shi eghiele ọ.

11 Ekẹ e ya ke de kulue. Okiamhi ali ighuamhi ebe e ya la asha ọdọda. A ya mẹ ebemulishi ali ukpokpomhi irokhase khi e te idane bhale.

12 “Eri-tşẹ khi neni a ya mẹ ena, a ya muno ẹ a nase ẹ, a muno ẹ je owa ugamhi ali owa ighumha. A mu ẹ ghie enighie ali igovunọ irari oyemhẹ.

13 Ona o ya khi ẹghẹghẹ ni a rọ ya mẹ asha pfi ọtsẹle na mhẹ.

14 A mhọli ọli shi udu memena, a khi zẹ ni udu o nighise ẹ shi emini a ya mẹ so wẹ ọ.

15 Mhi ya ri ungemmhi shi ẹ unu ali ẹgbhali ni ọ khia khi ebe ẹ ẹa ya dobe nu e khe ako.*

16 Ita ẹ, ali inyoghuo ẹ, ali ẹgbọ eye ẹ, ali emọle ẹ, e ya ri ẹgbhue rẹ ẹ de, e gbolo eghuo elemhi ẹ-a.

17 Ẹgbokpa e ya ri itobọ oyemhẹ kie ẹ.

18 Ama, ẹtsui okhọghuo oyi ọngeẹ ọa ya pfua.

19 Ini a migha egbegbọ, a ya tsumhi ẹ.

*Ijesu ọ guele shi ekẹ khi a ya guọghọ iJerusalemu a
(iMat 24.15-21; iMak 13.14-19)*

20 “Ini a mẹ khi ekhọli-okhue e pfi gasẹ iJerusalemu, a lẹşẹ khi ipfueche-a oyọli o shi ti ramhi.

21 Ẹghẹghẹ aghọ, ẹgbọ ni e la ekẹ iJudia, e na nga ikhomhi ite. Ẹgbọ ni e la ifu apfe, e na ifu apfe ọ vu. Eni e la oboese e khi ke gbo nyenẹ egbe bhale ifu apfe.

22 Irari khi ẹghẹghẹ iso-ẹzọ ni a she kpẹ kẹkẹ shi ekẹ na ni o bhale ya tşẹ.†

23 Ẹghẹghẹ aghọ o ma khọlọ ikpotso ni ẹ mẹ umemhi egbe, ali eni e ri eniye shi egbe. Osue onofunẹ o ya la oni ekẹ. Ofu oyi Ẹshinẹgba o ya de rughu eni ẹgbọ.

* 21:15 Li zẹ iLuk 12.11-12 † 21:22 Li zẹ Osia 9.7

²⁴ Eghuo ọ e ya ghu eghuli ọgbhoro, a muno eghuo ighumha je ishishi ọdoda. Egbọ ijeta e ya guogho iJerusalemu-a ya ramhi, ni eghẹghẹ oyi egbọ ijeta e ro ya dose.

Ibhale oyi Omi Ogbọ

(iMat 24.29-31; iMak 13.24-27)

²⁵ “A ya ke me irokhasẹ elemhi ovọ ali uki ali ikpetata. Ishishi e ya le oya eke agbọ, abọ e sha wẹ abẹ okẹ oniemi o li ya ke vuna.‡

²⁶ Ubi o ya rue egbọ, irari ulishi ẹ sa usamhi emini ọ a bhale eke agbọ itobo khi ekpabọ ni e la ukhui e ya ke nighise.

²⁷ Eghẹghẹ agho, e ya me khi Omi Ogbọ ọ la elemhi otughunu tsua ekpabọ ali ufumhi oniemi, rote idane ẹ tiemhile. §

²⁸ Ini a da me na ne, a vule a yase ukhomhi eke irari khi eghẹghẹ ipfasheke oye ẹ o she ti bhale.”

Owena ni a rote okhua-eni rue

(iMat 24.32-35; iMak 13.28-31)

²⁹ Ijesu ọ ze okhe irokhokho ona khasẹ wẹ, ọọ wẹ, “A ke bino ọara okhua ali eera nya.

³⁰ Ini e da ta ebe enegbọ ne, a lese khi oruame o shi ti ẹ bhale.

³¹ Igho o li khi ini a da me emhi enana ne, a lese khi Eghiele oyi Eshinegba o she ti ramhi.

A mu egbe shi eke

³² “Abi o li mhi li gue ọli ẹ ye ẹ khi, agbhotu ona ọa ya dose ne neni a me eni emhi ena nya.

³³ Eke ali ukhuli e kha bhale ya dose, ingmemhi eyemhe e mema bhale ya tse.

³⁴ “A kuegbe-a ini ukue iditse, ali onyo idada ali usamhi agbọ e khi ya rue ẹ egbhali, ini ogbele ibhale oyemhe o khi ya de shi eghẹghẹ ni a sa shi.

³⁵ Irari khi oni ibhale ona ogbokpa ni ọ la agbọ o ya bhale na.

³⁶ A ke mu egbe eghẹghẹ kpa, a lema ni a toto migha, ni a pfue okhena ni ọọ bhale, ali ni a ro dobe migha odalo oyi Omi Ogbọ.”

³⁷ Ogbẹlekpa ijesu ọ ro la Owa oyi Eshinegba ii sese. Ini obili ọọ bi, ọ fiẹ nga Ute Eera Olivu.*

³⁸ Eluzogbe kpa, eni egbọ nya e bhale Owa Oyi Eshinegba ya ri eso shi ọli eke ni e suọ ungmemhi oyọli.

22

Ijudasi ọ lama khi ọli ya ri ijesu de

(iMat 26.1-5,14-16; iMak 14.1-2,10-11; iJon 11.45-53)

¹ Ukpe ni a la le ibuledi ni ogbọ ri ifuma ma nye na lu iPasova o ti bhale.*

² Ighie eyi ekpodalo-ugamhi eyi Eshinegba ali eni ẹ sese Ishi eyi iMosisi, e nono abi e li ya gbe ijesu a, ama ulishi oyi egbọ o mu wẹ.

³ Igho Okphaghiẹ ọ lo ijudasi ni a gbolo a lu Isikaroti udu, ni ọ khi oghuo eniye odukhokho oghava eyi ijesu.

⁴ Oni ijudasi ọ fiẹ deba ighie eyi ekpodalo-ugamhi ali eni ẹ khe ekhe Owa Oyi Eshinegba. Ọ nu wẹ ye ochi abi ọ li ya ri ijesu na wẹ de.

⁵ Egbe e mu wẹ, e lama khi wewẹ e ya fali ọli ikpagho.

‡ 21:25 Li ze Aza 13.10; Ezik 32.7; iJọe 2.31; Iro 6.12-13 § 21:27 Li ze iDan 7.13; Iro 1.7 * 21:37 Li ze iLuk 19.47 * 22:1 Li ze Okiali 12.1-27

⁶ Ọ lama shi wẹ ọ, ọ nono abi ọli ri ya mẹ asha ri ọli na wẹ mu ini ebubu egbo ẹa la akaghọ.

Eminale ni o kpukhokho

(iMat 26.17-25; iMak 14.12-21; iJon 13.21-30)

⁷ Ukpe ni a la le ibuledi ni aa ri ifuma shi nye, ni a rọ omi osumha ẹ luase obo, o ramhi.

⁸ Ighọ iJesu ọ ghie iPita ali iJon ralo, ọọ wẹ, “A ka mu egbe eminale iPasova oyi awa.”

⁹ E mhila li, “Obo wa nono ni anye je ya mu egbe?”

¹⁰ IJesu ọọ wẹ, “Abi a liẹ ke lo iJerusalemu le te, a ya mẹ ọmọse ọghuo ni ọ tsua ubene amẹ. A deba li je owa ni ọọ je.

¹¹ Ini a ramhi aghọ, a liẹ oni ọ mholi oni owa oghọ, ‘Ọsese ọọ, ighe elemhi owa oyẹ ni epfese e ku ẹ shi, ni mhemhe ali eniyẹ odukhokho eyemhe anye la ya le eminale iPasova?’

¹² Ọ ya ri ukpokpomhi agbala khasẹ ẹ ukhomhi owa atonga ni a lolo riẹle somhi otse. A mu egbe oni eminale shi aghọ.”

Eminale ni o kpe ukhokho ni iJesu ọ nu eniyẹ odukhokho eyọli le

¹³ Ighọ e bhale ya ẹ khi abi iJesu ọ li ngme ọli te o khi. Ighọ e mu egbe oni eminale iPasova shi aghọ.

Abi e rọ le eminale oyi Onomhue

(iMat 26.26-30; iMak 14.22-26; 1 iKori 11.23-25)

¹⁴ Oni ẹghẹghẹ o ramhi, iJesu ali ighiusomhi na keẹ eyọli e shitọ shi gasẹ ni e rọ ya le eminale.

¹⁵ Ọọ wẹ, “Ọ kie kpẹ ghọle mhe egbegbo ni mhi nu ẹ le eminale iPasova ona neni mhi ya mẹ osoli.

¹⁶ Mhi gueye ẹ khi, mhi aa ke gbo ya le eminale ona, sẹ ni awa ke le oni o khi egbegbo obini Eghiele oyi Eshinegba.”

¹⁷ Ọ rue oni uko, ọ kphemhi. Ọọ wẹ, “A mọ uko ona, a kemhi ọli da.

¹⁸ Mhi gue ọli e ye ẹ khi, mhia ke gbo ya da onyọ ọọra upfonu ona, sẹ ni Eghiele oyi Eshinegba o bhale.”

¹⁹ Ighọ ọ rue ibuledi mhue obo, ọ kphemhi, ọ khi ọli a, ọ rọ na wẹ, ọọ, “Idiegbe oyemhe na ni mhi rọ na ẹ. A lina ke riẹle ọli rọ sato mhe egbe.”

²⁰ Ighọ ọ gbo rue uko abi ọ rọ le emhi se, ọọ, “Uko ona o khi ishobo onogbo ni o rọte ọlia eyemhe bhale, ni a ku shi eke na ẹ.†

²¹ A ghe i, obo oyi oni ọ ya remhe de o nu mhe shitọ ẹ le emhi memena.‡

²² Abi ẹ khi omi ọgbọ ọ li ya kia, ighọ a li ya mẹ ọli, ama epfua o khi ni ọgbọ ni o ya rọli de.”

²³ Ee mhila egbewẹ oni ọ khi ni ọ ya gbe ikanya enana.

²⁴ Ighọ ekhakọ o gbo li lasele shi iteva oyewẹ shi oni ọ funẹ nya shi elemhi wẹ.§

²⁵ IJesu ọọ wẹ, “Eri ighie eyi egbo iJeta ẹẹ jili wẹ. E kha jili wẹ se, ẹ liẹ wẹ khi eri wewẹ ẹ kpaghie wẹ obo.*

²⁶ Ama a khi li abi wewẹ, ochoghọ, oni ọ nono ni ọli funẹ elemhi ẹ, ọ ri egbo li tiemhie eke nya, oni ọ ralo o ke ga enekpọle.†

† 22:20 Li ze ijere 31.31-34 ‡ 22:21 Li ze iwolo 41.9 § 22:24 Li ze iMat 18.1; iMak 9.34; iLuk 9.46

* 22:25 Li ze iMat 20.25-27; iMak 10.42-44 † 22:26 Li ze iMat 23.11; iMak 9.35

²⁷ Oghuo o fu ne, oni o shito ukhomhi itebu e le emhi, abi oni oo kphano eminale ghi eni e shito o le? Oa khi oni o shito le? Ama eri mhemhe mhi le e iteva abi oni o ga e.‡

²⁸ Ee a nu mhe migha abi mhi ro la imufe.

²⁹ Mhi ri eghiele na e, abi itamhe o li ri eghiele na mhe.

³⁰ Ni a ro bhale ya e khi a nu mhe le, a nu mhe da obini iloghie oyemhe. A ya shito ukpekhomhi oghie, a gue unuekpe igbeva eyi iZireni ezọ.‡

Ijesu o guele shi eke khi iPita o ya kie lue

(iMat 26.31-35; iMak 14.27-31; iJon 13.36-38)

³¹ “ISamọ, iSamọ, ghe i, Okphaghie o she mhila khi loli e nono ni loli kpishi e-a nya abi a lie kpishi ado.

³² Ama mhi she so iromhi ne, iSamọ, ini irudunga oye o khi nighise. Ini u pfue o se, ri udu shi inyoghuo e enekpole o.”

³³ Ama iPita oo li, “Onomhue, mhi ga mu egbe ni mhi ro deba e ya lo owa ighumha, ali ni mhi nu e ya ghua.”

³⁴ Ijesu o oli, “Mhi gue e ye, khi, yeye iPita ona, neni okpa o ya gbieghe amo u ya kie mhe itese khi u waa lese mhe.”

Egheghe ingme o she ramhi

³⁵ Ijesu o ro mhila we, “Abi mhi ro ghie e fie lase, ni aa ro tsua eku e ukpagho wekhi akpaba wekhi eku e, emhikhoghuo o fe to e?”*

E oli, “Iiye.”

³⁶ Oo we, ama memena, ogbo ni o mhue eku e ukpagho o rue oli, oni o mhue akpaba o tsua li, ini u waa kpe mhue ogbhoro, ka ri awulu oye de, ni u ya de oghuo.

³⁷ Mhi gueye e khi emini a keke shi mhe egbe ni o la Ebe-no-pfuase, ni oo, “A leli oli ma egbo ni e lue,” o mema bhale ya tse shi mhe egbe. Irari khi emini a keke shi mhe egbe o she ramhi ni e ro bhale ya dose.†

³⁸ Eniye odukhokho eyoli e oli, “Bino, Onomhue, ogbhoro eva e la ana.” Oo we, “O somhi agho.”

Ijesu o la ute olivu so iromhi

(iMat 26.36-46; iMak 14.32-42)

³⁹ Ijesu o fie lase, e je Ute Eera Olivu, abi o kpe li. Eniye odukhokho eyoli e deba li.

⁴⁰ E ramhi agho, oo we, “A ke so iromhi ini a khi de pfilo imufe.”

⁴¹ O tikia na we dene, o wugha, o so iromhi, oo,

⁴² “Ita, ini o ghole e, mie mhe uko osoli imeme onana, ama oa khi abi o ghole mhe, ama abi o li ghole e.”

⁴³ Igho ageni o rote idane bhale ya ri ekpabo na li.

⁴⁴ Rote otomhe, o so iromhi egbegbo ramhi ni opfo ni e rote oli egbe e ku shi eke, e kho tikpo abi o lia.

⁴⁵ Abi o rote iromhi isoso vule, o nyene egbe bhale deba eniye odukhokho eyoli. O me khi osoli ni e vie o ri olosemhe shi we egbe, e lese.

⁴⁶ O mhila we. “El o ze khi a lese-a? A vule ni a ke so iromhi ini a khi de pfilo imufe.”

A mu ijesu

(iMat 26.47-56; iMak 14.43-50; iJon 18.3-11)

‡ 22:27 Li ze iJon 13.12-15 § 22:30 Li ze iMat 19.28 * 22:35 Li ze iMat 10.9-10; iMak 6.8-9; iLuk 9.3; 10.4 † 22:37 Li ze Aza 53.12

⁴⁷ Abi ɔ kie li ngme egho, egho e ve lole gbii. Omose ni a lu iJudasi ni ɔ li khi otuoghwo eniye odukhokho ogbava eyi iJesu ɔ rewe kia. O le deba iJesu ni loli ya pfi oli elemhi egbe.

⁴⁸ IJesu ɔ mhila li, ɔo li, "IJudasi, eri u ri otse ri Omi Ogho ɔ de ena?"

⁴⁹ Eni eniye odukhokho eyi iJesu e me emini a ya me ena, e mhila li, "Onomhue anye ri itakobi ni e la anye abo kholi?"

⁵⁰ Igho oghuo ɔ, ɔ ri itakobi fia oni ɔo ga oni ɔ kpada nya oye ekpodalo-ugamhi esɔ a.

⁵¹ IJesu ɔo li, "Taa! Khi ke gbo li igho." O ri obo ti oni omose oni esɔ, oni esɔ o gbela.

⁵² IJesu ɔ mhila ighie eyi ekpodalo-ugamhi, ali eni ee khekhe Owa Oyi Eshinegba, ali eni egbhali ni e bhale ya mu oli, "Eri mhia pfi ozughu ni a ro tsua epia ali itakobi ali ikpokpo bhale e deba mhe?"

⁵³ Ele kpa mhi ro la Owa Oyi Eshinegba e sese, ongee ɔa ri obo ti mhe, ama eghenge oye na ni ekpabo alo ebili e ro mhe."[‡]

IPita ɔ tia khi loli ea lese iJesu

(iMat 26.57-58,69-75; iMak 14.53-54,66-72; iJon 18.12-18,25-27)

⁵⁴ Igho e mu oli vu ya je owa oyi Okpodalo-ugamhi oyi Eshinegba ni ɔ kpada nya. IPita ɔ tapfia a deba we.

⁵⁵ Abi e ke ro pfi erali shi iteva oyi oni atukpapfe ni e ro shito, iPita ɔ li bhale ya nu we shito.

⁵⁶ Abi okpotso oni ɔo ga oghuo ɔ li me khi iPita ɔ nu we shito, ɔ bino oli tsuke, ɔo li, "Omose ona ɔ li nu iJesu kia."

⁵⁷ Ama iPita ɔ tia. ɔo li, "Kpotso, Mhia fe ga lese oli."

⁵⁸ O den, omose olese ɔ ke gbo me iPita, ɔ mhila li, "U li nu iJesu u kia."

⁵⁹ IPita ɔ ke, "Mose mhia nu oli kia."

⁶⁰ O ke te agho ri emhi abi agogo oghuo dose, omose olese ɔ ge ma ɔ gue, ɔo, "Mhi lese gboo khi omose ona ɔ nu iJesu u kia, irari khi onge iGalili ɔ li khi!"

⁶¹ Ama iPita ɔ so li ɔ, ɔo li, "Mose, mhi a lese emini u wa ngme ena." Utoghwo kpe abi ɔ kie li ngme, okpa ɔ gbieghe

⁶² Onomhue ɔ pfi alo bino iPita chii. IPita ɔ tode sato ungmehi ni iJesu ɔ ngme ni ɔ khi, "Neni okpa ɔ ya gbieghe, u ya tia itese, we khi u waa lese mhe."

⁶³ IPita ɔ fie je olase, ɔ ya vie oya.

Eni e khe ekhe e ri iJesu li egia

(iMat 26.67-68; iMak 14.65)

⁶⁴ Eni emose ni e khe iJesu ekhe, e roli li egia, e gbe oli.

⁶⁵ E geno oli alo, e mhila li, "Bobobo! Oghuo ɔ ri emhi lie?"

⁶⁶ Igho e ngme iwali ingmemhi emuebe ebubu deba li.

E mu iJesu bhale igbaa iSahediri

(iMat 26.59-66; iMak 14.55-64; iJon 18.19-24)

⁶⁷ Ogbe o gbe-a, eni egbhali ali ighie eyi ekpodalo-ugamhi, ali esese Ishi eyi iMosisi e legba. E rue iJesu lasese migha iteva oyewe.

⁶⁸ E lie oli, "Ini yeye u khi oni omiagbopfuese, gueye anye."

IJesu ɔo we, "Ini mhi tseku gueye e, aa ya mie shi mhe ɔ."

⁶⁹ Ini mhi mhila e, aa ya gbaghie a na mhe.

⁷⁰ Ama rote memena vu, omi ogho ɔ ya shito obita oyi Eshinegba obini iloghie."

[‡] 22:53 Li ze iLuk 19.47; 21.37

70 Wẹwẹ nya e mhila li, “Omi Ẹshinegba u khi?”

Ọọ wẹ, “A gue ngme ni ẹ khi Omi ọ mhi khi.”

71 Ẹ egbewẹ, “Awa ke gbolo ẹ nono ọtsẹle ọlese, awa-eghuo awa she ri eso eyawa suọ abi ọ ri unu oyọli ngme.”

23

A rue iJesu bhale odalo oyi iPaleti

(iMat 27.1,2,11-14; iMak 15.1-5; iJon 18.29-38)

1 Igho eni igbaa nya e vule, e pfi ọli ukhomhi ralo ghi iPaleti.

2 Wẹwẹ nya e gue ẹzọ shi ọli egbe, ẹ liẹ, “Anye she me ọmose ọna khi ọ sẹsẹ egbo ode egbholi. Ọọ ẹgbo e khi ke zẹ oga na oghie iSiza, ọ gbolo a liẹ khi lọli khi Ọmiepfuese ni ọ gbo khi oghie.”

3 Igho iPaleti ọ mhila li, “Suọ khi yeyẹ u khi oghie oyi ẹgbo iJu?” Ijesu ọọ li, “Abi o li gho.”

4 Igho iPaleti ọ gueyẹ ighie eyi ekpodalo-ugamhi ali eni igbaa, “Mhi a me ushi mu mhue ọmose ọna obọ.”

5 Wẹwẹ nya e liẹ, “Eri ọ ri osesẹ oyọli pfi ozughu ẹ shi eke ijudia nya. Eke iGalili ọ te gba li eke le ni ọ rọ ramhi ana ena.”

A rue iJesu bhale odalo oyi Erodu

6 Abi iPaleti ọ rọ suọ ona, ọ mhila wẹ ini ọngi iGalili ọ khi.

7 Abi ọ ke rọ suọ khi eke ni Erodu ọ mhẹsẹ shi iJesu ọ khi, ọ e rue ọli ghi Erodu ni ọ li la iJerusalemu oni ẹghẹghe.

8 Abi Erodu ọ rọ me iJesu, egbe e mu ọli, itobo khi o she tesẹ ni ọ te nono ni lọli me ọli, irari khi ọ she kpẹ suọ eko ọli, ọ gbolo nono ni ọ la ukpeloe luẹ gbe ikanya ọnyaloe eghuo.

9 Ọ mhila iJesu ogbo ebubu ama iJesu ọa pfa shi ọli eke.

10 Eni Ighie eyi ekpodalo-ugamhi eyi Ẹshinegba ali esesẹ Ishi eyi iMosisi e migha agho, e pfi oni o nga ọ shi ọ

11 Igho Erodu ali ekholi-okhue eyọli e gia li e gbo rọli li egia. E sọno li itsua ni e somhi otse ni e ghalẹ. E gbo rue ọli nyenẹ egbe ukhokho ghi iPaleti.

12 Ẹlẹgho, iPaleti ali Erodu e rọ somhi irari khi ọbe e kpẹ khi.

iPaleti ọ pfa ẹzọ mu iJesu a gbe ọli-a

(iMat 27.15-26; iMak 15.6-15; iJon 18.39-19.16)

13 iPaleti ọ luno ighie eyi ekpodalo-ugamhi ali eni ẹ mhẹsẹ ali eni ẹgbo nya,

14 Ọọ wẹ, “A rue ọmose ọna ghi mhẹ, a liẹ khi ọ pfi ozughu shi ẹgbo iteva. Ama ukpeloe ẹ mhi la mhila li ogbo lena, mhi aa me emhi khoghuo ni a rọ gue ẹzọ shi ọli egbe.

15 Wẹkhi eri Erodu ọ pfa ẹzọ mu ọli, irari khi ọ nyenẹ ọli egbe ukhokho ghi awa. A ga me ọli gboo khi oni ọmose ọna ọa li ingme okhoghuo nabi a rọ ya liẹ a gbe ọli-a.

16 Irari gho mhi ya nase ọli, mhi rue ọli obọ-a.”

17 [Ini a li ukpe iPasova, iPaleti, ọọ mema rue ogbo oghuo ighumha lasele na wẹ.]

18 Wẹwẹ nya e ku unu a nyogho, “A rue ọli vu ya gbe-a! A ri ochoghọ rue iBarabasi obọ-a na anye!”

19 Eri a kie kpẹ mu iBarabasi shi owa ighumha irari onyaghu ni ọ pfi shi oni ẹoli ali khi ọ gbo gbe ugbeli.

20 iPaleti ọ nono ni luẹ rue iJesu obọ-a, ọ gbo lema wẹ.

21 E kiele tsẹsẹ nyoghoo, “A ta li ma ọọra apfida gbe-a! A ta li ma ọọra apfida gbe-a!”

22 Utonuzesẹ, ọ gbo nu wẹ ngme, ọọ, “Elo o zẹ, Ingmobe onoghwo ọ riẹ? Irari khi mhia mẹ emini o zẹ ni a rọ ya gbe ọli-a. Itobo igho, mhi lẹsẹ ya nasẹ ọli, mhi rue ọli obọ-a.”

23 E kiele tsẹsẹ nyoghoo, a ta iJesu ma ọọra apfida gbe-a. Atsẹsẹ oyewẹ o rọli tse na wẹ.

24 Igho iPaleti ọ lama shi wẹ ọ.

25 Ọ rue iBarabasi ni a mu shi owa khi ọ pfi ozughu shi oni eke, ni o gbo gbe ugbe, obọ-a na wẹ. Igho ọ ri iJesu na wẹ, e ka li ọli abi o ghọle wẹ.

A ta iJesu ma apfida

(iMat 27.32-44; iMak 15.21-32; iJon 19.17-27)

26 Abi e li rue ọli lẹ, e mẹ omọse oghuo ni a lu iSamọ ongi iZireni ni ọ rọte ẹoli odonue lo oni ẹoli le. E ri itoto mu ọli, sheli ọli oni ọọra apfida ogho, ọ tsua li nga ike deba iJesu.

27 Ebubu ẹgbọ e deba iJesu, shi ikpotso ni e viẹ e viẹ oya na li.

28 IJesu ọ nyenẹ alo ghue wẹ, ọọ wẹ, “Ikpotso iJerusalemu, a khi ke viẹ na mhẹ. A ke viẹ na egbe ẹ ali imi ẹ,

29 Irari khi oni ẹghẹghẹ ọọ bhale ni a rọ ya ke liẹ, ‘Ikhivose o khi na ikpotso ni ẹa bia eniye, ni ẹa mẹ umemhi ghue, wẹkhi e ri e mu ẹnyesi shi omọ unu ghue.’

30 E ya liẹ ute, ‘De mu anye,’ ẹẹ ite enikeke, ‘A de khukhu anye a.’*

31 Irari ini ẹgbọ ẹ li na ini egua o vọ ebuli-a zughu, sẹ e ke ẹ li ini o khakha?”

32 A li muno ighiatọ aava ni a li ya gbe-a toma li egbe.

33 Abi e rọ ramhi ashini a lu, “Ugua ukhomhi olimhi,” agho e gbe ọli ali ighiatọ egho a shi. E ta oghuo ma ọọra shi ọli ukiẹkiẹ obita, e ta onokpọle shi ukiẹkiẹ obọ ogobọ.

34 IJesu ọli, “Ita, gbekua na wẹ irari khi ẹa lẹsẹ emini ẹẹ li.”†

E ri amukpagho pfi onolo rọ kemhi itsua eyoli.

35 Eni ẹgbọ e migha bino, enighie e dọli okonyo. E liẹ, “Oọ tsumhi ẹgbọsẹ, ọ tsumhi ẹgbọli ini lọli ọ khi Omiepfuese oyi Eshinegba ni a zẹ.”‡

36 Eni ekhọli-okhue e li bhale ya rọli li egia. E ri onyo ni ọ yala nali o mọ da. §

37 Ẹ ọli, “Ini o khia khi yeyẹ u khi oghie oyi ẹgbọ iJu, tsumhi egbe ẹ shọ.”

38 E keke emhi tama kpeda na li ni o ngme khi, “Ọna ọ khi Oghie oyi Ẹgbọ iju.”

39 Oghiatọ oghuo ni a li tama ọara, ọ tsue iJesu. Ọ liẹ ọli, “Óá khi yeyẹ wẹ khi Omiepfuese u khi? Tsumhi egbe ẹ, ni u li tsumhi anye.”

40 Ama oghiatọ onokpọle, ọ dese ọli, ọọ li, “Ulishi Eshinegba ọa ya muẹ, aborokhia khi eri ushi oghuo o ga mu awa?”

41 Akanya ni awa gbe awa mie ifata to e na. Ama omọse ọna, ọa li emhikhoghwo ni ọ mẹ osue a shi.”

42 Igho ọọ iJesu, “Sato mhẹ egbe ini u bhale ukpẹkhomhi eghiele oye.”

43 IJesu ọọ li, “Mhi gueyẹ khi, ogbe-namo ena, u ya nu mhẹ la Apfẹ oyi Eshinegba na iloghie.”

Eghuli oyi iJesu

(iMat 27.45-56; iMak 15.33-41; iJon 19.28-30)

* 23:30 Li zẹ Osia 10.8; Iro 6.16 † 23:34 Li zẹ iwolo 22.18 ‡ 23:35 Li zẹ iwolo 22.7 § 23:36 Li zẹ iwolo 69.21

⁴⁴ Agogo igbeva eḷe oḡuota o leṣe nu, obili o te bi oni ekẹ nya ya ramhi agogo eṣe eḷe oḡbomhi.

⁴⁵ Irari khi ovọ ọa ke to, ode ugbakpi ni a rọ pfa ode a shi elemhi Owa Oyi Eshinẹgba o te iteva kiṣe-a eva ya to ekẹ.*

⁴⁶ Ijesu ọ lu leghe, ọọ, “Ita, mhi ri ayemhe oyemhe mhọli e obọ.” Abi ọ rọ na ngme se, ọ ghua.

⁴⁷ Abi ọga okhọli-okhue ni ọ la agho ọ rọ me emini a me, ọ kueghie Eshinẹgba, ọọ li, “Egbegbo lo khi omose ọna oni ọ pfaṣe ọ khi!”†

⁴⁸ Abi eḡbo ni e le gba agho ni wewe e ri ukpele me emini a me, e rọ me emini a me, ee viẹ osue, e je.

⁴⁹ Ama eḡbo nya ni e leṣe ọli ali ikpotso ni e rọte iGalili deba li, e migha tapfia bino emini a ga me nya.‡

Irotọ oyi ijesu

(iMat 27.57-61; iMak 15.42-47; iḡon 19.38-42)

⁵⁰ Omose oḡhuo ọ la ọ na lu iJosefu. Ọ khi oḡhuo emose ni eḡ mheṣe. Ọ khi omose onete ni ọ pfaṣe.

⁵¹ Ọa lama shi ọ a ka gbe ijesu a. Onḡi ẹoli Arimatia na ekẹ iJudia ọ khi. Ọ migha khe Eghiele oyi Eshinẹgba.

⁵² Ọ le deba oghie iPaleti ya mhila li olimhi oyi ijesu.

⁵³ Ọ rọte ọọra apfida rue ọli tiemhile, ọ ri ide enegbo khuli ọli. Ọ ya rọli shi uji ufuṣe ni a to-a, ni oḡbo ọa kpe ri olimhi to ghue.

⁵⁴ Oḡbeḷe ni o mama eḷe iyemheya oyi eḡbo iḡu lo. Eḷe iyemheya o she leṣe ya ramhi.

⁵⁵ Eni ikpotso ni e rọte iGalili deba ijesu bhale e deba li ya me uji ni ọ ri ijesu to. Ali abi ọ li rọli to.

⁵⁶ Igho e nyene egbe je apfe ya rue ituale ni a ku e shi olimhi egbe.§

Ama e yemhe-a oḡbeḷe iyemheya. E ri ona ri ushi oḡbeḷe iyemheya gbe akanya.

24

Ite-eghuli-guale oyi ijesu

(iMat 28.1-10; iMak 16.1-8; iḡon 20.1-10)

¹ Eḷe ni odode na elemhi efo uka, oḡbie fiefie, eni ikpotso e bhale uji ni a ri ijesu to.

² E me khi eḣe ni a rọ khukhu oni uji, khi a ghegehe ọli ode-a.

³ Ama abi e rọ lo elemhi oni uji, ẹa me idiegebe oyi ijesu.

⁴ Abọ e sha we, abi e li migha a sa ọ eḡho, e me khi emose aava ni e so itsua epfopfo ni e ge nyanyanya e nu we migha.

⁵ Ulishi oo mu we, e nyese ukhomhi so alo ghue ekẹ. Ama eni emose e mhila we, “Elo o ze ni a rọ nono oḡbo ni ọ la aḡbo ifuabọ oyi eḡbo ni e ghua?”

⁶ Ọa ke la ana, ọ she guale. A sato emini ọ gueye e abi ọ rọ la iGalili khi:

⁷ ‘Omi Oḡbo ọ mema ya me osue obọ oyi eḡbo olamhe, e gbe ọli-a shi apfida, ama eḷenuzi-eṣe ọ ya guale.’ ”*

⁸ E tigbe yele eni ingme eyoli le.

⁹ E rọte atalimhi bhale, e gueye eniyẹ odukhokho oḡbaghuo enekpole ali eḡbo elese ni e la agho.

* 23:45 Li ze Okiali 26.31-33 † 23:47 Li ze Iwolo 31.5 ‡ 23:49 Li ze iLuk 8.2-3 § 23:56 Li ze Okiali 20.10; iDeut 5.14 * 24:7 Li ze iMat 16.21; 17.22-23; 20.18-19; iMak 8.31; 9.31; 10.33-34; iLuk 9.22; 18.31-33

¹⁰ IMeli ɔngi iMagidaleni ali iJoana ali iMeli inyi iJemhisi ali ikpotso ni e nu wɛ kia e gueyɛ eni ighiusomhi na kɛɛ.

¹¹ Ama eni eniyɛ odukhokho e dabi khi ingmemhi afuɛ eni ikpotso ee ngme, ɛa pfi esɔ shi wɛ ɔ

¹² Ama iPita ɔ vule, ɔ na ya je oni atalimhi, ɔ ramhi aghɔ, ɔ nyɛsɛ egbe bino elemhi oni uji, ɔ lɛsɛ mɛ ide ni a rɔ khuli ɔli eghɔ aghɔ, ama ɔa mɛ idiegbe oyi iJesu. Ighɔ ɔ li je apfɛ, abɔ e sha li.

Okiali na odɛ Emausi

(iMak 16.12-13)

¹³ Oni ogbeɛ ni e ngme ena, eniyɛ odukhokho aava eyi iJesu e je ɛoli Emausi ni o khi imali igbaghuo rɔte iJerusalemu.

¹⁴ E nu egbewɛ ngme ingme enana ni a mɛ.

¹⁵ Abi e li ngme ni e li lɛɛ eghɔ, iJesu ɔ khu wɛ ɛ, e ga kia lɛɛ.

¹⁶ E mɛ ɔli ama ɛa lɛsɛ ɔni ɔ khi.

¹⁷ IJesu ɔ mhila wɛ, “Elo a nu egbe a ngme abi a li kia lɛɛ ena?” E mu migha, alo eyɛwɛ e khi osoli-osoli.

¹⁸ Oghuo elemhi wɛ ni a lu iKilopasi ɔ mhila li, “Opfɛsɛ ɔshɛbhɛ u khi shi ekɛ iJerusalemu ni ɔa lɛsɛ emini a mɛ ekɛ ona aenɛluɛ?”

¹⁹ “Emhi eneghuo a mɛ?” IJesu ɔ mhila wɛ. Eni emɔsɛ ɛ ɔli, “Emini e li iJesu ɔna iNazarɛti. Omekeguele ɔmɔsɛ ɔna ɔ khi, ɔ mhue ekpabɔ oyi Eshinɛgba. Egbɔ e lɛsɛ ɔli shi emini ɔ riɛɛ ali ingmemhi ni ɔ gbolo o ngme.

²⁰ Ighie eyi ekpodalo-ugamhi eyi Eshinɛgba ali enighie e rue ɔli lasɛle ni a gbe-a shi ɔra apfida.

²¹ Eri anye dabi khi lolɔ ɔ ya pfa egbɔ iZirɛni shi ekɛ. Amo li ɛɛ esɛ abi a te mɛ ingme ena.

²² Ikpotso eghuo eyi anye e ri abɔ sha anye. E je uji oyɔli amo uzogbe fiefie,

²³ Ama ɛa mɛ idiegbe oyɔli. E nyenɛ egbe bhale ya gue khi wɛwɛ e mɛ igɛni ni e gueyɛ wɛwɛ khi ɔ she guale.

²⁴ Egbɔ eghuo elemhi anye e she je obɔ ya bino e mɛ khi abi e ngme o khi, ama ɛa mɛ iJesu.”

²⁵ IJesu ɔɔ wɛ, “A khi eyɛghɛ e, ni udu oyɛɛ ɔa nyanya mie emini emekɛguele e ngme suɔ.

²⁶ Aa lɛsɛ khi ina ɔni ɔmiepfuese ɔ li ya mɛ osue neni ɔ lo ufumhi oyɔli?”

²⁷ Oni iJesu ɔ tigbe ri emini a kɛkɛ shi Ebe-no-pfuasɛ lo wɛ esɔ ni e la ebe Ushi oyi iMosisi ali eyi emekɛguele nya.

²⁸ Abi e li ti ramhi ukuku ɛoli ni e je, iJesu ɔ riɛɛ abinɛ khi lolɔ ti okiali oyɛluɛ ya je odalo.

²⁹ Ama ee ti ɔli, ɛɛ ɔli, “Nu anye kushi ana irari khi ogbe o she vu, obili o she gbolo-a bi.” Ighɔ ɔ deba wɛ ɔ ya kushi na wɛ.

³⁰ Abi e kerɔ shitɔ ya ke le eminale, ɔ rue oni ibulɛdi, ɔ kphɛmhi, ɔ khi ɔli-a, ɔ kemhi na wɛ.

³¹ Eghɛghɛ ana, alo eyɛwɛ e khueghie-a, e tigbe lɛsɛ khi lolɔ lo. Eri-tɛɛ ɔ kele-a, ɛa ke mɛ ɔli.

³² E egbewɛ, “Oɔ khi eri ɔ li abi erali shi awa udu abi ɔ rɔ la odɛ nu awa ngme ni ɔ gbɔ rɔ gue abi Ebe-no-pfuasɛ o ngme ye awa?”

³³ Aghɔghɔ e vule nyenɛ egbe ukhokho je iJerusalemu. E bhale ya ɛ eniyɛ odukhokho ogbaghuo ali egbɔ enekpɔle ni e ga legba,

³⁴ ni e liɛ, “Egbegbi ingme lo khi ɔnɔmhue ɔ she guale, ɔ ri egbɔli gbo khase iSamo.”

³⁵ Igho eni etuava egho e guele emini a me ode, ali abi e lese iJesu eghoghe ni o ro khi ibuledi-a na we.

*IJesu o ri egboli khasa eniye odukhokho eyoli
(iMat 28.16-20; iMak 16.14-18; iJon 20.19-23; Ika 1.6-8)*

³⁶ Abi e ro kie gho ngme oni ungmehi, iJesu o migha we iteva oo we, "Opfomhe o nu e la."

³⁷ E yila, ulishi oo mu we, e dabi khi ayemhe olimhi o khi.

³⁸ Oo we, "Elo o ze ni udu oye e o ro nighise, ni a ro gbo mholi akhokhomhe shi udu oye e?"

³⁹ A bino abo ali awe eyemhe. Mhemhe lo. A ri obo timhe ni a me khi olimhi ogho o ya mholi idiegebe ali igua, nabi a me khi mhi mholi ena."

⁴⁰ Abi o ro ngme na se, o ri abo ali awe eyoli khasa we.

⁴¹ Abi oghela ali oshabo ni o vo we udu o kie ze we mie shi o ne, iJesu o mhila we, "A li mholi emhikhoghwo shi akana ni a le gho?"

⁴² E rue afele ni a nye na li,

⁴³ O rue oli la akpewe roli le.

⁴⁴ Oo we, "Ena e khi emini mhi gweye e abi mhi ro kie nu e la. Ingme eyemhe nya ni a keke shi Ushi oyi iMosisi ali, ebe eyi Emekeguele eyi Eshinegba ali Ebe Iwolo, e mema bhale ya tse."

⁴⁵ Igho o khueghie we udu-a ni e me asha lese emini a keke shi Ebe-nopfuase.

⁴⁶ O gweye we, "Emini a keke shi eke na. Omiepfuese o ya me osoli, o rote eghuli guale elenuzi-ese,

⁴⁷ eghoghe agho a ya ri eva oyoli ri imupfi ali irolamhe-topfa tse abo ushishi nya, rote iJerusalemu gba eke le.

⁴⁸ A ga me eni emhi enana nya.

⁴⁹ Mhi ya ri emini Itamhe o shobo ghie usomhi ghi e, eri-tse a la elemhi eoli iJerusalemu ramhi ni a ro ya ri itoto rote obini o yagha ghi e ni o ya kpha e sq."[†]

Inga idane oyi iJesu

(iMak 16.19-20; Ika 1.9-11)

⁵⁰ Abi o ro rue we vu ya fie, ni e ro kia ramhi iBetani, o tsua abo idane, o ku isemhe na we.

⁵¹ Abi o li ku isemhe na we, oo ze we obo, a rue oli nga idane.[‡]

⁵² Igho e nyese ukhomhi ga li. E mu egbe pfi ri ukpokpomhi oghela je iJerusalemu.

⁵³ E kiele la owa ugamhi no fune tse, e kuoghi Eshinegba.

Usomhi Onete oyi iJesu iKirisiti ni Ijoni O keke

Ungmemhi Oni o khi agbo

¹ Igbaekele, Ungmemhi O she kpe la o. Oni Ungmemhi o nu Eshinegba la. Oni Ungmemhi O khi Eshinegba.

² Igbaekele loli ali Eshinegba e te ga la.

³ Obọ oyoli a te ma emhikpa. Aa me emhikhoghuo ni a ma ni aa rote obọ oyoli ma.

⁴ Loli o mhọli agbo na agboagbo. Oni agbo oyoli, o ri akpa na egbo na agbo.

⁵ Oni akpa o ge nga alo ebili, ama alo ebili o dobe pfuse oli a.

⁶ Eshinegba o ghie omose oghuo ni a lu ijoni ghi egbo na agbo.*

⁷ Loli o bhale ya pfi otsese shi oni ogbo ni o khi oni akpa, ni egbo nya e rote oni otsese miesuo.

⁸ Oa khi oni ijoni o khi oni akpa; eri o li bhale ya pfi otsese shi oni akpa.

⁹ Loli o khi oni egbegbi akpa, ni o ya bhale agbo ni o ya ri imeke na egbo nya.

¹⁰ Oni Ungmemhi o la agbo, egbo ea lese oli, abi o ri rie khia khi loli a rote obọ oyoli ma agbo.

¹¹ O bhale deba egbo eyoli, ea lama mie oli.

¹² Ama, ebube ni e da lama mie oli, ni e lese mie eva oyoli suo, wewe o ri afu na e ro mele imi Eshinegba a.

¹³ Oa khi abi ita ali inyo e lie bia ogbo alo-gbugbugbu a ri ona ngme, ama Eshinegba o khi ita we.

¹⁴ Oni Ungmemhi o mele ogbo-a, o nu awa la agbo ona, awa me ufumhi oyoli, ikhi ufumhi oyi omi Ita otuoghuo kpe ni Ita o mhọli, oni o rote obọ oyi Ita bhale, oni o mhọli isomhelemhi ali igesikia gbeku o.

¹⁵ Ijoni o kia tse abo ingme oyoli ye egbo, o o tse, o o lie, "Ona mhi gueye e khi o ya bhale odukhoko oyemhe, ama o fu dose mhe itobo khi o kpe la agbo neni a bia mhe."

¹⁶ Rote isomhelemhi oyoli ni o gbeku o, awa te mhọli ikhivose ododa.

¹⁷ Obọ oyi iMosisi Eshinegba o te ri ushi na awa, ama obọ oyi iJesu iKirisiti isomhelemhi ali igesikia e te bhale.

¹⁸ Ogbokhoghuo o me Eshinegba ghue. Ama, Omi Eshinegba otuoghuo kpe, ni loli ali Eshinegba e khi oghuo, ni loli ali Ita e ga la, loli o ze ni agbo e ro lese Ita.

Ijoni o o khi loli e khi Omiepfuese

(iMat 3.1-12; iMak 1.1-8; iLuk 3.1-18)

¹⁹ Egbhali eyi iju ni e la iJerusalemu e ghie eni ee ralo ugamhi oyi Eshinegba ali eni e nu we gbe ikanya owa-ugamhi, e ka mhila ijoni oni o khi.

²⁰ Ijoni o ro sheli we, o nyanya so we o, o gueye we gboo khi o khi loli khi oni Omiepfuese.

²¹ E mhila li, "Oghuo u ke khi sho? Elaja u khi?"†

Ijoni o o, "Iye." E gbo mhila li.

* **1:6** Li ze iMat 3.1; iMak 1.4; iLuk 3.1-2 † **1:21** Li ze iDeut 18.15,18; iMala 4.5

“Omekeguele oyi Eshinegba u khi?”

Q o “Iiye.”

²² E gbolo e, “Gueye anye oni u khi sho, ni anye me emini anye ya gueye eni e ghie anye, elo yeye u khi sho?”

²³ IJoni o rote ungmehi ni Azaya omekeguele oyi Eshinegba o ngme so we o, oo, “Mhemhe mhi khi uruli oyi ogbo ni o la odagbe e tsese, ni oo lie, ‘A riele udu oye e shi eke khe Onomhue ni o o bhale.’”[‡]

²⁴ Egbo ni egbo iFarisi e ghie ghi iJoni, e mhila li,

²⁵ “Abi u a ro khi Omiepfuese, ni u a ro khi Elaja, wekhi oni omekeguele oyi Eshinegba u khi ena, elo o ze ni u ro o batazi egbo sho?”

²⁶ IJoni o so we o, oo, “Ameh mhi ro batazi egbo memena, ama ogbo oghuo o la e iteva memena ni aa lese ne.

²⁷ Loli o ke ya bhale odukhokho oyemhe, ni o khia khi mhia fu ramhi oni o taghie uli oyi eku e ni o ro so a.”

²⁸ Obini iBetani ni o la ukiekie obini ovo o te e ngale shi oke iJodani, ashini iJoni o la batazi egbo, a la me eni ingme ena nya.

Omi osumha oyi Eshinegba

²⁹ Ogbeakolo iJoni o me khi iJesu oo bhale, iJoni o gueye egbo, oo, “Omi Osumha oyi Eshinegba ni o rue olamhe eyi agbo vu na!

³⁰ Ona mhi ngme abi mhi ro lie, ‘Omose oghuo o ya bhale ni o fu dose mehe, itobo khi o she kpe la o neni a bia mehe.’

³¹ Egbegbi mhemhe mhia kpe lese oli ghue, ama eri mhi bhale ri ameh e batazi egbo ini mhi me asha ri oli khase egbo iZireni.”

³² Igho iJoni o pfi otsela ona khi, “Mhi me khi Ayemhe o li abi anekhukhu rote idane tiemhie ya ma li egbe.

³³ Mhia kha kpe lese oli, ama oni o ghie mehe mhi ri ameh ke batazi egbo, oo mehe, ‘Oni u da me khi oni Ayemhe o tiemhie shi o khi o migha li egbe ne, loli o khi oni o ya ke ri Ayemhe-n-o-pfuase batazi egbo.’

³⁴ Igho eni emini a gueye mehe ena e li de shi ukpeloe oyemhe, ni o remhe gueye e khi Omi Eshinegba o khi.”

Eniye odukhokho eni odode ni iJesu o ze

³⁵ Ogbeakolo iJoni ali eniye odukhokho eyoli etuava e gbo migha akagho.

³⁶ Abi iJoni o ro me khi iJesu oo dose, oo, “Bino Omi osumha oyi Eshinegba.”

³⁷ Abi eniye odukhokho etuava egho e ro suo ona te, e deba iJesu vu.

³⁸ IJesu o pfi alo ukhokho, o me we khi e deba lue, o mhila we, “Elo a nono.” Ee oli, “Osese, obo wa la?”

³⁹ Oo we, “A bhale ya bino.” Igho e deba li, e me obini o la. Agho e ke nu o la elegho nya rote agogo ene ele oghuota vu.

⁴⁰ Otuoghuo eniye odukhokho etuava ni e suo emini iJoni o ngme ni e deba iJesu vu o khi Aduru, inyoghuo iSamoiPita.

⁴¹ Igho Aduru o nyanya kpe te odode nono iSamoi inyoghuo oli gueye, oo, “Anye she me Omiepfuese.” (Emini a ri iKirisiti ngme khi, Omiepfuese.)

⁴² Aduru o rue iSamoi bhale ghi iJesu.

IJesu o bino oli, oo, “Yege u khi iSamoi omi iJoni, iKefasi a ke e ke lu e. iPita ali iKefasi emhi oghuo a rewe ngme.”

IJesu o lu iFilipu ali iNatanie

[‡] 1:23 Li ze Aza 40.3

⁴³ Ogbeakojo, iJesu o ke mu egbe khi loji rote agho vu ya ke je iGalili. O me iFilipu, oo li, “Deba mhe.”

⁴⁴ Onge iBetisaida ni Aduru ali iPita e khi iFilipu o li khi.

⁴⁵ IFilipu o ke nono iNatanieli me. Oo li, “Anye she me oni iMosisi o keke ingme oyoli shi ebe ushi, ni emekeguele e gbo keke ingme oyoli shi Ebe-nopfuase, ikhi iJesu onge iNazareti Omi iJosefu.”

⁴⁶ INatanieli oo, “INazareti we, eminete o li rote iNazareti e lase?” IFilipu oo, “Lese bhale ya bino tse.”

⁴⁷ Abi iJesu o ro me iNatanieli khi oo bhale obini lue la, iJesu oo, “Egbeghi onge iZireni na, oni oa ya lo egholi.”

⁴⁸ INatanieli o mhila li, “Se u gho lese mhe?” IJesu oo, “Mhi she me abi u ro la udi okhua eni neni iFilipu o lu e.”

⁴⁹ INatanieli oo, “Ose, Omi Eshinegba u khi, oghie oyi iZireni!”

⁵⁰ IJesu oo, “Itobo khi mhi e khi mhi me e udi okhua eni u ro tigbe miesuo, u ya me emini e dose ona.”

⁵¹ O gbo gueye we, “A ya me khi idane o khueghie-a, a me khi igeni eyi Eshinegba e rote idane e tiemhile ya nga shi mhemhe Omi Ogb o.”^S

2

Ijesu o ri amele meleyonyo a

¹ Ogbel onuzi-ese, a la iKena na eke iGalili ri omueshi ya ngeli. Inyo iJesu o la agho,

² A li lu iJesu ali eniye odukhokho eyoli shi oni ilegba ni a la ri omueshi ngeli.

³ Abi onyo ni a la agho da o ro pfo, inyo iJesu oo iJesu, “Onyo e pfo we ro da.”

⁴ IJesu oo, “Inyo, khi ke gueye mhe emini mhi ya li, itobo khi egheghe oyemhe oa ramhi ne.”

⁵ Inyo iJesu o gueye eni e so onyo, “A ri emini o da gueye e gbe akanya.”

⁶ Ikpokpomhi idubo eche esesa e la epfe agho na die ame e shi ni egbo iju e ro kpe egbe a abi ushi oyewe o ngme. Udubo oghuo oghuo, oo mie italabi ame ene.

⁷ IJesu o gueye eni e so onyo, “A ka die ame vo eni idubo esesa.” Igho e die ame vo ewe nya te unu tsue.

⁸ Igho oo, “A die o ghi oni o ri ukpeloe e khu oni ilegba.” Igho e die o ghi o.

⁹ Oni o ri ukpeloe e khu ilegba o rote eni ame ni a she ro mele onyo a da bino, oa kpe lese obini a me we, ama eni e so onyo e lese obini a me we. Igho oni omose o lu ughue-omueshi je epfe ete,

¹⁰ oo li, “Ashini a la ri ele emhi onana kpa, onyo onete onana a kpe ro lasele na egbo da khue neni a ri onyo oni o kpo-a lasele, Elo o ze ni a ro ri onyo ona kpe shi agho?”

¹¹ Ona o khi akanya onyaloa oni odode ni iJesu o gbe. Eoli iKena na eke iGalili o la ri ele o. Onana o ro ri ufumhi oyoli khase, ni eniye odukhokho eyoli e ro mie oli su.

¹² Ona o dose se, iJesu ali inyoli, ghe inyoghuo oli eni emose ali eniye odukhokho eyoli e tiemhi obini iKapanomu. E la oobo ukuku ogbele.*

Ijesu o lo elemhi Owa oyi Eshinegba le
(iMat 21.12-13; iMak 11.15-17; iLuk 19.45-46)

13 Abi eġheġhe ukpe oyi eġbo iJu ni a lu iPasova o ro ti bhale, iJesu o nga obini iJerusalemu.†

14 O bhale ya e khi eġbo e la elemhi apfe oyi Owa oyi Eshineġba ri ena ali isumha ali inekhukhu e de. Eghuo e shito pfa ikpagho na eġbo.

15 Igho iJesu o rue ili ro lali utali ulumhekke ro khu we ya lase nya, ghe eni ena ali isumha; o miatse we ikpagho kua, o ghi we abo okphe kpha ku-a.

16 Oo eni e ri inekhukhu e de, "A muno we ana-a! Se a li ri owa oyi Ita mhemhe e mele oki a."

17 Eniye odukhokho eyoli e ya yelee emini a kpe keke shi Ebe-no-pfuase khi, "Ingme owa oye o mu mhe egbe gba."‡

18 Igho enighie eyi iJu e mhila iJesu ini o mholi ikanya onyalo ni o ya gbe ni o ya rokhashe ewe khi o mholi afu ni o ro rieje enana nya.

19 IJesu oo we, "A bighi oni Owa oyi Eshineġba ona nya gbe, mhi ya gbo rieje o to ogbele ese."§

20 Enighie eyi iJu e ke mhila, "Owa ni a ri ikpe egbhueva ali esesa to wa lie khi u ri ogbele ese tse ya rieje to?"

21 Ama egbe oyoli o ri oni Owa oyi Eshineġba ni o ngme khokho.

22 Abi o ro ghu-a ni Eshineġba o ro gbo guise o le, eniye odukhokho eyoli e ro tige sa ya to emini o ke ngme. Ona o rewe mie ungmehi oni o la Ebe-no-pfuase, ali ingme oyi iJesu lolo suo.

23 Eġheġhe ni iJesu o ro la iJerusalemu, ikhi eġheġhe ukpe iPasova, ebubu eġbo e ro mie oli suo itobo khi e me ikanya onyalo ni o gbe.

24 Ama iJesu oa ya regbenga we obo itobo khi o lese emini eġbo e khi pfo nya.

25 Oa khi ogbo o ke gbo ya gue ingme oyi eġbo ye oli, itobo khi o she lese emini o la we udu.

3

IJesu ali iNikodemosi

1 Omose oghuo o la o ni o la otu iFarisi, o khi okhemue ni o mu eloe shi elemhi iJu, a lu oli iNikodemosi.

2 Oni omose ona o bhale deba iJesu eliyose eleghuo, oo li, "Osese, anye lese khi oni oo sese ni o rote obo oyi Eshineġba bhale u khi. Itobo khi ogbokhoghuo oa ya dobe ke gbe ikanya onyalo enabi u wa gbe ena ini Eshineġba oa nu oli la."

3 IJesu oo li, "Mhi gue igesikia ye khi, ini aa li rieje ogbo bia, oa ya me Eghiele oyi Eshineġba."

4 INikodemosi oo li, "Se a li gbo rieje ogbo ni o womhe se bia? Eri o gbo ya lo inyoli elemhi ni o gbo rieje oli bia?"

5 IJesu o soli o, oo li, "Mhi gue igesikia ye khi, aa me ogbokhoghuo ni o ya lo Eghiele oyi Eshineġba ini aa bia li elemhi ame ali elemhi Ayemhe.

6 Omose ali okpotse e bia ogbo alo gbugbugbu, ama Ayemhe oyi Eshineġba a ro rieje ogbo o bia elemhi ayemhe.

7 Khi ze ni ungmehi ni mhi khi, 'A mema rieje e ya bia,' o ligho ri abo she.

8 Obini o ghole akpekpeli o li e je, eri awa lie suo abi o lie li, ama awa aa ya me oli. Igho ingme oyi eni a rieje bia elemhi Ayemhe oyi Eshineġba e li."

9 INikodemosi o mhila iJesu, "Se a lie me ghoo?"

10 IJesu o, “Yeye ukpokpo-ogbo oguebe ni u lie sese egbo eke iZireni waa lese ona?”

11 Abi o li mhi li gue oli e ye khi emini anye lese, anye e ngme. Eminni anye me, anye e gueye agbo. Ama aa nono ni a mie usomhi oyi anye suo.

12 Ini waa mie mhe suo ini mhi gue ingme ena agbo ona ye, se u lie mie mhe suo ini mhi gue ingme iloghie ye?

13 Ogbokhoghuo o kpe ye iloghie jele ghue, se ni mhemhe Omi Ogbó ni mhi rote iloghie tiemhie.

14 Abi iMosisi o ke li ge enye ni a ri igolu lumhi shi ukpokpo, ni o tsua li idane obini odagbe ifufu, igho a mema li tsua Omi Ogbó idane.*

15 Eghегhe agho, onini o da mie oli suo, o ya mhóli agbo na agboagbo.

16 “Irari khi Eshinegba o o nono ingme oyi agbo gba, lóli o ro rue Omióli oni omose otuoghúo kpe na agbo, eghегhe agho onini o da mie oli suo ne, o ya pfua, ama o ya mhóli agbo na agboagbo.

17 Eshinegba o ghie omi oli bhale agbo, ni o bhale ya pfa ezó mu egbo na agbo, eri o ghie oli, o bhale ya mie agbo pfuese.

18 Aa ya pfa ezó mu oni o da mie Omi Eshinegba suo, ama oni o da mie oli suo, a she pfa ezó mu oli se, itobó khi o da mie Omi Eshinegba otuoghúo kpe suo.

19 Abi a lie so oni ezó na. Ákpá o bhale agbo, ama egbo e nono alo ebili ne, itobó khi ikanya ebe e gbe.

20 Oni o gbe ikanya ebe o ya ya nono ákpá, o da tigbe e bhale ákpá itobó khi ikanya eyóli e ya ri udi lasele ini e bhale ákpá.

21 Ama oni o da ri ungmehi oyi Eshinegba ni o khi igesikia a gbe akanya ne, o bhale ákpá ashini a te e me eke, ni ikanya eyóli e rokhasé khi odé oyi Eshinegba o rote.”

Otselè ni iJoni o pfi shi ingme oyi iJesu

22 Eje lese iJesu ali eniyè odukhokho eyóli e je eke iJudia. O nu we la oobo ukuku eghегhe, oo batazi egbo.

23 IJoni o la Ainoni ni o nué shi iSalimu li batazi egbo, itobó khi amé e lo bu shi agho. Egbo e je agho deba li ni o batazi we.

24 Eghегhe agho aa mu IJoni shi owa ighumha ne.†

25 Eniyè odukhokho eyi iJoni eghuo e nu ogbo iJu oghuo khakó shi ingme ikpegbe a ona ugamhi.

26 Igho e le deba iJoni, ee, “Osesé, u ke yelele omose oghuo ni u ke batazi, oni u ngme ingme oyóli epfe oké iJodani egho, o li e batazi egbo, lóli egbo nya e ke na deba memena.”

27 IJoni oo we, “Aa me emhikhoghúo ni ogbo o mhóli ni o da khi Eshinegba o roli na.

28 Ee ena a ga suo abi mhi ro lie khi o da khi mhemhe mhi khi Omiepfuese, khi eri a li ghie mhe ralo na li.‡

29 Omose oni o rue omueshi o khi ughue omueshi. Eri omole oni omose oni o rue omueshi o ri eso shi eke migha ke khe ughue omueshi. O kha da suo khi omole o da ngme ne, egbe ee mu oli. Igho egbe e lie mu mhe memena, igho oghelè oyemhe o gbo vo.

30 Ufumhi oyóli o mema ke nga shio, ufumhi oyemhe o o ke tiemhi.

* 3:14 Li ze iNoba 21.9 † 3:24 Li ze iMat 14.3; iMak 6.17; iLuk 3.19-20 ‡ 3:28 Li ze iJon 1.20

31 “Oni o rōte ilimhi tiemhie o fu dōse ɛgbō nya. Oni o rōte agbō ana lasele, ona agbō ona o khi. Irarigho, ingmemhi eyi agbō ana a ke ngme. Ama oni o rōte ilimhi tiemhie o fu dōse ɛgbō nya.

32 Emini o me ali emini o suo ilimhi, o gue e ye ɛgbō, ama ogbokhoghūo o me o li suo.

33 Oni o da mie emini o gūeye agbō suo ne, eri o rōkhasē khi igēsikia Eshinēgba o ngme.

34 Oni Eshinēgba o ghie, o o ngme ungmēmi oyi Eshinēgba, itobō khi eri Eshinēgba o ri Ayēmhe oyoli na li gbe ku o.

35 Eri Eshinēgba Ita o nono ingme oyi Omiqli oni o mōse, irarigho o rō ri emhikpa nga li obō. §

36 Oni o da mie Omiqli suo ne, eri o o mholi agbō na agbōagbō, ama oni o da kie o li ne, o ya ya mholi agbō, eri ibiselemhi oyi Eshinēgba o o de ba li agbōagbō.”

4

Ijesu o nu o kpotso o nge iSameria ngme

1 ɛgbō iFarisi e suo khi ebubu ɛgbō e de ba iJesu, ali khi o gbo batazi eniye odukhokho bu dōse iJoni.

2 Oa khi iJesu o ri obō oyoli mema batazi ɛgbō, ama eniye odukhokho eyoli e batazi ɛgbō.

3 Igho abi iJesu o rō suo ingme ni ɛgbō e ngme, o rōte ekē iJudia vu, o mu egbe pfi je iGalili.

4 O ya rōte odē iSameria dōse abi o rō lē iGalili.

5 Igho o bhale ɛoli na lu iSicha ni o la ekē iSameria, ni o a nuē shi ekē ni iGiekōpu o rō na iJosefu omiqli oni o mōse.*

6 Agho ilijia oni a lu ilijia oyi iGiekōpu o la. O lōsē iJesu itobō okiali ni o kia ramhi agho, igho o shito epfē oni ilijia. Oguota o lēsē mu ekē oni ɛghēghē.

7 O kpotso o nge iSameria oghuo o bhale ya a amē. IJesu o o li, “Diē amē na mhe da.”

8 ɛghēghē agho eniye odukhokho eyoli e she lo ifuapfē ya dē eminale.

9 Oni o kpotso o nge iSameria o o iJesu, “O nge iJu u khi, mhemhe mhi khi o nge iSameria, sē u ke li a liē mhi diē amē nē da?” Emini o zē ni o rō ngme na khi, ɛgbō iJu ali ɛgbō iSameria ɛa ri egbe e ti emhi egbe.†

10 IJesu o li, “Ini u lēsē isomhopfa ni Eshinēgba o rō na o gbō lō, ni u gbo rō lēsē emini o gbō ni o o mhi la e amē o khi lō, u kha mhi la li o ri amē nē da. ɛghēghē agho ni o ri amē ni e ri agbō o na o gbō nē da.”

11 Oni o kpotso o ke mhi la iJesu, o o, “Oga, waa mholi emhi ni a rō o a amē, oni ilijia o limhi. Obo u ke te ya me eni amē ni e ri agbō o na o gbō na a mhe da?”

12 Eri u ke liē khi yēyē u fu dōse iGiekōpu ita anye kpa?” Lōli o tō oni ilijia ona, ni o ri o li na anye, ni lōli ali imiqli ali elamhako eyoli e gbo te o da.

13 IJesu o ya sō li o, o li, “Onini o da da amē eyi ilijia ena, okiamē o gbo ya gbe o li.

14 Ama okiamē o a tigbe kē e gbe o nini o da da amē ni mhi ya rō na li da. Itobō khi amē eyēmhe e ya mele okē ni o a ke ya khakha ghue shi o li elemhi, ni o ya ke sha kule ri agbō na agbōagbō na li.”

15 Oni o kpotso o o, “Oga Kpēkpē ri eni amē na mhe da ini okiamē o khi ke gbo gbe mhe, ini mhi khi ke gbo bhale akana ya a amē.”

§ 3:35 Li zē iMat 11.27; iLuk 10.22 * 4:5 Li zē iGbae 33.19; iJosh 24.32 † 4:9 Li zē ɛzira 4.1-5; iNee 4.1-2

16 Ijesu oḡ, “Ka lu ɔmḡse ni ɔ rue e shi bhale.”

17 Oni ɔkpotoso oḡ, “Mhia mhɔli ɔmḡse.” Ijesu oḡ li, “Iḡesikia lɔ, ni u wɛ khi u a mhɔli ɔmḡse,

18 itobɔ khi u she kpɛ mhɔli emḡse oshe ni u kpɛ ngeli na. Oni u ga nu la memena, ɔa khi lɔli ɔ rɛ shi.”

19 Oni ɔkpotoso oḡ, “Kie! Oga, mhi she mɛ ɔli khi ɔmekɛguele oyi Eshinegba u khi.

20 Ukhomhi ute onana eni e bia anye eḡbɔ iSameria, e kpɛ la ga ugamhi, ama eɛ eḡbɔ iJu, e khi iJerusalemu awa mema la ke ga ugamhi.”

21 Ijesu oḡ li, “Mie mhɛ suɔ khi eḡheḡhe oḡ bhale ni u a ke rɔ la ukhomhi ute ona, wɛ khi iJerusalemu ya ga Ita.

22 Emimi eɛ eḡbɔ iSameria aa lɛɛ, a ga, ama anye lɛɛ emimi anye e ga itobɔ khi obɔ oyi iJu imiepfuese o te bhale.

23 Ama, eḡheḡhe oḡ bhale, oni eḡheḡhe o she ramhi ni eḡbɔ eni e ri iḡesikia e ga Eshinegba e rɔ ya ke ga li abi Ayemhɛ oyɔli o li rokhasɛ wɛ, e gbo te odɛ iḡesikia ga li, itobɔ khi eḡbɔ eni e lighɔ ɔ ga li, oḡ nɔnɔ.

24 Ayemhɛ oyi Eshinegba ɔ khi, eni eɛ ga li e mema ya ke ga li abi Ayemhɛ o rokhasɛ wɛ, ali rɔte odɛ iḡesikia.”

25 Oni ɔkpotoso oḡ iJesu, “Mhi lɛɛ khi ɔmiepfuese (ɔni a lu iKirisiti) ɔ ɔ bhale. ɔ kha bhale, ɔ ya khuɛghie emhikpa gueye anye.”

26 Ijesu ɔ sɔ ɔni ɔkpotoso ɔ, “Lɔli mhi khi ni mhi nu e ngme ena.”

27 Abi e kie li ngme, eniyɛ odukhokho eyɔli e bhale ya e khi o nu ɔkpotoso o ngme, o ri abɔ sha wɛ. ɔngɛwɛ ɔa mhila li, “Elɔ wa nono?” Wɛkhi e ri e mhila li, “Elɔ o zɛ nu u rɔ nu ɔli e ngme?”

28 Ighɔ ɔni ɔkpotoso ɔ zɛ akhe amɛ oyɔli obɔ shi aghɔ, ɔ je ifuapfɛ kia gueye eḡbɔ, oḡ liɛ,

29 “A bhale ka ghe ɔmḡse ɔghuo ni ɔ gue emimi mhi ga riɛɛ ghue nya yɛ mhɛ. ɔmiepfuese ɔ fɛ ya khi?”

30 Eḡbɔ e vɛ gbii te ifuapfɛ bhale ashini iJesu ɔ la.

31 Eḡheḡhe aghɔ, eniyɛ odukhokho eyɔli e ke lema li, “Osesɛ, waa ke le eminale.”

32 Ijesu oḡ wɛ, “Mhi mhɔli eminale ni mhia le ni aa lɛɛ.”

33 Eniyɛ odukhokho eyɔli e mhila egbe wɛ, “Eri ɔgbɔkhoghuo ɔ kpɛ ri eminale ghi ɔ le?”

34 Ijesu oḡ wɛ, “Eminale oyemhɛ khi, ni mhi riɛɛ ɔghuemhɛ oyi ɔni ɔ ghie mhɛ, ni mhi rɔ gbo gbe akanya oyɔli pfo.

35 Aa she ngme ɔ khi, ‘Iki ene e ke kpɔle ni a rɔ ke ya khiɛɛ emhi eḡmhi?’ Mhi gue e yɛ e memena, a bino khi emhi eḡmhi na ishemhi e she bie ni a khiɛɛ.

36 Memena a she e fali eni e khiɛɛ ishemhi ota akanya, ni e ke khiɛɛ ikhiɛɛ ni o ri agbɔ na agbɔagbɔ ɔ bhale. Eḡheḡhe aghɔ ni a bhale ya e khi eni e rɔ kɔ ali eni e khiɛɛ e ga kugbe ke gheɛ.

37 Onana o rokhasɛ khi emimi eḡbɔ e ngme khi iḡesikia o khi, ikhi ungmehi ni oḡ, ‘Oni ɔ rɔ kɔ, ɔ kiɔda shi ɔni ɔ khiɛɛ.’

38 Eri mhi ghie e a ka khiɛɛ emimi aa rɔ kɔ. Eḡbɔ elese e ya gbe ikanya ni e toto rɛwɛ kɔ, ama eɛ a mɛ eleli ikanya eyɛwɛ.”

Ebubu eḡbɔ iSameria e miesuo

39 Ebubu eḡbɔ iSameria ni e la oni ɛli e ri itobɔ emimi ɔni ɔkpotoso ɔghɔ ɔ gueye wɛ mie iJesu suɔ, ikhi emimi ɔ ngme ni oḡ, “A bhale ya ghe ɔni ɔ gue emimi mhi ga riɛɛ ghue nya yemhɛ.”

⁴⁰ Abi eni ẹgbọ iSameria e rọ bhale deba iJesu, e lema li ọ kpekpe ọ ku shi na ewe. Igho iJesu ọ ku shi na we ogbele eva.

⁴¹ Ebubu ẹgbọ elese e gbo mie iJesu suo itobọ ingmemhi ni ọ nu we ngme.

⁴² Eni ẹgbọ e ke oni ọkpotoso, “Anye she miesuo memena. Ọa khi itobọ emini u gueye anye tse anye rọ miesuo, ama itobọ khi anye she suo emini ọ ngme, anye gbo lese egbegbo khi oni ọmose ọna ọ ga khi oni Omiepfuese.”

IJesu ọ ri omi oni ọ gbe akanya igometi ni ọ fu ze

(iMat 8.5-13; iLuk 7.1-10)

⁴³ IJesu ọ la iSameria ramhi ogbele eva. Ọ rọte agho vu je iGalili.

⁴⁴ Ọ she kpe lie khi ẹgbọ ẹa la ẹoli oyi ọmekeguele oyi Eshinegba a mu ekpe na li.‡

⁴⁵ Abi ọ rọ lo eke iGalili le, ẹgbọ iGalili e mie ọli egbegbo, itobọ khi ukpele oyewe iJesu ọ la gbe ikanya ọnyaloa ni ọ la iJerusalemu gbe abi e rọ ri ele ukpe iPasova. §

⁴⁶ Igho iJesu ọ gbo nyene egbe je iKena ni o la eke iGalili, ashini ọ ke la ri amẹ mele onyo a. Ọmose ọghuo ni ọ gbe akanya igometi ọ la akaghọ, ni omi ọli ọ la iKapanomu ghua.*

⁴⁷ Oni ọmose ọ suo khi iJesu ọ rọte eke iJudia e bhale iGalili. Igho ọ bhale ya lema iJesu ọ kpekpe ọ deba lue ya nu loli ri omi lue, ni ọa ze ni ọ la akọ eghuli ze.

⁴⁸ IJesu ọọ, “Ini aa li me ọlele ọnyaloa ali ọshabo, aa ya miesuo.”

⁴⁹ Oni ọmose ni ọ gbe akanya igometi, ọọ, “Onomhue, kpekpe bhale neni omimhe ọọ ghua.”

⁵⁰ IJesu ọọ li, “Ke je khi omie ọ ya ze, ọa ya ghu.” Oni ọmose ọ mie emini iJesu ọ gueye ọ suo, ọọ je.

⁵¹ Abi ọ rọ je, eni ẹ ga li, e bhale ya lona li ode, e gueye ọli, “Omi ọ she ze.”

⁵² Oni ọmose ọ mhila we, “Egheghe onoghuo oni ọmọ ọ la ze?” E gueye oli khi, “Agogo oghuo ọguota oode oni ọmọ ọ la ze.”

⁵³ Oni ita oni ọmọ ọ sato khi egheghe agho tee iJesu ọ la gueye lue, “Omi ọ ya ze.” Loli ali apfe ọli nya e mie iJesu suo.

⁵⁴ Onana o khi akanya ọnyaloa onuzi-eva ni iJesu ọ gbe abi ọ rọ rọte eke iJudia bhale iGalili.

5

IJesu ọ ri ọmose ọghuo ni ọọ ghua ze

¹ Abi a rọ me ingme ena se, iJesu ọ nga obini iJerusalemu shi ukpe ni ẹgbọ iJu e ri ele.

² Mena, ode unuekpe ni a lu Isumha o la iJerusalemu. Ateke ni oke o chocho shi o la agho. IBetisaida a ri elemhi Iburu ẹ lu oni oke. Ikuku ikholo ishe ni a ghi e la gase oni oke.

³ Ebubu ẹgbọ ni ẹa ze, ikhi ezalo, ali eni ẹa dobe e kia ali eni e ghu egbe-a, e yeshi gase oni oke. Eri e migha khe egheghe ni a rọ ọ wushe oni oke-a.

⁴ [Irari khi o mhọli egheghe ni agho oyi Eshinegba ọ rọo tiemhi elemhi oni oke ya wushe ọli-a. Egheghe agho onini ọ da kpe te odode ya tiemhi oni oke ini oni agho ọ lese wushe ọli-a se, a roli ze, ughuamhi onini o tseku yese ọli e ngme]

⁵ Ọmose ọghuo ọ la agho ni o she gba ikpe uye-ali-igbelelele abi ọ te e ghua.

‡ 4:44 Li ze iMat 13.57; iMak 6.4; iLuk 4.24 § 4:45 Li ze iJon 2.23 * 4:46 Li ze iJon 2.1-11

6 Ijesu o bhale ya e oni omose shi agho, o lese khi o she la agho tese. Ijesu o mhila li, oo li, "Wa nono ni u ze?"

7 Oni omose ni o ghua o so li o, oo, "Oga mhi aa mholi ogbo ni o ya kpaghie mhe obo mu mhe tiemhi elemhi oke. A kha da lese wushe oke-a se, ni mhi ro da mu egbe ni mhi tiemhi ne, ogbo olese o kpe tiemhi khe mhe."

8 Igho ijesu oo li, "Vule! Rue iya oye mhue obo ni u ke kia."

9 Igho oni omose o ze agho agho, o rue iya oyoli, oo kia. Elegeho o khi Ogbele iyemhea oyi egbo iju.

10 Enighie eyi iju ee oni omose ni a ro ze, "Kieee! Amo o khi Ogbele iyemhea oyi egbo iju. Eri u gbe ushi ni Eshinegba o ro na iMosisi-a. Ighuighue lo ni u ro tsua iya oye ele iyemhea."*

11 Oni omose oo, we, "Omose ni o re mhe ze oo mhe, 'Rue iya o ye, u ke kia.' "

12 E mhila li, "Oghuo o khi oni ogbo ni o gueye u rue oli eke u ke kia?"

13 Oni omose ni a she ro ze, oa ke lese ogbo ni o ro li ze, itobo khi ijesu o she lo ifuabo egbo oni egehehe.

14 Abi a ro me ena se, ijesu o bhale ya e oni omose ni o ro ze elemhi Owa oyi Eshinegba. Ijesu oo li. "Ghekhe, abi u ro da ze se ena, khi ke gbo lamhe, ini emhi obe olese ni o dose ana o khi ya li e."

15 Igho oni omose o vu, o ya gueye egbo iju khi ijesu o re lue ze.

16 Itobo khi ijesu o gbe ikanya enana Ogbele iyemhea oyi egbo iju, egbo iju ee jili oli.

17 Ijesu o gueye we, oo, "Egehehe kpa Itamhe o ro gbe akanya, igho mhemehe mhi li lie gbe akanya."

18 Itobo ungmehi onana egbo iju e ro mema gba li abi e li ya gbe oli-a. Oa khi itobo khi o gbe ushi oyi Ogbele iyemhea oyi egbo iju tse e ro ye ugbamhi oyoli, ama itobo khi oo khi Eshinegba o khi Ita loli. E lie khi e li o ri onana a lie khi otu loli ali Eshinegba e khi.

Eshinegba o ri afu na Omi oli

19 Ijesu o gueye we, oo, "Abi o li mhi li gue oli e ye e, khi mhemehe Omi Eshinegba mhi aa dobe ya riehe emhikhoghuo ootsobo oyemhe, ama emini mhi me khi Eshinegba itamhe oo riehe, mhi ya ke riehe.

20 Irari khi Ita o nono ingme oyi omioli o ro ri emini o riehe nya khashe oli. O ya gbo ri emini e fu dose ena khashe mhe ni o ya sha e abo.

21 Abi Ita o li guise eni e ghu-a le ni o gbo ri agbo na we, igho mhemehe omi oli mhi li ya ri agbo na oni o ghole mhe.

22 Ita oa ya ri ogbokhoghuo gue ezoo, ama omioli o ri afu na, ni o ro ri egbo gue ezoo.

23 Ni a bhale ya e khi ogbokpa o mu ekpe na oni Omoo abi a li mu ekpe e na Ita. Oni oa da mu ekpe na oni Omoo oa mu ekpe na oni Ita ni o ghie oni Omoo.

24 "Abi o li mhi li gue oli e ye e khi, oni o da suo ungmehi oyemhe ni o da gbo mie oni o ghie mhe suo, o she mholi agbo na agboagbo. Ogbo oa ya pfa ezoo mu oli, itobo khi o she rote ode eghuli lasese bhale ode agbo.

25 Abi o li mhi li gue oli e ye e khi egehehe oo bhale, oni egehehe na, ni eni e ghu-a e ro ya suo ungmehi oyi Omi Eshinegba, eni e da suo ungmehi oyoli, e ya la agbo.

26 Abi Ita o li khi oni o ri agbo o na ogbo, igho o ri oni agbo na Omioli, ni o li ke ro na egbo.

27 O she gbo ri afu ni a ro so ezoo na Omi oli, itobo khi loli o khi Omi Ogbo.

* 5:10 Li ze iNee 13.19; iJere 17.21

28 “Emini mhi gueye ẹ, o khi sha ẹ abo, itobọ khi ẹghẹghẹ ọọ bhale ni ilimhi nya ni a she rọ tọ e ya suọ uruli oyọli.

29 E kha da suọ oni uruli ne, e ya guale, e te uji fiẹ lase, eni e da riẹlẹ onete, e ya mhọli agbo, ama ẹgbọ ebe e ya guale shi epfua.†

30 Emhikhoghuo ọa la ọ ni mhi dobe ya riẹlẹ ọotsobo oyemhe. Abi itamhe ọ gueye mhe mhi li so ẹzo mhi lie so ẹzo. Iso-ẹzo oyemhe oni o migha lo, itobọ ọa khi abi o ghọle mhe mhi lie gbe ikanya, ama emini o ghọle Itamhe ni ọ ghie mhe mhi rọ gbe akanya.

A pfi ọtsẹlẹ shi oni iJesu ọ khi

31 “Mhi aa ya pfi ọtsẹlẹ na egbe mhe. Mhi kha pfi ọtsẹlẹ na egbe mhe, ẹgbọ ẹa ya rue oni ọtsẹlẹ shi egbegbo.

32 Ọgbọese ọ la ọ ni ọ pfi ọtsẹlẹ na mhe. Mhi lesẹ ọtsẹlẹ oyọli ni ọ pfi ẹ na mhe khi egbegbo lo.

33 “A she kpẹ ghie usomhi ghi iJoni, ọ pfi ọtsẹlẹ shi oni ọ khi igesikia.‡

34 Ama ọa khi eri mhi mu ma ọtsẹlẹ oyi ọgbọ, eri mhi mema gue ọtsẹlẹ ni iJoni ọ pfi na mhe ye ẹ ini a mhọli imiepfuese.

35 Eri iJoni ọ gẹ abi ákpá ni o rọ ode ẹ khase ẹ. Ukuku ẹghẹghẹ a lama mie oni ákpá ni o ri egbe mu ẹ.

36 “Mhi mhọli ọtsẹlẹ ni ọ fu dose ọtsẹlẹ ni iJoni ọ pfi na mhe. Ika ni Itamhe ọ rọ na mhe mhi gbe pfo ni mhi kiele ẹ gbe, e pfi ọtsẹlẹ khi Itamhe ọ ghie mhe.

37 Itamhe ni ọ ghie mhe ọ she pfi ọtsẹlẹ shi ingme oyemhe. Aa tigbe kpẹ suọ uruli oyọli wẹkhi eri a tigbe kpẹ mẹ abi ọli.§

38 Ungmemhi oyọli ọa la elemhi oye ẹ, itobọ khi aa mie oni ọ ghie suọ.

39 Á rọshẹka wẹna Ebe-no-pfuase, ni a dabi khi lọli o ya ri agbo na agboagbo na e. Oni ebe ona lọli o gbo pfi ọtsẹlẹ shi ingme oyemhe.

40 Ama aa nono ni a bhale deba mhe, ini a mhọli agbo.

41 “Ọa khi ikuẹghie oyi ẹgbọ mhia nono.

42 Ama mhi lesẹ ẹ. Mhi lesẹ khi aa mhọli inono oyi Eshinegba shi udu o ye ẹ

43 Eva oyi Itamhe mhi rọ bhale, ama aa mie mhe, ọgbọese ọ kha ri eva oyọli bhale deba ẹ, a ya mie ọli.

44 Emini o zẹ khi aa miesuọ khi, ikuẹghie ni o rọte obọ oyi ẹgbọ bhale á nono, ocho ni a kha rọ ke nono oni o rọte obọ oyi Eshinegba bhale.

45 “A khi sa khi mhia ya pfa ẹzo mu ẹ odalo oyi Itamhe. Oni ọ pfa ẹzo mu ẹ khi iMosisi ni a regbenga.

46 Ini a mie iMosisi suọ lo, a kha mie mhe suọ itobọ khi ọ keke ingme oyemhe shi ebe.

47 Ama abi aa rọ mie emini ọ keke shi ebe suọ, seẹ a ke li ya mie emini mhi gueye ẹ suọ?”

6

Ijesu ọ ri eminale na ebubu ẹgbọ le

(iMat 14.13-21; iMak 6.30-44; iLuk 9.10-17)

1 Abi a rọ mẹ ingme enana se, ijesu ọ da okẹ oniẹmhi no khishi na lu iGalili lasele je egele ọ. (iIberiasia a gbolo ẹ lu oni okẹ.)

2 Igho ebubu ẹgbọ e ve deba li gbii, itobọ khi e mẹ ikanya ọnyaloa ni ọ ri eni ẹ ghua ze.

† 5:29 Li zẹ iDan 12.2 ‡ 5:33 Li zẹ iJon 1.19-27; 3.27-30 § 5:37 Li zẹ iMat 3.17; iMak 1.11; iLuk 3.22

3 Igho iJesu ali eniye odukhokho eyoli e nga ukhomhi ute ya shito.

4 Eghēghē agho ukpe iPasova oyi iJu o she ramhi.

5 Abi iJesu o yase alo, o me ebubu egbō ni e bhale deba li, igho o mhila iFilipu, o o li. “Obo awa te ya de eminale ni e ya lo egbō ena le?”

6 Eri iJesu o mema mhila li ni o ro mhese o li bino, itobo khi o she kpe lese emini loyi ya riefe shi udu.

7 iFilipu o so iJesu o, o o li. “O kha tseku khi ifata iki elele, e a ya lo ni a ro de eminale ni a me ya kemhi pfiēle-pfiēle na we tonu unu!”

8 Otuoghuo eniye odukhokho eyoli ni a lu Aduru ni o khi inyoghuo iSamō iPita, o o li,

9 “Ukuku omo o la akana ni o tsua irui ibuleḍi ishe ali ifele aava. Ashi enana e kia ya ramhi, ni aa kemhi na egbō ena nya?”

10 IJesu o o li, “A ri eni egbō shito.” Ebuli iyeye e vo agho egbegbo. Eni egbō nya e shito, emose ni e la o tse, e khi egbō agbele asha ishe.

11 IJesu o rue eni ibuleḍi, o tse Eshinegba uwegbe shi o, o kia kemhi na we. O gbo ligho rue eni ifele, o tse Eshinegba uwegbe shi o, o kemhi na we. Eni egbō e le, e khue.

12 Abi e ro le khue se, iJesu o gueye eniye odukhokho eyoli, o o, “A kia sano iku we eni e le kpole, a khi ze ni e li opfu-a.”

13 Abi e ke ro sano we gbili, ighughu igbeva e vo iku ibuleḍi ni egbō e le kpole.

14 Abi eni egbō e ro me ikanya onyaloa ni iJesu o gbe, ee li, “Igesikia lo khi omo o na o khi omekeguele ni e khi o ya bhale agbo.”

15 IJesu o lese khi eni egbō e she gba abi e li ya ri itoto roli khi oghie, igho, lolighuo o te we ifuabo vu ya nga ukhomhi ute.

IJesu o kia ukhomhi oke

(iMat 14.22-33; iMak 6.45-52)

16 Abi ogbomhi o ro mu eke elegho, eniye odukhokho eyoli e tiemhi oke ni o khishi.

17 Agho e te lo oko-okē oniēmhi ni o tsua we da lase je iKapanomu. Oni eghēghē obili o she bi, iJesu o a nu we la akaghō.

18 Igho akpekpeli oniēmhi o tsua rughu we, oke o wushe kugbe.

19 Abi e ro kia ukhomhi oke ramhi abi imali ese ali ene ghō, e me khi iJesu o kia ukhomhi oke e bhale. Ulishi oo mu we.

20 IJesu o o we, “Mhemhe lo, ulishi o khi ke mu e.”

21 Igho, o ghole we ni e tsua iJesu shi elemhi oko-okē oniēmhi. Aghoaghō oni oko-okē oniēmhi o ramhi egele obini e je.

Egbō e nono iJesu u gasē

22 Ogbeakolo eni ebubu egbō ni e kpe la olase egele oke ukiēkiē obini o kpole ni eniye odukhokho e kpe te vu. E lese khi oko-okē oniēmhi oghuo tse o kpe la agho, eni egbō e lese khi eniye odukhokho eyoli tse e la oni elemhi oko-okē oniēmhi, ali khi iJesu o a nu we lo oni oko-okē oniēmhi abi o rote agho vu.

23 Iko-okē elese e rote obini iTiberiasia bhale epfepfe ashini iJesu o la ri eminale ni ebubu egbō le, ni o la tse Eshinegba uwegbe shi eni eminale.

24 Abi eni egbō e me khi iJesu ali eniye odukhokho eyoli e a la akaghō, e dose lo iko-okē, ni e tsua we je iKapanomu, ni e ya nono iJesu gasē.

IJesu ni o khi Eminale ni o ri agbo o na ogbo

25 Abi e ke ro me iJesu ukhomhi egele olase oke ukiēkiē obini uzeva, ee o li, “Ose se, eghēghē onoghuo u ro ramhi oola?”

²⁶ IJesu o so we o, oo we, “Egbegbi-ingme mhi gue e ye e, o a khi itobo khi a me ikanya onyaloa ni mhi gbe a ro nono mhe, ama itobo eminale ni mhi ro na e le khue.

²⁷ A khi ke kuelea nono eminale oyi agbo ona ni oo yese-a, ama a ke kuelea nono eminale ni oo la o agboagbo ni Omi Ogbo o ro ya na e le. Itobo khi Eshinegba Ita o she ri obo nga li ukhomhi o mie shi oli o.”

²⁸ Igho, e ke mhila li, e o li, “Elo anye ya ke li ni anye ro ya ke gbe akanya ni o ghole Eshinegba?”

²⁹ IJesu oo we, “Akanya oyi Eshinegba khi ni a ro mie oni o ghie suo.”

³⁰ E gbo mhila li, ee oli, “Ikanya onyaloa eneghuo u ya ri ele khasa ni anye me ni anye ro ya mie e suo? Elo u ya ri ele?”

³¹ Eni e bia awa e le eminale ni e rote idane de kule, Abi Ebe-no-pfuase o ngme khi. ‘O ri eminale ni e te idane de kule na we le.’ ”*

³² IJesu o so we o, oo. “Egbegbi-ingme mhi gue e ye e, a khi iMosisi o ri eminale te idane tiemhile na e le, ama Itamhe lighuo o rote idane ri egbegbi eminale tiemhile ni e le.

³³ Itobo khi eminale ni Eshinegba o ro na ogbo, loli khi oni o rote iloghie bhale ya ri agbo na egbo na agbo.”

³⁴ Ee oli, “Onomhue, kpekpe rote ana vu, ke ri oni eminale ona na anye le.”

³⁵ IJesu o so we o, oo we. “Mhemhe mhi khi eminale ni o ri agbo o na ogbo. Onini o da bhale deba mhe, okiamhi o a ke gbe oli ghue, oni o da mie mhe suo okiam e a tigbe ke ya gbe oli.

³⁶ Ama mhi gueye e khi a she me mhe, ama aa kie mie mhe suo.

³⁷ Egbo ni Itamhe o ro na mhe nya e ya bhale deba mhe, oni o da bhale deba mhe ne mhia ya khu oli vu.

³⁸ Itobo khi eri mhi rote iloghie ilimhi tiemhile ni mhi ro ri ele oghuemhe oyi oni o ghie mhe, a khi ni mhi ri ele oghuemhe oyemhe.

³⁹ Oghuemhe oyi Ita ni o ghie mhe khi, ni a bhale ya e khi okhoghuo eni o ro na mhe o a wa mhe-a, ali ni mhi ro guise we le ri agbo na we, ogbele ni o kpukhoko.

⁴⁰ Oghuemhe oyi Itamhe khi ni ogbokpa ni o da pfi alo bino omioli, ni o gbo mie oli suo o ya mholi agbo na agboagbo. Mhi ya guise oli le mhi gbo ri agbo na li ogbele ni o kpukhoko.”

⁴¹ Itobo khi iJesu oo we, “Mhemhe mhi khi eminale ni o rote iloghie ilimhi tiemhile,” egbo iju e wolo shi o.

⁴² Igho e lie, “Onana o a she khi iJesu omi iJosefu, ni anye lese itali ali inyoli? See o ke lie lie khi, ‘Mhemhe khi ibuledi ni o rote iloghie ilimhi tiemhile.’ ”

⁴³ IJesu o so we o, oo, “A khi ke wolo.

⁴⁴ Ogbokhoghuo o a la o ni o ya bhale deba mhe ini o a li khia khi Ita lighuo ni o ghie mhe o ti o bhale, mhi ya guise oli le gbo ri agbo na li ogbele ni o kpukhoko.

⁴⁵ Omekeguele oyi Eshinegba oghuo o kpe keke oli shi Ebe-no-pfuase khi, ‘Eshinegba loli oghuo o ya sese egbo eyoli nya.’ Ogbokpa ni o da ku es-a na Ita, ni o rote obo oyoli wena, o ya bhale deba mhe.†

⁴⁶ Aa me ogbo ni o me Eshinegba Ita ghue, ini o a li khi oni o rote obo oyoli bhale. Lighuo tse o me oli.

⁴⁷ Egbegbi ingme mhi gueye e, oni o da mie mhe suo, o she mholi agbo na agboagbo

* 6:31 Li ze Okiali 16.4,15; Iwolo 78.24 † 6:45 Li ze Aza 54.13

48 Mhëmhë mhi khi eminale ni o ri agbò ọ na ọgbò.

49 Eni e bia ẹ, e le eminale ni e rọte idane de kule obini ọdagbe-ifufu, e kie ghuloa.

50 Ama ọna ọ khi eminale ni o rọte iloghie tiemhile, ọni ọ da le ọli, ọa ya ghu.

51 Mhëmhë mhi khi eminale ni o ri agbò ọ na ọgbò, ni o rọte iloghie tiemhile. Ọnini ọ da le eminale ona, ọ ya mhọli agbò na agbòagbò. Oni eminale ona, idiegbe oyemhë lo, ni mhi ya rọ shi eke na agbò ni e rọ mhọli agbò.”

52 Abi iJesu ọ rọ ngme ona se, ẹgbò iJu e nu egbe wẹ khakọ ekhakọ oniēmhi, ikhi. “Sẹẹ ọmọse ọna ọ li ri idiegbe oyọli na awa ya le?”

53 IJesu ọọ, “Egbegbi ingme mhi gueye ẹ, ini u a li le idiegbe, ni u gbo da ọlia eyi Omi Ọgbò, wa ya mhọli agbò.

54 Ọni ọ da le idiegbe oyemhë ni ọ gbo da ọlia eyemhë, ọ ya mhọli agbò na agbòagbò. Ọ ya mhọli agbò itobọ khi mhi ya guise ọli le gbo ri agbò na li ogbẹle ni o kpukhokho.

55 Idiegbe oyemhë khi egbegbi eminale, ọlia eyemhë e gbo khi egbegbi emini a da.

56 Ọni ọ da le idiegbe oyemhë ni ọ gbo da ọlia eyemhë, ọ la elemhi oyemhë, mhëmhë mhi li la elemhi oyọli.

57 Abi Ita ni ọ mhọli agbò ọ ghie mhe, mhi li mhọli oni agbò, Ighọ ọni ọ da le idiegbe oyemhë ọ li ya mhọli agbò itobọ oyemhë.

58 Onana lọli khi eminale ni o te iloghie tiemhile, ọa li abi eminale ni e rọte idane de kule ni eni e bia ẹ e kpẹ le, ni e rọ kie ghua. Ama ọni ọ da le idiegbe oyemhë ọ ya la agbò agbòagbò.”

59 Eni ingmemhi ena iJesu ọ ngme abi ọ li la elemhi owa ugamhi ni o la iKapanomu sẹsẹ.

Ingmemhi eyi iJesu ni e ri agbò na agbòagbò ọ na ọgbò

60 Abi e rọ suọ eni ingmemhi ni iJesu ọọ ngme, ebubu eniyẹ odukhokho eyi iJesu e ke, “Osẹsẹ, ena e ma ze dọsẹ e. Oghuo ọ dobe ya mie shi ọ?”

61 Abi iJesu ọ rọ lẹsẹ khi eniyẹ odukhokho eyọli ẹ wọlo, ọọ, “Eri ingmemhi eyemhë e yese ẹ udu-a?”

62 Sẹẹ a ke ẹ ngme ini a mẹ Omi Ọgbò khi ọ nga iloghie ya shitọ obini ọ kpẹ te tiemhile?

63 Ayemhë oyi Eshinegba ọ ri agbò ẹẹ na ọgbò, ama ọgbò ọa dobe ri agbò ẹẹ na ọgbò. Ingmemhi ni mhi nu ẹ ngme, obọ oyi Ayemhë e te ẹẹ bhale, wewẹ e ri agbò ẹẹ na ọgbò

64 Abi o riẹ khi ighọ, eghuo elemhi ẹ, ẹa miesuọ.” Itobọ khi iJesu ọ she kpẹ te eke lẹsẹ eni ẹa mie ọli suọ ali ọni ọ ya ri ọli dẹ.

65 IJesu ọ gbo gueye wẹ, ọọ wẹ, “Ona o zẹ khi mhi gueye ẹ khi ọgbò lọlighuo ọa dobe ya bhale deba mhe sẹẹ ini Ita ọ ri oni afu na li.”

66 Rọ te ana vu eniyẹ odukhokho eyọli ebubu e mu egbe pfi ẹa ke lama deba li.

67 IJesu ọ mhila eniyẹ odukhokho etuogbava eyọli, ọọ wẹ, “Eri a nono ni a li vu?”

68 ISamọ iPita ọ sọ ọli ọ, ọọ li, “Ọnọmhue, oghuo anye ya lẹ deba? Yeyẹghuo u mhọli ungemhi ni e ri agbò na agbòagbò ọ na ọgbò.

69 Anye miesuọ, anye gbo lẹsẹ khi yeyẹghuo u khi Ọni ọ pfuasẹ oyi Eshinegba.”‡

70 IJesu ọ sọ li ọ, ọọ, “Ọa khi ẹẹ ogbava mhi ze? Ama oghuo elemhi ẹ, ọkphaghie ọ khi!”

‡ 6:69 Li zẹ iMat 16.16; iMak 8.29; iLuk 9.20

71 IJudasi ni o khi omi iSamo Isikaroti loli iJesu o la ana ngme ingme oyoli. IJudasi o khi oghuo eniye odukhokho Ogbava ni o kie te ikpukhokho ri oli de.

7

IJesu ali inyoghuo oli

1 Abi a ro me ona se, iJesu o kia gasē eke iGalili. Oa lama je eke iJudia itobo khi eni e mhesē eyi egbo iJu e nono abi e li ya gbe oli a.

2 Oni egheghe ukpe okholo oyi iJu o ti bhale.*

3 Igho Inyoghuo iJesu, eē oli, “Wa ke rote ana lase, ni u ke je obini eke iJudia ni eniye odukhokho eye e me ikanya onyaloa ni u wa gbe?”

4 Ogbō ni o nono ni agbō e lešē luē oā ya riēlē ingme sheli. Abi u rō gbe ikanya oshabō ena, ri egbe e khasē agbō gbo ni e lešē oni u khi.”

5 Egbegbō inyoghuo oli ēa mie oli suō.

6 IJesu oō, “Egheghe oyemhe oā ramhi ne, Egheghe ni a me kpa o ti e eloe.

7 Egbo na agbo ēa dobe ya biselemhi e, ama eē biselemhi mhe itobo khi mhia gueye we khi emini eē riēlē khi ēa ti.

8 A ke je obini a la riēlē ukpe, mhemhe mhia vu ne, itobo khi egheghe oyemhe oā ramhi ne.”

9 Abi iJesu o ngme gho se, oā ke te iGalili je ashikhoghuo.

10 Abi inyoghuo oli e rō je obini oni ukpe okholo se, o li je oobō, ama oā zē ni egbo e me luē.

11 Eni e khi enighie eyi egbo iJu e la agho nono iJesu gasē, e mhila, “Ighē oni omose ogho?”

12 Ebubu egbo e la oni igbaa khe akō shi ingme oyi iJesu. Eghuo e liē khi iJesu khi ogbō onete lō, eghuo e khi eri o mema di egbo.

13 Ama ogbokhoghuo oā ngme ingme oyoli lase gboo, itobo khi e na ulishi enighie eyi egbo iJu.

IJesu o la olele oyi oni ukpe sese

14 Abi a rō li oni ukpe ramhi ode, iJesu o lo elemhi owa oniēmhi oyi Eshinegba, o sese egbo ungmēmhi oyi Eshinegba.

15 Enighie eyi iJu ni e suō oni osese, abo e sha we, e liē, “Obo omose ona ni oā ye owēna okhoghuo ne o te mhōli ilēšē enana?”

16 IJesu o sō we o, o li, “Osese ni mhia sese, ēa khi obō oyemhe o te bhale, ama obō oyi oni o ghie mhe bhale.

17 Oni o ghole ni o riēlē oghuemhe oyi Eshinegba o ya lešē khi osese ni mhia sese ini obō oyi Eshinegba o te bhale, abi khi ungmēmhi ni o ghole mhe mhia ngme.

18 Oni o da ngme ungmēmhi oyi egbōli, ekpe oō nono ni egbo e ke mu na lōli, eri-tse khi oni o da gbe akanya ni o rō ti oni o ghie o nga ne, lōli o khi ogbō ni o ti, oā ga khi ogbō egbhōli.

19 IMosisi oā ri ishi na e? Ama onge e, oā ri eni ishi gbe. Elo o ke zē khi a nono ni a gbe mhi a?”

20 Eni egbo e sō oli o, eē oli, “Ayemhe okphaghie o la e egbe! Oghuo o nono ni lōli gbe-a?”

21 IJesu oō, “Mhi riēlē onyaloa oghuo, o rō abō sha e nya.

* 7:2 Li zē iLev 23.34; iDeut 16.13

22 Ama abi o rię khia khi iMosisi o ri ushi ishęle-a na ę (ọa mema khi obọ oyi iMosisi o te bhale, ama rọte obọ oyi eni e bia awa, o rọte bhale), eri a kiele ę shęle ọmọ a ogbẹle iyemhęa oyi ęgbọ iJu.†

23 Ini a shęle ọmọ a ogbẹle iyemhęa oyi ęgbọ iJu, ini a khi gbe Ushi oyi iMosisi a, elọ zę khi a wola khi mhi rọ oni ọọ ghua ze ogbẹle iyemhęa?‡

24 A khi ke bino ogbọ alo gue ogbọ ẹzo, a ke sọ ẹzo shi abi o li.”

Egbọ e mhila ini iJesu o khi Oni Omiefuase?

25 Eghęghę aghọ ęgbọ eghuo ni e la iJerusalemu e lię, “Ọa khi ọmọse ọna enighie eyi iJu ęę dua abi e li ya gbe a?

26 Ghe ọli shọ! Ọa khi lọli o la ana ngme gbo ena ni ogbọkhoghuo ọa li ọli emhikhoghuo! Abi khi eri enighie e she lama egbegbọ khi lọli o khi iKirisiti?

27 Awa aa lęşę obini ọmọse ọna o te bhale. Ama eghęghę ni iKirisiti o rọ ya bhale, ogbọkhoghuo ọa ya lęşę obini o te ya bhale.”

28 Abi iJesu o rọ la elemhi Owa oyi Eshinęba sęşę, o tşęşę lasele, ọọ, “A lęşę mhę, a gbo lęşę udi-apfę ni mhi te lasele, ọa khi mhęmhęghuo mhi ghie egbemhę bhale akana, ama oni o ghie mhę, ọna igęsikia lọ. Aa lęşę ọli.

29 Ama mhi lęşę ọli itobọ khi obọ oyọli mhi te bhale, lólighuo o ghie mhę bhale.”

30 Itobọ ona e nono abi e li ya mu ọli. Ama ogbọ khoghuo ọa khu ọli, ęa ri obọ ti ọli, itobọ khi eghęghę oyọli ọa ramhi ne

31 Ama ebubu ęgbọ e kie mie ọli suọ, e ke, “Ini oni iKirisiti o bhale, o ya gbe ikanya ọnyaloa ni e dọşę eni ọmọse ọna ọọ gbe ena?”

A ghie eni ę khę ekhę e ka mu iJesu bhale

32 Egbọ iFarisi e suọ ingme ni ęgbọ e ngme shi iJesu egbe. Eni iFarisi ali ighie eyi ekpodalo-ugamhi e ghie eni e la Owa Oyi Eshinęba ę khę ekhę e ka mu ọli bhale.

33 IJesu ọọ li, “Ukuku eghęghę mhi mhọli ya nu ę la akana, mhi ya nyenę egbe je oyi Ita ni o ghie mhę.

34 A ya nono mhę, ama aa ya mę mhę, ashini mhi ya la aa dobę ya ramhi aghọ.”

35 Enighie eyi iJu e nu egbe wę ę ngme, e lię, “Obo ọmọse ọna ọọ lę ni o rọ lię khi awa aa ke ya mę luę? Eri o vu ę je ifui ęoli oyi ęgbọ iGiriki, obini ęgbọ eyawa e kia miatşęku, ni o la obọ ke sęşę ęgbọ iGiriki?”

36 Elo iJesu o rọ li ngme, abi o ręę, a ya nono mhę aa mę mhę, ali obini mhi ya la aa dobę ya ramhi aghọ?”

37 Ogbẹle ni o kpukhokho oni ukpe, ni khi khi ogbẹle ni o mu ęloe nę nya, iJesu o vule, o rue unu leghe, ọọ li, “Oni okiamę ọọ gbe o bhale deba mhę ya mo amę da.§

38 Ebe-no-pfuasę o ngme ghọ khi oni o mie mhę suọ khi okę ni o mhọli amę eni ri agbọ a na ogbọ o ya rọte agbọ oyọli ke tu lasele.”*

39 Ayemhę ni eni mie ọli suọ e ya mie ęlelese, iJesu o ri oni amę agbọ o na a ngme. Ramhi oni eghęghę, oni Ayemhę ọa bhale ne, itobọ khi aa yasę iJesu nga ufumhi onięmhi ne.

Eni ęgbọ ęa ke lama shi egbe o

40 Abi eni ęgbọ e rọ suọ ingmemhi eyọli, ęgbọ eghuo e ke, “Ọmekeęuele ọmọse ọna o khi egbegbọ.”

† 7:22 Li zę Igbae 17.10; iLęv 12.3 ‡ 7:23 Li zę iJon 5.9 § 7:37 Li zę iLęv 23.36 * 7:38 Li zę Ezik 47.1; iZaka 14.8

⁴¹ Egbò elese e kẹ, “Lọli ọ khi ọni Ọmiepfuese.” Elese ẹẹ, “Sẹẹ Ọmiepfuese ọ li rọte iGalili lasele?”

⁴² Ebe-no-pfuase ọ gulele khi ọni Ọmiepfuese, khi unuẹkpe oyi iDefidi ọ ya te lasele, iBetiḷẹmu a ya bia li shi, ẹoli oyi iDefidi.”†

⁴³ Igho okemhi o ri itobọ iJesu lo wẹ iteva.

⁴⁴ Egbò eghuo e nono ni ẹwẹ e mu ọli, ama ọgbọkhoghuo ọa ri obọ ti ọli.

Umha mie iJesu suọ oyi Enighie eyi ẹgbọ iJu

⁴⁵ Abi eni e la Owa oyi Ẹshinẹgba oniẹmhi ẹẹ khẹ ekhẹ e rọ je deba iFarisi ali ighie eyi ekpodalo-ugamhi, e mhila wẹ, “Elọ e zẹ khi a mu iJesu bhale ghi anye?”

⁴⁶ Eni ẹgbọ ni ẹ khẹ ekhẹ, e sọ wẹ ọ, e li. “Ọgbọkhoghuo ọa tigbe ngme abi ọmọse ọna ọ liẹ ngme ghue.”

⁴⁷ iFarisi e mhila wẹ, ẹẹ, “Eri iJesu ọ she li di ẹ?”

⁴⁸ “Aa tigbe mẹ ọgbọ iFarisi ali enighie eyi ẹgbọ iJu ni e mie ọli suọ?”

⁴⁹ Iiye! Ama eni ẹgbọ ebubu ena ẹa lẹsẹ Ishi eyi iMosisi. Itobọ igbo ẹgbọ ni Ẹshinẹgba ọ pfi unu na e khi.”

⁵⁰ iNikodemosi ni ọ li khi ọtuoghuo eni ẹ mhẹsẹ elemhi ẹgbọ iJu ni ọ kpẹ ya mẹ iJesu ẹliyoṣe, ọ mhila eni ẹgbọ, ọọ.‡

⁵¹ “Ushi oyawa ọa fẹ ngme ghọ a khi pfa ẹzọ umha-guẹli mu ọgbọ ini aa li suọ ẹzọ ni ọ ya gue, ali a gbo guanọ emini ọọ riẹlẹ?”

⁵² E kẹ ọ li, “Ọnge iGalili yeyẹ u li khi? Ka riẹlẹ ebe zẹ egbegbo khi u ya mẹ khi ọmekẹguele ọọ ya rọte iGalili bhale.”

⁵³ Igho ọgbọgbọ nya ni ọ la agho, ọ je apfẹ oyoli.

8

Ọkpotoso ni a gazu okia

¹ iJesu ọ je ukhomhi ute oyi ẹẹra olivu.

² Eluzogbe fiefie, iJesu ọ gbo bhale elemhi Owa oyi Ẹshinẹgba, ebubu ẹgbọ e bhale deba li, ọ shitọ ọ sẹsẹ wẹ.

³ Esẹsẹ Ishi eyi iMosisi ali iFarisi e mu ọkpotoso ni a gazu okia obọ-obọ bhale ghi iJesu, e rọ ọli migha odalo igbaa.

⁴ Ẹẹ iJesu, “Ọsẹsẹ, eri a ga ọkpotoso ọna zu okia.

⁵ iMosisi ọ she kpẹ rọ oni ushi shi ekẹ na anye, khi, ọkpotoso ni a da ligho gazu okia, a ke tono ọli echẹ gbe-a. Elọ u mhue ya ngme shi ona mena?”*

⁶ Eri e ri ona kpẹ igba khẹ iJesu ini ọ ngme ungmehi ni e ya rọ ri ingme de ọ. Igho iJesu ọ nyẹsẹ egbe, ọ ri umiesobo ọ kekẹ emhi shi ekẹ.

⁷ Abi e kie li mhila iJesu oni ọgbọ ona, iJesu ọ vule, ọọ, “Oni ọ lẹsẹ khi lọli ẹa kpẹ lamhẹ olamhẹ ghue ọ kpẹ to ọli echẹ.”

⁸ Ọ gbo nyẹsẹ egbe, ọ kekẹ emhi shi ekẹ.

⁹ Abi e rọ suọ ingme ni iJesu ọ ngme, e gbhiaku-a ọtuoghuo-oghue rọte eni egbhali. O ke lẹsẹ kpe iJesu ali ọni ọkpotoso le shi agho ni ọ kie migha.

¹⁰ iJesu ọ vule, ọọ ọni ọkpotoso, “Igehe eni ẹgbọ ni e pfa ẹzọ mu ẹ?”

¹¹ Oni ọkpotoso ọọ li, “Mhi aa mẹ ọgbọkhoghuo, Ọnọmhuẹ.” iJesu ọọ li, “Mhẹmhẹ mhi aa li pfa ẹzọ mu ẹ, ama ke lẹ, khi ke gbo lamhẹ.”

† 7:42 Li zẹ 2 iSam 7.12; iMika 5.2 ‡ 7:50 Li zẹ iJoni 3.1-2 * 8:5 Li zẹ iLev 20.10; iDeut 22.22-24

12 Ijesu o gbo nu iFarisi ngme, oo we, “Mhemhe mhi khi akpa oyi agbo. Oni o da deba mhe ne, oa ya tigbe kia alo ebili, o ya mholi akpa ni o ri ode agbo a khashe ogbo.”†

13 Eni iFarisi ee oli, “Egbe e u pfi otsele na, egbo ea ya rue otsele oye shi igesikia.”‡

14 Ijesu oo, “Iiye, ini mhi tseku pfi otsele na egbemhe, egbegbi otsele lo ni mhi pfi na egbemhe, itobo khi mhi lese obini mhi te bhale ali obini mhia je. Ee, aa lese obini mhi te bhale wekhi obini mhia je.

15 Abi egbo na agbo e li e so ezọ ee a lie so ezọ, ama mhemhe mhi aa pfa ezọ mu ogbokhoghuo.

16 Ini mhi ya so ezọ, egbegbo ezọ mhia so, itobo khi oa khi mhemheghuo mhi la. Ita ni o ghie mhe o nu mhe la.

17 A keke oli shi ebe ushi oye ee khi otsele oyi egbo aava, o migha shi egbegbi otsele. §

18 Mhi pfi otsele na egbe mhe, Ita ni o ghie mhe o gbo pfi otsele na mhe.”

19 Eghhegha ana eni egbo e mhila li, “Igha Ite?”

Ijesu oo we, “Aa lese mhe wekhi Itamhe a lese. Ini a lese mhe lo, a kha li lese Itamhe.”

20 Elemhi Owa oyi Eshinegba o la ngme eni ingmemhi ena abi o kie li sese egbo, epfe ashini a ri ikpati ni a ri ikpagho isomhopfa a shi o migha. Ogbokhoghuo oa kie mu oli, itobo khi eghhegha oyoli oa ramhi ne.

21 Ijesu o gbolo lie we, “Mhi ya vu, a ya nono mhe, a ya ghu shi olamhe oye e. Aa ya dobe ramhi obini mhia je.”

22 Egbo iJu ee, “O khi awa aa dobe ya a ramhi obini loli a je. Eri o fe ri ona a lie khi loli ya gbe egbeoli-a?”

23 Ijesu oo, “Egbo ena ooke-ola a khi, mhemhe mhi rote iloghie tiemhie. Egbo ena agbo ona ee a khi, mhemhe mhia khi onge agbo ona.

24 Itobo igbo mhi ro lie khi a ya ghu shi olamhe oye e ini a da miesuo khi mhemhe mhi khi oni mhi e khi mhi khi.”

25 Egbo iJu e mhila li, “Oghuo u khi?”

Ijesu oo, Oni mhi kie kpe rote igbaekele lie khi mhi khi, mhi khi.

26 Mhi mholi ebubu ingme ali ebubu umha-guekia ni mhi kha gue shi e egbe. Oni o ghie mhe, ona igesikia o khi, ingmemhi ni o gueye mhe, mhi gue e ye agbo.

27 Ea lese khi ingme oyi Ita li ijesu o gueye we.

28 Ijesu oo, “Ini a da tsua Omi Ogbọ idane shi ukhomhi oora apfida a ya lese khi oni mhi e khi mhi khi, mhi khi. Oni eghhegha a ya lese khi oa khi itoto oye mhe mhi ro ri ele emini mhia ri ele, ama emini Ita o sese mhe, mhia gueye agbo.

29 Oni o ghie mhe o nu mhe la, oa pfi mhe shi eke tse, itobo khi oghuemhe oyoli mhia ri ele eghhegha kpa.”

30 Ebubu egbo ni e suo khi ijesu o ngme eni ingmemhi ena e mie oli suo.

Igesikia o ya rue e o le

31 Ijesu o gueye egbo iJu ni e mie oli suo, oo we, “Ini a ri emini mhia sese e gba akanya, egbegbi eniye odukhokho eyemhe a khi.

32 A ya lese igesikia ni o la ingme oyi Eshinegba, oni igesikia o ya rue e o le.”

³³ Eni ẹgbọ iJu ẹẹ ọli, “Imi Aburaamu anye khi, anye aa tigbe kpe lo ighumha oyi ọgbọkhọghuo ghue! Elo u ro li ẹ ngme, ini u wa liẹ khi anye ya khi eni a rue ighumha lasele?”*

³⁴ Ijesu o so we o, oo, “Egbegbi-ingme mhi gue ẹ ye ẹ, khi ọgbọkpa ni o da lamhe olamhe, oghumha oyi olamhe o khi

³⁵ Oghumha o ya la apfe oyi oni o mholi ọli agboagbo, ama, omi omhue-apfe o o la apfe agboagbo.

³⁶ Ini Omi Eshinegba o da rue ẹ ighumha le, egbegbo a rue ẹ ighumha le.

³⁷ Mhi lese khi imi Aburaamu a khi, ama a nono ode ni a te ya gbe mhe a, itobo khi aa nono ingme ni mhi gueye ẹ.

³⁸ Emini Itamhe o rokhasẹ mhe mhi gueye ẹ, ama emini Ita ẹ o gueye ẹ, a riẹle.”

³⁹ E o li, “Aburaamu khi Ita anye.” Ijesu o ke, “Ini imi Aburaamu a kha khi egbegbo lo, a kha ke riẹle emhi enabi o riẹle.

⁴⁰ Abi o ri riẹle kha khi egbegbo ingmemhi ni Eshinegba o gueye mhe mhi gueye ẹ, ama a dua abi a li ya gbe mhe a. Aburaamu o riẹle emhi eghoghọ!

⁴¹ Abi a li ena, igho ita ẹ o kpe li.” Eẹ ọli, “Anye a khi eniyẹ ni a bia shi ukhomhi okia, Eshinegba o khi Ita oghuo kpe ni anye mholi.”

⁴² Ijesu oo we, “Ini Eshinegba o khi Ita ẹ lo, a kha nono ingme oyemhe, itobo khi obo oyi Eshinegba mhi te bhale, ni mhi ro la akana, o a khi omhesẹ oyemhe o re mhe bhale, ama lo li o ghie mhe bhale.

⁴³ Elo o ze khi ingmemhi ni mhi ngme khi ẹa lo ẹ esọ? Itobo khi aa lama ri ege mie ingme ni mhi gueye lo.

⁴⁴ Eniyẹ eyi Okphaghie ni o khi ita ẹ a khi, oghuemhe oyi ita ẹ a nono ni a ke riẹle. Rote igbaekele o te khi ọgbolo-ẹgbọ-a ali oloegbhue. Igesikia o a la li unu. Ingmemhi eyi ọli, ẹgbhọli e khi nya, itobo khi eri oo lo ẹgbhọli abi o li. Lo li o khi ita ẹgbhọli nya.

⁴⁵ Ama igesikia mhi gueye ẹ khi, itobo igho aa ro lama mie mhe suo

⁴⁶ Oghuo elemhi ẹ o dobe ya guele khi mhi mholi ipfido? Ini igesikia mhi gueye ẹ, elo e ze khi aa mie mhe suo?

⁴⁷ Oni o da khi oyi Eshinegba o mema ya ri esọ shi ingmemhi eyi Eshinegba, ama ẹẹ aa khi eyi Eshinegba lo li o ze khi aa lama ro shi ungmehi oyi Eshinegba.”

Emini iJesu oo khi lo li khi

⁴⁸ Eni ẹgbọ iJu e so ọli o, “Anye a gue ngme ọli mena ni anye ro ye khi onge iSameria u khi, ali khi ayemhe okphaghie o la ẹ egbe?”

⁴⁹ Ijesu o ke we, “Mhi aa mholi ayemhe okphaghie. Ama mhi ri ekpe na Itamhe, ama ẹẹ a ri eloe gbe mhe.

⁵⁰ Aa khi eri mhia nono ni ẹgbọ e ri ufumhi na mhe; ama oni oo nono ni a ro ekpe na mhe, lo li o khi oni o so ezọ ti eloe.

⁵¹ Egbegbi-ingme mhi gue ẹ ye ẹ, oni o da ro shi osesẹ oyemhe ne, o a tigbe ya ghu ghue.”

⁵² Egbọ iJu ẹẹ ọli, “Eena anye tigbe lese khi ayemhe okphaghie o la ẹ egbe. Aburaamu o she ghua, emekeguele e she ghua, ama wa guele khi oni o da ro shi osesẹ eye o a tigbe ya ghu ghue.

⁵³ Ita awa Aburaamu o she ghua, eri u ke ẹ liẹ khi u fu dose Aburaamu? Emekeguele e she li ghua. Oghuo u fe sa khi u khi?”

* 8:33 Li ze iMat 3.9; iLuk 3.8

54 Ijesu oƣo li, “Ini mhi ti egbe mhe nga, oni itinga o khi afue. Itamhe oni ee a lu Eshinegba oye e, loli o khi oni o ti mhe nga.

55 Ee a kpe tigbe lese oli, ama mhi lese oli. Ini mhiye khi mhia lese oli, oloegbhue oni abi ee ena mhi kha khi. Ama mhi lese oli, mhi gbo ri ungmehi oyoli gbe akanya.

56 Eri o ri egbe mu Aburaamu ita e, abi o ro sa usamhi abi loli ya li me ogbele ibhale oyemhe. Abi o ro me ibhale oyemhe, o ghele.”

57 Egb o iju ee oli, “Waa gbe ikpe egbhueva ali igbe ne, wekhi eri u me Aburaamu!”

58 Ijesu o li, “Abi o li mhi li gue oli ye e, neni a bia Aburaamu, mhi she kpe lao!”

59 Igho e sano eche khi wewe ya tono oli, ama, o ri egboli sheli, o rote we fuab o wa, o ya fie Owa oyi Eshinegba lase.

9

Ijesu o khueghie ozalo alo a

1 Abi ijesu o li kia ode le, o me omose oghuo ni a bia shi ozalo.

2 Eniye odukhokho eyi ijesu e mhila li, “Osese, oghuo o lamhe ni o ze khi a bia omose onana ozalo? Olamhe oyoli lo, abi eyi eni e bia li?”

3 Ijesu oƣo we, “Oa khi olamhe oyoli, wekhi eni e bia li, ama eri o ze alo ni Eshinegba o ri ekpabo eyoli khas e elemhi agbo oyi oni ozalo.

4 Ogbe o kha da kie la o ne, awa mema ya ke gbe ikanya eyi oni o ghie mhe, ele iyose o o bhale ni ogbokhoghuo oa ke ro dobe ya gbe akanya.

5 Abi mhi li la agbo ena, mhemhe mhi khi oni o ri akpa a na egbo ni e la agbo.”*

6 Ijesu o ngme ona se, o tono ete shi eke fose igbol o ro ma li alo.

7 O o oni omose, “Ke je oke ni a lu iSiloamu ni u ya kpe alo a.” Usomhi ni a ghie, a ri iSiloamu ngme. Igho oni omose o li vu ya kpe alo-a. O o jele apfe, o o me eke.

8 Egb o eni e ga la kugbe ali egbo ni e kpe me oli khi o o ye omhila, ee. “Onana oa she khi ozalo ni o kpe e shito akana mhila?”

9 Egb o eghuo ee, “Loli lo,” ama eghuo ee, “Iiye o! Oa khi loli, eri ona o li kpo li.” Ama oni omose o o, “Mhemhe o khi guegue.”

10 E mhila li, “Se o li kia ni u ro ke e me eke?”

11 O we, “Omose oghuo ni a lu ijesu o fose igbol o ma mhe alo, o mhe mhi je oke iSiloamu ya kpe alo a. Igho mhi le ya kpe alo-a, loli mhi ro o me eke.”

12 E oli. “Igho oli?” O o we, “Mhi aa lese.”

Egb o iFarisi e de udi iroze oyi oni omose

13 E rue oni omose ni o kpe ze alo ghi egbo iFarisi.

14 Ogbele iyemhea oyi egbo iju ijesu o ro fose igbol o ro khueghie oni omose alo-a.

15 Eni iFarisi e mhila oni omose abi o li kia ni o ro ke e me eke. O o we, “Ijesu o ri igbol o ma mhe alo, mhi kpe alo-a, mhi ro o me eke memena.”

16 Eghuo eni iFarisi ee, “Omose ni o riele ona oa rote ob o oyi Eshinegba bhale, itobo khi oa ri ushi oyi ogbele iyemhea oyi egbo iju gbe akanya.” Egb o iFarisi ose ee, “Se ogbo olamhe o li dobe ya gbe akanya onyalo onana?” Ingme ona o pfi umhalama shi egbe o na we.

* 9:5 Li ze iMat 5.14; iJon 8.12

17 Igho eni egbọ iFarisi e mhila ọni ọmọse, “Yeyẹ ni iJesu ọ khueghie alo-a, elo u me ya ngme shi ingme oyoli?”

Ọọ we, “Omekẹguele lo.”

18 Eni egbọ iJu ẹa kie miesuọ khi ọni ọmọse ọ kpẹ zẹ alo, ali khi eri a khueghie ọli alo-a. O ya ramhi ni e rọ ghie ya lu eni e bia ọni ọmọse,

19 E mhila we, “Omi ẹ na? Onana ẹ khi ọzalo a bia li? Sẹ o ke li kia ni ọ rọ ke ẹ me eke?”

20 Eni e bia li ẹẹ we, “Anye leşẹ khi omi anye lo, anye gbo leşẹ khi ọzalo anye bia li.

21 Ama anye aa leşẹ abi o li kia ni ọ rọ ke ẹ me eke, anye aa gbo leşẹ ọni ọ khueghie ọli alo-a. A mhila li, ọa ke khi ọmọ, ọ dobe ya ngme na egbọli.”

22 Itobọ khi ulishi egbọ iJu o mu eni e bia li e rọ ngme na. Irari khi eni egbọ iJu e she kpẹ ngme ọli shi oghuo, khi ọgbọ ni ọ da mie shi ọ khi iJesu khi iKirisiti, khi eri a khu ọli owa ugamhi ya fiẹ.

23 Itobọ ona eni e bia li e rọ liẹ, “Ọ fu tẹ ni ọ ngme ẹ na egbọli, a mhila li.”

24 Utonuzeva, e gbo lu ọmọse ni ọ kpẹ zẹ alo, ẹẹ ọli, “Romhi Ẹshinegba khi u ya gue igesikia yẹ anye. Itobọ khi anye leşẹ khi ọmọse ni ọ rẹ ze khi ọgbọ olamhẹ lo.”

25 Ọọ we, “Mhi aa leşẹ ini ọgbọ olamhẹ lo, ama emhi oghuo ni mhi leşẹ khi, ọzalo mhi kpẹ khi, ama memena mhi she ẹ me eke.”

26 E mhila li, “Sẹ o fẹ li e? Sẹ o li khueghie-a ẹ alo a?”

27 Ọọ we, “Mhi kpẹ gueyẹ ẹ, aa lama shi mhẹ ọ, elo o ke zẹ ni a rọ ọ nono ni a gbo suọ ọni ungmehi? Eri a li ẹ nono ni a li khi eniyẹ odukhokho eyoli?”

28 E tsue ọli, ẹẹ ọli, “Omọ odukhokho ọyi ọni ọmọse ọna yeyẹ u khi, ini itse lo, ama eniyẹ odukhokho eyi iMosisi anye khi.

29 Anye leşẹ khi Ẹshinegba ọ nu iMosisi ngme, ama anye aa leşẹ obini ọmọse ọna ọ te bhale.”

30 Ọni ọmọse ọọ we, “Uza lo e, ni aa rọ leşẹ obini ọ te bhale, ama lọli ọ khueghie mhẹ alo-a.

31 Awa leşẹ khi Ẹshinegba ọa ya suọ iromhi oyi egbọ olamhẹ, ama iromhi oyi eni e ri ekpẹ na li ọọ suọ, ali eni ẹ riẹlẹ emini ọọ nono e riẹlẹ.

32 Rọte igbaekele agbọ, aa tigbe suọ ọgbọ ni ọ khueghie ọzalo ni o khia khi ighọ a bia li alo a ghue.

33 Ini ọa khia khi ọmọse ọna khi obọ oyi Ẹshinegba ọ te bhale lo, ọa kha dobe li emhikhoghuo.”

34 E ọli, “Elemhi olamhẹ a bia ẹ shi, ni a la kuẹlẹ, sẹ u li a nono ni u ke sẹsẹ anye?” Igho e khu ọli elemhi owa ugamhi ya lase ọ khi ke gbo bhale ọ ghue.

Itase-alo-a ona ayemhe

35 Abi iJesu ọ rọ suọ khi a khu ọni ọmọse owa ugamhi ya lase, ọ nono ọli me, ọ mhila li, ọọ li, “U mie Omi Ọgbọ suọ?”

36 Ọni ọmọse ọ li, “Ọga, gueyẹ mhẹ ọni Omi Ọgbọ ọ khi, ni mhi mie ọli suọ!”

37 IJesu ọọ li, “U she me ọli, lọli ọ ga nu ẹ ngme ena.”

38 Ọni ọmọse ọ li, “Onomhuẹ mhi miesuọ.” Ọ wugha ọ kuẹghie iJesu.

39 IJesu ọli, “Eri mhi bhale agbọ ona ya gue egbọ ezọ, isheghọ ni egbọ ni e zalo e ke me eke, ni eni e kpẹ ẹ me eke ni e zẹ alo.”

40 Egbọ iFarisi eghuo ni e la akaghọ e suọ ingme ni ọ ngme, e mhila li, “Eri u we khi ezalo anye li khi?”

41 IJesu ọọ we, “Ini ezalo a khi lo, aa kha mhọli umha-guẹkia, ama abi ẹẹ a ke rọ yẹ khi a me eke na, onana o rọkhasẹ khi ena olamhẹ a khi.”

10

Okhe oyi orisumhakia

¹ Ijesu oɔ, “Abi o li mhi li gue ɔli e ye e, khi, oɔbo ni ɔa da rote ode unuekpe lo ogba ni a ri isumha shi, ni ɔ rote oboese nga fiala lo ne oghiatɔ ali ɔni ɔ li iko ɔ khi.

² Oɔbo ni ɔ rote ode unuekpe lo, loɔli ɔ khi orisumhakia oyi isumha.

³ Eri ɔni ɔo khe ekhe ode unuekpe ɔ khueghie ode-a na li, eni isumha e suɔ uruli oyɔli ini ɔ lu isumha eyɔli abi ɔ ri eva na we, ɔ re we kia lase.

⁴ O kha da re wewe nya fie lase ne, eri ɔo ralo na we, eni isumha ee deba li, itobɔ khi e lese uruli oyɔli.

⁵ E a ya deba oɔboese, eri e ri ochoghɔ me ɔli ya ke na, itobɔ khi ea lese uruli oyɔli.”

⁶ Eri ijesu ɔ ze okhe ona ro nu we ngme, ama ea lese emini ɔ ri ɔli ngme.

Ijesu ni ɔ khi orisumhakia onete

⁷ Ighɔ ijesu ɔ gbo le, “Egbeɔbi-ingme mhi gue e ye e, mhemhe mhi khi ode unuekpe ni isumha e rote e lo, ni e gbo te e dose fie.

⁸ Eɔbo ni e kpe bhale khe mhe, ighiatɔ ali eni e li iko e khi, ama eni isumha ea ri esɔ shi we ɔ.

⁹ Mhemhe mhi khi ode unuekpe, ɔnini ɔ da rote mhemhe egbe ne, a ya mie ɔli pfuese, ɔ ya fie, ɔ lo le, ɔ me emhi le.

¹⁰ Eri oghiatɔ ɔ lese bhale ya do, ɔ gbe-a, ɔ pfuse-a tse, ama mhi she bhale ni a mhɔli agbo, ni a mhɔli ɔli gba pfo.

¹¹ “Mhemhe mhi khi orisumhakia onete. Eri orisumhakia onete ɔ ri agbo oyɔli shi eke ni eni isumha eyɔli.

¹² ɔni a mie shi akanya irisumhakia ɔa khi loɔli ɔ mhɔli eni isumha, ini ɔ me khi akpogene ɔo bhale, ɔ na tsua isumha kua, ɔni akpogene ɔ tsua rughu eni isumha, ɔ vese we kua.

¹³ ɔni a mie shi ɔni akanya irisumhakia ɔ na vu, itobɔ khi eni isumha ea khi eyɔli, ali khi ea mu ɔli egbe.

¹⁴ “Mhemhe mhi khi orisumhakia onete, mhi lese isumha eyemhe, eni isumha e lese.

¹⁵ Abi Ita ɔ li lese mhe, ighɔ mhemhe mhi lese ɔli, ighɔ mhi ro ri agbo oyemhe shi eke na eni isumha.*

¹⁶ Isumha elese e laɔ ni ea la elemhi ogba oyi isumha ona memena. Mhi mema fie ya wolɔ we ma ɔ. E ya suɔ uruli oyemhe. E ya kugbe khi oghuo, e mhɔli orisumhakia oghuo. ¹⁷ Ita ɔ nono ingme oyemhe, itobɔ khi mhi lama ri agbo oyemhe shi eke, ni a ro bhale ya e khi mhi ya gbo me ɔli rue.

¹⁸ Aa me oɔbokhoghuo ni ɔ ya doɔe mie mhe agbo oyemhe. Mhemhe oghuo mhi ro li shi eke. Mhi mhɔli afu ni mhi ro ɔ ze ɔli obo, mhi gbo doɔe ya rue ɔli ini ɔ ghɔle mhe. Omhesɔe ona Itamhe ɔ gueye mhe mhi riɔle.”

¹⁹ Eri ingmemhi enana e gbo pfi umhalama shi egbe ɔ na eɔbo iJu.

²⁰ Ebubu eɔbo e lie, “Ayemhe ɔkphaghiɔ e la li egbe, ujili ɔo kpha li. Elo e ze khi a ri esɔ ɔ shi ɔli ɔ?”

²¹ Ama eɔbo elese, ee ɔli, “Ingmemhi enana ea doɔe ya rote unu oyi oɔbo ni ɔ mhɔli ayemhe ɔkphaghiɔ lasele! Ayemhe ɔkphaghiɔ e doɔe ya khueghie ɔzalo alo a?”

²² Oni eghɔghɔ e khi eghɔghɔ oruame ni a ro li ukpe ni a ro yelele abi a li ri Owa oyi Eshineɔba riɔle nga Eshineɔba obo. Eghɔghɔ ulili lo.

* 10:15 Li ze iMat 11:27; iLuk 10:22

²³ Ijesu o la atukpapfe oyi Owa oyi Eshinegba kia, ashini a lu arakpha oyi iSolomoni.

²⁴ Ebubu egbo iJu e le gasẹ ọli, e mhila li, “Eḷe u ri anye ya shi alo ebili ramhi? Khueghie igesikia ni o la o-a khasẹ anye ini yeḷe u khi iKirisiti!”

²⁵ Ijesu oḷo wẹ, “Mhi she kpẹ gueye ẹ, ama aa lama mie mhe suḷ. Ikanya onyaloa ni mhi ri itoto oyi Ita a gbe, wẹwẹ e pfi otsele na mhe.

²⁶ Ama aa lama miesuḷ, itobo khi aa la elemhi isumha eyemhe.

²⁷ Isumha eyemhe ẹẹ suḷ uruli oyemhe, mhi lese wẹ, ẹẹ deba mhe.

²⁸ Mhi ri agbo na agboagbo na wẹ, ẹa tigbe ya pfua. Aa me ọni o ya doḷe mie mhe ewe obo.

²⁹ Itamhe ni o ri eni isumha nga mhe obo, o fu doḷe ogbokpa. Aa me ọni o doḷe ya mie Ita ewe obo.

³⁰ Mhemhe ali Itamhe oghuo anye khi.”

³¹ Eni egbo iJu e gbo sanḷ echẹ ekẹ ẹ tono ọli.

³² Ijesu oḷo wẹ, “Mhi she gbe ikanya ebubu ukpeloe oye ẹ, ni o khia khi Itamhe o ri itoto na mhe ni mhi ro gbe wẹ, onoghuo a tono mhe echẹ ẹ shi o?”

³³ Eni egbo iJu ẹẹ ọli, “Oa khi itobo ikanya enete e ze ni anye ro a tono ẹ echẹ, ama, itobo khi u pfi unu-a! Se yeḷe ogbo afue-afue u li ẹ ke lie khi Eshinegba u khi?”†

³⁴ Ijesu oḷo wẹ, “A she kpẹ keḷe ọli shi ebe Ishi eyi iMosisi khi Eshinegba oḷo lie khi, ishinegba ẹẹ a khi.‡

³⁵ Anye she kpẹ lese khi emini ebe onopfuase o ngme khi igesikia o khi agboagbo, khi egbo ni a she kpẹ gue ingme oyi Eshinegba ye, Eshinegba o lu ishinegba.

³⁶ Ita o she ze mhe oḷa keḷe neni o ghie mhe bhale agbo, ini mhi ngme gho khi Omi Eshinegba mhi khi, se a ke li a lie khi mhi a pfi unu-a?

³⁷ A khi mie mhe suḷ, ini mhi aa ya riḷe emini Itamhe o riḷe.

³⁸ Ama ini mhia riḷe wẹ, ini aa ro tseku mie mhe suḷ, a mie ikanya onyaloa ni mhia gbe suḷ, ni a ro lese khi Ita o la elemhi oyemhe, mhemhe mhi li la elemhi oyi Ita.”

³⁹ Igho e ke gbo li dua ni wewẹ e mu ijesu, ama o pfue wẹ, oḷa ze wẹ mu.

⁴⁰ Ijesu o ḷa oke iJodani je ukiḷe ashini iJoni o ke la batazi egbo. Igho o bie ya la akaghḷ. §

⁴¹ Ebubu egbo e bhale akaghḷ deba li. Eḷe, “iJoni oḷa gbe ikanya onyaloa okhoghuo, ama ingmemhi ni iJoni o ngme shi ingme eyi ijesu, e bhale ya tse nya.”

⁴² Ebubu egbo ni e la akaghḷ e mie ijesu suḷ.

11

Eghuli oyi iLazarḷsi

¹ Omḷe oghuo ni a lu iLazarḷsi ni o la ẹoli iBetani, Oḷo ghua. iBetani iMeli ali inyoghuo ọli ni okpotso ni a lu iMata e la.*

² iMeli ona o ke ku ituale ni o pfie ku Onomhue awe, ni o gbo ri itsu ni e la li ukhomhi shishi o ewe-a. Loli o khi inyoghuo iLazarḷsi ni o yeshi i ghua.†

³ Inyoghuo ọli eni ikpotso e ghie usomhi ghi ijesu, ẹ o li, “Onomhue, omḷe ẹ oḷo ghua.”

† 10:33 Li ze iLḷv 24.16 ‡ 10:34 Li ze iwo 82.6 § 10:40 Li ze iJoni 1.28 * 11:1 Li ze iLuk 10.38-39

† 11:2 Li ze iJoni 12.3

4 Abi iJesu o ro suo ona, oo li, “Ughuamhi ona, o a ya gbe oli, ama, eri a me onana ni a me asha khi ufumhi na Eshinegba ali Omi Eshinegba.”

5 IJesu oo nono ingme oyi iMata ali iMeli ali iLazarosi.

6 Abi o ro tseku suo khi iLazarosi o ghua, o kie la ashini o la ramhi ogbele eva.

7 Igho o gueye eniye odukhoko eyoli, oo we, “A ze ni awa mu egbe pfi je obini eke iJudia.”

8 Eniye odukhoko eyoli e o li, “Oseso, ode o a nu e ne ni egbo iJu e ro o nono ni wewe tono e eche. Oobo wa nono ni u gbo nyene egbe je?”

9 IJesu oo we, “Oa khi te ele uzogbe ramhi ele ogbomhi awa ro o me eke? Oni oo kia ini ogbe o la o, o a ya khi owe, itobo khi akpa oyi agbo ona o ro o me eke.

10 Ama ini o ri alo ebili e kia, o ya khi owe, itobo khi o mholi akpa ni o ro o me eke.”

11 Abi o ke ro ngme onana se, o gueye we, oo we, “iLazarosi omole awa o she lese, ama mhia le ni mhi ya guise oli le.”

12 Eniye odukhoko eyoli e o li, “Abi o ro da lese-a egho, o ya ze.”

13 Eri iJesu o ro li lie khi iLazarosi o she ghua, ama e dabi khi egbegbi olese o ngme.

14 Igho iJesu o guele gboo khi iLazarosi o she ghu-a.

15 Ama itobo oye e, egbe e mu mhe shi o khi mhi aa nu oli la akagho ni o ro ghu-a, ni a ro mie mhe suo. A ze ni awa le deba li.

16 ITomosi ni a gbo li e lu iDimosi, oo eniye odukhoko enekpole, “A ze ni awa li deba Oseso je oobo ni awa nu oli ghu-a.”

17 Eghoghe ni iJesu o ke ro ramhi agho, o bhale ya e khi o she ramhi ele ene abi a te ri iLazarosi to.

18 Rote iBetani je iJerusalemu o a ramhi imali eva.

19 Igho ebubu egbo iJu e she kpe bhale iBetani ya tse iMeli ali iMata e mu opfu shi inyoghwo we ni o ghu-a.

20 Abi iMata o ro suo khi iJesu o o bhale, o fiye lase ya lona li ode, ama iMeli o la elemhi owa.

21 iMata oo iJesu, “Onomhue, ini u la akana lo, inyoghwo-mhe o a kha ghu.

22 Ama mhi lese khi memena khi Eshinegba o ya ri emiemi u wa mhila li ne.”

23 IJesu oo li, “Inyoghwo e, o gbo ya guale bhale agbo.”

24 iMata o li, “Mhi lese khi o ya te eghuli guale ogbele iguale ni o khi ogbele ni o kpukhoko.”

25 IJesu oo oli, “Mhemhe mhi rote eghuli ya guise eni e ghu-a le, ni mhi ri agbo ya na we, oni o da mie mhe suo o ya mholi agbo, ini o tseku ghu-a.

26 Oni o la agbo ni o da mie mhe suo, o a tigbe ya ghu-a. U fe mie ona suo?”

27 Oo li, “i Onomhue! Mhi miesuo khi yeye u khi iKirisiti, Omi Eshinegba ni o ya bhale eke agbo ona.”

28 Abi iMata o ro ngme gho se o le ya ri ofie gueye iMeli, oo, “Oseso o she bhale, oo nono e.”

29 Abi iMeli o ro suo ona o ti vule, o nyanya fiye lase je ashini iJesu o la.

30 IJesu o a kie ramhi oni eoli ni o o je ne, ama o kie la ashini o kia ramhi ni iMata o ro lona li ode.

31 Egbo iJu ni e la elemhi owa yese oli, e vule deba li je olase abi e ro me khi o ti vule je olase. E dabi khi eri o je obini uji ya viye.

32 Abi iMeli o ro ramhi ashini iJesu o la ni o me oli, o de ya wugha li odalo, oo li, “Onomhue, ini u la akana lo, inyoghwo-mhe o a kha ghu!”

33 Abi iJesu o me khi loli ali egbo iJu ni e kphase oli khi ee vie, o ro obo ti iJesu udu, egbe e guoghọ oli a.

34 IJesu o mhila we, oo, "Ashi a ro li to?"

E o li, "Onomhuẹ bhale ya ghe oli."

35 IJesu o vie.

36 Egbo iJu ni e la agho, ee, "A ghe abi oli nono ingme oyi oli khe."

37 Ama eghuo o e lie, "Loli ni o khueghie ozalo alo-a oo kha dobe tsumhi iLazarosi ini o khi ghua?"

IJesu o guise iLazarosi gbo bhale agbo

38 O gbo ri obo ti iJesu udu. O kia je obini uji ni o khi irui, ni a gheghele eche zuse unu.

39 IJesu oo, "A gheghele oni eche unu oni uji-a."

IMata inyoghuo oni omose ni o ghu-a oo, "Onomhuẹ, o she ya ke we! Amo o li ele onuzi-ene abi a te ro li to!"

40 IJesu o li, "Mhi a kpe gueye khi u ya me ufumhi oyi Eshinegba ini u miesuo?"

41 Igho e gheghele oni eche unu uji lase. IJesu o yase alo idane, o li, "Mhi kphemhi ne Ita, khi u suo mhe."

42 Mhi lese khi u ma suo oyemhe, itobo oyi egbo ena mhi ro o ngme ona ni e miesuo khi ye ye u ghie mhe."

43 Abi o ro ngme ona se, o lu oli leghe, "iLazarosi e! Fiẹ lasele!"

44 Oni omose ni o ghu-a o fiẹ lasele, a ri ide olimhi genọ li abo ali awe, ghe eni a ro ku oli alo. IJesu oo we, "A taghie oli a ni a ze oli vu."

Ugbamhi abi a li ya gbe iJesu-a

(iMat 26.1-5; iMak 14.1-2; iLuk 22.1-2)

45 Ebubu egbo iJu ni e bhale ya tse iMeli o mu opfu e me emini iJesu o riẹ, e mie oli suo.

46 Ama eghuo elemhi we e vu ya gueye egbo iFarisi emini iJesu o riẹ.

47 Ighie eyi ekpodalo-ugamhi ali iFarisi e ya lu eni e mhesẹ ni a lu iSaediri ya nu we mhọli ilegba.

E mhila egbewe, "Elo awa li ena? Aa me ikanya onyaloa ni omose onana o gbe?"

48 Ini awa lina ze oli obo, ogbokpa o ya mie oli suo. Egbo iRomu e ya shashe Owa oyi Eshinegba oyawa-a."

49 Omose oghuo elemhi we ni a lu iKefasi, ni o ralo ugamhi oni ukpe ogho, oo li, "Aa lese ingme!"

50 A lese khi ogbo otuoghuo o kha ghu-a na egbo kpa, khi o ti dose ni egbo nya e pfua?"

51 Oa khi ibe eyoli o ro sa ngme oni ungmehi ona, ama ungmehi angmehi-ekẹ ni o ya tse ogbe na ako, khi iJesu o ya ghu-a na egbo iJu o khi ni o ngme, itobo khi loli o ralo ugamhi oni ukpe.

52 Oa khi oyi iJu tse, ama ni o sano egbo eyi Eshinegba ni e kia miatse ku agbo nya gbili re we khili oghuo.

53 Rote ele gho vu, egbo iJu e te gba ugbamhi abi wewe e li ya gbe iJesu a.

54 Itobo igho, iJesu oa ke kia lase gboo iteva oyi egbo iJu. O ri ochoghọ vu je eoli ni a lu Efuremu, ni o ti mama odagbe ifufu. Agho loli ali eniye odukhokho eyoli e ke ga la.

⁵⁵ Abi eghēghe ukpe iPasova oyi eḡbō iJu o rō ti i bhale, ebubu eḡbō e te ɛoli ɔdoda je iJerusalemu ya ri egbe wē khi eni e pfuase, abi ushi oyewē ɔo e ke li neni oni ukpe o ramhi.

⁵⁶ Ee nono iJesu. Abi e rō la elemhi Owa oyi Eshineḡba, e mhila egbewē, e lie, “A li sa khi ɔ ya bhale? Otse ɔa ya bhale shi oni ukpe ona.”

⁵⁷ Ama ighie eyi ekpodalo-ugamhi ali iFarisi e she kpē mhēḡe na eni eḡbō, oni ɔ da leḡe obini iJesu ɔ la, oni oḡbō ɔ guele ni wewē e mē asha mu ɔli.

12

IMeli ɔ la obini iBētani ku ituale ku iJesu

(iMat 26.6-13; iMak 14.1-9)

¹ Abi o rō kpō oḡbēle esesa oni ukpe iPasova le, iJesu ɔ nyenē egbe bhale obini iBētani, obini iLazarōsi ni iJesu ɔ rōte eghuli guise le ɔ la.

² E nye akhe na iJesu, iMata ɔ kphanō eni eminale ghi wē. iLazarōsi ɔ li nu wē shitō shi ilele oyi eni ekhe.

³ Ighō iMeli ɔ rue eḡbegbi akanama ituale ni ɔ pfiē ni o lolo ghalē. ɔ ku ɔli shi iJesu awē, ɔ ri itsu ni e la li ukhomhi shishi ɔ awē a. Upfiemhi oyi oni ituale o kphela vō oni elemhi owa nya.*

⁴ iJudasi Isikarōti ni ɔ khi ɔtuḡghuo eniyē odukhokho eyi iJesu, ni ɔ rōte ikpukhokho ya ri iJesu dē, ɔ mē emini iMeli ɔ riēle, ɔo,

⁵ “Elo ɔ zē ni aa rō ri oni ituale dē ni a kemhi eni ikpaghō na eni ɛa mhue? Oni ituale o ghalē ramhi ifata ukpe oyi oḡbō oḡghuo.”

⁶ ɔa khi itobō khi ɔ mḡoli udu iamhē na eni ɛa mhue, ɔ rō ngme ungmemhi ona. Ama itobō khi oghiatō ɔ khi, ali khi lōli ɔ tsua ikpaghō ɔ mhue na wē, ni ɔ rōte muno epfia.

⁷ Ama iJesu ɔli, “Zē ɔli obō riēle emini o la li udu, eri ɔ mu mhē egbe e khē irōtō oyemhē.

⁸ Eghēghe kpa eḡbō ni ɛa mhue e rō nu e a la, ama mhēmhē mhia nu e ya la ana eghēghe kpa.”†

⁹ Ebubu eḡbō iJu e suō khi iJesu ɔ la iBētani, ighō e je oobō. ɔa khi itobō iJesu tse e rō je oobō, ama ni e ba mē iLazarōsi ni iJesu ɔ te eghuli guise le.

¹⁰ Ighō ighie eyi ekpodalo-ugamhi ee gba ugbamhi abi e li ya li gbe iLazarōsi a,

¹¹ itobō khi ingme oyōli o zē khi ebubu eḡbō iJu e ku ma iJesu ɔ, ni e rō mie ɔli suō.

Eḡbō e ri ufumhi na iJesu abi ɔ rō lo elemhi iJerusalemu

(iMat 21.1-11; iMak 11.1-11; iLuk 19.28-40)

¹² Ogbeaklō ebubu eḡbō ni e bhale shi oni ukpe iPasova e suō khi iJesu ɔ ɔ je iJerusalemu.

¹³ Ighō e yanō eyamhi mhue abo fiē ya eḡ ɔli. E kpe okeke gbii, e lie, “Tsumhi anye. Awa kueghie Eshineḡba. Eshineḡba ɔ khivose na oni ɔ ri eva oyi Eshineḡba Onomhūe e bhale! Eshineḡba ɔ ka khivose na oghie iZireni!”‡

¹⁴ iJesu ɔ mē ozele akphere. ɔ nga li shitō abi Ebe-no-pfuase o ngme ɔli, ni ɔo,

¹⁵ “Eḡbō iJerusalemu,

ulishi o khi mu e!

Oghie oyē e ɔo bhale ena,

* 12:3 Li zē iLuk 7.37-38 † 12:8 Li zē iDɛut 15.11 ‡ 12:13 Li zē iWolo 118.25,26

o nga ozele akphere e bhalē.”[§]

¹⁶ Eniye odukhokho eyi iJesu ɛa kpe rote eke lese obini eni ingme ena e je. Ama abi Eshinegba o rote eghuli guise iJesu le ni o ri ufumhi na li, e ro tige sato khi a kpe keke eni ingme eyoli ena shi Ebe-no-pfuase, ali khi e ke riele eni ingme ena deba li ghue.

¹⁷ Olele egbo ni e nu oli la agho abi o ro rote uji lu iLazarosi lasele, ni o ro rote eghuli guise oli le, e kie kia gueye egbo abi a li me oni ingme.

¹⁸ Itobo khi ebubu egbo e suɔ khi iJesu o gbe akanya onyaloa ona e ro ve lasele ya me oli.

¹⁹ Igho egbo iFarisi e nu egbe we ngme oli, e lie, “Awa aa mholi emini awa dobe ya li ona. Aa me khi egbo nya e ke e deba li!”

Ijesu o ngme ingme eghuli oyoli shi eke

²⁰ Egbo iGiriki e li la eni e je iJerusalemu ya ga eghenge oni ukpe iPasova.

²¹ E ya mhila iFilipu (ni o khi onge iBetisaida ni o la iGalili) e o li “Oga, anye e nono ni anye me iJesu, ni anye nu oli ngme.”

²² IFilipu o vu ya gueye Aduru, wewe aava e ya gueye iJesu.

²³ IJesu oo, “Oni eghenge o she ramhi ni a ro ri ufumhi oniemhi oyi Omi Ogbɔ ya khase.

²⁴ Abi o li mhi li gue oli e ye e khi, ini aa li ri ukpamhi ado ko eke ni o ghua, eri o kie ya li abi o kie kpe li. Ini a roli ko eke ni o ro ze, o ghua, o fu, o ri imomhi ni e bu lasele.

²⁵ Onini o da nono ingme agbo oyoli dose ode ne, o ya de oli obɔ a, ama oni o da nono ingme agbo oyoli elemhi agbo ona ne, eri o kesɛ o shi e khe agbo na agboagbo.*

²⁶ Oni o nono khi loli ya ga mhe, oo mema ya ke deba mhe. Ashini mhi da la kpa, o li la akaghɔ. Itamhe o mu ekpe na li.

²⁷ “Memena udu oyemhe o ke sheshe. Elo mhi ke ya ngme? ‘Eri mhi ke ya lie, Ita, khi ze ni eghenge ona o bhale deba mhe?’ Iiye, oni eghenge ni o ze ni mhi ro bhale agbo na!

²⁸ Ita ri ufumhi ni o la eva oye khase.”

Igho Eshinegba o rote idane ngme lase, oo, “Mhi she kpe ri ufumhi ni o la eva oyemhe khase egbo na agbo, mhi ya gbo ligho riele oli.”

²⁹ Ebubu egbo ni e migha epfefpe agho e suɔ khi uruli oyi Eshinegba o ngme. Egbo eghuo ee, “Akphala o de!” Egbo elese ee, “Ageni o nu oli ngme!”

³⁰ Ama iJesu oo, “Oa khi itobo oyemhe uruli oyi Eshinegba ogho o ro ngme ungemhi ogho, ama itobo oye e lo.

³¹ Oni eghenge o she ramhi ni a ro ri agbo e gue ezɔ. Memena, a ya khu Okphaghiɛ oni o kpe e mhesɛ shi agbo ona ukpekhomhi pfia.

³² A kha da yase mhe nga idane oora apfida ne, mhi ya ti ogbokpa bhale deba mhe.”

³³ Eri o ngme ona ni o ro rokhasɛ we uwali eghuli ni o ya ghu.

³⁴ Eni egbo ee oli, “Ushi ni Eshinegba o ro na iMosisi na awa o gue oli ye anye khi agboagbo Omiepfuese o ya la o. Seɛ u ke li a lie khi a mema ya yase Omi Ogbɔ nga idane? Oghuo o khi oni Omi Ogbɔ ona?”[†]

§ 12:15 Li ze iZaka 9.9 * 12:25 Li ze iMat 10.39; 16.25; iMak 8.35; iLuk 9.24; 17.33 † 12:34 Li ze iwolo 110.4; Aza 9.7; Ezik 37.25; iDan 7.14

35 Ijesu oƆ wẹ, “Ákpá o ya la ẹ iteva ukuku eƆheƆhe. A ke kia okiali abi oni ákpá o kie la ẹ iteva memena, ini obili o khi ya bi ẹ, itobọ khi Ɔni o la alo ebili Ɔa lẹsẹ obini Ɔo je.

36 A regbenga Ɔni ákpá ni Ɔ ri ákpá na ẹ abi Ɔ kie li la ẹ iteva, ni a li khi eƆbo ni e ri imeƆẹ ẹ na eƆbo.” Abi iJesu Ɔ li ngme ona se, Ɔ lase wẹ iteva le, je ashini ẹa ke te e me Ɔli.

Umha-miesuo oyi eƆbo iJu

37 Abi iJesu Ɔ tseku gbe ikanya Ɔnyaloa ena ukpẹloe oyẹwẹ, ẹa kie lama mie Ɔli suƆ.

38 Onana o ri emini Azaya ni Ɔ khi ƆmeƆeƆguele Ɔ kpẹ ngme shi eƆẹ ya tse, ni Ɔo,

“ƆnƆmhuẹ, Ɔghuo Ɔ lama

mie usomhi oyanye suƆ?

Ɔghuo ƆnƆmhuẹ Ɔ mema

khueƆhie ekpabọ eyoli-a khase?”‡

39 Onana o zẹ khi ẹa doƆẹ miesuo, itobọ khi Azaya Ɔ gbo ngme Ɔli shi ashese khi,

40 “EshineƆba Ɔ she tase wẹ alo a, Ɔ gbo zuse wẹ udu ini e khi me eƆẹ ali ini udu oyẹwẹ e khi lẹsẹ ingme. Ini e khi ya mu pfi, ni mhi me asha re wẹ ze.”§

41 Eri Azaya Ɔ ngme ona itobọ khi Ɔ she kpẹ me ufumhi oyi iJesu, Ɔ gbo kpẹ ngme ingme oyoli.

42 Abi o tseku khia khi ebubu eni eƆ ralo eyi eƆbo iJu e mie iJesu suƆ eƆheƆhe ni a ngme ena, ẹa ngme Ɔli lasele, itobọ khi e na ulishi oyi iFarisi ini e khi khu ẹwẹ owa ugamhi ya lase.

43 Irari khi e nono ikueƆhie ni o rọte obọ oyi eƆbo bhale doƆẹ oni o rọte obọ oyi EshineƆba bhale.

Ungmemhi oyi iJesu a rọ ya ri eƆbo na agbo gue ẹzọ

44 Ijesu Ɔ tsesẹ leghe guele, Ɔo, “Ɔni Ɔ da mie mhe suƆ, Ɔa khi mhemhe tse Ɔ miesuo, ama Ɔni Ɔ ghie mhe Ɔ li miesuo.

45 Ɔnini Ɔ da me mhe, Ɔ she li me Ɔni Ɔ ghie mhe.

46 Mhi she bhale agbo ya ri ákpá Ɔẹ na eƆbo na agbo, ini eni e mie mhe suƆ Ɔkhoghuo Ɔ khi la alo ebili.

47 Ɔni Ɔ suƆ ungmehi oyemhe ni Ɔa da rọ shi Ɔ, Ɔa khi mhemhe mhi ya pfa ẹzọ mu Ɔli. Ɔa khi eri mhi bhale ya ri eƆbo na agbo gue ẹzọ, ama eri mhi bhale ya mie agbo pfuese.

48 Ɔni Ɔo pfa ẹzọ mu Ɔni Ɔ da kie mhe ali ungmehi oyemhe, Ɔ la aƆho. Eni ingmemhi ni mhia ngme e ya pfa ẹzọ mu Ɔli ogbele ni o kpukhokho.

49 Itobọ khi Ɔa khi ungmehi Ɔotsobọ oyemhe mhia ngme, ama ungmehi ni Ita ni Ɔ ghie Ɔ mhesẹ na mhe mhi ngme mhia ngme.”

50 Mhi lẹsẹ khi oni ushi oyi EshineƆba, o ri agbo na agboagbo Ɔ na ogbo. Irarigho, eri mhi ẹ ngme emini Ita Ɔ gueye mhe mhi ngme.

13

Ijesu Ɔ kpe eniyẹ odukhokho eyoli awe-a

1 Abi o rọ kpọ ẹleƆghuo ukpe iPasova le, iJesu Ɔ lẹsẹ khi oni eƆheƆhe o she ramhi ni Ɔ rọ ya te agbo lasele je oyi Ita. Ɔ ma kie kpẹ nono ingme oyi eƆbo eyoli ni e la agbo, Ɔ rọli khase wẹ khi eri loli nono ingme oyẹwẹ pfo.

² Ijesu ali eniye odukhokho eyoli e la ashini e la le eminale eḷe ogbomhi. Okphaghie o she roḷi shi udu oyi iJudasi omi iSamọ Isikaroti o ka ro ijesu de.

³ Ijesu o leṣe khi Ita o she ro ekpabo nga luḷe obo, o leṣe khi obo oyi Eshinegba loḷi kpe te bhale, ali khi obo oyoli loḷi gbo nyene egbe ya je.

⁴ Igho ijesu o rote ashini o shito ti vule, ikhi ashini e la le eminale, o gueghie awulu ni o so kpeda, o ri ode ni a ro o muno ame egbe-a mu oku.

⁵ Igho o ku ame shi atalabi, o kpe eniye odukhokho eyoli awe-a. O rue ode ni a ro o muno ame egbe a ni o ro mu oku shishi we ame awe-a.

⁶ Abi o ro kpe ramhi iSamọ iPita o, iPita oo, “Kie! Onomhue yeye u kha ke kpe mhe awe a?”

⁷ Ijesu oo li, “Wa leṣe emini mhia riḷe memena, ama u ya leṣe okhese.”

⁸ ISamọ iPita oo, “Onomhue, atsobo ogho! Wa ya tigbe kpe mhe awe-a.”

Ijesu oo, “Ini mhia kpe e awe-a, wa aa ke khi oyemhe.”

⁹ ISamọ iPita oo, “O kha khi igho, Onomhue, o a khi awe tse u ke leṣe ya kpe mhe-a! Ama kpe mhe abo ali ukhomhi-a ma o.”

¹⁰ Ijesu oo li, “Ogbo ni o da khue se, o she pfluase, o a khi oni o ke gbo ya khue-a, ama awe o ke leṣe e yeghe-a. Ee nya a she pfluase, se ni otuoghuo elemhi e.”

¹¹ Irari khi ijesu o she kpe leṣe oni o ya ro oḷi de, loḷi o ze ni o ro liḷe, “Ee nya a she pfluase, se ni otuoghuo elemhi e.”

¹² Abi ijesu o ro kpe we awe a se, o riḷe awulu ni o kpe gueghie ro so, o ya shito ashini o kpe te vule. Oo mhila we, “A li leṣe akanya ni mhi gbe na e lena?”

¹³ “A lu mhe ‘Oseṣe’ ali ‘Onomhue.’ A ga guḷe ngme, itobo khi emini mhi khi ghọ.

¹⁴ Memena ni mhemhe ni mhi khi Onomhue ali Oseṣe oyeḷe mhi she kpe e awe-a, ee a li ke kpe egbe e awe-a.

¹⁵ Mhi she ri irokhokho khase e, ni a li ke riḷe emini mhi riḷe na e.*

¹⁶ Egbegbi ingme mhi gueye e, khi oni o ga ogbo, o a ya fu doṣe oni oo ga, oni a aghiusomhi o a ya fu doṣe oni o ghie oḷi usomhi.†

¹⁷ Abi a ro leṣe eni ingme ena egho, a ya khivoṣe na e, ini a ro li gba akanya.

Ijesu o guele shi eke khi a ya re luḷe de

(iMat 26.20-25; iMak 14.17-21; iLuk 22.21-23)

¹⁸ “Aa khi ee nya mhi nu e ngme. Mhi leṣe abi ingeli eyi eni mhi ze e li. Ama, emini Ebe-no-pfluase o ngme, o mema bhale ya tse, ikhi oni oo, ‘Ogbo ni o nu mhe e le eminale o ya nyene egbe mu okholi vule shi mhe o.’‡

¹⁹ “Eri mhia gue ona ye e shi eke neni a ligho me oḷi, ishegho ini a ligho me ghọ, a ya miesuo khi ‘Mhemhe mhi khi oni mhi khi.’

²⁰ Abi o li mhi li gue oḷi e ye e, khi oni o da kpe abo mie aghiusomhi ni mhi ghie, mhemhe o li mie, oni o da mie mhe, oni o ghie mhe o li mie.”§

²¹ Abi ijesu o ro ngme ona se, udu o a ke sheshe oḷi, o guele gboo, oo, “Egbegbi ingme mhi gueye e, khi otuoghuo elemhi e, o ya remhe de.”

²² Eniye odukhokho eyoli e bino egbe alo gase, o lolo sha we abo oni ijesu o ngme.

²³ Oghuo omọ odukhokho ni ijesu o mema nono ingme oyoli, o shito mama ijesu.

²⁴ ISamọ iPita o ro ikpialo nu oni omọ odukhokho ngme, oo li, “Mhila ijesu, oghuo oni ogbo o fe khi elemhi awa.”

* **13:15** Li ze iLuk 22.27 † **13:16** Li ze iMat 10.24; iLuk 6.40; iJon 15.20 ‡ **13:18** Li ze iwoḷo 41.9

§ **13:20** Li ze iMat 10.40; iMak 9.37; iLuk 9.48; 10.16

25 Igho oni omo odukhokho ni o shito mama iJesu o mhila li, oo, “Onomhue, oghuo oni ogho o khi elemhi anye?”

26 IJesu o so li o, oo, “Oni mhi ya ri ibuledi ona somhi utasa oni awa te e le emhi enana na ne, lolu lo.” Igho o so oni ibuledi elemhi utasa, o ro na iJudasi omi iSamoi Isikaroti.

27 Abi iJudasi o lese mie oni ibuledi se, Okphaghie o lo oli udu. IJesu o gueye oli, “Nyanya ya rieie emini wa nono ni u rieie.”

28 Ogbokhoghuo abi e ga li shito o le eminale, oa la ni o lese emini o ze ni iJesu o ro ngme oli gho.

29 Aborokhia khi iJudasi o tsua ikpagho o mhue na we, eghuo e dabi khi eri iJesu o gueye oli o ka de emini e ro o li ukpe iPasova. Elese e dabi khi otse eri oo o ka somhi eni ea mhue opfa.

30 Abi iJudasi o mie oni ibuledi se. O fie lase aghoagho. Eliyose o she ramhi.

IJesu o ri ushi onogbo na we

31 Abi iJudasi o ro vu se, iJesu oo, “Eena egbo e ya me ufumhi oyi mhemhe Omi Ogho, e ya te idiegbe oyi Omi Ogho me ufumhi oyi Eshinegba.

32 Ini egbo e rote idiegbe oyi Omi Ogho me ufumhi oyi Eshinegba, egheghe agho Eshinegba lolighuo o ya nyanya ri ufumhi oyi Omi Ogho khashe egbo.

33 “Eniye eyemhe, mhia ke nu e ya la akana tese. A ya nono mhe, aa ke me mhe. Mhi gue ona ye e memena, abi mhi kpe li gueye eni ee mhese eyi egbo iJu, ni mhiye, Aa dobe ya ramhi obini mhi-a je.”*

34 “Memena mhi ro ushi onogbo na e: A nono ingme oyi egbe e. Abi mhi li nono ingme oye e, a mema li ya nono ingme oyi egbe e.”†

35 A kha da mholi inono na egbe e ne, egbo kpa e ya lese khi eniye odukhokho eyemhe a khi.”

IJesu o ngme o shi eke khi iPita o ya kie lue

(iMat 26.31-35; iMak 14.27-31; iLuk 22.31-34)

36 ISamoi iPita o mhila li, oo, “Onomhue, obo wa le?”

IJesu o o li, “Waa ya dobe deba mhe je obini mhia je, ama u ya deba mhe okhese.”

37 iPita o mhila li, oo “Elo e ze ni mhi aa ro dobe ya deba e? Mhi mu egbe ni agbo oyemhe o li opfu-a!”

38 IJesu o ke gbo so li o, “U ga mema mu egbe agbo oye o ro lie opfu-a na mhe? Mhi gueye khi, neni okpa o gbieghe, u ya lie khi u waa lese mhe ramhi itese!”

14

IJesu khi ode ni a te e bhale deba Eshinegba

1 IJesu o gueye eniye odukhokho eyoli, oo we, “Aa khi ze ni udu o yese e-a, a mie Eshinegba suo, a gbo li mie mhe suo.

2 Elemhi owa ni a la e kpoku shi apfe oyi Itamhe. Ini oa khi igho lo, mhi kha gueye e. Mhia ya vu ni mhi ya mu egbe asha shi eke khe e.

3 Mhi kha vu ya mu egbe shi eke khe e se, mhi ya gbo nyene egbe bhale ya wolo e ma egbe vu, ishegho ashini mhi ya la, ni a li nu mhe la akagho.

4 A lese ode ni a te e je ashini mhia je.”

5 ITomosi oo li, “Onomhue, anye ea lese obini u wa je. See anye li ya lese ode je obini u wa je?”

* 13:33 Li ze iJon 7.34 † 13:34 Li ze iJon 15.12,17; 1 iJon 3.23; 2 iJon 5

6 Ijesu o o li, “Mhemhe mhi khi ode ni a te e je obini oyi Eshinegba. Mhemhe mhi ri igesikia ni o la Eshinegba a khashe. Mhemhe mhi ri agbo o na ogbo. Ogbo khoghwo o me asha ya je obini oyi Ita ini o li rote obo oyemhe.

7 Eri a kha lese mhe lo, a kha li lese oni Ita. Ro te memena vu, a she lese oli, a gbo me oli.”

8 Filipu o, “Onomhue, ri oni Ita khashe anye, emini anye lese nono gho.”

9 Ijesu o soli o, o, “IFilipu, mhi she nu e la tese, waa kie lese oni mhi khi? Oni o da me mhe, o she me oni Ita. Se u kiele e lie ‘Ri oni Ita khashe anye?’

10 Filipu, waa miesuo khi mhi la elemhi oyi Ita, ali khi Ita o la elemhi oyemhe? Ingmehi ni mhi gueye e nya ea khi eyemhe. Ita ni o la mhe elemhi o ga gbe ikanya ena nya.

11 A mie emini mhi ngme suo ini mhi khi mhi la elemhi oyi Ita ali khi Ita o li la elemhi oyemhe. Ini aa mie emini mhi ngme suo, a ri itobo ikanya onyaloo ni mhia gbe miesuo.

12 Egbegi-ingme mhi gue e ye e, oni o da mie mhe suo, o ya gbe ikanya enabi mhia gbe. O ya gbe ikanya eni e fu dose eni abi mhia gbe, itobo khi mhia je oyi Ita.

13 Emini a ro eva oyemhe mhila nya mhi ya riele o, eghenge agho ni omo ri ufumhi oyi Ita khashe egbo.

14 Emini a ro eva oyemhe mhila nya, mhi ya riele na e.

Ijesu o shobo khi loli ya ghi Ayemhe-n-pfuase bhale agbo

15 “A kha nono ingme oyemhe, a ya ri omhese oyemhe gba akanya.

16 Eghenge agho, mhi ya lema Ita, o ri Okpoghiobo olese na e, ni o ya nu e la agbo agbo.

17 Loli o khi Ayemhe ni o ri igesikia ni o la Eshinegba a khashe agbo. Egbo na agbo ea dobe mie oli itobo khi ea me oli wekhi eri e lese oli. Ama, ee ena a lese oli, itobo khi o nu e la, o la elemhi oye e.

18 “Mhia ya ze e obo shi eke abi omi-olimhi, mhi ya gbo nyene egbe bhale deba e.

19 O kha dena, egbo na agbo ea ke e me mhe, ama ee ena, a ya me mhe. Itobo khi mhi ya gbo la agbo, a ya li la agbo.

20 Ini ogbe ni elegeho o ramhi, a ya lese khi mhi la elemhi oyi Itamhe, khi ee a la elemhi oyemhe, abi mhi li la elemhi oye e.

21 “Oni o mie ishi eyemhe ni o ri ewe gbe akanya, o nono ingme oyemhe. Itamhe o ya nono ingme oyi oni oda nono ingme oyemhe, mhi ya li nono ingme oyi oni ogbo, mhi ri egbe mhe khashe oli.”

22 Ijudasi (o kha khi oni a lu Isikaroti) o, “Onomhue, elo o ze khi u fe ya ri egbe e khashe anye tse, ni u wa ro ya ri egbe e khashe agbo kpa?”

23 Ijesu o so li o, o, “Oni o da nono ingme oyemhe, o ya ri osese oyemhe gbe akanya. Itamhe o ya nono ingme oyi oli, mhemhe ali Itamhe, anye bhale ya nu oli la.

24 Oni o da nono ingme oyemhe, o ro osese oyemhe ya gbe akanya. Eni osese ni mhia sese e, ea khi eye mhe, ama obo oyi Itamhe ni o ghie mhe e te bhale.

25 “Mhi she gue ena ye e, abi mhi kie li nu e la.

26 Ama oni, Ayemhe-n-pfuase ikhi Okpoghiobo, ni Ita o ya ro eva oyemhe ro ghi e, o ya sese e emhikpa. O ya gbo re e yelege emhikpa ni mhi gueye e.

27 Mhi ze e obo shi agbo ona shi opfomhe, mhi ri opfomhe oyemhe na e. Oa khi oni abi egbo na agbo e ro o na ogbo mhi ro na e. A khi ze udu yese ea, ali a khi ze ni ulishi o mu e.

28 “A suo abi mhi ro gueye e khi mhi ya rote iteva oye e vu, khi mhi ya gbo bhale deba e. Ini a nono ingme oye mhe lo, a kha ke ghele khi mhia je oyi Itamhe, irari khi loli o fu dose mhe.

29 Mhi she gue ingme ena ye e shi eke neni a me we, ishegho ini a da kie ligho me we, a mie mhe suo.

30 Mhia ke nu e ngme tese, itobo khi okphaghi e ni o kpe mheshe shi agbo ona, oo bhale. Oa mholi ekpabo shi agbo oye mhe,

31 ama egbo na agbo e mema ya lese khi mhi ma nono ingme oyi Ita, ali khi emini Itamhe o mheshe na mhe mhi ri ele, mhia ri ele tee.

“A bhale ni awa vu ana le.

15

Ijesu o khi egbegbi oora upfonu

1 “Mhemhe mhi li abi oni upfonu ni o mo umomhi onete, Itamhe o ri ele e shi o.

2 Loli oo kanoo uguabo oye mhe ni oa ya mo umomhi a. Oo ri ele uguabo oye mhe ni oo mo umomhi, ni o gbo mo imomhi eni e bu.

3 Ungmemhi ni mhi she nu e ngme o she ri ele e ti ni a ro do be mo imomhi enete. 4 A toma mhe idiegbe, mhemhe mhi ya toma e idiegbe. Uguabo oora okhoghuo oa do be ya mo umomhi ootsobo oyoli, o mema ya to ma idiegbe oora. U ke neta khi eri a do be ya ri ele eminete ini aa toma mhe egbe.

5 “Mhemhe mhi khi oora upfonu, ee a li abi uguabo. Ini u toma mhe egbe ni mhi ro li toma e egbe, u ya mo imomhi eni e bu. Ini a ro obo rue mhe o le, aa do be ya ri ele emhikhoghhuo onete.

6 Ini u waa da toma mhe egbe ne, eri a ya khi e pfa. Eri u ya li abi uguabo ekhakha ni, a ti e ma ri erali tose-a.

7 Ini u toma mhe egbe, ni ingmemhi eyemhe e ro la elemhi oye, emiemini o ghole e kpa wa mhila, a ri oli ne.

8 Eminete ni a ri ele o ri ufumhi ghi Itamhe. Ona o ro khashe khi eniye odukhokho eyemhe a khi.

9 “Abi Ita o nono ingme oye mhe, igho mhi li nono ingme oye e. A la elemhi inono oye mhe.

10 Ini a ro ishi eyemhe gbe akanya, a ya la inono oye mhe, abi mhi li ri ishi eyi Itamhe gbe akanya ni mhi li la inono oyoli.

11 Eri mhi gue ona ye e ni oghole oye mhe o vo e udu, ni oni oghole oye e o gba pfo.

12 Ushi ni mhi ro na e khi, a nono ingme oyi egbe e, abi mhi nono e.*

13 Aa me inono olese ni o fu dose oni ogbo o ro ghu-a na emole oli.

14 Emole mhe a khi ini a da ri ishi eyemhe gbe akanya.

15 Mhi aa ke lu e eni e ga mhe, itobo khi oni o ga ogbo oa lese akanya ni oga oyoli o gbe. Ochogho, emole mhi ke e lu e, itobo emini mhi rote obo oyi Itamhe wena nya mhi gueye e.

16 Oa khi ee a ze mhe, mhemhe mhi ze e ni mhi ri akanya na e, a ka gbe ikanya enete ni ikanya eye e e migha. Ishegho Ita o ya ro emini a ro eva oye mhe mhila nya na e.

17 Ushi oye mhe ni mhi shi na e khi, a nono ingme oyi egbe e.

Egbo na agbo ee biselemhi eniye odukhokho eyi Ijesu

18 “Ini egbo na agbo e biselemhi e, a sato khi igho e kpe li biselemhi mhe.

* 15:12 Li ze iJon 13.34; 15.17; 1 iJon 3.23; 2 iJon 5

19 Ini a khi eyi egbo na agbo lo, e kha nono ingme oye e abi enayewe. Abi o ke li memena khi, aa ke khi eyi egbo na agbo itobo khi mhi she rote elemhi agbo ze e, loli o ze khi egbo na agbo e ro biselemhi e.

20 A sato ingme ni mhi gueye e, 'Oni oo ga ogbo oa fu e dose oga oyoli.' Ini e kpe mu okholi vule shi me o ghue, e ya mu okholi vule shi e o. Ama ini e ro ose e ni mhi sese gbe akanya, e ya ro ose e oye e li gbe akanya.†

21 E ya lina ngeli deba e itobo khi enayemhe a khi, ali itobo khi ea lese oni o ghie mhe.

22 Ini mhi aa bhale ya nu we ngme lo, ea kha mholi umha-guekia oyi olamhe. Ama ea ke mholi emini e gue oli ya nga egbe khi o rewe a lamhe olamhe.

23 Oni o da biselemhi mhe, Itamhe o li lie biselemhi.

24 Ini mhi aa la akpewe gbe ikanya ni ogboese oa dobe gbe ghue lo, ea kha mholi umha-guekia oyi olamhe. Ama memena e she me eni ikanya onyaloa, ama e kiele e biselemhi mhe ali Itamhe.

25 Ama ona o ze ni emini a keke shi ebe ushi oye e o ro bhale ya tse, oni o khi, 'Afu e biselemhi mhe.‡

26 "Ini oni Okpaghiobo o bhale, oni mhi rote obo oyi Itamhe ya ghie ghi e, loli o khi Ayemhe no o ri igesikia ni o la Ita a khase, o ya pfi otsele shi ingme oyemhe.

27 E e ya li mema pfi otsele na mhe, itobo khi rote igbaekele a te nu mhe la.

16

1 "Eri mhi gue ona a ye e ini a khi tsua irudunga pfa.

2 Egbo e ya khu e owa ugamhi fie lase, eghenge o ga ya ramhi ni ogbo o kha gbe ongee a, o dabi khi eri loli e ga Eshinegba.

3 E ya riyele eni emhi ena deba e, itobo khi ea lese Ita, wekhi mhemhe.

4 Ama, eri mhi gue ona ye e, ini oni eghenge o ramhi, a ya sato khi mhi kpe tse agua ye e. Itobo khi mhi kie nu e la mhi aa ro kpe gue ingme ena ye e.

Akanya ni Ayemhe-no-pfuase oo gbe

5 "Memena, mhia le deba oni o ghie mhe, ama ongee oa kie mhila mhe, 'Obo wa je?'

6 Itobo khi mhi gue ingme ena ye e, udu oye e o she yese-a.

7 Ama igesikia mhi gueye e, ni o ro ti e egbe mhi ro rote e iteva a vu. Itobo khi ini mhi aa vu, oni Okpaghiobo oa ya bhale. Ama ini mhi da vu mhi ya ghie oli ghi e.

8 Ini O da bhale, O ya rewe lese umha-guekia ni o la ingme olamhe, o gbo rewe li lese ipfuase oyi Eshinegba ali iso-ezo oyoli.

9 O ya rewe lese khi umha-guekia ni o la olamhe o khi, umha mie mhe suo.

10 O ya rewe lese khi e ya mholi ipfuase oyi Eshinegba, itobo khi mhi je oyi Ita ni aa ke te tige ya me mhe

11 O ya rewe lese emini iso-ezo oyi Eshinegba o khi. Itobo khi a she pfa ezo mu okphaghi e oni o mhese e shi agbo ona.

12 "Mhi mholi emini e bububu ni mhi kha gbo gueye e, ama e bu dose ni a dobe ya mie.

13 Ama ini Ayemhe ni o ri igesikia a khase o da bhale, o ya ri igesikia ni o la ingme oyi Eshinegba nya khase e. Oa ya ngme ungmehi ootsobo oyoli, ama emini o suo o ya ke ngme. O gbo gueye e ingme ni a ya me.

† 15:20 Li ze iMat 10.24; iLuk 6.40; iJon 13.16 ‡ 15:25 Li ze iJwo 35.19; 69.4

14 Mhẹmhẹ ọ ya ke ti nga, itobọ khi ọ ya mie mhẹ ungmehi ni mhi ngme gueye ẹ.

15 Emini Itamhẹ ọ mhue nya, eyemhẹ lo, loli o zẹ khi mhi kpẹ gueye ẹ khi emini mhi rọ na Ayemhẹ-nọ-pfuase, ọ ya gueye ẹ.

Oya oyẹẹ o ya mele oghẹle a

16 “O kha dẹnẹ, aa kẹ mẹ mhẹ, o kha ke gbo dẹnẹ a gbo mẹ mhẹ.”

17 Eniyẹ odukhokho eghuo ee mhila egbewẹ, “Elo ọ ri ona a ngme, ni ọọ liẹ awa khi, o kha dẹnẹ khi awa aa ke a mẹ lue, ali khi o kha ke gbo dẹnẹ khi awa gbo lo ya mẹ lue? Ọ gbolo ẹ, ‘Itobọ khi mhi ya je obini oyi Ita.’

18 Elo ọ ri ‘O kha dẹnẹ’ ngme? Awa aa lẹsẹ ingme ni ọ rọ ọli ngme!” E kie lina mhila egbewẹ.

19 Ijesu ọ she lẹsẹ khi ẹẹ nono ni e mhila lue oni ungmehi ona, ọ mhila wẹ, “Eri a mhila egbe ẹ abi mhi ri oni ungmehi ngme, ni mhi rọ liẹ, ‘O kha dẹnẹ aa ke ya mẹ mhẹ ali khi o kha gbo dẹnẹ a ya mẹ mhẹ?’

20 Egbegbi ingme mhi gue ẹ ye ẹ, a ya viẹ, a viẹ oya. Ama egbo na agbo e ya ke ghele, ẹẹ a mhue iyeseudu-a, oni iyeseudu-a o ya mele oghẹle-a na ẹ.

21 Ini ọkpotoso ọ ya bia, udu o yese ọli a itobọ khi egheghe osue o she bhale, ama ini ọ bia oni omọ se, ọọ ghele, ọ yele osue ni ọ mẹ a. Irari khi ọọ ghele khi loli bia omọ shi agbo.

22 Igho o li li ẹ egbe, memena udu o yese ẹ a, ama mhi ya gbo mẹ ẹ. Eghẹghe agho oghẹle o vọ ẹ udu, oghẹle ni ogbo ọa dobe ya mie.

23 Ini oni ogbele o ramhi, aa kẹ ẹ mhila mhẹ emhikhoghuo. Mhi gue igesikia a ye ẹ khi Itamhẹ ọ ya rọ emini a ri eva oyemhẹ mhila kpa na ẹ.

24 Ga ramhi memena, aa kie ri eva oyemhẹ mhila emhikhoghuo. A mhila khi a ya mẹ mie, ishegho ni oghẹle oyẹẹ o gba pfo.

Ijesu ọ khọli okhọli agbo mu ọ le

25 “Mhi aa lolo kpẹ khueghie ingme-a gue ẹ ye ẹ. Ama egheghe ọọ bhale ni mhi aa ke rọ ligho nu ẹ ngme, ama mhi ya gue ingme oyi Ita ye ẹ gboo.

26 Ini oni ogbele o ramhi, a ya ri eva oyemhẹ mhila Ita emini o ghole ẹ. Mhi aa liẹ khi mhẹmhẹ mhi ya mhila na ẹ.

27 Ita ọọ nono ingme oyẹẹ, itobọ khi a nono ingme oyemhẹ, a gbo miesuo khi obọ oyi Eshinẹgba mhi te bhale.

28 Obọ oyi Ita mhi te bhale ya lo elemhi agbo, memena mhi gbo te elemhi agbo ya vu je deba Ita.”

29 Eniyẹ odukhokho eyoli ẹẹ ọli, “Ena u tigbe ẹ khueghie ingmemhi eyẹ-a gueye anye gboo, waa ke ẹ biẹbiẹ eni ingme-a gueye anye.

30 Eena anye lẹsẹ khi u lẹsẹ emhikpa, ọa ke khi ogbo ọ ke gbo ya ke mhila ẹ ogbo. Onana o zẹ khi anye miesuo khi obọ oyi Eshinẹgba u te bhale.”

31 Ijesu ọ sọ wẹ ọ, ọ, “A she miesuo memena?”

32 Eghẹghe ọọ bhale, oni egheghe o she ramhi, ni ẹẹ nya a rọ ya miatse ku, ogbogbo ọ je apfe oyoli. Mhẹmhẹ-ghuo tse mhi ke ya la. Ama ọa khi mhẹmhẹghuo tse mhi la, itobọ khi Ita ọ nu mhẹ la.

33 Eri mhi gue ingme ena ye ẹ, ni a ri itobọ khi a kugbe mhẹ ọ mhue opfomhẹ. Egbo na agbo e ya ri osue na ẹ mẹ. Ama a mhọli udu, itobọ khi mhi she mu agbo ọ le.”

1 Abi iJesu o ro nu eniyẹ odukhokho eyọli ngme se, o yase alo bino idane, o so iromhi, oo, "Ita, oni eghẹghe o she ramhi. Ri ufumhi oyi Omie khasẹ agbo, ni Omie o li ri ufumhi oye khasẹ agbo.

2 Itobo khi u she ri ekpabo na li, shi ukhomhi oyi egbo na agbo kpa, ni o ri agbo na agboagbo na egbo ni u ro na li.

3 Agbo na agboagbo khi, ni a ro lese e, ikhi yeye ni u khi egbegbi Eshinegba oghuo kpe. Ni a gbo ro lese mhe iJesu iKirisiti, ni u ghie.

4 Mhi she ri ufumhi oye khasẹ agbo na agbo, abi mhi ro o gbe akanya ni u ro na mhe, ni mhi gbe oli pfo.

5 Ita, gbo ri ufumhi ni mhi kpe mhọli na mhe memena, ikhi ufumhi ni mhi rote eke mhọli neni a ma agbo.

6 "Mhi she ri e khasẹ agbo ni u te elemhi agbo ro na mhe. Egbo eye e khi ni u ro na mhe. E she ri ungemmi oye gbe akanya.

7 Memena e she lese khi emhikpa ni u ro na mhe khi obọ oye e te bhale.

8 Mhi she gueye we usomhi ni u ro na mhe, wewe e she mie oni usomhi. E she lese egbegbo khi obọ oye mhi te bhale, e gbo miesuo khi yeye u ghie mhe.

9 "Mhi so iromhi na we, o a khi egbo na agbo nya mhi so iromhi na, ama eni u ro na mhe irari khi egbo eye e khi.

10 Emhikpa ni mhi mhọli eye e khi, emini u mhọli eyemhe e li khi. Wewe e ri ufumhi oyemhe khasẹ agbo na agbo.

11 Memena mhia bhale deba e, mhia ke la elemhi agbo, ama wewe e kie la elemhi agbo. Ita ni o pfuase, ri itoto ni o la eva oye ni u ro na mhe, khukhu we, ni e khi oghuo abi mhemhe ali yeye awa khi oghuo.

12 Eghẹghe ni mhi ro nu we la, mhi ri itoto ni o la eva oye ni u ro na mhe, khukhu we, mhi khe we ekhe. Okhoghuo o o a pfua, se ni oghuo elemhi we ni o khi oni o ya pfua, ni emini a keke shi Ebe-no-pfuase o bhale ya tse.*

13 "Memena mhia bhale deba e, mhia ngme ingmemhi ena, abi mhi kie li la elemhi agbo, ini eniyẹ odukhokho eyemhe e mhọli oghẹle ni o gba pfo, onabi oyemhe.

14 Mhi she gue usomhi oye ye we, ama agbo e biselemhi we, itobo khi ea ke khi enayi agbo abi mhia li khi onayi agbo.

15 Mhi aa lie u wolọ we elemhi agbo lasele, ama tsumhi we obọ oyi Ona okholo.

16 Ea khi enayi agbo abi mhi aa li khi ona agbo.

17 Ri igesikia oye rewe pfuase. Irari khi egbegbi ungemmi ungemmi oye o khi.

18 Abi u li ghie mhe je elemhi agbo, igho mhi li ghie we je elemhi agbo.

19 Itobo ewe mhi ro ri egbe mhe ne, ini wewe ee li ligho ri egbe we ne egbegbo.

Ijesu o lema na igbaa oyi eni e mie iJesu iKirisiti suo nya

20 "O a khi itobo oyi eniyẹ odukhokho eyemhe tse mhi ro so iromhi ona. Mhi li so iromhi na egbo ni e li ya te otsele oyewe mie mhe suo.

21 Mhi so iromhi e ga kugbe khi oghuo. Ita! Mhi so iromhi e la elemhi oyi awa, ezeze abi u li la elemhi oyemhe ni mhemhe mhi li la elemhi oye. Mhi so iromhi e khi oghuo ini agbo e mie we suo khi yeye u ghie mhe.

22 Mhi ri ufumhi ni u ro na mhe na we ini e kugbe khi oghuo abi mhemhe ali yeye awa khi oghuo.

* 17:12 Li ze Iwolo 41.9

²³ Mhëmhë mhi la elemhi oyewë, yeyë u la elemhi oyëmhë, ni e ga kugbe khi oghuo, ishegho ni agbo e leşë khi yeyë u ghie mhë, ali khi u nono ingme oyewë abi u nono ingme oyëmhë.

²⁴ “Ita, yeyë u ri wë na mhë. Mhia nono ni e nu mhë la ashini mhi ya la kpa, ishegho ni e më ufumhi ni u ro na mhë itobò khi u nono ingme oyëmhë neni a ma agbo.

²⁵ “Ita ni o pfuasë! Agbo ëa leşë oni u khi, ama mhëmhë mhi leşë oni u khi, enana e leşë khi yeyë u ghie mhë.

²⁶ Mhëmhë mhi ri oni u khi khase, igho mhi kie li ya ke rieleşë oli, ishegho inono ni u mhòli na mhë, o la wë egbe, ni mhëmhë mhi li la elemhi oyewë.”

18

Abi a li ri iJesu de

(iMat 26.47-56; iMak 14.43-50; iLuk 22.47-53)

¹ Abi iJesu o ro so iromhi ona se, loli ali eniyë odukhokho eyoli e da uchoke ni a lu iKidironi lase. Ogba ni a ko eëra na lu olivu shi o la epfë agho, iJesu ali eniyë odukhokho eyoli e lo elemhi oni ogba oyi eëra olivu.

² Ijudasi oni o ri oli de o leşë oni ogba, itobò khi iJesu ali eniyë odukhokho eyoli e keleşë lona akagho.

³ Igho iJudasi o tsua ekhòli-okhuë eyi iRomu, ali egbo ni e la Owa oyi Eshinegba e khe ekhe ali ighie eyi ekpodalo-ugamhi eyi iJu ali iFarisi ma egbe. E tsua itsua okhòli, ali igbili igolò ali ikpa. E lo ogba oyi eëra olivu le.

⁴ IJesu o she kpë leşë emini loli ya më, o mhila wë, oo. “Oghuo a nono?”

⁵ Eë oli, “IJesu onge iNazarëti!”

IJesu oo, “Mhëmhë na.”

IJudasi ni o ri oli de o migha mama wë.

⁶ Abi iJesu o ro gueyë wë khi, “Mhëmhë na,” igho e ti je ukhokho, e de ya gbe.

⁷ IJesu o gbo mhila wë, oo, “Oghuo e khi a nono wë?”

E gbo lië o li, “IJesu onge iNazarëti.”

⁸ IJesu oo, “Mhi she kpë gueyë e khi mhëmhë na. O kha khia khi mhëmheghuo a nono, a zë ni eni e kpole e vu.”

⁹ Eri iJesu o ngme ona ni emini o kpë ngme o bhale ya tşë, ni oo: “Ita! Mhi aa wasë okhoghuo elemhi egbo ni u ro na mhë a.”

¹⁰ Igho iSamò iPita, ni o tsua itakobi shi emhi o ji oli lasele ro be oni o gbe akanya a deba oga oyi ekpodalo ugamhi esò na obita ukhomhi pfi-a. IMakosi a lu oni omşë.

¹¹ IJesu oo iPita, “Rue itakobi ogho shi ashini u kpë te ji oli lasele. Eri u dabi khi mhia ya rote uko osue ni Itamhë o mhëşë na mhë ya da?”*

A mu iJesu bhale odalo iguezò oyi egbo iJu

¹² Igho ekhòli-okhuë eyi iRomu ali eni e kpeda na wë ali eni e khe ekhe owa ugamhi ni o funë eyi egbo iJu, e gba iJesu mu, e ge oli abo je ukhokho.

¹³ E te odode rue oli bhale ayi Anasi, ni o khi ogo iKefasi. IKefasi o khi okpodalo-ugamhi oyi Eshinegba oni o kpeda oyi egbo iJu oni ukpe ogho.

¹⁴ IKefasi o ke kpë ye egbo iJu ude, khi ini egbo otuoghuo o ghua-na na egbo ni e bu, o ti doşë ni egbo ni e la eoli nya e pfua.†

* **18:11** Li zë iMat 26.39; iMak 14.36; iLuk 22.42 † **18:14** Li zë iJon 11.49-50

*IPita o kie iJesu**(iMat 26.69-70; iMak 14.66-68; iLuk 22.55-57)*

15 ISamọ iPita ali ọmọ odukhokho oyi iJesu ọlese, e deba iJesu. Oni ọmọ odukhokho ali oni o kpeda nya na ekpodalo-ugamhi eyi Ẹshinẹgba e kpe leşe egbe. Igho oni ọmọ odukhokho o deba iJesu lo elemhi apfe oyi oni o kpeda nya na ekpodalo-ugamhi eyi Ẹshinẹgba.

16 Abi iPita ọọ migha olase epfe ode unuekpe, oni ọmọ odukhokho ogho o nyene egbe je olase, o ya nu oni ọmueshi ni o la agho ngme, o rue iPita lo elemhi apfe.

17 Oni ọmueshi ni o la ode unuekpe o me iPita, o o li, “Oa khi ọmọ odukhokho oyi oni ọmose ogho u li khi?”

IPita ọọ, “Iiye, mhia khi loli.”

18 Ulili o gbe. Eni e khe ekhe ali ighumha e migha gasẹ erali ingamhi ni e pfiẹ, e khasẹ erali. IPita o li nu we migha a khasẹ erali.

*Oga oyi ekpodalo ugamhi o mhila iJesu ogbo**(iMat 26.59-66; iMak 14.55-64; iLuk 22.66-71)*

19 Oni oga oyi ekpodalo ugamhi eyi Ẹshinẹgba o mhila iJesu ogbo osese eyoli ali eniye odukhokho eyoli.

20 IJesu o sọli o, o, “Mhi aa tigbe na sheli sese osese elemhi Owa Oyi Ẹshinẹgba ali owa ugamhi ni mhi la a sese gboo eghẹghe kpa, ikhi ashini egbo iju e legba.

21 Elo o ze khi aa mhila mhe ogbo? A ka mhila egbo ni e suo osese oyemhe. E lese emini mhi ngme.”

22 Abi iJesu o ngme ona se, oghuo eni e khe ekhe o lase iJesu eso, o li, “Elo o ze ni u ro ligho nu Oga oyi ekpodalo ugamhi a ngme?”

23 IJesu ọọ, “Ini u lese khi mhi aa gue ngme, gue emini o a ti ni mhi ngme le, ni egbo e suo. Ama o kha khia khi mhi gue ngme, elo o ze ni u ro lase mhe eso?”

24 Ana Anasi o la lie e rue oli ghi iKefasi ni o khi Oga oyi ekpodalo ugamhi, abi a kie li ge oli abo je ukhokho. Eghẹghe ona, iKefasi ali Anasi e ga khi ekpodalo-ugamhi eyi Ẹshinẹgba ni e kpeda.

*IPita o gbo kie iJesu**(iMat 26.71-75; iMak 14.69-72; iLuk 22.58-62)*

25 IPita o kie migha akaghọ, ọọ khasẹ erali. Egbo elese e mhila li, “Wa she khi oghuo eniye odukhokho eyi ọmose ogho?” IPita o so we o, ọọ, “Iiye! Oa khi mhemhe.”

26 Oghuo oni o gbe akanya a deba oni o kpeda nya na ekpodalo-ugamhi eyi Ẹshinẹgba, ni o khi ogbo oyi ọmose ni iPita o be eso ukhomhi a, o gbo mhila iPita, “Oa khi ye ye mhi she me khi u nu ọmose ogho la elemhi ogba?”

27 IPita o gbo le, “Iiye!” Utoghukpe, okpa o gbieghe.

*A rue iJesu bhale odalo oyi iPaleti ya gue ẹzo**(iMat 27.1-2,11-14; iMak 15.1-5; iLuk 23.1-5)*

28 Eje uzogbe fiefie, e rue iJesu fie owa oyi iKefasi je apfe oyi igovunọ oyi egbo iRomu. Enighie eyi egbo iju ẹa lama lo elemhi oni apfe, itobọ khi ẹa nono ni ichimhi umha-pfuase ni o mu we, ini ee dobe le eminale iPasova.

29 Itobọ igho oni igovunọ na lu iPaleti o fie je olase deba eni egbo iju, ọọ we, “Umha-gueli onoghua a gue shi ọmose ọna egbe?”

30 Eje oli, “Ini ọa muhe umha-gueli lo anye ẹa kha rue oli bhale ghie.”

31 IPaleti ọọ we, “A rue oli vu ya gue ẹzo egbe-a abi ushi oye o ngme sho.” Egbo iju ẹẹ oli, “Anye aa mholi afu ni a ro o lie a ka gbe ogbo.”

³² Eri a lina me onana ni emini iJesu o kpe ngme ni o bhale ya tse, ikhi ungmehi ni o la guele uwali eghuli ni loli ya ghu.‡

³³ IPaleti o nyene egbe je elemhi apfe oyoli, o lu iJesu mhila, oo, “Ye ye u khi oghie oyi egbo iJu?”

³⁴ IJesu oo. “Udu oye ogbo ona ni u mhila mhe o te bhale abi khi ogbo o gue ingme oyemhe ye e?”

³⁵ IPaleti oo li, “Onge iJu we khi mhi khi? Egbo eye ali ighie eyi ekpodalougamhi e rue e bhale ghi mhe, Elo u li?”

³⁶ IJesu oo li, “Eghiele oyemhe o a khi onayi agbo ona. Ini igho o khi lo, eni e deba mhe e kha ye okholi na mhe, ini a khi dobe mu mhe ghi eni e mheshe eyi egbo iJu. Ama memena, eghiele oyemhe o a khi onayi agbo ona.”

³⁷ Igho iPaleti o mhila li, “Oghie u ti e khi?”

IJesu oo, “U gue ga ngme oli ni u ro khi oghie mhi khi. Onana o ze khi a bia mhe bhale elemhi agbo, ni mhi ro ri emini o khi igesikia khashe egbo na agbo. Oni o da khi ona igesikia ne, oo suo oyemhe.”

³⁸ IPaleti o mhila li, “Elo o khi igesikia?”

A pfa ezọ igbea mu iJesu

(iMat 27.15-31; iMak 15.6-20; iLuk 23.13-25)

Igho iPaleti o gbo fie je olase, o gueye egbo iJu, oo, “Mhi aa me umha-gueli shi oli obo ni o remhe ya pfa ezọ mu oli a gbe oia

³⁹ Ama, abi a li ini a da li ukpe iPasova khi, ukpe khi ukpe kpa, eri mhia rue ogbo oghuo egbo eye e eni a mu shi owa ighumha abo-a na e. A nono ni mhi wolo oghie iJu abo a na e?”

⁴⁰ Igho e tsehe gbii, ee oli, “Iye! Ri Ochoghọ rue iBarabasi obo a na anye.” (iBarabasi iko o li, oni o gbe ogbo a o khi ni a mu shi owa ighumha.)

19

A pfa ezọ igbea mu iJesu

(iMat 27.15-31; iMak 15.6-20; iLuk 23.13-25)

¹ Igho iPaleti oo a gbe iJesu itali egbegbo.

² Eni ekholi-okhue e nyanọ iguabo era igba riele arula oghie rughu iJesu ukhomhi, e rue awulu ni o khi egholi ni o li abi oyile nabi a ro o so oghie so oli.

³ E gbo bhale deba li, e ro oli li egia, e lie oli, “A yase obo eke na oghie oyi iJu!” E lase oli alo.

⁴ IPaleti o ke gbo fie je olase deba egbo iJu, oo, “A ghe oli e, mhi rue oli lasele na e ni a ro lese khi mhi aa me umha-gueli shi oli obo ni o re mhe ya lie a ka gbe oli a.”

⁵ Abi iJesu o ro fie lasele ni o ro rughu arula igba, o gbo so awulu egholi oyile ni oghie o so, iPaleti oo, “A ghe oni omose!”

⁶ Abi ighie eyi ekpodalougamhi ali eni e khe ekhe Owa oyi Eshinegba e ro me oli, e tsehe, ee, “A ta li ma ora apfida! A ta li ma ora apfida!”

IPaleti oo, “Ee a rue oli vu ya ta ma ora. Mhi aa me umha-gueli shi oli obo.”

⁷ Egbo iJu ee oli, “Anye mhue ushi ni o guele a gbe oia, itobo khi oo lu egboli Omi Eshinegba.”

⁸ Abi iPaleti o ro suo ona, ulishi o tigbe mema lolo mu oli.

⁹ O nyene egbe je elemhi apfe oyoli, ya mhila iJesu, “Onge obo u khi?”

Ama iJesu o tsaghi e oli-a.

‡ 18:32 Li ze iJon 3.14; 12.32,33

10 IPaleti o, “Wa ya mie mhe unu? Wa lese khi mhi mholi ekpabo ni mhi ro dobe ya pfa e shi eke, ali khi mhi gbo dobe ya lie a ka te ma oora apfida gbe-a?”

11 IJesu o o, “Wa kha mholi afu shi mhe idiegebe ini o a khi Eshinegba o ri o ni ne lo, ama ogo ni o mu mhe bhale ghi e, loli o mholi umha-guei oyi olamhe ni o fu ne.”

12 Abi iPaleti o ro suo ona se, o nono ode ni o te ya wolo iJesu abo a, ama eni egbo iJu e kiele tse, e lie o, “Ini u ze o obo, wa khi omole iSiza oghie oniemhi oyi iRomu. Onini o da guele khi oghie loli khi, obo iSiza o khi.”

13 Abi iPaleti o ro suo ingmemhi ena, o rue iJesu je olase, iPaleti o ya shito ukpho eche ni o shito la so ezo, ni a lu Etete eche (iGabata a ri elemhi Iburu e lu o)

14 Eghenge agho ovo o lese ramhi iteteva ukhomhi elegeho, ikhi ogbele ni a mu egbe e shi ukpe iPasova. IPaleti o eni egbo iJu, “Oghie oye gh o!”

15 Ama e tse, “A rue o ya gbe-a! A rue o ya gbe-a! A ta li ma oora apfida!” IPaleti o mhila we, o, “A nono ni mhi ta oghie oye e ma oora apfida?” Ighie eyi ekpodalo-ugamhi e o li, “Anye aa mholi oghie olese dose oghie iSiza.”

16 Igho iPaleti o ri iJesu na ekholi-okhue e ka ta li ma oora apfida.

A ta iJesu ma oora apfida

(iMat 27.32-44; iMak 15.21-32; iLuk 23.26-43)

Ro te agho vu ekholi-okhue e te rue iJesu vu.

17 IJesu o fi lele, lolighuo o tsua oora apfida oyoli, o je ashini a lu “Ukhomhi olimhi ni o ku igua-a.” (IGogota a ri elemhi Iburu e lu akagho.)

18 Agho e tali ma oora apfida shi, e ta egbo aava ma eera mama li. Oghuo epfe obita, onokpole epfe obogobo, iJesu o la we iteva.

19 IPaleti o keke emhi ro kphase oni oora-apfida. Emini o keke shi o khi, “IJesu Onge iNazareti, Oghie oyi Egbo IJu.”

20 Ebubu eni egbo iJu e ze oni emhi, itobo khi ashini a ta iJesu ma oora apfida shi o nuata shi apfe. Elemhi Iburu, ghe iLatini ali iGiriki a ro keke oni emini a ro kphase oora apfida ni a ta iJesu ma.

21 Ighie eyi ekpodalo-ugamhi eyi egbo iJu e a lama shi emini iPaleti o keke. E ya gueye o, e o, “Anye e nono ni u keke oghie oyi iJu shi o, emini u kha keke shi o khi, Oghie oyi egbo iJu omose ona o khi loli khi.”

22 IPaleti o we, “Mhi she keke emini mhi keke.”

23 Abi eni ekholi-okhue e ro ta iJesu ma oora apfida se, e wolo ide eyoli kemhi shi asha ene. Ogbogbo o rue asha eghuo o, e gbo rue awulu oyoli ni a do ni aa rote ashikhoghuo gbela toma.

24 Eni ekholi-okhue e gueye egbe we, “Awa khi nyan o li-a, awa ti ebe shi o, ni awa me oni o ya mu, ni o rue o.” Eri a me onana ni emini a keke shi Ebe-no-pfuase o bhale ya tse, ni o, “E kemhi ide eyemhe, e gbo ti ebe shi awulu oyemhe.”

25 Inyo iJesu, ali inyoghuo inyoli nokpotso, ali iMeli ughue iKilopasi, ali iMeli onge iMagidaleni e migha mama oni oora apfida ni a ta iJesu ma.

26 IJesu o me inyoli ali omo odukhokho oyoli ni o nono ingme oyoli, khi o migha epfe agho, iJesu o, “Inyo! Omi-e gh o.”

27 O gueye oni omo odukhokho, o li, “Inye gh o.” Ro te agho vu oni omo odukhokho o te rue oni inyo iJesu je apfe ni o te nu o la.

Eghuli ni iJesu o ghu

(iMat 27.45-56; iMak 15.33-41; iLuk 23.44-49)

28 Ijesu o lẹṣe khi emhikpa e she zẹ ukhomhi, ọọ, “Okiamẹ ọa gbe mhẹ.” Onana o ri emini a kẹkẹ shi Ebe-no-pfuase bhale ya tṣẹ.*

29 Ubene ni o vọ onyo ni o kṣe-a o la epfe agho, e sọ isoso† elemhi oni onyo e rọ oni isoso kphase ukpokpo oyi ọọra ni a lu isopu ni o nuẹ, e nise ọli je ijesu unu.

30 Abi ijesu o rọ to unu oni onyo, o, “O she pfo.”

O dọ ukhomhi gbe, o ghua.

31 Ekṣemhuẹ eyi ẹgbọ iju e vu ya mhila iPaleti o zẹ ni wẹwẹ e ya pfi emhi shi awẹ eyi emọse ni a ta ma ẹera apfida guoṣṣo-a. Ali ni wẹwẹ e taghiẹ wẹ te eni ẹera apfida tiemhile. Emini o zẹ ni e rọ ligho mhila khi, ẹlẹgho khi ogbeḷe ni ala mu egbe kṣe ogbeḷe iyemṣe oyi ẹgbọ iju. Eri ẹa nono ni e la ikhomhi ẹera apfida ramhi ogbeḷe iyemṣe, itobọ khi oni ogbeḷe iyemṣe agho, ogbeḷe ipfuase na ke o khi.

32 Eni ekṣoli-okhuẹ e vu ya pfi emhi shi ọgbọ oni odode ni a ta ma ọọra apfida mama ijesu awẹ guoṣṣo a. E gbo ligho ya guoṣṣo eyi oni o kpọle a.

33 Ama abi e rọ ramhi ayi ijesu, e bhale ya ẹ khi o she ghua, itobọ igho ẹa ke pfi emhi shi ijesu awẹ guoṣṣo a.

34 Oghuo eni ekṣoli-okhuẹ o sọ ijesu oḡbhoro epfe, utoghuokpe, ọlia ali amẹ e te ọli egbe ku lasele.

35 Ogbọ ni o ri ẹloe mẹ ona o pfi oṣṣe shi o, oṣṣe ni o pfi o khi iḡesikia itobọ khi o lẹṣe gboo khi iḡesikia ona o khi. Eri o pfi oṣṣe ona ni a khi eni e miesuọ.

36 Onana o ri emini a kẹkẹ shi Ebe-no-pfuase bhale ya tṣẹ, ni o guele khi, “Oḡbokṣoḡghuo ọa ya khi ugua shi ọli idieḡbe.”‡

37 Ebe-no-pfuase o gbo ngme ḡḡo shi asha olese khi, “E ya ke bino oni e ya to oḡbhoro ḡbese a.”§

Iroto oyi ijesu

(iMat 27.57-61; iMak 15.42-47; iLuk 23.50-56)

38 Abi a rọ mẹ ona se, iJosefu onḡe Arimatia, ni o khili oṣuoghuo eniyẹ odukṣokho ni e bẹna e deba ijesu itobọ khi o na ulishi oyi ekṣemhuẹ eyi ẹgbọ iju, o lẹ ya mhila iPaleti olimhi oyi ijesu. iPaleti o lama na li o rue olimhi oyi ijesu ya rọ to. Igho iJosefu o bhale ya rue ọli vu.

39 INikodemosi ni o ke ya mẹ ijesu ẹlẹ iyosẹ o kphase iJosefu. O tsua ikhumhi ni a rọ o to olimhi egbe ini o khi keḷe kẹa. Eni ikhumhi e bu ramhi akpulu ikoko oghuo. O gbo tsua ituale ni ẹ pfie mhue.*

40 Eni emọse aava e tsua olimhi oyi ijesu, e ri ide epfopfo ḡeṣo ọli. Abi e li i ḡeṣo oni olimhi, igho e pfi ituale shi ọli egbe, ni e ri ikhumhi na rọ o shi olimhi egbe ma o, abi ẹgbọ iju e liẹ mu olimhi egbe shi iroto, abi ushi oyewẹ o ngme.

41 Ukuku ogba o la ashini a ta ijesu ma ọọra apfida shi, uji ona ufueḡbḡe onogḡo ni aa ri ọgbọ to ḡhue o li la agho.

42 Itobọ khi ẹlẹgho o khi ogbeḷe ni a rọ mu egbe ẹ shi ekẹ kṣe ogbeḷe iyemṣe oyi ẹgbọ iju, ali khi oni uji na ufueḡbḡe o ti mama wẹ, e ri olimhi oyi ijesu yeshi agho.

20

Ijesu o rote eghuli guale

(iMat 28.1-8; iMak 16.1-8; iLuk 24.1-12)

* 19:28 Li zẹ Iwolo 69.21; 22.15 † 19:29 isoso ẹgbọ eghuo ẹ lu isoso ukodo. ‡ 19:36 Li zẹ Okiali 12.46; iNḡba 9.12; Iwolo 34.20 § 19:37 Li zẹ iZaka 12.10 * 19:39 Li zẹ iJoni 3.1-2

¹ Eļe uzogbe fiefie eļe ni ọọ deba ogbele iyemhe a oyi egbo iJu, obili o kie la ogbe. IMeli ọnge iMagidaleni ọ je uji ashini a ri iJesu yeshi, ọ bhale ya e khi a she gheghele eche unu oni uji-a.

² Igho ọ sọ awẹ unamhi na je ayi iSamọ iPita ali ọmọ odukhokho ogho ni iJesu ọ nono ingme oyoli, ọ gueye we, ọọ, “E tsua olimhi oyi Ọnọmhuẹ elemhi uji ufuegbhe a! Anye aa leşe obini e tsua li je.”

³ Igho iPita ali ọni ọmọ odukhokho ogho e vu ya je oni uji ufuegbhe.

⁴ Wewẹ aava ee na, ama ọni ọmọ odukhokho ogho ọ na doşe iPita, ọ kpe ramhi oni uji ufuegbhe khe iPita.

⁵ Ọ nyese egbe bino elemhi oni uji ufuegbhe, ama ọa lo elemhi ọ. Ọ me ide ni a kpe ro khuli idiegebe oyi iJesu.

⁶ Igho iSamọ iPita ni ọ kpukhokho ramhi agho ọ doşe ya lo elemhi oni uji ufuegbhe. Ọ me eni ide khi e la elemhi uji ufuegbhe.

⁷ Ode olimhi ni a ro ge iJesu ukhomhi o li la agho. Oni ode o khili shi ashaoda shi ide enekpole ọ. O kie khili shi agho abi a kie kpe li roli khili olimhi oyi iJesu, ọa taghiẹ a.

⁸ Igho ọni ọmọ odukhokho ogho ni ọ kpe ramhi oni uji, ọ li lo elemhi ọli, ọ ri eloe me, ọ miesuo.

⁹ Oni egehege ẹa kie leşe emini a keke shi ebe khi iJesu ọ ya te eghuli guale.

¹⁰ Igho eni eniye odukhokho e nyene egbe je apfe.

*Ijesu ọ ri egboi khasẹ iMeli ọnge iMagidaleni
(iMat 28.9-10; iMak 16.9-11)*

¹¹ IMeli ọ migha olase oni uji ufuegbhe ọọ vie. Abi ọ li kie le vie, ọ nyese egbe bino elemhi oni uji ufuegbhe.

¹² Ọ me khi igeni aava ni e sọ itsua epfopfo e shito elemhi oni uji ufuegbhe ni a ri olimhi oyi iJesu yeshi. Oghuo ọ shito obini iJesu ọ kpe ri ukhomhi shi, ọni ọ kpole ọ shito obini ọ kpe ri awẹ shi.

¹³ E mhila li, eẹ ọli, “Nọ kpotso, elo u vie e shi?” Ọọ we, “E she tsua Ọnọmhuẹ oyemhe vu, mhi aa leşe obini e roli shi.”

¹⁴ Igho ọ nyene egbe ọ me khi iJesu ọ migha agho, ama ọa leşe khi iJesu lo.

¹⁵ Ijesu ọ mhila li, ọọ li, “Nọ kpotso elo u vie e shi, oghuo wa nono?”

IMeli ọ dabi khi ọni ọ riele shi oni ogba ni o la agho lo, ọ, “Ọga ini yeye u tsua li vu kpekpe gueye mhe obini u roli shi ni mhi je agho ya tsua li.”

¹⁶ Ijesu ọ li, “Meli.” Ọ sọ alo ghue ọli, ọ tsesẹ leghe ri elemhi oyi egbo iJu yemhe ọli, ọọ, “Raboni!” Oseşe a ri ona ngme elemhi Iburu.

¹⁷ Ijesu ọ gueye ọli, “Khi mu mhe mhuẹ, itobọ khi mhi aa nyene egbe je oyi Ita ne. Ama ka gueye inyoghuo-mhe khi mhi ya nyene egbe je oyi Itamhe ni ọ li khi Ita we, ali Eshinegba oyemhe ni ọ li khi Eshinegba oyewe.”

¹⁸ Igho iMeli ọnge iMagidaleni ọ vu ya gueye eniye odukhokho khi loli me iJesu Ọnọmhuẹ. Ọ gueye we ingme ni Ọnọmhuẹ ọ gueye ọli.

*Ijesu ọ ri egboi khasẹ eniye odukhokho eyoli
(iMat 28.16-20; iMak 16.14-18; iLuk 24.36-49)*

¹⁹ Abi ogbomhi o ro mu eke elegho ni o khi ogbeakolo oyi ele iyemhe a oyi egbo iJu, ni o khi ele ni odode elemhi efo uka, eniye odukhokho eyoli e le gba elemhi owa, e sọnọ okpe ode itobọ khi ee na ulishi oyi egbo iJu eni ege mhesẹ. Udemhija, iJesu ọ bhale ya migha we iteva bia, ọọ, “Opfomhe o ka nu e la.”

²⁰ Abi ọ ro ngme ona se, ọ ri abo ali epfe khasẹ we. Oghelẹ o vo we elemhi shi abi e li me Ọnọmhuẹ.

21 Ijesu o gbo lię wẹ, “Opfomhẹ o ka nu ẹ la. Abi Ita o li ghie mhẹ mhi li lię ghie ẹ.”

22 Igho o yemhẹ ku wẹ, oo, “A mie Ayemhẹ-nọ-pfuasẹ,

23 Ogbọ ni a da gbe olamhẹ kua na, a she gbe kua na li, ama ini aa da gbe kua na wẹ ne, aa gbe kua na wẹ.”*

Ijesu o ri egbọli khase iTomosi

24 Otu ogghuo elemhi eni eniyẹ odukhokho ogbava ni a lu iTomosi ni a gbolo ẹẹ lu itsema, ọa nu wẹ la agho ni ijesu o ro bhale wẹ iteva.

25 Eniyẹ odukhokho eni e kpole e gueye ọli, ẹ o li, “Anye mẹ Onomhūe!”

ITomosi oo, “Ini mhi aa li mẹ emeli ni o la ashini a te ta itse shi ọli abo ni mhi ri umiesobo oyemhẹ ti ọli, ni mhi aa ro ri obo shio oni o la li epfe, mhi aa ya miesuo khi o she guale.”

26 Abi o ro gbe utui, eniyẹ odukhokho eyoli e gbo lona elemhi owa, iTomosi o nu wẹ la agho, e so okpe ode. Udemhija Ijesu o gbo bhale ya migha wẹ iteva bia, oo wẹ, “Opfomhẹ o ka nu ẹ la.”

27 O gueye iTomosi, oo li, “Ri umiesobo ti ana, bino mhe abo, gbo nise obo ti mhe epfe. Khi ke mhọli akhokhomhẹ, miesuo!”

28 ITomosi o li, “Onomhūe oyemhẹ, ali Eshingba oye mhe!”

29 Ijesu oo li, “Itobo khi u mẹ mhe u ro miesuo? Ikhivose o khi na eni ẹa mẹ mhe ne ni e miesuo.”

Emini o ze ni a ro keke ebe ona

30 Ijesu o la ukpelo e oyi eniyẹ odukhokho eyoli gbe ikanya onyaloa ni e bububu elese ni ogbo ọa keke shi ebe ona.

31 Ama eri a keke ena shi ebe ini a miesuo khi ijesu khi iKirisiti, ikhi Omiepfuase Omi Eshingba, ali, ini a mhọli irudunga, a ya mhọli agbo itobo eva oyoli.

21

Ijesu o ri egbọli khase eniyẹ odukhokho eyoli etuoshilua

1 Abi a ro mẹ ingme ena se, ijesu o gbo ri egbe ọli khase eniyẹ odukhokho eyoli, epfe okẹ oniemi ni a lu iGalili. Ina a li mẹ ọli.

2 ISamo iPita, ali iTomosi na lu itsema, ali iNatanieli onge iKena na eke iGalili, ghe IJoni ali iJemhisi imi iZebedi, ali eniyẹ odukhokho eyi ijesu aava elese e ga legba asheghuo nya.

3 ISamo iPita oo, “Mhia vu ya mu ifele.”*

Eẹ ọli, “Anye ya deba ẹ ye.” Igho e lo elemhi oko-okẹ oniemi oni ikeke. Ama eliyose elegho nya, ẹa mu emhikhoghuo.

4 Eļe uzogbe fiefe, ijesu o migha egele oyi okẹ oniemi, ama wewẹ ẹa leşẹ khi ijesu o nu wẹ ngme.

5 Ijesu o mhila wẹ, oo, “Emole mhe, aa kie mẹ afele okhoghuo mu?”

Eẹ ọli, “Anye ẹa mẹ emhikhoghuo mu.”

6 Oo wẹ, “Pfi aga oye je epfe obita oyi oko-okẹ oniemi khi a ya mẹ ifele mu.” Igho e pfi aga je obini o ngme, ẹa ke dobe ti oni aga lo elemhi oni oko-okẹ oniemi itobo khi o she mu ifele ni e bu.†

7 Igho oni omọ odukhokho ni ijesu o nono ingme oyoli, o o iPita, “Onomhūe lo!” Abi iSamo iPita o suo khi Onomhūe lo ni o nu wẹ ngme lena, o nyanya ro itsua so (itobo khi eri o kpẹ taghię ide eghuo egbe-a), o ji pfilo elemhi ame.

* 20:23 Li ze iMat 16.19; 18.18 * 21:3 Li ze iLuk 5.5 † 21:6 Li ze iLuk 5.6

⁸ Eniye odukhokho eni e kpole e gua oni oko-okē oniēmhi bhale esọ okē, e e ti oni aga bhale epfe egele. Ekekhe ọa ke lolo nuẹ shi wẹ ọ, emhi nabi ete-awẹ egbhueshe o ke rọte agho khi.

⁹ Abi e rọ ramhi egele, e me ingamhi erali agho, a ri afele to ọ, ibuledi e li nga ọ.

¹⁰ Ijesu ọọ wẹ, “A rọte ifele ni a mu lena rue bhale.”

¹¹ IPita ọ nga egele le, ọ ya tialo oni aga ni o vọ ifele enieniēmhi ngale egele, eni ifele e kugbe khi egbhueshilua ali igbesẹ. Abi eni ifele e riẹ ligho bu, oni aga ọa nyanọ a.

¹² Ijesu ọọ wẹ, “A bhale ya le emhi.” Ogbokhoghuo eni eniye odukhokho ọa mhila li, “Oghuo u khi?” Itobo khi e lese khi Onomhue lo.

¹³ Igho ijesu ọ ya rue oni ibuledi kemhi na wẹ, ọ gbo kemhi oni afele na wẹ.

¹⁴ Onana o khi utonuzi-esẹ ni ijesu ọ ri egbo li yaa khasẹ eniye odukhokho eyoli abi ọ te rọte eghuli guale.

Ijesu ọ nu iPita ngme

¹⁵ Abi e rọ le se, ijesu ọọ iSamọ iPita, “Samọ omi iJoni! U fe nono ingme oyemhe dosẹ emhi enana nya?”

IPita ọ sọ li ọ, ọ li, “Onomhue, u lese khi mhi nono ingme oye.”

Ijesu ọọ, “Ri eminale na imi isumha eyemhe le.”

¹⁶ Utonuzeva, ijesu ọọ li, “Samọ omi iJoni, u fe nono ingme oyemhe?”

IPita ọọ li, “Guẹguẹguẹ Onomhue, U lese khi mhi nono ingme oye.”

Ijesu ọọ, “Ri eminale na isumha eyemhe le.”

¹⁷ Utonuzese ijesu ọọ li, “Samọ omi iJoni, u fe nono ingme oyemhe?”

Oni ingme o to iPita egbe, itobo khi ijesu ọ mhila li itese, “U fe nono ingme oyemhe?” Igho iPita ọ sọ li ọ, ọ, “Onomhue, u lese emhikpa, u lese khi mhi nono ingme oye.”

Ijesu ọọ li, “Rọ ẹloe khu isumha eyemhe.”

¹⁸ Ijesu ọọ, “Igesikia mhi gue ye khi, abi u rọ khi ozele, eri u ri itsua sọ u fiẹ je obini o ghole ẹ, ama ini u womhe, ogbese ọ ke ya ri itsua ke sọ ẹ, ọ mu ẹ obo je obini ọa ghole ẹ ni u je.”

¹⁹ Eri ijesu ọ ngme ona ni ọ rokhase abi iPita ọ li ya ghua ni o ya rọ ufumhi ghi Eshinegba. Igho ọọ iPita, “Ke deba mhe.”

²⁰ IPita ọ nyene egbe, ọ me oni omọ odukhokho ni ijesu ọ nono ingme oyoli, oni ọ shito mama ijesu abi e rọ nu ijesu le eminale ni o kpukhokho khi ọọ deba wewe. Loli ọọ ke mhila ijesu ogbo ni ọọ, “Onomhue, oghuo ọ ya rẹ de?”

²¹ Abi iPita ọ rọ me ọli, ọ mhila ijesu, ọọ, “Se egbo na agbo e fe ya li oni omose ona?”

²² Ijesu sọ li ọ, ọ, “Ini mhia nono ni ọ la agbo ramhi ni mhi rọ ya gbo nyene egbe bhale agbo, onoghuo o khi oye shi ọ? Ke deba mhe.”

²³ Ona o ze ni e rọ bena ngme ọli iteva oyi eniye odukhokho eyi ijesu, khi oni omọ odukhokho ona ọa ya ghu ghue. Ama ijesu ọa liẹ khi ọa ya ghu ghue. Eri ọ lese liẹ, “Ini mhia nono ni ọ la agbo ramhi ni mhi rọ ya gbo mu egbe nyene bhale, onoghuo o khi oye shi ọ?”

Ungmemhi ni o kpukhokho

²⁴ Loli khi omọ odukhokho ni ọ pfi otsele shi eni ingmemhi ena, loli ọ gbo keke wẹ shi ebe. Awa gbo lese khi emini ọ ngme khi igesikia lo.

²⁵ Ikanya ebubu e laọ ni ijesu ọ gbe. Ini ẹẹ a keke wẹ nya ukpamhi oghuo-oghuo lo, mhi sa khi agbo ona nya ọa kha luese ebe ni a kha keke wẹ shi.

Ikanya Eyi Ighiusomhi eyi iKirisiti

A rue Ijesu nga idane

¹ Elemhi ebe oni ododę ni mhi kpę kęę ghi yęę iTiofilosi,* mhi kęę ikanya ni Ijesu ọọ gbe ali emini ọ sęę rọte igbaekele,

² ya ramhi ogbele ni a rọ rue ọli nga idane. Neni a rue ọli nga idane, ọ rọte Ayemhe-nọ-pfuase ri omhesę na ighiusomhi na kęę ni ọ zę.

³ Abi ọ rọ ghu-a se, ogbele egbhueva ọ la elemhi agbo ọ ri egboi kia khase ighiusomhi eyoli, ni ọ rokhasę gboo khi akhokhomhe ọa la ọ khi ọ la agbo. E me ọli, ọọ gue ungmehi oyi Eghiele oyi Eshinęba ye we.

⁴ Egehhuo khi e legba asheghuo, khi ọ nu we ę le eminale, ọ ri omhesę ona na we, ọọ we, "A khi rọte iJerusalemu vu, a migha khe isomhopfa ni mhi gueye ę, ikhi isomhopfa ni itamhe ọ shobo.†

⁵ Ame iJoni ọ rọ ọ batazi egbo, ama ọa ke ya tęę neni a ri Ayemhe-nọ-pfuase ya batazi ę."‡

A rue ijesu nga iloghie

(iMak 16.19-20; iLuk 24.50-53)

⁶ Abi ighiusomhi e rọ nu ijesu legba kugbe, e mhila li, ęę ọli, "Onomhue, u ya la egehęhe ona rue eghiele oyi egbo iZireni nyene gbo na we?"

⁷ Ọọ we: "Aa khi eni ę lęę oni egehęhe ali oni ogbele ni Ita ọ ri afu eyoli mhese.

⁸ Ama ini Ayemhe-nọ-pfuase ọ bhale ę idiegbe, a ya mholi ekpabo, a ya ke pfi ọtselę na mhe elemhi eke iJerusalemu, ali eke iJudia, ali iSameria ali elemhi eke agbo ona nya."§

⁹ Abi ọ rọ ngme eni ingmemhi enana se, a rue ọli nga idane abi e kie li gho feli ọli. Otughunu o khukhu ọli-a, o rue ọli odalo oyewe le.*

¹⁰ E bino idane chii abi ọ li vu, utoghuokpe emose aava ni e sọ ide epfopfo e migha we iteva.

¹¹ Eę we, "Egbo iGalili, elo ọ zę ni a rọ migha a feli idane chii? Oni ijesu ọna ni a rue odalo oyewe vu nga idane, abi a li rue ọli vu, igho ọ li ya gbo nyene egbe bhale."

A zę iMatayasi to eloli iJudasi

(iMat 27.3-10)

¹² Igho, eni ighiusomhi na kęę e rọte oni ukhomhi Ute Eera Olivu ni e migha vu je iJerusalemu, agho ọa lolo nuę shi iJerusalemu, okiali imali oghuo lo, ni Ishi eyi iMosisi o lama shi ogbo ke kia ogbele iyemhea.

¹³ Abi e rọ ramhi iJerusalemu, e nga ukhomhi atonga, e lo elemhi owa ni ee legba. Eni e la akagho khi iPita, iJoni, iJemhisi ali Aduru, iFilipu ali iTomosi, iBatolomiu ali iMatii, iJemhisi olese ni ọ khi omi Afeusi, iSamioni ni ọ la otu iZiloti ali iJudasi omi iJemhisi.†

¹⁴ Wewe nya e lona a kugbe egehęhe kpa a sọ iromhi. Ghe eni ikpotso ali, iMeli inyọ ijesu, ali inyoghuo ijesu.

* **1:1** Li zę iLuk 1.1-4 † **1:4** Li zę iLuk 24.49 ‡ **1:5** Li zę iMat 3.11; iMak 1.8; iLuk 3.16; iJon 1.33

§ **1:8** Li zę iMat 28.19; iMak 16.15; iLuk 24.47-48 * **1:9** Li zę iMak 16.19; iLuk 24.50-51 † **1:13** Li zę iMat 10.2-4; iMak 3.16-19; iLuk 6.14-16

¹⁵ Ogbele ni a ngme ena, iPita o vule migha iteva oyi igbaa oyi eni e mie iJesu iKirisiti suo. Egbò egbhuwesesa e la aghò (120)

¹⁶ Ighò oò, “Inyoghuo, a mema ya ri emini ebe-no-pfuase o ngme tse, ni Ayemhe-no-pfuase o rote unu oyi iDefidi ngme shi eke shi iJudasi egbe, loji oni iJudasi ni o ri ode khase egbo ni e mu iJesu.

¹⁷ Otuoghuo elemhi awa o khi ni o nu awa gbe akanya abi aghiusomhi.”

¹⁸ IJudasi o wolo ikpagho ni o mie shi ikanya okholo ni o gbe ya de eke. Agho o de tu ukhomhi eke ku ito-a shi.

¹⁹ Ogbokpa ni o la iJerusalemu o suo ona, e ri irarigho ri unu eoli oyewe lu akagho Akedama, ni o migha shi Eke Olia. †

²⁰ IPita oò, “Irari khi, a keke oli shi ebe Iwolo khi,
“A tsua owa oyoli pfia.

A khi me ogbokhoghuo
ni o gbo la oni owa,

“A gbo li keke oli:

“Ogboese o rue asha omhese oyoli.”[§]

²¹ “Itobò onana, o ti ni awa ze ogbo oghuo ni o to elolo iJudasi, oni ogbo o mema ya khi ogbo ni o nu awa la o rote eghenge ni iJesu o ro la iteva oyi awa,
²² rote eghenge ni iJoni o ro batazi egbo ya ramhi ogbele ni Eshinegba o ro rue iJesu lasela elemhi iteva oyi awa idane. Ogbo ni awa ya ze o mema ya nu awa gbe akanya aguele irote eghuli guale oyi iJesu.”

²³ Ighò e khokho emose aava. Omose oghuo ni a lu iJosefu ni a lu iBasabasi, ni a gbolo e lu iJositosi, ali omose olese ni a lu iMatayasi.

²⁴ Ighò e lema, e li, “Onomhue, u lese udu oyi ogbokpa, kpekpe rote elemhi egbo etuava ena ze

²⁵ oni o ya rue ikanya aghiusomhi na kee ni iJudasi o ze obò je obini o khili oyoli.”

²⁶ Ighò e bo shi o, obò o mu iMatayasi, Ighò e li ya rue oli ma ighiusomhi na kee ogbghuo ni iJesu o ze.

2

Ayemhe-no-pfuase o bhale ogbele iPetikositi

¹ Abi ogbele ukpe iPetikositi o ro ramhi, igbaa oyi eni e mie iJesu iKirisiti suo nya e lona kugbe asheghuo.*

² Utoghuo-kpe, okeke o rote idane tiemhile abi akpekpeli ni o toto, oni okeke o vo elemhi oni owa ni e shito.

³ Ighò e me emini e li abi elemhi erali khi e rote ashakhasha a tiemhile shi we o.

⁴ Ighò Ayemhe-no-pfuase o vo wewe nya egbe, ee ngme emue oyi eoli ododa abi oni Ayemhe o li khueghie we unu-a.

⁵ Egbo iJu ni e na ulishi Eshinegba ni e rote ushishi ododa na eke agbo jele, e la elemhi iJerusalemu.

⁶ Abi e ro suo oni okeke ona, ebubu egbo e kpeli bhale. O nya we alo-a abi e ro suo khi eni egbo ni e miesuo khi e ngme emue ododa eyi wewe.

⁷ Ighò abo e sha we egbegbo, e lie egbe. “Eni egbo ena, ni ee ngme emue eyawa ena, o a khi egbo iGalili e she khi?”

⁸ Se awa ke lie suo we khi ee ngme emue ododa eyawa?

† 1:19 Li ze iMat 27.3-8 § 1:20 Li ze Iwolo 69.25; 109.8 * 2:1 Li ze iLev 23.15-21; iDeut 16.9-11

⁹ Eoli ọdọda awa te lasese, eghuo e rọte iPatia bhale, eghuo ọ, iMedisi ali Elamu, eghuo ọ, iMesopotemia, eghuo, eke ijudia ali iKapadosha, eghuo, iPotusi ali Esha,

¹⁰ eghuo, iFiria ali iPafia, eghuo, ijipiti ali ukiękię eke iLibiya ni o ti mama eke iSairin, eghuo e rọte iRomu bhale,

¹¹ li shi egbọ iJu ali egbọ iJeta ni e mu pfi bhale irudunga oyi egbọ iJu. Eghuo elemhi awa e rọte iKireti ali Arebia bhale. Abi o rię khi igho, awa kie ga suo khi e ngme emue eyawa, eę guele ikanya eniemhi ni Eshinegba o gbe.”

¹² Eni ingme ni a me e sha ogbokpa abo, ęa lese udi we, e mhila egbe we. “Seę onana o ngme?”

¹³ Egbọ eghuo e rewe e li egia, e lię, “Onyo ọọ gbe we.”

IPita o nu eni ebubu egbọ ngme

¹⁴ Igho iPita o vule migha, lolu ali ogbaghuo ni e kpole, o khueghie unu-a leghe, o nu eni ebubu egbọ ngme, ọọ, “Apfemhe iJu, ali eę egbọ nya ni a la elemhi iJerusalemu, a ro esọ shi mhe eke ni mhi gue ingme ni a me ena ye e.

¹⁵ Oa khi onyo ọọ gbe eni egbọ ena abi a dabi. Irari khi ogbe ọa dala ne, agogo itili ele uzogbe awa la!

¹⁶ Iiye! Emini a me ena o khi emini omekeguele iJoel o guele eghęghę ni o dose ni o re:

¹⁷ “Eshinegba ọọ,

Ogbęle ni e kpukhokho,
mhi ya ri Ayemhe oyemhe
na egbokpa.

Imi e eni emose ali eni ikpotso
e ya ke gue usomhi ni mhi ghie we le.
Izeo eye e, e ya ke mekeguele,
egbhali eye e, e ya ke la elena.

¹⁸ Shi eni e ga ogbọ
eni emose ali eni ikpotso eyemhe,
Mhi ya ri Ayemhe oyemhe
na we ogbęle ni a ngme ena,
e ya gue emini mhi rokhasę we le.

¹⁹ Mhi ya ro onyaloa khase,
obini irarogbe,
ali khi mhi ya gbo ri
irokhasę khase eke agbo.
Mhi ya pfi okholi shi elemhi agbo,
ni egbọ e me oia
ali erali ali ewoli

²⁰ Oyo o ya bi obili a,
mhi ya ri uki yile-a rarara abi oia,
neni ogbęle ni o fune
oyi Onomhue o ya bhale
ni o ro ya gue ogbokpa ezọ.

²¹ Ogbokpa ni o da pfi lu
eva oyi Onomhue ne, a ya tsumhi oli.†

²² “Eę egbọ ni a la eke iZireni, a ro esọ shi ungmehi onana. Eę a lese khi ijesu ongi iNazaręti, o khi ogbọ ni Eshinegba o ri egbe khase, o gbo ghie oli, itobo khi Eshinegba o ri ekpabo na li o ke gbe ikanya onyaloa elemhi iteva o ye e.

† 2:21 Li ze iJoa 2.28-32

23 Abi o rọ tseku khia khi a leşẹ ona, a kie zẹ ni ẹgbọ ebe e mu ọli ghi ẹ ni a gbe ọli-a. Ama Ẹshinẹgba ọ she kpẹ gba onana ọ leşẹ ọli.†

24 Ama Ẹshinẹgba ọ rọte eghuli guise ọli le. Eghuli ọa doḅẹ ri ekpabọ oyọli mu ọli mama, abi ọkpotoso ni oku ọọ to ọa li doḅẹ a mu ọmọ ọ khi lasele. §

25 Itobọ khi oghie iDefidi ọọ ngme ingme oyi iKirisiti ni ọ rẹ, ʹ

ʹMhi mẹ khi Ọnọmhue
 ọ migha kpẹşẹ mḅẹ ẹghẹghẹ kpa,
 ọ la ukiẹkiẹ obita oyemḅẹ,
 udu ọa ya nighise mḅẹ.

26 Itobọ ona udu oyemḅẹ o rọ ọ gheḅẹ,
 mhi ri uruli oyemḅẹ ẹ kuẹghie-ẹ,
 mhi ri egbe deḅ.

27 Itobọ khi waa ya
 zẹ mḅẹ obọ shi elemhi uji,
 wẹkhi eri u ya zẹ ni
 Ọni ọ pfuase ọyẹ ọ ke-a.

28 U she kpẹ gueye mḅẹ
 khi mhi ya la agbọ ini
 u guise mḅẹ te eghuli le.*

U ya ri oghẹḅẹ oniẹmhi na mḅẹ odalo oyẹ.

29 ʹInyoghuo, mhi mema ya ri igbedu gueye ẹ khi oghie iDefidi ni ọ khi itita awa, ọ she kpẹ ghu-a ni ẹgbọ e rọ to, oni uji ni a rọ ọli to o kie la akaghọ ramhi ogbe na amo.

30 Awa leşẹ khi iDefidi ọ ngme aguele-shi-ekẹ shi iKirisiti egbe, irari khi ọ leşẹ khi Ẹshinẹgba ọ she kpẹ shobọ na luẹ ni ọ mema rọ ya tşẹ, khi ọli ya ri ogbo ọghuo unuẹkpẹ oyẹluẹ shitọ ukpẹkhomhi oghie oyẹluẹ. †

31 Eri Ẹshinẹgba ọ rọli khaşẹ iDefidi emini a ya mḅẹ ogbenakọ, ọli ọ rọ ngme ọli khi Ẹshinẹgba ọ ya rọte eghuli guise iKirisiti le. Ọọ khi Ẹshinẹgba ọa ya zẹ ọli ghua ni idiege oyọli o kea shi elemhi uji.

32 Ẹshinẹgba guise iJesu le bhale agbọ. Awa nya awa ri ukpẹloe oyawa pfi otşẹḅẹ shi ọ khi iJesu ọ she guale.

33 Ẹshinẹgba ọ she ri ekpẹ oniẹmhi na iJesu, ọ shitọ ukiẹkiẹ obita oyi Ẹshinẹgba. iJesu ọ she rọte obọ oyi ita mie Ayemḅẹ-nọ-pfuase, abi Ẹshinẹgba o kie kpẹ li shobọ na li. Ọni iJesu ọ she rue oni Ayemḅẹ-nọ-pfuase tutu vọ anye egbe, ọli o khi emini a mḅẹ, ni a gbolo a suọ memena.

34 Ama leşẹ khi iDefidi ọa nga iloghie. Itobọ igḅọ, àà khi ingme egbọli iDefidi ọọ ngme abi ọ rọ liẹ,

ʹỌnọmhue ọ gueye Ọnọmhue oyemḅẹ:
 Shitọ ukiẹkiẹ obita oyemḅẹ,

35 ramhi ni mhi rọ ya ri ebe ẹ
 mele akphawẹ-nga oyẹ-a†

36 ʹItobọ ona, mhia nono ni ẹẹ ẹgbọ iZireni nya a lolo leşẹ onana khi, Ẹshinẹgba ọ zẹ ọni iJesu ọnana ni a gbe-a shi apfida ọ khi Ọnọmhue ali iKirisiti.”

37 Abi eni ẹgbọ e rọ suọ eni ingmemhi ena se, oo nase wẹ udu. Igḅọ ẹ li mhila iPita ali ighiusomhi na keşẹ eni e kpọle, ẹw ẹw, ʹInyoghuo, Şẹ anye li ya kia ni Ẹshinẹgba ọ rọ ọ gbe olamḅẹ kua na anye?ʹ

‡ 2:23 Li zẹ iMat 27.35; iMak 15.24; iLuk 23.33; iJón 19.18 § 2:24 Li zẹ iMat 28.5-6; iMak 16.6; iLuk 24.5 * 2:28 Li zẹ Iwolo 16.8-11 † 2:30 Li zẹ Iwolo 132.11; 2 iSam 7.12-13 ‡ 2:35 Li zẹ Iwolo 110.1

³⁸ IPita oḡ, “Ee nya a mupfi ni anye ri eva oyi iJesu iKirisiti batazi e, ishegho ni Eshinegba o gbe olamhe kua na e, itobo khi eni e mie iJesu suo a ke khi, ni a mie isomhopfa Ayemhe-nḡ-pfuase.

³⁹ Emini Eshinegba o shobo ena, oye e lo ali oyi imi e, ali oyi ogbokpa ni Eshinegba o ya ze obiobini e la.”

⁴⁰ IPita o ngme ingmemhi ni e bu, o tse agua ye we, oḡ we, “A na pfue anasemhe ni eḡbo ikpamhika ena e ya meḡ.”

⁴¹ Igho a li batazi eni e mie oni ungmehi suo. Eḡbo agbele ese e khi ni e kuma igbaa oyi eni e mie iJesu iKirisiti suo o elegeho.

Ilakugbe oyi ighiusomhi eyi iKirisiti

⁴² Eni eḡbo e ri emini ighiusomhi na kee e sese we gbe akanya, e ga kugbe, e le eminale kugbe (e le eminale no pfuase kugbe), e so iromhi kugbe.

⁴³ Ogbokpa o mu ekpe ni o fune e na Eshinegba irari oḡlele onyaloa ali oshabo ebubu ni eni ighiusomhi na kee e gbe.

⁴⁴ Eni e mie iJesu suo nya e kudugbe, e kemhi emini e mholi nya na egbe. §

⁴⁵ Eni e mholi eke e ri eke eyewe de, elese eni e mholi itsua, e re we de, e wolo ikpagho kugbe kemhi ni eni ea mholi.

⁴⁶ Ogbelē kpa e ro o legba elemhi apfe ni i la Owa Oyi Eshinegba. E ri oghelē ali udu ni o pfuase nu egbe la apfe egbe e le eminale. E le eminale no pfuase.

⁴⁷ Ee kueghie Eshinegba, igho eḡbo e li somhi elemhi we. Ogbelē kpa Eshinegba o ro ri eḡbo ni a mie e pfuese ma we o.

3

A ri ochegehele-awe-a ni oḡ lema ze

¹ Ogbelēghuo khi iPita ali iḡoni ee je Owa Oyi Eshinegba egehege agogo ese oḡuota ni a la so iromhi.

² A tsua omose ni o rote abi a te bia li guogho-a bhale ya shi ode unuekpe ni a lu Isomhotse oyi Owa Oyi Eshinegba. Akagho a tsua li bhale ya shito ni o te me asha mhila eḡbo ni e lo oni Owa Oyi Eshinegba le ikpagho.

³ Abi o ro me iPita ali iḡoni khi e lo oni Owa Oyi Eshinegba, o mhila we ikpagho.

⁴ Igho iPita o bino oli alo tatata, igho li khi iḡoni. IPita oḡ li, “Bino anye!”

⁵ Igho o li bino we, o ri udu sa khi loli ya me we emhi obo mie.

⁶ Ama iPita oḡ li, “Mhi aa mhue ukpagho ya ne, ama mhi ri emini mhi mholi ne. Irari eva oyi iJesu iKirisiti onge iNazarēti, vule ni u ke kia!”

⁷ Igho iPita o mu oli obo-ita vule. Udemhija, awe ali ili awe eyoli e na ya to.

⁸ Igho o ti vule migha, oḡ kia gasē. O nu we lo elemhi oni Owa Oyi Eshinegba, o kia, o jino, o kueghie Eshinegba.

⁹ Abi eḡbo ni e la akagho nya e ro me oli khi o kia gasē, khi o kueghie Eshinegba,

¹⁰ e lese oni o khi, khi loli o kpe e shito ode unuekpe ni a lu Isomhotse e lema, oni ingme o sha ogbokpa abo, ea lese abi o li kia.

IPita o nu eni e migha a fe ngme

¹¹ Abi oni omose o li mu iPita ali iḡoni mhue egho, oshabo o sha eni ebubu eḡbo, e kpikpi fie deba we ya lo arakpha ni a lu Arakpha oyi iSolomoni ni o la oni Owa Oyi Eshinegba.

12 Abi iPita o rọ mę abi eni egbo ee li, ọọ wẹ. “Eę egbo iZireni, elọ o zẹ ni onana o rọ lighọ ri abọ sha ẹ ni a rọ lina a bino anye abine khi ekpabọ ali ipfuase eyi anye, anye rọ rọli ze?”

13 Eshinegba oyi Aburaamu, ali Aziki ali iGiekopu, ni ọ khi Eshinegba oyi itita awa, ọ she ri ufumhi oyọli na iJesu, Oni ọọ ga li. Ama eri a rue ọli na ena omhese, a kie ọli odalo oyi iPaleti abi ọ tseku mhọli ọli shi udu khi lọli ya rue ọli obọ-a.*

14 A kie iJesu oni ọ pfuase ali oni ọ guę ę ngeli, a ri ochoghọ lię iPaleti ọ rue ogbo ni ọ gbe ugbeli abọ-a na ẹ.†

15 Ama a gbe ogbo ni ọ ri ogbo a je agbo-a. Ama Eshinegba ọ gbo guise ọli le abi ọ rọ ghua. Anye aava anye mę ọli abi ọ rọ guale, anye rọ pfi ọtsele shi ọ.

16 Itobọ ekpabọ ni e la eva oyi iJesu anye rọ dobe ri omose ona ni a lese ni a fele ena ze, oni irudunga oyi oni omose lọli o zẹ khi ọ ga ze pfo nya ni a ga mę memena.

17 “Inyoghwo-mhe, mhi lese khi emini eę ali eni e ralo na ẹ a riele iJesu, khi elemhi umhalese a te riele wẹ.

18 Ina Eshinegba ọ li ri ungmemhi oyọli ya tse, oni ọ rọte eke rọte unu oyi emekeguele ngme khi iKirisiti ọ ya mę osoli.

19 A zono khasę Eshinegba khi a pfido, ni a mu pfi deba Eshinegba, ni ọ shishi olamhe eye ẹ a, Ini a ligho, eghęghę iyemhea o ya rọte obọ oyi Onomhue bhale deba ẹ.

20 Ini ọọ ghie oni ọ shobọ bhale agbo ghi awa kpa, ikhi iJesu, oni Omiepfuese.

21 IJesu ọ mema ya kie la obini iloghie ramhi eghęghę ni Eshinegba ọ rọ ya mu emhikpa pfi gbo mele enegbo-a, abi Eshinegba ọ li rọte unu oyi emekeguele eni e pfuase eyọli shobọ na awa eghęghę ni o dose.

22 IMosisi ọ ngme ọli, ọọ, ‘Onomhue Eshinegba oyeę ọ ya rọte iteva oyeę mu Omekeguele nabi mhemhe vule na ẹ. A ya mema ri esọ shi ingmemhi ni ọ ya gueye ẹ.‡

23 Oni ọa da ri esọ shi ọli ọ, Eshinegba ọ ya khi ọli egbo eyọli ku-a.§

24 “Egbegbo lọ khi emekeguele nya rọte iSamue ya je odalo, e kpe ngme emini a ya mę eghęghę oyawa shi eke.

25 Emini eni emekeguele enana e ngme, eę o gọ lu, a li mhọli okemhi shi ishobọ ni Eshinegba ọ shi na itita ẹ, ni ọ la lię Aburaamu, ‘Mhi ya rọte obọ oyi imimi ẹ khi vose na egbo na agbo nya.*

26 Abi Eshinegba ọ rọ mu Oni ọọ ga oyọli vule, Ọ te odode ghie ọli ghi ẹ ni ọ khi vose na ẹ abi ọ rọ mu ẹ nyenę lase ingmobe eye ẹ le.”

4

IPita ali iJoni e migha odalo oyi Enighie shi ęzo

1 Abi iPita ali iJoni e kie nu eni egbo ọ ngme, eni eę khekhe oni Owa Oyi Eshinegba ali egbo iSadusisi eghuo e bhale deba iPita ali iJoni.

2 Elemhi e bi wẹ itobọ khi eni ighiusomhi na keę eyi iJesu ee sese eni egbo khi iJesu ọ rọte eghuli guale. Eri onana guele khi egbo eni e ghu-a khi e gbo ya rọte eva oyi iJesu guale.

3 Igho eni egbo e li mu iPita ali iJoni, irari obili o she bi elegho, e mu wẹ shi owa ighumha ramhi ogbeakọlo.

* 3:13 Li zę Okiali 3.15 † 3:14 Li zę iMat 27.15-23; iMak 15.6-14; iLuk 23.13-23; iJon 19.12-15 ‡ 3:22 Li zę iDeut 18.15, 18 § 3:23 Li zę iDeut 18.19 * 3:25 Li zę Igbae 22.18

4 Ama ebubu ẹgbọ ni e suọ ingme ni iPita ọ ngme e mie iJesu suọ. Emọse ni e ke miesuọ e ya khi ẹgbọ agbele ishe.

5 Ogbeakofo, eni ẹẹ mhẹse eyi iJu ali eni egbhali ali esese Ishi eyi iMosisi eyi ẹgbọ iJu e legba iJerusalemu.

6 E ya me Oga oyi ekpodalo ugamhi ni a lu Anasi ali iKefasi, ali iJoni ali Alézada ali ena omhue-apfe oyi Oga oyi eni ẹẹ ralo ugamhi.

7 Igho e mu iPita ali iJoni bhale iteva oyewe migha. E mhila we, “Ekpabo nabise ali eva oyoghuo a ro gbe akanya ona?”

8 Igho iPita ni Ayemhe-no-pfuase o vo egbe o we: “Eẹ enighie eyi ẹgbọ ali egbhali,

9 A mhila anye amo akanya onete ni a gbe na oni o guoghọ-a ona, ali abi a li ro oli toto.

10 Emhi oghuo o la o ni anye ya gueye e ali ẹgbọ iZireni nya. Itobo eva oyi iJesu iKirisiti onge iNazareti, omose ona o ro migha iteva oyee ni o ro toto ngmala ena. Loli o khi oni iJesu ni a ta ma apfida, ni Eshinẹgba o rote eghuli guise le.

11 IJesu khi ogbọ ni Ebe-no-pfuase o ngme ni oọ,*
 “Eche ni itsona e kie pfia,
 o tigbe mele oni echeli ebe
 ni o mu eloe ne nya-a.”

12 Imiepfuese o la obo oyi ogbolese, irari khi eva olese o la ni Eshinẹgba o ro na ogbokhoghuo elemhi agbo onana ni awa ya te mholi imiepfuese.”

13 Abi eni ẹẹ mhese na ẹgbọ iJu e ro me igbedu ni iPita ali iJoni e mholi, ni e ro ya lese khi ẹgbọ tse ni ea ye owa ebe e khi, abo e sha we, e me-we-me khi e kpe nu iJesu u kia.

14 Ama, abi e ro me omose ni a ro ze khi o nu we migha agho, ea ke mhue abi e ya ngme.

15 E gueye we e vu wewe iteva lase ne, igho e li nu egbewe ye ochi.

16 Eẹ, “Se awa ya li eni emose ena?” Egbokpa ni e la iJerusalemu e she lese ikanya onyaloa ni e gbe, o zẹ awa ya tia.

17 Ini ingme ona o khi gbeke-a, awa mema tse agua ye we e khi gbo gbudu ri eva oyi iJesu nu ogbokhoghuo ngme.

18 Igho e lu iPita ali iJoni nyene egbe bhale elemhi oni owa ugamhi, e gueye we e khi me emini o re we gbo gbudu ri eva oyi iJesu nu ogbokhoghuo ngme weki iroli sese.

19 Ama iPita ali iJoni ẹẹ we, “Eẹ a so o ghue, ini o ya ti Eshinẹgba eloe, ini ẹẹ o fe ti ni anye suọ esọ na, ocho ni anye kha ro suọ esọ na Eshinẹgba.

20 Irari khi aa tigbe ya me khi anye ea ya gueye ẹgbọ emini anye me ni anye suọ.”

21 Abi e ro nyamhise we alo se, e zewe obo vu. E me khi ea ze we ya nase itobo khi ẹgbọ ni e la agho nya ee kuẹghie Eshinẹgba shi itobo omose ni o kpe dobe e kia ni e ro ze.

22 Irari khi oni omose ni a ri akanya onyaloa ro ze o dose ikpe egbhueva.

Olema ni igbaa eni e mie iKirisiti suọ e lema shi igbedu

23 Abi a ro rue iPita ali iJoni abo-a, e le deba apfewe. E gueye we abi ighie eyi ekpodalo-ugamhi ali egbhali e ngme ewe.

24 Abi e ro suọ ona, e ku unu a nyogho lema Eshinẹgba, eẹ, “Onomhue, yeye u ma eke ali ukhuli ali oke oniemi ali emini e la elemhi we nya.†

* 4:11 Li ze Iwolo 118.22 † 4:24 Li ze Okiali 20.11; iNee 9.6; Iwolo 146.6

²⁵ Yeye u ri Ayemhe-no-pfuase rote unu oyi oghie iDefidi ita anye ni o khi oni oo ga oye lie,

“Elo o ze ni ishishi egbo

e ro o nyaghu

ni egbo e ro o domhi mhe shi afue?

²⁶ Ni ighie ni e la agbo

e ro mu egbe shi okholi,

egbo eni e mheshe e tiggili

ni e ro mu okholi vule

shi Eshinegba Onomhue o,

ali iKirisiti ni o she ze.”[‡]

²⁷ Esheshi gho Erudu ali iPotiusi iPaleti e ya nu egbo iJeta ali egbo iZireni lona kugbe elemhi oni eoli ona. E gba kugbe, e gbe iJesu oni oo ga oye-a, oni u ze. [§]

²⁸ E ri ele emini u ri ekpabo ali oghuemhe oye gba shi eke khi a ya me.

²⁹ Ama memena, Onomhue, bino abi e lie domhi, ni u ri ekpabo na anye eni e ga eye, ni anye gbe udu ke ngme ungmehi oye.

³⁰ Nise obo-a ri egbo ke ze, u gbolo e gbe olele onyaloa ali oshabo rote eva oyi iJesu Oni oo ga ni o pfuase oye.”

³¹ Abi e ro lema se, elemhi owa ni e la oo jighise, Ayemhe-no-pfuase o tiemhie shi we o, o ri igbedu na we e ngme ungmehi oyi Eshinegba.

Igbaa oyi eni e mie iJesu iKirisiti suo ee kemhi itsua na egbe

³² Igbaa oyi eni e mie iJesu iKirisiti suo e mholi udu ali usamhi oghuo. Ongewe qa ke lie khi eri loli mholi emhikhoghuo otsobo oyelu, ama eri e ku emhikpa gbe ke mholi.*

³³ Eni ighiusomhi na kee e ri ekpabo o pfi otsela je odalo shi ungmehi irote-eghuli guale oyi iJesu Onomhue. Egbo nya e mu ekpe e na we.

³⁴⁻³⁵ Aa me ongewe ni emhikhoghuo o to. Irari khi eghenge kpa, eni e mholi eke ali apfe e ro rewe e de, e rue eni ikpagho ni e re we de bhale ufuege oyi ighiusomhi na kee. E kemhi we na ogbogbo abi o li to oli.

³⁶ Igho iJosefu ni o khi unuekpe oyi iLiva, ni a bia shi eke iSapurosi. IBanabasi, eni ighiusomhi na kee ee lu oli. Emini a ri eva ona ngme khi Orudushi-egbo o.

³⁷ IBanabasi o ri eke ni o mholi de, o rue eni ikpagho ni o roli de bhale ya shi ufuege oyi ighiusomhi na kee.

5

Ananayasi ali iSafira

¹ Omose oghuo o la o ni a lu Ananayasi ali ughue oli iSafira, e ku abo gbe ri eke oyewe de.

² O te eni ikpagho ni o ri oni eke de rue sheli na egboli, ughue o lama shi oli o. O tsua ikhukhui eni ikpagho ghi ighiusomhi na kee.

³ Igho iPita oo, “Ananayasi, elo o ze ni u ro ze ni okphaghi e o lo e udu, ni u ro lo egbholi khase Ayemhe-no-pfuase, ni u ro rote eni ikpagho ni u ri oni eke de rue shi na egbe e?”

⁴ Oa khi oye oni eke o khi neni u roli de? Abi u ro roli de se, eni ikpagho ea kie khili eye? Elo o ree sa usamhi onana? Oa khi ogbo u lo egbholi khase ama Eshinegba!”

[‡] 4:26 Li ze Iwolo 2.1-2 [§] 4:27 Li ze iMat 27.1-2; iMak 15.1; iLuk 23.1,7-11; iJon 18.28-29 * 4:32 Li ze Ika 2.44-45

⁵ Abi Ananayasi o ro suo ungmehi ona se, o de eke, o ghua. Ulishi oniemhi o ku rughu egbo kpa ni e suo emini a me.

⁶ Igho izo e rote iteva oyewe fi lasele ya ri ide khuli olimhi oyoli, e tsua li fi je olase ya ro to.

⁷ Iwakati ese e lese na dose te, ughue oli o lole, o lase emini a me.

⁸ IPita o mhila li, oo, "Gueye mhe ghue, ingme ni yeye ali Ananayasi odo e ri oni eke de na?"

Oo li, "Ii." "Igho anye ri oni eke de."

⁹ IPita oo, "Se ee ava-ava a li yemhe shi oghuo ni a mheshe Ayemhe-no-pfuase bino? Emose ni e tsua odo ya to lena e la ode kia bhale. Wewe e gbo li tsue ya to!"

¹⁰ Utoghuoke o de eke, o ghua. Eni emose e bhale, e ya e khi o she ghua, igho e tsua li ya to mama odoli.

¹¹ Ulishi oniemhi o mu igbaa oyi eni e mie iJesu iKirisiti suo nya ni e suo emini a me.

Eni Ighiusomhi na ke e ri eni ee ghua ebubu ze

¹² Eni ighiusomhi na ke e gbe ebubu olele onyaloa ali oshabo odo iteva oyi eni egbo. Igbaa oyi eni e mie iJesu iKirisiti suo e lona Arakpha oyi iSolomoni na elemhi Owa Oyi Eshinegba elemhi ikudugbe.

¹³ Ogbokhoghuo o gbudu kugbe we o aboriekhia khi egbo nya e ri ekpe na we.

¹⁴ Abi o rie khi igho, eri ebubu emose ali ikpotso elese e mie Onomhue suo, a ku we ma igbaa oyi eni e mie iJesu iKirisiti suo.

¹⁵ Irari ikanya onyaloa ni ighiusomhi na ke e gbe, egbo e tsua egbo ni ea ze bhale ode ifu apfe rewe yeshi ukpho ali iya, ini akphakpha oyi iPita oo nga we egbe ini oo dose.

¹⁶ Olele egbo e rote eoli ni e la gashe iJerusalemu bhale. E tsua egbo ni ea ze ali eni e mholi ayemhe okphaghie bhale, igho a ri wewe nya ze.

A mu okhli vule shi Ighiusomhi na ke o

¹⁷ Oga oyi ekpodalo ugamhi ali apfoli ni e ga ro la otu oghuo ni a lu otu iSadusisi, e kpe ofuma a deba ighiusomhi na ke.

¹⁸ E muno eni ighiusomhi na ke ku lo owa ighumha.

¹⁹ Ama eliyose, ageni o khueghie ode oyi oni owa ighumha-a na we, o rue we ya lase.

²⁰ Oo we, "A ke vu, a je elemhi ogba na Owa Oyi Eshinegba ya migha ni a gueye egbo usomhi onete oyi agbo onogbo ona."

²¹ Abi ogbe o ro gbe-a, eni ighiusomhi na ke e dose lo Owa oyi Eshinegba, ee sese. Abi Oga oyi ekpodalo ugamhi ali apfoli ni e ro ga la otu oghuo e ro bhale, e lu ilegba oyi eni egbhali eyi egbo iZireni (ni a lu iSaediri), igho e lu eni e ri eloe e khu owa ighumha e ka wolode eni ighiusomhi na ke igha ghi ewe.

²² Ama abi e ro ramhi agho, e bhale ya e khi eni ighiusomhi na ke ea la oni owa ighumha, igho e nyene egbe je ya gueye eni e ghie we.

²³ E li, "Anye bhale ya e khi a so okpe owa ighumha gba-i! Khi ekhekhe e migha unu ode. Ama abi anye ro khueghie eni ode-a lo elemhi agho, anye ea me ogbokhoghuo elemhi agho."

²⁴ Abi e ro suo ona, abo e sha ogbie oyi eni e khe ekhe Owa Oyi Eshinegba, ali ighie eyi ekpodalo-ugamhi, itobo khi ea dobe lese udi emini a me ena idiegbe oyi ighiusomhi na ke. Oni ingme o za ze we sa.

²⁵ Igho ọmọse ọghuo ọ bhale wẹ iteva, ọọ wẹ, “A bino! Egbọ ni a mu shi owa ighumha e la Owa Oyi Eshinẹgba a sẹsẹ egbo!”

²⁶ Igho eni e khẹ ekhẹ e vu ya mu eni ighiusomhi na keẹ. E a ri itoto riẹlẹ ọlì itobọ khi ulishi eni egbo o mu wẹ ini e ya tonu wẹ eche.

²⁷ E muno eni ighiusomhi na keẹ bhale ya migha agbala, ọni oghie oyi ekpodalo-ugamhi eyi Eshinẹgba ọ mhila wẹ ogbo.

²⁸ “Anye tse agua gueyẹ e aa khi ke ri eva ona sẹsẹ egbo. Ama a kiele e sẹsẹ egbo, osẹsẹ oyẹẹ o gbhiaku ekẹ iJerusalemu nya. A yẹsẹ ni egbo e ya ke dabi khi anye gbe iJesu-a!”*

²⁹ IPita ali ighiusomhi na keẹ eni e kpọle e wẹ, “Anye mema ya ri oyi Eshinẹgba gbe dọsẹ oyi egbo.”

³⁰ Eshinẹgba oyi itawa ọ rọte eghuli guise iJesu le, ọni a soli-a shi ọra gbe-a.

³¹ Eshinẹgba ọ she yase ọlì nga obita ni o pfluase oyọlì abi Omi Oghie ali Omiepfuese, ni ọọ ri eghẹghẹ na iZireni gbo mhọlì imupfi ali igbekua shi olamhẹ.

³² Anye khi ọtsẹlẹ shi eni ingme ena nya, igho li khi Ayemhẹ-ọ-ọ-pfluase, ni ọ khi isomhopfa ni Eshinẹgba ọ rọna eni e suọ esọ na li.

³³ Abi e rọ suọ ona, e pfaa, e nono abi e li ya gbolo wẹ-a.

³⁴ Ama iGamaliẹ ni ọ khi otu iFarisi ni ọọ sẹsẹ Ishi eyi iMosisi, ni ọ khi ọni egbo e ri ekpẹ e na, ọ vule migha elemhi oni igbaa oyi eni egbhali, ọ a wọlọ wẹ fiẹ ne ukuku eghẹghẹ.

³⁵ Igho ọọ wẹ, “Eẹ emọse iZireni a kuegbe-a sa emini a nono khi a ya riẹlẹ eni emọse ena.

³⁶ Eghẹghẹ ni o dọsẹ, ọmọse ọghuo ni a lu iTeudasi ọ lasele, ọọ lu egbo li emhi, egbo egbhueshe asha ene e kpikpi deba li. Abi a rọ gbe ọlì-a, egbo eyọlì e gbhiaku-a, oni okialì oyọlì o mele afuẹ-a.

³⁷ IJudasi ọngi iGalili ọ gbo lasele eghẹghẹ ni a rọ leli egbo, lọlì ali egbo eyọlì e pfi onyaghu. Abi a rọ gbe ọlì a egbo eyọlì e gbhiaku-a.

³⁸ Irarigho, mhi ye e ude shi idiegbe oyi egbo ena, a zẹ wẹ obọ! Zẹ wẹ obọ ni e vu! Ini emini e rọ bhale khi obọ oyi ogbo o te bhale, e ya de.

³⁹ Ama ini o khi obọ oyi Eshinẹgba o te bhale, aa ya tigbe doḅẹ mu wẹ gba, ama khi Eshinẹgba a nu e khọlì.”

⁴⁰ Oni ungmehi ni ọ ngme o lo wẹ udu. E lu eni ighiusomhi na keẹ lasele, e gbe wẹ itali, e gueyẹ wẹ e khi ke ngme ingme oyi iJesu, e zẹ wẹ obọ vu.

⁴¹ Eni ighiusomhi na keẹ e rọte eghẹghẹ vu, ee ghele khi wẹwẹ e li te ọ na ri omama a mu shi eva oyi iJesu.

⁴² E a tigbe yemhẹ-a, ogbele kpa e rọ ọ sẹsẹ, ni e gbo rọ ọ tse abọ usomhi onete khi iJesu ọ khi Omiepfuese, elemhi ogba na Owa oyi Eshinẹgba ali rọte owa ya je owa.

6

Emọse oshilua ni a zẹ

¹ Eghẹghẹ ni a ngme ena khi igbaa oyi eni e mie iJesu iKirisiti suọ khi ee ke bu shi ọ, egbo iJu eni ee ngme elemhi iGiriki elemhi wẹ, ee wọlọ khi egbo iJu eni eẹ ngme elemhi lburu, e ri ukpẹlọe e gbe esamhi-olimhi eyi wẹwẹ ini eẹ kemhi eminale ogbele kpa.

* 5:28 Li zẹ iMat 27:25

² Igho ighiusomhi ogbava e luno igbaa oyi eni e mie iJesu iKirisiti suo nya kugbe, eē wē, “Oa ti ni anye pfi akanya itsabo ungmehi oyi Eshinegba shi eke, ni anye so alo ghue eminale ikemhi.

³ A ze emose oshilua elemhi iteva oye e, ni a lese khi e mholi Ayemhe-no-pfuase ali ileasingme. Ni awa ri akanya ireloe-khu ingme eminale ali itsua ikemhi na we.

⁴ Ishegho, ni anye me asha ri eloe shi iromhi isoso ali itsabo usomhi onete.”

⁵ Oni akhokhomhe ona o ga ghole egbo kpa ni e le gba. E ze iSitivini ni o mholi irudunga ali Ayemhe-no-pfuase, ali iFilipu, ali iPirokorusi, ali iNikanon, ali iTimoni, ali iPamenasi, ali iNikolasi ni o khi ongi Atioki ni a mu pfi je irudunga oyi egbo iju.

⁶ E ri egbo ena khase eni ighiusomhi na kee, eni ighiusomhi na kee e ri abo nga we ukhomhi lema na.

⁷ Igho ungmehi oyi Eshinegba oo ge shi o. Igbaa oyi eni e mie iJesu iKirisiti suo e bu shi o elemhi iJerusalemu. Ebubu ekpodalo-ugamhi eyi Eshinegba e lama shi oni irudunga.

A mu iSitivini

⁸ iSitivini, omose ni Eshinegba o khivose na, o mholi ekpabo oyi Eshinegba ro gbe ikanya onyaloa ali oshabo iteva oyi egbo.

⁹ Ama egbo eghuo ni e khi igbhogho na owa ugamhi oyi eni e kpe khi ighumha, e nu iSitivini i khako. Iju eni egbo ena e khi ni e rote eke iSairini, ali Alezadira bhale ali eni e rote eke iSilisha ali Esha bhale, ni e ke ngeli iJerusalemu.

¹⁰ Ama ea dobe nu ileasingme ali Ayemhe ni o ro o ngme khe abo.

¹¹ Igho e bena tanon shi egbo eghuo elemhi, e lie, “Anye suo abi iSitivini o ro pfi unu-a deba iMosisi ali Eshinegba.”

¹² Igho e ngmiase eni egbo ali eni egbhali ali eni e sese Ishi eyi iMosisi. E mu iSitivini bhale ilegba oyi eni e mhese ali eso-ezo eyi egbo iju ni a lu iSaediri.

¹³ E wolo egbo lasele ni e pfi otsese egbhali khi, “Omose ona oa tigbe yemhe-a ingme-ingmemhi ipfiunu-a ni o ngme e deba Owa Oyi Eshinegba no pfuase ali ushi.

¹⁴ Irari khi anye suo khi oo li khi iJesu onge iNazareti ona, o ya guogho Owa oyi Eshinegba oyi egbo iju-a, o ya gbo mu ighuighue ni iMosisi o ro shi eke na anye pfi.”

¹⁵ Egbo ni e la oni ilegba nya ee bino iSitivini, e me khi alo eyoli e ge nyanyanya abi alo eyi ageni.

7

Ungmehi ni iSitivini o ngme

¹ Igho Oga oyi ekpodalo ugamhi o mhila li, oo li, “Igesikia ingme ni a gue shi e egbe ena e khi?”

² iSitivini oo li, “Inyoghuo ali ita ni e le gba, a ri eso shi mhe eke! Eshinegba ni o mholi ufumhi, o ri egbe khase ita awa Aburaamu abi o ro kie la eke iMesopotemia, neni o tigbe je eoli Arani ya la.

³ Eshinegba oo li, ‘Lase eke ali iteva oyi egbo eye le, ke je eke ni mhi ya rokhasa e.’*

⁴ “Igho o rote oni eke iKadia vu ya la eoli Arani. Abi itali o ro ghu-a se, Eshinegba o ghie oli je eke ni a ngeli ogbe namo.†

* 7:3 Li ze Igbae 12.1 † 7:4 Li ze Igbae 11.31; 12.4

⁵ Ɔa ri ugu okhoghhuo akana na li, wekhi ukuku eke okhoghhuo o khi na li. Ama khi Eshinegba o she kpe shobo na li khi loli ali imimi oli, e ya le ugu oni eke, abi o ro tseku khia khi eghenge agho Aburaamu o bia omo okhoghhuo ne.‡

⁶ Ina Eshinegba o li nu oli ngme. Imimie e ya khi epfese shi eke ni o a khi oyewe, e ya khi ighumha, a nase we elemhi ikpe egbhuеше asha ene.

⁷ Eshinegba oo, ama mhi ya nase ushishi ni e ya muno we ighumha. Ini mhi nase we na we se, e ya rote ushishi ogho lasela bhale eke ona ya ngeli, e gbo la akana a ga mhe.‡*

⁸ Igho Eshinegba o nu Aburaamu shobo ishele-a ni o ya khi irokhashe khi ogbo o mhuwe obo shi oni ishobo. Igho Aburaamu o bia Aziki, o shele oli-a abi o ro gbe ogebe elele. Igho Aziki o gbo li khi ita iGiekopu, iGiekopu o gbo li khi ita emose ogbava ni e khi ititawa.†

⁹ "Itobo khi eni imi iGiekopu ee do iJosefu okonyo, e roli de abi oghumha ya je eke ijipiti. Ama Eshinegba o nu oli la.‡

¹⁰ O tsumhi oli obo ikphakphamhe nya. O ri ileingme na iJosefu, o gbo kpaghie oli obo ni ingme oyoli o ro ghole iFero ni o khi oghie oyi eke ijipiti. Igho oni oghie o roli leghie ukhomhi ijipiti ali agbala oyoli nya.‡

¹¹ "Igho okiamhi oniemhi o la eke ijipiti ali iKena a pfi ni o pfi osoli oniemhi na ititawa ni ea ke ro me eminale e le.*

¹² Abi iGiekopu o ro suo khi eminale e kpoku shi eke ijipiti, o ghie imioli ni e khi ititawa je oobo ya bino odode.

¹³ Utonuzeva ni e ke ye, oni iJosefu o gueye inyoghhuo oli oni loli khi, agho iFero o la lese egbo eyi iJosefu.†

¹⁴ Igho iJosefu o ghie ya rue itali iGiekopu ali egbo eyoli nya ni e kugbe khi oshe ea la egbhuene.‡

¹⁵ Igho iGiekopu o je eke ijipiti, ashini loli ali ititawa e ghu-a shi.‡

¹⁶ A tsua ilimhi eyewe nyene egbe je iShekemu ya ro to uji ni Aburaamu o ri ikpagho nu unuekpe oyi Amoni de.*

¹⁷ "Abi oni eghenge o ro ti ramhi ni Eshinegba o ro ya ri ishobo oyoli tse na Aburaamu, egbo eyawa ni e la ijipiti e lolo bu shi o.

¹⁸ Igho oghie olese ni o a lese emhikhoghhuo ingme oyi iJosefu o ke la ukpekhomhi shi eke ijipiti.†

¹⁹ Oo na egbo eyawa osoli obe, o jili ititawa, o ri itoto lie we, e pfino imiwe kua ni eni eniye e ba ghuloo.‡

²⁰ "Oni eghenge a ro bia iMosisi, ni o a khi omo na tse. A la owa oyi itali kuele oli iki ese.‡

²¹ Abi ee ke ro dobe roli sheli, e rue oli ya shi epfe oke. Omi iFero ni okpotso o me oli rue, o kuele oli abi omi oli.*

²² iMosisi o wena owena ali ileingme oyi ijipiti, ekpabo o la emue oyoli ali emini oo riyele.

²³ "Abi iMosisi o ro gbe ikpe egbhuewa, o mholi shi udu khi loli le ya bino egbo eyoli ni e khili egbo iZireni.

‡ 7:5 Li ze Igbae 12.7; 13.15; 15.18; 17.8 § 7:7 Li ze Igbae 15.13; Okiali 3.12 * 7:7 Li ze Igbae 15.13-14 † 7:8 Li ze Igbae 17.10-14; 21.2-4; 25.26; 29.31-35.18 ‡ 7:9 Li ze Igbae 37.11,28; 39.2,21 § 7:10 Li ze Igbae 41.39-41 * 7:11 Li ze Igbae 42.1-2 † 7:13 Li ze Igbae 45.1,16 ‡ 7:14 Li ze Igbae 45.9-10,17-18; 46.27 § 7:15 Li ze Igbae 46.1-7; 49.33 * 7:16 Li ze Igbae 23.3-16; 33.19; 50.7-13; ifosh 24.32 † 7:18 Li ze Okiali 1.7-8 ‡ 7:19 Li ze Okiali 1.10-11,22 § 7:20 Li ze Okiali 2.2 * 7:21 Li ze Okiali 2.3-10

24 Igho o me khi ongi ijipiti oo nase ongi iZireni. Igho o li ye odoŋe, o gbe ongi ijipiti-a.

25 Eri iMosisi o dabi khi egbo eyelu e ya me oli me khi eri Eshinegba o re lu e tsumhi egbo eyoli, ama ea ligho me oli me.

26 Ogbeakoŋo khi iMosisi o bhale ya e khi egbo iZireni aava e nu egbewe e kholi, oo nono ni loŋi rewe rieŋe. Oo we, 'Elo o ze ni e e ni a gbo li khi inyoghuo egbe a ro nu egbe e a kholi?'

27 "Ama oni oa gueli ni o la o o ghi iMosisi abo pfa, oo li, 'Oghuo o re khi oni oo mheŋe na anye ali oni oo so ezo na anye?'

28 Eri u wa nono ni u li gbe mhe-a abi u li gbe ongi ijipiti a ode?'

29 Abi iMosisi o ro suo ona, o na pfa je eke oyi iMidiani ya la abi opfeŋe, o bia eniye aava shi agho.†‡

30 "Ikpe egbhueva e doŋe se, aŋeni o ri egbe khaŋe iMosisi elemhi eŋemhi erali ni oo to ukhomhi ebuli.

31 iMosisi o me oli, o sha li abo. Oo le ni o ya bino, uruli oyi Onomhue o lu oli, oo li,

32 'Mhemhe mhi khi Eshinegba oyi itita e, Eshinegba oyi Aburaamu ali oyi Aziki, ali oyi iGiekopu.' iMosisi oo guo elemhi ulishi, oa ke gbudu bino oobo.

33 "Onomhue oo li, 'Gueghie eku e ni u so, eke ni o pfuaŋe u migha.

34 Mhi she me ajilimhe ni egbo eyemhe ni e la ijipiti e me memena. Mhi she suo ekperumhe oyewe, mhi she bhale ya mie we pfuese. Bhale memena khi mhi ya ghie e nyene egbe je eke ijipiti.'§

35 "Oni iMosisi ona egbo eyoli e ke eke kie, ni e e o li, 'Oghuo o re khi oni o mheŋe e na anye ali oni oo so ezo oyi anye?' Eshinegba lolighuo o ri aŋeni ni o ri egbe khaŋe oli elemhi eŋemhi erali ni e to ghie iMosisi o ka khi oni oo mheŋe ali omiepfuese oyewe.*

36 Loŋi o rewe ya fie lase eke ijipiti, o la eke ijipiti ali obini Oke Ifulo ali udu oyemhi elemhi ikpe egbhueva gbe akanya onyaloa ali irokhase.†

37 "iMosisi lolighuo oo egbo iZireni, 'Eshinegba o ya rote elemhi e ghie omekeguele onabi mhemhe ghi e.'‡

38 O la iteva ebubu egbo elemhi udu oyemhi, li shi aŋeni ni o ke nu oli ngme ukhomhi ute iSinai, li she ititawa, o mie ungmehi ni o ri agbo o na ogbo, o rue oli na awa.§

39 "Ama eni ititawa ea nono ni wewe e suo eso na li, eri e kie iMosisi, e ri udu oyewe nyene egbe ukhoko je eke ijipiti.

40 E e Eroni, 'Mama ikhumhi na anye ni e ya ri anye ke kia, irari khi anye ea lese abi iMosisi ni o rue anye te ijipiti lasele o ke li kia.*

41 Oni eghenge eni egbo e ro mama ikhumhi ni e ri abi ozele ena, ee luase oli, e ghele shi oni ikhumhi ni e ri abo eyewe mama.†

42 Igho Eshinegba o so ukhoko gbe we, o ze ni e ga ovo, ali uki, ali ikpetata abi a li keke oli shi ebe emekeguele, ni oo:

"E e egbo iZireni,

abi a ro la udu oyemhi

ikpe egbhueva a luasobo,

mhemhe a ri iluasobo na?

43 A yaŋe okula oyi

† 7:29 Li ze Okiali 18.3-4 ‡ 7:29 Li ze Okiali 2.11-15 § 7:34 Li ze Okiali 3.1-10 * 7:35 Li ze Okiali

2.14 † 7:36 Li ze Okiali 7.5; 14.21; iNoba 14.33 ‡ 7:37 Li ze iDeut 18.15,18 § 7:38 Li ze Okiali

19.1-20.17; iDeut 5.1-33 * 7:40 Li ze Okiali 32.1 † 7:41 Li ze Okiali 32.2-6

ikhumhi iMoleki
 ali ukpetata oyi iRefani,
 ni e khi ikhumhi ni
 a ri abo mama ni a ga.
 Irarigho, mhi ya ri egbō bhale
 ya mu e okholi vu,

e tsua e dōse obini eke iBabilo.*

⁴⁴ “Titawa e mhōli igholo oyi otselē obini elemhi udu oyemhi. Abi Eshinēgba
 o li khokho li ye iMosisi, igho o li riele oli.†

⁴⁵ Abi e ro le oni igholo ugu se, iJoshua o tsua li ma egbe bhale eke oyi
 ishishi ni Eshinēgba o khu kua na we. O nu we la ramhi eghēghe oyi iDefidi.*

⁴⁶ IDefidi ni Eshinēgba o ri afu na o mhila li ini lōli tō owa na Eshinēgba oyi
 iGiekopu†

⁴⁷ Ama iSolomoni o tō owa na Eshinēgba.‡

⁴⁸ “Abibi o ririē li, a lese khi Eshinēgba nō Yagha ne Nya o ya la owa ni egbō
 e ri abo tō. Lōli o zē khi Azaya omekeguele o guele khi.

⁴⁹ “Eshinēgba o, ‘Iloghie o khi
 ukpekhomhi ni mhia shito.

Eke agbō o khi
 akphawe-nga oyemhe.
 Owa nabise e e egbō

a ya tigbe tō na mhe?

Asha no ghuo o ya gua mhe la?

⁵⁰ Oa khi mhemhe-ghuo

mhi ma eni emhi ena nya?§

⁵¹ “E e egbō usueso-akhue ni e zese udu oyewe-a khali igba zuse eso. A li abi
 itita e, ni e kie Ayemhe-no-pfuase.*

⁵² A famhi me omekeguele okhoghuo ni itita e e mu okholi vule shi o? Eri
 e gbo gbolo eghuo-a, ni e me eke guele khi, Oni o so eso na Eshinēgba o ya
 bhale. Memena e e a she ro oni iKirisiti ona de, a gbe oli-a.

⁵³ E e ni a rote obō oyi ageni ni Eshinēgba o ghie mie ishi, e e a a kie gbo ri eni
 ishi gbe akanya.”

A tono iSitivini eche

⁵⁴ Abi eni igbaa eyi iSahediri e ro so ingmemhi ena, e pfaa na li ramhi ni
 e ro gbe ako ako.

⁵⁵ Ama iSitivini ni o mhōli Ayemhe-no-pfuase o yase alo idane, igho o me
 ugemhi oyi ufumhi oyi Eshinēgba, ali iJesu khi o migha obita oyi Eshinēgba.

⁵⁶ Igho iSitivini o, “Mhi me khi iloghie o khueghie-a, mhi gbo me iJesu oni
 Omi Ogbō khi o migha obita oyi Eshinēgba.”

⁵⁷ Abi eni igbaa eyi eni iSahediri e ro so ona, e ri abo khukhu eso. E tse e
 leghe, e ve rughu oli.

⁵⁸ E tialo oli fie ifuapfe je ukhokho oni eoli, ee tono oli eche. Eni ee tono oli
 eche e gueghie itsua ni e so na omo se oghuo ni a lu iSolu mhue.

⁵⁹ Abi e ro o tono iSitivini eche, o so iromhi, o, “Ijesu Onomhue, kpekpe kpe
 abo mie ayemhe oyemhe.”

‡ 7:43 Li ze Emo 5.25-27 § 7:44 Li ze Okiali 25.9,40 * 7:45 Li ze iJosh 3.14-17 † 7:46 Li ze 2 iSam
 7.1-16; 1 Okhe 17.1-14 ‡ 7:47 Li ze 1 Ighie 6.1-38; 2 Okhe 3.1-17 § 7:50 Li ze Aza 66.1-2 * 7:51
 Li ze Aza 63.10

60 O de wugha, o tseṣe, oḡ li, “Oṅmhuẹ, kpẹkpẹ khi ri olamhẹ ona mu ota sọ wẹ.” Abi o rọ ngme ona se, o ghua.

8

1-2 Igho iSolu o migha wẹ ukhokho shi igbe-a oyi iSitivini. Abi iSitivini o rọ ghu-a se, eḡbo eghuo ni e mḡli ulishi oyi Eshineḡba e ya rọli tọ. E viẹ eviẹ oyọli eḡbegbo.

Igbaa oyi eni e mie iJesu iKirisiti suọ e gbhiaku-a irari ajilimhẹ

Eḡhọ ukpokpomhi ajilimhẹ o lasese shi igbaa oyi eni e mie iJesu iKirisiti suọ ni e la ekẹ iJerusalemu o. Eni ighiusomhi na keḡ eḡhọ e miatṣe ku ekẹ iJudia ali iSameria.

3 Ama iSolu o rọshẹka a yese igbaa oyi eni e mie iJesu iKirisiti suọ-a. O kia owa khi owa muno wẹ shi owa ighumha, ghe emọse, ghe ikpotso.*

Abi iFilipu o rọ la iSameria

4 Igbaa oyi eni e mie iJesu iKirisiti suọ eḡhọ ni e kia miatṣe ku, e kia a gue ungmehi oyi iJesu le asha ni e ramhi kpa.

5 iFilipu o je ekẹ iSameria. O la oobọ o gueye eḡbo khi iJesu o khi iKirisiti ni a shobọ.

6 Abi ebubu eḡbo e rọ mẹ ikanya oshabọ ni iFilipu o gbe, e nyanya mie shi emini o ngme.

7 iFilipu o kha da lema na eni e mḡli ogbhọ ne, eni eḡbo e kpa oni ogbhọ pfa. Ebubu eni e guoḡhọ-a ali eni e ghua e toto nya.

8 Ukpokpomhi oghẹle o la oni ẹoli oghọ.

iSamọ ni oḡ li obo

9 Oḡmose oghuo o la o ni a lu iSamọ. Egbegbi obo o la iSameria ẹ li. O kia ri obo ni o li tonon obo udu.

10 Eḡbo nya e ri ekpe ẹ na li. Eḡbo oḡḡda ee liẹ li, “Oḡmose ọna Eshineḡba o ri ekpabọ nali a gbe ikanya.” E lu ọli ekpabọ ni o fu.

11 Ingme ni o ngme kpa, e rọ o shi itobọ oshabọ ni o ri ogbhọ oyọli i gbe ni o she tṣe.

12 Ama iFilipu o gueye wẹ ingme oyi Eghiele oyi Eshineḡba ali iJesu iKirisiti, e mie shiọ. O batazi wẹ, ghe ikpotso ghe emọse.

13 iSamọ o li miesuo, iFilipu o li batazi ọli. O deba iFilipu u kiakia irari ikanya ọnyaloa ali oshabọ nefunẹ ni o mẹ khi iFilipu o gbe.

14 Abi ighiusomhi na keḡ ni e la iJerusalemu e rọ suọ khi eḡbo iSameria e mie ungmehi oyi Eshineḡba suọ, e ghie iPita ali iJoni ghi wẹ.

15 Abi iPita ali iJoni e rọ ramhi iSameria, e sọ iromhi na eni e miesuo ni e la oobọ Ayemhẹ-nọ-pfuasẹ o tiemhile shi wẹ eḡbe.

16 Ayemhẹ-nọ-pfuasẹ ọa kie kpẹ tiemhile shi ọngẹ wẹ eḡbe ne, eri a kpẹ lṣe ri eva oyi iJesu Oṅmhuẹ batazi wẹ.

17 Abi iPita ali iJoni e rọ ri abọ nga wẹ ukhomhi, Ayemhẹ-nọ-pfuasẹ o tiemhile shi wẹ eḡbe.

18 Abi iSamọ o rọ mẹ khi eḡbo ni eni ighiusomhi na keḡ e ri abọ nga ukhomhi kpa khi e mie Ayemhẹ-nọ-pfuasẹ, o nise obo-a ni lọli ri ikpaghọ na wẹ.

19 Oḡ wẹ. “A li ri oni itoto na mḡe ni mhi ke ri Ayemhẹ-nọ-pfuasẹ na oḡbo ini mhi da ri obo nga li ukhomhi ne.”

* 8:3 Li zẹ Ika 22.4-5; 26.9-11

²⁰ Ama iPita oḡ li, “Yeḡe ali ikpagho eye a li opfu-a, itobo khi u sa khi u ya doḡe ri ikpagho de isomhopfa oyi Eshineḡba.

²¹ Itobo khi u waa mhḡli oḡo shi akanya onana, irari khi udu oḡe ḡa pfuase deba Eshineḡba.

²² Irarigho, mu udu pfi deba Eshineḡba. U lona li ni o gbe olamhe kua ne, otse o ya gbe isamhi ebe ni u mhḡli shi udu kua ne.

²³ Itobo khi mhi she me khi wa a kpe ofuma irari akanya ni anye a gbe ali khi olamhe o she de e ighumha.”

²⁴ ISamo oḡ we. “A kpekpe a so iromhi na mhe ini emini a ngme ena e khi tse shi mhe egbe ni mhi pfua.”

²⁵ Abi iPita ali iḡoni e ro ngme ingmemhi eyi iJesu se, e mu egbe pfi je iJerusalemu, ee gue ungmehi eyi iJesu kiakia elemhi ebubu inuekpe ni e la iSameria.

IFilipu o gue ungmehi oyi iJesu ye ongi Etiopia

²⁶ Aḡeni oyi Eshineḡba o gueye iFilipu, oḡ li, “Ke tiemhi ukiekie ogobo ini a so alo ghue obini ovḡ o te e lo eko je ode odagbe ifufu ni o roḡe iJerusalemu je iGaza.”

²⁷ Igho iFilipu o mu egbe oḡ leḡ. Abi o li le egho, loḡi ali omose oghuo ongi Etiopia ni o khi owali e ya lona. Omose ona okhemue o khi ni o ri eloe e khu epfue eyi iKadakhe ni o khi olele oyi oni eke. O roḡe iJerusalemu ni o je ya ga ugamhi i jele.

²⁸ Abi o li i je apfe egho, o nga oko ni ichi e ro o na. Oḡ ze ebe ni Azaya omekeḡuele o keke. ²⁹ Ayemhe-no-pfuase o gueye iFilipu, oḡ li. “Je oko ogho ni u timama li migha.”

³⁰ Abi iFilipu o ro ramhi agho, o suo khi oni omose oḡ ze ebe oyi Azaya omekeḡuele. IFilipu o mhila oni omose. “Ebe ni u wa ze egho o fe lo e esḡ?”

³¹ Oḡ iFilipu, “Iiye oo. ḡa ya ligho lo mhe esḡ ini ogbo ḡa li gueye mhe abi o ngme.” O iFilipu o nga oni oko le ni o nu luḡe shito.

³² Ashini oḡ ze oni elemhi Ebe-no-pfuase o khi, asha ni oḡ:

“Eri a mu ḡli abi omi osumha
ni a ya fa uruli.
Ezeze abi omi osumha
ni a ya va kemhi,
ni ḡa khueghie unu-a.

³³ E ri omama mu ḡli,
e gbe ḡli azeba,
e pfa ezḡ mu ḡli a gbe ḡli-a.
Oghuo o ya mie shi o
khi o ya doḡe mhḡli
akhemhe-ukhokho,

irari khi eri e mie ḡli agbo?”†

³⁴ Oni omose owali oḡ iFilipu, “Kpekpe gueye mhe oni omekeḡuele onana oḡ ngme, ingme oyi egboḡi oḡ ngme abi ingme oyi ogboese?”

³⁵ IFilipu o gueye ḡli emini oni Ebe-no-pfuase ni oḡ ze egho o ngme. O gue ungmehi oyi okhale oyi iJesu ye ḡli.

³⁶ Abi e kie li kia leḡ egho, e me oke. Oni omose owali ogho oḡ li, “Bino, ghe oke ana, bie batazi mhe.”

³⁷ IFilipu oḡ li, “Ini u mie iJesu suo mhi ya batazi e.” Oni omose oḡ li, “Mhi she miesuo khi iJesu iKirisiti o khi Omi Eshineḡba.”

† 8:33 Li ze Aza 53.7-8

³⁸ Igho oni omose oo oni o gua oni oko ogho o mu oli migha. Loli ali iFilipu e kia tiemhi oni oke, iFilipu o batazi oli.

³⁹ E lese rote oni oke nga egele le, Ayemhe-no-pfuase o kele iFilipu-a je oboese. Oni omose o ke tigbe me iFilipu, ama oghole o la li elemhi i je apfe.

⁴⁰ Ama iFilipu o me egboli eoli Azotusi. O rote oobo ri oni ungmehi i tse abo kia kia eoli khi eoli ya ramhi ni o ro ramhi eoli iSizera.

9

Imupfi oyi iSolu

(Ika 22.6-16; 26.12-18)

¹ ISolu o kiele tse ekha abi loli li ya gbolo eni e mie iJesu suo-a. O le deba Okpeta na ekpodalo-ugamhi eyi Eshinegba,

² O mhila li o ri ebe na lue ghi eni e la owa ugamhi na eke iDamasikosi. Ni loli ro mholi afu dobe muno ikpotso ali emose ni e mie iJesu suo ighumha je obini iJerusalemu.

³ Abi iSolu o li ri okiali ti i ramhi iDamasikosi, utoghuokpe, akpa o rote idane mi nga li egbe nyagha.

⁴ O de ta alo mu eke. O suo khi ogbo o nu lue ngme, oo li, "ISolu, iSolu, elo o ze ni u ro mu okholi vule e shi mhe o?"

⁵ ISolu o mhila li, oo, "Onomhue, oghuo u khi?" Oni uruli oli, "IJesu mhi khi, ni u mu okholi vule shi o."

⁶ "Memena, vule ni u lo elemhi eoli ona. U ya me omose ni o ya gueye emini u mema ya riele."

⁷ Egbo ni e nu iSolu kia e gbe eru e unu-a, e ga suo oni ungmehi, ama e me oni oo ngme.

⁸ Ikpukhokho o, iSolu o rote eke vule, abi o ro khueghie alo-a o ke dobe e me eke. Egbo ni e nu oli kia e ke mu oli obo kia lo elemhi iDamasikosi.

⁹ Ogbel e se iSolu o ga zalo shi agho. Oa le eminale wekhi am e da.

¹⁰ Omose oghuo ni o miesuo ni a lu Ananayasi, o la elemhi iDamasikosi. O la imeke, o suo khi Onomhue o lu lue, "Ananayasi!"

Oo li, "Ee o."

¹¹ Onomhue oo li, "Ke je owa oyi iJudasi, ni o la ode ifuapfe ni a lu Isheshe, ni u ya mhila ogbo oyi ongi iTasosi ni a lu iSolu, o la agho o so iromhi.

¹² Rote elena iSolu o li kpe me irokhase khi omose ni a lu Ananayasi o ri obo nga lue egbe so iromhi na, alo eyele e khueghie-a."

¹³ Ananayasi oo Onomhue, "Mhi she kpe suo eko ebubu eyi omose ona abi o li e nase egbo ni e miesuo, o la iJerusalemu gbolo eghuo-a.

¹⁴ Ighie eyi ekpodalo-ugamhi eyi Eshinegba e ri afu na li o ka muno egbo ni e lu ama oye."

¹⁵ Ama Onomhue oo Ananayasi, "Ke le, irari khi mhi she ze iSolu ni o tsua ungmehi oyemhe ghi egbo ifeta ali ighie eyewe ali egbo iZireni nya."

¹⁶ Mhi ya rokhase oli khi o mema ya me osoli shi ungmehi oyemhe.

¹⁷ Abi Ananayasi o ro me oni owa, o dose lo ya ri obo nga iSolu egbe, oo li, "ISolu inyoghuo-mhe, iJesu Onomhue ni o lone ode abi u ro o bhale oola, loli oo mhi ka nono e me, ni u gbolo ke me eke ali ni Ayemhe-no-pfuase o bhale egbe oye."

¹⁸ Utoghuokpe, emini e li abi ipfiapia afele o rote oli ikpamhi alo de pfia, o gbolo o me eke. O vule migha, Ananayasi o batazi oli.

¹⁹ Abi o ro le eminale se, o tige mholi ochi.

Iolu o ri igbedu u ngme ungmehi oyi Eshinegba

Ebubu ogbele iSolu o nu eni e miesuo la elemhi iDamasikosi.

²⁰ Eloawe iSolu o la elemhi owa ugamhi gueye egbō khi iJesu Omi Eshinegba o khi.

²¹ Egbokpa ni e suo ungmehi oyi iSolu ee mhila, “Oa khi omose onana oo nase eni e miesuo ni e la iJerusalemu? Oa khi eri o bhale ya muno we abi ighumha ghi ighie eyi ekpodalo-ugamhi?”

²² Eshinegba o ri ekpabo na iSolu ni o ro ya ke gue oni ungmehi le. Ama egbō iJu ni e la iDamasikosi ea dobe mu iSolu ekhako o le. O sha egbō iJu abo abi e ro me ilesingme ni o ro o guele khi iJesu o khi oni iKirisiti ni a shobo.

²³ Ebubu ogbele iSolu o ga la iDamasikosi. Egbō iJu e gba abi e li ya gbe oli-a.

²⁴ Ama iSolu o suo khi egbō e gba abi e li ya gbelue-a. Eri e shito unu ode unekpe ni a te a lo oni eoli le ni e me asha mu oli.

²⁵ Ama egbō ni e miesuo e pfi uli rote oni ugbe roli shi ughughu bēna ya tiemhi oni ugbe eliyose. *

²⁶ Abi iSolu o ro ramhi iJerusalemu, oo dua ni loli ya kuma egbō ni e miesuo o, ama ulishi oli o mu we. E khokho ini o she mie iJesu suo.

²⁷ Ama iBanabasi o rue oli bhale deba eni ighiusomhi na kee. O gueye we abi iSolu o li me Onomhue ode abi o ro le iDamasikosi ali abi Onomhue o li nu oli ngme. O gbo gueye we abi o li la eke iDamasikosi ri eva oyi iJesu tse abo ni ulishi o li mu oli.

²⁸ Igho iSolu o nu we la iJerusalemu kia kugbe. O ri igbedu ri eva oyi Onomhue e tse abo gboo.

²⁹ Igho o nu egbō iJu ni ee ngme elemhi iGiriki i khako, ama ee dua ni weye e gbe oli-a.

³⁰ Abi eni e miesuo e ro suo ugbamhi ni eni egbō ee gba, e rue oli je eke iSizeria, e te agho rue oli ya je iTasosi.

³¹ Igbaa eyi eni e mie iJesu iKirisiti suo ni e la eke iJudia ali iGalili ali iSameria nya e mholi opfomhe, e toto-a, Ayemhe-no-pfuase o ri udu shi we o, ee bua shi o, ee ngeli angeli ni o pfuase ri ekpe e na Eshinegba.

IPita o ri Eniasi ze

³² Abi iPita o li i kia oni eke gase, o ko ya feli eni e miesuo ni e la eoli iLida.

³³ O bhale ya e omose ni a lu Eniasi ni o guoghō-a, o she gba ikpe elele abi o te yeshi a ghua.

³⁴ iPita oo, “Eniasi, iJesu iKirisiti o re ze. Vule migha khili iya oye ni u ke kia.” Utoghuo kpe Eniasi o vule migha, o toto.

³⁵ Abi egbō ni e la eoli iLida ali iSharō e ro me khi Eniasi o toto, e mu pfi deba Onomhue.

IPita o guise iDokasi le

³⁶ Okpotso oghuo ni o miesuo ni a lu iTabita o la eoli iJopa, abi iTabita o ngme emue iGiriki khi “Eruē,” O khi ogbō onete. O gbolo mema e kpaghie eni ea mhue obo.

³⁷ Eghēghe ni a ngme ena, oo ghua, igho o ghua. Abi a ro khuese olimhi oyoli-a se, a roli yeshi elemhi owa atonga.

³⁸ Abi eni e miesuo e ro suo khi iPita o la iLida, e ghie emose aava ghi oli, e oli, “Kpekpe bhale pia.” Irari khi eoli iLida ali eoli iJopa e ti mama egbe.

³⁹ Igho iPita o deba we. A ri oli ya khase asha ni a roli yeshi. Esamhi-olimhi e la agho o vie. E ri itsua ni iDokasi o fia na we khase oli abi o ro la agbo.

* 9:25 Li ze 2 iKori 11.32-33

⁴⁰ IPita ọ ẹgbọ ni e la aghọ nya e fiẹ je atukpapfe. Ọ de wugha sọ iromhi. Ọ sọ alo ghue oni olimhi, ọọ li, “Tabita, guale!” Oni olimhi ọ khueghie alo-a, abi ọ me khi iPita ọ migha mama lue, ọ vule shitọ.

⁴¹ IPita ọ mu ọli obọ vule. Ọ luno eni e miesuọ ali eni esamhi-olimhi, ọ ri ọli khasẹ we.

⁴² Iguisele oyi iDokasi o gbeke-a shi ẹoli iJopa. Itobọ ighọ, ebubu ẹgbọ e mie ijesu suọ.

⁴³ IPita ọ la iJopa ogbele ni e bu. Ọ la owa oyi iSimoni ni ọ ri ekuẹ elamhako ọ gbe akanya.

10

IKonilusi ọ ghie ya lu iPita

¹ Omose ọghuo ọ la ẹoli iSizeria ni a lu iKonilusi. Ọ khi ọga ọyi ekhọli-okhue eyi itili.

² Lọli ali apfọli e khi ẹgbọ ni e na ulishi Eshinegba. Ọ khi ọgbọ ni ọ pfo elemhi i somhi ẹgbọ ni ẹa mhue opfa. Ọ gbo khi ọgbọ ni ọ sọ iromhi ẹghẹghẹ kpa.

³ Eẹghuo elemhi agogo ese ẹle ọguota, ọ me ime-alo, ọ me khi aḡeni ọyi Eshinegba ọ bhale ọ lu ọli, “IKonilusi!”

⁴ Ọ sọ alo ghue oni aḡeni, ulishi o mu ọli. Ọọ li, “Onomhue elọ o ze khi u bhale.”

Oni aḡeni ọọ li, “Iromhi eye ni u wa sọ ali isomhopfa ni u wa somhi e she bhale deba Eshinegba, Ọ she mu egbe ni ọ rọ ya ye le ẹ le.

⁵ Memena nyanya ghie ẹgbọ je ẹoli iJopa ni e ya lu iSamọ ni a gbolo ẹ lu iPita, ni ọ bhale.

⁶ Ọ kushi ayi iSamọ ni ọ ri ekuẹ elamhi ẹ gbe akanya. Oni owa oyọli o la epfe okẹ.”

⁷ Abi oni aḡeni ọ rọ vu se, iKonilusi ọ lu eni ẹ ga li etuava ali okhọli-okhue ni ọ khi adogeli oyọli ni ọọ ga Eshinegba.

⁸ IKonilusi ọ gueye we emini a me nya. Ọ ghie we je obini iJopa.

Ime-alo ni iPita ọ me

⁹ Ogbeakolo khi itsotso ọguota o mu eke, khi e lese ri okiali ramhi epfepfe iJopa, iPita ọ nga owa atonga ya sọ iromhi.

¹⁰ Okiamhi oo gbe ọli. Ọọ nono emini ọ ya le. Abi a rọ ọ nye eminale ni ọ ya le, ọ me ime-alo.

¹¹ Ọ me khi emini e li abi ode ni o ze igo ene o rọte idane e tiemhile.

¹² Ighọ ọ me khi iwali elamhako e laọ, ghe eni e ze awẹ ene ali eni ẹẹ tialọ idi eke ali ipfeli.

¹³ Ighọ uruli o ngme, ọọ li, “Vule iPita, gbe ni u le.”

¹⁴ Ama iPita ọọ, “Iiye e, Onomhue! Mhia kpe tigbe le eminale ni ẹa pfuase ni a ghue ghue, a ti ẹ bia mhe.”

¹⁵ Oni uruli o gbo nu ọli ngme, ọọ li, “Emini Eshinegba ọ da rọ khi oni o pfuase se, khi ke lu ọli emini ọa pfuase.”

¹⁶ Itese o ligho mhesẹ abọ ri egboli khasẹ neni a rue oni emhi nga idane.

¹⁷ Abi iPita ọ kie li i sa ingme ime-alo ni ọ me, emose ni iKonilusi ọ ghie usomhi, e nono owa oyi iSamọ me. E migha odalo ode unuekpe oyi oni apfe.

¹⁸ E lu mhila, “A mhọli opfese shi ana ni a lu iSamọ iPita?”

¹⁹ Abi iPita ọ kiele khokho emini oni ime-alo ona o ngme, Ayemhe ọ rọ gueye ọli, “Ri eso kpe emose aase ẹẹ nono ẹ.

²⁰ Nyanya mu egbe ni u deba we vu, khi mhemhe mhi ghie we.”

21 Igħo iPita o tiemhi deba we, oo we, "Mhemhe a nono, elo e re e bhale?"

22 Ee oli, "Oga oyi ekholi-okhue ni a lu iKonilusi o ghie anye ghi e. Ogbo oniemhi ni egbo iJu e mu ekpe a na o khi. O gbo khi ogbo ni o pfuase ni oo ga Eshinegba. Ageni o gueye oli o ghie ghi e, u bhale owa oyoli, ni o suo ingme ni u ya gueye oli."

23 Igħo iPita o lu eni emose lo owa oyoli, e gbhe agho ni ogbe o gbe.

IPita o la apfe oyi iKonilusi

Ogbeakofo, loli ali eni e miesuo eghuo e rote ijopa deba we vu.

24 Ogbeakofo, e lo elemhi eoli iSizeria le, ashini iKonilusi ali apfoli ali egbegbi emole oli, e legba migha e khe we.

25 Abi iPita o ro ramhi agho, iKonilusi o lo o li ode, o wugha, o nyese ukhomhi tse oli.

26 Ama iPita o mu oli vule, oo li, "Vule khi ogbo onabi ye ye mhi khi."

27 IPita o nu oli ngme, o lo owa, o bhale ya e egbo ni e bu shi agho.

28 Oo we, "Ee a she lese khi eri Ishi eyi iMosisi oo egbo iJu e khi kugbe egbo iJeta o, wekhi eri e ko ya feli ogbo ni o a khi iJu. Ama Eshinegba o roli khase mhe mhi khi leli ogbokhoghuo shi oni o a pfuase ali oni a ghue.

29 Irarigho, abi u ro ghie lu mhe, mhia mholi akhokhomhe shi o. Elo u mema lu mhe shi?"

30 iKonilusi oo li, "Amo o li ele ene, eghenge agogo ese oguota, mhi ro la owa oyemhe e so iromhi. Udemhija mhi me khi omose oghuo o so itsua ni ee ge nyanyanya o migha mhe odalo.

31 Oo li, 'iKonilusi, Eshinegba o she suo iromhi eye, o she gbo me ikanya isomhelemhi ni u gbe e deba egbo eni ea mhue.

32 Ghie ogbo ghi omose ni a lu iSamu iPita ni o la ijopa. Opfese o khi shi owa oyi iSamu ni o ri eku e lamhi e gbe akanya, ni o la epfe oke oku.'

33 Loli mhi ro ghie ogbo ghi e pia. Oo gue ti, abi u bhale. Memena awa nya awa la odalo oyi Eshinegba ni anye suo emini Onomhue o gueye u gueye anye."

Ungmemhi ni iPita o ngme

34 iPita oo, "Mhi she me oli me khi igesikia o khi, khi Eshinegba o mholi khi ona o kpe oli ne,*

35 ama egbo kpa ni e da a na ulishi oyi Eshinegba, ni e gbolo e riefe emini o rote ode, Eshinegba o kpe obo oo mie.

36 Ee a lese usomhi ni o ghie ghi egbo iZireni, ni o khi usomhi onete oyi opfomhe ni o rote obo oyi iJesu iKirisiti ni o khi Onomhue oyi agbo kpa bhale.

37 Ee a lese ingme ni a me elemhi eke iJudia nya, ni o rote iGalili gbaekete, abi ijoni ro o tse abo usomhi gueye egbo, khi a mema batazi we,

38 abi Eshinegba o li ri Ayemhe-no-pfuase ali ekpabo kpha iJesu onge iN-azareti so, ali abi o li i kiakia ashakpa riefe onete, ni o mie egbo pfuese obo oyi ekpabo eyi okphaghe, itobo khi Eshinegba o nu oli la.

39 "Anye ri eloe me ikanya ni o gbe nya, elemhi eoli eyi egbo iJu ali iJerusalemu. Wewe e tali ma oora apfida gbe oli-a.

40 Ama ele nuzi-ese, Eshinegba o rote eghuli guise oli le ni a me oli.

41 Oa khi ogbokpa o me oli, see ni anye ni Eshinegba o she kpe ze, anye khi otsela, anye ni anye nu oli le eminale ni anye gbo nu oli da abi o ro rote eghuli guale se.

* 10:34 Li ze iDeut 10.17

⁴² O mhesẹ na anye, anye kia ke gueye ẹgbokpa ali anye gbo ke pfi ọtsẹlẹ shi o khi loli iJesu, Ẹshinẹgba o zẹ, loli khi ọso-ẹzo oyi eni e lao ali eni e ghu-a.

⁴³ Emekeguele nya e kpẹ ngme ungmehi oyoli khi eni e da mie oli suọ khi a ya gbe olamhe kua na we, rote ekpabọ ni o la eva oyoli.”

Egbọ iJeta e mie ayemhe ni o pfuase

⁴⁴ Abi iPita o kie li i ngme, Ayemhe-nọ-pfuase o tiemhile na egbo ni e suọ oni ungmehi.

⁴⁵ Abọ e sha eni e miesuọ ni e shele-a, ni e rote ẹoli iJopa kphase iPita bhale agho, khi Ẹshinẹgba o li ri Ayemhe-nọ-pfuase na egbo iJeta.

⁴⁶ Irari khi e suọ khi e ngme emue ododa eyi Ayemhe nọ pfuase, e kueghie Ẹshinẹgba.

Igho iPita o ri irarigho lie,

⁴⁷ “Ogbokhoghuo o dobe ya lie ogbo khi ri amẹ batazi egbo ena mena? E she li mie Ayemhe-nọ-pfuase abi awa li mie oli.”

⁴⁸ Igho iPita o o ka ri eva oyi iJesu iKirisiti batazi we. Igho e gueye oli o nu wewe la agho ikukumi ogbele.

11

IPita o gueye eni e miesuọ emini o riẹlẹ

¹ Eni ighiusomhi na keẹ ali eni e miesuọ ni e la eke iJudia nya e suọ khi egbo iJeta e li mie ungmehi oyi Ẹshinẹgba suọ.

² Abi iPita o ro nga obini iJerusalemu, eni e miesuọ ni e shele-a, ee shi iPita unu.

³ Eẹ oli, “Yeye u lo owa oyi egbo iJeta ni ẹa shele-a, u gbo la agho le eminale!”

⁴ Igho iPita o rote eke roli lo we esọ abi a ga li me oni ingme nya. Oo we,

⁵ “Ẹoli iJopa mhi la a so iromhi, ni ukuku olesẹ o ro kia mhe alo-a, ni mhi ro me ime-alo, mhi me khi emini o li abi ode ni o zẹ igo ene, o te idane tiemhile ashini mhi la.

⁶ Mhi bino elemhi oli, mhi me elamhako ni e zẹ awe-ene, ali elamhako ebuli, ali elamhako ni ẹ tialo idi eke, ipfeli na idane e li la elemhi oli.

⁷ Igho mhi suọ khi uruli o nu mhe ngme, oo mhe, ‘Vule, iPita gbe elamhi ena, ni u le.’

⁸ “Ama, mhiẹ oli, ‘Tiye e, Onomhue! Mhi aa le eminale ni ẹa pfuase ni a ghue ghue abi a te bia mhe.’

⁹ “Oni uruli o gbo nu mhe ngme, oo mhe, ‘Emini Ẹshinẹgba o she ro pfuase, khi ke roli shi emhi ni ọa pfuase.’

¹⁰ Itesẹ o li igho mhesẹ abọ ri egboli khasẹ neni a rue oni ode nga idane.

¹¹ “Aghoaghọ, eni emose aase ni e te iSizeria nono mhe bhale, e lo owa ni mhi la le.

¹² Ayemhe o gueye mhe mhi deba we vu, mhia aa khe ako. Egbo osasa ena e te ẹoli iJopa kphase mhe je ẹoli iSizeria ni anye ro ga bhale owa oyi iKonilusi.

¹³ Loli o gueye anye abi o li me aḡeni elemhi owa oyoli, ni o oli, ‘Ghie ogbo je iJopa ya lu omose ni a lu iSamọ ni a gbo lo a lu iPita.

¹⁴ Loli o ya gueye abi yeye ali apfe a li ya mhọli imiepfuese.’

¹⁵ “Abi mhi li i ngme, Ayemhe-nọ-pfuase o tiemhile shi we o abi o li rote igbaekele li tiemhile shi awa o.

¹⁶ Igho mhi yelele emini Onomhue o ngme ni oo, ‘Amẹ iJoni o ro batazi egbo, ama Ayemhe-nọ-pfuase a ke ro ya batazi ẹ.’*

* 11:16 Li zẹ Ika 1.5

17 Abi o rọ khia khi Ɛshinẹgba ọ she ri isomhopfa enabi ọ rọ na awa abi awa rọ mie iJesu iKirisiti Ọnọmhuẹ suọ li na ẹgbọ ni ẹ a khi iJu. Ọghuo ọ khi mhemhe ni mhi ya nu Ɛshinẹgba khabo?"

18 Abi e rọ suọ ona se, e yemhe awọlo-a, ee kuẹghie Ɛshinẹgba, ee lie, "Ɛshinẹgba ọ li ze ni ẹgbọ iJeta e li mu pfi ni e li mhuẹ agbọ na agbọagbọ."

Igbaa oyi eni e mie iJesu iKirisiti suọ ni o la Atiọki

19 Eni e mie iJesu iKirisiti suọ e kia gbhiaku eke iFonisha ali eke iSapurosi ali ẹoli Atiọki itobọ okhọli ni a mu vule shi we ọ ẹghẹghẹ ni a rọ gbe iSitivini-a. E kia gue oni usomhi ye ẹgbọ iJu weweghuo tse.†

20 Eghuo ọ e rọte eke iSapurosi ali eke iSairini bhale, e vu je ẹoli Atiọki, e lili gue usomhi onete oyi Ọnọmhuẹ ye ẹgbọ iGiriki

21 Ekpaḅo oyi Ọnọmhuẹ o nu we la, Ebubu ẹgbọ e miesuọ, e mu udu pfi deba Ọnọmhuẹ.

22 Igbaa oyi eni e mie iJesu iKirisiti suọ ni e la iJerusalẹmu e suọ oni ingme, ighọ e ghie iBanabasi je ẹoli Atiọki.

23 Abi ọ rọ ramhi agho, ni ọ rọ me abi Ɛshinẹgba ọ li somhi-elemhi eni ẹgbọ, egbe e mu ọli. Ọ ri udu shi we ọ e ri udu oyewe nya na Ọnọmhuẹ.

24 IBanabasi ọ khi egbegbi oḅo onete ni ọ mhuẹ Ayemhe-no-pfuase ali irudunga oniemi. Ebubu ẹgbọ e ri itobọ emini ọ rieḷe mie Ọnọmhuẹ suọ.

25 Igho iBanabasi ọ je ẹoli iTasosi ya nono iSolu.

26 Abi ọ rọ me ọli, ọ rue ọli je ẹoli Atiọki, e la agho ukpe oghuo, ee sese ebubu ẹgbọ. Elemhi ẹoli Atiọki a la te odode kpe lu eni e miesuọ, iKirisiti enikeke.‡

27 Oni ẹghẹghẹ, emekeguele eghuo e rọte ẹoli iJerusalẹmu je Atiọki.

28 Ọghuo elemhi eni emekeguele ni a lu Agabusi ọ vule, ọ guele abi Ayemhe ọ ghie ọli, khi ọkhumi o ya pfi ushishi na eke iRomu nya. (Eghẹghẹ ni iKiladiusi ọ rọ khi Oghie iRomu nya ona o rọ bhale ya tse.)§

29 Eniye odukhokho eyi iJesu ni e la Atiọki e gba ugbamhi, abi e li ya ri ikpaghiobo ghie usomhi ghi eni e miesuọ ni e la eke iJudia, abi oḅoḅo ọ mhuẹ ekpaḅo ramhi.

30 Igho e zela ikpagho kugbe, e rewe ghie iBanabasi ali iSolu usomhi ghi eni egbhal ni e la igbaa oyi eni e mie iJesu iKirisiti suọ na iJerusalẹmu.

12

Imhese-bino onofune

1 Oni ẹghẹghẹ agho, oghie Erọdu ọ muno ẹgbọ eghuo ena igbaa oyi eni e mie iJesu iKirisiti suọ, ọọ nono ni lolu nase we shi afe.

2 Ọ ri unu bhale a ri uwere gbe iJemhisi ni ọ khi inyoghuo iJoni-a.

3 Abi ọ rọ me khi o ti ẹgbọ iJu ẹloe, ọ gbo mu iPita shi owa. Oni ẹghẹghẹ e rọ li ukpe ibuledi ni aa ri ifuma ma nye.

4 Ọ mu ọli se, ọ roli shi owa ighumha, ọ ze ekhọli-okhuẹ ikuwe asha ene ni e ọoghie egbe, e ri ẹloe shi ọli egbe. Erọdu ọ mholi ọli shi udu khi a kha da li oni ukpe se, lolu rue ọli lasese gboo, ni a gue ọli ẹzo.*

5 Igho a ri iPita shi owa ighumha, ama igbaa oyi eni e mie iJesu iKirisiti suọ e toto obo ọ so iromhi lu Ɛshinẹgba na li.

† 11:19 Li ze Ika 8.1-4 ‡ 11:26 Egbọ eni ẹ ngeli a bi iJesu iKirisiti a lu iKirisitiani. § 11:28 Li ze Ika 21.10 * 12:4 Li ze Okiali 12.1-27

⁶ Eliyosẹ ni Erọdu ọ kha rọ rue iPita lasese ogbeakọlọ, iPita ọ lese-a shi ifuabọ eyi iku ekhọli-okhue aava, a ri iwẹghẹ eva gẹ ọli. Eni ẹ khẹ ekhẹ aava elese e la odẹ unuekpe oni owa ighumha ẹ khẹ ekhẹ.

⁷ Udemhija, aḡeni oyi Onomhue ọ lole, ighọ ákpá o la elemhi oni owa ighumha a gẹ. Oni aḡeni ọ pfi iPita emhi epfe, guise ọli le. Oọ li, “Nyanya vule!” Utoghukpe, iwẹghẹ ni a sọ li e ku ọli abọ kua.

⁸ Ighọ oni aḡeni oọ li, “Ri ogbeṅe oye mu oku, ri ekuẹ sọ.” IPita ọ nyanya lighọ. Oọ li, “Ri itsua eye sọ, ke deba mhe.”

⁹ Ighọ IPita ọ deba li je olase oni owa ighumha, ama ọa lese khi emini oni aḡeni ọ riẹle khi egbegbi ingme lọ, ọ dabi khi ẹlena lọli ii la.

¹⁰ É dọse eni ẹ khẹ ekhẹ eni ododẹ ali enuzava. E bhale odẹ unuekpe akhuli ni a rọte a lasese shi ifui apfe. Oni odẹ unuekpe akhuli lolighuo o khueghie-a. E ri ọte dọse. Abi e rọ kia ifui apfe le deṅe, oni aḡeni ọ kele-a.

¹¹ Ighọ eḡbhali eyi iPita e na ya to. Oọ, “Ena mhi lese, ni ọa mhuẹ akhokhomhe khi Onomhue ọ ghie aḡeni oyọli, ọ ka pfa mhe shi eke obọ oyi Erọdu ali emini eḡbọ iJu ẹẹ sa khi mhi ya me nya.”

¹² Abi eḡbhali eyọli e rọ na ya to se, ọ je owa oyi iMeli ni ọ khi inyo iḡoni ni a gbolo ẹ lu iMaki. Aghọ eni e miesuọ e legba la a sọ iromhi.

¹³ IPita ọ kpheli odẹ na olase. Ighọ omueshi ni oọ ga oḡbọ ni a lu iRoda ọ bhale ya mie ọli unu.

¹⁴ Abi ọ rọ suọ uruli oyi iPita, oghẹle o vọ ọli udu. Ọa je okpe odẹ-a ne, ọ nyanya nyenye egbe ukhokho ya tsesẹ gueye we, “IPita ọ she jele!”

¹⁵ Eẹ ọli, “Ujili oọ kphe!” Ama ọ li khi egbegbi ingme lọli ẹ ngme. Ighọ ẹ ọli, “Ayemhe olimhi oyọli lọ!”

¹⁶ Ama iPita ọ kiele kpheli obọ odẹ. Abi e ke rọ khueghie oni odẹ-a, e me khi lolọlọ. Abọ e sha we.

¹⁷ O ri obọ gbe we akhiakhia. O tigbe gueye we abi Onomhue ọ li rue lue owa ighumha le. Oọ we, “A gueye iJemhisi ali eni e miesuọ eni e kpole.” Ighọ ọ vu je oboese.

¹⁸ Ogbeakọlọ, ozughu o lo iteva oyi eni ekhọli-okhue le shi abi iPita ọ li kia.

¹⁹ Abi Erọdu ọ rọ ọ e lolo nono iPita kia gase, ni ẹa rọ me ọli. O ri eni ẹẹ khẹ ekhẹ eghọ gue ezo. Oọ a gbolo we-a.

Eghuli oyi Erọdu

Abi a rọ me enana se, Erọdu ọ rọte eke iJudia je iSizeria ya la ukuku eghẹghẹ.

²⁰ Elemhi e lolo bi Erọdu deba eḡbọ iTai ali iSidoni. Ighọ eni eḡbọ e to ukhomhi ma, ee dua abi e li ya me asha nu oni oghie shito ngme. Abi iBilasitosi ni ọ khi adogeli oyi oghie ọ rọ lama shi we ọ, e tigbe lama khi wewe e ya lema oghie ni wewe e rọ riẹle. Itobọ khi ẹoli oyi oni Erọdu eni eḡbọ e rọte me eminale ẹ de.

²¹ Oni ogbele o ramhi Erọdu ọ gbanọ itsua oghie eyọli, ọ shito ukpekhomhi oghie oyọli. O nu eni eḡbọ ọ ngme.

²² Eni eḡbọ e ku unu-a nyoghoo, ẹ li, “Uruli oyi Eshinegba na, ọa ke khi oyi oḡbọ.”

²³ Utoghuo kpe aḡeni oyi Onomhue ọ pfi Erọdu emhi, itobọ khi ọa ri ekpe na Eshinegba. Ekhọli e ri ọli le. O ghu eghuli osoli.

²⁴ Ungmemhi oyi Eshinegba o gbhiaku ashakpa, oo gẹ shọ.

²⁵ IBanabasi ali iSolu e rọte iJerusalemu, obini a ri ikpaghọ ghie we usomhi je jele. Abi e rọ ọ jele, e rue iḡoni ni a gbolo ẹ lu iMaki mhuẹ obọ.

13

A zẹ iBanabasi ali iSolu ghie usomhi

¹ Emekeguele ali eni ẹ sẹsẹ e la igbaa oyi eni e mie iJesu iKirisiti suọ ni ọ la Atiọki, ni e khi iBanabasi, ali iSamọ ni ọ khi ọgbọ ọbishi, ali iLushọsi ọngi iSairini, iMaini ọni a ga kuele ọli ali oghie Erọdu, ali iSolu.

² Abi e li i kueghie Ọnọmhuẹ ni e li i pfi azumhi, Ayemhẹ-nọ-pfuasẹ ọọ wẹ, “A zẹ iBanabasi ali iSolu-ọ lase na mhẹ ni e ya gbe akanya ni mhi lu wẹ shi.”

³ E pfi azumhi, e ri abọ nga wẹ ukhomhi sọ iromhi na, e ghie wẹ vu.

Elemhi iSapurosi

⁴ Ayemhẹ-nọ-pfuasẹ ọ ghie iBanabasi ali iSolu je iSelusha aghọ e te lo ọkọ oke je eke ni oku o khi shi na lu iSapurosi.

⁵ Abi e rọ ramhi ẹoli iSalamisi, e la owa ugamhi oyi ẹgbọ iJu gue ungmemhi oyi Ẹshinẹgba le. Ijoni ni a gbolo ẹ lu iMaki ọ la aghọ ri obọ da wẹ oni akanya.

⁶ E kia je ukiekie iSapurosi ni o kpọle nya, e bhale ẹoli iPafosi. Aghọ e ya ẹ obo ni a lu iBajisosi ọngi iJu ni ọọ li ẹboli, ni ọ khi ọmekeguele oyi ẹgbhọli.

⁷ Lọli ọ khi ọmọle oni igovunọ ni ọ la oni eke, eva oyi oni igovunọ khi iSajosi iPolosi ni ọ khi ọtsegbhe. Oni igovunọ ọ lu iBanabasi ali iSolu itobọ khi ọ nono ni loli suọ ungmemhi oyi Ẹshinẹgba.

⁸ Ama oni iBajisosi ni ọ liẹ Elimasi ni ọọ li obo, ọ tsua ozughu lo aghọ le ini oni igovunọ ọ khi mẹ asha miesuọ.

⁹ Ighọ iSolu ni a liẹ lu iPolu, ni Ayemhẹ-nọ-pfuasẹ ọ vọ egbe, ọ feli oni obo chii.

¹⁰ Ọọ li, “Yeye omi ọkphaghie! Yeye obe eminete ni u wa li ikenegue. Eẹ u ya rọte imu-ungmemhi oyi Ẹshinẹgba pfi ukhomhi kpọke lasele?”

¹¹ Memena Ẹshinẹgba ọ ya nise obọ oyọli ti ẹ, u ya zẹ alo, waa kẹ gbo dobe ya mẹ ugemhi oyi ovọ ukuku ẹghẹghẹ ne.”

Aghoaghọ, Elimasi ọ mẹ khi alo eyelue e bi obili-a, Ọọ bibi, ọọ nono oni ọ ya mu ọli obọ ke kia.

¹² Abi oni igovunọ ọ rọ mẹ ingme ni a mẹ, ọ miesuọ, irari khi osesẹ ingme oyi Ọnọmhuẹ ọ ri abọ sha li.

Atiọki ni o la elemhi iPisidia

¹³ IPolu ali apfọli e rọte iPafosi lo ọkọ oke da oke oniemi je iPẹriga, ni o khi ẹoli ni o la iPafilia. Ana ijoni ni a gbolo ẹ lu iMaki ọ pfi wẹ shi nyene egbe je iJerusalemu.

¹⁴ E rọte iPẹriga je ẹoli Atiọki ni o la eke iPisidia. Ogbẹle iyemhẹa oyi iJu, e lo owa ugamhi ya shi to.

¹⁵ Abi e rọ rọte ebe ishi oyi iMosisi ali ebe eyi emekeguele zẹ se, eni ẹẹ mhese shi oni owa ugamhi e ghie usomhi ya gueye iPolu ali iBanabasi, ẹẹ wẹ, “Inyoghuo anye, ini a mhọli ungmemhi ni a mẹ ya guele ni o ya ri udu shi ẹgbọ, a ke ngme.”

¹⁶ IPolu ọ vule migha ọ ri obọ nu wẹ ngme. Ọọ, “Eẹ ẹgbọ iZireni ali ẹẹ iJeta ni a ga Ẹshinẹgba a ri esọ shi mhẹ eke!”

¹⁷ Ẹshinẹgba oyi ẹgbọ iZireni ọ zẹ eni e bia awa, loli ọ rẹwẹ khi ẹgbọ eniemi, oni ẹghẹghẹ e khi epfese shi eke ijipiti. Ẹshinẹgba ọ ri ekpabọ eyọli wolọ wẹ eke ijipiti lasele.*

¹⁸ Elemhi ikpe egbhueva ọ ri abọ mu udu na ẹ elemhi ọdagbe ifufu.†

¹⁹ Ẹdẹli ishilua ọ pfusea eke iKena. Ọ ri eke oyewẹ na ẹgbọ eyọli le ugu.‡

* **13:17** Li zẹ Okiali 1.7; 12.51 † **13:18** Li zẹ iNọba 14.34; iDeut 1.31 ‡ **13:19** Li zẹ iDeut 7.1; iJosh 14.1

20 Elemhi ikpe egbhue-uye ali eva ali ikpe igbe (450) a me ingme enana. §

“Abi a ro me ena se, o ri eso-ezo na we ni ee mheshe, ya ramhi eghenge oyi iSamueni omekeguele.

21 Igho eni egbo e mhila Eshinegba o ri oghie na wewe, Eshinegba o rue iSolu omi iKishi oyi unuekpe oyi iBjemi na we. Loli o khi oghie oyewe elemhi ikpe egbhueva.*

22 Abi Eshinegba o ro rue iSolu oghie le, o ri iDefidi le oghie na we. Ingme ni Eshinegba o ngme shi iDefidi egbe na, ‘Mhi she me khi iDefidi omi ijese o khi omose onabi udu oyemhe oo nono, o ya ri ele oghuemhe oyemhe nya.’ †

23 “Rote unuekpe oyi oni iDefidi, iJesu ni o khi Omiepfuese oyi egbo iZireni o te bhale, abi Eshinegba o li roli shobo.

24 Neni iJesu o bhale, ijoni o she kpe gueye egbo iZireni e ti olamhe le, e mufi deba Eshinegba, eghenge agho ni a batazi we. ‡

25 Abi ijoni o ro gbe akanya se, o mhila eni egbo, oo, ‘Oghuo a khokho mhe shi? Mhi aa khi oni a migha a khe. Oni o ya bhale ini mhi gbe akanya oyemhe se, mhi aa fu te ni mhia taghie uli eku ni o so-a.’ §

26 “Inyoghuo-mhe imi Aburaamu, ali ee ijeta ni a na ulishi Eshinegba ni a la akana, oni ungmehi imiepfuese ona, oyawa lo!

27 Egbo ni e la iJerusalemu ali eni ee mheshe na we, ea lese iJesu shi Omiepfuese. Ama igbe-a ni e gbe iJesu-a, o ri emini emekeguele ee ngme, ni ee ze khashe we ele iyemhea kpa bhale ya tse.

28 Abi o tseku khia khi ea me ezo gue shi oli egbe, ee li ipaleti o ze ni a gbe oli-a.*

29 Abi e ro ri ele emini Ebe-no-pfuase o ngme shi oli egbe se, e rue oli apfida tiemhile, e roli to uji. †

30 Ama Eshinegba o rote eghuli guise oli le.

31 Ogbel ebubu o ri egboli khashe egbo eni e nu oli rote iGalili je iJerusalemu. We we e ke pfi otsele shi ingme oyoli khashe egbo eyawa. ‡

32 “Eri anye bhale akana ni anye ya ri oni usomhi onete na e, ikhi ishobo ni Eshinegba o shi na eni e bia awa.

33 O she ri oni ishobo ona tse na awa imi we, abi o li guise iJesu le. Abi a li keke oli shi ebe Iwolo ni uzeva, khi,

“‘Omimhe u khi, ogbe namo,
mhemhe mhi khi Itē.’

34 Abi Eshinegba o rote eghuli guise oli le, ni oa ze oli ghu ke-a, o mu ma ungmehi oyoli ni o la lie, §

“‘Mhi ya ri ikhivose no pfuase,
ni a ri egbe e nga egbegbo
ni mhi shobo na iDefidi ne.’

35 Igho o kie gbo li ngme oli shi ashese.*

“‘Waa ya ze ni
oni o pfuase oye
o ghu ke-a.’

§ 13:20 Li ze iDeut 7.1; iJosh 14.1 * 13:21 Li ze 1 iSam 8.5; 10.21 † 13:22 Li ze 1 iSam 13.14; 16.12;

Iwolo 89.20 ‡ 13:24 Li ze iMak 1.4; iLuk 3.3 § 13:25 Li ze iMat 3.11; iMak 1.7; iLuk 3.16; iJon

1.20,27 * 13:28 Li ze iMat 27.22-23; iMak 15.13-14; iLuk 23.21-23; iJon 19.15 † 13:29 Li ze iMat

27.57-61; iMak 15.42-47; iLuk 23.50-56; iJon 19.38-42 ‡ 13:31 Li ze iKa 1.3 § 13:34 Li ze Aza 55.3

* 13:35 Li ze Iwolo 16.10

36 “Irari khi eri iDefidi o ga Eshinegba abi o ro la agbo, igho o ghu-a, a ri oli to mama eni e bia li. O ke-a shi elemhi uji.

37 Ama idiegbe oyi iJesu ni Eshinegba o rote eghuli guise le, o a ke-a.

38 “Irarigho, inyoghuo, anye tse abo ye e khi obo oyi iJesu a te ya mholi igbe olamhe kua.

39 Onini o da mie oli suo ne, a she pfa na li, o a ke lue shi emini Ushi oyi iMosisi o a dobe pfa na we shi.

40 A mhue egbhe, ini emini emekeguele e ngme o khi ya tse shi e egbe, ni ee,

41 “ ‘A ghe i, ee ni

a ri Eshinegba a li egia

Oshabo o sha e, a pfua.

Irari khi mhi ya ri ele

emhi eghoghe oye e

ni aa ya mie shi ghue,

ini obo o tseku gue oli ye e.’ ”†

42 Abi iPolu ali iBanabasi e ro rote oni owa ugamhi vu, eni ebo e gbo lu we e nyene egbe bhale ogbele ugamhi olese ya nu we we ngme oni ungmehi.

43 Abi oni ilegba o ro gbhia khuse, ebo iJu ali ebo iJeta eni e she mu pfi bhale ugamhi oyi ebo iJu, e kpikpi i deba iPolu ali iBanabasi. IPolu ali iBanabasi e ye we ude, e kie ke deba okhale ni e a fu te ni Eshinegba o ri ele na we.

44 Ele iyemhe na ni o deba li, ebo ni e la oni eoli nya e legba ni e ri esho shi ungmehi oyi Eshinegba.

45 Abi ebo iJu e ro me oni ilegba, ee kpe ofuma, ee kholo ingmehi zu iPolu unu, e tsue oli.

46 Ama iPolu ali iBanabasi e ngme ungmehi igbedu, e li, “Ee a khi eni anye kha mema kpe gue ungmehi oyi Eshinegba ye neni o ramhi eboese egbe. Ama abi a ke ro kie oni ungmehi ni aa ro sa khi o ti ni a mholi agbo na agbo agbo egho, mena, anye ya ze e obo, anye deba ebo iJeta.

47 Irari khi ona khi omhese ni Onomhue o mhesa na anye, ni o ree,‡

“ ‘Mhi she re e khi akpa na ebo iJeta,

ni agbo nya e mhue imiepfuese.’ ”

48 Abi ebo iJeta e ro suo ona, ee ghele, ee kueghie Eshinegba shi oni ungmehi, ebo eni a she ze shi agbo na agbo agbo, e mie iJesu suo.

49 Oni ungmehi oyi Onomhue o gbhiaku asha kpa oni eke.

50 Ama ebo iJu e tano shi ikpotso ni ee na ulishi Eshinegba ni a mu ekpe a na ali ekhemue eyi oni eoli. E sese ebo ni e mu okhali oniemi vule shi iPolu ali iBanabasi o, e khu we fie lase oni eoli.

51 Ama eni eniye odukhokho eyi iJesu e kpishi itutu awe shi eke, ni e pfi otsela mu eni ebo. E rote agho dose je eoli iKoniomu. §

52 Oghela ali Ayemhe-no-pfuase o lo eni e miesuo egho egbe.

14

Emini a me iKoniomu

1 IPolu ali iBanabasi e lo owa ugamhi oyi ebo iJu obini iKoniomu, abi e kie kpe e li. E lolo gue e ngme ungmehi ni o lo ebo esho, ni o ri ebubu ebo iJu ali iJeta miesuo.

† 13:41 Li ze Abak 1.5 ‡ 13:47 Li ze Aza 42.6; 49.6 § 13:51 Li ze iMat 10.14; iMak 6.11; iLuk 9.5; 10.11

² Ama ẹgbọ ifu ni ẹa lama miesuọ, e tanọ ẹgbọ ijẹta abọ ni elemhi o yese we-a deba eni e miesuọ.

³ Ighọ iPolu ali iBanabasi e kushi aghọ tẹṣe, e ri igbedu u ngme ungmemhi oyi Onomhūe ni ọ pfi ọtṣeṣe shi ungmemhi okhale oyọli, rọte ekpabọ ni ọ rọ na wẹ ẹ gbe akanya Ọnyalọ ali Oshabọ.

⁴ Okemhi o lo oni ẹdẹli le, ẹgbọ eghuo e kugbe ẹgbọ ifu ọ, eghuo ọ e la ukhokho oyi ighiusomhi na keṣe.

⁵ Ighọ ẹgbọ ijẹta eghuo ali ẹgbọ ifu ali enighie eyewẹ, e gba abi e li ya gbe wẹ ali abi e li ya tonu wẹ eche.

⁶ Abi eni ighiusomhi e rọ suọ ona, e na je ẹoli iLisitira ali iDẹbi ni o la eke iLikaonia ali ẹoli elese ni e mama wẹ.

⁷ Aghọ e la a gue usomhi onete le.

Elemhi iLisitira ali iDẹbi

⁸ Omọse oghuo ọni a bia ọkhomhi ni ọa kia ghue abi a te bia li, ọ li la oni iLisitira.

⁹ O shito aghọ ri esọ shi ungmemhi ni iPolu ọọ ngme. IPolu ọ mẹ khi ọ mhọli irudunga ni o doṣe ya rọ li ze, iPolu ọ bino ọli chii.

¹⁰ O tṣeṣe leghe, ọọ, “Vule migha!” Ọni omọse ọ ti vule, ọọ kia gasẹ.

¹¹ Abi eni ẹgbọ e rọ mẹ akanya ni iPolu ọ gbe, e ngme ẹlẹmhi iLikaonia, ee tṣeṣe, ee liẹ, “Ilitsa e mele ẹgbọ-a bhale iteva oyawa o!”

¹² Eva ni e lu iBanabasi khi iZeusi,* itobọ khi iPolu khi ọni ọ mema e ngme, e lu ọli Amẹsi.†

¹³ Ọni ọọ luasẹ oni olitsa iZeusi, ni okula oyọli o la ukhokho apfẹ oni ẹoli, o muno ena enokpo ali idodo je oni odẹ unuẹkpẹ oyi oni ẹoli, itobọ khi lọli ali eni ẹgbọ ee nono ni wewẹ ya luasẹ iBanabasi ali iPolu abi ilitsa.

¹⁴ Abi iBanabasi ali iPolu e rọ suọ emini eni ẹgbọ e mu egbe khi e ya riẹṣe, e nyanọ itsua shi egbewe uruli, e nanọ lo eni ẹgbọ ifuabo. Ee tṣeṣe liẹ,

¹⁵ “Elọ e zẹ khi a li na?” Ẹgbọ enabi ẹẹ anye khi! Ungmemhi usomhi onete anye rọ tse abọ khase ẹ, ni a rọte ugamhi afuẹ mu pfi deba Eshinẹgba ni ọ laọ, ni ọ ma eke ali ukhuli ali oke oniẹmhi ali emini e la elemhi wẹ nya.‡

¹⁶ Eghẹghẹ ni o doṣe, Eshinẹgba ọ zẹ ni ushishi ogbogbo ọ ngeli abi o ghọle ọli.

¹⁷ Ama ọ kie rọte akanya onete oyọli ri ọlẹṣe khase khi lọli laọ, lọli ọ rọte idane e ruṣe amẹ shi emhi ẹkomhi shi eghẹghẹ, lọli ọ ri eminale na ẹ ẹ le, ọ ri oghẹṣe ẹ shi ẹ udu.

¹⁸ Abi iPolu ali iBanabasi e riẹ lina nu wẹ ngme ingmemhi ena, ẹa kie doṣe mu wẹ gba e khi luasẹ ẹwẹ abi ilitsa.

¹⁹ Ẹgbọ ifu eghuo e rọte Atiọki ali iKoniomu bhale, e ri eta-ọlẹlẹmhunu ti eni ẹgbọ mama egbe, e tonu iPolu eche, e tialọ ọli eke fiẹ je ukhokho oni ẹoli, e dabi khi ọ she ghua.

²⁰ Ama abi eni e miesuọ e rọ le gasẹ ọli, ọ vule, ọ nyenẹ egbe je ifuapfẹ ni a la tonu ọli eche. Ogbeakọlọ, lọli ali iBanabasi e je ẹoli iDẹbi.

²¹ IPolu ali iBanabasi e gue usomhi onete le elemhi iDẹbi, ebubu ẹgbọ e miesuọ. Ighọ e nyenẹ egbe je iLisitira ali iKoniomu ali Atiọki ni o la iPisidia,

²² e ri udu shi eni e miesuọ ọ e ri igesikia migha shi oni irudunga. Eẹ wẹ, “Neni awa lo Eghiele oyi Eshinẹgba, awa ya mẹ anasẹmhẹ.”

* **14:12 iZeusi:** IZeusi o khi ọga iyemhẹ ni ẹgbọ iGiriki e ga. Isheghuo a lu ọli iJupita. Olitsa ọlese ni a lu Amẹsi ẹẹ khi ọ khi aghiusomhi oyọli † **14:12 Amẹsi:** Amẹsi o khi ewa oyi olitsa ni ẹgbọ iGiriki e ga. Eri ẹgbọ iGiriki ena e liẹ khi aghiusomhi oyi iyemhẹ elese ‡ **14:15** Li zẹ Okiali 20.11; Iwolo 146.6

²³ Elemhi igbaa nya eyi eni e mie iJesu iKirisiti suŋ ɔdɔda, ee zɛ egbhali shi, ee pfi azumhi sɔ iromhi na wɛ rɛwɛ nga Ɔnɔmhuɛ ni e regbenga obɔ.

²⁴ Abi e rɔ kia gasɛ ekɛ iPisidia se, e je ekɛ iPafilia.

²⁵ Abi e rɔ la ɛoli iPɛga gue usomhi onete le se, e te aghɔ je ɛoli Atalia.

²⁶ Aghɔ e te lo ɔkɔ-ɔkɛ oniɛmhi nyenɛ egbe jele obini Atiɔki; Ashini eni e miesuɔ e ke la sɔ iromhi na wɛ rɛ wɛ nga okhale oyi Ɛshinɛgba obɔ shi akanya ni e ye ya gbe se.

²⁷ Abi e rɔ jele Atiɔki, e lu eni e miesuɔ tighili, e gweyɛ wɛ ikanya ni Ɛshinɛgba ɔ rɛ wɛ gbe ali abi ɔ li khueghie ode-a na ɛgbɔ iJɛta ni e miesuɔ.

²⁸ E nu eni e miesuɔ la akaghɔ tɛsɛ.

15

Ilegba ni a mɔhɔli shi iJerusalɛmu

¹ Ɛgbɔ eghuo e rɔte ekɛ iJudia bhale Atiɔki, ee sɛsɛ eni e miesuɔ khi, Ini aa li shɛlɛ wɛ-a abi Ushi oyi iMosisi o ngme ɛa ya khi eni a miepfuese.*

² Onana o pfi ingme ni o zɛ khi iPɔlu ali iBanabasi e nu eni ɛgbɔ ni e rɔte iJudia bhale e khakɔ. Irarighɔ, a zɛ iPɔlu ali iBanabasi ali eni e miesuɔ elese e nga iJerusalɛmu ya mɛ ighiusomhi na kɛɛ ali eni egbhali shi oni ingme.

³ Ighɔ e ghie wɛ e ke lɛ, abi e li rɔte ekɛ iFonisha ali iSameria dɔsɛ ɛ lɛ, ee gweyɛ ɛgbɔ abi ɛgbɔ iJɛta e li mu pfi deba Ɛshinɛgba. Onana o pfi oghele oniɛmhi na eni e miesuɔ.

⁴ Abi e rɔ ramhi iJerusalɛmu, eni e miesuɔ ali eni egbhali ali ighiusomhi na kɛɛ, e mu wɛ epfɛse. Eni a ghie usomhi e gweyɛ wɛ ikanya ɔdɔda ni Ɛshinɛgba ɔ rɔte obɔ oyewɛ gbe.

⁵ Ama eni e miesuɔ eghuo ni e la otu iFarisi e vule, ɛɛ li, “Ɛgbɔ iJɛta e mema shɛlɛ-a. A gweyɛ wɛ e ri Ushi oyi iMosisi ke gbe akanya.”

⁶ Ighiusomhi na kɛ ali eni egbhali e ye ochi shi oni ingme ona.

⁷ Abi e rɔ khakɔ shi ɔ tɛsɛ se, iPita ɔ vule, ɔɔ wɛ, “Inyɔghuo, a lɛsɛ khi egheghe ni o dɔsɛ, Ɛshinɛgba ɔ rɔte iteva oyɛ ɛ zɛ mhɛ mhi ka gue oni usomhi onete yɛ ɛgbɔ iJɛta ni e mɛ asha suɔ, ni e miesuɔ.†

⁸ Ɛshinɛgba ni ɔ lɛsɛ isamhi ni e la ogbɔkpa udu, ɔ ri Ayɛmhɛ-no-pfuasɛ na ɛgbɔ iJɛta, rɔ rɔli khasɛ khi lɔli li mie wɛ, ɛzɛzɛ abi ɔ li li mie awa.‡

⁹ Ɔa ri ikhiɔda shi iteva oyawa ali wɛwɛ, irari khi ɔ khuɛsɛ udu oyewɛ-a pfuasɛ itobɔ khi e imiesuɔ.

¹⁰ Memena, elɔ o zɛ khi a nono ni a mhɛsɛ Ɛshinɛgba bino, ni a rɔ ɔ sheli iJɛta ni e miesuɔ itsua ni awa ali eni e bia awa ɛa dobɛ tsua?

¹¹ Iiye! Awa lama shi ɔ khi okhale oyi iJesu iKirisiti Ɔnɔmhuɛ o mie awa pfuese, ighɔ li khi wɛwɛ.”

¹² Oni igbaa e tsaghie-a tsuke, abi e rɔ suɔ ɔlɛlɛ eyi ɔnyaloa ali oshabɔ nya ni Ɛshinɛgba ɔ rɔte obɔ oyi iPɔlu ali iBanabasi gbe iteva oyi ɛgbɔ iJɛta.

¹³ Abi e rɔ ngme se, ijemhisi ɔɔ, “Inyɔghuo, a ri esɔ shi mhɛ ekɛ!

¹⁴ ISamo iPita ɔ lɛsɛ guele abi Ɛshinɛgba ɔ li mɔhɔli ɔmuegbe shi ingme oyi ɛgbɔ iJɛta, ni ɔ rɔte elemhi wɛ sanɔ ɛgbɔ, rɔ mele ɛgbɔ eyɔli-a.

¹⁵ Onana o ri emini emekɛguele e kɛkɛ shi Ebe-no-pfuasɛ bhale ya tɛsɛ, ni ɔɔ,

¹⁶ “Ini a mɛ enana se,
mhi ya nyenɛ egbe bhale,
mhi rue eghiele oyi iDefidi

* 15:1 Li zɛ iLɛv 12:3 † 15:7 Li zɛ Ika 10.1-43 ‡ 15:8 Li zɛ Ika 2.4; 10.44

gbo nyene egbe bhale,
mhi rięę ikpukpu-igbe
ni e de kua oyọli ma,
mhi gbo zese ọli-a.

17 Ishegho egbo ni e kpole nya
e nyene egbe bhale deba Onomhue,
egbo iJeta nya ni mhi lu,
e bhale ya khi eyemhe,

Onomhue o ngme ghọ,
ni o rięę emhi ena.'

18 Lọli o she kpe ze

ni a lese ona shi eke agboagbo. §

19 "Abi mhi so o shi khi, awa khi pfi egbo iJeta ni e nyene egbe bhale deba Eshinęba lo omunu.

20 Awa ri ochoghọ keke ebe ya gweye we, e khi ke le eminale ni a ro luase ikhumhi. Awa gbo gweye we e khi ke ku itsebo, e khi ke le elamhi ni aa fa uruli, e khi ke da ọlia.*

21 Irari khi o she tese ni a te la owa ugamhi e ze ebe Ushi oyi iMosisi ele Iyemhea kpa, a ri ingme oyọli e tse abo ifui ọli kpa."

22 Igho ighiusomhi na keke ali eni egbhali ali eni e miesuo nya e te eni egbo ze emose aava ni a mu ekpe e na ma iPolu ali iBanabasi egbe, je Atioki. IJudasi iBasabasi ali iSalasi e ze.

23 Ebe ni e keke ro ghie we usomhi na:

Anye ighiusomhi na keke ali eni egbhali ni anye khi inyoghuo e, anye tse ee Inyoghuo anye ni a khi egbo iJeta ni a la Atioki ali iSiria ali iSilisha.

24 Anye suo khi egbo eghuo e rote anye iteva vu ni o khia khi ọa khi anye ghie we, ni e bhale ya nu e ngme ingmemhi ni oo yese e elemhi-a ali ni oo nase e udu.

25 Irarigho, anye ro kugbe ghie emose eghuo ghi e, e deba iBanabasi ali iPolu emole anye bhale.

26 Emose ena e she ri agbo oyewe shi okhena itobo eva oyi iJesu iKirisiti Onomhue.

27 Irarigho, anye ro ghie iJudasi ali iSalasi ni e ri unu gue emini anye keke shi ebe ye e.

28 O ti Ayemhe-no-pfuase ali anye eloe, ini anye khi ri itsua elese nase e tsua dose ishi enana.

29 A ti egbe eminale ni a ro luase ikhumhi le, a khi ke da ọlia, a khi le elamhi ni aa fa uruli. A khi ku itsebo. O ma a ti e egbe ini a lase emhi enana le.

Eshinęba o nu e la.

30 Eni emose ni a ghie usomhi e vu ya tiemhi Atioki. E ti eni e miesuo nya gbili, e ri oni ebe na we.

31 Abi eni egbo e ro ze oni ebe se, oghel o vo we elemhi itobo khi usomhi onete ni o ri udu e shi ogbo o o tsua.

32 IJudasi ali iSalasi ni e khi emekeguele e nu we ngme ebubu ingmemhi ri udu shi we o, e zese we-a.

33 E nu we la agho ukuku eghęghę, eni e miesuo e tse we okhila. Wewe ni a ghie usomhi e nyene egbe je iJerusalemu deba eni e ghie we.

34 [Ama iSalasi o lama nu we la agho.]

³⁵ IPòlu ali iBanabasi e la Atiòki, wẹwẹ ali ẹgbọ elese e la aghọ ọ sẹsẹ, ee tse abọ ungmemhi oyi Ọnọmhue.

IPòlu ali iBanabasi e vase egbe-a

³⁶ Abi ebubu ogbele e rọ dọsẹ, iPòlu ọ gueyẹ iBanabasi, ọọ li, “Awa nyene egbe je ẹoli ni awa te dọsẹ ni awa ya bino ẹgbọ ni awa gue ungmemhi oyi Ọnọmhue yẹ, ni awa mẹ abi e ke laọ shi.”

³⁷ O ghọle iBanabasi ni e tsua iJoni ni a gbolo ẹ lu iMaki ma egbe vu.

³⁸ Ama ọa ghọle iPòlu ni e tsua li. Itobọ khi ọni iJoni ni a gbolo ẹ lu iMaki ọa nu wẹ gbe ikanya ramhi ukpẹsẹ ni ọ rọ tsua wẹ kua eke iPafilia vu, ọ sọ ukhokho gbe wẹ.†

³⁹ IPòlu ali iBanabasi e mhọi ekhako ni o toto shi ingme ona, e kemhi egbe. IBanabasi ọ rue iJoni iMaki ma egbe, e lo ọko-oke oniẹmhi da je iSapurosi.

⁴⁰ Ama iPòlu ọ pfi obọ rue iSalasi, e vu abi eni e miesuọ e rọ sọ iromhi na wẹ, rẹ wẹ nga okhale ireloe-khu oyi Ọnọmhue se.

⁴¹ E kia rọte eke iSiria ali iSilisha, e ri udu u shi igbaa nya eyi eni e mie iKirisiti suọ ọ.

16

ITimoti ọ deba iPòlu ali iSalasi

¹ IPòlu ọ bhale ẹoli iDẹbi ali iLisitira, ashini ọmọ odukhokho ni a lu iTimoti ọ la. Inyọli ni ọ li miesuọ ọ khi ọngi iJu, ama itali ọ khi ọngi iGiriki.

² Igbaa oyi eni e mie iJesu iKirisiti suọ ni e la iLisitira ali iKoniọmu nya e ngme onete oyi iTimoti.

³ IPòlu ọọ nono ni lọri ri iTimoti ma egbe vu, ighọ ọ shele ọli-a. Itobọ khi ẹgbọ iJu ni e la oobọ e ga lẹsẹ khi ita iTimoti khi ọngi iGiriki lọ.

⁴ Abi e li kia ẹoli i gase, e sẹsẹ eni e miesuọ ilamashi ni ighiusomhi na kẹẹ ali eni egbhali ni e la iJerusalẹmu e kẹkẹ shi ebe na wẹ, e gueyẹ wẹ, e rẹwẹ gbe akanya.

⁵ Ighọ igbaa nya eyi eni e mie iKirisiti suọ, e fu u shi irudunga, ee bua shi ọ elekpa.

IMEkẹ ni iPòlu ọ mẹ obini iTiroasi

⁶ IPòlu ali eni e ga kia, e rọte eke iFirigia ali iGalesha, itobọ khi Ayemhẹ-nọ-pfuasẹ ọa zẹ wẹ gue usomhi onete le eke Esha.

⁷ Abi e rọ ramhi eke iMisia, ee nono ni wẹwẹ e lo elemhi eke iBitinia, ama Ayemhẹ oyi iJesu ọa zẹ wẹ lo.

⁸ Ighọ e rọte eke iMisia dọsẹ je iTiroasi.

⁹ Elyiọsẹ ẹlẹghọ iPòlu ọ mẹ ime-alo, ọ mẹ khi ọngi iMasidonia ọ migha a lema, “Bhale iMasidonia ni u ya kpaghie anye obọ!”

¹⁰ Abi iPòlu ọ rọ mẹ oni imekẹ se, anye mu egbe e lẹ iMasidonia, itobọ khi anye lẹsẹ khi Eshinegba ọ she lu anye, anye je aghọ ya gue usomhi onete le.

ILidia ọ mu pfi

¹¹ Anye rọte iTiroasi lo ọko-oke oniẹmhi da okẹ oniẹmhi je iSamotirasi, ogbeakọlọ, anye te aghọ je iNiapolisi.

¹² Aghọ anye te je ifuapfẹ oyi iFilipi ni o khi ẹoli ni o mu ẹloe shi eke iMasidonia ni ebubu ẹgbọ iRomu e ngeli. Anye ga la aghọ ebubu ogbele.

¹³ Ogbele iyemhẹa oyi ẹgbọ iJu, anye te oni ẹoli vu je oni okẹ, ashini anye khokho khi ẹgbọ iJu ee lona shi iromhi isosọ. Anye shitọ nu ikpotso ni e legba aghọ ngme.

† 15:38 Li zẹ Ika 13.13

14 Ọkpotoso ọghuo elemhi wẹ ni ọ ri esọ shi ekẹ khi iLidia ọngi iTiatura, ọni ọ ri ide eyile ẹ de. Ọ khi ọkpotoso ni ọọ na ulishi Ẹshinẹgba. Abi iPọlu ọ li i ngme, Ẹshinẹgba ọ khueghie ọli udu-a shi oni ungmemhi.

15 Abi a rọ batazi ọli ali apfọli se, ọ lu anye je owa oyọli, ọọ anye, “A kha lẹsẹ khi egbegbi ọni ọ miesuo mhi khi, a bhale ya ku shi na mhe.” Ọ ti anye shi ọ ramhi ni anye rọ lama shi ọli ọ.

A mu iPọlu ali iSalasi shi igha

16 Ẹlẹghuo abi anye li i je ashini anye la a sọ iromhi, ọmueshi oghumha ọghuo ni ọ mhọli ayemhe obe ni ọ rọ ọ mekẹ guele emini a ya me, ọ ya to anye ukhomhi. Eri ọ ri oni ekpabọ imeguele ona a gbe ikpaghọ na eni e mhọli ọli.

17 Ọọ deba iPọlu ali anye, ọọ tsesẹ, ọọ lie, “Eni ẹ ga Ẹshinẹgba ni ọ funẹ eni ẹgbọ ena e khi! Eri ẹ tse abọ guele abi a li ya mhọli imiepfuese!”

18 Ina ọ li i rieleye ọli ogbele kpa ya ramhi ni oni ingme o rọ ri elemhi i bi iPọlu, igho iPọlu ọ nyenye egbe gueye oni ayemhe, ọọ li, “Mhi ri eva oyi iJesu mhese ne, fie ọli idiegbe ya lase!” Aghoaghọ oni ayemhe o fie ọli idiegbe ya lase.

19 Abi eni e mhọli ọli e rọ me khi ẹa ke me ikpaghọ afa ni e kpe te ẹ ọli obọ ọ me, e mu iPọlu ali iSalasi tialọ ghi enighie obini agbala oyewe.

20 E wolọ wẹ bhale odalo oyi esọ-ẹzọ, ẹẹ wẹ, “Emose ena, ẹgbọ iJu e khi ni e pfi ozughu ẹ shi awa ifuapfe.”

21 E kia a sese ẹgbọ imu ni e khi ọda shi eyi awa. Awa ni awa khi iRomu, awa aa ya dobe ri osese oyewe gbe akanya.”

22 Eni ebubu ẹgbọ e kuma wẹ ọ gue ẹzọ shi iPọlu ali iSalasi egbe. Igho eni esọ-ẹzọ e gueye wẹ e banọ wẹ a, e gbe wẹ itali.

23 Abi e rọ gbe wẹ egbegbọ se, e tigbe pfi wẹ lo owa ighumha. E gueye ọni ọọ khe-ekhe ọ pfi okpe ashini ọ rewe shi egbegbọ.

24 Abi a rọ ri oni omhesẹ na li se, ọ mu wẹ kulo owa aza elemhi oni owa ighumha, ọ sọ wẹ awe igha.

25 Abi itsotso ogbie o rọ mu ekẹ, iPọlu ali iSalasi ee sọ iromhi, ee to uwolo kuẹghie Ẹshinẹgba. Ighumha eni e kpole e ri esọ shi wẹ ekẹ.

26 Udemhija, ekẹ o ri itoto nighise. Oni owa ighumha o rote ekẹ jighise egbegbọ. Eloawe eloawe, ode nya ni e lo oni owa le e khueghie-a. Iweghẹ ni e rọ ge eni ighumha nya e ku wẹ awe-a.

27 Abi ọni ọọ khe ekhe agho ọ rọ me khi ode ni e la oni owa ighumha nya khi e khueghie-a, ọ dabi khi ighumha ni e la agho nya e she pfue. Igho ọ ji itakobi emhi lasele ni luẹ rọ gbe egbelue-a.

28 Ama iPọlu ọ tsesẹ leghe, ọọ li, “Khi gbe egbe e-a! Anye nya anye la ana.”

29 Ọni ọọ khe ekhe ọgho ọ lu ogbo ọ nyanya rue ugbi bhale. Ọ ri ulishi-lishi na buẹ buẹ, ọ de ya wugha odalo oyi iPọlu ali iSalasi.

30 Igho ọ rue wẹ lasele, ọ mhila wẹ, “Elo mhi ya li ni mhi rọ ya mhọli imiepfuese?”

31 Ẹẹ ọli, “Yeye ali apfe nya a mie iJesu Onomhue suọ khi a ya mhọli imiepfuese.”

32 Igho e gue ungmemhi oyi Onomhue ye ọli ali apfe ọli.

33 Igho ọni omose ọ wolọ wẹ, ọ dua wẹ utse ni a kuali wẹ. IPọlu ali iSalasi e rue ọli ali apfọli ya batazi na aghoaghọ.

34 Igho ọ rue iPọlu ali iSalasi nga owa oyọli ya ri eminale na le. Oghẹle o vọ ọli ali apfọli nya udu irari khi e she mie Ẹshinẹgba suọ.

35 Ẹlẹ uzogbe ogbeakolo, eni esọ-ẹzọ e ri unu na ipolisi e ka gueye ọni ọọ khe-ekhe ọgho, “Zobe emose egho obọ ni e vu.”

³⁶ Igho oni o o khe ekhe ogho o o iPolu, “Eso-ezo e she ri unu bhale a wolo e abo-a ni a ke vu. Opfomhe o ka nu e kia.”

³⁷ Ama iPolu o o li, “Anye a li ingme okhoghuo ni a ro mu anye gbe itali ukpelo e oyi egbo nya, aboriekhia khi egbo iRomu anye khi! Ama e mu anye kulo owa ighumha. Memena, ee nono ni wewe e bena rue anye abo-a, o a ya tse e! Eni eso-ezo wewe-ghuo e bhale ya wolo anye lasele.”

³⁸ Eni ipolisi e le ya gueye eni enighie abi e ngme. Abi e ro suo khi egbo iRomu iPolu ali iSalasi e khi, ulishi o mu we.

³⁹ Igho e vu ya kuegbe-a lema we, e wolo we owa ighumha le, e lema we e kpekpe e lase ewe ifuapfe le.

⁴⁰ Igho iPolu ali iSalasi e lase oni owa ighumha le, e ya je apfe oyi iLidia. E bhale ya e eni e miesuo agho. E ri udu shi we o, e rote agho vu.

17

Obini iTesalonika

¹ IPolu ali iSalasi e rote Afipolisi ali Apolonia dose e bhale iTesalonika ashini owa ugamhi oyi egbo iJu o la.

² IPolu o dose je owa ugamhi abi o kie kpe e li. Efo uka ese o la agho nu we rote Ebe-no-pfuase ku ochi.

³ O rote Ebe-no-pfuase roli khashe gboo, khi oni Omiepfuese, o mema ya me osoli, o rote eghuli guale. IPolu o gueye we, “Ijesu ni mhi ro o tse abo ye e o khi oni Omiepfuese ni Eshinegba o shobo khi lolu ya ro bhale.”

⁴ Egbo iJu eghuo e mie shi emini iPolu ali iSalasi e ngme, e ku ma we o o ga Eshinegba. Igho li khi egbo iGiriki eni e na ulishi Eshinegba ali ebubu ikpotso ni e fialo-a e li miesuo.

⁵ Ama egbo iJu ee kpe ofuma, e kia ya luno egbo usueso-akhue tigbili shi okholi. E pfi ozughu shi oni edeli nya. E tsua okholi lo owa oyi omose ni a lu ijasi ya nono iPolu ali iSalasi ni wewe e muno we lasele na eni egbo.

⁶ Ama abi ea ro me we, e tialo ijasi ali eni e miesuo elese gho je odalo oyi enighie eyi oni eoli, e tseshe leghe, e lie, “Emose ena e she pfi ozughu shi asha kpa! Memena e gbo bhale ifuapfe eyi awa,

⁷ Ijasi o mie we shi owa oyoli. E da ishi eyi iSiza, ee khi oghie olese o la o ni a lu Ijesu.”

⁸ Abi e ro suo eni ingmemhi ena, elemhi e te odode yese eni ebubu egbo ali enighie eyi oni eoli-a.

⁹ E ri ijasi ali eni a ga muno we egho ze oko, neni a tigbe zewe vu.

Elemhi iBerea

¹⁰ Obili o lese bi elegho, eni e miesuo e ghie iPolu ali iSalasi je iBerea. Abi e ro ramhi agho, e je owa ugamhi oyi egbo iJu.

¹¹ Egbo ni e la agho e mholi udu ni o khueghie-a dose eni e la iTesalonika. E ri eso shi oni usomhi onete egbegbo. Ogbele kpa e ro wena Ebe-no-pfuase ni e me ini emini iPolu o gueye we ini igesikia lo.

¹² Egbo iJu ebubu e miesuo, ikpotso iGiriki ni e fia alo-a, ali emose iGiriki e li miesuo.

¹³ Ama abi egbo iJu ni e la iTesalonika e ro suo khi iPolu o la iBerea a tse abo ungmehi oyi Eshinegba, e bhale agho ya ngmiashe egbo e ka pfi ozughu.

¹⁴ Eloawe eloawe, eni e miesuo ee iPolu vu ke je egele oko oniemhi, ama iSalasi ali iTimoti e kie la iBerea.

¹⁵ Eni emose ni e kphase iPolu, e ro li bhale Ateni, e gbo nyene egbe je iBerea. IPolu o ghie we ghi iSalasi ali iTimoti e kele bhale ya e luwe shi agho.

Abi iPolu o ro la obini Ateni

¹⁶ Abi iPolu o li migha Ateni i khe iSalasi ali iTimoti, o me ilitsa ododa ni e la oni eke, o nighise oli ayemhe.

¹⁷ Igho o nu egbo iJu ali egbo iJeta ni ee na ulishi Eshinegba ku ochi elemhi owa ugamhi. Igho o li gbo nu egbo kpa ni e rote olele e dose e ngme ogbele kpa.

¹⁸ Egbo eghuo ni e sese, ni e khi Epikuria ali iSitoiki e nu oli i khe ako. * Abi iPolu o ro ngme ungmehi oyi iJesu ali irote eghuli guale, eghuo o e lie, "Elo oyeghe ona o me e ngme?" Eghuo ee li, "Abi khi eri o o lie awa ke ga ilitsa eyi eoli oboese?"

¹⁹ Igho e rue iPolu bhale owa ni a lu Aropagosi. (Owa ona eguebe ni e la eoli Ateni ee legba.) "Anye e nono ni u gueye anye abi ose e onogbo ona o ngme.

²⁰ Ingmehi ni u wa ngme, enegbo e khi shi anye eso, gueye anye abi e ngme."

²¹ Irari khi egbo Ateni nya, ali epfese ni e la o, e ma pfuse eghenge-a ke ngme ingmehi ali ke ri eso shi owena ali ilese enegbo ni e she lasele e gbibi eke.

²² IPolu o vule migha we iteva o we, "Emose Ateni, mhi me e me khi egbo ni e mhue ulishi oyi Eshinegba a khi.

²³ Irari khi abi mhi roo kia ifuapfe eye e gase mhi bino ikhumhi ebubu ni aa ga. Mhi me okula oghuo ni a keke emhi shi, ni oo, 'Oyi olitsa ni aa lese.' Emini a ga ni ee khi aa lese, mhi ya gue ingme oyoli ye e ena.

²⁴ "Eshinegba ni o ma agbo ali emhikpa ni e la elemhi we, loli o khi Onomhue oyi eke ali ukhuli ni o ya la Owa ugamhi ni egbo e ri abo to.

²⁵ Wekhi eri o nono emhikhoghuo ali ikpaghiobo oyi egbo. Itobo khi loli o ri agbo ali ayemhe ali emhikpa na egbo nya.†

²⁶ Ogbo oghuo o te ma egbo ododa na ushishi ni e la agbo nya, Lolighuo o ri eghenge shi eke na ushishi ni e ro ya la agbo ali khi o shi ughuli oyi ogbogbo nali.

²⁷ Loli o ligho riele ona ini egbo e rosheka ke nono oli, ini e me asha ramhi oli egbe. Ama Eshinegba o nuata shi onge-awa o.

²⁸ 'Loli o ri ekpabo na awa la agbo ni awa ro o kia, ni awa ro khi oni awa khi,' ali khi, 'imi oli awa khi,' abi ekekebe eye e eghuo e li ngme oli.

²⁹ "Irarigho, aborokhia khi imi Eshinegba awa khi, awa khi ke roli khokho isheli ni egbo e ri eneli ri igolu ali elomho ali echema.

³⁰ Eghenge ni o dose, eri Eshinegba o mu alo kua shi umhalese oyi egbo. Memena o she ri omhese ni ogbokpa ni o la ashakpa o mu nyene.

³¹ Irari khi o she shi ogbele shi eke ni o ro ya ri omose oghuo gue agbo kpa ez. Eshinegba o she rokhasa agbo khi igesikia onana o khi ni o ro rote eghuli guise oni omose ona le."

³² Abi e ro suo khi iPolu o ngme ramhi irote eghuli guale, e ri oli i li egia, ama elese ee oli, "Anye a nono ni anye gbo suo ungmehi ona elelese."

³³ Igho iPolu o rote oni ilegba vu.

³⁴ Emose eghuo e deba li, e mie oli suo. IDionisusi ni o khi oghuo oni igbaa Aropagosi o li deba li. Igho li khi okpotso oghuo ni a lu iDamarisi ali egbo eghuo elese e li la.

* **17:18** Egbo Epikuria ali iSitoiki ena, e deba ose e ni ea te ode, eyi o ni a lu Epikurosi ali iZeno. Eri Epikurosi oo sese egbo e zobe ni oghele o khi emini e na khu agbo oyewe, a na ke na emini e ya pfi osoli ali ulishi na we. Egbo iSitoiki e deba ose e ni ea te ode eyi iZeno, ni oo ogbokpa o ke li agbo oyoli abi usamhi oyoli o lama na li shi. Ogbo khi zobe ni usamhi agbo aruele okeki oyi osoli, ni o nase oli.

† **17:25** Li ze 1 Ighie 8.27; Aza 42.5; Ika 7.48

18

Abi iPölu o rō la iKōriti

1 Abi a rō mē eni ingme ena se, iPölu o rōte ɛoli Atēni vu je ɛoli iKōriti.

2 Agho o bhale ya ɛ ŋngi iJu oghuo ni a lu Akuila ni a bia shi eke iPötusi. Ōni lōli ali ughue ōli ni a lu iPisila e lešē rōte eke Itili bhale, irari khi oghie iRomu nya ni a lu iKiladiusi o shi ushi na ɛbō iJu nya ni e la ɛoli iRomu nya e lase ɛoli iRomu le. iPölu o le ya bino we,

3 irari khi akanya ŋni o ri ide ɛ ghi okholo o o gbe, o nu Akuila ali iPisilia a gbe oni akanya ni ee gbe. O nu we la agho.

4 Ogbelē Iyemhēa oyi ɛbō iJu kpa o rō je owa ugamhi oyi ɛbō iJu ya nu we ku ochi ini o doḅe ri oni ungmemhi lo ɛbō iJu ali ɛbō iGiriki eso.

5 Abi iSalasi ali iTimoti e rō rōte eke iMasidonia bhale, iPölu o ri ɛghēghe ni o mhōli nya gue oni ungmemhi ye ɛbō iJu, khi iJesu o khi Ōmiepfuese ni Eshinegba o shobō khi o ya bhale.

6 Abi eni ɛbō iJu e rō nu ōli khe akō ni e rō zē ɛmue ebe na li, ɔa lama shi we o, o kpe abo shi we o, Oo, “Mhi kpe abo shi ɛ o. Ini a pfua, ɛɛ a ya mu ota so. Ōa khi mhēmhē a ya mu ota so shi ōlia eyeɛ. Rōte memena vu, mhia je eke oyi ɛbō iJeta.”

7 O pfi we shi agho vu, o je owa oyi oḅō iJeta ni a lu iTatōsi iJositōsi ni o o ga Eshinegba, ni owa oyōli o la mama owa ugamhi oyi ɛbō iJu.

8 IKirisipusi ni o khi oga shi oni owa ugamhi ali apfōli e mie Ōnōmhue suō; ebubu ɛbō ni e la iKōriti ni e suō oni usomhi e miesuō, a batazi we.

9 Eliyōse ɛleghuo, iPölu o mē imē-alo ni Ōnōmhue o la nu ōli ngme, o o li, “Ulishi o khi mu ɛ, ama kie ke gue ungmemhi le, khi tsaghie-a.

10 Irari khi mhi nu ɛ la. Oḅō ɔa la o ni o ya kualē ɛ utse. Irari khi mhi mhōli ebubu ɛbō shi ɛoli ona ni e khi ɛbō eyemhē.”

11 Igho iPölu o la iKōriti ukpe oghuo ali ukhukhui, o o sēsē eni ɛbō ungmemhi oyi Eshinegba.

12 Abi iGalilio o rō khi igovuno ni iRomu e zē shi obini eke Akhaya, ɛbō iJu eghuo e kugbe mu okhōli vule shi iPölu o, e mu ōli je ikōtu.

13 Eɛ li, “Eri ŋmōse ŋna o o sēsē ɛbō oḅē ɛgbhōli ni a te ɛ ga Eshinegba abi ushi oyi awa ɔa ngme.”

14 Abi iPölu o li i nono ni lōli ngme, igho iGalilio o nu ɛbō iJu ngme, o o, “Ini ɛzō ni a lu ena o khia khi oyi umhaguēli lō okekhi oyi ingmobe okhōghuo lō, mhi kha kuegbe-a ri eso shi ɛ ɛɛ ɛbō iJu o.

15 Ama abi o rō khi ungmemhi ekhakō ni o la ingmemhi ali eva ali ushi oyeɛ egho, ɛɛ-ghuo a ya so oni ingme, mhi aa ya so o.”

16 O o a khu we ikōtu ya fiɛ.

17 E gamhi iSositēnisi ni o khi oga shi owa ugamhi mu. E la odalo oni ikōtu gbe ōli. Ama iGalilio ɔa fe pfi eso shi we o.

18 iPölu o nu eni e miesuō la iKōriti ogbelē ni e bu, igho o li tse we okhila, lōli ali iPisilia ali Akuila e lo oḅo-okē oniēmhi da oke oniēmhi je iSiria. Neni iPölu o rōte iKēnkhiria da oke oniēmhi, o yamhi itsu ukhomhi-a itobō irōnga ni o rō nga.*

19 E ramhi Efeso, ashini iPölu o pfi iPisilia ali Akuila shi. O je owa ugamhi ni o nu ɛbō iJu ku ochi.

20 Eni ɛbō ɛ o nu wewē la agho tēsē, ama ɔa lama.

* 18:18 Li zē iNḅa 6.18

²¹ Ochogho, o gueye we abi o ro o vu, oo, “Ini o da khi oghuemhe oyi Eshinegba, mhi ya nyene egbe bhale deba e.” Igho o rote Efesosi lo oko-oké oniemi vu da oké oniemi.

²² Abi o ro ramhi iSizeria, o te agho je iJerusalemu ya tse eni e miesuo, o ke te agho je eoli Atioki.

²³ Abi o ro la agho ukuku eghenge, o te agho vu, o rote eke iGalesha ali iFiria ya ri udu shi eni e miesuo o.

Abi Apolosi o ro la Efesosi ali iKoriti

²⁴ Oni eghenge, omose onge iJu ni a lu Apolosi ni a bia shi Alezadira ni o khi oni o mema gue ebe, o gbo lolo lese ebe no pfuase, o bhale Efesosi.

²⁵ O khi ogbo ni a rote eke sese ode oyi Onomhue. O mholi omuegbe ni o fu ni o ro sese ingme oyi iJesu. Emini oo sese o rote ode igesikia. Ama osese oyi iJoni Oni oo batazi egbo o lese gue.

²⁶ Igho o li la owa ugamhi oyi egbo iJu ri igbedu u ngme. Abi iPisila ali Akuila e ro suo emue ni o la li unu, e rue oli ma egbe je apfe, e kuegbe-a sese oli ode oyi Eshinegba shi o egbegbo.

²⁷ Apolosi o roli shi udu khi loli ya je Akhaya, eni e miesuo ni e la Efesosi e kpaghie oli obo, e keke ebe ghi eni e miesuo ni e la Akhaya. E gueye we e kpe abo mie oli. Abi o ro ramhi akagho, o khi ikpaghiobo oniemi na eni e rote okhale oyi Eshinegba miesuo.

²⁸ Irari khi o nu egbo iJu khe ako egbegbo, o ro mu we o le. O rote Ebe-nopfuase rokhase we khi iJesu o khi Omiepfuese ni a shobo.

19

Abi iPolu o ro la Efesosi

¹ Abi Apolosi o li la elemhi iKoriti, iPolu o rote elemhi oni eke kia rote ugbogbode ni o khi ute ute e dose, o bhale Efesosi. Agho o bhale ya e eni e miesuo eghuo,

² o mhila we, oo we, “Abi a ro miesuo, a li mie Ayemhe-no-pfuase?”

Ee oli, “Anye a fe suo khi a me emini a lu Ayemhe-no-pfuase ghue.”

³ IPolu oo we, “Ibatizi onabi onoghua a kpe mie?”

Ee oli, “Ibatizi oyi iJoni.”

⁴ IPolu oo we, “Ibatizi oyi iJoni, ibatizi ona imupfi lo. Ama oni iJoni o gueye egbo iZireni e mie oni o ya bhale ikpukhokho oyeluwe suo, ikhi iJesu.”*

⁵ Abi e ro suo ona se, a ri eva oyi iJesu Onomhue batazi we.

⁶ IPolu o ri abo nga we ukhomhi, Ayemhe-no-pfuase o tiemhile shi we o, ee ngme emue onogbo. E gbolo o ngme ungmehi ni Eshinegba o ro shi we unu.

⁷ Wewe nya e khi emose ogbava.

⁸ IPolu o lo elemhi owa ugamhi, o la agho iki ese, o ri igbedu nu eni egbo ngme. O nu we ku ochi, oo sese we ni e mie shi ingme Eghiele oyi Eshinegba.

⁹ Ama eghuo o e khi issueso-akhue ni ea lama miesuo. E la ukpeloe oni igbaa ngme ingmemhi ebe deba oni ode. Igho iPolu o pfi we shi agho vu, o rue eni e deba li je owa oyi iTiranosi. O la agho nu we e ku ochi ingme iloghie ogbele kpa.

¹⁰ Ikpe eva o la agho sese we, ghe egbo iJu ali egbo iGiriki ni e la eke Esha, e suo ungmehi oyi Onomhue.

Imi iSikiva

* **19:4** Li ze iMat 3.11; iMak 1.4,7-8; iLuk 3.4,16; iJon 1.26-27

11 Eshinēgba ọ te obọ oyi iPọlu u gbe ikanya ọshabọ ọdọda.

12 O ya ramhi khi ibede ali ọgbene ni a rote iPọlu egbe wolọ, e ri egbo ni ẹa ze e toto, ali e khu egbo ayemhe okphaghiẹ idiegbe ya lase.

13 Egbo iju eghuo ni ee kia ukhomhi ẹoli gasẹ ri imajiki i khu ayemhe obe kua, e li nono ni e ri eva oyi iJesu Ọnọmhue riẹle abi imajiki khu ayemhe obe. E liẹ, “Anye ri eva oyi iJesu ni iPọlu ọ rọ tse abọ mhese ne, fiẹ lase!”

14 Imi ọga oyi ekpodalo ugamhi ọnge iju ọghuo ni a lu iSikiva etuoshilua, ee li ona.

15 Igho, oni ayemhe obe, ọọ wẹ, “Mhi lese iJesu, mhi lese iPọlu, eghuo a khi?”

16 Oni ọmose ni ọ mholi oni ayemhe obe ọgho, ọ kpha rughu wẹ, ọ gbe wẹ kuali utse. E ri irumheba na kua.

17 Abi egbo iju ali ijeta ni e la eke Efesosi e rọ suọ emini a me, ulishi oo mu wẹ. E ri ẹkpẹ na eva oyi iJesu Ọnọmhue.

18 Igbaa oyi eni e mie iJesu iKirisiti suọ e fiẹ lasele gboo, e zọnọ olamhe eyewẹ le nya.

19 Ebubu wẹ ni e kpẹ ẹ li ẹboli, e wolọ ebe ni e rọ ọ li ẹboli nya lasele tose-a. Abi a rọ ta ingme ni a rọ de eni ebe ni e tose-a, e ya khi ẹkpa udududu.

20 Igho ungmehi oyi Ọnọmhue oo ge shi ọ tse, oo toto-a.

21 Abi a rọ me ingme ena se, iPọlu ọ sa ọ khi lolu ya rote eke iMasidonia ali Akhaya dose je iJerusalemu. Ọọ eni egbo, “Mhi kha ramhi agho se, mhi ya rote oobo je ẹoli iRomu.”

22 Igho ọ ghie iTimoti ali Erasitosi ni e nu ọli a gbe akanya je iMasidonia. Lolli ọ la eke Esha ukuku eghẹghe.

Onyaghu ni a me Efesosi

23 Oni eghẹghe, ukpokpomhi onyaghu o ya de shi ẹoli Efesosi irari osese ni iPọlu ọọ sese.

24 Ọmose ọghuo ọ la ọ, ni a lu iDemetiriusi ni ọọ lumhi igolu rọ riẹle irokhokho okula oyi olitsa Atemisi. Ọ tsua oki oniemi ghi eni e gbe oni akanya.

25 Igho oni ọmose ọ luno wewẹ nya kugbe, ọọ wẹ, “A lese khi egbegbi eleli awa rote oni oki ona me.

26 Mena a she me, a gbolo suọ ikanya ni iPọlu ọọ gbe. Lolli ọọ gueye egbo khi ilitsa ni a ri abo mama khi afue e khi. Ebubu egbo ni e la ẹoli Efesosi ali eke Esha nya e she mie ọli suọ.

27 Oki oyawa o she la okhena ni o rọ ọ le eva obe. Ali khi ekpe oniemi ni a rọ na olitsa Atemisi ali okula oyoli o ya mele afue-a. Olitsa ona egbo ni e la eke Esha ali agbo nya ẹẹ ga.”

28 Abi eni egbo e rọ suọ ona, elemhi ee bi wẹ. E ri ofu tsesẹ ẹ gasẹ eke gbii, ee liẹ, “Olitsa ọnọfunẹ, Atemisi o khi ni anye egbo Efesosi anye ẹẹ ga.”

29 Oni okeke o gbhiaku oni ẹoli. Eni egbo e mu iGayusi ali Arisitakusi ni e khi engi iMasidonia ni e nu iPọlu kia a gasẹ. E rue wẹ bhale olele.

30 IPọlu ọọ nono ni lolli je odalo oyi oni igbaa, ama eni e miesuọ ẹa ze ọli obo.

31 Ekhemhue eghuo ni ẹẹ mhese shi oni eke ni e khi emole iPọlu e li ghie usomhi ya lema li ọ khi bie je elemhi olele ya ri egboli khase.

32 Oni eghẹghe, okeke oniemi o de elemhi oni igba. Eghuo e kha ngme ẹ je ola, elese e ngme ẹ je oobo. Egbo eghuo ni e la agho ẹa lese emini o pfi oni ozughu.

33 Eni ẹẹ ralo na egbo iju eghuo e tanọ Alezada abo je odalo ọ ka ngme na ewẹ. E gueye ọli emini ọ ya ngme. Igho oni Alezada ọ ri abo gbe wẹ akhiakhia. Ọ guele emini a me.

³⁴ Ama abi eni ebubu ẹgbọ e rọ lẹsẹ khi ọngi iju ọ khi, e ri uruli oghuo tsẹsẹ gbii, elemhi iwakati eva, ee liẹ, “Olitsa onofunẹ Atemisi o khi ni anye ẹgbọ Efesosi ẹẹ ga.”

³⁵ Ikpukhokho ọ, ọkeke-ebe oyewẹ ọ fiẹ lasele, ọ ri abọ gbe wẹ akhiakhia. Oọ wẹ, “Inyoghuo-mhẹ ẹgbọ Efesosi, ogbokpa ọ lẹsẹ khi awa khi eni ẹ khekhe okula Atemasi, ali ẹcheli oyọli ni o rọte idane de tiemhile?”

³⁶ Aa mẹ ogbokhoghuo ni ọ dobe ya tia onana. Itobọ ighọ a diẹ oili lalọ ni udu oyẹẹ o pfohmẹ. A khi ri inyanya-dọsẹ riẹlẹ emhikhoghuo.

³⁷ Eri a muno emọse ena bhale abi o riẹ khia khi ẹa rọte oni owa ugamhi do ughiatọ, wẹkhi eri e zẹ emuebe na olitsa ni awa ga.

³⁸ Ini iDemetiriusi ali apfọli e mhue ogbokhoghuo ni ọ li wẹ ingme, a lẹsẹ khi awa mhọli ikọtu ali esọ-ẹzọ, ọ ka lu eni ẹgbọ ẹzọ.

³⁹ Ama ini a mẹ emhese ni a nono ni a rọ lasele, a zẹ ni a la igba ni a la gue ẹzọ sọ ọ.

⁴⁰ Irari khi ini a bino emini a mẹ amo, awa la okhena ipfa ẹzọ mu khi awa, awa pfi ozughu. Awa aa ya mẹ ẹzọ gue pfa egbe awa shi eke, irari khi awa aa mhọli emini o pfi oni ozughu onana.”

⁴¹ Abi ọ rọ ngme se, oọ oni igba o vẹ-a.

20

IPọlu ọ rọte eke iMasidonia ali Akhaya dọsẹ

¹ Abi oni okeke o rọ pfohmẹ, iPọlu ọ ghie ya lu eni e miesuọ. Ọ ye wẹ ude se, ọ tse wẹ okhila. Ọ je eke iMasidonia.

² Ọ rọte oni eke dọsẹ. Ọ kia ri ingmemhi ni e bu ri udu shi eni e miesuọ ni e la oni eke ọ. Ikpukhokho, ọ ramhi eke iGirisi.

³ Ọ la aghọ iki esẹ. Irari khi ẹgbọ iju è gba ugbamhi obe khẹ ọli, abi ọ li nono ni lọli lo ọkọ-oke oniēmhi je iSiria, ọ ri ochoghọ mu egbe pfi rọte odẹ iMasidonia vu.

⁴ ISopata omi iParos ọngi iBerea ọ deba li, li shi Aristakusi ali iSekudosi ni e khi engi iTesalonika, ghe iGayusi ali iTimoti engi iDẹbi, gbo li shi iTakikosi ali iTirofimosi ni e khi engi eke Esha.

⁵ Etuava ni a ngme kpukhokho enana, e je odalo ya migha khẹ anye obini ẹoli iTiroasi.

⁶ Anye rọte iFilipi kia ukhomhi oke oniēmhi ogbele ishe, abi a rọ li ukpe ibuleđi ni aa ri ifuma shi nye se. Anye bhale ya ẹ eni e migha ẹ khẹ anye ẹoli iTiroasi, anye la aghọ ogbele ishilua.

IPọlu ọ rọte eghuli guise Iyutikosi le

⁷ Ogbele nododẹ elemhi ẹfo uka, anye bhale kugbe ni anye ya le eminale ni o pfuase. IPọlu ọ nu eni ẹgbọ ngme tẹsẹ irari khi ọ ya vu ogbeakọlọ. Ọ ngme ya ramhi itsotso ogbie.

⁸ A ri igbili ni e bu ru shi elemhi owa ukhomhi atonga ni anye legba.

⁹ Ozeo oghuo ni a lu Iyutikosi ọ shitọ okele ni o la oni atonga. Ukpokpomhi olese o dọ li rue abi iPọlu ọ rọ ngme e tẹsẹ dọsẹ. Abi iPọlu ọ kie li i ngme, oni olese o lo ọli egbe ramhi ni ọ rọ rọte ukhomhi atonga nuzi-esẹ de ya tiemhi eke. Abi ẹ rọ mu ọli vule, ọ she ghua.

¹⁰ Ama iPọlu ọ tiemhi eke, ọ mu ọli ko elemhi, ọ to ọli etuli, oọ, “A li tsuke, ayemhẹ oyọli ọ kie laọ.”

¹¹ Ighọ, ọ nyenẹ egbe nga atonga, e le eminale ni o pfuase. Ọ nu wẹ ngme ramhi ni ovọ o rọ ngale. IPọlu ọ vu.

¹² Eni ẹgbọ e rue ọni ọzẹo je apfe, ọa mhọli ikuatse okhọghuo. Onana o ri udu pfmhẹ wẹ egbegbo.

IPolu o tse eni egbhali Efisha okhila

¹³ Anye lo ọkọ-okẹ oniēmhi je odalo ya migha khẹ iPolu Asọsi, asha ni iPolu o te ya deba anye lo ọkọ-okẹ oniēmhi. Lọli o mhẹsẹ ona itobọ khi awẹ o rọ ya bhale.

¹⁴ Abi o rọ bhale ya ẹ anye shi Asọsi, anye ga lo ọkọ okẹ oniēmhi oghuo je iMitileni.

¹⁵ Ogbeakolo, anye lo ọkọ okẹ oniēmhi te aghọ ya je iKhiosi, ogbele ni o de bali, anye rote aghọ da je iSamosi, ogbeakolo anye ramhi iMilētusi.

¹⁶ IPolu ọa nono ni lọli migha ẹoli Efesosi itobọ ini lọli khi pfuse ẹghẹghẹ a shi ekẹ Esha, irari khi inyanya o la ini lọli kele ramhi iJerusalemu shi ogbele iPetikositi.

¹⁷ Eoli iMilētusi iPolu o te ghie usomhi ghi egbhali ni e la igba oyi ẹgbọ eni e miesuo ni e la ẹoli Efesosi e bhale ya ẹ luẹ.

¹⁸ Abi e rọ ramhi aghọ, ọw wẹ, “A leşẹ abi mhi li nu ẹ ngeli abi mhi rọ la iteva oyẹ, rọ te ogbele onodode ni mhi te lo ekẹ Esha le.

¹⁹ Rote iregbemhẹ-tiemhile ali amẹ eviẹ mhi rọ gbe ikanya eyemhẹ abi ọni ọọ ga ọyi Onomhue, ẹghẹghẹ ni o rọ ze mu mhẹ ni ẹgbọ iju e rọ gba khẹ mhẹ.

²⁰ Ẹa leşẹ khi mhi aa ri emhikhọghuo ni o ya kpaghie ẹ obọ sheli ẹ abi mhi rọ o tse abọ ali ni mhi rọ o sẹsẹ ẹ elemhi igbaa ali ifuapfe.

²¹ Mhi she kpẹ gueyẹ ẹgbọ iju ali ẹgbọ ijeta khi e mema a te olamhẹ eyẹwe mu pfi deba Eshinegba ni e mie iJesu Onomhue oyawa suo.

²² “Memena, ni mhi rọ suo esọ na Ayemhẹ-nọ-pfuasẹ, mhia le iJerusalemu, ni o khia khi mhi aa leşẹ emini mhi ya mẹ oobọ.

²³ Mhi leşẹ khi asha kpa ni mhi je, Ayemhẹ-nọ-pfuasẹ o she kpẹ gueyẹ mhẹ khi owa ighumha ali anasemhẹ e migha a khẹ mhẹ.

²⁴ Ama eri mhi leli agbọ oyemhẹ shi afuẹ, ini mhi leşẹ mẹ asha gbe akanya ni iJesu Onomhue o mhẹsẹ na mhẹ pfo. Ikhi itsabọ usomhi onete isomhelemhi oyi Eshinegba.*

²⁵ “Mhi she kia rote asha je asha tse abọ ungmehi Eghiele oyi Eshinegba ye ẹ. Memena mhi leşẹ khi ongeẹ, ọa kẹ tigbe ya mẹ mhẹ ghue.

²⁶ Irarigho, mhi gueyẹ ẹ amo khi ini ongeẹ o pfua, ọa ke la obọ oyemhẹ.

²⁷ Irari khi ulishi ogbọkhọghuo ọa mu mhẹ ni mhi rọ gue ungmehi oyi Eshinegba ye ẹ.

²⁸ Igho, a ri ẹloe khu egbe ẹ, ali ogbokpa ni Ayemhẹ-nọ-pfuasẹ o rọ nga ẹ obọ. Khi ọrisumha-kia ọyi igbaa oyi eni e mie iJesu iKirisiti suo oyi Eshinegba ni o ri ọlia eyọli de.

²⁹ Mhi leşẹ khi ini mhi da vu se, ẹgbọ ni e khọlo abi ekpe ali idumhi e ya lo ẹ iteva le, ẹa ya zẹ eni isumha obọ khi ẹa kuali wẹ utse.

³⁰ Ẹghẹghẹ o ya ramhi ni ẹgbọ eghuo elemhi ẹ e rọ ya ri ingmemhi ẹgbhue di eni e miesuo, e rue iteva oyẹ lasele.

³¹ Irarigho, a ri ẹloe shi o, a gbo sato khi elemhi ikpe esẹ mhi aa tigbe yemhẹ-a itse agua ye ẹ, shi ẹle ọguota ghe ẹliyosẹ, elemhi eviẹ.

³² “Memena, mhi rẹ ẹ nga Eshinegba obọ, ali ungmehi isomhelemhi oyọli, ni o ya rẹ ẹ fu shi irudunga, ni o ya rẹ ẹ mhọli ugu ni eni Eshinegba o she khuẹsẹ pfuasẹ e ya mhọli.

³³ Mhi aa do ogbọkhọghuo okonyo ẹlomho ali igolu wẹkhi ode oyọli.

* 20:24 Li zẹ 2 iTimo 4.7

34 Eẹ a leşẹ khi abọ eyemhẹ ena mhi rọ gbe akanya rọ de emini mhemhẹ ali eni e nu mhẹ kia eẹ nono kpa.

35 Elemhi emini mhi riẹlẹ kpa, mhi rokhasẹ ẹ khi awa mema ya ri akanya igbegbe onana kpaghiẹ eni ẹa mhọli obo. A sato ungmehi oyi iJesu Onomhue, ni ọọ, 'Ikhivọşẹ o la irọna doşẹ imiemie.' "

36 Abi iPọlu ọ rọ ngme se, lọli ali ewẹ e wugha, ọ sọ iromhi.

37 Ee viẹ abi e li i tşẹ ọli okhila, e mu ọli, ni e pfpfi ọli egbe.

38 Oni o lolo ri egbe pfo wẹ-a khi oni ọ gueyẹ wẹ khi ẹa kẹ tigbe ya mẹ luẹ ghue. Ighọ e kphase ọli ya lo ọkọ-okẹ oniẹmhi.

21

IPọlu ọ vu iJerusalẹmu

1 Anye tşẹ wẹ okhila se, anye kia okẹ oniẹmhi talala a je ẹoli iKọsi. Ogbeakọlọ anye je ekẹ iRọdisi, anye rọte aghọ je ẹoli iPatara.

2 Anye lo ọkọ-okẹ oniẹmhi ni oo je ekẹ iFonisha, ighọ anye lo ọ vu.

3 Anye nise alo mẹ iSapurọsi, anye rọte ukiẹkiẹ ọgobọ ini a sọ alo ghue obini ovo o te ẹ lo eko. Anye je ekẹ iSiria. Anye migha ẹoli iTai, aghọ ọkọ oyi anye o la tiese itsua shi ekẹ.

4 Anye mẹ ẹgbọ eni e miesuọ eghuo, anye nu wẹ la aghọ ogbeleş ishilua. Ayemhẹ-nọ-pfuasẹ ọ gueyẹ wẹ iPọlu ọ khi je ekẹ iJerusalẹmu.

5 Anye nu wẹ la aghọ ramhi ẹghẹghẹ ni anye nu wẹ ya la akaghọ ramhi se, anye rue okiali ekẹ. Igbaa oyi eni e mie iJesu iKirisiti suọ nya ali ighuẹwẹ ali imiwẹ e kphase anye fiẹ lasele oni ẹoli, anye ramhi esesọ okẹ oniẹmhi, anye wugha sọ iromhi.

6 Anye tşẹ egbe okhila se, anye ya lo ọkọ-okẹ, wẹwẹ e nyenẹ egbe ukhokho, e je apfẹ.

7 Anye rọte iTai vu, anye bhale iTolẹmasi. Anye la aghọ tşẹ eni e miesuọ, anye nu wẹ la aghọ ogbeleşghuo.

8 Anye nu ogbeakọlọ, anye ramhi iSizeria. Anye kushi owa oyi iFilipu ọni ọ kia gue ungmehi oyi Ẹshinẹgba le, ni ọ khi ọghuo ẹgbọ oshilua ni a la iJerusalẹmu zẹ.*

9 Ọ mhọli eniyẹ imueshi aane ni ẹa ye ughuẹ ne, ni e mẹ ekẹ ẹ guele.

10 Abi anye rọ la aghọ ogbeleş ni e bu, ọmekẹguele ni a lu Agabusi ọ rọte ekẹ ijudia bhale.†

11 Ighọ ọ rue ugghogbho ni a rọ ọ mu oku oyi iPọlu. Ọ rọli gẹnọ egbọli abọ ali awẹ. Ọọ, "Ayemhẹ-nọ-pfuasẹ ọọ khi, 'Ina ẹgbọ iJu ni e la iJerusalẹmu e li ya gẹ ọni ọ mhọli ugghogbho ona, e mu ọli na ẹgbọ iJẹta.' "

12 Abi anye rọ suọ ona, anye ali ẹgbọ elese ni e la aghọ, anye lema iPọlu ọ khi je iJerusalẹmu.

13 Ama iPọlu ọọ, "Elọ o zẹ ni a rọ ọ viẹ, ni a rọ ọ yese mhẹ udu-a. Aa khi eri mhi leşẹ mu egbe ni a rọ ya gẹ mhẹ tşẹ, ama mhi ga mu egbe ni mhi rọ ya ghu-a shi iJerusalẹmu, irari eva oyi iJesu Onomhue."

14 Abi anye aa rọ dobẹ zu ọli ode, anye yemhẹ-a, anye ẹ ọli, "O ka tşẹ abi o ghọle Onomhue."

15 Onana o doşẹ se, anye mu egbe, anye nga iJerusalẹmu.

16 Eniyẹ odukhokho eghuo ni e la iSizeria, e kphase anye, e ri anye bhale owa oyi iMinasọ, ni ọ khi ọngi iSapurọsi ni ọ khi ọghuo eni e kpẹ tododẹ miesuọ.

* 21:8 Li zẹ Ika 6.5; 8.5 † 21:10 Li zẹ Ika 11.28

Abi iPölu o rọ ramhi iJerusalemu

17 Abi anye rọ ramhi iJerusalemu, eni e miesuo e kpe abọ mie anye egbegbo.

18 Ogbeakọlo iPölu ali anye enekpọle anye ya me ijemhisi, eni egbhali eni e miesuo nya e li la agho.

19 iPölu o tse we, o kuegbe-a gueye we ikanya ni Eshinegba o gbe shi iteva oyi egbo ijeta rote akanya oyi Eshinegba ni o o gbe.

20 Abi e rọ suo ingmemhi ni iPölu o ngme se, e kueghie Eshinegba. Igho e iPölu, "Inyoghuo, wa a me egbo agbele-agbele eyi iju ni e mie iJesu suo, weye nya e mhọli omuegbe shi iri ushi gbe akanya.

21 E she kpe suo khi eri u wa sese egbo iju nya e tsua Ishi eyi iMosisi kua, khi u we e khi shele imi we-a ali e khi ke deba ighuighue eyi egbo iju.

22 Se awa ya li, irari khi e mema ya suo khi u she bhale.

23 Ina anye nono u li, emose aane e nu anye la ana ni e she rọ nga.

24 Rue emose ena, ni a ga ya ri ele ikhue-pfuase. U gbo fali ota na we ni a rọ ya ta we itsu-a. Ishegho, ogbo kpa o ya lese khi egbhọli a kie me, khi u ri Ishi eyi iMosisi e gbe akanya.†

25 Ama anye she ri ebe ghi egbo ijeta eni e miesuo rọ gueye we abi anye ngme, khi e ti egbe eminale ni a rọ luasẹ obo le, ali e khi ke da ọlia ali e khi le elamhi ni aa fa uruli, ali e lase itsẹbo ikuku le."§

26 Ogbeakọlo, iPölu o rue eni emose, e ga ya ri ele ikhue-pfuase. Igho o je Owa Oyi Eshinegba ya gueye we ogbele ni oni ikhue-pfuase o ya pfo ali emini a rọ ya ri ele iluasobo na ogbogbo.

A mu iPölu

27 Abi eni ogbele ishilua e rọ ya gba, egbo iju eghuo ni e rote eke Esha bhale e me iPölu elemhi Owa Oyi Eshinegba. E tanọ shi eni ebubu egbo elemhi, e mu iPölu.

28 E tsesẹ leghe, ee li, "Egbo iZireni, a kpaghie anye obo. Eri oni omose ona o kia sese egbo ashakpa, mu okhọli vule shi egbo eyawa o, ali ishi eyawa ali Owa Oyi Eshinegba onana. Oa khi ena tse, o she gbo rue egbo iGiriki lo Owa oyi Eshinegba oyawa ya ri ichimhi mu asha ni o pfuase onana."

29 (Eri e ngme ona itobo khi e me iTirofimosi ongi Efesosi ali iPölu ifuapfe, e dabi khi o she roli lo Owa Oyi Eshinegba.)*

30 Onyaghu o lo oni ifuapfe nya le, eni egbo e rote ashakhasha na a bhale. E mu iPölu, e rote oni Owa oyi Eshinegba ti ọli lasele, aghoaghọ, e so okpe ode nya.

31 Abi eni egbo e li nono ni weye gbe ọli-a, oni ingme o ramhi eso oyi oni o o mhesẹ na ekhọli-okhue eyi iRomu khi edeli iJerusalemu nya o la onyaghu oni emhi.

32 Eloawe eloawe, o wolo ekhọli-okhue ma egbe e na tiemhi deba eni ebubu egbo. Abi eni e nyaghu egho e rọ me ọli ali eni ekhọli-okhue, e mu mhue, e a ke gbe iPölu.

33 Oni o mhesẹ na ekhọli-okhue ogho o mu iPölu, o e ri iweghe eva ge ọli. O mhila eni egbo oni o khi ali emini o li.

34 Egbo eghuo ni e la oni igba ee tsesẹ, ogbogbo o ngme oyoli. Abi oni oga okhọli-okhue ogho o a rọ lese emini ee ngme, o o a mu iPölu ya shi apfe ekhọli-okhue.

† 21:24 Li ze iNoha 6.13-21 § 21:25 Li ze Ika 15.29 * 21:29 Li ze Ika 20.4

³⁵ Abi e rọ ramhi unu owa, eni ekhọli-okhuẹ e mu iPọlu tsua irari khi eni ẹ domhi ọli e bu doşẹ.

³⁶ Ighọ e li kpikpi deba li, ee tsẹşẹ gbii, e liẹ, “A gbe ọli-a, a gbe ọli-a.”

IPọlu ọ pfa egbọli shi ekẹ

³⁷ Abi eni ekhọli-okhuẹ e li mu iPọlu lo apfẹ eyi ekhọli-okhuẹ, ọọ ọga ọyẹwẹ, “Mhia nono ni mhi nu ẹ ngme?”

Oni ọga ọọ li, “U guẹ ẹ ngme ẹlẹmhi iGiriki?”

³⁸ “Ọa khi yẹyẹ u khi ọngi iJipiti ni ọ ke gba onyaghu ekẹ le? Ni u wolo ẹgbọ agbeleş ene ni ee gbolo ekhọli-okhuẹ eyi iRomu-a, ni u rue wẹ je ọdagbe ifufu ya mu wẹ egbe shi onyaghu?”

³⁹ IPọlu ọ sọ li ọ, ọọ li, “Ọngi iJu ni a bia shi ẹoli iTasọsi ni o la ekẹ iSilisha mhi khi. Omọ ekẹ ẹoli ni o mu ẹloe. Kpẹkpẹ zẹ mhẹ nu eni ẹgbọ ena ngme.”

⁴⁰ Abi ọga ọyi ekhọli-okhuẹ ọ rọ ri oni ẹghẹghẹ na li, iPọlu ọ migha atẹtẹ unu ode, ọ ri abo unu wẹ ngme e tsaghie-a. Abi e rọ tsaghie-a, iPọlu ọ ri ẹlẹmhi Iburu nu wẹ ẹ ngme.

22

¹ “Inyoghuo-mhẹ ali itamhẹ ni a mu ekpẹ ẹ na, a ri esọ shi ekẹ ni a suọ ẹzọ ni mhi ya gue pfa egbemhẹ shi ekẹ ena.”

² Abi e suọ khi ọ nu wẹ ngme ẹlẹmhi Iburu, e ga lolo tsaghie-a.

Ighọ iPọlu ọọ,

³ “Ọngi iJu mhi khi, ni a bia shi ẹoli iTasọsi ni o la ekẹ iSilisha. Ẹoli iJerusalemu ona mhi la fu vule. Ayi iGamaliẹ a la sẹşẹ mhẹ egbegbọ abi a liẹ deba ishi eyi ititawa. Eri mhi mhọli ọmuegbe shi ingme oyi Ẹshinegba egbegbọ ẹzeşẹ abi ẹẹ a ke li ogbe na amo.*

⁴ Eri mhi mu okhọli vule shi ẹgbọ ni e rọte Ode oyi Ọnọmhue ọ, ramhi ni mhi rọ gbolo eghuo-a. Mhi mu emọşe ali ikpotso kulo owa ighumha.

⁵ Ọkpeda na ekpodalo-ugamhi eyi Ẹshinegba ali enighie e ya pfi otşeleş shi ọ khi igesikia mhia ngme. Mhi mie wẹ ebe ghi eni eralo na ẹgbọ iJu ni e la iDamasikọsi, ni mhi rọ ya ri iwẹghẹ shi eni e miesuọ ni e la oobọ abọ, ni mhi muno wẹ je iJerusalemu ya nase.†

IPọlu ọ guele abi lọli li mupfi

(Ika 9.1-19; 26.12-18)

⁶ “Ẹlẹghuo khi mhi i lẹ iDamasikọsi, itsotso ọguota khi mhi lẹşẹ ti ramhi oni ẹoli, ákpá ni o lolo gẹ nyanyanya o rọte irarogbe mi nga mhẹ egbe udemhija.

⁷ Ighọ mhi de ya gbe, mhi suọ khi uruli ọọ mhẹ, ‘ISọlu! ISọlu! Elo e zẹ ni u rọ mu okhọli vule shi mhẹ ọ?’

⁸ “Mhi mhila li, ‘Ọghuo u khi, Ọnọmhue?’

“Ọọ mhẹ, ‘Mhẹmhẹ khi iJesu ọnge iNazarẹti ni u mu okhọli vule shi ọ.’

⁹ Emọşe ni e nu mhẹ kia, e me oni ákpá, ama ẹa suọ uruli ni o nu mhẹ ngme.

¹⁰ “Mhi mhila li, ‘Elo mhi ya riẹlẹ, Ọnọmhue?’

“Ọnọmhue ọọ mhẹ, ‘Vule ni u lo elemhi ẹoli iDamasikọsi, a ya la aghọ gueyẹ emini a mhẹşẹ ne nya ni u ya riẹlẹ.’

¹¹ Mhi zẹ alo itobọ ugẹmhi ákpá ni o mi nga mhẹ alo. Eni anye ga kia e ke mu mhẹ obọ lo elemhi ẹoli iDamasikọsi.

¹² “Omọşe ọghuo ọ la aghọ ni a lu Ananayasi. Oni ọ ga ugamhi, ni ọ ri ushi ẹ gbe akanya ọ khi. Ẹgbọ iJu nya e mu ekpẹ a na li.

* 22:3 Li zẹ Ika 5.34-39 † 22:5 Li zẹ Ika 8.3; 26.9-11

13 Lọli ọ bhale ya migha mama mhe, ni ọọ, 'Inyoghuo-mhe iSolu, alo eye e khueghie-a,' utoghuo kpe, alo eyemhe e khueghie-a, mhi me eke me ọli.

14 "Ọọ mhe, 'Eshinẹgba oyi ititawa ọ she ze kee, ni u lese oguhemhe oyọli, ni u me Oni ọ suọ esọ na Eshinẹgba, ni ọ ri unu oyọli nu e ngme.

15 Irari khi u ya khi ọtsele oyọli, ni u ke ngme emini u suọ ali ni u gbo ri alo me, gueye egbọ nya.

16 Memena, elọ u ke migha khe? Vule ni mhi batazi e, ni a gbe olamhe eye kua ne, rote eva oyi Onomhue.

17 "Agho mhi te mu egbe pfi je eoli iJerusalemu. Abi mhi ro la Owa Oyi Eshinẹgba lema, mhi me ime-alo,

18 igho mhi me Onomhue, ọ gueye mhe, 'Nyanya rote eoli iJerusalemu vu, itobo khi eni egbọ ena, ea ya mie shi ọtsele oye ni u ya pfi na mhe.'

19 "Mhie ọli, 'Onomhue, eni egbọ ena e ga lese khi mhemhe mhi kia kia owa ugamhi muno egbọ ni e mie e suọ kulo owa ighumha, mhi gbe we egbegbo.

20 Ali, ele ni e gbe iSitivini-a ni ọ li khi ọtsele, mhemhe mhi la agho, mhii mie obo shi oni eghuli, mhi ri eloe khu itsua na eni e tono ọli echẹ gbe-a."‡

21 "Oni Onomhue ọọ mhe, 'Ke le, mhi ya ghie e je odonue ghi egbọ ijeta.' "

IPolu omọ-ekẹ iRomu

22 Eni ebubu egbọ e ku esọ-a na iPolu kie ramhi ana ni ọ ro ngme na, igho e li tsese leghe, ee li, "A mu ọli vu, A gbe ọli-a. Ona ọa ke khi oni ọọ la agbo!"

23 E tsese, ee pfi ide idane wiliwili, e yalo ifufu ku nga idane.

24 Oni ọọ mhesẹ na ekhọli-okhue, ọọ a rue iPolu lo apfe oyi ekhọli-okhue. Ọọ we, e gbe ọli ite ni e mhila li ini e lese emini o ze khi egbọ iJu e lina a tsese ku ọli.

25 Ama abi e ro ge iPolu, ni wewe e gbe ọli, iPolu ọ mhila oni ọga oyi okhọli-okhue ni ọ migha agho, "Ushi o lama a shi ọ u gbe omọ eke iRomu itali ini aa me umhagueli ọli obo ne?" 26 Abi oni ọga oyi okhọli-okhue ọ ro suọ ona, ọ le ya gueye oni ọọ mhesẹ na we ni ọ kpada na li. Ọọ, "Gue kia e, se u wa li ena? Omose ona omọ-ekẹ iRomu ọ khi e."

27 Igho oni ọọ mhesẹ na we ọ le deba iPolu ọ mhila li, "Mhie i, omọ-ekẹ iRomu u khi?"

IPolu ọọ, "Ii, omọ-ekẹ mhi khi."

28 Oni ọọ mhesẹ na ekhọli-okhue ọọ, "Omọ-ekẹ ni mhemhe mhi khi, ikpokpomhi ikpagho mhi fali ro mie ebe ro khi omọ eke."

IPolu ọọ, "Ama mhemhe oyemhe, ọngi iRomu a bia mhe."

29 Eloawe-elowe, eni ekhọli-okhue ni e nono ni wewe e mhila iPolu ingme unu, e ti egbe je ukhokho, abi oni ọọ mhesẹ na ekhọli-okhue ọ ro lese khi ọngi iRomu iPolu ọ khi, ulishi oo mu ọli, irari khi ọ she gueye we e ri iweghe shi ọli abo, e gbe ọli.

Abi a ro rue iPolu bhale odalo oyi iSaediri

30 Ogbeakolo, oni ọọ mhesẹ na ekhọli-okhue ọọ nono ni lolu lese emini egbọ iJu e nu iPolu e gue, ọ taghie iPolu iweghe-a. Ọ gueye ighie eyi ekpodalo-ugamhi ali iSaediri e legba. Ọ rue iPolu bhale ya migha odalo oyewe.

23

1 IPolu ọ bino oni igbaa iSaediri tatata, ọọ we, "Inyoghuo-mhe, mhi she rote udu onete oyemhe nya gbe akanya oyemhe pfo na Eshinẹgba ya ramhi amo."

² Abi ọ rọ ngme ona, Ọga ọyi ekpodalo ugamhi ni a lu Ananayasi ọọ eni e ti mama iPọlu e lase ọli unu.

³ IPọlu ọọ li, “Eshinẹgba ọ ya ri emhi liẹ, yeyẹ ugbe ni a ri ẹtseli gboloa. Yeyẹ u shitọ aghọ a gue mhẹ ẹzọ egbe-a, ama yeyẹ ọyẹ u gbe ushi-a abi u li ri unu bhale a ri emhi li mhẹ.”*

⁴ Eni e ti mama iPọlu ẹ ọli, “Ú ga gbudu ri unu a ghi ọga ọyi ekpodalo ugamhi eyi Eshinẹgba?”

⁵ IPọlu ọọ wẹ, “Inyoghuo-mhẹ, mhi aa lẹşẹ khi lọli ọ khi ọga ọyi ekpodalo ugamhi eyi Eshinẹgba! A keke ọli shi ebe-no-pfuase, ‘Khi gbudu ngme onobe oyi ọni ọ mhẹşẹ na ẹgbọ eyẹ.’”†

⁶ Abi iPọlu ọ rọ lẹşẹ khi eghuo eni ẹgbọ khi iSadusi e khi, eni e kpọle e khi iFarisi, ọ la oni igbaa ngme lasele leghe, ọọ, “Inyoghuo-mhẹ, otu iFarisi mhi la, mhi gbo khi omi iFarisi. Eri a la ana a gue mhẹ ẹzọ itobọ khi mhi mhọli irudushọ khi eni e ghu-a e ya gbo guale.”‡

⁷ Abi ọ li ngme ona se, uwola o de ni otu iFarisi ali otu iSadusi, oni igbaa o kemhi.

⁸ (Irari khi otu iSadusi ẹa lama shi ọ khi ẹgbọ e ya rọte eghuli guale, ẹa gbo lama khi igeni ali iyemhẹ e la ọ, ama otu iFarisi e lama shi enana nya.)§

⁹ Ukpokpomhi okeke o de, esẹşẹ Ishi eyi iMosisi eghuo ni e khi otu iFarisi e vule e khẹ akọ ni o toto, ẹẹ li, “Anye aa mẹ emhikhoghuo obọ oyi ọmọşẹ ọna,” e gbolo ẹ, “Ini o fẹ khi-a khi ayemhẹ, o ke khi aḡeni ọ nu ọli ngme?”

¹⁰ Oni ekhako ọ pfuse toto-a şọ, ulishi o mu ọni ọga ọyi ekhọli-okhuẹ khi e tigbe kherẹ iPọlu-a. Ighọ ọ mhẹşẹ na eni ekhọli-okhuẹ e tiemhi ya ri itoto mie wẹ iPọlu obọ ni e rọli bhale apfẹ oyi eni ekhọli-okhuẹ.

¹¹ Elẹ iyọşẹ ni oo deba li, Ọnọmhuẹ ọ migha mama iPọlu, ọọ li, “Mhuẹ igbedu! Abi u li la iJerusalemu pfi ọtsẹlẹ na mhẹ, ighọ u li mema ya li pfi ọtsẹlẹ na mhẹ ẹoli iRomu.”

Ugbamhi igbe-a ni a gba khẹ iPọlu

¹² Ogbeakọlọ, ẹgbọ iJu eghuo e ya mhẹşẹ kugbe, e romhi isheli khi wẹwẹ ẹa ya le eminale wẹkhi eri wẹwẹ e ya da amẹ, ini ẹa li gbe iPọlu-a.

¹³ Ẹgbọ ni e gba ugbamhi onana, e dọşẹ ẹgbọ egbhueva.

¹⁴ E lẹ deba ọga ọyi ekpodalo ugamhi eyi Eshinẹgba ali eni egbhali, ẹ li, “Anye she romhi ukpokpomhi isheli khi anye aa ya le emhikhoghuo şẹ khi anye gbe iPọlu-a.

¹⁵ Memena, yeyẹ ali igbaa iSaẹdiri a keke ebe ghi ọga ọyi ekhọli-okhuẹ, a liẹ khi a nono ni a lolo suọ oni ingme bie. Anye mu egbe ni anye rọ ya gbe ọli-a neni a rọli ya ramhi ana.”

¹⁶ Ama abi ọmọ ọmọşẹ ni ọ khi omi inyoghuo iPọlu ọni ọkpotoso ọ rọ suọ oni ugbamhi, ọ je oni apfẹ ekhọli-okhuẹ ya gueyẹ iPọlu.

¹⁷ Ighọ iPọlu ọ lu ọga ọyi ekhọli-okhuẹ oghuo, ọọ, “Rue ọzẹo ona ghi ọni ọọ mhẹşẹ na ẹ, ọ mhọli emini ọ ya gueyẹ ọli.”

¹⁸ Ighọ ọ rue ọli ghi ọni ọọ mhẹşẹ na wẹ.

Ọ li, “iPọlu ni a mu shi igha ọọ mhi rue ọzẹo ọna ghi ẹ, itobọ khi ọ mhọli emini ọ ya gueyẹ.”

¹⁹ Ọni ọọ mhẹşẹ oghọ, ọ mu ọni ọzẹo obọ, e ti je olase, ọ mhila li, “Elo wa nono ni u gueyẹ mhẹ?”

* 23:3 Li zẹ iMat 23.27-28 † 23:5 Li zẹ Okiali 22.28 ‡ 23:6 Li zẹ Ika 26.5; iFili 3.5 § 23:8 Li zẹ iMat 22.23; iMak 12.18; iLuk 20.27

²⁰ Oo li, “Egbo iJu e she gba li khi wewe e ya ghie ghi e ako, ni u rue iPolu bhale odalo oyi iSaediri khi ee nono ni e te unu oyoli suo oni ingme bie.

²¹ Khi lama shi we o, itobo khi e bu dose egbo egbhueva ni e kpe ode khe oli. E she romhi ishe khi wewe ea ya le, wekhi eri wewe e ya da ini wewe ea li gbe iPolu-a. E migha a khe ni e suo emini u ya so shi emini e mhila e ena.”

²² Oni oo mhesa na eni ekholi-okhue o gueye oli, oo, “Khi gueye ogbo okhoghuo khi u she gueye mhe.” Oo li o ke le.

A rue iPolu te agho je eoli iSizeria

²³ Igho oni o mhesa ogbo o lu ega ekholi-okhue aava eyoli, o mhesa na we, oo we, “A wolo ekholi-okhue egbhuegbe, ali eni e nga ichi egbhuesa ali ogbe, ali epfi-ote egbhuegbe ni a ke le iSizeria agogo itili amiose.

²⁴ A ri achi na iPolu nga ni a roli je oobo ini emhikhoghuo e khi li oli, ni a rue oli ghi iFelisi ni o khi igovuno.”

²⁵ O lina keke ebe na we.

²⁶ Mhemhe iKiladiusi iLisiasi mhi keke ebe onana ghie:

Yeye igovuno iFelisi ni a mu ekpe e na,

Mhia tse.

²⁷ Egbo iJu e mu omose ona, e nono ni wewe e gbe oli-a. Ama eri mhi ri ekholi-okhue eyemhe bhale ya pfa li shi eke irari khi mhi suo khi omo-ek e iRomu o khi.

²⁸ Mhi i nono ni mhi lase emini e ze ni e ro gue ezo o shi oli egbe, mhi rue oli je igbaa iSaediri oyewe.

²⁹ Mhi bhale ya e khi ezo ingme ishi eyewe e ro nali i gue, ama oa mhu emini o li ni abi a gbe oli-a shi, wekhi imuoli shi ogba igha.

³⁰ Abi a ro gueye mhe ugbamhi ni e gba khe oni omose, mhi ro nyanya rue oli ghi e, mhi gbo gueye eni e gue ezo a shi oli egbe e bhale deba e ni e gue emini o li.

³¹ Oni eliyose elogh, oni ekholi-okhue e rue iPolu mholi obo vu, abi a li mhesa oli na we, e ramhi Atipatirisi.

³² Ogbeakolo, eni ekholi-okhue e roli na eni e nga ichi ni e rue oli kie ke le, wewe e nyene egbe ukhokho je apfe ekholi-okhue oyewe.

³³ Abi eni e nga ichi egho e ro ramhi eoli iSizeria, e rue oni ebe na oni igovuno iFelisi, e rue iPolu na li.

³⁴ Oni igovuno o ze oni ebe, o mhila iPolu ukiekie obini o khi. Abi o ro bhale ya lase khi eke iSilisha o te bhale,

³⁵ oo, “Mhi ya suo ezo oye ini eni e gue ezo shi e egbe e ramhi ana.” Igho o mhesa a ri iPolu nga ekhe-khe obo ni e la agbala oyi Erodu.

24

Ezo ni iPolu o gue odalo oyi iFelisi

¹ Abi ogbele ishe e ro dose, Oga oyi ekpodalo ugamhi ni a lu Ananayasi o je iSizeria, loli ali egbhali eghuo ali iloya ni a lu iTatulosi. E bhale odalo oyi igovuno ni a lu iFelisi ni e ya gue ezo shi iPolu egbe.

² Abi a ro lu iPolu bhale, iTatulosi o gue ezo oyoli shi eke khasa iFelisi: Oo, “Ireloe-khu oye o she ri anye mholi opfomhe ali emhi enegbo ukhomhi eke ona.

³ Ashkhasha ali odekhode anye te e kueghie e, anye e nono ni anye kphemhi ne shi ona, yeye iFelisi oghe.

⁴ Ini anye khi pfuse e egheghe-a, mhi lema e u kpekpe u ku eso-a shi anye eke ukuku egheghe.

5 “Eri anye mē ọmọse ọna shi ọgbọ ingme, ni ọ tsua okhọli ẹ lasele ke tanọ ẹgbọ iJu ni e la eke ągbọ nya, e ke pfi onyaghu ali umha-suesọ. Lọli ọ ralo na ẹgbọ otu iNazarini

6 Ọ gbolo o nono ni lọli ri ichimhi mu Owa oyi Ẽshinegba, lọli anye rọ gba li mu. [Anye e nono ni anye gue ọli ẹzọ abi ushi oyanye o ngme.

7 Ama iLisiasi ọni ọ mhẹsẹ na ekhọli-okhue, ọ bhale ya ri itoto ti anye luẹ abọ mie rue vu.

8 Ọọ eni e mē umha-guẹli oyi ọmọse ọna e bhale odalo oye.] Ini u mhila ọmọse onana ọgbọ u ya mē igesikia ni o la ẹzọ ni anye gue shi ọli egbe ena.”

9 Eni ẹgbọ iJu ni e la aghọ e kugbe lama shi ẹzọ ni a gue shi eke, khi igesikia lo.

10 Abi ọni igovunọ ọ ri obọ nu iPọlu ngme ọ gue shi ọli ọ.

IPọlu ọọ, “Mhi lẹsẹ khi ikpe ni e bu u te la ukhomhi ẹoli ona a sọ ẹzọ, itobọ ona egbe ẹ mu mhẹ ni mhi rọ migha odalo oye ya gue ẹzọ pfa egbemhẹ shi eke.

11 Abi u kie kpẹ lẹsẹ, amo o gbe ẹlẹ igbẹva ni mhi rọ je iJerusalemu ni mhi ya ga ugamhi.

12 Ẽgbọ iJu ni e gue ẹzọ shi mhẹ egbe ẹa bhale ya ẹ mhẹ shi elemhi Owa Oyi Ẽshinegba khi mhi nu ọgbọkhọghuo ẹ khẹ akọ, wẹkhi eri mhi la owa ugamhi, wẹkhi ifuapfẹ ashikhọghuo tanọ ebubu ẹgbọ abọ shi onyaghu.

13 Ẽa mhọli abi e li dobẹ rọ ya migha pfi ọtsẹlẹ shi ẹzọ ni e gue shi mhẹ egbe khi igesikia lo.

14 Mhi lama shi ọ khi, eri mhia ga Ẽshinegba oyi eni e bia awa, mhi khi ọni ọ rọte oni Odẹ ona, ni ẹẹ khi ẹgbhọli o khi. Ama mhi mie shi Ushi oyi iMosisi ali emini a kẹkẹ shi ebe eyi emekẹguele.

15 Mhi miesuọ abi ẹgbọ enana e li miesuọ, khi Ẽshinegba ọ ya rọte eghuli guise ọgbọ nya le, ghe eni e guẹ ngeli ghe ena ọkhọlo.

16 Irarighọ mhi rọ rọshẹka, emini mhia riẹlẹ nya, ini udu ni ọọ gue ọgbọ ẹzọ oye mhe o pfuase shi odalo oyi Ẽshinegba ali ọgbọ.

17 “O she gba ikpe eni e bu abi mhi te lase ẹoli iJerusalemu le. Eri mhi jele aghọ ni mhi ya rue ikpaghọ ghi ẹgbọ ni ẹa mhue ali ni mhi ri isomhopfa ghi Ẽshinegba.

18 Emini mhii riẹlẹ na ni e rọ bhale ya ẹ mhẹ shi Owa oyi Ẽshinegba abi mhi la ipfuase abi ushi o ngme. Ẽgbọ ekhọghuo ẹa le gase mhẹ, wẹkhi eri a mē onyaghu.*

19 Ama ẹgbọ iJu eghuo ni ẹ rọte eke Esha bhale e ga li la akaghọ. E kha bhale odalo oye ẹ ya gue ẹzọ oye wẹ, ini e mhọli emini e ya gue shi mhẹ egbe.

20 Okekhi emose ni e la akana ena, a mhila wẹ e guele umhaguẹli ni e gue shi mhẹ egbe abi a rọ rue mhẹ bhale odalo iSaẹdiri.

21 Ama emhi oghuo mhi la akpewẹ tsesẹ ngme khi, ‘Eri a gue mhẹ ẹzọ itobọ khi mhi mie shọ khi eni e ghu-a e ya gbo guale bhale agbọ.’†

22 Ighọ iFẹlisi ni ọ ga lolo lẹsẹ emhi oni Odẹ ona, ọọ, a yemhẹ oni ẹzọ-a ne. Ọọ, “Ini iLisiasi ọni ọ mhẹsẹ na ekhọli-okhue ọ da bhale mhi rọ ya sọ ẹ oni ingme.”

23 Ọ gueyẹ ọga ekhọli-okhue ọghọ ọ lolo ri ẹloe shi iPọlu egbe, ama e zẹ ọli pfi ẹfo-a ukuko. E zẹ ni emole ọli e ke bhale ya tse ọli ali ni e ke ri emini ọ nono bhale ghi ọli.

IPọlu ọ bhale odalo oyi iFẹlisi ali iDurusila

* 24:18 Li zẹ Ika 21.17-28 † 24:21 Li zẹ Ika 23.6

²⁴ Abi ikuku ogbele e ro dose se, iFelisi o tsua ughue oli ni a lu iDurusila ni o khi ongi iJu ma egbe bhale. O ghie ya lu iPolu, o ri eso shi eke suo abi iPolu o li ngme ungmehi irudunga ni o la ijesu iKirisiti.

²⁵ Ama abi iPolu o li ngme ungmehi igue-ngeli, ali ikuegbe-a ali iso-ezo oyi Eshinegba ni o bhale, ulishi oo mu iFelisi, oo, "Osomhi ghoe ne! Ke vu. Mhi ya ghie lu e ini mhi ke me asha."

²⁶ Oni egheghe o dabi khi iPolu o ya vi ufa na lue, itobo igho o ro kele e ghie lu oli, o bhale ni wewe e ngme.

²⁷ Abi ikpe eva e ro dose, iPoshushi iFesitosi o ke khi igovuno ni iFelisi o kpe khi. Ama itobo khi iFelisi o nono ni loli gue riyele ti egbo iJu eloe, o ze iPolu obo shi owa ighumha.

25

IPolu o bhale odalo oyi iFesitosi

¹ A lie amo o li ele ese abi iFesitosi o te khi igovuno, o rote eoli iSizeria nga eoli iJerusalemu.

² Oobo ighie eyi ekpodalo-ugamhi ali enighie eyi egbo iJu e la gue ezo shi iPolu egbe.

³ E nyanya lema iFesitosi o rue iPolu je iJerusalemu ni o roli kpaghie ewe obo. Irari khi e she gba khi ewe e ya kpe ode gbe iPolu-a ini ee le.

⁴ IFesitosi oo we, "A she ri iPolu shi owa ighumha obini eoli iSizeria, mhemhe mhi ya nyene egbe kele je obo.

⁵ A ze ni eni ee ralo na e e deba mhe je iSizeria ya gue ezo shi oni omose egbe, ini o khia khi eri o lue."

⁶ Ogbele elele ya ramhi ogbele igbe iFesitosi o nu we la agho, ni o ro kia tiemhi eoli iSizeria. Ogbeakolo o khueghie ikotu-a, oo a rue iPolu bhale odalo oylue.

⁷ Abi iPolu o ro bhale, egbo iJu ni e rote iJerusalemu bhale e migha gaso oli, e gue ezo ni o toto shi oli egbe, ama ea dobe to eni ezo migha.

⁸ Ama iPolu o gue ezo pfa egboli shi eke, oo, "Mhi aa riyele emhikhoghuo ni o da ushi oyi egbo iJu, wekhi Owa Oyi Eshinegba, wekhi eri mhi lue na iSiza iRomu."

⁹ Ama iFesitosi o nono ni loli riyele oghuemhe oyi egbo iJu, igho o mhila iPolu, "O ghole e ni a rue e je iJerusalemu, ni a la agho gue ezo oye ukpeloe mhe?"

¹⁰ IPolu oo, "Iiye. Ikotu oyi iSiza ni a kha mema la gue ezo oyemhe mhi la ena. Mhi aa mholi onobe ni mhi li egbo iJu ni ye ye u lese gboo.

¹¹ Ini o khia khi mhi lue nabi a gbe ogbo-a shi, mhi mu egbe ni mhi ro ya ghua. Ama o kha da khia khi ezo ni egbo iJu ena e gue e shi mhe egbe khi egbholi lo, ogbokhoghuo oa dobe ya rue mhe na we. Irarigho, mhi lema a ze ni iSiza lueghuo o remhe gue oni ezo ona."

¹² IFesitosi o ri eni e nu oli e so ezo ye ochi se, oo iPolu, "U she lema a rue ezo ona je ayi iSiza ya gue, ayi iSiza u mema ya je."

IPolu o migha odalo oyi Agiripa ali iBenisi

¹³ Ogbele ingme-na e dose, oghie Agiripa ali iBenisi e bhale eke iSizeria ni e ya tse iFesitosi.

¹⁴ Aborokhia khi e la akagho ogbele ebubu, iFesitosi o gue ingme oyi iPolu ye oni oghie, oo, "Omose oghuo o la owa ighumha shi ana ni iFelisi ni o kpe khi igovuno o ze obo shi agho.

15 Abi mhi rọ ye iJerusalẹmu, ighie eyi ekpodalo-ugamhi ali egbhali eyi ẹgbọ iju e tsua ẹzọ bhale ya gue shi ọli egbe, ẹẹ mhi pfa ẹzọ igbe-a mu ọli.

16 “Ama mhi gueyẹ wẹ khi awa ẹgbọ iRomu awa aa ya pfa ẹzọ mu ọgbọ ni a gue ẹzọ shi egbe, ini ọgbọ a ri egheghe nali gue shi ẹzọ ni a gue shi ọli egbe ne.

17 Abi e rọ deba mhe bhale ana, mhi nyanya shi oni ẹzọ shi ogbeakọlo, mhi shito elemhi ikotu, mhi e a lu oni omose bhale.

18 Abi eni ẹẹ gue ẹzọ shi ọli egbe e rọ vule ngme, ẹa gue ẹzọ umhaguẹli ni mhi dabi khi e ya gue.

19 Ochoghọ ẹzọ ekhako tse e lese me gue shi ọli egbe, ni o khi ingme oyi ugamhi oyewe, ali ekhako ni o khi ingme oyi omose ni a lu iJesu, ni o ghua, ni iPolu o khi o kie la agbo.

20 Mhi aa lese abi mhi li ya tonon udi oni ingme onana. Mhi ri irarigho mhila li ini o nono ni a rue oli je iJerusalẹmu ya gue eni ẹzọ ni a gue ẹ shi ọli egbe enana, oobo.

21 Ama iPolu o lema a kie mu lue shi igha ne, ni a ri oni ingme ghi iSiza ni o so o. Irarigho mhi rọ lie a rọ ọli shi owa ighumha ramhi ni mhi rọ ya rue ọli ghi iSiza.”

22 Igho Agiripa o gueye iFesitosi, oo li, “Mhi kha nono ni mhemhe-ghuo ni mhi li ri eso suọ ungmehi oyi oni omose.” IFesitosi oo li, “U ya suọ ọli ako.”

23 Ogbeakọlo, a ri ebola kphase Agiripa ali iBenisi lo elemhi ikotu le. Ega ekholi-okhue ni e lolo fu, ali ẹgbọ eniemhi ni e la oni ẹoli e deba li lo. IFesitosi o ghie ya rue iPolu bhale.

24 IFesitosi oo, “oghie Agiripa ali ẹgbọ ni e la ana nya, a bino omose ona. Ẹgbọ iju ni e la ana ali iJerusalẹmu ali iSizeria e she bhale deba mhe, ẹẹ tse se a khi ke ze ni o la agbo.

25 Mhi me khi ọa li emhikhoghuo onabi a ya gbe ọli-a shi, ama abi o rọ da lema a rue lue ghi Oghie iRomu nya egho, mhi ya rue ọli je iRomu.

26 Ama mhi aa me ingme nabi mhi kha keke shi ọli egbe ghi Oghie iRomu nya. Irarigho, mhi rọ rue ọli bhale ghi e ẹẹ nya, yeye oghie Agiripa kpaashi, ni a bhale ya e khi ini a bino oni ingme se, otse mhi ya me emini mhi ya keke shi ọli egbe.

27 Irari khi mhia sa khi o gbe akanya ni a rọ rue oni a mu shi igha ke ghi Oghie iRomu nya, ini aa me ushi okhoghuo keke shi ọli egbe gboo.”

26

IPolu o pfa egboli shi eke odalo Agiripa

1 Igho Agiripa oo iPolu, “A she lama ne u ngme na egbe e.” Igho iPolu o tsua obo eke, o bele e gue ẹzọ, oo,

2 “Agiripa ni oghie, mhi me egbe mhe shi oni o me afa ni mhi rọ migha odalo oye amo, ni mhi rọ o gue ẹzọ pfa egbe mhe shi eke shi ingme nya ni ẹgbọ iju e gue shi mhe egbe.

3 Oo gue ti gba irari khi u ga lese imu eyi ẹgbọ iju nya ali emini e mie shi. Irarigho, mhi lolo leme u mhọli irabomudu na mhe ni mhi ngme.

4 “Ẹgbọ iju nya e lese abi mhi laọ shi abi mhi te khi omọ, rọte igbaekele agbo oyemhe obini ushishi ẹgbọ iju eyemhe ali ẹoli iJerusalẹmu.

5 Ode o she nue ni e te lese mhe, e ya dobe pfi otsele shi o ini o ghole we, khi abi ugamhi oyawa o ngme khi eri mhi mhọli omuegbe egbegbo shi o abi ona otu iFarisi ni mhi khi.*

* 26:5 Li ze Ika 23.6; iFili 3.5

6 Ama mena, itobọ khi mhi mhọli iregbada shi emini Ẹshinegba ọ shi na itita awa mhi rọ migha shi imufe amo.

7 Ona o khi ishobọ ni unuekpe igbeva eyawa e migha a khe, abi e li roshẹka a ga Eshinegba ghe eleoguota ali ele iyose. Oghie, irari oni iregbada onana egbo iju e gue ezo shi mhe egbe e shi.

8 “Elo zẹ ni a rọ lama shio khi Eshinegba ọ dobe e guise oni ọ ghu-a le?”

9 “Mhemhe mhi kpe mhọli ọli shi udu khi eri o ye ni mhi mu okhọli vule shi oni eva oyi iJesu ongi iNazarẹti ọ.

10 Igho mhi li i riefe ọli obini ẹoli iJerusalemu. Irari afu ni oga oyi ekpodalo ugamhi eyi Eshinegba ọ rọ na mhe, mhi muno ebubu eni e miesuo shi owa ighumha, abi a rọ ọ gbolo we-a, mhii mie obọ shi ọ.

11 Ebubu eghẹghẹ mhi te owa ugamhi je owa ugamhi ya nase we, mhi gbolo ri ajilimhe rewe ngme ungemhi ipfiunu-a deba Eshinegba. Irari elemhi we ni e bi mhe. Mhi gbolo je ẹoli oboese ya mu okhọli vule shi we ọ.[†]

IPolu ọ guele abi loli li mupfi

(Ika 9.1-19; 22.6-16)

12 “Eleghuo mhi i le ẹoli iDamasikosi, rote afu ali omhesẹ ni oga oyi ekpodalo ugamhi eyi Eshinegba ọ rọ na mhe.

13 Itsotso oguota o mu eke, oghie, abi mhi la ode, mhi me khi akpa ni o gese ose ovo o rote idane mi gase mhe ali eni anye ga kia.

14 Anye nya, anye de eke, igho mhi suo khi uruli o nu mhe ngme elemhi Iburu, oo, ‘Isolu, isolu, elo o zẹ ni u rọ mu okhọli vule e shi mhe ọ, ooyeghe wa li ini u nu mhe e khọli.’

15 “Igho mhi mhila, ‘Oghuo u khi Onomhue?’

“Oo mhe, ‘Mhemhe iJesu lo ni u mu okhọli vule shi ọ.’

16 ‘Memena, vule migha. Mhi she ri egbe mhe khasẹ irari khi mhi she zẹ shi oni oo ga mhe ali ni u ke pfi otsẹle oyemhe shi emini u ri ukpeloe oye mhe, ali emini mhi ya rokhasẹ okhese.

17 Mhi ya tsumhi e obọ oyi egbo eye ali obọ oyi egbo ijeta. Mhi ghie e ghi we,

18 ni u khueghie we alo-a, ni u mu we pfi lase alo ebili le bhale akpa, ali u rue we ekpabo eyi okphaghie lasele bhale deba Eshinegba, ni a gbe olamhe kua na we, ali ni e kugbe egbo eyi Eshinegba eni e pfuase ọ, itobọ irudunga ni e mhọli na mhe.[‡]

19 “Irarigho, oghie Agiripa, mhia rọ ri ukpeloe gbe eke ni mhi rote iloghie me.

20 Mhi kpe te odode gue ọli ye egbo iDamasikosi, mhi ke gbo gue ọli ye egbo iJerusalemu ali egbo ni e la eke iJudia nya ali egbo ijeta. Mhi roli tse abo, e lase olamhe le ni e mupfi deba Eshinegba, e rokhasẹ khi wewe e she mu nyene rote ikanya ebe eyewe lasele.[‡]

21 Ona o zẹ ni egbo iju e rọ bamhe rue Owa Oyi Eshinegba ni e rọ roshẹka ini wewe e gbe mhe-a.

22 Ama mhi she mhọli ikpaghiobọ oyi Eshinegba ramhi ogbe na amo, ali mena mhi migha akana a pfi otsẹle ye ogbo onofunẹ ali onikeke abeghuo. Mhi aa ngme ose emini emekeguele ali iMosisi e khi a ya me,

23 khi oni Omiepfuese ni a shobọ khi oo bhale ọ ya me osue, ali khi loli ni ọ kpe te odode rote eghuli guale khi ọ ya ri akpa ru na egbo eyoli ali egbo ijeta.”[§]

[†] 26:11 Li zẹ Ika 8.3; 22.4-5 [‡] 26:20 Li zẹ Ika 9.20,28-29 [§] 26:23 Li zẹ Aza 42.6; 49.6; 1 iKori 15.20

²⁴ Abi iPölu o ro ngme ramhi ana, iFesitösi o mu öli migha, o o li, “Eri waa ke leşë emini u wa li? Ebe ni u zë döşë e she ri ujili e kphe.”

²⁵ IPölu o o li, “Ujili öa kpha mhe, iFesitösi ögbëgbëdu, emini mhia ngme egbëbingme lö ni o tsua egbhali.

²⁶ Oghie Agiripa o ga leşë eni ingme enana nya, emhikhoghüo ena, eä lase öli egbhali-a irari khi aa rieşë wë osheli. Ona o zë khi mhi ga döbë nu öli a ngme oni ingme ona gböo.

²⁷ Oghie Agiripa, u fe mieshi emini emekeşuele e ngme? Mhi leşë khi u mie şö o.”

²⁸ Ighö Agiripa o o iPölu, “Eri u dabi khi u döbë ya ri oni ukuku eghëghë ona ti mhe ni u remhe mele öni o miesuo-a?”

²⁹ IPölu o o li, “O keşë, o teşë oo, mhi lema Eşhinegba o khi khi yeye-ghuo tşë, ama li shi ögbökpa ni o ri esö shi mhe eke ögbenamo, ni e li abi mhi li, ini a da ri öbö rue iwëghë ni e lamhe abö ena ö le.”

³⁰ Ighö öni oghie o vule, li shi öni igövuñö ali iBenisi ali eni e nu wë şitö.

³¹ E röte oni agbala vu, ee ngme, eë, “Ömöşë ona öa li ingme ni a ya gbe öli-a shi wëkhi oni a rö o mu öli shi owa ighumha.”

³² Agiripa o o iFesitösi, “Áá kha wolö ömöşë öna abö-a ini öa she lema a ri oni ingme je ayi iŞiza lö.”

27

A rue iPölu je iRomu

¹ Abi e rö lama shi o, anye lo ökö-ökë öniëmhi je Itili, e rue iPölu ali ighumha ni e kpöle mhöli öbö öyi öga ekhöli-okhue ni a lu iJuliösi, ni o khi öghuo öyi ekhöli-okhue eyi Oghie iRomu nya, ni a zë öda ke.

² Anye lo ökö-ökë öniëmhi röte Adiramitiömu, ikhi ökö-ökë ni o ya kia migha ikpe eghuo ni ökö-ökë eë migha, ni e la epfepfe öke ni e la eke Esha. Arisitakusi ni o khi öngi iMasidonia o nu anye kia.

³ Ögbeakölo anye migha iSidöni. iJuliösi o mhöli isomhelemhi na iPölu, o zë öli öbö ya me emöle öli, ni e ri emini öö nono na li.

⁴ Anye ke gbo röte aghö mu oni ökö nga, anye röte odane ukiëkie eke ni öke öniëmhi o khi shi ni a lu iSapurosi irari khi akpekpeli oo nase anye.

⁵ Abi anye rö gua ökö o da je ödada iSilisha ali iPafilia, anye migha öli iMara na eke iLisia.

⁶ Aghö öni öga ekhöli-okhue o te me ökö-ökë öniëmhi öyi öli Alezadira ni oo je Itili, o ri anye lo o.

⁷ Anye e kia fie, ögbeleşë ebubu, anye mhöli ömunu neni anye ramhi iKinidusi. Abi akpekpeli öa rö zë anye röte ashini anye kha röte, anye gua ökö-ökë je ukiëkie eke ni öke öniëmhi o khi shi iKireti ni o şö alo ghue öli iSalimö.

⁸ Anye mhöli ömunu röte oni öke öniëmhi. Ikpukhokho, anye bhale ashini ökö-ökë eë migha ni a lui öpfömhëşbe ni o ti mama öli iLasia.

⁹ Eghëghë o she pfu anye-a. Oni okiali o de shi eghëghë ni a rö leşë pfi azumhi se, ni o khi eghëghë ni okhëna o la la okiali na ukhomhi öke öniëmhi. Ighö iPölu o tse agua ye wë, öö wë,

¹⁰ “Emöşë, mhi she me khi okiali oyawa o ya khi okhëna ali khi o ya ri ukpokpomhi öpfu ghi öni ökö ali itsua ni o tsua ali agbö oyawa.”

¹¹ Ama, ocho ni öni öga ekhöli-okhue o kha rö ri esö shi emini iPölu o ngme, o deba abi öni o gua öni ökö o ngme ali emini öni o mhöli öni ökö o ngme.

12 Aborokhia khi ashini anye migha ɔa ya ti egbe egheghe orue; ebubu egbo e yemhe anye gua ke le, e dabi khi anye ya ramhi ɔli iFonisi, ni anye la agho egheghe orue. Agho oko oke oniemhi nya e e migha yemhe-a. Eke ni oke oniemhi o khishi ni a lu iKireti ni o so alo ghue obini ovo o te e lo eko o khi.

Akpekpeli oniemhi

13 Abi akpekpeli oke o ro ri ofie rote ukiekie ogobo o pfiolo, eni emose e dabi khi okiali o ya ze we kia ke je odalo, igho e leli uli ali akhuli ni a ro gba oko oo zu. Ee kia eseso oni oke oniemhi na iKireti.

14 Ama o li deno, akpekpeli oniemhi, o li rote ukiekie obita ini a so alo ghue obini ovo o te e tiemhi eko pfiolo rote oni eke ni o la iteva oke oniemhi i dose.

15 Oni akpekpeli o tsua rughu oko-oke oyanye, ɔa dobe ke kia je obini akpekpeli o te pfiolo o bhale. O lase anye. Anye bie ze oli obo na akpekpeli lolighuo oo tsua.

16 Anye kia rote ukiekie ukuku eke ni o la iteva oke oniemhi ni a lu iKauda, iki ukiekie obini oni akpekpeli ɔa ri egbe ramhi. Iroshaka anye ro dobe tialo oko onikeke ni a ro o tsumhi egbo lo elemhi oni oko-oke oniemhi.

17 Abi eni emose e ro tialo li lo se, e ri ili ge oni oko-oke oniemhi gase, ini eni ili e dobe mu oli mhuo toto. Irari khi ee na ulishi ini oni oko o ya gbe aye shi ugbe eke, ni o la egele eke iLibiya, ni o so alo ghue we. Igho e gbaghi e ode na kpishi oyi oni oko-a, irari khi ea bie ke mhuo abi e ya li o. Ishegho ni oni akpekpeli o bie tsua we ke le.

18 Oni akpekpeli o kie ri itoto tsua oni oko-oke ramhi ogbeakolo, ramhi ni, eni emose e ro tino itsua ni e tsua shi oni oko o pfiolo kulo oni oke.

19 Ogbeakolo e pfiolo ikhuli ni oni oko o ro o gbe akanya kulo oni oke.

20 Aborokhia khi ogbele ebubu ni e dose khi anye a ri eloe ti ovo wekhi ukpetata, ni oni akpekpeli o kiele ro ri itoto o pfiolo, anye a ke ri udu shi o khi anye me ode ni anye te ya pfue o.

21 Abi eni emose ea ro le eminale ogbele ebubu, iPolu o vule, o we, "Emose a kha suo ude ni mhi ye e lo, a kha migha iKireti, Eghoghe agho, a kha tsumhi egbe e oyese onana ali opfu.

22 Ama mena mhi gueye e a mholi udu, itobo khi onge o khoghuo ɔa ya pfua se ni oni oko.

23 Ooyose ageni oyi Eshingba ni o mholi mhe ali ni mhi a ga o migha mama mhe,

24 oo mhe, 'Khi ze ni ulishi o muo, iPolu. U mema ya migha ezo odalo oyi iSiza ali khi Eshingba o she rote ilelemhi ri agbo oyi eni a ga kia mholi e obo.'

25 Irarigho, a mu igbedu oye mholi, emose, irari khi mhi mhuo irudunga khi Eshingba o ya riele oli abi o gueye mhe.

26 Ama oko oyawa o mema ya gbe aye shi ugbe eke okhoghuo ni o la iteva oke oniemhi, o tigbe migha."

Oni oko o de ya khere-a

27 Eliyose elenzu-igbene, akpekpeli o kie tsua anye e kiakia oke oniemhi Adiriatiiki. Itsotso ogbie, o li eni ee gbe akanya oni oko eloe abine khi e she ti e mama eke.

28 E mheso eni oke bino, e me khi ilimhi oyoli o khi ete-awe egbhuasesa. O gbo li deno, e gbo mheso oli, o ke khi ete-awe egbhuene ali igbe.

29 Ulishi o mu we khi oni oko o ya gbe aye shi eche, e rote ukhokho pfi ikhuli ene ni a ro a mu oko o gbashi lo oni oke oniemhi, ee so iromhi ogbe o gbe a.

30 Eni e la oni ọkọ ọ gbe akanya e dua abi e li mẹ asha a na kua. Ee tiese ukuku ọkọ ni e tialọ lole egho nga okẹ oniēmhi, abinẹ khi eri e nono ni e rọte odalo ya pfi ikhuli lo okẹ oniēmhi.

31 Ama iPọlu ọọ ọni ọga ekhọli-okhuẹ ali eni ekhọli-okhuẹ, “Ini emọse enana ẹa li la elemhi oni ọkọ, ọngẹẹ, ọa ya pfun ọ.”

32 Igho eni ekhọli-okhuẹ e pfa uli ni o mu oni ọkọ onikeke mhue-a. E zẹ ọli de tiemhi elemhi okẹ.

33 Neni ogbe o maghiẹ-a, iPọlu ọ lema wẹ nya e le eminale. Ọọ wẹ, “O she ramhi ogbele igbene ni udu ọa ke te sheshe ẹ, ni a le eminale kpẹ.

34 Mena mhia lema ẹ, a le eminale. A lemhi ini a nono ni a kie dobe la agbo, A lemhi khi emhikhoghuo ọa ya li ọngẹẹ.”

35 Abi ọ rọ ngme na se, ọ rue ibuledi lasele, o kphēmhi na Eshinẹgba ukpeloe wẹ nya, ọ khi ọli-a, ọọ le.

36 Wẹwẹ nya e mhọli udu, e le eminale.

37 Anye nya ni anye la oni ọkọ, ẹgbọ ẹgbhuegbese ali ogbasasa 276 anye khi.

38 Abi e rọ ga le eminale se abi e nono, e tino ikpulu ikpamhi emhi ni e tsua kulo okẹ oniēmhi, ini oni ọkọ o kpẹ li fuẹ.

Oni ọkọ okẹ oniēmhi ọ kulue

39 Abi ogbe o rọ gbe-a se, eni ẹẹ gua oni ọkọ ẹa ke leşe egele okẹ oniēmhi bie, ama e mẹ ashini ekhashe e kpi gbili shi. Agho e ke bie rọli shi udu khi wẹwẹ e ya gua oni ọkọ ya migha ini o zẹ wẹ ẹ riẹle.

40 Igho e pfanọ eni ili ni e mu ukpokpomhi akhuli ni o mu ọkọ-okẹ oniēmhi ẹ gbashi kulo udi okẹ oniēmhi. Eghẹghẹ agho e taghiẹ uli ni a rọ mu emini a rọ mu oni ọkọ ukhomhi ẹ nyene-a. E taghiẹ ugbakpi oyi oni ọkọ-a nga idane, ni e dobe ramhi ashini e nono.

41 Ama oni ọkọ-okẹ o ya tọ aye sọ ogbe eke ni o la elemhi okẹ oniēmhi, o migha, akpekpeli o kie ri itoto o li, o tseke udi oni ọkọ-a.

42 Eni ekhọli-okhuẹ ee gba abi e li ya gbolo eni ighumha nya a, ini e ya gua okẹ ramhi egele ni e na vu.

43 Ama ọni ọga ekhọli-okhuẹ, ọọ nono abi lọli li ya tsumhi iPọlu, ọa zẹ wẹ riẹle emini e gba. Ochoghọ ọ gueye eni e gue ẹ gua okẹ e kpẹ danọ kulo okẹ ni e ramhi egele.

44 Eni e kpole nya e mu ikiẹkie ẹera mhue okekhi izaga oyi oni ọkọ-okẹ. Igho wẹwẹ nya e ramhi ekekhe emhikhoghuo ọa li wẹ.

28

Eke ni a lui iMota

1 Abi anye rọ ri ẹpfua-ẹpfua ramhi egele se, anye bhale ya ẹ khi iMota a lu oni eke ni o la iteva okẹ oniēmhi.

2 Egbọ ni e ngeli oni eke e sonhelemhi anye ode ni anye aa sa shi. E pfi avuerẹ rọ mu anye ẹpfese irari khi eri amẹ oo ruẹ, ogbe o pfo.

3 iPọlu ọ ya nu iguagha ẹera, ọ rẹwẹ kpẹ eni erali, igho ẹnye afue ọ te eni iguagha lasele ya tsako shi iPọlu obọ, itobọ khi erali e she base ọli.

4 Abi ẹgbọ ni e la oni eke ee mẹ khi ọni ẹnye ọ ngomhi iPọlu obọ, e gueye ẹbe, ẹẹ, “Omọse ọna, ọgbọ ugbeli ni ọ gbolo ẹgbọ-a ọ fe khi memena. Aa mẹ khi abi ọ ririẹ na pfun eghuli okẹ oniēmhi, odeba oyi iguezo ọa kie zẹ ọli obọ ni ọ la agbo.”

5 Ama iPọlu ọ kpishi ọni ẹnye pfilo elemhi erali. Ingomhi ni ọni ẹnye ọ ngomhi ọli, ọa li ọli abikhoghuo.

⁶ E migha ri ẹlo e shi eke ẹ khe abi o li ya fumhi, okekhi abi o li ya fiagbe eke ghua. Ama abi e ro khe oli ramhi ni ẹa ro me khi emhikhoghua e li oli, e mu udu pfi, ẹẹ khi olitsa o khi.

⁷ Epfe-agho iPobiliosi ni o khi ogbo igometi oyi oni eke ni oke oniemi o khi shi, o mholi apfe shi. O rue anye je apfe oyoli, o feli anye epfese egbegbo ogbele ese.

⁸ Ita iPobiliosi o yeshi i ghua, iba ali ukpokpomhi elemhi ofu e to oli. IPolu o lo elemhi owa ya so iromhi na li, o ri abo nga li egbe, o roli ze.

⁹ Abi a ro me gho se, egbo elese ni e ghua ni e la oni eke ni oke oniemi o khishi e bhale, a rewe ze.

¹⁰ Eni egbo e lolo mu ekpe na anye, e somhi anye opfa. Abi anye ro ya lo oko-oké oniemi ke vu, e wolo itsua ododa ni e to anye na anye.

Rote ẹoli iMota je iRomu

¹¹ Abi o ro gbe iki ese dose, anye lo oko-oké oniemi ni o migha agho khe ni orue o dose. Ẹoli Alẹzadira oni oko o te e bhale, isheli itsema iKasito ali iPolukisi a lu oni oko.

¹² Anye ramhi ẹoli iSirakusi, anye la agho ele ese.

¹³ Anye rote agho kia oke-oniemi ramhi ẹoli iRegiumu. Ogbeakofo, akpekpele o rote ukiẹkiẹ ogobo ini a so alo ghue obini ovo o te ẹ lo eko e pfiolo. Ogbele onuzi-eva, anye lo ẹoli iPuteoli.

¹⁴ Anye ya ẹ eni e miesuo ni ẹẹ anye nu wewe la agho elemhi ẹfo uka oghuo. Anye rote agho vu, anye ramhi iRomu.

¹⁵ Igbaa oyi eni e mie iJesu iKirisiti suo ni e la iRomu e she suo khi anye ẹ bhale. Igho eni e miesuo eghuo e bhale ya lu anye ode, e kia ramhi Oki Apiosi ali Owa Ese ni a ku ẹ shi. Abi iPolu o ro me we, o tse Ẹshinegba uwegbe, o ri udu shi oli o.

IPolu o la elemhi iRomu tse abo

¹⁶ Abi anye ro ramhi iRomu, a ze ni iPolu lolighuo o la owa ni o ghole o, a ze okholi-okhue oghuo o ri ukpeloe ke khu oli.

¹⁷ Abi o ro gba ele ese dose, iPolu o lu eni e ralo na egbo iJu shi ilona. Abi e ro bhale shi oni ilona, oo we, "Inyoghuo-mhe, mhi aa li egbo eyawa emhikhoghuo wekhi eri mhi gbe ushi ni eni e bia awa, e ro nga awa obo-a, ni e ro la iJerusalemu mu mhe, rue mhe na igometi iRomu.

¹⁸ Abi e ro gue mhe ẹzo egbe-a se, e nono abi wewe e liẹ rue mhe obo-a, itobo khi mhia lue, ni a ya gbe mhe-a shi.

¹⁹ Ama abi egbo iJu ẹa ro lama shi o, loli mhi ro lema a tsua oni ẹzo bhale odalo oyi iSiza. Oa khi eri mhi mhue emini mhi bhale ya gue shi egbo eyemhe egbe.*

²⁰ Onana o ze khi mhie a bhale ni awa ngme. Itobo irudushi ni egbo iZireni e mholi a ro ri iweghe shi mhe awe ena."

²¹ Ẹ oli, "Anye a me ebe okhoghuo ni a keke ingme oye shi, rote eke iJudia bhale, ghi anye, wekhi inyoghuo awa ni e rote oobo bhale e gue ingme oye okhoghuo ni ọa ti ye anye.

²² Ama anye ẹ nono ni anye suo unu oye, itobo khi ashakpa egbo e la ngme onobe shi oni otu onogbo ona."

²³ Igho e shi ogbele na iPolu. Ebubu egbo e bhale asha ni iPolu o la oni ogbele. Rote ele uzogbe ya ramhi ẹiyose iPolu o te gue ungemhi oyi Eghiele

* 28:19 Li ze Ika 25.11

oyi Eshinegba ye we. O rote ebe Ushi oyi iMosisi ali eyi Emekęguele roli lo we esọ ini e lama mie ijesu suọ.

²⁴ Ingmemhi ni ọ ngme e lo ẹgbọ eghuo esọ, ama ẹgbọ eghuo ẹa mie shi ọli ọ.

²⁵ Igho e li nu egbe e khako, e vu, abi iPolu ọ ro ngme ungmehi ona ni o kpọli ukhokho unu se ni ọọ, “Ayemhe-nọ-pfuase ọ she kpẹ rote unu oyi Azaya ọmekeguele gueye eni e bia awa:

²⁶ “Le deba ẹgbọ ena

ni u gueye we,

“A ya ri esọ shi eke khue,

ama ọa ya tigbe lo ẹ esọ,

a feli ofeli khue,

ama aa me emhikhoghuo.”

²⁷ Udu oyewe o bi obili-a,

esọ eyewe e zuse,

e gbo guese alo.

Ini ọa khi igho lo,

e kha ri alo eyewe ke me eke,

e ri esọ eyewe ẹ suọ,

udu oyewe o kha mhọli ilęsingme,

e kha mu pfi bhale deba mhe,

mhi rewe ze.”†

²⁸ “Irarigho, mhia nono ni a lese khi imiepfuese oyi Eshinegba khi a she roli ghi ẹgbọ ijeta. E ya ri esọ shi ọ!”

²⁹ [Abi ọ ro ngme oni ungmehi ona se, eni ẹgbọ iJu e vu, e nu egbewe khako ni o toto.]

³⁰ Ikpe eva gbada iPolu ọ la owa ni lolighuo ọ ngmomhi shi. Agho ọ la a mu ẹgbọ ni e bhale ya feli ọli epfese.

³¹ Igbe-udu ni ọ mhue ya, ọ ro ọ gue ungmehi Eghiele oyi Eshinegba le, ọ gbolo sese ẹgbọ ingme eyi ijesu iKirisiti Onomhue, emhikhoghuo ọa zu ọli ode.

† 28:27 Li ze Aza 6.9-10

Ebe ni iPòlu o kẹkẹ ghi ẹgbọ iRoma Eni e miesuo

Otse oyi iPòlu

¹ Mhẹmhẹ iPòlu, oni ọọ ga oyi iJesu iKirisiti ni a lu mhi khi aghiusomhi na kẹẹ, ni a zẹ o le mhi ke tsabọ usomhi onete oyi Ẹshinẹgba. Mhẹmhẹ mhi kẹkẹ ebe ona.

² Oni usomhi onete ona khi, oni Ẹshinẹgba o shobọ shi eke, rọte unu oyi emekẹguele eyọli ni a kẹkẹ shi Ebe-no-pfuase.

³ Oni usomhi onete o ya khi, ingme oyi omi ọli ni o rọte unuẹkpẹ oyi iDefidi lasese elemhi idiegebe.

⁴ A rọte ekpabọ oyi Ayẹmhe-no-pfuase rọli khase, ikhi iJesu iKirisiti Onomhue oyawa, khi, Omi Ẹshinẹgba o khi, abi o rọ rọte eghuli guise ọli le.

⁵ Rọte obọ oyi iKirisiti ali eva oyọli anye te mie afu rọ khi ighiusomhi na kẹẹ eyọli, ni anye rọ ri ẹgbọ iJeta nya bhale ya sueso na Ẹshinẹgba. Isueso ni o rọte irudunga bhale.

⁶ Ẹẹ ẹgbọ iRomu a li la eni Ẹshinẹgba o lu, ni a li khi enayi iJesu iKirisiti.

⁷ Ẹẹ ni a la iRomu nya a kẹkẹ ebe ona ghi. Ẹẹ ni Ẹshinẹgba o nono ingme oyewẹ ni o zẹ, ni a khi ẹgbọ eyọli.

Okhale ali opfomhẹ e ka khi eye ẹ, rọte obọ oyi Ẹshinẹgba ita awa ali rọte obọ oyi iJesu iKirisiti Onomhue.

⁸ Onodode, mhi ri eva oyi iJesu iKirisiti tse Ẹshinẹgba oyemhẹ uwegbe shi agbọ oyẹ ẹ nya, irari khi a she la ashakpa elemhi eke agbọ suọ eko irudunga ni a mhọli.

⁹ Ẹshinẹgba ni mhi ri udu oyemhẹ nya a ga, ni mhi a tse abọ usomhi onete oyi omi ọli, o khi ọtselẹ oyemhẹ, khi igesikia mhia ngme, khi eghẹghẹ kpa mhi rọ o sa to ẹ egbe ini mhia sọ iromhi.

¹⁰ Mhia lema Ẹshinẹgba o khueghie ode-a na mhẹ ni mhi mẹ asha bhale ya mẹ ẹ ikpukhokho abi o ghọle ọli shi.

¹¹ O ma ghọle mhẹ gba ni mhi rọ mẹ ẹ, ni mhi ri osesẹ eyi ayemhẹ na ẹ, ni ó rẹ ẹ ya toto irudunga.

¹² Emini mhi ri ona ngme khi ni a rọ bhale ya ẹ khi awa mhue ikpaghiobo na egbe. Mhi kha zese ẹ-a, ẹẹ a zese mhẹ-a.

¹³ Emọle mhẹ, mhia nono ni a lẹsẹ khi, ebubu eghẹghẹ mhi she gba li khi mhi bhale ya feli ẹ, ni mhi gbo ri ẹgbọ bhale irudunga abi mhi kpe liẹ riẹle ọli ifuabọ egboese ni e khi iJeta, ama, ọzuode o zu mhẹ ode.*

¹⁴ Egboli oyemhẹ o khi ni mhi rọ tse abọ ona ye ẹgbọ kpa, ghe ẹgbọ iGiriki ali eni ẹa khi iGiriki, ene fialo-a ali eni ẹa fialo-a, shi eni mhọli ẹgbhali ali eni ẹa mhọli ẹgbhali.

¹⁵ Ighọ, o gbo liẹ kphakpha mhẹ egbe ni mhi rọ li gbe oni usomhi onete ye ẹ ni a la iRomu.

Ekpabọ ni o la oni usomhi onete

¹⁶ Omama oni usomhi onete ọa ya mu mhẹ, irari khi lọli o khi ekpabọ oyi Ẹshinẹgba ni a rọ o tsumhi ogbọkpa ni o miesuo, ẹgbọ iJu o kpe ramhi egbe, neni o tigbe ramhi ẹgbọ iJeta egbe.†

* 1:13 Li zẹ Ika 19.21 † 1:16 Li zẹ iMak 8.38

17 Oni usomhi onete ona o guele abi Eshinegba o liẹ mie oḡbọkpa ni o mhọli irudunga. Ezeze abi Ebe-no-pfuase o ngme khi, “Oni Eshinegba o ri irari irudunga oyọli pfa na, o ya la agbo.”‡

Elemhi ibibi oyi Eshinegba

18 Idane elemhi ibibi oyi Eshinegba o te e tiemhile shi eḡbọ ni ẹa miesuo ali ena oḡhọlo nya o, ni e ri oḡhọlo oyewe e khukhu eḡbọ alo ini e khi lese igesikia oyi Eshinegba.

19 Aborokhia khi e lese emini a dobe a lese ingme oyi Eshinegba, itobo khi o khueghie oli-a khasẹ we ḡboo.

20 Irari khi rote igbaekele agbo a te me ekpabo ali ufumhi ali abi Eshinegba o li ḡboo. Emini o ma nya o ri awa mhọli ilese abi o li. Onana o ze khi eḡbọ ẹa mhue emini e ya liẹ khi o ze ni wewe ẹa ro miesuo.

21 E lese Eshinegba, ama ẹa kuẹghie oli abi Eshinegba, wekhi eri e kphemhi oli. Ochoghọ, isamhi afue ẹẹ sa, igho udu ooyeghe oyewe o bishi-a.Š

22 E khi, eni e fialo-a wewe e khi, ama e mele eyeghe-a.

23 E ya oghie ufumhi ni a ro na Eshinegba ni o la agboagbo na ikhumhi ni a mama ro khokho oḡbo ni oḡ ghu ali ipfeli ali elamhako ali emini ẹẹ ti akpidi eke.*

24 Irarigho, Eshinegba o ro rue we obọ-a na oghuemhe olamhe oyi udu eyewe ali itsebo ni e nu eḡbewe e li.

25 E ri eḡbhọli oghie igesikia oyi Eshinegba. Ee ga emini a ma, ocho ni e kha ro ke ga Ima, oni o khi oni a kuẹghie ya ramhi ele ni agboagbo. Atse.

26 Itobo ona, Eshinegba o ro rue we obọ-a na oghuemhe omama. Egbegbi ikpotso eyewe, e nu egbe we e ḡbhe.

27 Igho li khi eni emose, ocho ni e kha ro le ke deba ikpotso, emose na abi wewe ẹẹ ghole we inu-gbhe. Emose e gbe ikanya omama ke deba emose, irarigho, e she mie ifata ikanya ebe eyewe.

28 Irari khi ẹa lama ri egbegbi ilese oyi Eshinegba ni e mhue shi udu, Eshinegba o ro ze we obọ na isamhi ebe udu oyewe ni e ke rieḡe emini ẹa kha rieḡe.

29 Oḡhọlo khi oḡhọlo nya o kesẹ we-a, ghe ingmobe, ghe emhi ito-egbe, ghe ubogbo. Ofuma ikpekpe o vo we egbe, ghe ugbeli, ghe okhọli, ghe ikpamhika, ghe oḡe-imumu. Eni e tsue eḡbo kiakia e khi.

30 E ri unu e yese oḡbo-a, ẹẹ biselemhi Eshinegba, ezunu-obe, ni ẹa mhue ekpe, ni ẹẹ tono obọ udu. Ode ebe ni a ro li oḡhọlo enegbo, ẹẹ sa ro lasele eḡheḡhe kpa. Ẹa ya suo eso na itawe.

31 Ẹa mhue ileasingme, ẹa ri ishobo oyewe a gbe akanya, ẹa ya ti elemhi oḡbo wekhi eri e mhue ilelemhi na oḡbo.

32 E lese khi ushi oyi Eshinegba, oḡ khi, eḡbo ni e li na ngeli, eni e ya pfua e khi, oḡ khi eri e lese e rieḡe emhi eghogho tse, ama ẹẹ mie obọ shi eni e gbe ikanya eghogho o.

2

Iguezọ oyi Eshinegba

1 Yeye ni u wa gue egboese ezọ, waa mholi obini u pfue o ya je, irari khi egheghe kpa ni u ro gue ogboese ezọ ne, egbe e wa gue ezọ, itobo khi yeye oye u lili e riele eni emhi.*

2 Awa lese khi ezọ ni Eshinegba o gue egbo ni e riele emhi eghogho, khi igesikia o deba gue oli.

3 Eri u dabi khi ini yeye ogbo afuafuafue u gue egboese ezọ, khi yeye u li riele oni emhi oghogho, khi u ya pfue ezọ oyi Eshinegba?

4 Abi khi eri u ri eloe e gbe isomhelemhi ali iregbemie ali irabomudu eniemhi eyoli, nu waa lese khi isomhelemhi oyi Eshinegba o re ramhi imupfi?

5 Ama irari igbiti ali udu ni o mhuẹ imupfi ni a mhuẹ, a ro khi ma ofu oyi Eshinegba, ni o ro ya na e osoli, egheghe ni iguezo oyoli ni o mhuẹ azeba o ro ya feli lasele.

6 Eshinegba, "O ya fali ogbogbo ota abi o li gbe."†

7 O ya ri agbo na agbogbo na egbo ni e mhuẹ irabomudu e riele onete, ni e nono ufumhi ali agbo ni o mhuẹ ukpese.

8 Ama egbo ni e na shi oyewe tse, ni e ri eso shi igesikia ni o la ungmehi oyi Eshinegba, ni e deba onobe vu, Eshinegba o ya tiese ofu ali elemhi ibibi oyoli le shi we o.

9 Egbo eni e riele onobe nya e ya me osoli ali oya. Okekhi egbo iJu, okekhi egbo iJeta.

10 Ama Eshinegba o ya ri ufumhi ali itinga ali opfomhe na egbo nya ni e riele onete. Okekhi egbo iJu, okekhi egbo iJeta

11 Irari khi Eshinegba o ya zo lo ogbokhoghuo.‡

12 Egbokpa ni e lamhe olamhe ni e mhuẹ ebe ushi deba, ogbo o ro ebe ushi ya gue we ezọ, ama egbokpa ni e mhuẹ ushi deba ni e lamhe olamhe, a ya ro ebe ushi gue we ezọ.

13 Irari khi o khi egbo ni e suo abi ushi o ngme tse Eshinegba o ya lie khi e pfuase, ama eni e suo abi ushi o ngme ni e roli e gbe akanya, Eshinegba o ya pfa na khi e pfuase.

14 Egheghe kpa ni egbo iJeta, ni e mholi ushi, e ro ro e angeli oyewe ri ushi gbe akanya ne, eri e ro khashe khi e lese emini o ti ali emini o ti ni a riele, ini e ririe mhuẹ ushi.

15 Eri angeli oyewe o ro khashe khi emini ushi o o a ke riele, khi e keke oli shi udu, udu oyewe o pfi otsele shi o, isamhi eyewe ni e gue we ezọ isheghuo, e gbo khe we shi eke.

16 Igbo o ya li ogbele ni Eshinegba o ya ro e obo oyi iJesu iKirisiti gue we ezọ ri osheli oyewe lasele abi mhi li ri usomhi onete tse abo.

Egbo iJu ali ushi

17 Ini a lu egbe e egbo iJu, a ri egbe da ushi ri Eshinegba a tono obo udu,

18 Ini a ze Ebe-no-pfuase lese ogueme oyi Eshinegba, ni a gbo lese emini o gbe akanya,

19 ini a lese khi e a khi eni e se se ezalo ode, ni a ro gbo khi akpa na egbo ni e la alo ebili,

20 a ye egbo ni e khi eyeghe ude, a se se eni e a lese. A mholi oli shi udu khi ilese ali igesikia o gba pfo shi elemhi ushi.

21 Ee ni a se se egboese, elo o ze khi aa ya se se egbe e? Ee ni a lie ogbo o khi do ughiatọ, aa lie do?

* 2:1 Li ze iMat 7.1; iLuk 6.37 † 2:6 Li ze iWolo 62.12; Ekpi 24.12 ‡ 2:11 Li ze iDeut 10.17

22 Eẹ ni a liẹ ọgbọ ọ khi kia okia, aa liẹ kia okia? Eẹ ni ikhumhi igaga ọọ kpasẹ, aa liẹ do ughiatọ elemhi Owa oyi Ẹshinẹgba?

23 Eẹ ni a tono obọ udu khi a mhuẹ ishi eyi Ẹshinẹgba, aa ri omama mu Ẹshinẹgba abi a liẹ gbe eni ishi-a?

24 Ebe-no-pfuasẹ ọọ khi: “Irari eẹ ni a khi ẹgbọ iJu ẹgbọ ijẹta e rọ ọ zẹ ẹmuẹbe na eva oyi Ẹshinẹgba.”[§]

25 Ini a ri ishi a gbe ikanya, oshẹlẹ oye ẹ o rọ mu ẹloe, ama ini a gbe ushi-a, eri a li abinẹ khi aa shẹlẹ-a.

26 Ini ọgbọ ni ọa khi iJu ni ọgbọ aa shẹlẹ-a ọ ri ushi oyi Ẹshinẹgba gbe akanya, Ẹshinẹgba ọa ya leli ọli shi ọni aa shẹlẹ-a?

27 Itobọ ighọ, ẹgbọ ijẹta e ya pfa ẹzọ mu ẹ iJu itobọ khi a gbe ushi-a, aboriẹkhia khi a kẹkẹ oni ushi shi ebe na ẹ ni a gbo shẹlẹ-a, ama wẹwẹ e ri ushi ẹ gbe akanya ini aa ririẹ shẹlẹ wẹ-a.

28 Ọa khi itobọ khi ọgbọ ọọ ngeli abi ọgbọ iJu ali itobọ khi a da shẹlẹ ọli-a ọ rọ khi egbegbi iJu.

29 Ama ọni ọ khi egbegbi iJu ọ khi ọni ọ ri ushi ẹ gbe akanya, Oshẹlẹ na ekelemhi udu o khi igesikia oyi oshẹlẹ, ọa khi ona ẹkuẹ idiegbe oye. Ọgbọ ọghoghọ Ẹshinẹgba ọọ kuẹghie ọli, aa khi ẹgbọ ẹẹ kuẹghie ọli.*

3

1 Ighe eleli ni ẹgbọ iJu, ikhi eni a lu eni a shẹlẹ-a, e mholi dọsẹ ẹgbọ ijẹta? Ighe eleli ni o la ọ na ẹgbọ ni ẹ lu egbewẹ eni a shẹlẹ-a?

2 Ẹleli o la ọ na ọgbọgbọ odẹ khi odẹ. Odode, ẹgbọ iJu Ẹshinẹgba ọ kpẹ ri oni ungmehi nga obọ.

3 Ini o fẹ khia khi eghuo ọ ẹa mhuẹ irudunga? Eri umha mhuẹ irudunga oyewẹ o ya liẹ khi Ẹshinẹgba ọa ke zẹ ri egbe ẹ nga?

4 Iiye e! Ini ọgbọkpa o tseku khi ọloẹgbhuẹ, igesikia Ẹshinẹgba ọ khi. Abi Ebe-no-pfuasẹ o ngme, ni ọọ.*

“A mema mẹ khi
yeyẹ u te odẹ ini u ngme,
ali khi u ya mu ọ le
ini a gue ẹ ezọ.”

5 Ama ini umha gue ẹ ngeli oyawa o ri ipfuasẹ oyi Ẹshinẹgba khasẹ gboo, sẹẹ awa ke fẹ ya ngme? Eri awa ya liẹ khi Ẹshinẹgba ọ gbe awa azẹba ini ọ na awa osoli tọ onobe ni awa li? Eri mhi la ana ngme abi ọgbọ ọ liẹ ngme.

6 Emini a sọ shi ona khi, Iiye o, ini o khia khi Ẹshinẹgba ọọ gbe azẹba lọ, se ọ kha li dobe gue agbọ ezọ?

7 Ẹgbọ eghuo e ya ke khako, ẹẹ li, “Ini o khia khi egbhọli ni mhi lo o ri izẹ-ri-egbenga oyi Ẹshinẹgba khasẹ, ni o khi ma ufumhi oyọli, sẹ a ke gbo liẹ pfa ezọ mu mhẹ abi ọgbọ ọna olamhẹ?”

8 Elo o ke zẹ ni awa a rọ liẹ khi o tinẹ ni awa ke li ingmobe ni onete o rọte ọ lasele? A ya gue ọgbọgbọ eni e ngme na ezọ. Ezeze abi ẹgbọ eghuo e she kpẹ li kiẹno ẹgbhọli ma mhẹ khi emini mhia sẹsẹ ẹgbọ ghọ.

Aa mẹ ọni ọ gue ẹ ngeli

9 Ini a fẹ bino ọ bie, eri awa iJu awa fẹ ti dọsẹ ijẹta? Iiye o! Mhi she kpẹ rọli khasẹ khi ẹgbọ iJu ali ẹgbọ ijẹta nya elemhi olamhẹ awa la a kia.

10 Abi Ebe-no-pfuasẹ o ngme ni ọọ:

“Ogbòkhòghuo ọa la ọ
ni ọ guẹ ẹ ngeli, ọgbò aa mẹ,
11 Aa mẹ ọni ọ mhue ilese,
wẹkhi eri ọgbòkhòghuo
ọọ ga Ẹshinẹgba.

12 Ẹgbò nya e she so
ukhokho gbe Ẹshinẹgba.
Wẹwẹ nya e she rọte
odẹ oboese ni ọa ti.

Ogbòkhòghuo ọa la ni
ọọ riẹlẹ onete,
ogbò aa mẹ ọghuo kpe!”†

13 “Eri ukokoluoluọ oyewẹ
o li abi uji ni o
khueghie-a shi ekẹ.
Eri ẹlẹmhi oyewẹ
O ri udimhi ẹ pfi itsee.”‡

“Osue ẹnyẹ afue o la wẹ unu.”
14 “Inu eyewẹ o vọ
itse ebe ikuku ali oyala.”§

15 “Ọa ya mu wẹ unu
ni e rọ gbe ugbeli,

16 epfua ali oyese ẹẹ pfi
shi obini e je kpa,

17 Ẹa leşe abi a liẹ la opfomhẹ.”*
18 “Wẹkhi eri e mhọli
ekpe na Ẹshinẹgba.”†

19 Mena, awa leşe khi emini a keke shi ushi nya, khi eni e deba ushi ẹ ngeli a keke ọli na. Ni a rọ bhale ya ẹ khi ọgbò okhòghuo ọa ya liẹ khi emini o zẹ ni luẹ rọ gbe ushi-a na, ini Ẹshinẹgba ọ gue agbò nya ẹzo.

20 Ọgbò ọa la ọ ni a ya pfa na khi ọ pfuase irari khi ọ ri ushi ẹ gbe akanya. Ochoghọ eri ushi o zẹ awa leşe khi olamhẹ o la ọ.‡

Iguẹ-ngeli ni o rọte irudunga bhale

21 Ama Ẹshinẹgba ọ she ri odẹ onogbò ni ọ te pfa na awa khasẹ awa ni ọa khi abi ushi o sẹsẹ awa. Ni ebe Ushi ali emekeguele e pfi ọtsẹlẹ shi.

22 Oni odẹ onogbò ona ni Ẹshinẹgba ọ rọ bhale, irudunga iJesu iKirisiti o te ẹ bhale deba eni e mie ọli suọ nya. Ikhioda ọa la ọ na eni e khi iJu ali iGiriki. §

23 Irari khi ọgbòkpa ọ she lamhẹ, ẹgbọ e she nuata shi Ẹshinẹgba ni ọọ tsumhi ọ.

24 Ama afue afue ọ ri okhale oyọli pfa na awa khi awa pfuase, rọte ipfasheke ni o te obọ oyi iJesu iKirisiti bhale.

25-26 Eri Ẹshinẹgba ọ ri iKirisiti khasẹ agbò nya, khi lolọ ọ khi ọni ọ dobe ya ri olamhẹ topfa agbò, abi ọ li ku ọlia eyọli kua ukhomhi apfida. Awa kha regbenga emini iKirisiti ọ riẹlẹ, awa mhọli ipfasheke ni o rọ rokhasẹ khi Ẹshinẹgba ọa ya gbe azẹba. Itobọ khi Ẹshinẹgba ọ mhọli irabọmudu ali khi ọa ya

† 3:12 Li zẹ Iwolo 14.1-3; 53.1-3 ‡ 3:13 Li zẹ Iwolo 5.9; 140.3 § 3:14 Li zẹ Iwolo 10.7 * 3:17 Li zẹ Aza 59.7-8 † 3:18 Li zẹ Iwolo 36.1 ‡ 3:20 Li zẹ Iwolo 143.2; iGal 2.16 § 3:22 Li zẹ iGal 2.16

gbe azeba, o roo gbe olamhe kua na egbo, o guele khi ogbokpa ni o ri udu nga ihesu, khi oni a pfa na o khi.

²⁷ Elo awa ke tono obo udu e shi? Afue! Elo o ze ona? Itobo khi awa ma ro ri ushi a gbe lo? Iiye o, ama itobo khi awa miesuo.

²⁸ Irari khi awa zoli ukhomhi khi eri Eshinegba oo pfa na egbo ni e mhue irudunga ni o khi irari iri-ushi-gbe akanya.

²⁹ Eshinegba oyi egbo iJu tse o lese khi, o a ke li khi Eshinegba oyi egbo iJeta? Oyewe o khi gueguegue.

³⁰ Eshinegba oghuo o khi, oni oo pfa na egbo eni e shele-a rote irudunga oyewe ali eni aa shele-a rote oni irudunga oghuo.*

³¹ Eri ona o ke lie khi itobo irudunga oyawa, khi awa a ke mhue emini awa ri ushi e li? Iiye e. Ochogho awa kie mu ushi mhue.

4

Irudunga o ri Aburaamu migha shi ipfuase

¹ Se awa ke ya ngme shi ingme oyi Aburaamu ni o khi ititawa? Elo o fe me eni ingme ipfana rote irudunga onana?

² Ini o khia khi ikanya ni Aburaamu o gbe a ro pfa na li lo, o kha me emhi ro ke tono obo udu, ama o a khi odalo oyi Eshinegba.

³ Eri Ebe-no-pfuase oo, "Eri Aburaamu o mie Eshinegba suo, loli a ro leli oli na li shi ipfuase."*

⁴ Ini ogbo gbe akanya, ogbo o a ya lie khi ifata ni o mie khi isomhopfa lo, ama eri o gbe akanya shi o.

⁵ Ama ogbo ni o a ri egbe da ikanya obo oyoli ni o gbe, ni o regbenga Eshinegba ni oo pfa na o a okholo, oni irudunga ni o mholi egbo a deba guele khi o pfuase.

⁶ Abi iDefidi o ro ngme nga ikhivose oyi oni Eshinegba o pfa na, ni o a khi itobo ikanya obo oyi lolighuo, o mu ma ingme ena, abi o ree,

⁷ "Oghele o khi na egbo

ni Onomhue o gbe
umha gueli oyewe kua,
ni a ri olamhe oyewe
topfa we.

⁸ Oghele o khi na ogbo
ni Onomhue o a keke
olamhe eyoli shi na li."[†]

⁹ Oni ikhivose ona, egbo ni a shele-a e lese mholi oli? Abi khi egbo ni aa shele-a e li mholi oli? Awa kie kpe e ngme oli khi irudunga ni Aburaamu o mhue, loli a ro guele khi o pfuase.

¹⁰ Egehege onoghuo a ro leli oli na li? Abi a ro shele oli-a se lo, abi khi neni a shele oli-a? O a khi abi a ro shele oli-a se, ama abi aa ro shele oli-a ne lo.

¹¹ Itobo khi o mholi irudunga, Eshinegba o ro pfa na li khi o mholi ipfuase neni o shele-a. Irarigho, o ro khi ita oyi egbo nya ni e miesuo, ini aa tseku shele we-a. Egehege agho ni e khi eni a pfa na khi e pfuase.[‡]

¹² Ita oyi egbo eni e shele-a o li khi. Aa khi itobo khi a shele we-a tse, ama irari khi e deba ete-awe agbo irudunga nabi itawa Aburaamu, neni a shele oli-a.

* 3:30 Li ze iDeut 6.4; iGal 3.20

* 4:3 Li ze Igbae 15.6; iGal 3.6

† 4:8 Li ze Iwolo 32.2

‡ 4:11 Li ze Igbae 17.10

Irudunga a te a mie ishobo eyi Eshinegba

13 Oa khi iri ushi gbe akanya Aburaamu ali imimi ọli e te mie oni ishobo khi ọli ọ ya le ugu agbo nya, ama rote angeli ipfuase ni o rote irudunga bhale oyoli lo. §

14 Irari khi ini eni e ri ushi gbe akanya e le oni ugu lo, irudunga ọa kha ke mu eloe, oni ishobo o mele afue-a.*

15 Eri ushi o ri ofu oyi Eshinegba bhale, irari khi ini ushi ọa la ọ, igbushi-a ọa kha la ọ.

16 Irarigho, oni ishobo, irudunga o te e bhale, ishegho ni o khi oyi okhale, ali ni o migha na imimi Aburaamu. Oa khi oyi egbo ni e ri ushi e gbe akanya tse, ama li shi oyi eni e miesuo abi Aburaamu. Irari khi Aburaamu o khi ita awa nya elemhi ayemhe. †

17 Abi Ebe-no-pfuase o ngme ni oo, "Mhi she re mele ita oyi ushishi ebubu-a." Irudunga ni Aburaamu o mhue Eshinegba o ro shobo na li. Eshinegba ni oo ri eni e ghu-a guale bhale agbo, ni o ma emhi enegbo. ‡

18 Eri Aburaamu o miesuo, o mhue irudushi, abi oa ro tseku me emini o ri udu shi ne, itobo igho o ro khi, "Ita ishishi ebubu." Abi a kie kpe li gue ọli ye ọli khi, "Imimie e ya bu abi ikpetata." §

19 Oa tigbe lose Aburaamu shi irudunga oyoli, aboriekhia khi o she gbe ikpe egbhueshe, ni o gbo lese khi ọli she womhe ramhi eghuli ali khi iSera ughuoli o she li womhe dose ni o ke dobe ya bia eniye.*

20 Irudunga oyoli oa mhue olosemhe wekhi eri o khokho udu shi emini Eshinegba o ngme. Oni irudunga oyoli o ri itoto na li, o kueghie Eshinegba.

21 Eri o lama shi o egbegbo khi Eshinegba o ya dobe riele emini o shobo na lue.

22 Loli o ze khi, "A pfa na li khi o pfuase."

23 Ungmemhi khi, "A leli ọli na li shi angeli ipfuase," oa khi lolighuo tse a keke ọli na.

24 Ama a li keke ọli na awa, eni Eshinegba o lie leli angeli ipfuase na, ni awa mie ọli suo ikhi ọli ni o rote eghuli guise iJesu Onomhue oyawa le.

25 Eri Eshinegba o rue ọli obo-a ni o ghu-a shi ingmobe eyawa. O guise ọli le bhale agbo ni o khueso awa pfuase. †

5

Opfomhe ali Oghel

1 Irarigho, aborokhia khi a she pfa na awa egho khi awa pfuase rote irudunga oyawa, awa she mhue opfomhe odalo oyi Eshinegba rote obo oyi iJesu iKirisiti Onomhue oyawa.

2 Loli awa rote obo oyoli mholi ode lo isomhemhi oyi Eshinegba, te irudunga ni awa migha nga memena. Awa ke ghele shi irudushi oyi ufumhi oyi Eshinegba.

3 Oa khi igho tse, ama awa lie ghele shi osoli oyawa, irari khi awa lese khi eri osoli oo sese ogbo iregbemie.

4 Iregbemie o ri ogbo o mhue egbegbi angeli, egbegbi angeli o ri ogbo o mhue irudushi.

§ 4:13 Li ze Igbae 17.4-6; 22.17-18; iGal 3.29 * 4:14 Li ze iGal 3.18 † 4:16 Li ze iGal 3.7 ‡ 4:17 Li ze Igbae 17.5 § 4:18 Li ze Igbae 15.5 * 4:19 Li ze Igbae 17.17 † 4:25 Li ze Aza 53.4-5

⁵ Oni irudushi ona, ɔa ya zɛ awa mɛ omama. Irari khi Ɛshinɛgba ɔ she tutu inono oyɔli ku awa udu rɔte Ayɛmhɛ-nɔ-pfuasɛ, ni ɔ rɔ na awa.

⁶ Irari khi ɛghɛghɛ ni awa aa rɔ mhɔli ekspabɔ ni awa rɔ khi ena olamhɛ, iKirisiti ɔ bhale ya ghu-a na awa.

⁷ O ma munu ni ɔgbɔ ɔ rɔ ghu-a na ɔgbɔ ni ɔ guɛ ɛ ngeli, otɛɛ ɔgbɔ ɔ ya rɔshɛka ni luɛ ghu-a na ɔgbɔ onete.

⁸ Ama eri Ɛshinɛgba ɔ ri inono ni ɔ mhɔli na awa khase. Lɔli o zɛ khi ɛghɛghɛ ni awa rɔ kie khi ena olamhɛ, iKirisiti ɔ rɔ bhale ya ghu-a na awa.

⁹ Aborɔkhia khi a she rɔte ɔlia eyɔli pfa na awa mena, sɛɛ ɔa liɛ tsumhi awa ofu oyi Ɛshinɛgba!

¹⁰ Irari khi ini ɛghɛghɛ ni awa rɔ khi ebe Ɛshinɛgba khi a rɔte eghuli ni omiɔli ɔ ghu ri awa nu ɔli mhue irɔ-rieɛ, sɛɛ awa ni a she rɔ nu Ɛshinɛgba somhi awa aa li gbo ya rɔte agbɔ oyɔli mhue imiepfuese!

¹¹ Ɔa khi ighɔ tɛɛ, ama awa li mhɔli oghɛɛ ayi Ɛshinɛgba rɔte iJesu iKirisiti Ɔnɔmhue ɔyawa, ɔni awa rɔte obɔ oyɔli mhue irɔsomhi.

Adamu ɔ ri eghuli bhale, iKirisiti ɔ ri agbɔ bhale

¹² Olamhɛ ni Adamu ɔ lamhɛ o ri eghuli lo agbɔ le. Olamhɛ oyɔli o zɛ khi ɔgbɔkpa ɔ khi ɔna olamhɛ, irarighɔ ɔgbɔkpa ɔ rɔ ya ghu.*

¹³ Irari khi neni a ri ushi bhale olamhɛ, ɔ she kpɛ lo agbɔ le, ama ashini ushi ɔa la, aa ya leli olamhɛ na ɔgbɔkghuo.

¹⁴ Aboriɛkhi ighɔ, eri eghuli o kie rɔte ɛghɛghɛ oyi Adamu gbe ɛgbɔ ya ramhi ɛghɛghɛ oyi iMosisi, li shi ɛgbɔ ni ɛa gbe ushi-a abi Adamu ɔ li da omhɛɛ oyi Ɛshinɛgba. Adamu ɔ khi irɔkɔkɔ oyi ɔni ɔ ya bhale.

¹⁵ Ama wɛwɛ aava ɛa li abeghuo irari khi isomhopfa onayi Ɛshinɛgba ɔa li abi olamhɛ oyi Adamu. Igɛsikia o khi, khi ebubu ɛgbɔ e ghu-a irari olamhɛ oyi ɔgbɔghuo ɔghɔ. Ama okhale oyi Ɛshinɛgba o funɛ. Ighɔ khi isomhopfa ni ɔ rɔ na ebubu ɛgbɔ rɔte isomhalemhi oyi ɔgbɔ ɔghuo, ikhi iJesu iKirisiti.

¹⁶ Ikhiɔda o la isomhopfa oyi Ɛshinɛgba ali olamhɛ oyi Adamu. Oni olamhɛ ɔghuo ɔghɔ o ri ina-osoli bhale. Ama isomhopfa oyi Ɛshinɛgba o ri ipfana bhale ghi awa aboriɛkhia khi eni e lamhɛ awa khi.

¹⁷ Igɛsikia o khi, khi rɔte olamhɛ oyi ɔgbɔ ɔghuo, eghuli o te bhale agbɔ. Ama emini ɔgbɔ ɔghuo ɔ rieɛ, ikhi iJesu iKirisiti, o funɛ. Ɛgbɔ nya ni e mie okhale oniɛmhi ali isomhopfa afue afue oyi ipfuasɛ oyi Ɛshinɛgba, e ya mu olamhɛ ɔ le, rɔte obɔ oyi iKirisiti.

¹⁸ Abi olamhɛ oyi Adamu o li ri ina-osoli ghi ɛgbɔkpa, ighɔ ipfuasɛ ɔghuo oyi iKirisiti o li ri ipfana ali isomhopfa agbɔ oyi Ɛshinɛgba na ɔgbɔkpa.

¹⁹ Irari khi, abi umha-suesɔ oyi ɔgbɔ ɔghuo o ri ɛgbɔ nya khi ena olamhɛ, ighɔ a li ya pfa na ebubu ɛgbɔ shi ode oyi Ɛshinɛgba irari issuesɔ oyi ɔgbɔ ɔghuo.

²⁰ Eri ushi o bhale ni ɛgbɔ leɛɛ ashini e khi ena olamhɛ ramhi, ama abibi olamhɛ e tseku li bu, ilelemhi oyi Ɛshinɛgba o bu dɔɛ wɛ.

²¹ Ɛghɛghɛ aghɔ ni a bhale ya ɛ khi eɛɛɛɛ abi olamhɛ o ri eghuli bhale, okhale oyi Ɛshinɛgba o ri ipfuasɛ leghie, o ri agbɔ na agbɔagbɔ bhale, rɔte obɔ oyi iJesu iKirisiti Ɔnɔmhue ɔyawa.

6

Ghu pfa Olamhɛ, u nu iKirisiti la agbɔ

* 5:12 Li zɛ Igbae 3.6

¹ Şe awa ya ngme mena, eri awa ya ke li ingmobe ɽe tşę ni okhale oyi Eşhineęba o ke bua shi o doşę agho?

² Iiye o! Awa ni idieębe oyawa o ghu pfa olamhe, seę awa ke gbo ɽe ke lamhe?

³ Abi khi aa leşę khi awa nya ni a batazi shi iJesu iKirisiti, khi eri awa batazi shi eghuli oyoli?

⁴ Irarigho, eri a ri awa nu oli to abi a ro so awa oke batazi awa shi eghuli oyoli, ni a bhale ya e khi abi a li rote eghuli guise iKirisiti le rote ufumhi oyi Ita, ni awa li mholi agbo onogbo.*

⁵ Abi a ro ku awa ali ɽoli gbe she eghuli oyoli egho, igho a gbo ɽe ku awa ali ɽoli gbe shi iguisele oyoli.

⁶ Awa leşę ona khi idieębe oyawa onodięo khi eri o nu iJesu ghu-a shi apfida, ni a ro bhale ya e khi idieębe olamhe oyawa o mele afue-a. Ini awa khi ke gbo khi ighumha olamhe.

⁷ Itobo khi ini oębo o ghu-a, o she pfue ekpabo olamhe.

⁸ Mena, ini awa she nu iKirisiti ghua, awa miesuo khi awa ya li nu oli la agbo.

⁹ Irari khi awa leşę khi abi a she rote eghuli guise iKirisiti le egho, oa ke gbo ya ghu ghue, eghuli oa ke gbo mholi ekpabo shi oli egbe.

¹⁰ Eghuli ni o ghu, utoghuokpe o ghu oli ro mu ekpabo eyi olamhe o le. Agbo ni o la, o la o na Eşhineęba.

¹¹ A li ligho leli egbe e shi eni e ghu pfa olamhe, ama a la agbo na Eşhineęba elemhi iJesu iKirisiti.

¹² Irarigho, a khi ze ni olamhe o le eghie shi e egbe ni a ri oęhumehe ebe eyoli ke gbe akanya.

¹³ A khi ri ukiekie idieębe okhoghuo oyeę na olamhe, wekhi eri u re we shi eke shi akanya okholo, ochogho, a ri egbe e na Eşhineęba abi eni a she rote eghuli nyene bhale agbo, ama a ri idieębe oyeę na li abi itsua ipfuase.

¹⁴ Irari khi olamhe oa ke ya khi oga oyeę, itobo khi ushi oa ke e ke mhese na e, ama elemhi okhale oyi Eşhineęba a ke la.

Ighumha eyi angeli ipfuase a ke khi

¹⁵ Şe o ke li mena? Awa ke lamhe itobo khi ushi oa ke mhese e na awa, se ni okhale oyi Eşhineęba? Iiye o!

¹⁶ Aa leşę khi oghumha oyi emini a suo eso o na a khi? U dobe ya khi oghumha oyi olamhe ni o ri eghuli e bhale, u gbo dobe e ze isueso na Eşhineęba ni o ri oębo o bhale angeli ipfuase.

¹⁷ Ama awa tse Eşhineęba uwegbe, irari khi eęheęhe ni o doşę, a kpe khi ighumha eyi olamhe, eęheęhe agho a ga ri udu oye e nya a suo eso na oseę ni a seşę e.

¹⁸ A she pfuese e olamhe, ama ighumha eyi Eşhineęba a ke khi, ni a ke rieęe emini o ghole Eşhineęba.

¹⁹ Eri mhi ngme ona abi oębo ɽe ngme, itobo khi aa lolo toto. Abi a kpe li ri idieębe eye e shi ighumha na ikanya ichimhi ali okholo, a li ligho ri egbe e shi ighumha angeli ni o ghole Eşhineęba, ni o ri ipfuase e bhale.

²⁰ Abi a ro khi ighumha olamhe, aa mhue emini a ri angeli ni o ghole Eşhineęba rieęe.

²¹ Ighe eleli ni a mhue oni eęheęhe shi ikanya ni e ke tigbe ri omama a mu e ena? Emhi eghogho eghuli eę pfi.

* 6:4 Li ze iKolo 2.12

22 Ama mena ni a she rōte olamhẹ pfuese ẹ, ni a ke rọ khi ighumha eyi Ẹshinegba egho, eleli ni a khiẹse, ipfuae o rẹ ẹ ya khuẹ pfuae, o ri agbo na agboagbo o na ẹ.

23 Irari khi ifata oyi olamhẹ khi eghuli lo, ama isomhopfa oyi Ẹshinegba agbo na agboagbo lo rōte obọ oyi ijesu iKirisiti Onomhẹ oyawa.

7

Abi a liẹ ngeli elemhi ughue

1 A leṣe inyoghuo, khi eri mhi nu ẹ ngme abi egbọ ni e leṣe ushi, khi ushi o mholi ekpabo shi ogbo egbe ini oni ogbo o kie da la agbo ne.

2 Ezeze abi ushi o ngme khi okpotso ni o la ughue o gbudu vu odo li obọ ini oni omose o kie da la agbo ne, ama khi ini o ghu-a oni ushi o ke mu oli.

3 Irarigho, ini o vu ya ngeli na omose olese, abi odoli o li kie la agbo egho, a ya lu oli okiokia. Ama ini odo li o ghua, oni ushi ogho o ke mu oli, o ke khi okiokia, ini o tseku ngeli na omose olese.

4 Igho o li khi shi ẹ o inyoghuo-mhẹ. Idiege oyi iKirisiti a ke khi, ẹẹ a she li ghu-a pfa ekpabo oyi ushi. A she ga li mholi eghẹghẹ ni a rọ mele oyi ogboese-a, ikhi oni a rōte eghuli guise le, ni a me asha ke gbe akanya enete na Ẹshinegba.

5 Irari khi abi idiege olamhẹ o rọ o mhese na awa, igho ogghumhẹ oyi olamhẹ ni ushi o zese-a o la awa idiege gbe akanya, ena e ri awa ngeli angeli ni o pfi eghuli.

6 Ama mena, abi awa rọ she ghu pfa emini e ke kpẹ gẹno awa egho, a she pfuese awa obọ oyi ushi, ni awa me asha rōte ode onogbo oyi Ayemhẹ ke ga, ni o ke khi ode oyi ushi ni a keke.

Inu-olamhẹ khe abo

7 Se awa ke ya ngme mena? Olamhẹ oni ushi o ke khi sho? Iiye o. Egbegbo lo khi, mhi aa kha leṣe emini olamhẹ o khi, ini o ke khi ushi lo. Irari khi mhi aa kha leṣe emini ivie shi emhi ogbo o khi ini ushi o liẹ, "Khi ivie shi emhi ogbo."*

8 Rōte oni ushi ogho, olamhẹ o te me asha guise iwali ogghumhẹ ukphẹ nya ni e la mhẹ egbe le. Ini a rue ushi ode-a eri olamhẹ o ghua.

9 Eri mhi kpẹ la agbo tse abi mhi aa rọ leṣe ushi ne, ama abi ushi o ke rọ bhale, olamhẹ o gbo bhale agbo, lo li mhi rọ ghua.

10 Mhi me khi ushi ni o kha ri agbo bhale, khi eghuli o rọ bhẹ.

11 Olamhẹ o me asha migha rōte ushi di mhẹ. Rōte oni ushi, eghuli o gbe mhẹ.†

12 Abokielu khi, oni ushi o pfuae, omhese o pfuae, e migha, e ti.

13 Eri emini o ti ogho o ke ri eghuli ghi mhẹ egho? Iiye o! Ama ni a rọ leṣe olamhẹ shi olamhẹ o rọ pfi eghuli na mhẹ, rōte emini o ti, ni a bhale ya ẹ khi rōte oni ushi, olamhẹ o mema khi olamhẹ egbegbo.

14 Irari khi awa leṣe khi ushi emhi Ayemhẹ o khi, ama mhẹmhẹ ogbo tse, mhi khi oni a rọ na olamhẹ de.

15 Mhi aa leṣe emini e li mhẹ, irari khi emini mhia nono ni mhi ke riẹ, mhi aa dobe riẹ oli. Ama emini o ghole mhẹ, mhia riẹ.‡

16 Ini mhi riẹ emini mhi aa nono ni mhi riẹ, mhi lama shi o khi ushi o ti. lo. † Oli khi, o ke khi mhẹmhẹ mhia riẹ oli ama olamhẹ ni o la mhẹ egbe

* 7:7 Li ze Okiali 20.17; iDeut 5.21 † 7:11 Li ze Igbae 3.13 ‡ 7:15 Li ze iGal 5.17

¹⁸ Mhi lẹsẹ khi emhikhoghūo ni o ti ọa lamhẹ egbe, ikhi idiegbe olamhẹ oyemhẹ. Irari khi ini o tseku ghọle mhẹ ni mhi riẹlẹ emini o ti, mhia dobe ẹ riẹlẹ ọli.

¹⁹ Irari khi emini mhia riẹlẹ ọa khi emini o ti ni mhia nono ni mhi riẹlẹ, ochoghọ onobe ni mhi aa nono ni mhi riẹlẹ, mhi kiele ẹ riẹlẹ.

²⁰ Mena, ini mhia riẹlẹ emini mhi aa nono ni mhi riẹlẹ, ona o rokhase khi ọa khi mhẹmhẹ mhi riẹlẹ ọli, olamhẹ ni o la agbọ oyemhẹ ọọ riẹlẹ ọli.

²¹ Ina o ga limhẹ egbe eghẹghẹkpa. Ini mhia nono ni mhi riẹlẹ onete, onobe o nu mhẹ la aghọ.

²² Irari khi ekelemhi udu oyemhẹ, ushi oyi Eshinẹgba o te ẹ ghọle mhẹ.

²³ Ama mhi mẹ khi ushi olese o la mhẹ egbe ẹ gbe akanya, ni o mu okhọli vule shi ushi ni o la mhẹ udu ọ, o remhẹ mele oghumha ushi oyi olamhẹ-a, ni o la mhẹ egbe a gbe akanya.

²⁴ Ọgbọ umẹobinuje nabise mhi fẹ khi ena. Ọghuo ọ ya tsumhi mhẹ idiegbe eghuli ona laselẹ?

²⁵ Mhi kphemhi na Eshinẹgba rọte obọ oyi iJesu iKirisiti Onomhūe oyawa.

Irarighọ, mhẹmhẹ oyemhẹ, oghumha oyi ushi oyi Eshinẹgba mhi khi udu oyemhẹ, elemhi idiegbe olamhẹ, mhi khi oghumha oyi ushi olamhẹ.

8

Angeli na Ayemhẹ

¹ Irarighọ, ipfẹzọ-mu ọa ke la ọ na ẹgbọ ne mie iJesu iKirisiti suọ, ni ẹa ke ngeli rọte ode olamhẹ, ama eni ẹ ngeli rọte ode Ayemhẹ-nọ-pfuase.

² Ayemhẹ ni o ri agbọ a na awa itobọ khi awa mie iJesu iKirisiti suọ, ọ she taghiẹ mhẹ obọ oyi ushi olamhẹ ali eghuli-a.

³ Emini Ushi oyi iMosisi ọa dobe riẹlẹ irari khi idiegbe olamhẹ o mie ọli ekpabọ, Eshinẹgba lolighuo ọ ke ya pfuese awa abi ọ ghie Omi ọli, ni ọ li abi awa ẹgbọ olamhẹ ali ni ọ ya khi iluasobo shi olamhẹ eyawa. Oni idiegbe ọgbọ ni oni iKirisiti ọ zẹ ọ ro pfuẹchẹ olamhẹ-a shi idiegbe ọgbọ olamhẹ.

⁴ Eri Eshinẹgba ọ riẹlẹ ona ni ipfuase ni ushi oo nono ni awa mhọli o tse shi awa egbe, ini awa khi ke ngeli te ode olamhẹ, ama ni awa ke ngeli rọte ode Ayemhẹ.

⁵ Ẹgbọ ni ẹ ngeli rọte ode olamhẹ, eri e ri udu shi emini idiegbe oyewe ọọ nono. Eri ẹgbọ ni ẹ ngeli rọte ode Ayemhẹ, e ri udu shi emini Ayemhẹ ọọ nono.

⁶ Irari khi udu oyi ọgbọ eghuli o tsua. Ama udu ọ riẹlẹ emini Ayemhẹ ọ gueye ọli, eri ọ ya la agbọ ọ mhue opfomhẹ.

⁷ Obe Eshinẹgba ọgbọ ọọ khi, ini udu olamhẹ oyọli ọọ mhese na li, irari khi ọa ya suọ eso na Eshinẹgba. Irari khi ọa zẹ ni ushi oyi Eshinẹgba o mhese ke na li, wekhi eri ọ tigde ya lama ghue ni ọ mhese na li.

⁸ Ẹgbọ ni idiegbe olamhẹ oyewe o mhese ẹ na, ẹa dobe riẹlẹ emini o ghọle Eshinẹgba.

⁹ Yeye oye idiegbe olamhẹ ọa ke mhese ẹ ne ama Ayemhẹ o ke mhese ẹ ne, ini Ayemhẹ oyi Eshinẹgba o da la agbọ oye ne. Ọgbọ ni ọa da mhue Ayemhẹ oyi iKirisiti ne, ọa khi onayọli.

¹⁰ Eri-tse khi ini iKirisiti ọ da la agbọ oye ne, idiegbe oye o fu pfa olamhẹ, ayemhẹ oye o kie la agbọ irari ipfuase ni awa rọte obọ oyi iKirisiti mhue.

11 Ini Ayemhẹ oyi ọni ọ rọte eghuli guise iJesu le o da la agbọ oye ne, lọli ni ọ rọte eghuli guise iJesu le ọ ya rọte Ayemhẹ oyọli ni o la agbọ oye ri agbọ na idiegbe ni ọọ ghu oye.*

12 Irarigho, inyoghuo-mhẹ, awa mema ya ke ngeli abi ayemhẹ Eshinegba o gueye awa. Awa khi ke ngeli abi o ghọle idiegbe olamhẹ.

13 Irari khi, ini u wa ngeli abi idiegbe olamhẹ o gueye, eri u ya ghu-a, ama ini u wa ngeli abi Ayemhẹ o gueye, eri u wa gbe ekpabọ olamhẹ a shi idiegbe oye, u la agbọ.

14 Egbọ ni Ayemhẹ oyi Eshinegba ọ mhẹse ẹ na imi Eshinegba e khi.

15 Irari khi Ayemhẹ ni Eshinegba ọ rọ ne, ọa khi oni o gbolo rẹ khi oghumha ulishi, ama Ayemhẹ ni ọ rọ rẹ khi Omọ oyọli u mie. Ọni Ayemhẹ ọ ri awa mhue itoto ẹ vie lu Eshinegba, awa lu ọli Itamhẹ, Itamhẹ.†

16 Ọni Ayemhẹ lọlighuo ọ pfi ọtsele shi ayemhẹ oyawa khi eniye eyi Eshinegba awa khi.

17 Ayemhẹ oyọli ọ zẹ ni awa leşe khi awa ya nu iKirisiti mhọli okemhi shi emini Eshinegba ọ rọ shobọ khi lọli ya riẹle. Eghẹghẹ agho awa nu iJesu mhọli okemhi ufumhi oyọli ini awa li me osoli.‡

Ufumhi na ogbenako

18 Mhi me ọli me khi osoli ni awa a me memena khi ọa khi oni a rọ khọkhọ emini a rọ ya khasẹ elemhi agbọ oyawa ikpukhokho.

19 Irari khi eri emini Eshinegba ọ ma nya e ri ikphakpha-egbe migha khẹ eghẹghẹ ni Eshinegba ọ rọ ya ri eni e khi egbegbi imiọli khasẹ.

20 Irari khi emini a ma nya, a rọ mele afuẹ-a, ni ọa khi ọghuemhẹ oyewe, ama abi o li ghọle ọni Eshinegba lọ, ni ọ rẹwe mele afuẹ-a, elemhi irudushi,§

21 khi ọ ya tsumhi emini ọ ma nya ini e khi ke ke-a ali khi e ya nu imi Eshinegba kemhi ẹfua ni o mhọli ufumhi.

22 Awa leşe khi emini a ma nya e kiele ẹ lomhẹ memena e la ọtomhẹ, abi ọkpotso ni oku ọọ to.

23 Ọa khi emini a ma weweghuo tse, ama li shi awa ni awa mie Ayemhẹ-nọ-pfuase ni o khi igbaekele agbọ onogbọ oyi Eshinegba. Awa liẹ lomhẹ abi awa li ri eloe shi eke ẹ khẹ ogbele ni Eshinegba ọ ya la ukpeloe ogbọkpa guele khi imi Eshinegba awa khi ali ni a rọ ya pfa awa ike-a shi eke.*

24 Irari khi rọte irudushi ona a te mie awa pfuese. Eri-tse khi irudushi ni aa me gboo ọa fe khi irudushi. Oghuo ọ gbo ri eloe shi eke ẹ khẹ emini ọ she me eloe ne?

25 Eri-tse khi ini awa ri udu shi emini awa aa me ne, irabomudu awa rọ ke ẹ khẹ ọli.

26 Igbo Ayemhẹ ọ liẹ kpaghie awa obọ umhagbapfo oyawa, Irari khi awa aa leşe abi a liẹ sọ iromhi, ọni Ayemhẹ lọlighuo ọ ri ilomhẹ ẹ sọ iromhi na awa shi emini unu ọa dobe ẹ ngme.

27 Ọni Eshinegba ni ọọ me elemhi udu oyi egbọ, ọ leşe usamhi eyi Ayemhẹ. Irari khi eri ọni Ayemhẹ ọ sọ iromhi na egbọ eyi Eshinegba abi o li de shi ọghuemhẹ oyi Eshinegba.

28 Awa leşe khi eri Eshinegba ọọ riẹle emhi nya te ode onete na egbọ ni ẹ nono ingme oyọli. Egbọ ni o khia khi ọ lu shi omhese oyọli.

29 Eni Eshinegba ọ she kpe leşe, wewe ọ zẹ ọda ke ni e ya li abi Omi ọli, ni ọni Omi ọli ọ khi ọnodode elemhi inyoghuo ebubu.

* 8:11 Li zẹ 1 iKori 3.16 † 8:15 Li zẹ iMak 14.36; iGal 4.6 ‡ 8:17 Li zẹ iGal 4.5-7 § 8:20 Li zẹ

Igbae 3.17-19 * 8:23 Li zẹ 2 iKori 5.2-4

³⁰ Igħo eni Eshinegba o ze ɔda ke, wewe ɔ li lu. Eni ɔ lu, wewe ɔ li pfa na, eni ɔ pfa na wewe ɔ li ro khi eni e mhuɛ ufumhi onabi oyoli.

³¹ Abi awa ke ro mhuɛ ena shi udu oyawa, se awa ke ya so shi ena mena? Ini Eshinegba ɔ nu awa la, oghuo o ya doɛ mu okhuɛ vule shi awa ɔ?

³² Lo li ni ɔa to ukphe Omi ɔli na awa, ni ɔ ro li luasobo na awa nya, seɛ ɔa ya pfo udu gbo ri emhi nya ma oni Omi ɔli na awa?

³³ Oghuo ɔ ya gue ingme shi egbo ni Eshinegba ɔ she ze egbe? Eshinegba lueghuo ɔ pfa na ogho.

³⁴ Oghuo ɔ doɛ pfa ezo ɔ mu ogho? IJesu iKirisiti lueghuo lo, oni ɔ ghua. O gbo doɛ agho, Oni a guise le bhale agbo, mena ɔ shito obo ita oyi Eshinegba, ɔ so iromhi e na awa.

³⁵ Oghuo ɔ ke doɛ ya vase awa rote inono ni iKirisiti ɔ nono awa lasele? Osoli abi khi omunu abi okholi ni a mu vule shi awa ɔ o ya doɛ? Abi khi okiamhi abi khi umha me so lo, abi khi ini i igbe-a tsekha deba lo?

³⁶ Abi a li keke ɔli shi ebe-no-pfuase, khi,

“Itobo oyee anye ro
la okheɛna eghuli elekpa,

a ri anye khokho

isumha ni a ya gbolo a.”†

³⁷ Iiye, abi a rie me eni emhi enana nya, anye fu doɛ oni ɔ kholi mu ɔ le, rote obo oyi oni ɔ nono ingme oyanye.

³⁸ Irari khi mhi me ɔli me khi emhikhoghuo ɔa la agbo ona, eghuli wekhi agbo ilala, wekhi igeni wekhi iyemhe okphaghiɛ ali emini e la irarogbe e mhesɛ shi agbo ni awa la memena okekhi agbo ni o ke e bhale wekhi ekpabo,

³⁹ wekhi iyagha ali ilimhi, wekhi emhikhoghuo ni a ma, o doɛ ya vase awa rote inono ni Eshinegba ɔ nono awa rote iJesu oyawa lasele.

9

Uzemhi ni Eshinegba o ze egbo iZireni

¹ Egbegbi ingme mhia ngme itobo khi onayi iKirisiti mhi khi. ɔa khi egbholi mhia lo. Udu oyemhe o pfi otsɛle shi ɔ elemhi Ayemhe-no-pfuase,

² ini mhiɛ khi mhi mholi oya ali udu ialamhe ni ɔa mhuɛ ukpese,

³ na egbo eyemhe ni anye khi egbo eghuo ali ɔlia eghuo. Itobo oyewe, eri mhia lie khi Eshinegba ɔ kha pfi unu na mhe ali khi a kha rue mhe ikugbe ni mhi kugbe iKirisiti ɔ le, ini lo li rewe mholi imiepfuese.

⁴ Wewe e khi imimi iZireni ni Eshinegba ɔ ze, ni ɔ ro khi imi ɔli, ɔ ri ufumhi oyoli khasɛ we, ɔ nu we riɛle ilama kugbe, ɔ ri ushi oyoli na we. Wewe e mholi egbegbi ugamhi, e she mie ishobo oyi Eshinegba.*

⁵ Wewe e mholi eni egbhali ena elele ni a suɔ eko, ni e gba ushishi Iburu eke le. Wewe e li khi itita iKirisiti. Eshinegba ni ɔo mhesɛ na emhikpa, ɔ khi oni aa kuɛghie agboagbo.

⁶ Mhi aa lie khi ishobo ni Eshinegba ɔ shi, khi, o fia kua. Irari khi ɔa khi egbo ni e rote iZireni lasele nya, e khi egbo eyi Eshinegba.

⁷ Wekhi imimi Aburaamu nya e khi egbegbi imi Aburaamu. Eshinegba ɔ gueye Aburaamu khi, “Imimi Aziki a ya leli shi eni u bia.”†

⁸ Onana o guele khi eniye ni ɔ bia elemhi oghuemhe idiegbe nya ɛa khi imi Eshinegba. Ama eniye ni a bia rote ishobo onayi Eshinegba wewe a leli shi egbegbi imimi Aburaamu.

† 8:36 Li ze *Iwolo* 44.22 * 9:4 Li ze *Okiali* 4.22 † 9:7 Li ze *Igbae* 21.12

9 Irari khi ishobò onayi Eshinègba khi, “Ègheghe ni ò ròshi ekè o kha da ramhi ne, mhi ya ri ishobò oyemhè tşè, iSera ò bia òmò òmòşè.”‡

10 Ọa pfo ghò. Irari khi itsema emòşè eyi iRebeka, ita oghuo ò bia wè ikhi Aziki itita awa.

11-12 Ọgbò a bia itsema ena ne wèkhi eri e lèşè ingme e rièlè onete ali onobe ne, ni Eshinègba ò rò she gueyè inyèwè iRebeka khi, “Ọnoghali ò ya ke ga onikeke.” Eri Eshinègba ò rièlè ona ròkhasè khi, uzèmhi ni lólì è zè ọgbò ni ò khi emini ò ya khi elemhi agbò, khi ọa khi itobò akanya ni ò gbe ama abi ò ghòlè Eshinègba ò li lu ọli. §

13 Abi Ebe-no-pfuasè ò ngme ni ọọ, “IGiekọpu mhi nono dọşè iSọ.”*

14 Şè awa kè ngme mena? Khi Eshinègba ọọ zọlò? Iiye o, ọa khi ighò kpa!

15 Irari khi ò gueyè iMosisi ọọ li,
 “Mhi ya mhòli ilèlemhi na
 ọni mhi ya mhòli ilèlemhi na,
 mhi viè osue na
 ọni mhi ya viè osue na.”†

16 Itobò ighò, ọa khi abi ò ghòlè ọgbò wèkhi emini ọgbò ò rièlè ama ròte ilèlemhi oyi Eshinègba.

17 Irari khi Ebe-no-pfuasè ò ngme na shi iFero egbe, ọọ li, “Itobò ona mhi rọ rẹ khi oghie ni mhi ròte emini mhi ya li è ri ekpabò eyemhè khasè, ni mhi rọ zè agbò nya lèşè eva oyemhè.”‡

18 Irarighò, eri Eshinègba ọọ mhòli ilèlemhi na ọni ò ghòlè ọli, ò zese ọni ò ghòlè ọli udu-a.

19 U dobè ya mhila mhè ọgbò ona, “Elò ò zè ni Eshinègba ò rọ kiele è mè umhaguèli oyawa şò, aboròkhia khi lólì ò ri awa ngeli abi ò ghòlè ọli? Irari khi ọgbòkhoghuo ò dobè ya nu Eshinègba khè abo?”

20 Ama oghuo u khi, yèyè ọgbò ni gbudu ya mie Eshinègba unu? Emini a ma ò dobè ya liè ọni ò ma li, “Elò ò zè ni u rọ lina ma mhè?” §

21 Ọmekhe ọa fè mhùè afu ni ò rọ ri ekè èmè è ma emini ò ghòlè ọli? Ọ kha ma eghuo shi eni a rọ rièlè emini e mu èlòe, ò manò elese shi ni a rọ rièlè emini a mè kpa.

22 Ighò li khi emini Eshinègba ò rièlè. Aborièkhia khi ò mhòli afu ni ò kha rọ ri ofu ali ekpabò oyòli khasè ẹgbò ni e kha pfua, ni ò mè ofu oyèwè eghò, ama eri ò kie mhùè irabòmudu na wè.

23 Ilèlemhi ni ò mhòli na ẹgbò ni ò zè, ikhi ẹgbò ni e ya mhòli okemhi ufumhi oyòli, ò rọ ri abi ufumhi onièmhi oyòli ò li khasè.

24 Li shi awa, eni ò li lu. Ọa khi ẹgbò iJu tşè ama shi ẹgbò iJeta.

25 Abi ò ngme shi ebe Osia ni ò,
 “Egbò ni ẹa khi eyemhè,
 mhi ya lu wè ẹgbò eyemhè.

Ushishi ni mhi aa
 nono ingme oyèwè,
 mhi ya lu,

‘Egbò ni mhi nono.’ ”*

26 Ali khi,

“A ya mè khi,
 ashini a ga la liè wè,

‡ 9:9 Li zè Igbæ 18.10 § 9:11-12 Li zè Igbæ 25.23 * 9:13 Li zè iMala 1.2-3 † 9:15 Li zè Okiali 33.19 ‡ 9:17 Li zè Okiali 9.16 § 9:20 Li zè Aza 29.16; 45.9 * 9:25 Li zè Osia 2.23

‘Aa khi egbo eyemhe,
agho a gbo la lu we,
‘Imi Eshinegba ni o la o.’”†

27 Azaya o ngme ingme
oyi iZireni lasele gboo, khi,
“Ini o tseku khia khi
egbo iZireni e bu abi ekhashe
ne la okę oniemi,
ikuku egbo o a ya tsumhi.

28 Irari khi Eshinegba o ya
ri inyanya so ezọ oyoli
eke agbo-a zeghele.”‡

29 Ezeze abi Azaya o kpe li ngme oli khi:

“Ini Eshinegba ni o
mhesę shi emhi nya
o a kesę imi-imi le na awa lo,
a kha li na awa osoli
abi egbo iSodomu,
a pfuse awa abi egbo iGomora.”§

Umha-miesuo oyi egbo iZireni

30 Se awa ke ya ngme? Khi egbo iJeta ni ęa na khu ipfuase, khi a pfa na rote irudunga,

31 ama egbo iZireni ni e na khu ushi igue-ngeli, ęa kie te o?

32 See o li khi igho? Itobo khi ęa rote irudunga na khu oli, ama e rote ode ikanya khu oli. E kholo awe shi, “ęche ọzuode.”

33 Abi Ebe-no-pfuase o ngme, ni ọo, “Bino, mhi tsua ęche shi iZayo ni o ya ri egbo kholo awe. Eche li ni o ya re we de. Ama oni o da mie oli suo ne, o a ya me omama.”*

10

1 Inyoghuo-mhe, emini ę ghole udu oyemhe ali olema ni mhia lema Eshinegba khi, ni a bhale ya ę khi egbo iZireni eyemhe e khi eni a mie pfuese.

2 Mhi pfi otselę shi o khi e mhue omuegbe shi ugamhi oyi Eshinegba. Ama egbegbi ilęsingme o a la omuegbe oyewe.

3 Aborokhia khi ęa lese ipfuase ni o rote obo oyi Eshinegba bhale, ni e ro nono abi e li ya ri oyewe ko egbo, eri ęa ri egbe we na ipfuase oyi Eshinegba.

4 Irari khi iKirisiti o ri emini ushi o ngme nya gba pfo, ni o ze khi Eshinegba o pfa na ogbokpa ni o miesuo.

Imiepfuese, oyi ogbokpa lo

5 IMosisi o lina gue oli le emini ipfuase ushi o khi, ni o re, “Oni o da ri ushi nya gbe ne, o ya la agbo.”*

6 Ama eri ipfuase ni o rote irudunga bhale ọo, “Khi la ekelembi udu oyę lię, ‘Oghuo o ya nga iloghie?’ ” (Ni o ya rue iKirisiti tiemhile.)

7 “Okekhi eri u we, ‘Oghuo o ya tiemhi ilimhi na ningolo?’ ” (Ni o ya rue iKirisiti rote eghuli ngale.)

8 Abi o ngme na: “Ungmemhi oyi Eshinegba o la mama ę. O le unu, o le udu,” ikhi ungmehi irudunga ni anye ro o tse abo.†

† 9:26 Li ze Osia 1.10

‡ 9:28 Li ze Aza 10.22-23

§ 9:29 Li ze Aza 1.9

* 9:33 Li ze Aza 28.16

* 10:5 Li ze iLęv 18.5 † 10:8 Li ze iDeut 30.12-14

9 Ini u ri unu oye ẹ khi, “Ijesu ọ khi Onomhue,” ni u ro miesuo shi udu oye khi Eshinegba ọ rote eghuli guise ọli le, a ya mie ẹ pfuese.

10 Irari khi udu ogbọ ọ ro miesuo ni a ro pfa na li, ali khi unu ogbọ ọ ro ngme lasela ni ọ ro mhue imiepfuese.

11 Abi Ebe-no-pfuase o ngme, ni ọọ, “Onini ọ da regbenga li ne, ọa tigbe ya me omama.”‡

12 Ogbokpa ona o nu ngme, irari khi ikhioda ọa la shi egbo iJu ali egbo iJeta ọ. Eshinegba ọ ga khi Onomhue oyi egbo nya, ọọ khivose egbegbo na oni ọ da lu ọli.

13 Irari khi, “Onini ọ da lu eva oyi Onomhue ọ ya khi oni a mie pfuese.”§

14 Ama se e li ya lu ọli ini ẹa mie ọli suo? Se e li ya mie ọli suo ini ẹa suo oni ungmehi? Se e li ya suo ini a ri oni ungmehi tsabo.

15 Se a li ya ri oni ungmehi tsabo ini ogbọ a ghie eni ẹẹ tsabo fie lase? Abi Ebe-no-pfuase o ngme ọ khi, “Eri ibhale oyi egbo ni e tsua usomhi onete bhale o ri oghẹle bhale!”*

16 Ama egbo iZireni nya ẹa mie oni usomhi onete ona suo. Azaya ọ lie, “Eshinegba, oghuo ọ mie usomhi oyi anye suo?”†

17 Igbo irudunga o li rote ini ogbọ ọ suo oni usomhi ẹ bhale, ali khi usomhi oyi ingme iKirisiti iro-tse abo a te ẹ suo oni usomhi.

18 Ama mhi mhila, eri aa suo oni usomhi? Eeli, e suo.
“Uruli oyewe o she ramhi

ashakpa eke agbo,
ungmemhi oyewe
o ramhi ukpesẹ agbo.”‡

19 Mhi gbo mhila, Eri ọa lo egbo iZireni esọ? Odode IMosisi ọ lie,

“Mhi ya ri egbo eyemhe
ke kpe ofuma oyi egbo
ni ẹa khi eyemhe ne,

Mhi ya re ẹ mhue iyese elemhi-a
deba ushishi ni ẹa lese mhe ne.”§

20 Eri Azaya ọ ri igbeudu ngme ọli khi,
“Egbo ni ẹa rọsheka
nono mhe e me mhe.

Mhi ri egbe mhe khase
eni ẹa mhila ogbo mhe.”*

21 Ama abi ọ ngme shi
egbo iZireni egbe khi,

“Ogbele nya mhi nise obọ oyemhe-a
na egbo ni ẹa ya suo esọ,
ni ẹa lama mu pfi.”†

11

Ikheremhi egbo iZireni ni e kpole

1 Mhie i. Eri Eshinegba ọ kie egbo eyi lolighuo? Iiye e! Mhemhe oyemhe ongi iZireni mhi khi. Omi-omi Aburaamu, Mhi rote edeli oyi iBẹjami lasela.*

‡ 10:11 Li ze Aza 28.16 § 10:13 Li ze iJofe 2.32 * 10:15 Li ze Aza 52.7 † 10:16 Li ze Aza 53.1

‡ 10:18 Li ze Iwolo 19.4 § 10:19 Li ze iDeut 32.21 * 10:20 Li ze Aza 65.1 † 10:21 Li ze Aza 65.2

* 11:1 Li ze iFili 3.5

² Ɛshinegba ɔa kie egbo eyoli ni o rote igbaekele ze. Waa lese abi Ebe-no-pfuase o ngme shi ashini Elaja o ro so iromhi ri awolo gueye Ɛshinegba emini egbo iZireni e riyele?

³ Ni o ree, “Ɛshinegba, e she gbolo emekeguele eye-a, e guoghò itete eye-a. Mhemhe-ghuo kpele mhi ke kpole, e gbolo e nono ni e gbe mhe-a.”†

⁴ Se Ɛshinegba o so li? Eri o Elaja, “Mhi kesè emose agbele ishilua le ni ɛa lama nyese ukhomhi na olitsa iBali.”‡

⁵ Igho o kie li khi memena. Itobo khi egbo iZireni e la o ni e kiele e suo eso na Ɛshinegba irari okhale oyoli ni o ro ze we.

⁶ Ini oni uzemhi o khi itobo okhale, ɔa ke khi itobo ikanya. Ini o khi irari ikanya lo, okhale ɔa ke khi egbegbi okhale.

⁷ Elo a ke me, Egbo iZireni ɛa me emini e nono. Ikuku egbo ni Ɛshinegba o ze, wewe e me emini e nono. Eni e kpole e le eso shi ulumhi ni Ɛshinegba o lu we,

⁸ Abi Ebe-no-pfuase o ngme khi,

“Ɛshinegba o re we

lese-a ningolo.

Alo eyewe e zuse

ni ɛa ze we me eke,

ali eso eyewe e zuse

ni ɛa zewe ke ro o suo eso,

ramhi ogbe-namo.”§

⁹ IDefidi o o liye,

“Ɛshinegba o ka ze

ni akhe ni e nye,

e mu okholi vule shi we o.

Ni o rewe kholo awe,

ni o nase we.

¹⁰ Alo eyewe e ka zuse

ini e khi me eke.

Ugugu oyewe o nyese

abi ighumha, agboagbo.”*

Iguabo ni a toma ɔara

¹¹ Mhi gbo mhila, eri e kholo awe ini e de, ni ɛa ke dobe ya vule? Iiye e! Ama itobo olamhe ni e lamhe lo. Imiepfuese o she bhale deba egbo iJeta, ini egbo iJu e ba ke kpe ofuma.

¹² Mena, ini o khia khi a khivose na egbo iJeta itobo khi egbo iJu ɛa lama mie imiepfuese ni Ɛshinegba o ro ghi we. Sa o ghue, abi ikhivose ni agbo nya e ya mholi o ke beshi ya fu ramhi, ini eni egbo iJu e lama mie oni imiepfuese ikpukhokho.

¹³ Mena, ee egbo iJeta mhi nu e ngme. Aborokhia khi eri Ɛshinegba o ze mhe mhi khi aghiusomhi na kee na ghie ghi egbo iJeta egho, eri akanya oyemhe o mu mhe egbe.

¹⁴ Eri mhia riyele ona ini mhi ri egbo iJu eyemhe ke kpe ofuma, ishegho ni mhi dobe tsumhi eghuo elemhi we.

¹⁵ Ini ukiemhi ni a kie egbo iZireni o ri egbo na agbo enekpole nu Ɛshinegba ro riyele, see o ke beshi ya li ti ramhi, ini eni iZireni e ke mie oni Ɛshinegba suo? Eri o ya li abine khi a rote eghuli guise ogho le.

† 11:3 Li ze 1 Ighie 19.10,14 ‡ 11:4 Li ze 1 Ighie 19.18 § 11:8 Li ze iDeut 29.4; Aza 29.10 * 11:10 Li ze iwolo 69.22-23

16 Ini a ri ukiękię ibuleđi onodode mele oni o pfuase-a irari khi a roli ga Eshinegba, oni ibuleđi nya oni o pfuase o ke khi. Ini imhili oora o pfuase oni oora nya o ya khi oni o pfuase.†

17 Ama eri eę eębo iJeta a li abi uguabo oora olivu onokpo ni a khi gbosę shi idiegbe oyi egbegbi oora olivu ni a rote eke kuęle vule. Eri eę a ke ya migha ashini iguabo eni a rote oni egbegbi oora olivu kanọ kua. Itobọ ona, ikhivose ni e rote imhili oni oora olivu e lasele eę a ke ro li agbo.

18 Itobọ igbo, a khi ri eloę gbe eni iguabo ni a kanọ-a egho. Elo o re e ya ke vuse ike? Iguabo tse a lese khi. Aa mu imhili mhue, imhili e mu e mhue.

19 A dobe ya me khi a sa khi eri a kanọ eni iguabo egho kua ni a ba me asha to-oli we.

20 Igesikia onana o khi. Eri a kanọ we-a irari khi ea mholi irudunga. Eę la ashini a la irari khi a mholi irudunga. Ama a khi ze ni a ke vuse ike shi ona, ochoghọ a ze ni ulishi o ke mu e.

21 Irari khi ini Eshinegba o kholo eębo iju ni e khi egbegbi iguabo kua, o mema ya li dobe kholo e kua.

22 Ama a sa abi isomhelemhi ali izese-inmge-a oyi Eshinegba o li. Oo zese ingme-a deba eni e de o le, ama o somhi elemhi e, a kha da la angeli isomhelemhi ne, o ti elemhi e ini a da suo eso na li. Ini o a khi igbo eri o ya khi e kua.

23 Ini eni eębo iju e lase umha miesuo oyewe le, a ya gbo gbosę we shi egbegbi oni oora olivu. Eshinegba o dobe ya gbo gbosę we shi ashini e kpe la.

24 Eri eę eębo iJeta a li abi uguabo oora olivu onokpo na ifuegua. Ini Eshinegba o lina riele emini aa ya riele, ni o ro gbosę e shi egbegbi oora olivu. Ona o li abi eębo iju. A lese khi oni Eshinegba o ya gbo dobe gbosę oni uguabo oyi egbegbi olivu ni a kanọ kua, shi oni olivu ni a kpe te kanọ we kua.

A ya mie eębo iZireni pfuese ikpukhokho agbo

25 Mhia nono ni a lese igesikia oyi osheli ni o la akagho inyoghuo. Ini a khi dabi khi a lese ingme. Oni osheli khi, umha suo eso oyi eębo iju o a khi ona agbo agbo. Ama oni umha-sueso oyewe o ya laọ ramhi ni eębo iJeta otuongme ni Eshinegba o nono ni e bhale deba li, e ro gba pfo.

26 Ona o khi abi a li ya tsumhi eębo iZireni nya. Abi Ebe-no-pfuase o ngme, khi,

“Omiepfuese o ya rote

iZayo bhale,

o ya khu ireloegbe Eshinegba
idiegbe imimi iGiekopu-a.‡

27 Onana khi ilama-kugbe

ni mhi mholi na we,

oni eghęghę ni mhi ro ya rue

olamhe oyewe ode-a.”§

28 Itobọ khi eębo iju e kie usomhi onete ona, e ro khi ebe Eshinegba, itobọ onete oyewe ni aa khi iju. Ama itobọ ititita we, e khi omole Eshinegba itobọ khi o ze we.

29 Irari khi Eshinegba o a ya mu udu pfi shi isomhopfa ni o ro na oębo ali uzemhi ni oo ze oębo.

† 11:16 Emi ni a ri onana ngme khi: Ini Aburaamu ali Aziki ali iGiekopu ni e khi itititawa e da khi eni e pfuase, eni e pfuase awa imimi we e li khi. ‡ 11:26 Li ze Aza 59.20 § 11:27 Li ze iJere 31.33-34

³⁰ Ezeze abi e e egbo iJeta a kpe ri ele umha-sueso deba Eshinegba egheghe ni o dose, a li mie ilelemhi oyi Eshinegba irari umha-sueso ni egbo iJu e ri ele.

³¹ Ezeze abi e e ni aa khi iJu a li mie ilelemhi itobo khi egbo iJu e khi ena umha-sueso memena, igho wewe e ke ya li mie ilelemhi.

³² Irari khi eri Eshinegba o ri egbo nya khili ighumha umha-sueso ni o ba mholi ilelemhi na we nya.

A kueghie Eshinegba

³³ Oghuo o dobe ya mheshe
abi epfue, ali egbhali ali ilese
oyi Eshinegba o limhi ramhi?

Oghuo o dobe ya lese
emini o la li udu ni o ya ri ele,
ali ni o dobe ya guano ode eyoli?*

³⁴ "Oghuo o she lese
udu oyi Onomhue?
Oghuo o dobe ya ye oli ude?"†

³⁵ "Oghuo o ri ongmomhi
na Eshinegba ghue,
ni o ya nyene egbe fali oli lue?"‡

³⁶ Irari khi loli o ma emhi nya,
obo oyoli e te la agbo.
E la o gbo na li.

Loli a ri ufumhi a na agbogbo. Atse§

12

Iluasobo ni o la agbo

¹ Itobo igho, inyoghuo-mhe, mhi ri itobo ilelemhi oniemi ni Eshinegba o mhu e na awa lema e, a ri idiege eye e na Eshinegba, abi iluasobo ni o kie la agbo, ni o pfuase, ni o ti Eshinegba eloe. Onana o khi egbegbi ugamhi na elemhi ayemhe ni a dobe ya ga.

² A khi ze ni ingeli eye e ali eyi egbo na agbo e li abeghuo. Ama a ze ni Eshinegba o mu udu eye e pfi mele udu enegbo-a. Egeghe agho a ya dobe lese abi oghuemhe oyi Eshinegba o li, a lese emini o ti, ni o gba pfo ni o ri egbe e mu Eshinegba.

³ Itobo okhale ni Eshinegba o ro na mhe, mhi ro gue oli e ye e nya, a khi ke ti egbe e nga dose ashini a fu ramhi. Ochogho, a ke ri ukpeloe itiege-tiemhi eke bino egbe e, ni o de shi abi irudunga ni Eshinegba o ro ne o fu ramhi.

⁴ Ezeze abi awa li ze idiege oghuo ni o mhu e iguabo ododa ni e bu, ni ea ya gbe akanya oghuo,

⁵ igho o li khi elemhi iKirisiti ni awa rote idiege oghuo lasese, ni uguabo ogbogbo ali enekpole nya e li kugbe iguabo enekpole.*

⁶ Isomhopfa ododa Eshinegba o ro na awa abi o ri ekpabo na awa ramhi. O kha khi isomhopfa imekeguele ogbo o mholi, o roli ke gbe akanya ni o de shi irudunga ni awa nya awa mholi.

⁷ Ini o khi oyi oni a ro o ga egboese, o ke ga. O kha ke khi oyi oni a ro o sese, o ke sese.

* **11:33** Li ze *Aza 55.8* † **11:34** Li ze *Aza 40.13* ‡ **11:35** Li ze *Jobu 41.11* § **11:36** Li ze *1 iKori 8.6*

* **12:5** Li ze *1 iKori 12.12*

⁸ O kha khi oyi irudushi egbo o o khi ni o mie, o ke ri udu shi egbo o. Ini oni a ro o kpaghie egboese obo, ini e mholi emini o to we lo, o ke rue obo-a na egbo, abi o li pfo oli udu. Ini oni a la ralo ke mhese na egbo lo, o ri eloe shi omhese ke mhese, o kha khi oyi ilelemhi, o ri egbe mu oli ke ri ele.[†]

Inono

⁹ Rote ekelemhi udu oye ke ri ele inono. A kie emhi onobe, a mu eminete mhue egbegbo.

¹⁰ A nono ingme oyi egbe e egbegbo, abi ogbo ali inyoghuo. A mhue ekpe na egbo elese ke dose abi u li mu ekpe na egbe e.

¹¹ Khi li owaza akanya igbegbe, ama ri omuegbe elemhi ayemhe ke ga Onomhue.

¹² Ze ni irudushi ni u mhue o ri egbe ke mue. Mhue irabomudu ini u mhue osoli, ke lema eghenge kpa.

¹³ Ke kpaghie inyoghue ni e mhue otomhe obo. Ke mu egbo epfese.

¹⁴ Ke so iromhi ikhivose na egbo ni e mu okholi e vule shi e o. Ke khivose na egbo, khi ku itse na ogbo.[‡]

¹⁵ Nu egbo ni e mhue oghelē ke ghele, u nu eni ee vie, ee vie.

¹⁶ A ri opfomhe nu egbe e ke la. Khi khi ogbo ni o ti ike e nga, ama ke timama egbo ni ea pfue. Khi ri ele khi u ma lese dose.[§]

¹⁷ Khi ri onobe fali ota onobe. Kuegbe-a ke ri ele emini o ti egbo nya eloe.

¹⁸ Ini o ze ya ri ele, rosheka odekhode, ni u ro nu egbo nya la kugbe elemhi opfomhe, ini o khi obo oye o kpole shi.

¹⁹ Emolemhe, a khi mie abo okholi, ochogho a ze Eshinegba o mie abo okholi na e. Irari khi Ebe-no-pfuase o lie, "Mhemhe mhi mholi imieabo okholi, mhi ya fali we ota." Igho Eshinegba o ngme.*

²⁰ Ochogho a ke ri ele abi Ebe-no-pfuase o ngme khi, "Ini okiamhi oo gbe obe e, ri eminale na li le. Ini okiamē oo gbe oli ri amē nali da. Irari khi ini u li na, eri u we ingamhi ere a nga li ukhomhi."[†]

²¹ Khi ze ni onobe o mu e le, ama ri onete mu onobe o le.

13

Iregbe-tiemhie na eni e la ukpekhomhi omhese

¹ Ogbo kpa o ke suo eso na eni e la ukpekhomhi omhese. Irari khi Eshinegba lolighuo tse o dobe ze e ogbo shi ukpekhomhi omhese. Eshinegba o ri eni e la ukpekhomhi omhese nya leghie.

² Irarigho, ogbo ni o da mu okholi vule e shi eni ee mhese o ne, eri e mu okholi e vule shi emini Eshinegba o ro migha. Eni e da ligho ne, ipfezomu e nono e ghi egbewe.

³ Irari khi eni ea gue ngeli a ze enighie e ke nase, oa khi eni e gue ngeli. Irarigho oni oo ri ele okhoro o na ulishi ena omhese. Waa nono ni u pfue ulishi oyi egbo ni e la ukpekhomhi? Ke ri ele emini o gbe akanya. Ini u li gho, e ya kueghie.

⁴ Irari khi eni e la ukpekhomhi omhese, Eshinegba o ze we ni e ke kpaghie e obo. Ama u kha ri ele emini oa gbe akanya, ke na ulishi oyewe, irari khi e mhue itoto ni e ro ya nase. Eni ee ga eyi Eshinegba e khi, ni ee nase eni ea ya suo eso, ni o ro khase khi elemhi ee bi Eshinegba shi o.

[†] 12:8 Li ze 1 iKori 12.4-11 [‡] 12:14 Li ze iMat 5.44; iLuk 6.28 [§] 12:16 Li ze Ekpi 3.7 * 12:19 Li ze iDeut 32.35 [†] 12:20 Li ze Ekpi 25.21-22

⁵ Irarigho, zẹ ni u ke nyẹse ukhomhi na eni e la ukpekhomhi omhese, itobo khi emini o ti lo ni u ke riẹle, aa khi itobo elemhi ibibi oyi Eshinẹgba tse.

⁶ Onana o li zẹ khi u mema ya zẹ oga, irari khi eni e la ukpekhomhi omhese eni eẹ ga eyi Eshinẹgba e khi, ni e ri eghẹghẹ oyewe nya na akanya omhese.

⁷ Fali oḡbọkpa ota ni u lo ọli. Ini u lo ota oga, zẹ ọli, okekhi ozela, zẹ ọli, ri ekpe ke na eḡbọ, u nyẹse ukhomhi na we.*

A ke riẹle inono irari oni oḡbele o she ti ramhi ana

⁸ Khi lo oḡbọ ota emhikhoghuo, se ni ota inono ingme oyi onuzava oye tse! Irari khi oḡbọ ni o da nono ingme oyi onuzava oyọli ne, o she ri ushi gbe akanya.

⁹ Ishi ni eẹ, “Khi kia okia,” “Khi gbe ugbeli,” “Khi do ughiatọ,” “Khi zẹ ni emhi oḡbọ o to e egbe,” Ali elese ni e kpole nya, ushi oghuo o zẹ wewe nya ukhomhi, ni oḡ, “Nono ingme oyi onuzava oye abi u li nono ingme oyi egbe e.”†

¹⁰ Oni o da nono ingme oyi onuzava oyọli ne, ọa tigbe ya li o li onobe. Irarigho, inono o khi irushi gbe akanya.

¹¹ Ke riẹle ona, lese eghẹghẹ ni a la memena. Eghẹghẹ o she ramhi ni u ro ya rote olese guale. Irari khi eghẹghẹ imiepfuese oyawa ni o kpe ukkokho o she ti bhale dose eghẹghẹ ni awa rote odode miesuo.

¹² Eḡ iyose o she e dose, ogbe o she e gbe-a. Awa khi ke ngeli abi eḡbọ ni e la alo ebili, awa mema mu egbe ni awa ro ya la elemhi ákpá.

¹³ Awa gue ke ngeli abi eḡbọ ni e la ákpá. Awa khi nu we ye ukue ebe ni e la riẹle efiala, ali idonyo guoghọ-a. Awa khi kia okia ke mu ighue ebe. Awa khi la agbo okhọli wekhi agbo ivie shi emhi oḡbọ.

¹⁴ Ochoghọ awa ri iJesu iKirisiti Onomhue so abi awulu. Khi ke sa abi u li ya riẹle oghuemhe eyi idiegbe olamhe.

14

A khi ke ri unu zẹ eḡboese ifue

¹ A mie oḡbọ ni irudunga oyọli ọa lolo toto. Khi nu ọli ke khako shi emini o mieshi ni o khi ọda shi oye.

² Irari khi eḡbọ eghuo e miesuo khi o ti ni a ke le emhikpa. Ama oḡboese ni irudunga oyọli ọa lolo toto, o lese le ebe tse.

³ Oḡbọ ni o le emhikpa, o khi ri eloe gbe oni ọa ya le, oḡbọ ni ọa ya le emhikpa, o khi gue oni o le emhikpa ezo. Irari khi Eshinẹgba o ga mie we.

⁴ Oghuo u khi ni wa ke gue aghiusomhi oyi oḡboese ezo? Oga oyọli tse o dobe e liẹ khi o gueli, ali khi ọa gueli. O ya migha, irari khi Onomhue o dobe ya roli migha.

⁵ Eri eḡbọ eghuo e dabi khi oḡbele oghuo o mu eloe dose olese. Oḡbọ olese oḡ khi abeghuo oḡbele nya e li. Oḡboḡbo o ri udu oyọli shi asha ni o migha shi.

⁶ Oni o bino khi oḡbele okhoghuo o la o ni o mu eloe ne, eri o roli ri ufumhi na Onomhue. Oḡbọ ni o le eminale, o le ọli ri ufumhi na Onomhue, irari khi Eshinẹgba o kphemhi na, oni ọa le, Onomhue o roli mu ekpe na, o kphemhi na Eshinẹgba.*

⁷ Aa me onge-awa ni o la agbo na eḡbọli tse, we khi eri a me onge-awa ni oḡ ghu-a na eḡbọli tse.

* **13:7** Li zẹ iMat 22.21; iMak 12.17; iLuk 20.25 † **13:9** Li zẹ Okiali 20.13-15,17; iDeut 5.17-19,21; iLev 19.18 * **14:6** Li zẹ iKolo 2.16

⁸ Ini awa la agbọ, Onomhụe awa la ọ agbọ na. Ini awa ghu-a, Onomhụe awa ghu-a na. Awa la agbọ o, awa ghu-a o, oyi Onomhụe awa khi.

⁹ Onana o zẹ khi iKirisiti ọ ghu-a, ọ guale ni ọ rọ khi Onomhụe oyi ẹgbọ ni e ghu-a ali ẹgbọ ne la agbọ.

¹⁰ Yeyẹ o ye, elọ o zẹ ni u rọ a gue inyoghuo ẹ ezọ mena? Yeyẹ o ye, elọ o zẹ ni u rọ ri elọe ẹ gbe inyoghue. Awa nya awa ya migha odalo oyi Eshinegba ni ọ gue awa ezọ.[†]

¹¹ Irari Eshinegba ọ lina ngme ọli shi Ebe-no-pfuase khi,

“‘Aborokhia khi mhi la ọ egbo,’
Onomhụe ọ lina ngme,
‘Ogbokpa ọ ya wugha mhe odalo,
Ogbokpa ọ ya guele khi
mhemhe mhi khi Eshinegba.’”[‡]

¹² Itobo igho, ogbokpa ọ ya gue khasẹ Eshinegba abi ọ li gbe.

A khi yese egbe ẹ de

¹³ Itobo igho, lase iguegbe-ezo le. Ochoghọ, mholi ọli shi udu oye khi u waa ya kpẹ emhi wẹkhi ọzuode shi ekẹ ni inyoghuo ẹ ọ khọlo awe shi.

¹⁴ Ikugbe ni mhemhe ali iJesu anye kugbe, o rokhasẹ mhe khi emhi khoghuo ọa la ọ ni ọa pfuase. Ama ini ogbọ ọ mholi ọli shi udu khi emhi ọa pfuase, loli oni emhi ogho ọa pfuase shi ọ.

¹⁵ Ini u yese inyoghuo udu-a, irari eminale ni u le, inono ọa ke la oni angeli. Khi zẹ ni eminale nu le, o ri inyoghuo ẹ ni iJesu ọ ghu-a na de.

¹⁶ Khi zẹ afa ni u mholi rọ ọ le emhikpa, ni u rọli ri omama ghi iKirisiti.

¹⁷ Irari khi Eghiele oyi Eshinegba ọa khi ingme eminale ali onyo idada, ama oyi ipfuase, ali opfomhe ali oghelẹ na Ayemhe-ny-pfuase.

¹⁸ Ogbọ ni ọ da lina ga iKirisiti, ọ ma ti Eshinegba elọe, ẹgbọ e mu ekpe na li.

¹⁹ Itobo igho, ke rielẹ emini e ri opfomhe ẹ bhale, ni e gbo ya kpaghie ogbokpa rọ mholi imiesuo ni o toto.

²⁰ Khi ri itobo eminale pfueche emini Eshinegba ọ rielẹ-a. A dobe ya le emhikpa, ama ọa ti ni a rọ bhale ya ẹ khi emini u wa le, o zẹ ni ogbọ olese ọ de pfilo olamhe.

²¹ O tine ini u waa bie le emhikhoghuo wẹkhi eri u da onyo, wẹkhi eri u rielẹ emhikhoghuo ni o ya zẹ inyoghue de.

²² Irarigho, emini u mieshi ingme enana nya rọli shi iteva oye ali Eshinegba. Oghelẹ o khi ni ogbọ ni ọa pfa ezọ mu egboli shi emini ọ rielẹ ni ọ mie shi khi o gbe akanya.

²³ Ama ini ogbọ ni ọ mhue akhokhomhe ọ da kie le, a she pfa ezọ mu ọli. Irari khi ulemhi ni ọ le ọa khi rọte irudunga. Emini ọa da rọte irudunga bhale ne, olamhe o khi.

15

¹ Awa ni awa toto shi irudunga, awa kha ke ri egbe mie na eni ẹa toto irudunga. Awa khi ke lesẹ rielẹ egbe awa ti tsee.

² Ochoghọ, ogbogbo o ke rielẹ inyoghuo ọli emini o ti ọli egbe, ni o rọ kpaghie irudunga oyoli, ni o vule.

³ Irari khi iKirisiti ọa rielẹ egboli tsee ti. Ochoghọ, abi Ebe-no-pfuase o ngme ni ọo, “Eshinegba, itsuemhi ni ẹgbọ e tsue ẹ, o de nga mhe egbe.”*

[†] 14:10 Li zẹ 2 iKori 5.10 [‡] 14:11 Li zẹ Aza 45.23 * 15:3 Li zẹ Iwolo 69.9

4 Emini a keke shi Ebe-no-pfuase nya, eri a keke oli ni a ro sese awa ingme, ni a bhale ya e khi iregbemie ali irudusho ni Ebe-no-pfuase o ro na awa, o ri awa mholi irudushi.

5 Eshinegba ni o khi oni o ri iregbemie, ali irudusho o na ogbo, o ka re e mhue usamhi oghuo abi a lie deba ete-awe eyi iJesu iKirisiti.

6 Ni ee nya a ri udu oghuo ali uruli oghuo kueghie Eshinegba ni o khi ita iJesu iKirisiti Onomhue oyawa.

7 Awa ke lama ingme egbe abi iKirisiti o li lama ingme oyawa, ni o ri ikueghie bhale ghi Eshinegba.

8 Itobo khi mhi gueye e khi iKirisiti o she bhale abi oni oo ga ogbo na egbo iJu, ni o rokhasa khi Eshinegba igesikia o khi, ni o ro mu ma ishobo ni o shi na itita awa,

9 ni iJeta e kueghie Eshinegba shi ilemhi oyoli. Abi a li keke oli khi,
"Irarigho, mhi ya kueghie e
iteva egbo iJeta.

Mhi ya to uwolo
kueghie eva oye."†

10 O gbolo e,
"Ee iJeta, ni a kuma
egbo eyoli ke ghele."‡

11 O gbolo e,
"A kueghie Eshinegba
ee egbo iJeta,
a to uwolo kueghie oli
egbo nya."§

12 Azaya o gbolo lie,
"Omioni ijese o ya fu vule,
oni o ya vule mhese na e iJeta,
egbo iJeta e ya ri udu nga li."*

13 Eshinegba ni a rote obo oyoli e mhue irudushi, o ri oghela ali opfomhe ne rote iregbenga ni a mhue nali, ni a ro bhale ya e khi irudushi oye o fu sho rote ekpabo oyi Ayemhe-no-pfuase.

IPolu oni a ze o khi oni o gbe akanya na egbo iJeta

14 Inyoghuo-mhe, mhemhe oyemhe mhi mhue imiesho khi onete o vo e egbe, khi ilese o gba na e ni a ro dobe ya ke sese egbe e.

15 Mhi she kpe gue ingme eghuo ye e gboo elemhi ebe ona ni mhi gbolo e yele e le ena. Itobo afu ni Eshinegba o ro na mhe,

16 ni mhi ro khi aghiusomhi na kee oyi iJesu iKirisiti na egbo iJeta. Eri mhia gbe akanya okpodalo-ugamhi oyi Eshinegba, ni a ro tsabo usomhi onete oyi Eshinegba, ni a ro bhale ya e khi egbo iJeta e li khi iluasobo, ni Eshinegba o mie, eni Ayemhe-no-pfuase o khuese-a pfuase.

17 Rote iJesu iKirisiti mhi te e mholi egbe-imumhe shi ugamhi ni mhia ga Eshinegba.

18 Mhi aa ya gbudu ngme emhikhoghuo, see ni emini iKirisiti o rote obo oyemhe riela ro ri egbo iJeta suo eso na Eshinegba, rote ungmehi ali ikanya oyemhe,

† 15:9 Li ze 2 iSam 22.50; Iwolo 18.49 ‡ 15:10 Li ze iDeut 32.43 § 15:11 Li ze Iwolo 117.1 * 15:12 Li ze Aza 11.10

19 rōte ekpabọ eyi ọlẹlẹ ali ọnyaloa, ali rōte ekpabọ oyi Ayemhẹ-nọ-pfuasẹ. Ighọ mhi rōte iJerusalemu ngme ungmemhi usomhi onete oyi iKirisiti ya ramhi iLirikumu.

20 O ma kie kpẹ khi emini o la mhẹ udu ni mhi rọ ngme ungmemhi usomhi onete ye egbọ ni ẹa kie suọ ungmemhi oyi iKirisiti ne, ini mhi khi ya tọ nga irogbeke ni ogboese ọ rọ gbe.

21 Abi Ebe-nọ-pfuasẹ o ngme ọ khi,
 “Egbọ ni aa kpẹ
 gue ingme oyoli ye ne,
 e ya mẹ, ali khi eni ẹa kpẹ suọ,
 o ya ye wẹ.”†

Ugbamhi ni iPọlu ọ gba, khi lọli ya ye iRomu

22 Akanya oyemhẹ ona o zu mhẹ ode, ni mhi aa rọ mẹ asha bhale deba ẹ.‡

23 Aborokhia khi mhi aa ke mhue ikanya ni e kpọ mhẹ le shi ikpe ena, ali ni o rọ gbo khia khi ikpe ebubu na ni mhi te ẹ nono ni mhi bhale ya mẹ eghọ,

24 o la mhẹ udu khi mhi ya rōte olieye ẹ ini mhia lẹ iSipeni. Mhi sa khi a doḅe ya ri ikpaghiobọ na mhẹ ni mhi rọ ti okiali oyemhẹ je odalo, ini awa ri egbe mu egbe ukuku eghẹghẹ se.

25 Mena, mhia je iJerusalemu ni mhi ya kpaghie egbọ eyi Eshinegba obọ.

26 Irari khi o ghọle eni miesuọ ni e la eke iMasidonia ali Akhaya ni e ri ikpaghiobọ na egbọ eyi Eshinegba ni e la iJerusalemu. §

27 Egbe ẹ mu wẹ khi wewe e lighọ riẹlẹ ọli, e rue ọli shi khi ota wewe e lo wẹ. Irari khi ini egbọ iḷeta e kemhi ikhivose ayemhẹ oyi egbọ iJu, eri o li abi ota ni egbọ iḷeta e lo egbọ iJu.*

28 Ini mhi gbe akanya ona se ni mhi rọ mẹ ọli mẹ khi e she mie ikpaghọ ena se, mhi ya je iSipeni, mhi ya kọ feli ẹ ini mhia lẹ.

29 Mhi leṣe ọli gboo khi ini mhi bhale, ikhivose oyi iKirisiti ni o vọ tsululu mhi rọ ya bhale.

30 Mhi ri iJesu iKirisiti Onomhẹ oyawa ali inono ni Ayemhẹ o rọ na awa lema ẹ inyoghuo, a nu mhẹ sọ iromhi ali a gbo sọ iromhi na mhẹ.

31 Sọ iromhi Eshinegba ọ tsumhi mhẹ obọ oyi egbọ ni ẹa miesuọ na eke iJudia ali ni egbọ Eshinegba ni e la ẹoli iJerusalemu ni e mie eni ikpaghọ ni mhi rọ ọ ghi wẹ.

32 Ni a rọ bhale ya ẹ khi rōte oguemhẹ oyi Eshinegba, mhi doḅe ri udu oghele bhale deba ẹ ali ni awa ri udu shi egbe ọ.

33 Eshinegba oyi opfomhẹ ọ ka nu ẹẹ nya la, Atṣe.

16

Otṣe ni iPọlu lọlighuo ọ tṣe egbọ ke

1 Mhi gue ingme onete oyi iFobi ye ẹ, ikhi inyoghuo awa ni ọkpotso, ni ọ khi oni ọ ralo shi eni e miesuọ ni e la ẹoli iKenkhiria.

2 A ri eva oyi Onomhẹ kpẹ abọ mie ọli, abi egbọ eyi Eshinegba e ye ni e li. A ri ikpaghiẹ obọ onini ọ da ya nono obọ oye ẹ na li. Irari khi anamelo oyemhẹ ali ebubu egboese ọ khi.

3 Mhia tṣe iPisilia ali Akuila ni e kpaghie mhẹ obọ shi akanya oyi iJesu iKirisiti.*

† 15:21 Li ze Aza 52.15 ‡ 15:22 Li ze iRom 1.13 § 15:26 Li ze 1 iKori 16.1-4 * 15:27 Li ze 1 iKori 9.11 * 16:3 Li ze Ika 18.2

⁴ E ri agbo oyewę shi okhęna irari oyemhę. Oa khi wewęghuo tşę mhia tşę uwegbe, ama li shi igbaa nya eyi eni e mie iKirisiti suọ enayi ęgbọ iJeta.

⁵ Mhi gbo li tşę igbaa oyi eni e mie iJesu iKirisiti suọ ni o la owa oyewę.

Mhia tşę ęgbębi ọmọlemhę Epanetus ni ọ khi ọgbọ ọnodode ni ọ mie iKirisiti suọ ukiękię eke Esha.

⁶ Mhi tşę iMeli ni ọ toto obọ a gbe akanya na ę.

⁷ Mhi tşę Adironikusi ali iJunayasi, ęgbọ iJu nabi mhęmhę ni anye ga la owa ighumha. Eni a mu ekpe na e khi elemhi idiegbę oyi ighiusomhi na keę. Ama e kpe miesuọ khę mhę.

⁸ Mhia tşę Amipiliatusi, ęgbębi ọmọlemhę, ni mhi mhue inono na elemhi Ọnọmhue.

⁹ Mhia tşę Urubane, ni ọ kpaghię anye obọ akanya oyi iKirisiti.

Mhi gbo tşę iSitachisi, ęgbębi ọmọlemhę.

¹⁰ Mhia tşę Apelesi, ni a mę gboo khi igesikia ọ rọ deba iKirisiti.

Mhi tşę ena ọmhue-apfe oyi Arisitobulusi.

¹¹ Mhi tşę Erọdiọni ni ọ khi inyoghuo-mhę.

Tşę eni e miesuọ na ọmhue-apfe oyi iNakisusi.

¹² Mhia tşę iTirifeana ali iTirifosa eni ikpotso eghọ ni e gbe akanya oyi Ọnọmhue ęgbębo.

Mhi li tşę ęgbębi ọmọlemhę iPesisi ọni ọkpotso ni ọ gbe ukpokpomhi akanya na Ọnọmhue.

¹³ Mhia tşę iRufosi, ọgbakanya ni a zę oyi Ọnọmhue, ali inyọli ni ọ li abi inyọ shi mhę ọ.[†]

¹⁴ Mhi tşę Asikiritusi, ali iFilegọni, ali Amęsi ali iPatirobasi ali Amasi ali eni e miesuọ ni e ga la.

¹⁵ Mhia tşę iFilologusi ali iJulia ali iNirusi ali inyoghuo ọli ni ọkpotso ali Olimpasi ali ęgbọ Eshinegba nya ni e nu wę la.

¹⁶ A tşę egbe ę otşę onete, a ghele mu egbe abi inyoghuo.

Igbaa nya eyi eni e mie iKirisiti suọ, ę tşę ę.

¹⁷ Mhi lema ę, inyoghuo, a ke tọ ọkpe ęgbọ ni ę pfi okemhi ali ni e ri ęgbọ de irudunga ni e mhue-a, eni osesę oyewę ọa de shi osesę ni a sesę awa. A nuata shi wę ọ.

¹⁸ Irari khi ęgbọ ni ę rięle emhi eghogho ęa ya ga iKirisiti Ọnọmhue oyawa, ama elemhi oyewę ę ga. Rote eta-olelemhununu ni ę ngme, e rọ ọ di usamhi udu oyi ęgbọ eghuo ni ęa mhue ilęse.

¹⁹ Ọgbọkpa ọ she suọ abi a li ri ungmęmhi oyi Eshinegba a gbe akanya. Itobọ ona mhi rọ ghele shi ingme oyęę. Ama mhia nono ni a fialo-a shi emini o khi onete, ama a khi fialo-a shi emhi onobe.

²⁰ Eshinegba oyi opfomhę ọ ya kele guoghọ okphaghie-a shi ę ekowe. Okhale oyi iJesu iKirisiti Ọnọmhue oyawa o ke deba ę nya.

²¹ ITimoti ni anye ga a gbe akanya, ọọ tşę ę. Ighọ khi iLushosi ali iJasi ali iSosipata, ni anye ga khi iju.[‡]

²² Mhęmhę iTetiusi ni mhi ri ugba ma a keke ebe ona na iPolu, mhi tşę ę, abi ọni ọ miesuọ.

²³ IGayusi ni ọ ri owa oyọli na mhę kushi, ni ọ gbo ri ukpeloe ę khu mhę, ni ọ lama eni e miesuọ e ke legba owa oyọli, ọọ tşę ę.

Erasitosi, ni ọ ri ikpagho ọ shi na ęoli oyewę ali inyoghuo anye ikhi iKaritusi, ęę tşę ę.[§]

²⁴ [Okhale oyi iJesu iKirisiti Ọnọmhue oyawa o ka nu ę la, Atşę.]

[†] 16:13 Li zę iMak 15.21 [‡] 16:21 Li zę Ika 16.1 [§] 16:23 Li zę Ika 19.29; 1 iKori 1.14; 2 iTimo 4.20

²⁵ Ufumhi khi oyi Eshinegba! Loli o dobe re migha shi irudunga oye e abi o li de shi oni usomhi onete oyi iJesu iKirisiti ni mhi ro o tse abo, ali ni o de shi irokhashe oyi osheli ni a ro sheli agboagbo elemhi ikpe ebubu ni e dose.

²⁶ Ama mena, a she ri oni igesikia khashe, rote akeke shi eke enayi emekeguele, abi Eshinegba ni o la o agboagbo o mheshe oli a li roli khashe ishishi nya, ini e ba miesuo ni e suo esu na lu.

²⁷ Eshinegba ona ilese, a ri ufumhi na agboagbo, rote obu oyi iJesu iKirisiti! Atse.

Ebe onododẽ ni iPõlu o keke ghi egbõ iKõritia Eni e miesuo

Otsẽ oyi iPõlu

¹ Mhẽmhẽ iPõlu, aghiusomhi na kee oyi iJesu iKirisiti ni Eshinẽgba o zẽ abi o ghõle õli shi mhi khi, li shi inyoghuo awa iSositẽnisi.

² Mhẽmhẽ mhi keke ebe ona a ghi igbaa oyi eni e mie iJesu iKirisiti suo onayi Eshinẽgba ni e la iKõriti, ikhi eni Eshinẽgba o lu e khi egbõ eyõli. Eri o rẽ e khi egbõ ni e pfuasẽ rõtẽ obõ oyi iJesu iKirisiti, abi o li egbõ ni e miesuo ashakhasha.*

³ Eshinẽgba ita awa ali iJesu iKirisiti Onõmhue oyawa e ka li okhale na e, e ri opfõmhẽ na e.

IPõlu o ri ikphẽmhi na Eshinẽgba

⁴ Eghẽghẽ kpa mhi rõ kphẽmhi e na Eshinẽgba oyẽmhẽ irari okhale ni o riẽle na e rõtẽ obõ oyi iJesu iKirisiti.

⁵ O she rẽ mhõli e pfue odẽkhodẽ elemhi iguẽngme ungmẽmhi ali ilẽsẽ nya.

⁶ Oni usomhi oyi iKirisiti o she lo e egbe shitõ egbegbõ.

⁷ Irarighõ, isomhopfa ayẽmhẽ okhõghuo õa ke to e abi a li migha khẽ ibhale oyi iJesu iKirisiti Onõmhue oyawa ni a la rõli ya khasẽ.

⁸ O ya mu e mhue gbaa ya ramhi ukpẽsẽ, ni a khi eni eã mhue umhaguekia, a khi ogbẽle ni iJesu iKirisiti Onõmhue oyawa o ya bhale.

⁹ Eshinẽgba ni o lu e ni a nu omi õli iJesu iKirisiti Onõmhue oyawa mhue ugamhi kugbe, õni a ri egbe e nga o khi.

Okẽmhi ni o la eni e miesuo iteva

¹⁰ Inyoghuo-mhẽ mhi ri eva oyi iJesu iKirisiti Onõmhue oyawa lema e, eẽ nya a ke yẽmhẽ na egbe ini okẽmhi o khi lo e le, ali ni a mhõli udu oghuo ali usamhi oghuo.

¹¹ Egbõ eghuo na õmhue-apfẽ oyi iKiloe e gueyẽ mhẽ khi iwola e la e iteva.

¹² Eminni mhi ri onana ngme khi, õgbõgbõ õõ ngme unu odõda, õghuo o khẽ, "iPõlu mhia deba," õlẽsẽ õõ, "Apolosi mhia deba," õlẽsẽ õõ, "iPita mhia deba," õlẽsẽ õõ, "iKirisiti mhia deba."†

¹³ Eri a kemhi iKirisiti? IPõlu a gbe-a shi õõra apfida na e? Abi khi eva oyi iPõlu a rõ batazi e? Niyẽ odukhõkhõ eyi iPõlu a khi?

¹⁴ Mhi kphẽmhi na Eshinẽgba khi mhi aa batazi õngẽ e, sẽ ni iKirisipusi ali iGayusi.‡

¹⁵ Irarighõ, õngẽ e õa ya liẽ khi mhi ri eva oyẽmhẽ batazi lue.

¹⁶ Mhi lẽsẽ khi mhi batazi apfẽ iSitẽfanasi, mhi aa ke sato ini mhi li batazi õgbõsẽ.§

¹⁷ Irari khi iKirisiti õa ghie mhẽ mhi ke batazi egbõ, ama mhi ke kia gue ungmẽmhi oyõli le ni õa rõtẽ ilẽsẽ oyi õgbõ bhale. Ini eghuli ni iKirisiti o ghu shi apfida o khi mele afuẽ-a.

iKirisiti ni o khi ilẽsẽ ali ekpabõ

* **1:2** Li zẽ *Ika 18.1* † **1:12** Li zẽ *Ika 18.24* ‡ **1:14** Li zẽ *Ika 18.8; 19.29; iRom 16.23* § **1:16** Li zẽ *iKõri 16.15*

18 Irari khi eri ungmemhi oyi apfida o khi afue shi esò oyi egbo ni eë pfua o, ama awa ni a mie e pfuese, ekpabò oyi Eshinegba o khi na awa.

19 Irari khi Ebe-no-pfuase o o li,

“Mhi ya pfueche egbhali
oyi eni e mhòli egbhali-a,
mhi bi ileasingme oyi

eni e riële khi wewe e guë ebe ma.”*

20 Mena, ashì òna ileasingme o migha? Ashi oguebe o la? Ashi eni e guë khako ena agbo namo e migha? Oa khi eri Eshinegba o ri egbhali ni e la agbo ona mele ooyeghe-a?†

21 Eri Eshinegba o ri ileasingme oyi lolighuo ze khi egbo eà rôte ilese oyewe lese oli. Ochoghò, eri o ghòle Eshinegba ni o rôte itsabò oyi usomhi ni egbo eë khi oyeghe lo, tsumhi eni e mie oni usomhi suo.

22 Egbo iJu, iròkhasè eyi onyaloa e migha khe, egbo iGiriki eë nono ileasingme,

23 ama eri anye ri iKirisiti ni a gbe-a tama apfida tse abò usomhi ona, o ri elemhi a bi egbo iJu, o khi oyeghe shi esò oyi egbo iJeta,

24 ama egbo ni Eshinegba o lu, ghe iJu ali iGiriki e me oni usomhi oyi iKirisiti shi khi ekpabò ali ilese oyi Eshinegba o khi.

25 Irari khi emini o li abi umhalesè oyi Eshinegba, o mhue ilese dose egbhali oyi ogbo, emini o li abi olosemhe oyi Eshinegba o mhue itoto dose ekpabò oyi ogbo.

26 Inyoghuo, a sato emini a kpe khi neni Eshinegba o lu e. Egbo ena agbo ona eà bino shi eni e mhòli ugbhe, ali khi oà khi ebubu e e fialo-a, oà khi ebubu e e khi ekhemue.

27 Eri Eshinegba o ze emini egbo e bino shi emhi eyeghe elemhi agbo ona ke, o rewe ri omama mu elesingme. O ze emini eë mhue ochi elemhi agbo ona ro khi eni e mhue ekpabò unu-a.

28 Eshinegba o ze emini eà mu eloe na agbo ona ali emini egbo e ri eloe gbe, ni e ro shi afue. O rewe ri emini egbo eà bino khi e mu eloe mele afue-a,

29 ini ogbokhoghuo o khi dobe la odalo oyi Eshinegba tono obò udu.

30 Irari khi loli o ku awa ali iJesu iKirisiti gbe. iKirisiti ni o khi ilese ni o rôte obò oyi Eshinegba bhale. Emini a ri ona ngme khi, loli o khi ipfuase ali iropfuase ali ipfasheke oyawa.

31 Irari ona, Ebe-no-pfuase o ro lie, “Onini o da nono ni loli tono obò udu, o ke ri emini Onomhue o riële tono obò udu.”‡

2

1 Inyoghuo, abi mhi ro bhale olieye e ya tsabò osheli igesikia ni o la ungmemhi oyi Eshinegba, mhi aa lii ngme ingmemhi ena ghoghoghi, wekhi eri mhi rokhasè khi mhii wena gba.

2 Irari khi abi mhi ro la iteva oyee, eri mhi rue udu emhikpa-a, mhi ri udu lese shi ingme oyi iJesu iKirisiti ali eghuli ni o ghu shi apfida.

3 Onana o ze khi abi mhi ro te eke bhale, eri mhi li abi oni oà mhue ochi, ulishi o remhe kpheli.*

4 Abi mhi ro sese e, ni mhi ro tse abò ungmemhi gueye e, mhi aa ri ilese dose ali eta-olelemhunú nu e ngme. Ama eri mhi ri ekpabò oyi Ayemhe oyi Eshinegba khase.

* 1:19 Li ze Aza 29.14 † 1:20 Li ze iJobu 12.17; Aza 19.12; 33.18; 44.25 ‡ 1:31 Li ze ijere 9.24

* 2:3 Li ze Ika 18.9

⁵ Ini irudunga ni a mhue, o khi ya migha nga egbhali oyi ogbo, ama ekpabo oyi Eshinegba.

Ilesingme oyi Eshinegba

⁶ Usomhi ni o khi oyi ileasingme anye gueye egbo ni e womhe eloe shi emhi irudunga. Ama o a khi ilese oyi agbo namo wekhi oyi eni e mhese shi agbo namo, eni e ya mele afue-a.

⁷ Ingme osheli ileasingme oyi Eshinegba mhia ngme. Ilesingme ni o ro sheli na egbo agboagbo ni o she kpe gba shi eke khi awa ya mholi okemhi shi ufumhi oyoli.

⁸ Aa me oghe okhoghuo ighie ena agbo namo ni o lese oni ileasingme ona. Ini o khia khi e lese lo, e a kha ta Onomhue ni o mhue ufumhi ma afida gbe-a.

⁹ Ama abi Ebe-no-pfuase o ngme ni o o,

“Ukpeloe okhoghuo o a me ne,
 esog okhoghuo o a suo ne,
 wekhi eri ogbokhoghuo
 o sa udu oyoli ramhi o ghue,
 emini Eshinegba o ri ele
 shi eke e khe eni
 e nono ingme oyoli.”[†]

¹⁰ Ama Eshinegba o she roli khasa awa rote Ayemhe oyoli. Irari khi eri Ayemhe o o guanog emhikpa, ya ramhi osheli ni Eshinegba o gba.

¹¹ Itobog khi Ayemhe ni o la ogbo egbe luoghuo o lese isamhi eyi oni ogbo. Igho ogbokhoghuo o a lese isamhi eyi Eshinegba, sese ni Ayemhe oyi Eshinegba.

¹² Awa aa mie ayemhe oyi agbo ona, ochogho ayemhe ni o rote obog Eshinegba bhale ni awa ro lese emhi nya ni Eshinegba o ro na awa afue-afue, awa mie.

¹³ Anye e a ya ngme ingmemhi ni a rote egbhali oyi ogbo sese, ama ingmemhi Ayemhe oyi Eshinegba o sese anye, anye lie sese egbo ni e la elemhi ayemhe, emini e khi emhi ayemhe, ni e khi egbegbo.

¹⁴ Ogbo ni o a da mhue oni ayemhe ne, o a ya lese emini a ri emhi na Ayemhe oyi Eshinegba ngme. Ogbo oghogho, afue emhi ayemhe e khi shi oli eloe, irari khi emini e khi ode ayemhe, ayemhe a te e lese we.

¹⁵ Ogbo ni o da mhue oni ayemhe ne, o dobe ya lese udi emhikpa, ama egboese e a dobe ya lese abi oni ogbo ona o la o shi.

¹⁶ Abi Ebe-no-pfuase o ngme, ni o o,

“Oghuo o lese udu
 oyi Onomhue?
 Ni o dobe ya ye oli ude?”
 Ama khi, awa mholi udu oyi iKirisiti.[‡]

3

Okemhi ni o la iteva igbaa oyi eni e mie ifesu iKirisiti suo na iKoriti

¹ Inyoghuo, mhi aa nu e ya ngme abi eni e mhue Ayemhe oyi Eshinegba, ama abi egbo ni e ngeli abi egbo na agbo, ali emofe elemhi irudunga oyi iKirisiti.

² Loli mhi ro ri ameyineli na e da ni o a khi eminale ni e toto, irari khi aa mu egbe shi eminale ni e toto ne. Ramhi memena aa kie mu egbe ne.*

[†] 2:9 Li ze Aza 64.4 [‡] 2:16 Li ze Aza 40.13 * 3:2 Li ze Iburu 5.12-13

³ Egbo na agbo a kie khi. Emimi o da ze khi a kiele e kpe ofuma deba egbe ali khi a nu egbe e e wola, ogho o rokhase khi egbo agbo a kie khi? Oa khi eri a kiele e ngeli abi egbo na agbo?

⁴ Ini otuoghwo elemhi e o o li, "iPolu mhia deba", ni olese o ro o li, Apolosi mhia deba, oa khi eri a ngeli abi egbo na agbo egho?†

⁵ Ini e e a bino o li bie, oghwo Apolosi o fe khi? Oghwo iPolu o khi. Eni ee ga eyi Eshinegba anye ga khi ni e e a rote obo oyanye miesuo. Eri ogbogbo oo gbe akanya oyoli ni Onomhue o rona li o gbe.

⁶ Mhemhe mhi ri ukpamhi ko, Apolosi o ku ameshi o, ama Eshinegba o ze ni oni ukpamhi o ro fu.‡

⁷ Oni o ro ko ali oni o ku ameshi o, ea mu eloe. Se khi Eshinegba ni o ri emhi e fu.

⁸ Ikhioda oa la o oni o ro ko ali oni o ku ameshi o, Eshinegba o ya ri elele na ogbogbo abi o li gbe.

⁹ Irari khi eri anye kugbe e gbe ikanya na Eshinegba, ee a khi ishemhi oyoli. Owa oyi Eshinegba a gbo khi.

¹⁰ Rote afu ni Eshinegba o ro na mhe, mhi ro ri irogbekwe gbe, abi oga oyi itsona. Onana egboese ee ma a nga. Eri-tse ogbogbo o lese abi o li ma a nga o.

¹¹ Irari khi ogbokhoghuo oa ke gbo dobe ya ri irogbekwe olese gbe dose oni Eshinegba o she ro gbe ni o khili ijesu iKirisiti.

¹² Ini ogbokhoghuo o to nga oni irogbekwe ona, ni o ro ri igolu to nga o, okekhi elomho, okekhi eche ni e ghalwe, okekhi eera, okekhi efolo, okekhi ifulo o ro to nga o.

¹³ A ya ri emini e la elemhi emini ogbogbo o ro to nga o khase gboo, ogbele iguezo. Erali a ro ya mheshe emini o ro to nga bino ni a lese emini e la elemhi we.

¹⁴ Ini emini o ro to nga o, o pfue oni erali, a ya ri elele na li.

¹⁵ Ini e toa, opfu o gbe oli, ama a ya tsumhi oli. Eri-tse khi eri o ya li abi ogbo ni o na pfue elemhi erali.

¹⁶ Ee a lese khi owa ugamhi oyi Eshinegba a khi, ali khi Ayemhe oyi Eshinegba o la e egbe?§

¹⁷ Ini ogbokhoghuo o yese Owa ugamhi Oniemhi oyi Eshinegba-a, Eshinegba o ya yese oni ogbo-a. Irari khi eri Owa ugamhi oyi Eshinegba, o pfuase, ali khi Owa Ugamhi oniemhi oyoli ee a khi.

¹⁸ A khi ke di egbe e. Ini onge e o nono ni loli khi oni o mholi ilensingme shi eghenge ni a la ena, o ka khi oyeghe ni o me asha khi oni o khi olesingme egbebo.

¹⁹ Irari khi emini egbo na agbo ee bino shi ilensingme, afue Eshinegba o bino oli shi. Abi ebe o ngme, ni oo, "Eri Eshinegba o ri ilersedose eyi eni e lie khi wewe e lesingme riele we gbo mu."*

²⁰ Asha olese o gbo ngme oli shi ebe khi, "Eshinegba o lese khi isamhi ni oni o lie khi loli lese dose oo sa khi ea mu ameshi."†

²¹ Itobo igho, a khi ke ri ogbokhoghuo tono obo udu, irari khi emhikpa, eyi ee lo,

²² o khi iPolu o, okekhi Apolosi o, okekhi iSefasi ni a gbolo a lu iPita o, okekhi agbo ali eghuli o, okekhi agbo onana ali ogbenako o, ee a ga mhue we nya.

²³ Ee oyee eyi iKirisiti a khi, oni iKirisiti o khi oyi Eshinegba.

† 3:4 Li ze 1 iKori 1.12 ‡ 3:6 Li ze Ika 18.4-11,24-28 § 3:16 Li ze 1 iKori 6.19; 2 iKori 6.16 * 3:19 Li ze ifobu 5.13 † 3:20 Li ze Iwolo 94.11

4

Ighiusomhi na ke eyi iKirisiti

1 A ke sato anye egbe abi eni eḗ gbe akanya na iKirisiti ni a ri osheli oyi Eshineḡba nga obọ.

2 A zẹ ni a bhale ya e khi ọni a ri emhi nga obọ, o ri igesikia deba li.

3 Egboli oyemhẹ ọa laọ ini u gue mhẹ ezo, o ke khi ikotu na agbo e gue mhẹ ezo. Mhẹmhẹ mhi aa fẹ gue egbemhẹ ezo.

4 Emhikhoghūo ọa nase mhẹ udu ni o gue mhẹ ezo, ama ogho ọa liẹ khi abo eyemhẹ e ma pfuase gba. Onomhūe ọọ gue mhẹ ezo.

5 Irarigho, a khi gue ogbokhoghūo ezo ne neni eghẹghẹ iguezo o ramhi. Migha ni Onomhūe o bhale ne. O ya rue emini a ro sheli alo ebili laseli ali emini e la ogbogbo udu, eghẹghẹ agho Eshineḡba o ya kueghie ogbogbo abi o ti shi.

6 Emole, mhi she ri Apolosi ali egbemhẹ riẹle irokhokho khasẹ e ni a ro lese abi ungmehi onana o ngme ni ọọ li, "A deba oni omhese ni o gbe akanya." Aa khi ke liẹ khi oghuo e, o ti dose olese.

7 Elo o la e egbe ni o gho re e mu eloe? Elo a mholi ni ọa khi eri a roli na e? Ini o khia khi eri a roli na e, elo o ze ni a ro tono obọ udu?

8 Ee a she ga mhue emini a nono nya! Ee a she ga pfue se! Eri a ke a mhese abi ighie, anye tse anye ke khi eni ea mhue! Aa kpa liẹ khi egbegbo a khili ighie, ishegho ni anye li nu e ke mhese!

9 O li mhẹ eloe khi anye ighiusomhi na ke, Eshineḡba o ro shi asha ni o ga kholo ne nya. Eri anye li abi ighumha ni a rue e je obini olele ni a te ya gbolo we-a. Ni anye khi emhi ofeli ni eḡbo na agbo ee gia, ali ni igeni ee gia.

10 Irari oyi iKirisiti a ro bino anye shi eyeghe, ama ee a khi eni e lolo mholi ileingme elemhi iKirisiti. Anye aa mholi ekpabo, ama ee a mholi ekpabo, ali khi eḡbo ea mu ekpe e na anye, a mu ekpe e na e.

11 Ya ramhi amo, okiamhi ali okiamẹ o gbe anye ramhi, anye aa mholi emini a so, se ni ijeje ide. A ri ukpeloe a gbe anye, anye aa mholi ashini a la.

12 Anye roshaka ri abo eyi anye e gbe ikanya. Ini eḡbo e ku itse e na anye, anye e ku isemhẹ na we, ini a mu okholi vule shi anye o, anye ri egbe mie.*

13 Ini ogbo o yese anye eva-a, anye ri unu ni o pfomhẹ sọli o. Ramhi memena, eri a bino anye shi eḡbo afue ali iku ni e la agbo.

14 Aa khi eri mhi keke ebe ona ghi e ni mhi ro ri onama mu e. Eri mhia nono ni mhi kpaghie e obọ, abi eni e bia eniyẹ e liẹ nono ni wewe e kpaghie imi we obọ.

15 U dobe ya mholi eḡbo agbele igbe (10,000) ododa ni e sese e ungmehi oyi ikirisiti, ama ita oghuo u lese mholi. Mhẹmhẹ khi ita e, ee a khi imimhẹ rote usomhi onete oyi ifesu iKirisiti ni mhi sese e.

16 Irarigho mhia nono ni a ke khonya mhẹ.†

17 Ona o ze ni mhi ro ghi iTimoti ghi e. Eri mhi nono ingme oyoli abi omọ ni mhi bia, ali khi ọni ọọ ga oyi Eshineḡba ni o ri igesikia a gbe akanya na Onomhūe o khi. ITimoti o ya gueye e angeli oyemhẹ abi mhi liẹ deba iKirisiti ali abi oni angeli oyemhẹ o li de shi oseḡe ni mhia sese ingme oyi iKirisiti elemhi igbaa oyi eni e mie ifesu iKirisiti suọ kpa.

18 Eghuo elemhi e, e tsua ipfua eke abine khi mhi aa ke e bhale ya feli e.

* 4:12 Li ze Ika 18.3 † 4:16 Li ze 1 iKori 11.1; iFili 3.17

19 O kha ghoḽe Qnḽmhuē, mhi ya keḽe bhale oobḽ. Eghēghe aghḽ, mhemhēghuo mhi ya me abi eni egbḽ ni e tsua ipfua eke eghḽ e liē ngme, ni mhi gbo me ekpabḽ nabi e khi wewe e mhḽli.

20 Irari eghiele ni Eshinegba ḽ le shi awa udu, ḽa khi oyi ungmemhi unu tse, ama oyi ekpabḽ lo.

21 Elo a nono ni mhi li ini mhi bhale? Mhi rue utali mhḽli obḽ bhale, abi mhi ri ayemhe inono ali o pfoḽmhe bhale?

5

A khu inyoghuo na itsebo iteva ya fie

1 Mhi suo khi angeli itsebo e la iteva oye e. Onabi aa ya me iteva oyi eni ea miesuo kpa, a ga me iteva oyeē. Ni o ramhi khi ogbḽ ḽ nu inyḽli Onuzava a gbhe.*

2 A gbo ti ipfuabḽ a nga, ocho ni egbe e kha ro pfo e-a, ramhi ni a ro khu ogbḽ oghogho iteva oyeē lasele.

3 Abi o ro tseku khia khi mhi nuata shi e egbe alo-gbugbugbu, ayemhe oyemhe o nu e la. Mhi she pfa ezḽ mu ogbḽ ni ḽ riele emhi onana, abine khi mhi la aghḽ.

4 Irarighḽ, ini a ri eva oyi Qnḽmhuē iJesu lona kugbe, ali ni ayemhe oyemhe o ro nu e la, ali ni ekpabḽ eyi Qnḽmhuē ḽ ro la e iteva,

5 a rue ogbḽ oghogho abḽ-a na okphaghie, ni ḽ pfueche idiegbe eyḽli-a, ini a pfuese ayemhe oyḽli ini iJesu Qnḽmhuē ḽ bhale.

6 O ma khḽḽ gba khi a tsua ipfuabḽ eke. Ni a ro ḽ ze ni egbḽ enana e la iteva oyeē. Aa lese khi eri e li abi umiesobḽ oghuo ni o ri oili gbolo enekpole-a?†

7 A rue ogbḽ okhḽḽ onana iteva oyeē lasele, ni a me asha la ipfuase. IKirisiti khi omi osumha oyi iPasova ni a she ro luase obo na awa.‡

8 A khi ze ni awa ke riele imu elemhi okhḽḽ ilili ni o li abine khi a kemhi ibuleḽi ni a ri ifuma nye. Awa khi eni e pfuase ali ena igesikia, ni awa ke ri ibuleḽi ni aa ri ifuma nye li imu.§

9 Abi mhi ro kpe te odode keke ebe ghi e, mhi gueye e a khi nu ogbḽ na itsebo ke kia kugbe.

10 Ama ḽa khi ingme oyi egbḽ ena agbḽ mhi ngme. Irari khi u mema ya lase elemhi agbḽ le neni u wa kie egbḽ ni e ku itsebo, ali ena emhi itoegbe ali ighiatḽ ali eni eē ga ikhumhi.

11 Emimi mhi ri onana ngme khi, a khi nu ḽni ḽ miesuo ḽlo-egbhḽli, ni ḽḽ ku itsebo kia kugbe, okkhi ogbḽ emhi itoegbe o, okkhi ḽni ḽ ga ikhumhi, okkhi ḽni ḽ yese ogbḽ eva-a, okkhi ḽdonyḽ pfueche egbe-a, okkhi ḽni ḽ riele alile. Khi ga nu egbḽ eghogho le eminale kugbe.

12 Qa khi akanya oyawa ni awa ke gue ena odatḽ ni ea miesuo ezḽ. Ena elemhi igbaa oyi eni e mie iJesu iKirisiti suo tse ni e lina ngeli awa kha lese ke gue ezḽ

13 Eshinegba ḽ ya gue eni ea miesuo ezḽ, ama abi Ebe-no-pfuase o ngme ḽli khi, "A khu ogbḽ okhḽḽ oghogho e iteva le."*

6

Eni e mie suo e khi ke lu egbe ezḽ ikḽtu

* 5:1 Li ze iDeut 22.30 † 5:6 Li ze iGal 5.9 ‡ 5:7 Li ze Okiali 12.5 § 5:8 Li ze Okiali 13.7; iDeut 16.3 * 5:13 Li ze iDeut 13.5; 17.7

1 Ini abi a li ga miesuo abi inyoghuo a me ingme, elo o ze khi a lu egbe ezọ shi ikotu oyi eso-ezo ni ẹa miesuo, ocho ni a kha ro ze ni eni e miesuo e so ẹẹ oni ingme?

2 Aa lese khi awa ni awa miesuo, khi awa ya gue egbo na agbo ezọ? Eẹ ni a khi eni e ya gue agbo ezọ, aa dobe a so shi ukuku ingme ifuabo eyee?

3 Aa lese khi awa ni awa miesuo, khi awa ya gue igeni ezọ? Seẹ awa aa li ke dobe e so egbe awa ikuku ingme na agbo ona.

4 Elo o ze ni a ro o tsua ingme ni a me ogbele kpa ke ghi eso-ezo ni ẹa mhue unu shi ingme igbaa oyi eni e mie iJesu iKirisiti suo?

5 Eri mhia ngme ona ni omama o mu e. Eri aa me ongee ni o lese ingme iteva oyeẹ, ni o dobe ya ri inyoghuo aava ni e miesuo rieḽe?

6 Elo o ze ni ongee o ro o rue inyoghuo oḽi le deba eni ẹa miesuo ni e roḽi gue ezọ?

7 Emimi o da ze khi a me iluegbe-ezo ikotu iteva oyeẹ ne, eri o rokhasẹ khi eni e de a khi. Oni u kha ro ri egbe mie ini a lue na e, ni u kha ro lama ni a li e le,

8 u ri ochogho vu ya lue na egbo, u li we e le, gbo li shi eni e miesuo elese.

9 A lese gboo khi ona okholo ọa ya lo Eghiele oyi Eshinegba. Aa khi di egbe e. Egbo ni e ku itsebo, okekhi eni e ga ikhumhi, okekhi eni e kia okia, okekhi emose idegbe, ali emose ni e nu emose enabi wewe e gbhe,

10 li shi ighiato, okekhi ena emhi ituegbe, okekhi edonyo yese egbe-a, okekhi eni e yese egbo eva, we khi eni e li egbo a le, e ya lo Eghiele oyi Eshinegba.

11 Eghẹghe o la o ni ee a ro kpe la agbo oghogho, ama a she khuese e olamhe-a, a khuese-a pfa na e, rote eva oyi iJesu iKirisiti Onomhue ali Ayemhe oyi Eshinegba oyawa.

Khi ke gbe ikanya itsebo

12 Ogbo o dobe ya lie, “Emimi o ghole mhe mhi dobe ya rieḽe.” Ama mhi e oḽi, “Aa khi emhikpa e ti ni u rieḽe.” Ali khi ini mhi tseku dobe ya rieḽe emhikpa, mhi aa gbudu mele oghumha oyi emhikhoghuo-a.*

13 Wa lie khi, “Eminale khi oyi akpidi lo, ali khi akpidi o khi oyi eminale.” Igesikia onana o khi, ama eleghuo, Eshinegba o ya yese we-a. Ama aa rieḽe idiegbe oyawa shi itsebo ilili. Eri a rieḽe idiegbe, ni awa rewe ke ga Onomhue. Ali khi idiegbe oyawa oo mu Onomhue egbe gba.

14 Ali khi Eshinegba o ya ri ekpabo eyoli guise awa eghuli le, abi o guise Onomhue oyawa eghuli le.

15 Aa lese khi idiegbe oyawa khi uguabo idiegbe oyi iKirisiti lo. Eri ogbo o ke ya rue uguobo idiegbe oyi iKirisiti, o ke ku oḽi gbe uguobo oyi adegbe? Oa ze ya li!

16 Abi aa lese khi ogbo ni o da le deba adegbe ne, khi o she to egboḽi ma oni adegbe o? Idiegbe oghuo e ke khi, irari khi ebe oḽi, “Wewe avavava, idiegbe oghuo e ke khi.”†

17 Ama ogbo ni o da to ma Onomhue o ne, ayemhe oghuo e ke khi.

18 Me itsebo ikuku na, olamhe okhoghuo ọa la o ni o ri ichimhi a mu ogbo abi olamhe itsebo ikuku. Irari khi olamhe itsebo ikuku oo re e lamhe shi idiegbe oyi yeye ghuo o.

19 Aa lese khi idiegbe oye e khi owa ugamhi oyi Ayemhe-no-pfae lo, ni o la idiegbe oye, ni Eshinegba o ro na e? Oa ke khi yeye u mholi egbe e.‡

* 6:12 Li ze 1 iKori 10.23 † 6:16 Li ze Igbae 2.24 ‡ 6:19 Li ze 1 iKori 3.16; 2 iKori 6.16

²⁰ irari khi eri Eshinegba o de ghalẹ. Irarigho, u mema ya ri idiegbe eye ri ufumhi na Eshinegba.

7

Ingme ingeli oyi omose ali okpotso

¹ Ni mhi ro so shi ogbo ni a keke shi ebe ya mhila mhe.

O ti ini omose ali okpotso ea ya le deba egbe.

² Ama irari itsebo, omose ogbogbo ali ughue oli e ke le deba egbe, okpotso ali odoli e ke le deba egbe.

³ Omose o khi ri okiamhi ughue gbe ughue oli, okpotso o khi li ri okiamhi ughue gbe odoli.

⁴ Okpotso lolighuo o mholi idiegbe oyoli, ama odoli o mholi we. Igho o li khi egbe oyi omose, o khi omose lolighuo o mholi idiegbe eyoli, ama ughue oli o li mholi we.

⁵ A khi kie egbe, see khi omose ali okpotso e lama shi egbe o khi wewe e ya nuata shi iledeba-egbe ne, ni e me asha mholi ukuku egheghe ro so iromhi. Oni egheghe o kha dose se, e gbo bhale ya lona, ini okphaghi o khi me asha mu we fe, irari khi egbe ea ze e mu shi ingme ughue.

⁶ Eri mhi khokho ona na e, o khi ushi ni mhi shi e shi eke na e.

⁷ O ma kha ti gba ini ogboka o dobe ya la o ni o rue okpotso shi abi mhemhe lo. Ama awa nya awa aa li abeghuo. Eshinegba o somhi ogbogbo isomhopfa ododa. Ona o kha mholi ona, olese o mholi ogho.

⁸ Ee ni aa la ughue ghue ali esamhi-olimhi, o ti ne ini ea bie ye ughue abi mhemhe.

⁹ Ama ini ea dobe ya mu egbe we, e ke le ughue. O tine ni a ye ughue dose oho ni a ro ya shito, egbe ee lala e shi ingme ughue.

¹⁰ Ee ni a la ughue, mhi mheso ona na e, ni o rote obo oyemhe bhale, ama obo oyi Onomhue. Okpotso o khi rote obo oyi odoli vu.

¹¹ Ama ini o li gho, o khi gbo ye ughue olese ghue, ochogho o ka nu odoli ro riefe. Omose o khi gbuo khu ughue oli. *

¹² Ee oye enekpole, mhi gue ona ye e, mhemhe mhi ngme ona, o khi Onomhue. Ini omose ni o miesuo o rue okpotso ni o miesuo ughue, o kha ghole oni okpotso ni o ro nu oni omose shito, oni omose o khi khu oli.

¹³ Ini okpotso ni o miesuo o ngeli na omose ni o miesuo, ni oni omose o ro mholi ogueme khi loli ya kie ri oni okpotso shi, oni okpotso o khi pfa oni ughue-a.

¹⁴ Irari khi okpotso ni o miesuo oo rue ipfuase e bhale ughue oyoli, ali khi omose ni o miesuo o ri ipfuase e bhale ughue oyoli. Ini o khi igho lo, imi e, eni ea pfuase e kha khi, ama abi o ke li ena khi, a she khuse we-a pfuase.

¹⁵ Ama ini oni o miesuo elemhi wewe aava, oo nono ni loli lase oni ughue le, o ke vu. Emhikhoghuo o ke la akana ya mu omose okekhi okpotso ni o miesuo mhue ini a me na. Eri Eshinegba o lu awa ni awa ro la agbo opfomhe.

¹⁶ Yeye okpotso, u fe lese ini itobo oye ode o kha ro mhue imiepfuese? Abi khi, yeye omose u lese ini itobo oye ughue o kha ro mhue imiepfuese?

¹⁷ Abibi o tseku li, ogbogbo o migha ashini o la ni Eshinegba o ro lu oli, ali emini o lu oli shi. Ona o khi omheso ni mhi ro na igbaa oyi eni e mie iJesu iKirisiti suo nya.

* **7:11** Li ze iMat 5.32; 19.9; iMak 10.11-12; iLuk 16.18

18 Ini omose o she shele-a neni Eshinegba o lu oli, o khi mu oli pfi riele. Ini omose o shele-a ne neni a lu oli, o khi ya shele-a.

19 Oa mhue abi o ngme, ini ogbo o shele-a okekha khi o shele-a, emini o mema mu egbe khi, ni a ro ri ishi eyi Eshinegba gbe akanya.

20 Ogbo o kie li abi o la o shi ni Eshinegba o ro lu oli.

21 Oghumha u khi ni Eshinegba o ro lue? Khi ze ni ogbo o nase udu. Ama ini u me asha ya pfa egbe e o le, li gho.

22 Irari khi oni o khi oghumha ni Onomhue o ro lu oli, oni a rue abo-a o ke khi, igbo li khi oni a rue abo-a ni Onomhue o ro lu oli, oghumha oyi Onomhue o ke khi.

23 Eri a de e ghale, irarigho a khi gbo khi oghumha oyi ogboese.

24 Inyoghuo, ogbo o nu Eshinegba la abi o li ni a ro lu e.

25 Shi ingme oyi ozele ni ea mu ughue ghue. Mhi aa rote obo oyi Onomhue mie ushi ni mhi ya shi na we, ama mhi ri ushi oyemhe bhale abi oni a ri itobo ilemhi khi oni a ri egbe e nga.

26 Ini a bino ingme ni a me agbo memena, mhi sa khi o ti ini ogbo o bie shito abi o li.

27 U kha la ughue se, khi dua ni u pfa li-a. Ini waa la ughue ne, khi dua abi u li ya lo o.

28 Ama ini o khia khi u lo ughue, waa pfo, ini o rie khia khi u waa mu ughue ghue. Ama eni e rue ikpotso, e ya mholi anasemhe elemhi agbo ona, mhi aa nono ni a me onana.

29 Inyoghuo emini mhi ri ona ngme khi eghenge o ke she. Ro te memena vu, emose ni e rue ikpotso, ughue we e khi mu we egbe dose.

30 Eni e vie, e khi ze ni o lo we egbe dose ode. Eni e ghele, e khi ze ni oghele rue we vu, eni e de emhi, e khi ze ni emini e de e lo we alo,

31 eni e mholi emini e ri emhi na agbo o riele, e khi ze ni e rue we udu vu. Irari khi abi agbo ona o la o shi memena, o she e dose.

32 Mhia nono ni a rue udu ayele le. Omose ni o rue okpotso, ikanya eyi Onomhue ea ku oli ele-a, irari khi eri o nono abi loli lie riele oghuemhe oyi Onomhue.

33 Ama omose ni o rue okpotso shi, eri isamhi agbo e nase oli udu, irari khi eri o dua ni loli ri egbe ke mu ughue oli.

34 Irarigho, eri isamhi eyoli e kemhi eva. Eri omueshi ni o ye ughue, okekhi, omueshi ni omose o ta owe lase ghue, ingme eyi Onomhue e mu oli egbe. Eri o dua ni loli ri idiege ali ayemhe oyoli na akanya oyi Onomhue pfo nya. Ama okpotso ni o ye ughue, emhi agbo o sa, irari khi eri o dua abi loli li ri egbe e ke mu odo.

35 Eri mhi a ngme onana ni mhi kpaghie e obo, o a khi eri mhia nono ni mhi zu e ode, ini a khi la ughue. Ochogho eri mhia nono ni a ke riele emini o te ode, ini udu oye o khi kemhi eva shi iregbena Onomhue pfo oye.

36 Ini omose o me khi egbe ea ke ze loli e mu deba omueshi oyoli ni omose o ta owe lase ghue, ni e ga lama na egbe khi wewe e ya ri egbe shi. Ni o ro she te ni o ye ughue abi o ye ni o, o rue oni omueshi ughue abi o ghole oli shi. Oa lamhe.

37 Ama omose ni o me khi loli mholi udu no toto ni o dobe ya mu egboli mhue. Ini o lama shi udu oyoli khi loli ea ya rue oni omueshi oyelue ne, oni omose ona o gue kia.

38 Ogbo ni o rue omueshi oyoli ughue o gue kia. Oni o rue oli, loli o gue kia ne.

³⁹ Okpotso ni ọ la ughue, ọa gbudu rote obọ oyi ọdọli vu ini ọ da kie la agbọ. Ama ini ọdọli ọ ghua, ọ doḅe ya ngeli na ọmọse ni ọ nono, ama ọmọse ọni ọ miesuọ ọ mema ya khi.

⁴⁰ Abi mhemhe sọ oni ingme shi khi, ọ ya mhọli oghẹle ne ini ọ shitọ khi ọa bie ke ngeli. Mhi sa khi mhi mhọli Ayemhe oyi Eshinegba ni mhi rọ ọ ngme ona.

8

Eminale ni a rọ luase ikhumhi

¹ Mena ni mhi rọ ngme nga ogbọ ni a mhila mhe ingme eminale ni a rọ luase ikhumhi.

Awa lese khi, “Awa nya awa ga mhọli ilese,” ingme ona. Eri ilese o ri ogbọ a ti-ipfuabọ nga ke titi egbe, ama eri inono o ri awa a kpaghie egbe obọ.

² Ọni ọ dabi khi lolu lese gba, ọa kie lolo lese abi ọ kha li lese ne.

³ Ama ogbọ ni ọ nono ingme oyi Eshinegba, Eshinegba ọ lese ọli.

⁴ Ama memena, ingme oyi eminale ni a rọ luase ikhumhi, awa lese khi ikhumhi ọa khi emhikhoghuo elemhi agbọ, ali khi Eshinegba oghuo ọ khi.

⁵ Ini a tseku me emini a lu ilitsa ali ekhemhue, o khi eni e la idane o, okekhi ena ekekhe, ongewe ọa khi Eshinegba wekhi Onomhue.

⁶ Ama oyawa khi, Eshinegba oghuo kpe awa mhọli, ikhi ita ni emhikpa e rote obọ oyọli bhale, ali ọni awa la agbọ na, ali khi Onomhue oghuo ọ la ọ, ni ọ khi ijesu iKirisiti ni emhikpa e rote obọ oyọli bhale ali ni awa rote obọ oyọli la agbọ.

⁷ Ama ọa khi eni e miesuọ nya e lese igesikia onana khi afue ilitsa e khi. Ama ingme oyi eni ilitsa ena, o she lo egbo eghoghọ egbe ramhi khi ini e le eminale ni a rọ luasobo eghoghọ, eri ọ li we egbe khi eni ilitsa e lie ga egho. Eri ona ọọ yese udu oyewe ni ọ gue we ezo ọ-a, irari khi ọa lolo toto imiesuọ ne.

⁸ Ama eminale ẹa ti ogbọ o mama Eshinegba. Ẹa ri awa ya khi eni ẹa ti ini awa aa le, wekhi eri e ke ri awa ya ti ne ini awa le.

⁹ Ama a kuegbe-a ini afa ni awa mhue rọ ọ riele emini o ghole awa o khi ya khi ọzuode na ogboese ni ọa toto imiesuọ, ni o rọli ya de pfilo olamhe.

¹⁰ Ini ogbọ ni ọ mhue udu ni ọa toto imiesuọ ne ọ fe me khi yeye ni u mhọli ilese, khi u la udi olitsa e le eminale, u sa khi ogho ọa ya ri udu nali rọ ke le eminale ni a rọ luase olitsa?

¹¹ Igho ọni ogbọ ni udu oyọli ọa toto egho ni ọ khi inyoghue ni iKirisiti ọ ghu-a na ọ li ya opfu-a itobọ ilese oye.

¹² Ini a da me na ne, iKirisiti u lue a na, ini u da lue na inyoghue ni a ga miesuọ, eri u wa kuale udu oyewe ni ọ gue we ezo ni ọa toto egho utse.

¹³ Irarigho, ini o da khia khi eminale ni mhi le o ri inyoghuo-mhe ya de pfilo olamhe ne, mhi aa ke gbo tigbe ya le eminale, ini mhi khi ya ze ni inyoghuo-mhe ọ de pfilo olamhe.

9

Afu ni aghiusomhi na kee ọ mhọli

¹ Elo e kpomhe ọ le? Mhi aa khi aghiusomhi na kee? Mhi aa she me ijesu Onomhue oyawa, mhi re e mie ọli suọ?

² Ini o tseku khia khi mhia khi aghiusomhi na kee shi egboese ọ, mhi aa li khi aghiusomhi na kee shi e ọ? Akanya ni mhi gbe iteva oye e o rokhase khi aghiusomhi mhi khi shi e ọ.

³ Ina mhi li a sọ egbọ ni e ri unu a yese afu ni mhi mhọli-a,

4 eri mhi aa fu tẹ ọ ni a ri eminale ali onyo a na shi akanya ni mhia gbe?

5 Mhi aa li fu tẹ ọ ni mhi li e rue ọkpotoso ni ọ miesuo shi, abi ighiusomhi na keḗ enekpoḗ, ali inyoghuo Onomhue ali iPita e li rọshi. Eghẹghẹ agho ni mhi li ke rue ọli mhue obo ini mhia le asha?

6 Abi khi mhemhe ali iBanabasi tse anye lese khi eni e ri obo oyewe e gbe akanya ke ri eminale na egbe anye le?

7 A me ọkholi-okhue ni lolighuo ọ fali egboḗ ota? Oghiale onoghuo ọa ya le emhi ekomhi eyoli? Oni ọ ri ena kia onoghuo ọa ya rote ena eyoli da amẹ inyeli?

8 Abi usamhi oyi egbo o li mhi liẹ ngme ọli, abi khi eri ushi ọa li mu ma ọ?

9 Irari khi a keke ọli shi ebe Ushi oyi iMosisi, “Khi mu ẹna onokpo unu zu ini u roli e mheḗli ikpamhi emhi.” Ingme oyi ẹna weḗ khi Eshinegba ọ li gho lese sa?*

10 Itobo oyawa ọ ro ngme onana? Ii, irari oyanye a ro ligho keke ọli. Itobo khi ogbo ni ọ gua ọ kha gua ni oni ọ khiḗḗ ọ ro khiḗḗ, eri e ga roli shi udu khi wewe e ya mhue okemhi shi eni emhi ekomhi.

11 Aborokhia khi anye she ri emhi ayemhe ko iteva oye e egbo, anye khi eni e kha rote obo oye e li khiḗḗ emhi ikpaghiobo ni a me eloe.†

12 Ini o khia khi egboese e tẹ ni a ri ikpaghiobo e na, ọa khi anye kha ga mema tẹ ọ ne? Ama anye ẹa rue ete-awẹ oni afu ona.

Ochoghọ, eri anye ri egbe mie emini anye me kpa ini anye khi zu usomhi onete oyi iKirisiti ode.

13 Aa lese khi eni e la Owa Oyi Eshinegba a gbe akanya, khi oni owa e te e le eminale, ali khi eni e la atete e ga, eri e rote emini a ro luasobo e kemhi?

14 Igho, Onomhue ọ li mhesẹ ọli eni e ri usomhi onete a tse abo, e rote ọ ke le emhi.‡

15 Ama mhia kie ri eni afu ena gbe akanya deba e, wekhi eri mhi keke ebe ona ni a ba riḗḗ emhi eghoghọ na mhe. O tine ni mhi bie ghu-a ni ogbo ọ ro liẹ mhi khi tono obo udu.

16 Mhia mhue afu ni mhi ro tono obo udu shi usomhi onete ni mhi ro tse abo. Eri a mhesẹ ọli na mhe. O ma kholo mhe egbe ini mhia ri oni usomhi onete tse abo!

17 Ini o khia khi eri mhia tsabo ungememhi oyi Eshinegba itobo khi o ghole me. A ya fali mhe ota. Ama ini o riḗ khia khi ọa ghole mhe, emini Eshinegba ọ ro nga mhe obo lo ni mhia riḗḗ

18 Ighe ifata ni mhi ke ya mie mena? Afa o khi na mhe ni mhi ke tsabo oni usomhi onete, ni mhia khi oki shi ọ, ni mhia mie emini e khi eyemhe shi akanya oyi itsabo usomhi onete.

19 Mhemhe ghuo mhi mhesẹ ona na egbemhe, mhia khi oghumha oyi ogbokhoghuo, ama mhi ri egbe mhe mele oghumha oyi ogbokpa-a, ni mhi ro lu ebubu egbo na iKirisiti abi mhi li dobe.

20 Abi mhi ro nu egbo iju u gbe akanya, mhii ngeli abi ongi iju ni mhi ro dobe lu we. Abi o riḗ khia khi ushi iMosisi ọa mu me, mhi kiele e ngeli abi oni ushi o mu ini mhi nu egbo ni e la oni ushi gbe akanya, ni mhi dobe lu we.

21 Igho o li khi, abi mhi ro nu egbo ijeta e gbe akanya, mhi ngeli abi ogbo ni ọa khi iju ni ushi iju ọa mu ni mhi ro dobe lu we. Ona ọ liẹ khi mhi aa ke ri ushi oyi Eshinegba a gbe akanya, ama ushi oyi iKirisiti mhi ro gbe akanya.

22 Ini mhi la ifuabo oyi eni irudunga oyewe ọa toto, irudunga oyemhe o li abi oyewe, ni mhi ro dobe lu we. Emhikpa mhia mela-a na egbo nya, ni mhi ro tsumhi eghuo, ode ni mhi ya te dobe riḗḗ ọli kpa.

* 9:9 Li ze iDeut 25:4; 1 iTimo 5:18 † 9:11 Li ze iRom 15:27 ‡ 9:14 Li ze iMat 10:10; iLuk 10:7

²³ Enana nya, irari oyi usomhi onete mhi rọ lighọ ni mhi mhue okemhi shi ikhivose eyoli.

²⁴ A lese khi ebubu egbo e migha shi unamhi ni a na, ama oghuo elemhi we ọ kpẹ na a pfo, ni ọ mie eleli unamhi. Irarigho, a na ode ni a te ya mie eleli oyi unamhi.

²⁵ Eri ogbokpa ni ọ la unamhi ya na ọ kpẹ e wena ushi unamhi egbegbo. Eri e e na ni e mie arula oghie ni ọọ ke-a. Ama arula ni o laọ agboagbo awa na unamhi e shi.

²⁶ Onana o ze ni mhi rọ na unamhi oyemhe sheshe ya ramhi ukpese. Loli o ze ni mhia rọ li abi ofiekpa ni ọọ pfi ekpa kua irarogbe.

²⁷ Eri mhia nase egbe eyemhe ni mhi dobe mheshe ke na we. Mhi aa nono, ini mhi tsabo oni usomhi onete ona se, ni mhi khi ọni a khu pfa.

10

A rote okhe oyi egbo iZireni tse agua ye egbo

¹ Inyoghuo, mhia nono ni a sato emini itita awa ni e deba iMosisi e me. Oguese oyi otughunu o khukhu we, wewe nya e gbo rote okhe ifulo ya dose tselele.*

² Elemhi otughunu ali okhe oniemi e la batazi abi eni e deba iMosisi.

³ Wewe nya e le eminale ayemhe.†

⁴ E gbo da amẹ oyi ayemhe oghuo ni o rote eche ayemhe ni oo deba we tu. Oni eche khi iKirisiti.‡

⁵ Abi o tseku li gho, egbe ẹa mu Eshinegba deba ebubu we, itobo igho, eri a miatse ilimhi eyewe ku odagbe ifufu.§

⁶ Mena, ena nya irokhasẹ e khi na awa, ni o tse agua ye awa, awa khi mhue oghuemhe na emhi ebe abi wewe e li,*

⁷ we khi ilitsa awa ya ga abi eghuo o e li. Ebe-no-pfuase o ngme oli khi, "Eni egbo e shito le, e da, e gbe ishimhi idobie, e ku itsebo."†

⁸ Awa khi khili ena itsebo abi eghuo o e li, ni o ze khi agbele uye ali ese, 23,000, e ghuloa ogbeleghuo.‡

⁹ Awa khi mu Onomhue fe bino abi eghuo o e li, ni enye e ro gbolo we-a.§

¹⁰ Awa khi wolọ abi eghuo o e li ni Ageni eghuli o ro gbolo we-a.*

¹¹ Eri emhi ena nya e li we, ni a ro sese awa ingme elelese, a keke we shi eke tse agua ye awa ni awa la eghẹghe ikpukhokho agbo ona.

¹² Ini u dabi khi u migha, guẹ kia ini u khi de ode-a.

¹³ Aa me imufe okhoghuo ni a me egbe, ni ọa khi onabi egboese ẹa me ghue. Ama Eshinegba oni a ri egbe e nga lo. Ọa ya ze ni a mu e fe ni o fu dose e, ni aa ya dobe ri egbe mie. Ama ini a mu e fe, Eshinegba o ya ri ode ni a te ya pfue o bhale, ni a ro dobe ya ri egbe mie.

¹⁴ Irarigho, inyoghuo, a nuata shi ikhumhi o.

¹⁵ Eri mhi nu e ngme abi egbo elesingme. E e ghuo a sa emini mhi ngme.

¹⁶ Ini awa rote uko ni awa lema Eshinegba o khivose shi da, ọa khi oia eyi iKirisiti awa da? Ini awa le ibuledi ni awa kemhi, ọa khi idiegbe oyi iKirisiti ni awa le?†

* **10:1** Li ze Okiali 13.21-22; 14.22-29 † **10:3** Li ze Okiali 16.35 ‡ **10:4** Li ze Okiali 17.6; iNoba 20.11
 § **10:5** Li ze iNoba 14.29-30 * **10:6** Li ze iNoba 11.4 † **10:7** Li ze Okiali 32.6 ‡ **10:8** Li ze iNoba 25.1-18 § **10:9** Li ze iNoba 21.5-6 * **10:10** Li ze iNoba 16.41-49 † **10:16** Li ze iMat 26.26-28; iMak 14.22-24; iLuk 22.19-20

17 Irari khi ibuleđi oghuo o khi, awa nya ini awa tseku bu, idiegbe oghuo awa khi, irari khi eminale oghuo awa kemhi.

18 A sa ingme oyi egbo iZireni ghue. Ọa khi eri wewe nya ni e le eminale ukhomhi atete ugamhi e ga mhọli obọ shi oni ugamhi oyi Eshinegba egho?†

19 Eri mhi ri ona lie khi olitsa ali eminale ni a ro luase ọli khi egbegbi emhi e khi?

20 Iiye o! Emimi mhi a ngme khi, emimi eni e ga ikhumhi e ro luase obo atete, okphaghie e rewe e luase, ọa khi Eshinegba. Mhi aa nono ni a mhuẹ kugbe iyemhe okphaghie o.‡

21 Wa ya rote uko oyi Onomhuẹ da, u gbo rote uko oyi okphaghie da. Wa ya rote ukpeko oyi Onomhuẹ le, u gbo te ukpeko oyi okphaghie le.

22 Abi khi eri awa nono ni Onomhuẹ o ke kpe ofuma? Eri awa dabi khi awa toto dose ọli?*

Epfua ni eni e miesuo e mhọli

23 “Emimi o ghole awa, awa dobe ya riẹle.” Abi a li ngme ọli. Ama aa khi emhikpa o mhọli eleli. “Emimi o ghole awa awa dobe ya riẹle.” Ama aa khi emhikpa o mhọli ikpaghiobo.†

24 Ogbokhoghuo o khi lese ke na shi onote oyi egbọli tse ama onete oyi egboese.

25 Elamhi kpa ni a ro o de oki, ke de ọli le, khi ri irari udu oye ni ọọ gue e ezo mhila ogbo okhoghuo shi o.

26 Irari khi Ebe-no-pfuase o ngme ọli khi, “Eke ali emimi e la o nya, khi Onomhuẹ o ga mhọli we.”‡

27 Ini ogbo ni ọa miesuo o luẹ ukue, ni u ro sa li shi udu khi u ya ye, le emimimi o ro shi e eke. Khi mhila ogbo okhoghuo oyi udu ni ọọ gue ogbo ezo.

28 Ama ini ogbokhoghuo ọọ ye, “Eminale ona, ikhumhi a roli luase.” Khi le oni eminale ogho, irari usamhi udu oyi oni o gueye ogho, ali irari udu oye.

29 Aa khi irari usamhi udu oye, ama irari usamhi udu oyi oni ogbo ogho. “Elo o ze khi ogboese o ke ya khi ọzuode shi epfua oyemhe, irari udu oni o gue ogbo ezo oyi ọli?”

30 Ini mhi kphemhi na Eshinegba shi eminale ni mhia le, elo o ze khi ogboese o ke tsue mhe shi eminale ni mhi kphemhi shi?”

31 Abi o lao shi khi, emimimi u wa riẹle kpa, ni u wa le, ni u wa da, riẹle ọli shi ufumhi oyi Eshinegba.

32 Khi ngeli angeli ni o ya ri ogbokhoghuo de, o khi egbo iju okekhi egbo ijeta okekhi igbaa oyi eni e mie ijesu iKirisiti suo eyi Eshinegba.

33 Eri mhi dua ni mhi riẹle emimi o ti ogbokpa eloe odekhode. Irari khi mhia lese na khu oyi mhemhe ghuo, ama oyi ogbokpa ini a mie we pfuese.

11

1 A ke khonya mhe abi mhi lie khonya iKirisiti Onomhuẹ.*

Ukhomhi iguese elemhi ugamhi

2 Mhi kuẹghie e shi abi a lie sato mhe egbe ni a ro a deba ose e ni mhi sese e.

3 Ama mhi a nono ni a lese khi iKirisiti o khi ukhomhi oyi omose nya, ali khi omose o khi ukhomhi oyi Okpotso. Ama Eshinegba o khi ukhomhi oyi iKirisiti.

† 10:18 Li ze iLev 7.6 § 10:20 Li ze iDeut 32.17 * 10:22 Li ze iDeut 32.21 † 10:23 Li ze 1 iKori

6.12 ‡ 10:26 Li ze Iwolo 24.1 * 11:1 Li ze 1 iKori 4.16; iFil 3.17

⁴ Irarigho, omose ni oo so iromhi okekhi eri o ngme ungmehi imeguele, ni o ro da ri emhi guese ukhomhi ne, oyeghe o ro ghi iKirisiti ni o khi ukhomhi oyoli.

⁵ Igho okpotso okhoghuo ni oo so iromhi okekhi eri o ngme ungmehi imeguele, ni qa ro da ri emhi khukhu ukhomhi ne, eri o yeghe-a, eri o ri odoli ni o khi ukhomhi oyoli she-a, eri o bie li abineghi o kpogholo itsu ukhomhia.

⁶ Ini okpotso qa da khukhu ukhomhi ne, o ka ta itsu ukhomhi-a nyaa. Ini o da khia khi emhi omama oo khi ini okpotso o kpogholo itsu-a egho, o ke khukhu ukhomhi oyoli.

⁷ Qa ye ni omose o khukhu ukhomhi oyoli, irari khi irokhokho ali ufumhi oyi Eshinegba o khi. Ama okpotso ufumhi oyi omose o khi.†

⁸ Irari khi aa rote egbe oyi okpotso ma omose, ama idiegebe oyi omose a te ma okpotso.

⁹ Aa ma omose na okpotso, ama omose a ma okpotso na.‡

¹⁰ Itobo onana, ali irari oyi igeni, okpotso o ke khukhu ukhomhi oyoli ni o ro rokhase khi o kie la omheshe oyi odoli.

¹¹ Elemhi Onomhue ni awa ga la, okpotso qa khi ongeli, we khi omose o khi ongeli ni wewe aava ea mhué abi e lie riege ugamhi kugbe.

¹² Irari khi abi a rote omose ma okpotso, igho okpotso o li bia omose. Ama emhikpa obo oyi Eshinegba e te bhale.

¹³ Egeghuo a so o bino ini o ti ni okpotso o ke so iromhi lema Eshinegba qa ri emhi khukhu ukhomhi elemhi owa ugamhi?

¹⁴ Abi a ma emhi nya shi rote eke vu, qa sese e khi, omama o khi ni omose o ro mhué itsu ni e nué dolo shi ukhomhi?

¹⁵ Ama khi ini okpotso o mhué itsu ni e nué shi ukhomhi khi ufumhi ali isomhotse o khi na li? Eri a ri itsu ni e nuata na li ni o ro khukhu ukhomhi.

¹⁶ Ini ogbo o nono ni lolli khako shi ingme onana, emini mhi mhué ya ngme khi, anye-a mholi ode olese ni anye te e riege, igho li khi igbaa nya eyi eni e mie iJesu iKirisiti suo eyi Eshinegba.

Ushi oyi Eminale no pfuase oyi Onomhue

(iMat 26.26-29; iMak 14.22-25; iLuk 22.14-20)

¹⁷ Rote omheshe ni mhi ro bhale, mhi aa kuéghie e, irari khi ilona kugbe shi ugamhi oye e, oo li oyese dose onete.

¹⁸ Irari onodode, a she gueye mhe khi okemhi oo la iteva oyeé ini a lona ilega abi eni e mie iJesu iKirisiti suo. Mhi mie shi o khi igho o khi.

¹⁹ Aa me emini o ze khi aa ya khako. Ama oni ekhako ona o ya ri eni Eshinegba o mie iteva oyi e khashe.

²⁰ Ini a lona kugbe shi oghuo, qa khi eminale oyi Onomhue o khi ni a le,

²¹ Irari khi ini a le, aa ya migha khe egbe. Ogboogbo o rue eminale oyoli e le. Irarigho, eri eghuo e da pfueche egbe-a, eghuo ea ga me le kpa.

²² Aa mhué apfe oye e ni a la le ni a la da? Abi khi eri a ri eloe a gbe igbaa oyi eni e mie iJesu iKirisiti suo oyi Eshinegba? Eri a nono ni a ri omama mu egbo ni ea mhué emhikhoghoo? Se a nono ni mhi ngme shi onana? Eri mhi ya kuéghie e mena? Iiye o!

²³ Irari khi obo oyi Onomhue mhi te mie osese ni mhi sese e. Khi iJesu Onomhue, eliyose ni a roli de, o rue ibuledi,

²⁴ o kphemhi na Eshinegba o khi oli-a, oo li, "Idiegebe oyemhe na ni a ro na e, a ke li ona ro sato mhe egbe."

† 11:7 Li ze Igbae 1.26-27 ‡ 11:9 Li ze Igbae 2.18-23

²⁵ Igħo o gbo li, abi e ro le se. O rue uko onyo, o o li, “Onana o khi uko oyi ilama kugbe onogbo, ni a ri o lia eyemhe ri ele. Ini a da lina da ne, eri a da li ro sato mhe egbe.”[§]

²⁶ Irari khi egheghe kpa ni a ro da le ibuledi onana ni a ro da oni uko onana ne, eghuli oyi Onomhue u ro tse abo egho neni o ya bhale.

²⁷ Onini o da le ibuledi oyi Onomhue ni o gbo rote uko oyoli da, ode ni o a gbe akanya ne, o she lu e, o lamhe shi idiegbe ali o lia oyi Onomhue o.

²⁸ Irarigho, ogbogbo o bino egboli bie ne neni o tigbe le, neni o rote oni uko da.

²⁹ Ini u waa da lese emini oni idiegbe oyi Onomhue ona o migha shi ne, ni u ro da le oni ibuledi ni u ro gbo te oni uko da, u she le u gbo da ro ri iguezo bhale ghi egbe e.

³⁰ Ona o ze ni ebubu e e ro o ghua, eghuo ea mhu e ochi, ebubu e she ghulo a.

³¹ Ini awa kpe gue egbe awa ez o awa aa ya de pfilo ez o oyi Eshinegba.

³² Ini Onomhue o gue awa ez o, eri o sese awa ingme ini awa khi nu agbo pfua.

³³ Irarigho, ee inyoghuo-mhe, ini awa lona ni awa ro ya le eminale oyi Onomhue, awa ke migha khe egbe.

³⁴ Ini a me oni okiamhi o o gbe, o la apfe le emhi ini a khi lo ez o oyi Eshinegba, ini a lona kugbe. Mhi ya pfuse ingme enekpole ngme ini mhi bhale.

12

Isomhopfa Ayemhe

¹ Mena ni mhi ro shi ogbo ni a mhila mhe ingme isomhopfa Ayemhe-no-pfuase.

Mhia nono ni a lese egbegbingme ni o la o.

² A lese khi egheghe ni a ro khili eni ea miesuo, a di e lo ode ni a la luase ilitsa ni ea mhu e ayemhe.

³ Mhia nono ni mhi gueye e khi aa me ogbo ni Ayemhe oyi Eshinegba o ro gbe akanya ni o ya lie, “A pfi unu na iJesu!” Aa me oni o gbolo ya lie, “iJesu o khi Onomhue!” Ini o li khi Ayemhe-no-pfuase o sese o li.

⁴ Isomhopfa ododa e la o, ama Ayemhe oghuo o kemhi we.

⁵ Ode ebubu e la o ni a te e ga Onomhue, ama Onomhue oghuo awa ga.

⁶ Ode ododa Eshinegba o te e gbe ikanya elemhi agbo eyi awa, ama oni Eshinegba o ligho gbe oni akanya ona rote idiegbe oyi awa nya.

⁷ Ogbogbo a ri isomhopfa Ayemhe na, ni o ro ke gbe akanya ni o kpaghie ogbokpa obo.

⁸ Oni Ayemhe loli o ri isomhopfa oyi ungmehi egbhali na ogbo oghuo. Oni Ayemhe o kie gbolo ri isomhopfa ileingme a na ogboese.

⁹ Oni Ayemhe o gbo ri irudunga oni emhi a na ogbo. Oni Ayemhe oghuo o kie gbo ri ekpabo na ogboese ni o ro ri ogbo toto.

¹⁰ Oni Ayemhe o ri ekpabo na ogbo ni o ro gbe ikanya onyaloa, o ri ekpabo na ogboese ni o ro me eke guele. O gbo ro-na ogboese ni o lese ikhioda ni o la iyemhe ododa o. O ro-na ogbo ni o ro dobe e ngme emue oda, o ro-na olese ni o dobe guele abi oni emue ogho o ngme.

¹¹ Ama Ayemhe oghuo o kie khi ni o ga gbe eni ikanya egho abi o ghole o li shi. O ri isomhopfa ododa na ogbogbo.*

Idiegbe oghuo ni o mhuẹ iguabo ọdọda

¹² Eri iKirisiti ọ li abi idiegbe oghuo ni o mhuẹ iguabo ọdọda, idiegbe oghuo o kie khi, ini o tseku mhọli iguabo ebubu ọdọda.†

¹³ Igho awa nya awa gbo li, o khi ọngi iJu u khi, okekhi ọnge iJeta, o ke khi oghumha oo, o ke khi ọni ọọ khi oghumha, a she batazi awa shi idiegbe oghuo rote ọni Ayemhe oghuo ogho, a kie gbo ri oni ayemhe oghuo ogho na awa.

¹⁴ Irari khi idiegbe ọa khi uguobo oghuo tse ọli nya o khi, ama iguabo ni e bu o mhọli.

¹⁵ Ini owe o gueye obo, “Irari khi mhia da khi obo, mhi aa ke kugbe idiegbe o,” Oni owe ọa kie khi oyi idiegbe?

¹⁶ Ini eso ọọ khi, “Irari khi mhi aa khili ẹloe, mhi aa ke khili oyi oni idiegbe.” Ogho o ya lie khi ọa ke la oni idiegbe?

¹⁷ Ini idiegbe nya o khili ẹloe lo, se o kha li ke suo. Abi ini idiegbe nya o ke khili eso lo, se o kha li ke suo isue?

¹⁸ Abi o li khi, eri Eshinẹgba ọ tonon iguabo egbe ọdọda ma shi idiegbe abi ọ li nono ọli shi.

¹⁹ Idiegbe o ya gwapfo, ini o khia uguabo oghuo tse ọli nya o khi?

²⁰ Abi o li khi, iguabo ọdọda e la o, ama idiegbe oghuo kpe o khi.

²¹ Irarigho, ẹloe ọa ya lie obo, “Mhi aa mhuẹ emini mhi re ya li!” We khi ukhomhi o ya lie awe mhia mhuẹ emini mhi re ya li.

²² Ini awa te ukiekie ọ obini ọ kpole oyi ingme ona bino ọli, iguabo oyi idiegbe ni ọa loto toto, ọa ze idiegbe ya tsua pfa,

²³ ama idiegbe ni awa bino khi ẹa loto mu ẹloe, wewe awa ga sono itsua guese. Awa a kuegbea guese iguabo idiegbe ni ọa ti ni a ke khueghie-a shi eke ni aa me ẹloe,

²⁴ Ama awa aa ya so itsua guese ikpe ni e ze ro ọ shi eke ni egboese e me ẹloe. Eri Eshinẹgba ọ ligho riẹle idiegbe, ni awa mu ekpe na iguabo ni e li abine khi ẹa loto mu ẹloe.

²⁵ Itobo igho, okemhi ọa la idiegbe, eri ikpe ọdọda egho e ri ẹloe a khu egbe.

²⁶ Ini asha eghuo ọọ me osoli, ikpe enekpole nya e li nu ọli a me oni osoli. Ini a ri ekpe na uguabo idiegbe oghuo eri enekpole nya ẹẹ ghele.

²⁷ Eẹ nya idiegbe oyi iKirisiti a khi, ọgbogbo ọ khi uguobo oyoli.

²⁸ Elemhi igbaa oyi eni e mie iJesu iKirisiti suo, onodode, Eshinẹgba ọ ze ighiusomhi na keẹ, onuzi-eva ọ ze emekẹguele, onuzi-ese, esese, ọ tige ri eni ẹ gbe ọnyaloo shi asha eghuo, gbo li shi eni mhọli isomhopfa ni a ro ri ọgbọ ze. Ọ gbo ze eni e guẹ ẹ kpaghie egboese obo, elese ọ zewe eni e guẹ ri omhesẹ kia, ali eni ẹ ngme emue ọdọda.‡

²⁹ Wewe nya e khi ighiusomhi na keẹ? Wewe nya e khi emekẹguele? Wewe nya e khi esese? Ọgbokpa ọ dobe a gbe akanya ọnyaloo?

³⁰ Wewe nya e mhọli isomhopfa oyi iri-ogbo ze? Egbo nya e guẹ ngme emue ọdọda? Abi khi wewe nya e guẹ ẹ guele abi oni emue ọdọda o ngme?

³¹ Irarigho, awa ke nono isomhopfa ni o tine nya.

Mhi ya ri ode ni o tine nya khasẹ e.

13

Inono

¹ Ini mhi ga guẹ ẹ ngme emue oyi egbo ali oyi igeni, ni mhi aa ro mhuẹ inono, okeke ulo ali okeke ipẹpe itasa mhi khi.

† 12:12 Li ze iRom 12.4-5 ‡ 12:28 Li ze Efi 4.11

² Ini mhi mhue isomhopfa imekeguele ali ni mhi ro lese udi osheli ali ilese nya a guele. Mhi kha mholi irudunga ni a ro dobe ooghie ite, ni mhi aa ro mhue inono, afue mhi khi.*

³ Mhi kha ga ri emini mhi mhue nya somhopfa, ni mhi ro ga ri egbe mhe bhale ni a tose-a ni mhi ba tono obu udu, ni mhi aa ro mhue inono, mhi aa mhue elele okhoghuo ni mhi ya me.

⁴ Eri inono o mholi irabomudu, o mholi isomhelemhi. Oa ya kpe ofuma, oa ya tono obu udu, oa ya vuse ike.

⁵ Inono oa ya ngeli angeli obe, oa ya khu oyoli tse, elemhi ea kele bi inono, oa ya keke ingme ni a li oli ya shi na ogbo.

⁶ Oa ya me emhi obe ni oo ke ghele shi o, ama emhi egbegbingme o ghele e shi.

⁷ Oa ya mholi ukhimhi-elemhi. Irudunga ali irudushi, ali irabomudu oyoli oa ya ba li ku.

⁸ Inono oa mhue ukpese. Imekeguele e la o, eri-tse khi e ya dose, isomhopfa oyi ingme-emu e ododa e la o, ama e ya dose, ileasingme e la o, ama e ya dose.

⁹ Irarikhi isomhopfa ileasingme ali imekeguele oyawa ea ya gba pfo.

¹⁰ Ama ini oni o gba pfo o ramhi, oni oa gba pfo o kele-a.

¹¹ Abi mhi ro khi omu, emue ali isamhi ali akhokhomhe eyemhe, e khi eyi omu. Mena abi mhi ro ke khi ogbhali, mhi aa ke mhue emini mhi ri angeli omu a li.

¹² Emini awa me memena, eri o li abi aroro ni awa rote ughegbe e me lishilishi. Egheghe agho o kha ramhi, awa ya me oli ghemhe, ghe e. Emini mhi lese, oa gba pfo, ama egheghe agho, o ya gbapfo, abi Eshinegba o li sese mhe pfo.

¹³ Ama eni emhi ese enana e kie migha: Irudunga, irudushi, ali inono. Oni o ga fune nya shi we o khi inono.

14

Isomhopfa imekeguele ali emue

¹ Zobe ni inono o khi emini u na a khu.

Ke dua ni u mholi isomhopfa eyi Ayemhe no pfuase, tete isomhopfa imekeguele.

² Ogbo ni oo ngme emue ni ogbo oa lese emini oo ngme, Eshinegba o nu e ngme, irari ogbokhoghuo oa ya lese emini o ri eni ingmemhi ngme. Egbegbi ingme osheli o rote Ayemhe no pfuase ee ngme.

³ Ama ogbokpa ni o meke ngme guele, eri oo nu egbo o ngme, o kpaghie we obu, o ri udu shi we o, o ri udu pfomhi we.

⁴ Ogbo ni oo ngme emue oda ni egbo ea lese emini o ngme, egboli oo kpaghie obu, ama ogbo ni o mekeguele, igbaa oyi eni e mie iJesu iKirisiti suo nya oo kpaghie obu.

⁵ O ga ghole mhe ni ee nya a ke ngme emue ododa, ama oni o ghole mhe ne khi ni a ga mholi isomhopfa imekeguele. Irari khi oni o mekeguele o mu eloe dose oni o ngme emue oda. See ni eri ogbo o la agho ni o guele abi o ngme ni ogbokpa ni o la igbaa oyi eni e mie iJesu iKirisiti suo o mhue ikpaghiobo.

⁶ Igho inyoghuo, ini mhi bhale deba e ni mhi ro o ngme emue oda, onete onoghuo o ya riela na e? Oa khi ini, mhi gue irokhasa ni mhi rote obo oyi

* 13:2 Li ze iMat 17.20; 21.21; iMak 11.23

Ɛshinegba me ye e, okekhi emini mhi lese mhi gueye e, okekhi imeguele mhi gueye e, okekhi ungmehi osese mhi ro bhale ghi e, o ya ri eleli na e?

⁷ Bino itsua ni ea mhuē ayemhe, ni ee ngme, enabi ofele ali efa. Seē ogbokhoghuo o li ya lese emini a kpheli, ini o a suo obini a mu abo we je?

⁸ Ali oni oo pfi akala, ini o a li pfi o li gboo ni o de uruli ni a suo, oghuo o ya mu egbe okhōli?

⁹ Igho khi, ini u ri emue ni egbo ea ya suo o ngme ingmemhi ni e mhōli ilēsingme, ogbokhoghuo o a ya lese emini wa ngme. Eri u lese ke ngme kua idane!

¹⁰ Emue ebubu e la agbo ona, wewe nya e khi eni e ti shi eni e ngme we o.

¹¹ Ama ini mhi aa lese emue ni a ngme, oni o nu mhe ngme, ofese o khi shi me o, mhemhe khi ofese shi o li o.

¹² Aborokhia khi isomhopfa eyi ayemhe e mema kiele e ghole e egbo, a ke nono isomhopfa eni e ya ri ikpaghiobo ghi igbaa oyi eni e mie ifesu iKirisiti suo.

¹³ Itobo igbo, oni oo ngme emue o da o mema ya lema a ri ekpabo ni o ro o ke guele abi o ngme na li.

¹⁴ Irari ini mhi ri emue o da a so iromhi, ayemhe oyemhe oo so iromhi, ama udu oyemhe o a ya mhe mhuē emini o mu o.

¹⁵ Se mhi ke ya li sho? Mhi ga ya riele wewe eve-eva ena. Eri mhi ya ri ayemhe oyemhe so iromhi, mhi gbo li ri udu oyemhe so. Mhi ya ri ayemhe oyemhe to uwolo, mhi gbo li ri udu oyemhe to.

¹⁶ Ini u ri ikphemhi na Eshinegba elemhi ayemhe tse, se egbo enekpole ni ea ya suo ikphemhi ni u ro na Eshinegba e lie suo, ni e mie Atse shi e oni iromhi ali ikphemhi? Ea mhuē abi e li ya lese emini u wa ngme.

¹⁷ Ini o tseku khia khi iromhi ikphemhi eye khi enete lo, ea ga kpaghie egbo enekpole obo.

¹⁸ Mhi kphemhi na Eshinegba khi mhi ga ngme emue ododa dose ee nyaa.

¹⁹ Ini a la ugamhi igbaa oyi eni e mie ifesu iKirisiti suo, o ti mhe egbe ni mhi lese ngme ikpamhi ingmemhi ishe tse ni egbo ya suo abi mhi rewe ngme, ro sese we, ocho ni mhi ro ri emue o da ya ngme ingmemhi agbele ni ogbokhoghuo o a ya suo abi mhi rewe ngme.

²⁰ Inyoghuo-mhe, a khi ke sa abi eniye. A mhōli isamhi abi egbhali ama a li abi emofe ni ea lese emhikhoghuo obode onobe iriele.

²¹ A keke o li shi Ebe-no-pfuase khi,

“Emue o da mhi ro ya

nu egbo eyemhe ngme.

Mhi ya ri uruli ofese ngme,

ama ini o tseku khi igbo,

egbo eyemhe ea ya

ri eso shi mhe eke,

igbo Onomhuē o ngme.”*

²² Itobo igbo, emue o da, o a khi emhi onyaloa shi eni e miesuo o seē ni eni ea miesuo. Ama imekeguele, eni miesuo o mema go lu, o a khi oyi eni ea miesuo.

²³ Irarigho, ini igbaa oyi eni e mie ifesu iKirisiti suo kpa e legba ni ogbokpa o ro o ngme emue ododa, eshebe ali eni ea miesuo, ea ya lie khi ujili oo kpha e nya?

* 14:21 Li ze Aza 28.11-12

24 Ama ini ogbokpa o o mekeguele, ni egbo ni e a miesuo okekhi ogb0 ni o a lese emini a ri e o ro lo le. Rote ingmemhi ni o o suo, o ro ya lese khi o na olamhe l0li khi, ni o khi oni o mu pfi.

25 Osheli isamhi udu ey0li e ya khueghie-a gboo. O de yeshi, o o ga Eshinegba, o o lie, "Eshinegba o la e iteva egbegbo."

Ugamhi ni o a mhue ozughu

26 Inyoghuo, abi mhi ri ona ngme khi, ini a lona kugbe shi ugamhi, ni oghuo o ro mh0li uwolo, okekha khi oghuo o mh0li emini o sese, okekhi irokhasa olese o mh0li, okekhi emue o da olese o ngme, okekhi aguele emini a ri oni emue olese ngme mh0li. A ri e enana nya ro kpaghie igbaa oyi eni e mie iJesu iKirisiti suo obo.

27 Ini ogb0 o ya ngme emue o da, egbo aava tse e lese ngme, ini e khi e bu dose, e khi aase. Ama otuoghuo oghuo o kpe ke ngme, ogb0ese o o guele abi o ngme.

28 Ini o khia khi ogb0 o a la oni igba oyi eni e miesuo ni o ya ke mie 0li emini o ngme guele, oni o ngme ungmehi emue o da ogho o khukhu unu, o lese nu egbo0li ali Eshinegba ke ngme.

29 Emekeguele aava okekhi aase e do e ya ke ngme, egbo enekpo e ku esona ni e lese abi e ngme.

30 O kha ke khia khi a ri irokhasa khasa ogb0ese ni o shito oni ilegba, oni o kpe ngme egho, o mu migha.

31 E e nya a do e ya meguele, ama o khi otuoghuo oghuo, ni enekpo e wena ali ni a ri udu shi we o.

32 Eni e mhue ayemhe imeguele e ke ri eghenge na egbe ro ngme ini ayemhe imeguele o la we egbe e gbe akanya.

33 Irari khi Eshinegba o a khi o na ozughu, ama oyi opfomhe. Abi o li shi elemhi igba oyi eni miesuo nya.

34 Ikpotso e ke khukhu unu ini igbaa oyi eni e mie iJesu iKirisiti suo e legba, abi o li shi igbaa oyi eni e mie iJesu iKirisiti suo elese nya. A khi ze we ngme, e ri ochogh0 ke deba omhesa, abi ushi o ngme.†

35 Ini e nono ni we e lese udi-ingme okhoghuo, e la apfe mhila edowe. Emhi omama o khi ni okpotso o ro la ilegba igbaa oyi eni e mie iJesu iKirisiti suo ngme.

36 Abi khi obo oye e ungmehi oyi Eshinegba o te gba ekele, abi khi e e ghuo o lese ramhi egbe?

37 Ini ogbokhoghuo o sa khi omekeguele l0li khi, okekha khi eri o lie khi l0li mh0li ayemhe ni o pfuasa, o mema ya lese khi emini mhi keke e ghi e ena khi ushi oyi Onomhue lo.

38 Ama ini ogbokhoghuo o ri eloe gbe ungmehi ona, a li ri eloe gbe 0li.

39 Irarigho, inyoghuo-mhe, a ke nono ni a meguele, ama emue o da ingmengme, o khi khi ighuighue.

40 A ke ri e emhikpa te ode ni o a mhue ozughu.

15

Irote eghuli guale oyi iKirisiti

1 Mena mhia nono ni mhi ye e le inyoghuo, ingme usomhi onete ni mhi ro tse abo ye e ni a miesuo, ni irudunga oye e o migha nga egbegbo.

2 Oni usomhi onete ona a ro tsumhi e, ini a da mu emini mhi ro tse abo ye e mhue toto. Ini o a khi igho, eri a miesuo shi afue.

† 14:34 Li ze Igbae 3.16

³ Abi mhi li te eke mie oni usomhi ni o lolo mu eloe, igho mhi li gue oli ye e.

Uso mhi khi,

iKirisiti o ghu-a

to olamhe eyawa

abi a li keke oli

shi Ebe-no-pfuase.*

⁴ Khi a roli to,

a rote eghuli guise oli le

ele nuzi-ese,

abi Ebe-no-pfuase o ngme.†

⁵ O ri egboli khashe iPita,

o tigbe ri egboli khashe eni ogbava.‡

⁶ O tigbe ri egboli khashe,

egbo ni e miesuo ni e bu dose

egbo egbhue uye ali ishe (500),

ni e la asheghuo utoghuo,

ni o khia khi ebubu we

e kie la agbo,

eghuo o e she ghua.

⁷ O tigbe ri egboli khashe iJemhisi,

neni o tigbe gbo

ri egboli khashe ighiusomhi na kee nya.

⁸ Ikpukhokho o, o li ri egboli khashe mhe abi omu ni a bia shi eghenge ni aa kha bia li shi.§

⁹ Irari khi mhemhe mhi ga kpoke na ighiusomhi na kee enekpole nya a. Mhi aa fe fu te ni a lu aghiusomhi na kee, itobo khi mhi mu okholi vule shi igbaa oyi eni e mie iJesu iKirisiti suo oyi Eshinegba o.*

¹⁰ Ama okhale ni mhia fute ni Eshinegba o li na mhe o remhe khi emini mhi khi. Ali khi okhale ni o li na mhe o a li opfu-a. Ini a ke gbo ri ele oli bino, mhi she ga roshaka gbe akanya dose we nya. Ama o a khi mhemhe mhi dobe gbe oli, ama okhale oyi Eshinegba ni o la mhe egbe a gbe akanya lo.

¹¹ Itobo igho, ini o khia khi wewe e tsabo oni usomhi, okekhi obo oyemhe o te bhale o, ungmehi oghuo anye kie ga ro o tse abo, ni o khi emini a mie shi.

Irote eghuli guale oyi eni eghua

¹² Uso mhi oyanye na. A she rote eghuli guise iKirisiti le. Elo o ke ze khi eghuo e e ro lie khi iteghuli guale oyi eni e ghu-a o a la o sho?

¹³ Ini irote eghuli guise eni e ghu-a le o a la o, ogho khi aa guise iKirisiti le.

¹⁴ Ini o khia khi aa rote eghuli guise iKirisiti le lo, itsabo oyawa, afue o kha khi, igho li khi irudunga oyawa.

¹⁵ O a khi igho tse, eni e pfi otselē kie egbholi ma Eshinegba anye kha khi. Irari khi anye she kpe pfi otselē guele na Eshinegba khi o rote eghuli guise iKirisiti le. Ini o khia khi igesikia o kha khi lo khi aa ya guise eni e ghu-a le lo, eri o kha rokhashe khi o a guise iKirisiti le.

¹⁶ Irari khi ini aa ya guise eni e ghu-a le, aa li guise iKirisiti le o li khi egho.

¹⁷ Ini o khia khi aa guise iKirisiti le, irudunga oyee o a kha mhue emini o kha li na e. Ee a kha kie la okhena ipfezomu shi olamhe eyee.

¹⁸ Ogho li khia khi, eni e ghulua ni e mie iKirisiti suo khi eri e li li opfu-a.

* 15:3 Li ze Aza 53.5-12 † 15:4 Li ze Iwolo 16.8-10; iMat 12.40; Ika 2.24-32 ‡ 15:5 Li ze iMat 28.16-17; iMak 16.14; iLuk 24.34,36; iJon 20.19 § 15:8 Li ze Ika 9.3-6 * 15:9 Li ze Ika 8.3

19 Ini o khia khi agbò ana tse, irudushi ni awa mhue na iKirisiti o pfo shi lo, awa a opfu o kha bie gbè nẹ nya.

20 Egbegbi ingme ni o la o khi, a she rọte eghuli guise iKirisiti le, ni o ri awa mie shi o khi a ya gbo guise eni e ghu-a le.

21 Irari khi abi eghuli o rọte obọ oyi ogbọ ọtuoghwo bhale ikhi Adamu, ighọ ịrọte eghuli guise le o li rọte obọ oyi ogbọ ọtuoghwo bhale ikhi iKirisiti.

22 Irari khi abi egbọkpa e li rọte obọ oyi Adamu ghu-a, ighọ a li ya rọte eghuli guise ogbọkpa le, rọte obọ oyi iKirisiti.

23 Ama a ya guise ogbọgbọ le abi o li tẹ ọli, iKirisiti o khi ọni odode, o kha nyenẹ egbe bhale, a tigbe li guise eni e mie oli suọ le.

24 Isheghọ ozukhomhi agbọ o bhale, ini iKirisiti o mu ekpabọ ayemhẹ nya o le, ali eni e mhue afu ali itoto nya, o tigbe rue oni omhese nya na Eshinegba ita.

25 Irari khi iKirisiti o ya ke mhese ramhi ni Eshinegba o rọ ya ri ebe ọli nya kpọkẹ ẹkoawẹ eyọli.†

26 Obe ni o ya kpukhokho mu o le khi, eghuli.

27 Irari khi Ebe-no-pfuase o ngme ọli khi “Eshinegba o ri emhikpa kpọkẹ ẹkoawẹ eyọli.” Onana o rọli khasẹ gbo khi aa li ri Eshinegba ma o rọ kpọkẹ na iKirisiti, ikhi lọli ni o ri emhikpa kpọkẹ ẹkoawẹ eyi iKirisiti.‡

28 Itobọ khi ini a da ri emhikpa shi omhese oyi iKirisiti se, eghẹghẹ aghọ lọli oyọli ni o khi omiọli, o ri egbọli kpọkẹ na Eshinegba, ọni o ri emhikpa kpọkẹ na li. Eshinegba o mhese ẹ shi emhi nya.

29 Elọ zẹ ni egbo e rọ o batazi na egbo ni e she ghu-a? Ini aa ya guise eni e ghua le, elọ o zẹ ni a rọ batazi shi na wẹ?

30 Elọ o zẹ ni anye rọ ri agbọ oyanye ẹ shi okhena eghẹghẹ kpa?

31 Anye ẹ la okhena eghuli ogbelekpa! Ititiege ni mhi ri itobọ oyẹ ẹ titi, irari emini ifesu iKirisiti oyawa o riẹle na ẹ, o remhẹ ngme ona.

32 Elọ a dabi khi o khi eleli oyemhẹ ni mhi rọ nu inyagbemhi ebe, ikhi emose eghọ na ẹoli Efesosi khọli? Ini aa ya guise eni e ghua le bhale agbọ, Awa bie ke le awa a da,

irari khi awa ya ghu-a akọ.§

33 Khi zẹ ni a sese wasẹ-a. “Ikugbe egbo ebe o, o ma yese egbegbi angeli-a.”

34 Nyenẹ egbe bhale egbhali eye, a tiege olamhẹ le. Eghuo ẹ e la o ni ẹa lẹse Eshinegba. Ni o ri omama mu ẹ, mhi rọ ngme ona.

Idiege ni a rọte eghuli guise le

35 Ama ogbọ o dobe ya mhila ogbọ, “Seẹ a lie guise eni e ghu-a le bhale agbọ? Idiege onabi onoghwo e ke ya mhọli?”

36 Yeye oyeghe! Waa lẹse khi emini a rọ kọ ọa ya zẹ ini ọa li kpẹ ghua?

37 Ini a ri ukpamhi ọakpa kọ, ọa ke ẹ zẹ ukpamhi nge, ama ughẹghẹ ọli o ke zẹ ngale.

38 Eshinegba o ri idiege ẹ na ikpamhi abi o ghọle ọli shi, ikpamhi emhi nya e mhọli idiege oyewẹ.

39 Idiege oyi emhi nya ẹa li abeghuo. Egbọ e mhọli idiege oghuo, elamhako e mhọli idiege olese, ipfeli ali ifele e mhọli idiege eyewẹ.

40 Emhi ododa e la idane, emhi ododa e li la ekẹkẹ. Otse oyi emhi na idane, o khi oghuo, otse ni o la emini e la ekẹkẹ o khi ọda.

41 Owo o mholi otse oyoli o da ke, uki o mholi otse olese, ikpetata e mholi otse olese o da. Eni ikpetata e gbo somhotse dose egbe.

42 Igho o ya li ini a guise eni e ghu-a le. Idiegbe ni a ro to, eni e kea e khi ni a ro to. Ama eri a guise oli le ni o a ke ya kea ghue.

43 Ini a roli to, o yemhi osue, o mhuē itoto, ama ini a guise oli le o somhotse-a, o mhuē itoto.

44 Ini a roli to, o khi idiegbe ni a me alo gbugbugbu. Ini a guise oli le, o khi idiegbe ayemhe.

Ini idiegbe ni a me alo gbugbugbu o la o, idiegbe elemhi ayemhe o li la o.

45 Abi a li keke oli khi, "Omose onodode Adamu, eri a ma li ogbo ni o mholi ayemhe." Ama khi Adamu ni o kpe ukhokho, ayemhe ni o ri agbo a na ogbo o khi.*

46 Oa khi idiegbe ayemhe o kpe bhale, ama oni a me alo gbugbugbu, neni a me oyi ayemhe.

47 Adamu, omose onodode, itutu ena eke a ro ma li, Adamu onuzava iloghie o te tiemhile.

48 Eni e khi eyi eke, eri e li abi eni a ri itutu eyi eke ma, eni e khi eyi iloghie eri e li abi eni e rote iloghie bhale.

49 Ezeze abi awa li ri irokhokho oyi omose ni a ri eke ma so, igho awa gbo li ya ri irokhokho oyi omose ni o rote idane bhale so.

50 Mhi gue ona ye e inyoghuo khi, emhi idiegbe ali emhi o lia ea ya lo Eghiele oyi Eshinegba. U ke-liē khi eri idiegbe ni o o ke-a, o ke ya mholi okemhi shi oni iloghie ni o a ya kea.

51 A ri eso shi egbegbingme osheli ona. Awa nya awa aa ya ghua, ama ini akala ni o kpukhokho o de, a ya mu awa mela-a, bia,

52 elemhi ikoko alo khueghie-a, ini oni akala ni o kpukhokho o de. Irari khi akala o ya de, eni e ghu-a e ya ri idiegbe ni o a ya kea guale, a ya mu we mela-a.†

53 Irari khi idiegbe ni o o ke-a o mema ya ri idiegbe ni o a ya ke so, oni o o ghu o ri idiegbe ni o a ya ghu so.

54 Ishegho, ini idiegbe ni o o ke-a o ri idiegbe ni o a ya ke so se, ni idiegbe ni o o ghu o ro ri idiegbe ni o a ya ghu so se, ungmemhi ni ebe o ngme o bhale ya tse ni o li khi,

"A she to eghuli lue
elemhi imuole."‡

55 "Eghuli o, ighe imuole
ni u ke dobe ya mu o le mena?

Eghuli o! Ighe ekpabo eye mena?"§

56 Olamhe o ri ekpabo na utamhi oyi eghuli e ta, ni o ro kualit utse, olamhe o rote ushi mholi ekpabo.

57 Ama awa kphemhi na Eshinegba ni o ri imuole na awa rote obo oyi iJesu iKirisiti Onomhuē oyawa.

58 Irarigho, inyoghuo a migha gbaa. A gbe akanya oyi Onomhuē oyi e ke je odalo, abi a ro lese khi akanya ni u da gbe na Onomhuē khi o a khi afue.

16

Ukpaghō ni a mie ghi igbaa oyi eni e mie ijesu iKirisiti suo na ijerusalemu

1 Ni mhi ro ngme nga ingme ikpaghō ni a mie ni a ro ya kpaghie igbaa nya eyi eni e mie ijesu iKirisiti suo ni e la eke ijudia obo, ni a keke shi ebe ghi mhe.

* 15:45 Li ze Igbae 2.7 † 15:52 Li ze 1 iTeṣa 4.15-17 ‡ 15:54 Li ze Aza 25.8 § 15:55 Li ze Osia 13.14

A ke li abi mhi gueye igbaa oyi eni e mie iJesu iKirisiti suo ni e la eke iGalesha e li ke rieḷe.*

² Uka khi uka kpa, a ke rote ikpagho ni a gbe, rue shi asheghuo abi oḡboḡbo o mhuē, ini a khi gbo ke zēla ikpagho elese ini mhi bhale.

³ Ini mhi bhale, mhi ya keke ebe na eḡbo ni á zē, mhi keke shi o khi wewe a ghie, e tsua isomhopfa eyēe je iJerusalēmu.

⁴ Ini o ke khia khi o ti ni mhi li ye, anye ga kia.

Omheṣe ni iPolu o mheṣe

⁵ Mhi ya bhale ya me ē ini mhi rote iMasidonia doṣe se.†

⁶ Mhi nu ē ya la deṇe. Otse, mhi ga la agho okase nya. Eghēghē agho a ke ri ukpagho kpaghiē mhe obo je obiobini mhi ke ya je.

⁷ Mhi aa nono ni mhi me ē eloe memena, mhi aa nono ni mhi leṣe te agho doṣe tse. Mhia nono ni mhi nu ē shito tēṣe ukukuḡo ini Eshineḡba o lama.

⁸ Mhi ya la Efesoṣi ramhi eḷe ukpe iPetikositi,‡

⁹ Irari khi asha oniēmhi o khueghie-a na mhe shi ana ni mhi ro me asha gbe akanya Eshineḡba. Ama khi eni e mu okhuē vule shi mhe o e bu.§

¹⁰ Ini iTimoti o bhale, a lolo mu oḷi epfese, irari oni o gbe akanya na Eshineḡba nabi mhemhe o li khi.*

¹¹ Oḡboḡhohuo o khi ri eloe gbe oḷi, ama a kpaghiē oḷi obo ni o ro doḡe ti okiali eyoḷi je odalo shi opfoḡmhe, ni o doḡe bhale deba mhe. Mhia khe oḷi, ali inyoḡhuo enekpole.

¹² Ingme oyi Apolosi. Eri mhi ga lolo ye oḷi ude o ko ya feḷi ē, loḷi ali inyoḡhuo enekpole. Ama oḡa ghole oḷi ni o ro ye memena, ama ini o mhuē oni eghēghē, o ya bhale.

¹³ A ke to eloe eke, a migha gbaa shi irudunga, a khi eḡbo ni e mhoḷi aye, a khi eni e toto.

¹⁴ A ri inono ke gbe ikanya eyē nya.

¹⁵ A leṣe khi iSitefanasi ali omhuē-apfe oyoli nya, e kpe todode khi eni e miesuo shi obini eke Akhaya. E she ri egbewe na ugamhi oyi eḡbo ni a pfa na. Mhi lema ē,†

¹⁶ a ke nyese ukhomhi na omheṣe oyi eḡbo eghoḡho ali oḡboese ni e nu we ē gbe ikanya eghoḡho.

¹⁷ Egbe e ma mu mhe shi ibhale oyi iSitefanasi ali iFotunatusi ali Akhaikusi irari wewe e ke to-ḡoli ē abi aa ro la akagho.

¹⁸ Eri e ri egbe mu mhe e ti ayemhe oyemhe nga, abi e ri egbe mu ē. Eḡbo enana, e ti ni a tse, e mu akanya.

¹⁹ Igbaa nya eyi eni e mie iJesu iKirisiti suo eni e la eke Esha eḡ tse ē. Akuila ali iPisilia ali igbaa oyi eni e mie iJesu iKirisiti suo ni e lona apfe oyewe, e li e tse ē otse irudunga.‡

²⁰ Inyoḡhuo nya ni e la ana eḡ tse ē. A ke tse egbe egbegbi otse a gheḷe mu egbe.

²¹ Mhemhe iPolu mhi ga ri obo ma ebe ona.

²² Oni oḡa da nono ingme oyi Onomhuē ne, Eshineḡba o ya pfa ezo mu oḷi. Mhi lema, Onomhuē o kele bhale.

²³ Okhale oyi iJesu Onomhuē o ke deba ē.

²⁴ Inono oyemhe o ka nu e la nya ni a khi eyi iJesu iKirisiti. Atse.

* 16:1 Li ze iRom 15.25-26 † 16:5 Li ze Ika 19.21 ‡ 16:8 Li ze iLev 23.15-21; iDeut 16.9-11 § 16:9 Li ze Ika 19.8-10 * 16:10 Li ze 1 iKori 4.17 † 16:15 Li ze 1 iKori 1.16 ‡ 16:19 Li ze Ika 18.2

Ebe onuzi-eva ni iPòlu o keke ghi egbo IKoritia Eni e miesuo

1 Mhemhe iPòlu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi inyoghuo awa iTimoti. Mhemhe mhi keke ebe ona ghi igbaa oyi eni e mie iJesu iKirisiti suo onayi Eshinegba ni e la eoli iKoriti ali eni a pfa na nya ni e la eke Akhaya.*

2 Mhi lema Eshinegba ita awa ali iJesu iKirisiti Onomhue e ka li okhale na e, e ri opfomhe na e.

Eshinegba ona irudushi nya

3 Awa kueghie Eshinegba, ni o khi ita iJesu iKirisiti Onomhue oyawa, loli o khi ita ona ilelemhi, ni o khi Eshinegba na irudusho nya.

4 Loli o ri udu e shi awa o ini awa la osoli khi osoli, ni awa li dobe ri udu shi eni e la osoli o, ikhi irudusho onabi Eshinegba o ro shi awa o.

5 Itobo khi awa li nu iKirisiti me osoli ebubu eyoli, awa li ya rote obo oyi iKirisiti kemhi irudusho oyi Eshinegba ni o gbeku o.

6 Anye kha me osoli, ni a ro mholi irudusho ali imiepfuese lo. Okekha khi eri a ri udu shi anye o, ee a ri udu shi o, ni o re e mholi irabomudu ri egbe mie osoli onabi anye li ri egbe mie.

7 Iregbenga ni anye regbenga e, o kie migha, itobo khi anye lese khi abi a li nu anye me osoli eyi anye, igho a li nu anye mholi okemhi shi irudusho oyanye.

8 Inyoghuo, anye e nono ni a lese osoli ni anye me obini Esha. Eri anye me ukpokpomhi omunu ni o ne anye abo. Ni o khia khi eri anye ke khena egbe anye eghuli ukhomhi.†

9 Eri anye she ri oli shi udu khi eni eghuli o mema ke ya gbe anye ke khi. Eri a me ona ini anye khi regbenga egbe anye, se ni Eshinegba tse ni oo guise oni o ghu-a le.

10 Loli o rue anye okhena eghuli ukhomhi le, o ya rue awa o le. Loli awa ri udu nga khi o ya gbo rue awa o le.

11 A li ri iromhi ke kpaghie anye obo, ini ebubu egbo e me asha ri itobo oyanye kphemhi na Eshinegba, oni o pfo udu ri iromhi ni ebubu egbo e so a tse.

IPolu o mu ugbamhi eyoli pfi

12 Anye ma tono obo udu shi o, udu oyi anye ni oo gue anye ezoo o gbo pfi otsele shi o, khi, angeli oyanye elemhi agbo ona ali angeli ni anye nu e ngeli, khi ikhueghie elemhi-a ali igesikia oyi Eshinegba o ri anye e gbe akanya. Oa khi ileingme agbo anye te riele ona, ama okhale oyi Eshinegba a ro riele oli.

13-14 Emini a dobe ya ze, ni o ya gbo lo e esoo anye keke ghi e. O kha rie khia khi emini anye e ngme oa lo e esoo pfo ne, anye mholi o shi udu khi o ya lo e esoo pfo nya elelese, ni a ri anye ke tono obo udu, abi anye li re e ya ke tono obo udu, ogbele oyi iJesu Onomhue oyawa.

15 Itobo khi mhi aa mholi akhokhomhe shi ona, mhi ro nono ni mhi kpe bhale ya bino e, ni a mholi ikhivose asha eva.

* 1:1 Li ze Ika 18.1 † 1:8 Li ze 1 iKori 15.32

16 Mhi she gba li khi mhi bhale ya bino e ini mhia le iMasidonia ali ini mhia jele, ni mhi me asha mie e ikpagho ro ye eke iJudia.‡

17 Eri a dabi khi mhia dobe ya lie khi emini mhi ya ri ele na, ni mhi ri ele oli? Abi khi eri mhi li abi ogbo ni o khe, "Ii." O gbolo e, "Iiye." Ini mhi ba ri ele oghuemhe oyi ogbo?

18 Abi ungemmi oyi Eshinegba o migha shi igesikia, igho emini mhi gueye e qa li khi unu eva ni o ri utoghuo lie "Ii." Ali "Iiye."

19 Itobo khi iJesu iKirisiti Omi Eshinegba ni mhemhe ali iSivanosi ali iTimoti anye ro tse abo ye e, qa khi, "Ii." Ali "Iiye," egheghe oghuo. Ama Eshinegba "Ii," o khi. §

20 Irari khi emiemini Eshinegba o ro nga nya, iJesu iKirisiti o rewe nya khi, "Ii." Irarigho, rote iJesu iKirisiti awa te e mie "Atse." Ni anye ro ri ufumhi na Eshinegba.

21 Ama Eshinegba o ri anye ali ee migha elemhi iKirisiti. Loli o ze awa.

22 O she shi olele oyoli shi awa egbe. O ri Ayemhe-no-pfuase shi awa udu abi olele ni o khi iyobo shi emini Eshinegba o ya ri ele na awa.

23 Ama mhi ze Eshinegba otsele, loli o lese udu oyemhe. Itobo khi mhi aa nono ni mhi ri elemhi ibibi nu e ngme, loli mhi aa ro ke ye iKoriti.

24 Qa khi eri anye ri ekpabo gueye e emini a ya miesuo. Anye lese khi a migha gbagbagba shi irudunga. Itobo ni a mholi oghelē anye ro nu e gbe akanya.

2

1 Loli o ze ni mhi ro ro khi, mhi aa ke gbo ya bhale deba e, ini mhi khi yese e udu-a.

2 Ini mhi yese e udu-a, oghuo o la akagho ni o ya ri egbe mu e. Se ni oni ogbo ni mhi yese udu-a.

3 Loli o ze ni mhi ro keke ebe ogbo ghi e, itobo khi mhi aa nono ni mhi bhale ya me iyese-udu-a obo eyi eni e kha remhe ghele. Irari khi mhi lese khi ini mhia ghele egheghe agho, ee a lie ke ghele.

4 Elemhi ukpokpomhi osoli ali amē eviē mhi te e keke ebe ona ghi e, qa khi eri mhiē ni udu o ba yese e-a, ama ni a ro lese abi mhi nono ingme oye nya ramhi.

5 Ama ini ogbokhoghuo o pfi iyese udu-a, qa khi mhemhe o mema lolo yese udu-a, ama ee nya o rote opfoghuo yese udu-a. Ama khi, mhia nono ni mhi ngme oli ze dose ana.

6 Osoli ni ebubu e e lama shi a na ogbo onana, e bu.

7 Ama a ro topfa li a gbo ri udu shi oli o, ini o khi yese udu-a dose ode, ni o te ya pfanō ku oli alo.

8 Mhi lema e, a ze ni o lese khi egbegbo a nono ingme oyoli.

9 Eri mhi mu e fe bino ni me ini a ri ungemmi oyemhe ya gbe akanya.

10 Ini a ro topfa ogbokhoghuo shi emini o ri ele, mhemhe mhi li ro topfa li. Ini o khia khi mhi mhuē emini mhi kha ro topfa, mhi she ro topfa. iKirisiti o khi otsele oyemhe khi mhi she ro topfa.

11 Egheghe agho, okphaghiē qa me ashikhoghhuo regbenga dobe mu awa o ya le, itobo khi awa aa khi eni ea lese igbamhi eyi okphaghiē.

Egbe akanya ena ishobo onogbo

12 Abi mhi ro bhale iTiroasi ya gue usomhi onete oyi iKirisiti le, mhi me oli khi Eshinegba o khueghie ode-a na me shi akanya oyoli, shi oobo.

13 Udu oyemhẹ ọa sheshe, itobọ khi mhi aa mẹ iTatọsi oobọ. Ighọ mhi tsey ẹgbọ ena obọ okhila, mhi ya je iMasidonia.*

14 Ama, awa kuẹghie Ẹshinẹgba. Lọli ọ zẹ ni iKirisiti ọ rọ ri awa la orọlọ ni a la mie obọ abi eni e mu ọ le. Ọ ri awa ri ilẹşẹ oyi iKirisiti ẹ gbhiaku asha kpa abi ikphela.

15 Ẹshinẹgba ọ she ri awa mele ighiusomhi eyọli-a, ni awa ba ri usomhi onete oyọli gbhiaku asha kpa, abi ikphela oyi ituale ni ọọ pfie o liẹ gbhiaku, ni o lo iteva ẹgbọ eni a mie ẹ pfuese ali eni ẹ nono ni wẹwẹ e pfua.

16 Uwemhi úgbọ oyi eghuli, usomhi oyawa ona o khi shi eni e ya pfua, ama upfiemhi oyi agbọ o khi shi eni a mie ẹ pfuese ọ. Ọghuo ọ dobẹ gbe onana?

17 Anye aa khi eni e ri ungmemhi oyi Ẹshinẹgba nono ẹpfue abi ẹgbọ eghuo ẹ li. Ama ighiusomhi eyi Ẹshinẹgba ni e ri igesikia ngme ungmemhi oyọli anye khi. Ekpabọ oyi iKirisiti anye rọ gue usomhi oyanye le. Ẹshinẹgba ọ khi ọtselẹ ọyanye.

3

Eni ẹẹ ga ena ishobọ onogbọ

1 Ọa ya li abinẹ khi eri anye ke ẹ titi egbe anye mena? Anye ẹa li abi eni ẹ mie ebe ni a titi wẹ shi neni e tsabọ ungmemhi ye ẹ, ali ni e kha gbolo te aghọ vu e gbo mie ẹ ebe oghọghọ olese? Anye ẹa mhọli emini anye ri ebe eghọghọ ọ riele.

2 Ẹẹ oye ẹ a khi ebe oyanye ni a keke shi ekelemhi udu oyi anye ni ẹgbọ nya e mẹ ẹ zẹ.

3 Eri o rokhasẹ khi ebe ni iKirisiti lolighuo ọ keke, a khi. Itobọ khi a mie itsabọ ungmemhi oyanye suọ. Ọa khi ọgbọ ọ ri atsu keke ẹ shi ebe, ama Ayemhẹ oyi Ẹshinẹgba ọ keke ẹ. Ọa khi ukiekiemhi eche ọ keke ẹ shi ama elemhi udu oyi ẹgbọ.*

4 Onana o khi iregbenga ni anye mhọli na Ẹshinẹgba rọte obọ oyi iKirisiti.

5 Ọa khia khi eri anye ghọ guẹ ẹ gbe oni akanya ona, ama Ẹshinẹgba ọ ri iguẹgbe-akanya ona na anye.

6 Lọli ọ ri anye khi eguẹgbe oyi akanya igue ungmemhi oyọli le, na ishobọ onogbọ, ni ọa khi oni a keke shi ebe, ama ena elemhi Ayemhẹ. Irari khi emini a keke shi ebe, eri o ri eghuli ẹ bhale, ama Ayemhẹ o ri agbọ a na ọgbọ.†

7 Ushi oyi iMosisi ni o ri eghuli bhale, ni a keke shi ikiekiemhi eche, ufumhi ni o gẹ nyanyanya, ni ọọ kala, o deba bhale. Ini oni ufumhi ona ni o zẹ khi ẹgbọ iZireni ẹa ke dobe ẹ bino iMosisi alo ukhomhi tatata, o kala,‡

8 Seẹ ufumhi oyi ikanya eyi Ayemhẹ ni o ri agbọ a na ọgbọ o ke beşi ya li?

9 Ini ufumhi o la ugamhi ni o ri eghuli ẹ bhale, seẹ ugamhi ni o ri ipfuaşẹ ẹ bhale ọa li ya mhọli ufumhi oni o funẹ?

10 Itobọ ona, awa dobe ya liẹ khi emini o kpẹ lighọ mhọli ufumhi ni o gẹ nyanyanya ẹlele, ọa ke mhọli ufumhi, itobọ ufumhi oyi emini o ke to-ẹoli ọli.

11 Ini emini oo kala, o mhọli ufumhi, seẹ ufumhi ni o la oni o migha agbọagbọ ọọ liẹ fu ne.

12 Itobọ khi anye mhọli oni irudushi ona anye rọ li ghọ mhọli igbeudu.

13 Anye ẹa li abi iMosisi ọ li, ni o ri ijejetı ku alo ini ẹgbọ iZireni e khi mẹ abi oni ufumhi ni oo gẹ nyanyanya oghọ, ọ li i kala li alo-a.§

* 2:13 Li zẹ Ika 20.1 * 3:3 Li zẹ Okiali 24.12; ijere 31.33; Ezik 11.19; 36.26 † 3:6 Li zẹ ijere 31.31

‡ 3:7 Li zẹ Okiali 34.29 § 3:13 Li zẹ Okiali 34.33

¹⁴ Ama eri a guese wẹ udu, irari khi ramhi amo, eri a kie ri oni ijejeti ogho ku wẹ alo, ini eẹ zẹ ebe ishobo ona eleele. Ini ogho o ro ghi iKirisiti ko tse, o ro o rue ogho oni ijejeti alo-a.

¹⁵ Igho o kie li ogbe na amo, eri ijejeti o kie guese wẹ udu ini eẹ zẹ oni Ushi oyi iMosisi.

¹⁶ Ama ini ogho da mupfi bhale deba Onomhue ne, o rue oli oni ijejeti ode-a.*

¹⁷ Onomhue ni a ngme shi akana ena, loli khi iKirisiti, Ayemhe oyoli o te e gbe akanya, ali khi ashini Ayemhe oyi Onomhue o da la ne, epfua o la akaghọ.

¹⁸ Alo eyawa nya ni aa ri ijejeti ku, o ri ufumhi oyi Onomhue e ge nyanyanya abi ughegbe. Oni ufumhi ogho, obọ oyi Onomhue o te bhale, ni o khi oni Ayemhe. Loli o mu awa pfi ya li abi loli, rote ufumhi ni o rue e nga o.

4

Osoli ali osuemhe ni e la akanya oyi iKirisiti

¹ Irarigho, aborokhia khi ilelemhi oyi Eshinegba anye ro mie akanya igue ungmemhi le ona egho, loli egbe ea ro pfo anye-a.

² Eri anye ri ochoghọ she kie angeli osheli ali omama. Anye ea ya ngeli angeli ikpamhika wexhi eri anye e mu ungmemhi oyi Eshinegba ukhomhi pfi kpoke. Ochoghọ eri anye ri emini e khi igesikia khasẹ gboo, abi o khi shi ukpelo e oyi Eshinegba. Onana o ri egho mie shi o khi eni a ri egbe e nga anye khi rote udu oyewe ni ogho gue wẹ ezọ.

³ A kha usomhi onete ni anye gue e le sheli, eri a roli sheli na eni e ya pfua.

⁴ Okphaghie ni ogho mhese e shi agbo ona, o she zuse egho ni ea miesuo udu ini e khi me akpa ali ufumhi ni o la usomhi onete oyi iKirisiti, oni loli ali Eshinegba e li abeghuo tee.

⁵ Irari khi anye aa ri egbe anye tse abo, ama iJesu iKirisiti anye ro o tse abo, khi loli o khi Onomhue, ali khi eni ege ga enaye e anye khi, irari oyi iJesu.

⁶ Ebe-no-pfuase oo, "Eshinegba o gueye akpa o rote alo ebili ge lasele." Mena oni Eshinegba o ri akpa oyoli e ge shi elemhi udu oyanye, ni ege a ro lese khi ufumhi oyelue khi, alo eyi iJesu iKirisiti a te e me oli.*

⁷ Eri anye li abi akhe afue ni a ri oni epfue onana shi. Ona o rokhasẹ khi ekpabo eniemhi, obọ oyi Eshinegba e te e bhale, o a khi obọ oyanye.

⁸ Isheghuo a na anye osoli, ama o a pfuse anye-a. Isheghuo anye mholi akhokhomhe, ama anye ea la okhena.

⁹ A me anye omi olimhi ama Eshinegba o a tsua anye pfi-a. A gbe anye de eke, ama anye e ghua.

¹⁰⁻¹¹ Ogbelẹ kpa anye ro la okhena eghuli itobo oyi iJesu. Eri onana ni anye e me egbe o li abi irokhokho eghuli ni iJesu o ghu, eghẹghẹ agho ni o ri egholi khasẹ elemhi agbo oyanye.

¹² Onana o guele khi akanya ni anye gbe e na iJesu, eri o ri anye la okhena eghuli ogbelẹkpa, ama agbo onogbo o ro o na e.

¹³ Ebe-no-pfuase oo, "Irari khi mhi mholi irudunga mhi ro ngme." Oni ayemhe irudunga onana, anye li ro ngme.†

¹⁴ Anye lese khi Eshinegba ni o rote eghuli guise iJesu Onomhue le bhale agbo o ya li rote eghuli guise anye le, o rue anye ali ege bhale odalo oyoli.

¹⁵ Itobo oyee a ro ri ele enana nya, ni ebuu egho e lese okhale ni Eshinegba o li, ishegho ni e ke so iromhi ikphemhi ri ufumhi na Eshinegba.

* 3:16 Li zẹ Okiali 34.34 * 4:6 Li zẹ Igbae 1.3 † 4:13 Li zẹ Iwolo 116.10

Agbọ irudunga

¹⁶ Itobọ onana, egbe ẹa tigbe ya pfo anye-a, ini anye ririẹ kuanọ-a pfo, ama ogbele kpa ekeleghi udu oyanye o ro o khi onogbo-a shi o.

¹⁷ Eri ikuku osoli ni ẹa ya teşe eyi anye, e muno anye egbe e khe ufumhi na agboagbo. Lọli o ze khi osoli eyi anye e li abi emhi afue shi anye o.

¹⁸ Emini aa me eloe ẹa ya la o agboagbo, ama emini aa ya me eloe ẹẹ la o agboagbo. Lọli o ze khi anye ri udu oyanye shi emini aa ya me eloe.

5

Apfe oyawa na iloghie

¹ Anye lese khi ini idiegbe oyanye ona, na elemhi agbo, ni o li abi okholo, o ghua, anye mhọli idiegbe olese ni o rọte obọ oyi Eshinegba bhale. Ikhi idiegbe no ọa ya ghu ni o la iloghie, owa ni ọa khi abọ a ro mama li.

² Memena eri anye la oni elemhi idiegbe na agbo ona a to ekperumhe-a, irari khi eri ọọ ghọle anye ni a kpha oni owa na iloghie so anye.

³ Itobọ khi ini a roli so anye, anye ẹa ke ya la irumheba.

⁴ Irari khi abi anye kie li la idiegbe ona agbo ena, eri anye e to ekperumhe-a abi eni egbe e to. Ọa khi eri anye ẹa ke nono ni anye ke la oni idiegbe oyanye ona, ama eri o ghọle anye ni a ri idiegbe na iloghie ni ọa ya ghu ghue egbo so anye. Eghẹghẹ agbo ni agbo o to idiegbe ni ọọ ghu lue elemhi imuole.

⁵ Eshinegba o ma anye shi agbo na agboagbo ona, lọli o gbo ri oni Ayemhe shi anye egbe ni o khi iyobọ khi lọli ya riẹle emini o ro nga na awa.

⁶ Irarigho, anye ro o mhọli igbedu eghẹghẹ kpa.

Anye gbo lese khi ini anye kha da la apfe elemhi idiegbe oyanye ne, anye ẹa ke nu Onomhue la.

⁷ Ama irudunga o ri anye la agbo, ọa khi emini anye ri ukpeloe me, o ri anye la agbo.

⁸ Udu oyanye o migha gbaa shi o, khi, oo kha ti anye eloe ni anye lase idiegbe oyanye ona le, ni anye nu Onomhue la apfe.

⁹ Irarigho, eri anye ro li shi udu oyanye khi anye mema ya riẹle emini o ghọle ọli, okekha khi anye ke la apfe elemhi idiegbe oyanye o, okekhi anye ẹa la apfe elemhi idiegbe oyanye.

¹⁰ Irari khi awa nya, awa mema bhale ya migha odalo ukpekhomhi iguezọ oyi iKirisiti, ni ogbogbo o ro mie ifata ni o khi oyọli, shi emini o riẹle abi o ro la idiegbe oyọli, shi oni o ti o, shi oni ọa ti.*

Akanya iri-egbo ali Eshinegba riẹle

¹¹ Irarigho, aborokhia khi anye lese emini inulishi oyi Onomhue o khi egbo, lọli anye ro rọsheka roli e lo egbo eso. Emini anye khi o ga khueghie-a shi Eshinegba o, anye gbo sa khi o gbo ligho khueghie-a shi udu oyeẹ, ni ọọ gue e ẹzo.

¹² Ọa khi eri anye titi egbe anye e khase e, ama eri anye ri eghẹghẹ e na e ni a me asha ri anye ke gha. Eghẹghẹ agbo ni a me emini a ya so egbo eni e ri emini ri ukpeloe e me e gha, ocho ni e kha ro ri emini e la udu, ke gha.

¹³ Ini anye ẹa ke lese emini anye e riẹle, irari oyi Eshinegba lo, anye kha ke lese emini ẹẹ riẹle o, irari oye e lo.

¹⁴ Inono oyi iKirisiti o mhesẹ e na anye, itobọ khi anye me ọli me khi ogbo ọtuoghuo o ghu-a na agbo nya, irarigho eri awa li ghu pfa olamhe.

* **5:10** Li ze iRom 14.10

¹⁵ Eri iKirisiti o ghu-a na ogbokpa ini eni e la agbo e khi ke la agbo na egbe we, ama ni e ke la agbo na oni o ghu-a ni a gbo guise le na we.

¹⁶ Itobogho, rote ana je odalo, anye ea ke ri ukpeloe ni egbo na agbo e ro bino egbo ke bino ogbo khoghuo. Ini o ririe khia khi anye kpe lina ri ukpeloe agbo bino iKirisiti eghenge ni o dose, anye ea ke ligho.

¹⁷ Irarigho, ini ogbo o da she ku ma iKirisiti o ne, ogbo onogbo ni a lese ma o ke khi, agbo onodio o she dose, agbo onogbo o ke la.

¹⁸ Eshinegba o ga riefe eni emhi enana nya. Loli o ri awa ni awa kpe khi ebe oli nu egbeoli riefe, rote obogho oyi iKirisiti. O ri akanya na awa, awa ro ke ri egboese nu lue riefe.

¹⁹ Eri Eshinegba o ri egbo na agbo nya nu egboli i riefe rote obogho oyi iKirisiti, ni o khia khi Eshinegba o ri olamhe mu ota so we. Igho o she ri usomhi ni a ro ri egbo ali Eshinegba a riefe nga awa obogho.

²⁰ Irarigho eni e to eloli iKirisiti awa ke ri irarigho khi, ni o ro li abine khi eri Eshinegba o rote unu oyawa a lema egbo. Anye lema e na iKirisiti, a ka nu Eshinegba ro riefe.

²¹ Eri Eshinegba o ri iKirisiti ni o mholi olamhe mele ona olamhe itobogho oyawa, eghenge agho, ni awa me asha rote iKirisiti mholi ipfuase oyi Eshinegba.

6

¹ Abi eni wefe ali Eshinegba e ga a gbe akanya oghuo, anye lema e, a khi ze ni a mie okhale oyi Eshinegba shi afue.

² Irari khi Eshinegba o o lie,

“Abi eghenge ni mhi ro ya
riele isomhelemhi na e,

o ro ramhi,

mhi ri eso shi e eke,

abi ogbele imiepfuese

oye o ro ramhi,

mhi kpaghie e obogho.”

Mhi gueye e khi memena o khi eghenge isomhelemhi, amo khi ogbele imiepfuese.*

³ Anye ea ya pfi ozuode shi ogbokhoghuo ode, ini egbo e khi me emini o a ti okhoghuo gue shi akanya oyi Eshinegba ni anye e gbe.

⁴ Ama abi ighumha eyi Eshinegba ni anye khi, eri anye ri emini anye khi khase odekhode, abi anye li ri egbe mie osoli ali umham e ali iyese-udu-a.

⁵ A gbe anye itali, a gbo mu anye shi ogba-ighumha, a la onyaghu kuale anye utse, anye gbe akanya agbeghua, anye mhu e umha-ke-lese ali okiamhi.†

⁶ Ama anye kie la elemhi ipfuase ali ilese, ali irabomudu ali isomhelemhi, rote Ayemhe-no-pfuase ali inono ni o rote udu igesikia lasele.

⁷ Anye e ngme ingmemhi igesikia, ali ekpabo oyi Eshinegba o la anye egbe e gbe akanya. Akhegbe oyanye khi igue-ngeli odalo oyi Eshinegba, abi okholi-okhue o lie mu itsua okholi mhu e obita ali ogobogho.

⁸ A ri ekpe na anye a gbo yeghe anye-a, a ngme onete oyanye, a gbo ngme onobe oyanye. Anye egbo igesikia, a lu anye elo-egbhue,

⁹ E li anye abi eni aa lese, ama a kie lese anye, a li anye abine khi eni e ghuloo anye khi, ama, a me oli me khi anye kie la agbo. A na anye osoli ama aa ghuloo anye-a,

* 6:2 Li ze Aza 49.8 † 6:5 Li ze Ika 16.23

¹⁰ Anye mhõli iyese-elemhi-a, ama anye kiele e ghele, anye li abi eni a mhue, ama eri anye ri ebubu egbo khi eni e pfue. Anye li abi eni a mhõli emhi khoghuo, ama emhikpa anye mhue.

¹¹ Egbo iKoriti, anye she ri igesikia nu e ngme, anye khueghie udu oyi anye-a gbodogio deba e.

¹² Anye a ti egbe je ukhokho inono ni anye mhõli na ee, ee tse aa ke nono anye.

¹³ Irarigho, mhi nu e ngme abi eniye eyemhe, a li mhõli usamhi nabi anye sa deba e na anye. A khueghie udu oye e-a na anye gbodogio.

¹⁴ Khi ze ni u nu oni a miesuo ke ri ele emhi kugbe. Se, igesikia ali egbhõli e li gue la asheghuo kugbe? Elo o ku akpa ali obili gbe?

¹⁵ Elo e ku iKirisiti ali Okphaghie? Abi elo oni o miesuo ali oni a miesuo e mhõli kugbe?

¹⁶ Ilama-kugbe onoghuo o la Owa Oyi Eshinegba ali ikhumhi o? Irari khi Owa Oyi Eshinegba ni o la o, awa khi, ezee abi Eshinegba o ngme oli khi,

“Mhi ya la we elemhi,
mhi la we iteva a kia,
mhi khi Eshinegba oyewe,
we we e khi egbo eyemhe.”*

¹⁷ “Irarigho, a rote we iteva lasele,
ni a khi oda shi we o,

ali a khi ri obõ ti
emini a pfuase,
eghege agho
ni mhi ti e mama egbe.”

Eshinegba Onomhue no fune nya,
o ngme na. §

¹⁸ “Mhi ya khi ita e,
ee a khi imimhe
emose ali ikpotso.”

Eshinegba Onomhue no fune nya
o ngme na.*

7

¹ Aborokhia khi awa mhõli ishobo ena, emole mhe, awa kpe idiegbe ali ayemhe oyawa-a, rote emini e ri ichimhi e shi ogbo egbe ali ayemhe nya. Awa ke roshaka ini awa dobe ramhi irõpfuase pfo nya, itobo khi awa a na ulishi Eshinegba.

Igbaa oyi eni e mie iJesu iKirisiti suo e ri egbe mu iPolu

² A khueghie udu oye e-a na anye. Anye a li ogbokhoghuo onobe, wekhi eri anye yese ogbokhoghuo udu-a, uke-lic khi eri anye li ogbokhoghuo le.

³ a khi eri mhi ngme ona ro pfueche e-a, irari khi mhi kpe ngme oli khi ingme oye e o la anye elemhi udu ramhi ni anye ro ya lama nu e ghua, okekhi ni anye ro nu e la agbo.

⁴ Mhi lolo regbenga e, mhi ma re e gha gba. Elemhi osoli ni anye me nya, eri iridushio ali ogheloyanye o vo o tsuakua.

† 6:16 Li ze iLev 26.12; Ezik 37.27; 1 iKori 3.16; 6.19 § 6:17 Li ze Aza 52.11 * 6:18 Li ze 2 iSam 7.14; 1 Okhe 17.13; Aza 43.6; iJere 31.9

⁵ Irari khi abi mhi rọ lo iMasidonia le, idiegbe oyanye ona ọa mhọli iyemhẹa okhọghuo. Ode-khode a na anye osoli, eghuo e nu anye wola, ulishi o la anye udu.*

⁶ Ama Eshinegba na irudusho, ni o ri udu e shi oni egbe e pfo-a o, o ri iTatosi ni o bhale ri udu ke shi anye o.

⁷ Ọa khi ibhale oyoli tse o ri udu shi anye o, ama abi a li ri udu shi o li o. O gbo gueye anye abi o lie ghole e ni a me mhe, ali abi a li vie oya, ali abi ingme oyemhe o li mu e egbe. Irarigho, oghelẹ oyemhe o ro fu dose abi o kpe li ghue.

⁸ Ini ebe ni mhi keke ghi e, o ri iyese-udu-a na e, ọa limhe egbe abine khi emini ọa ti ni mhi rielle. O kie remhe chima, mhi me khi ebe oyemhe o re e yese udu-a ukuku eghẹghẹ.

⁹ Ama egbe e kiele mu mhe, ọa khi itobo khi mhi ri udu oyee yese-a, ama itobo khi iyese-udu-a oyee o re e mu pfi. Eri a mhọli iyese-udu-a abi Eshinegba o nono o li shi. Irarigho, ọa li e onobe.

¹⁰ Irari khi ivie-osoli ni o ghole Eshinegba, eri o ri ogbo o mudu pfi, o roli e nono ni a mie o li pfuese. Onana ọa ri ogbo ngomhi obo-a. Ama ini ogbo vie osoli abi egbo na agbo, eghuli o ro o bhale.

¹¹ A lese bino emini ivie-osoli ni o ghole Eshinegba o ro na e. Abi a li rosheka ni a rokhasẹ khi aa mhue umhagueli. Elemhi e bi e. Abo e sha e, ni o re e yila. A gbolo nono ni a so ingme shi ode igesikia! A rokhasẹ khi aa mhọli ashini a te rielle oni ingme do-a, eghẹghẹ kpa.

¹² Irarigho, ini mhi ririe keke ebe ogho ghi e, ọa khi irari eni e li ingme wekhi irari eni e li ingme. Ama eri mhi keke ebe ona ghi e, ni a ba me abi ingme oyanye o li mu e egbe odalo oyi Eshinegba.

¹³ Enana nya e ri udu shi anye o.

Abi o li ri irudusho na anye, igho egbe ma mu anye abi anye ro me abi iTatosi o li ghele, itobo ayemhe oyoli o ti nge abi ee nya a ri egbe mu o li.

¹⁴ Mhi kpe re e tono obo udu khasẹ iTatosi, ama aa ri omama mu mhe. Abi emini anye gueye e nya e li khi igesikia, igho abi anye ree gha khasẹ iTatosi o li ya khi igesikia.

¹⁵ Igho inono ni o mhọli na e o li nga shi o, ini oo sato abi a li suo eso na li, ali abi a ri ulishi ali iguomhise-egbe mie loli.

¹⁶ O ma remhe ghele gba khi eni e ze ri egbe e nga a khi.

8

Abi eni e miesuo e lie somhopfa

¹ Inyoghuo, anye e nono ni a lese afu ni Eshinegba o ro na igbaa nya eyi eni e mie iJesu iKirisiti suo ni e la eke iMasidonia.

² Eri a rote osoli ni e me mu we fe bino, ama eri e kie ri ukpokpomhi oghelẹ e somhopfa, abi o rie khia khi e mhue.

³ Mhi gue o li e ye e egbegbo khi eri e pfue elemhi somhopfa dose ashini e mhue ramhi.

⁴ E lema anye, anye kpekpe anye ze ni wewe e mhọli okemhi shi oghelẹ ni o la irikpaghio bo na egbo eyi Eshinegba ni e la eke iJudia.*

⁵ Eri e ga rielle dose abi anye sa khi e li ya rielle. E kpe te odode ri egbe we na Onomhue, neni e ke ri egbe we na anye abi Eshinegba o nono ni e li rielle.

⁶ Irarigho, anye ro lema iTatosi, oni o re e bele oni egbegbi akanya ona, o kpaghie e ni a ri eminete ni a gba eke le ramhi ukpese.

* 7:5 Li ze 2 iKori 2.13 * 8:4 Li ze iRom 15.26

⁷ Eri a guē ɛ riēle emhikpa doşē ɛgboşese nya. A toto irudunga nē, a guē ɛ ngme emuē nē, a gbo leşē nē. A ma nono ni a rue obo-a, a gbo nono ingme oyanye nē. Zobe ni u doşē ɔgbokpa okpokhe ilili.

⁸ Oa khi itoto mhi ro mhese ɔli na ɛ ama eri mhia mhese igesikia ni o la inono ni a mhɔli bino, abi mhi li roli ɛ khokho omuege ni ɛgboşese e mhɔli na anye.

⁹ A leşe abi okhale oyi iJesu iKirisiti Onomhue oyawa o li, khi aboriekhia khi ɔni ɔ pfue ɔ khi, eri ɔ ri egbe ɔli mele ɔna umhame-a shi itobɔ oyē ɛ, ni ɔ mē asha ri umhame oyoli rē ɛ pfue.

¹⁰ Ude ni mhi ya ye ɛ ena, ni o ro ti ɛ egbe lo: O ma ti ini isomhopfa ni a te eke bele aoulupe ni a roli ramhi ukpeşe, abi a li kpe te odode khi eni e mhɔli ɔghuemhe somhopfa, ni e gbo somhopfa.

¹¹ A zobe ni a pfuse oni akanya gbe pfo, ni abi o li te eke mu ɛ egbe ni a ro somhopfa, ni a ligo somhi oni opfa abi abo e tē ɛ.

¹² Emini a mhɔli ɔa mu Eshinegba eloe. Emini o mu eloe khi abi a li mhɔli ɔghuemhe ni a rote emini a mhue somhopfa, ɔa khi oni aa mhue, áá bino.

¹³ Oa khi eri mhia mie ɛgbɔ eghuo itsua shi eke ni mhi ro ri itsua na ɛgboşese tsua. Ama ni a ga li abeghuo.

¹⁴ Aborokhia khi a mhɔli gbeku ɔ memena egbo, o ti ni a kpaghie eni ɛa mhue obo. Ini wewe e ke li mhue gbeku ɔ elelese, ni ɛ ɛ aa ke ro mhɔli, wewe e li kpaghie ɛ obo, ishego o guē ti ɛ egbe abeghuo.

¹⁵ Abi a li keke ɔli shi Ebe-no-pfuase khi,

“Oni ɔ ti ɛ gbili

ɔa ya tigbe mhɔli gbeku ɔ,

ama ɔni ɔ ti ikukuwe gbili,

emhi khoghuo

ɔa tigbe ɛ baliku.”†

A ghie iTatōsi je iKoriti

¹⁶ Mhi kphemhi na Eshinegba ni ɔ li ri omuege onabi mhi mhɔli na ɛ, shi iTatōsi udu.

¹⁷ Irari khi ɔa khi eri ɔ leşe lama shi emini anye lema li ɔ riēle tse, ama eri o she kpe la li udu khi lole ɛ bhale deba ɛ.

¹⁸ Anye li ghie inyoghuo ɔoghuo deba li ɛ bhale. Ogbɔ ni a ga lolo mu ekpe ɛ na elemhi igbaa oyi eni e mie iJesu iKirisiti suo nya shi akanya itsabɔ usomhi onete oyi Eshinegba ɔ khi.

¹⁹ Oa khi ogbo tse, eri ni igbaa nya eyi eni e mie iJesu iKirisiti suo, e ze ɔli ɔ deba anye kia abi anye li tsua eni isomhopfa ikpagho ni anye ro ya na ɛ kia. Ikhi ikpaghiobo ni e ya ri ikueghie ghi eva oyi ɔni Onomhue, ni o rokhasē khi anye mhɔli omuege ro ɔ kpaghiobo.

²⁰ Anye ɛa nono ni ɔgbokhoghuo ɔ mē emhi akhokhomhe okhoghuo gue shi abi anye li ri isomhopfa ikpagho okpokhe ena kia.

²¹ Emini o ze khi anye lina riēle ɔli khi, eri anye rosheka ni anye rokhasē khi anye guē ri eni isomhopfa ikpagho ena kia. Oa khi odalo oyi Eshinegba tse ama li shi odalo oyi ɛgbɔ nya.‡

²² Anye gbo li ghie inyoghuo olese ma aava ena egbe ɛ ghi ɛ. Anye she mu ɔli fe itingmingme, anye mē ɔli mē khi ɔ ma nono ni lole kpaghie obo. Eena o mema ghole ɔli ɔ ro kpaghie obo, eena ni ɔ she mē khi eni a ri egbe ɛ nga a khi.

† 8:15 Li ze Okiali 16.18 ‡ 8:21 Li ze Ekpi 3.4

²³ ITatōsi ɔnuzava oyemhē ali oni anye ga a gbe akanya kugbe ɔ khi, ama inyoghuo awa enekpole, etoeloli igbaa nya eyi eni e mie iJesu iKirisiti suo, ni e ri ufumhi na iKirisiti.

²⁴ Irarigho, a ri inono oyeē khase eni egbo ena, ali emini o ze ni anye ro ree a gha, ni igbaa eyi eni e mie iJesu iKirisiti suo e me oli.

9

Ikpaghiobo ni a ro na egbo eyi Eshinegba

¹ Mhi aa kha ke gbo keke ingme ikpaghiobo ni a nono ni a ro na egbo eyi Eshinegba ni e la eke ifudia shi ebe ghi e.

² Mhi lese khi ɔ ghole e ni a ro kpaghiē obo, mhi gbo roli ree e neta omose khase egbo na obini iMasidonia, khi aolukpe, ee ni a la Akhaya a te muegbe ni a ro ya kpaghiē obo, ali khi omuegbe oyeē o she li guise egbo eghuo le, ni e ro li riele ikpaghiobo.

³ Ama eri mhi ghi inyoghuo awa ena ghi e ni a ro mu egbe shi eke, ini eta omose ni anye re e na shi isomhopfa ni a somhi, o khi li abi afue ni anye re e na eta omose, ama ni o kie khi abi anye e khi a li.

⁴ Irari khi ini onge iMasidonia okhoghuo o deba mhe bhale, ni aa ro mu egbe shi eke, omama o ya mu anye shi abi anye li ligho beshi regbenga e ree neta omose. Ee omama o ya mu ne.

⁵ Lolli o ze ni mhi ro ghie eni inyoghuo awa ena ralo na mhe, ni e ya muegbe isomhopfa okpokhe oyi ukpagho, ni e khi a ya ro bhale shi eke neni mhi bhale. Eghēghe agho ni a rokhasē khi eri o pfo e udu li oni okpokhe ni ɔa khi oyi ichiobo.

⁶ A sato khi oni o chi-obo ri emhi ko khi ukuku o ya me khiese. Oni o ri emhi ko tuo, emini e bu o ya me khiese.

⁷ Ogbogbo o ri irarigho ke rona abi o pfo oli udu, ama o khi ri iwolo rona, ali o khi li abine khi oni a ri ekpabo re e riele, irari khi Eshinegba o ma nono oni o ri oghēle e rue obo-a.

⁸ Eshinegba o dobe ya ri ikhivose ni o dose oni a nono na e, ni a ro bhale ya e khi a mholi emhikpa gbeku o dose abi a nono oli shi, ni a ro dobe ke riele eminete khi eminete na egboese eghēghe kpa.

⁹ Ezeze abi a li keke oli shi Ebe-no-pfuase, ni ɔo,
“O li okpokhe tuo tuo,

o somhi eni ea mhue opfa,
ogbo ɔa ya yele
igue-ngeli oyoli-a ghue
agboagbo.”*

¹⁰ Eshinegba ni o ri ukpamhi e na ogbo ro ko, o gbo ri eminale na ogbokpa a le. O ya gbo ri ikpamhi ni a ro o ko ghi e, o gbo rewe ze, o rewe fu ni a me khiese. Ishēgho ni onete ni u riele na egbo o mo umomhi ne, ni u pfa le.†

¹¹ O ya re e pfue odekhode ni a ke li okpokhe eghēghe kpa, ni ebubu egbo e ke kphemhi na Eshinegba ini anye tsua isomhopfa eye ghi we.

¹² Oni ugamhi ni a lina ri okpokhe oyeē ona ga ena, ɔa khi egbo eyi Eshinegba na pfa na tse o kpaghiē obo, egbo ebubu e ri itobo ona a kphemhi na Eshinegba.

¹³ Eri akanya ni a gbe na egbo eyi Eshinegba o ri ufumhi na Eshinegba, o rewe kueghie Eshinegba. Ona o rokhasē khi eni e mie usomhi onete oyi iKirisiti suo a khi, ni a ri oni usomhi gbe akanya, abi a li li okpokhe na we ali egbo elese.

* 9:9 Li ze Iwolo 112.9 † 9:10 Li ze Aza 55.10

14 Inono ni e roṭe ekelemhi udu mhōli na ẹ, e te ẹ sọ iromhi na ẹ, itobọ ikhivọṣe ni Ẹshinẹgba ọ rẹ ẹ khivọṣe na wẹ.

15 Awa ke kphẹmhi na Ẹshinẹgba shi isomhopfa oyọli ni unu ọa doḅe ngme pfo.

10

IPọlu ọ ri akanya aghiusomhi oyọli lo ẹgbọ eso

1 Eri a rọli shi khi eri mhia pfo ini mhia la odalo oye ẹ nu ẹ ngme, ama ini mhia aa nu ẹ migha, mhia nu ẹ ẹ ngme ingmemhi ni e ze. Mena, mhia lema ẹ a ri esọ shi mhe eke, irari khi egbegbi iKirisiti luẹ ọ, ọna ipfomhe ali ikuegbe-a ọ khi.

2 Egbọ eghuo ẹ liẹ khi eri mhia ngeli abi ẹgbọ na agbọ ẹẹ li. Irarighọ mhia ya ri uruli ni o zẹ nu wẹ ngme emini mhia nu wẹ ya ngme ini mhia bhale. A kpekpe a khi yese mhe lighọ ngeli deba ẹ.

3 Irari khi ini o ri riẹ khia khi elemhi agbọ anye la, anye ẹa ya khọli abi ẹgbọ na agbọ e liẹ khọli.

4 Irari khi itsua okhọli eyanye, ẹa khi eni áá mẹ alo gbugbugbu, ama obọ oyi Ẹshinẹgba e te bhale. E mhọli itoto ni e rọ doḅe ẹ guoghọ ekpabọ itoto oyi ọkphaghie-a. Anye ẹ guoghọ ekhako-a,

5 ali isamhi ighagha nya-a, ni ẹ khi ọzuode, ni e ti egbewe nga a doṣe ilẹṣe eyi Ẹshinẹgba. Anye ẹ mu isamhi ebe nya iko, anye rẹwe ẹ nyese ukhomhi na iKirisiti.

6 Anye mu egbe ni anye rọ ya na umha-sueso nya osoli ini isueso-negbe oye ẹ o gba se.

7 Ọa khi abi emhi o li ọdagbe a liẹ bino ọli? Ọngẹ ẹ okhoghuo ọ la ọ ni ọọ lu egbọli onayi iKirisiti, ọ gbo sa ingme egbọli bino, irari khi oyi iKirisiti anye li khi abi lọli ọli khi oyi iKirisiti.

8 Omama ọa ya mu mhe shi ọ, ini mhia riẹ tono obọ udu doṣe ode shi afu ni Ọnọmhuẹ ọ rọ na mhe, mhi rọ kpaghie ẹ obọ, ni ọa khi oni a rọ yese ẹ.

9 Mhi aa nono ni mhia li abine khi eri mhia ri ebe ni mhia keke ẹ nyamhise ẹ alo.

10 Irari khi eri ẹgbọ eghuo ẹ liẹ khi, ebe eyi iPọlu e ma khọ doṣe, ama ini ọ nu awa la ana ọ pfo-a, ingmemhi eyọli ẹa ke mu ame.

11 A ze ẹgbọ eghoghọ leṣe khi emini anye keke shi ebe ini anye ẹa la aghọ, khi wẹwe anye gbolo ẹ riẹle, ini anye bhale migha.

12 Anye ẹa gbuda ya ri egbe anye khokho eni ẹẹ titi egbe wẹ. Irari khi eni eri e ri egbewe mhesẹ egbewe, ni e ri egbewe khokho egbewe, eyeghe e khi.

13 Ama anye ẹa ya tono obọ udu da ode, ama ashini Ẹshinẹgba ọ ri afu na anye ramhi anye ya tono obọ udu ramhi, ikhi akanya ni anye gbe ni o ramhi ẹ egbe.

14 Anye ẹa ya titi egbe anye doṣe ashini anye kha titi egbe anye ramhi, irari khi anye e mema rue usomhi onete oyi iKirisiti bhale ghi ẹ, ni a ga leṣe gboo.

15 Anye ẹa ya ri ikanya ni ẹgbọṣe e gbe ke tono obọ udu abine khi anye gbe wẹ. Ochoghọ eri anye ri udu shi khi irudunga oye ẹ o ya ke nga shi ọ, ni anye gbo doḅe gbe akanya ni e fune iteva oye ẹ, abi Ẹshinẹgba ọ mhesẹ ọli ni anye.

16 Ishegho ni anye doḅe tsabọ usomhi onete obini eke oboese ni o kpẹ obọ na ẹ, ini anye khi tigbe ri ikanya ni a gbe oboese tono obọ udu.

17 Ọni ọọ tono obọ udu, ọ ke ri emini Ọnọmhuẹ ọ riẹle tono obọ udu.*

18 Irari khi ọa khi ọni ọ ti egbe ọli nga ẹgbọ ẹẹ mie khi ọ ti, ama ọni Ọnọmhuẹ ọ mie, ọ khi oni a mie.

* 10:17 Li ze ijere 9.24

11

IPolu ali ighiusomhi na keę eyi egbhọli

- 1 Mhi lema ẹ a kpepeke a rosheka ri egbe mie oyeghe oyemhe ukuku o tse!
- 2 Ingme oyeę o ma mu mhe egbe gba abi o li mu Eshinegba egbe, itobo khi eri a li abi omueshi ni ọa me omose ghue, ni mhi she ro nga na omose oghuo, ikhi iKirisiti.
- 3 Ulishi ọọ mu mhe ini a ya yese ẹ udu-a ali khi a ya tsua inono na tselele ni a mhọli na iKirisiti pfia, ezeze abi enye o li ri ikpamhika eyoli di Iivu.*
- 4 Irari khi ini ogboese o bhale deba ẹ ya ri iJesu olese tse abo ye ẹ, ni mhia ro tsabo ye ẹ ghue, okekha khi ayemhe olese ni o khi ọda shi oni a kpe mie, a ke mie, okekha usomhi onete olese ni o khi ọda shi oni a kpe mie a ke mie, eri a mema nyanya mie oli.
- 5 Mhi aa sa khi mhi kpọ dose ighiusomhi na keę ena aakeme ghue eye ẹ ni e ghọ mu ẹ elo egho.
- 6 Ini o ri rie khia khi ungmehi ọa lolo bie shi mhe unu, mhia khi oni ọa lese ebe. Anye she ri ona lo ẹ eso gboo, odekhode.
- 7 Eri mhi ri ona lamhe ni mhi aa roọ khi oki nga ẹ ike abi mhi ro gue usomhi onete oyi Eshinegba ye ẹ? Ni mhi ro ri egbe mhe tiemhie eke ni mhi ro re ẹ fu?
- 8 Igbaa nya eyi eni e mie iJesu iKirisiti suọ elese ee fali mhe ota abi mhi ro la iteva oye ẹ gbe akanya. Mhi mie we ro zuse na ẹ.
- 9 Abi mhi ro la aye ẹ, mhi aa ri ingme ukpagho nase ẹ, inyoghuo awa ni e rote iMasidonia bhale e tsua emhikpa ni mhi i nono ghi mhe. Abi o kpe li ookokho, ni mhi aa kpe ri itsua na e tsua igho o kie ya li odalo.†
- 10 Ini igesia oyi iKirisiti o da kie la mhe egbe ne, ogbokhoghuo ọa la o ni o dobe ya khu mhe mhi khi ke lina tono obọ udu elemhi eke Akhaya.
- 11 Ọa khi eri mhi aa nono ingme oye, ini mhi ke da lie khi mhi aa nono ni mhi ri itsua na ẹ tsua. Eshinegba o lese khi mhi nono ingme oyeę.
- 12 Mhi ya kie ke riele emini mhi kie kpe riele. Eghẹghẹ agho, eni ẹ nono ni wewe e lie khi ikanya eyewe ali eyanye khi abeghuo e li, ni mhi roli khi we unu-a.
- 13 Emose eghogho, ighiusomhi na keę eyi egbhọli e khi, ni e ri ikanya ni ẹ gbe ẹ lono egbhọli, ni ẹ li egbọ ikokoalo, ni e ri egbe we shi khi ighiusomhi na keę eyi iKirisiti wewe e khi.
- 14 Ọa ke khi emini aa khokho, irari khi eri okphaghię o ri egboli mele aęeni oyi akpa a li egbọ ikokoalo.
- 15 Irarigho, ọa khi emhi oshabo ini ighiusomhi eyoli, ẹ li ikokoalo ri egbewe mele ighiusomhi ni e migha shi ipfuase. Ikpukhokho, e ya me iso-ezo oyewe mie.
- Osoli ni iPolu o me na iKirisiti*
- 16 Mhi gbo ngme oli, ogbokhoghuo o khi sa khi oyeghe mhi khi, ama ini u ke ligho sa, kie ligho mie mhe abi oyeghe, ni mhi me emhi ro ke neta omose.
- 17 Ama ọa khi emini Onomhue o kha lie mhi ngme mhia ngme memena. Eri mhi ga ngme abi oyeghe elemhi ingme ineta omose ona.
- 18 Aborokhia khi egbese e ri emini e riele ẹ neta omose egho, mhi ya li lana ligho.
- 19 Ilesingme dose oyeę o ze ni a ro ri oghelę mie eyeghe shi iteva oyeę ena!
- 20 Egbọ ni ẹ mu ẹ ighumha, ni e ri ikpamhika do ẹ ighiato, ni e reę le emhi, ni e ri ukpeloe e gbe ẹ e gbo pfi ima shi ẹ alo, wewe aa mie.

* 11:3 Li ze Igbae 3.1-5,13 † 11:9 Li ze iFili 4.15-18

21 Omama o khi, ni mhi rọ liẹ khi eri anye pfo alo-a, ni anye a rọ lina ngeli deba ẹ.

O kha khia khi onete o khi ni eni ighiusomhi eyi ẹgbhọli egho e rọ ke neta omose shi emhi afue ni ẹẹ riẹle deba ẹ, mhi ya li nu we la ana neta omose. Ama a rọli shi udu khi ogbọ ni oọ neta omose shi angeli oghoghọ, khi ooyeghe o khi.

22 Ghe khe, e khe khi Iburu wewe e khi, Iburu mhi li khi, ẹẹ khi iZireni wewe e khi, iZireni mhi li khi. Imimi Aburaamu ni e khi, lolu mhi li khi.

23 Ighiusomhi eyi iKirisiti ẹẹ khi wewe e khi? Mhi la ana ya li oyegehe! Mhi ga ti dose we e! Mhi ga gbe akanya dose we. Mhi la owa ighumha itingme ni e bu ne, iti-ingme ni a gbe mhe itali e bu dose eyewe. Iti-ingme ni eghuli o kha gbe mhe e bu ne.‡

24 Agbhagbhamhi ishe egbo iJu e gbe mhe itali oghuo ọa la egbhueva.‡

25 Itese egbo iRomu e gbe mhe ikpokpo, a tono mhe eche utoghuo. Itese oko oko oniemi ni mhi lo e kulue, ogbeleghuo ali eliyose nya mhi la ukhomhi oko oniemi, ni o tsua mhe gasẹ, ni mhia me abi mhi li kia.*

26 Iti ingmi-ingme mhi ye asha, ni mhi kha ri egbe na oko oniemi ali ighiatọ gbe-a, mhi gbo la okhe na oyi egbo iJu eyemhe, ali ijeta. Mhi li la egbegbi okhe na elemhi ifui apfe, mhi la okhe na odagbe ifufu, mhi la okhe na ukhomhi oko oniemi, mhi gbo la okhe na oyi egbo eghuo, ni e li abi eni e mie Onomhue suo.†

27 Eghẹghe kpa mhi rọ la irosheka ali akanya agbeghua, mhia me olesẹ lesẹ ẹle-iyose eni e bu, okiamhi ali okiamẹ o gbe mhe. Eminale eyemhe e pfo mhe isheghuo, isheghuo ulili o gbe mhe, mhi aa me itsua so.

28 Ini a ri obo ri egho shi eke, ogbelekpa usamhi ni mhi sa shi ingme oyi igbaa nya eyi eni e mie iJesu iKirisiti suo o rọ nasẹ mhe.

29 Oghuo o famhi losẹ ni ọa li pfi ọlọsemhe na mhe? Abi khi ogbokhoghuo o lamhe olamhe ni ọa ri egbe lala mhe?

30 Ini mhi riẹ neta omose, emini e ri ọlọsemhe oyemhe ya khasẹ mhi rọ ya neta omose.

31 Eshinegba ita Onomhue iJesu o lesẹ khi ọa khi egbhọli mhia lo. Ikhivose khi eva oyoli agboagbo

32 Abi mhi rọ la ẹoli iDamasikosi, eri igovunọ ni o gbe akanya deba oghie Arẹtasi o ri idogeli kpe khe mhe ode unuekpe ni a te lo oni ẹoli, ni e ba gba mhe mu.

33 Ama eri ogbọ rue mhe pfilo ugi rote okele ni o la ugbe ni a khi gasẹ oni ẹoli be na tiemhi, ni mhi rọ me asha na vu.‡

12

Irokhase ni iPolu o me

1 Mhi ya kie ke neta omose, ama, mhi lesẹ khi ọa mholi eleli ni o rọ o bhale. Irarigho ingme imeke ali irokhase ni Onomhue o rọ na mhe mhi ke ya ke ngme nga memena.

2 Mhi lesẹ omose oghuo ni o la elemhi iKirisiti ni a rue je idane agbhagbhamhi onuzi-ese, oonokpe-igbene. Ini elemhi idiegbe o la o, ini ọa khi elemhi idiegbe o, mhia lesẹ. Ama Eshinegba o lesẹ.

3 Abi mhi ngme, mhiẹ khi Eshinegba tse o lesẹ ini elemhi idiegbe o la, ini ọa la elemhi idiegbe.

‡ 11:23 Li ze Ika 16.23 § 11:24 Li ze iDeut 25.3 * 11:25 Li ze Ika 16.22; 14.19 † 11:26 Li ze Ika 9.23; 14.15 ‡ 11:33 Li ze Ika 9.23-25

4 Eri a rue ọli eke-a zai, ya nga Apfe oyi Eshinegba na iloghie. O suọ emini ẹa ze ya guele, ni aa ya lama shi a gbudu ngme unu le.

5 Oni omose ogho mhi ro ya neta omose. Ama mhia ya ri egbemhe neta omose, see ni umha mhuẹ ekpabo oyemhe.

6 Ini mhi ri rie neta omose, mhia ya riẹle ingme oyeghe, itobo khi igesikia mhia ngme tse. Mhi ya rosheka ini mhi khi ngme da ode. Eghẹghẹ agho ongẹẹ okhoghuo ọa ya timhe nga dose abi a kha timhe nga ramhi, rote emini a me khi mhi riẹle ali emini a suọ khi mhi ngme.

7 Eri a ri emini o li abi ugba ni o ya ke nase mhe shi mhe egbe ni o khi aghiusomhi oyi okphaghiẹ, ini mhi khi vuse ike dose shi irokhasẹ ebubu ni mhi me.

8 Itese mhi lema Eshinegba o mie mhe oni emhi anasemhe ona pfi-a.

9 Ama emini o ro so mhe o khi, “Ekpabo eyemhe o she bu ẹ, irari khi ini o lose, lolu ekpabo eyemhe e ro me asha ri egbe ẹ khase.” Irarigho mhi ro ri oghẹle ri olosemhe oyemhe ya neta omose, ni ekpabo eyi iKirisiti e me asha remhe gbe akanya.

10 Ini mhi mhuẹ olosemhe, ali ni a ro tsue mhe, ali ni mhi ro la umhamẹ ali ni a ro mu okholi vule shi mhe o, ali ni mhi ro mholi iyese-udu-a, o kha da khi itobo oyi iKirisiti, eri o ri egbe ẹ mu mhe. Irari khi ini o lose mhe, lolu mhi ro mholi itoto.

Ingme oyi egbo iKoriti o mu iPolu egbe

11 Eri mhi chi oyeghe-a, ama ẹẹ a yese mhe ẹ chi ọli-a. Eẹ a kha ke titi mhe. Ini mhi aa ririẹle khi emhi khoghuo, mhia mhuẹ emhikhoghuo ni mhi te kpọ dose eni a lui, “Ighiusomhi na keẹ ena aakemeghue.”

12 Elemhi iregbemie osoli, mhi ro la iteva oyeghe gbe riẹle ọlele onyaloa ali oshabo ni o rokhasẹ khi aghiusomhi na keẹ oyi iKirisiti mhi khi.

13 Eri ikhivose ni igbaa nya eyi eni e mie iJesu iKirisiti suọ elese e me mie o de ẹ unu-a? Abi mhi aa li ri ingme ikpaghiobo ukpagho nase ẹ lo? A kpekpe, a ro topfa mhe shi o.

14 Utonuzese na ni mhi ro mu egbe ni mhi ro bhale ya bino ẹ. Mhi aa ya mhila ẹ emhi khoghuo. Eẹ oyeghe mhia nono, ọa khi ukpagho oyeghe. Ọa kpe khi eniye ẹ ri emhi na eni e bia we ẹ le, ama eni e bia eniye ẹ ri emhi na we ẹ le.

15 Irarigho, mhi ro ya ri oghẹle ri ukpagho ni mhi mholi nya ali mhemhe nya na ẹ, ro kpaghie ẹ obo. Inono onikeke a ya mholi deba mhe ini mhi mholi inono oniemi na ẹ?

16 A lama shi o khi mhi aa khi itsua na ẹ ni aa tsua. Ama egbo eghuo e ya lie khi ikpamhika mhi ro ri egholi di ẹ mu.

17 Eri mhi ri egbo ni mhi ghie ghi ẹ mu ẹ ma eke?

18 Eri mhi lema iTatosi o ke le, mhiye inyoghuo awa onokpole o kphase ọli. Eri a ya lie khi eri iTatosi o mu ẹ ma eke? Ọa fe ligho. Abi khi aa lese khi usamhi oghuo mhemhe ali lolu anye mholi shi udu ni anye ro riẹle emini mhemhe ali lolu anye ga riẹle?

19 Otse eri a dabi khi eri anye kie kpe rosheka ke khe egbe anye shi eke odalo oyeghe. Ọa khi igho. Ama abi iKirisiti o nono ni anye li ngme, anye li odalo oyi Eshinegba. Emole, eri anye riẹle emini anye riẹle nya ro kpaghie ẹ obo.

20 Egbe limhe khi ini mhi ramhi agho khi mhia ya bhale ya me ẹ shi abi mhia nono ni a li, ali khi aa ya me mhe abi a nono ni mhi li. Ulishi o mu mhe khi mhi ya bhale ya ẹ shi uwola ali ubogbo, ali udu ni ọo to, ali ukphe, ali ikemhi ikui-iku, ali iyese egbe eva-a, ali ineta, ali itipfuabo-nga, ali ozughu iteva oyeghe.

²¹ Egbe limhẹ khi ini mhi ke bhale, khi Ɛshinẹgba ọ ya ri omama mu mhẹ odalo oyẹ. Mhi ya viẹ na ebubu ẹ ni ẹa kie rọte agbọ olamhẹ oyẹwẹ mupfi lasẹle. Ni a kie la angeli efiala, ikhi usamhi irumheba, ali olamhẹ ighuẹ imumu.

13

Itse-agua ali otse enekpukhokho

¹ Utonuzesẹ na ni mhia bhale ya bino ẹ. Abi Ebe-no-pfuasẹ o ngme ni ọọ, “Ọtsele eva, okekhi esẹ, a rọ ọ mu ma ingme, ni a rọ sọ ẹzo.”*

² Mhi kpẹ tse agua yẹ ẹ, ẹẹ ni a kpẹ lamhẹ olamhẹ, ali ẹgbọese eni e kpọle nya. Mhi kpẹ ngme ọli ibhale onuzi-eva oyemhẹ. Memena, mhi gbo ngme ọli abhi mhi la oboese, mhi tse agua khi ini mhi gbo bhale khi mhi aa ya zẹ wẹ obo khi mhi aa na wẹ osoli.

³ Onana o ya rọkhasẹ ẹ khi iKirisiti mhi ngme ẹ na. Ini ọ sesẹ ẹ ingme se, a rọ ya lesẹ khi ọ mhọli ekpabọ iteva oyẹ.

⁴ Ini o ri riẹ khia khi ọa mhue itoto abi a rọ tali ma apfida gbe-a, ekpabọ oyi Ɛshinẹgba ọ rọ a la agbọ. Eri awa aa li mhue itoto abi iKirisiti. Ama a ya mẹ ọli khi anye ya ri ekpabọ oyi Ɛshinẹgba la agbọ, ẹzẹzẹ abi iJesu ọ li, ni anye rọ ga ẹ.

⁵ A mhẹse egbe ẹ bie bino ni a mẹ ini a kie la elemhi irudunga oyẹ ẹ. Ini a mhẹse egbe ẹ bino ni a rọ mẹ khi iJesu iKirisiti ọa la agbọ oyẹ, a lesẹ khi a she de oni imhesebino.

⁶ Mhi lesẹ khi a ya mẹ ọli mẹ khi anye ẹa de oni imhesebino.

⁷ Anye lema Ɛshinẹgba, a khi riẹle dọ-a. Ona ọa khi ni anye rọ rọkhasẹ khi anye she mẹ emini anye ẹ nono mu mhue, ama ni o rẹ ẹ ke riẹle emini e gbe akanya ini anye riẹ li abi eni de.

⁸ Irari khi anye ẹa ya riẹle emini o mu okhọli vule shi igesikia ọ, ama emini o ya mu igesikia mhue anye ya riẹle.

⁹ Egbe ma mu anye, ini o losẹ anye ni ẹẹ a rọ mhọli itoto. Ighọ anye gbo liẹ sọ iromhi Ɛshinẹgba ọ rẹ ẹ ke ngeli shi ẹghẹghẹ, abi ọ nono ni a li ke ngeli.

¹⁰ Lọli o zẹ khi mhia keke ebe ona abi mhia rọ nu ẹ la oobo ena. Ighọ lọ, ini mhi khi rọli ze mu ẹ, ini mhi bhale deba ẹ. Irari khi eri mhia nono ni mhi ri afu ni Onomhẹ ọ rọ na mhẹ gbe akanya, ni mhi rọ kpaghie ẹ obo, ni ọa khi ni mhi rọ bighi ẹ de.

¹¹ Ni mhi rọ gbe ọli ukhomhi inyoghuo-mhẹ, Okhila! A mu udu oyẹ ẹ pfi, a suọ olema oyemhẹ, a lama shi egbe ẹ ọ, a ri opfomhẹ nu egbe ke la. Eghẹghẹ agho ni Ɛshinẹgba na inono ali opfomhẹ ọ nu ẹ la.

¹² A ke tse egbe egbegbi otse, a ghele mu egbe.

¹³ Egbo eyi Ɛshinẹgba nya ẹẹ tse ẹ.

¹⁴ Okhale oyi iJesu iKirisiti Onomhẹ, ali inono oyi Ɛshinẹgba, ali iregbemu onayi Ayemhẹ-no-pfuasẹ, e ka nu ẹẹ nya la.

* 13:1 Li zẹ iDeut 17.6; 19.15

Ebe ni iPölu o keke ghi egbo IGalesha Eni e miesuo

¹ Mhemhe iPölu aghiusomhi na kee ni o'a khi obö oyi egbo mhi te bhale, wekhi obö oyi ogbo a te ghie mhe, ama obö oyi iJesu iKirisiti ali Eshinegba Ita ni o rote eghuli guise öli le mhi te bhale, mhemhe mhi keke ebe ona.

² Mhemhe ali inyoghuo ni e miesuo nya ni e nu mhe la, anye ga tse igbaa nya eyi eni e mie iJesu iKirisiti suo ni e la öli iGalesha nya.

³ Eshinegba itawa ali iJesu iKirisiti Onomhue oyawa e ka li okhale na e, e ri opfomhe na e.

⁴ Löli o ri egböli bhale shi iluasobo shi olamhe eyawa ni o ro pfa awa shi eke agbo okhölö ali agbo ingmobe ni awa la ena abi o ghöle Eshinegba oyawa ni o gbo khi ita awa.

⁵ Löli a ri ufumhi ya na ya ramhi ele na agboagbo. Atse.

Usomhi onete olese o'a ke la o

⁶ Abö e sha mhe khi a she gbe kie öni o rote isomhelemhi oyi iKirisiti lu e, a mu egbe nyene e deba usomhi onete olese ni o khili öda,

⁷ ni o khia khi e'a fe ga khi usomhi onete. O rokhase khi egbo eghuo e she pfi e lo ömunu ali khi ee dua ni e mu usomhi onete oyi iKirisiti ukhomhi pfi kpöke

⁸ Ama ini otseku khi aanye, okekhi aöeni ni o rote iloghie tiemhile, o ya gue usomhi olese ye e ni o khi öda shi oni anye kpe gue ye e, a ze ni a rue öli shi ogbo ni a she pfa ezö mu je ilimhi iriere.

⁹ Abi anye kpe ngme löli mhi gbo riele ngme memena, khi ini ogbo o bhale ya gue usomhi onete olese ye e ni o khi öda shi oni a miesuo, öni a pfa ezö mu o pfua agboagbo o khi!

¹⁰ Eri mhia nono ni egbo e ba mie shi mhe o abi khi Eshinegba mhia nono ni o mie shi mhe o? Abi khi egbo mhia nono ni mhi ri egbe mu? Ini o khia khi egbo mhi kiele a nono ni mhi ri egbe mu lö, mhi aa kha khi aghiusomhi oyi iKirisiti.

Eshinegba o lu iPölu

¹¹ Mhia nono ni mhi gueye e inyoghuo-mhe khi usomhi onete ni mhi ro o tse abö o'a khi obö oyi ogbo o te bhale.

¹² Mhi aa rote obö oyi ogbokhoghuo mie öli, wekhi eri a sese mhe lue. Ime-alo mhi te mie öli rote obö oyi iJesu iKirisiti.

¹³ Irari khi a she kpe suo mhe eko abi mhi ro la ugamhi oyi egbo iJu, abi mhi li lolö rosheka e mu okhölö vule shi ena igbaa oyi eni e mie iJesu iKirisiti suo oyi Eshinegba o. Mhi rosheka ini mhi yese imiesuo oyewe-a.*

¹⁴ Mhi fu shi oni ugamhi egbo iJu döse ebubu egbo ni anye la otu oghuo, ali mhi mhöli ömuegbe shi ishi eyi eni e bia mhe.†

¹⁵ Ama abi Eshinegba ni o rote eke ze mhe kee neni inyemhe o bia mhe, ni o lu mhe rote okhale oyöli. Egbe mu öli khi

¹⁶ o ri omiöli khase mhe ni a bhale ya e khi mhi ri öli tsabö ifuabö egbo iJeta. Mhi aa vu ya mhila ogbokhoghuo,‡

* 1:13 Li ze Ika 8.3; 22.4-5; 26.9-11 † 1:14 Li ze Ika 22.3 ‡ 1:16 Li ze Ika 9.3-6; 22.6-10; 26.13-18

¹⁷ wɛkhi eri mhi je ɛoli iJerusalemu ya mɛ eni e khi ighiusomhi na kɛɛ, neni ɔ zɛ mɛɛ, ama eri mhi je ekɛ Arebia ali mhi tigbe nyenɛ egbe jele ɛoli iDamasikosi.

¹⁸ Abi ikpe esɛ e rɔ dɔsɛ se, mhi rɔ tigbe nga iJerusalemu ni mɛmɛɛ ali iPita anye lɛsɛ egbe, mhi nu ɔli la ogbɛlɛ igbɛshe. §

¹⁹ Mhi aa mɛ aghiusomhi na kɛɛ ɔlese sɛ khi iJemhisi ni ɔ khi inyoghuo Onomhue.

²⁰ Mhia gueye ɛ ukpɛloe Eshinɛgba khi emini mhi kɛkɛ ɛ ghi ɛ ɛa khi ɛgbhɔli.

²¹ Elɛlese, mhi je ekɛ iSiria ali ekɛ iSilisha.

²² Ogbɔkhoghuo ɔa la elemhi igbaa nya eyi eni e mie iJesu iKirisiti suɔ na ekɛ iJudia ni ɔ mɛ mɛ ukpɛloe ghue.

²³ Eko ni e lɛsɛ suɔ khi: “Oni ɔmɔsɛ ni ɔ kpɛ mu okhɔli vule shi awa ɔ, eri ɔ ke tsabɔ oni ungmɛmhi irudunga oni ɔ kpɛ dua ni luɛ yese-a.”

²⁴ E kuɛghie Eshinɛgba itobɔ oyɛmɛɛ.

2

Ighiusomhi na kɛ e mie IPɔlu

¹ Ikpe igbɛne e dɔsɛ, mhi nga iJerusalemu. Utona, iBanabasi ɔ deba mɛɛ. Mhi li gbo rue iTatɔsi.*

² Eri mhi nga obɔ ni mhi rɔ ri imeɔlo ni mhi mɛ gbe akanya, ali ni mhi rokhasɛ wɛ usomhi onete ni mhi rɔ ɔ tse abɔ ifuabɔ ɛgbɔ iJɛta. Ama eri mhi bɛna riɛlɛ ona khasɛ ɛgbɔ ni e khi eni ɛɛ ralo, irari khi ulishi oo mu mɛɛ ini ikanya ni mhi kpe gbe ghue ali ena ikpukhokho eyɛmɛɛ e ya khi afuɛ.

³ iTatɔsi ni ɔ nu mɛɛ kia, aa liɛ khi ɔ mema shɛlɛ-a, abi ɔ tseku khi ɔngi iGiriki.

⁴ Eri ingme oshɛlɛ onana o laselɛ irari khi inyoghuo eghuo ena ɛgbhɔli e bɛna lo anye ifuabɔ, ni e ba mɛ asha guanɔ udi ɛpfua ni iJesu iKirisiti ɔ rɔ na anye, mu anye ighumha.

⁵ Ama anye ɛa tigbe lama na wɛ ukuku ɛghɛghɛ ni a rɔ bhale ya ɛ khi igɛsikia oyi oni usomhi onete o nu ɛ kie la.

⁶ ɛgbɔ eni ɛ bino egbewɛ khi wɛwɛ e mu ɛloe, ɛa mu mɛɛ ɛloe, irari khi Eshinɛgba ɔa mhue ɔni ɔ kpe mɛɛ nɛ, ali khi abi ɔgbɔ li edato ɔa rɔli ɛ gue ɔgbɔ ɛzɔ. Eni ɛgbɔ eghoghɔ ɛa mhue emini e rɔ ma mɛɛ usomhi onete. †

⁷ Ama eri e mɛ khi a she ri akanya itsabɔ usomhi onete ghi ɛgbɔ iJɛta nga mɛɛ obɔ, ɛzɛzɛ abi a li li ghie iPita ghi ɛgbɔ iJu.

⁸ Irari khi abi Eshinɛgba ɔ li nu iPita ɛ gbe akanya abi aghiusomhi na kɛɛ ni a ghie ghi ɛgbɔ iJu, ighɔ ɔ li nu mɛɛ gbe abi aghiusomhi ni a ghie ghi ɛgbɔ iJɛta.

⁹ iJemhisi ali iPita ali iJɔni na lɛsɛ khi wɛwɛ e mu oni igbaa oyi eni e mie iJesu iKirisiti suɔ mhue, e mɛ khi Eshinɛgba ɔ ri isomhopfa na kɛ na mɛmɛɛ ali iBanabasi, e rɔ lama na anye, anye ke tsabɔ oni usomhi onete oghuo ye ɛgbɔ iJɛta. Wɛwɛ e tsabɔ ye ɛgbɔ iJu.

¹⁰ Emini e ngme khi anye ke kpaghie ɛgbɔ ni ɛa mhɔli obɔ, ighɔ mhi li rɔshɛka riɛlɛ ɔli.

IPɔlu ɔ gueye iPita khi ɔa gue riɛlɛ

¹¹ Abi iPita ɔ rɔ bhale Atiɔki, mhi gueye ɔli gboo ghemɛɛ ghe ɛ khi ɔa gue kia, irari khi ɔ lue.

¹² Neni ɛgbɔ ni ijemhisi ɔ ghie usomhi, e bhale, iPita ɔ kpɛ nu ɛgbɔ iJɛta a le eminale kugbe, ama abi eni ɛgbɔ e rɔ bhale, ɔ ti je ukhokho na iJɛta egɔ, irari khi ulishi oyi ɛgbɔ ni ɛ liɛ khi ɔgbɔ ɔ mema sheɛ-a oo mu ɔli.

¹³ ɛgbɔ iJu eni e miesuɔ enekpɔle e li kuma ɔli ɔ riɛɛ ikokoalo, ya ramhi khi oni ikokoalo o li ri iBanabasi kuma wɛ ɔ.

¹⁴ Abi mhi rɔ mɛ khi, ɛa rɔte oɔɛ igesikia abi oni usomhi onete o ngme, mhi la ukpɛloe eni ɛgbɔ liɛ iPita, “Ogbɔ iJu u khi, ama wa ngeli abi ɔgbɔ iJɛta. Elo o zɛ ni u ke rɔ nono ni i ri itoto mu ɛgbɔ iJɛta ke riɛɛ ighuighuɛ eyi ɛgbɔ iJu?”

¹⁵ “ɛgbɔ iJu a bia awa, awa aa khi ɛgbɔ iJɛta ena olamhɛ,” abi a lu wɛ.

¹⁶ Leɛɛ khi aa ya pfa na ɔgbɔ irari khi ɔ ri ushi a gbe akanya, ama itobɔ irudunga iJesu iKirisiti. Ighɔ awa li li ri udu nga iJesu iKirisiti ni a rɔ pfa na awa. ɔa khi itobɔ irushi-gbe akanya, irari khi ɔgbɔkhoghuo ɔa la ɔ ni a ya pfa na irari khi ɔ doɔɛ ri ushi a gbe akanya.‡

¹⁷ “Abi awa liɛ dua ni awa khi eni a pfa na elemhi iKirisiti, eri o rokhasɛ khi ena olamhɛ awa khi. Oghɔ khi eri iJesu ɔ mu ɛ ma olamhɛ? Iiye o, ɔa khi igɔ!”

¹⁸ Mhi kha riɛɛ emini mhi guoghɔ-a rɔkɔ, eri mhi rokhasɛ khi ɔgbushia mhi khi.

¹⁹ Irari khi rɔte ushi mhi te ghu pfa ushi, ni mhi doɔɛ la ɔ na ɛshinɛgba.

²⁰ A she li ta mhɛ ma apfida abi a li ta iJesu ma apfida, ali khi aa ke khi mɛmhɛ mhi ke la agbɔ, ama iKirisiti ɔ ke la agbɔ oyɛmhɛ. Agbɔ ni mhi la elemhi idiege oyɛmhɛ memena, irudunga Omi ɛshinɛgba mhi te la ɔ, ni ɔ nono ingme oyɛmhɛ, ni ɔ ghu-a, ni ɔ ri agbɔ oyɔli na mhɛ.

²¹ Mhi aa ri obɔ gbe isomhelemhi oyi ɛshinɛgba nyɛ, irari khi ini o khia khi itobɔ iri-ushi-gbe akanya ɔgbɔ rɔ pfuasɛ lɔ, eghuli afuɛ iKirisiti ɔ ghu!”

3

Irudunga tsɛ o khi oɔɛ imiepfuɛ

¹ ɛɛ eyɛghɛ ɛgbɔ iGalesha! Oghuo ɔ ri ogbɔ na ɛ le? Ukpɛloe oyɛɛ a la ri iJesu iKirisiti khasɛ gbɔo khi eri a ta li ma apfida.

² Mhia nono ni mhi rɔte obɔ oyɛɛ leɛɛ emhi oghuo. Eri a mie Ayɛmhɛ oyi ɛshinɛgba irari khi a ri ushi gbe akanya, abi khi irari khi a mie emini a suɔ suɔ?

³ Eeyɛghɛ a ghɔ khi? A kha ri Ayɛmhɛ oyi ɛshinɛgba gba ekɛle se, a tigbe ɛ dua ni a ri ekpabɔ ɔgbɔ gbe oni akanya pfo?

⁴ Eri a na lina mɛ osoli shi afuɛ? Ini afuɛ a mɛ osoli,

⁵ Ayɛmhɛ oyi ɛshinɛgba ni ɔ rɔ na ɛ, ali ikanya oshabɔ ni ɔ gbe iteva oyɛɛ, itobɔ khi a ri Ishi eyi iMosisi gbe akanya lɔ abi khi irari emini a mie ingme oyi iKirisiti suɔ, o zɛ ni ɔ rɔ riɛɛ ena?

⁶ A sa ingme oyi Aburaamu ghue, “Eri ɔ mie ɛshinɛgba suɔ ni a rɔ pfa na li khi ɔ pfuasɛ.”*

⁷ A leɛɛ ɔli shɔ, khi ɛgbɔ ni e miesuɔ, e khi imi Aburaamu.†

⁸ Ebe-no-pfuasɛ o kpɛ ngme ɔli shi ekɛ khi ɛshinɛgba ɔ ya rɔte irudunga oyi ɛgbɔ iJɛta pfa na wɛ, ɔ gue oni ungmehi yɛ Aburaamu ɔɔ li, “A ya rɔte obɔ oyɛ khivɔsɛ na ishishi ena ekagbɔ nya.”‡

⁹ Irarighɔ, eni e mhɔli irudunga a ya khivɔsɛ na abi a li khivɔsɛ na Aburaamu, ikhi ɔmɔsɛ irudunga.

‡ 2:16 Li zɛ iwolo 143.2; iRom 3.20,22 * 3:6 Li zɛ Igbae 15.6; iRom 4.3 † 3:7 Li zɛ iRom 4.16 ‡ 3:8 Li zɛ Igbae 12.3

¹⁰ Egbò nya ni e ri egbe da iri-ushi gbe akanya, a pfi unu na, irari khi a keke ọli khi, “Unu a pfi na ogbo ni ọa da ri emini a keke shi ebe ushi nya gbe akanya.”[§]

¹¹ Mena, aa me ogbokhoghuo ni a pfa na odalo Eshinegba irari khi o ri ushi gbe akanya, itobo khi, “Eni e pfuase, irudunga o re we ya la agbo.”*

¹² Ode irudunga o kioda shi ode ushi, ni oo, “Oni o da ri ushi gbe akanya, ushi o ro ya la agbo.”†

¹³ Eri iKirisiti o pfa awa shi eke elemhi ipfiunu-a oyi ushi abi o li khi oni a pfi unu na irari oyawa, irari khi a keke ọli khi, “Unu a pfi na ogbokpa ni a soli-a shi oora.”‡

¹⁴ Eri o pfa awa shi eke ni ikhivose eyi Aburaamu e ramhi egbo iJeta egbe, rote iJesu iKirisiti, ni awa me ikhivose oyi ishobo Ayemhe-no-pfuase rote irudunga.

Oni Ushi ali oni ishobo

¹⁵ Inyoghuo a ze mhe ri angeli ekekpa rue irokhocho. Ezeze abi ogbokhoghuo ọa li dobe ya shishi o-a, wekhi eri o dobe ya ro ma ilamasho, ni Eshinegba o nu ogbo lama sho, ni o she gbola migha. Igho oni ingme onana o li.

¹⁶ Oni ishobo, Aburaamu ali omioli a shi ọli na. Ebe-no-pfuase ọa lie, “Ali imioli,” ni e khi ebubu egbo, ama, “Ali omie,” ni o khi ogbo oghuo, ni o khi iKirisiti.[§]

¹⁷ Emini mhi ri ona ngme khi, ushi ni a tigbe ro lasele abi ikpe egbuwe uye ali uye ali igbe (430) e ro dose se, ọa guoghoni ishobo ni Eshinegba o shi-a, ni a yele oni ekha-a.*

¹⁸ Ini oni ugu o migha shi ushi lo, ọa kha ke migha nga ishobo, Ama rote isomhelemhi oyi Eshinegba o ro shi oni ishobo na Aburaamu.†

¹⁹ Elo o ze ni a ro ri ushi bhale? Eri a ri ushi bhale ni a ro rokhase khi awa lamhe. Eri a roli shi eke ramhi eghenge ni omiomi Aburaamu ni a ri ele ishobo khe o ro ya bhale. Eshinegba o ri oni ushi na igeni tiemhile na iMosisi ni o la iteva ogbo ali Eshinegba.

²⁰ Awa kha da ngme ingme omigha-na ogbo ne, o rokhase khi egbo aava e mema lasele shi agho, Ama Eshinegba lolighuo o shi oni ishobo ona, Eshinegba oghuo, o khi.

Emini ushi o migha shi

²¹ Eri ushi o ke a zu ishobo oyi Eshinegba ode? Iye o! Irari ini eri a ri ushi bhale ni o ri agbo ke na ogbo lo, a kha ri irarigho pfa na ogbokpa ini o ri ushi gbe akanya.

²² Ama Ebe-no-pfuase o ngme gho khi ekspabo olamhe o mhesa a na agbo nya, ni a ba bhale ya e khi emini a shobo, ni a ro o na ogbo rote obo oyi iJesu iKirisiti ni a roli na egbo ni e miesuo.

²³ Neni oni irudunga o bhale, eri ushi o mu awa ighumha, o pfi awa okpe ramhi ni irudunga o ro bhale.

²⁴ Eri a ri ushi na awa ni o sese awa ode ramhi ni iKirisiti o ro bhale, ni a rote irudunga pfa na awa.

²⁵ Memena abi eghenge irudunga o ro bhale, ushi ọa ke e sese awa ode.

Imi Eshinegba

§ 3:10 Li ze iDeut 27.26 * 3:11 Li ze Abak 2.4 † 3:12 Li ze iLev 18.5 ‡ 3:13 Li ze iDeut 21.23

§ 3:16 Li ze iGbae 12.7 * 3:17 Li ze Okiali 12.40 † 3:18 Li ze iRom 4.14

²⁶ Eẹ nya, imi Eshinegba a khi rọte irudunga oyi iJesu iKirisiti.

²⁷ Irari khi eẹ nya ni a batazi elemhi iKirisiti, a she ri iKirisiti so.

²⁸ Ikhioda ọa la ọ na ọgbọ iJu ali ọgbọ iJeta, wẹkhi ikhioda o la oghumha, ali oni ọa khi oghumha, wẹkhi ọmọse ali ọkpotoso, irari khi eẹ nya, ọghuo a khi shi iJesu iKirisiti ọ.

²⁹ Ini a khi ọnayi iKirisiti, eghẹghẹ agho imi Aburaamu a khi, a khi eni e mhọli okemhi shi oni ishobo.‡

4

¹ Emini mhia ngme khi, ini oni oni ugu o go lu ọ da kie khi ukuku ọmọ ne, ọa kioda shi oghumha ọ, ama lọli ọ kie ya mhọli eni apfe nya.

² Eri ọ kiele ya la obo oyi eni e ri ẹlo e khu ọli, ali eni a ri eni ugu nga obo ne, ya ramhi eghẹghẹ ni itali ọ shi shi eke, ni ọ rọ ya womhe ẹlo.

³ Igho o li khi shi awa egbe. Ighumha eyi iyemhe ni e mhesẹ na agbo nya, e mhesẹ e na awa neni awa mhọli iwomhele elemhi ayemhe.

⁴ Ama abi oni eghẹghẹ o rọ ramhi, Eshinegba ọ ghie omiọli ni ọkpotoso ọ bia, ni a bia shi eghẹghẹ ushi,

⁵ ni ọ rọ tsumhi egbọ ni ushi o mhesẹ e na, ni awa te eni a lu Imi Eshinegba.

⁶ Itobo khi a khi imiọli, Eshinegba ọ rọ ghie Ayemhe oyi Omiọli bhale udu oyawa, Ayemhe ni ọ tsesẹ liẹ, "Itamhe, Itamhe."

⁷ Itobo ona, wa a ke khi oghumha ama omiọli, abi u ke rọ khi omiọli egho, Eshinegba ọ she re mie oni ishobo. *

Omuegbe ni iPọlu ọ mhọli na egbọ iGalesha

⁸ Eghẹghẹ ni o dose ni aa rọ kpe lese Eshinegba, a khi ighumha eyi emini e khi ilita ni e a khi Eshinegba.

⁹ Ama memena ni a ke rọ lese Eshinegba, ali abi Eshinegba ọ ke rọ lese e ena, elo o ze khi a nono ni a nyene egbe gbo deba iyemhe afue ni ea mhue ekpabo? Elo o ze ni a rọ ọ nono ni e gbo mu e ighumha utonuzi-eva?

¹⁰ A ri ẹlo e shi ogbele na ke ali iki ali eghẹghẹ ali ikpe.

¹¹ Ulishi ọọ mu mhe irari khi o li mhe ẹlo abine khi eri mhi pfuse eghẹghẹ-a shi e egbe shi afue.

¹² Mhia lema e, inyoghuo a li abi mhi li, irari khi eri mhi li abi a li. Aa li mhe ingmobe.

¹³ A yelele, khi elemhi umha ze mhi la ni mhi rọ tse abo usomhi onete ye e odo-ode.

¹⁴ Abi o tseku khia khi ughuamhi oyemhe khi eri o li abi anasemhe na e, aa ri ẹlo gbe mhe, aa kie mhe. Ochogho, eri a kpe abo mie mhe abine khi agheni Eshinegba mhi khi, abi a kha li mie iJesu iKirisiti.

¹⁵ Elo o li oghele oye? Mhi dobe ya pfi otselẹ khi ini o ze ya li lo khi a kha ga vuonyo ikpamhi alo eye e na mhe.

¹⁶ Mhi she mele obe e-a irari khi mhi gue igesikia ye e?

¹⁷ Egbọ e nono ni e ti e ma egbe, ama ọa khia ode ni o ti o khi. Emini e nono khi ni e re e mele epfese-a shi anye ọ, ni a khi eni e mhọli omuegbe na we.

¹⁸ O ti ni ọgbọ ọ mhọli omuegbe ini o da khi eminete ọ mhọli ọli shi, ali ni ọ ke mhọli ọli eghẹghẹ kpa, ọa khi ini mhi da lese la agho tse.

¹⁹ Imimhe, egbe e to mhe shi ingme oye, abi ọkpotoso ni oku ọọ to, ni a rọ bhale ya e khi a me iKirisiti agbo oye.

‡ 3:29 Li ze iRom 4.13 * 4:7 Li ze iRom 8.15-17

20 Abi a khẹ khi mhi nu ẹ la, ni mhi mu uruli oyemhẹ pfi, irari khi egbe e pfọ mhe-a shi ingme oye ẹ!

Ega ali iSera

21 A gueye mhe ghue, ikhi ẹẹ ni a nono ni a khi eni ushi o mhese a na, a lese abi ushi o ngme?

22 Irari khi a keke ọli khi Aburaamu, ọ bia eniye emose aava, oghuo ọọ khi omi ọkpotoso oghumha, ọnọkpole ọ khi omi ogbọ.†

23 Omọ ni oghumha ọ bia na li, eri a bia li rote ode na tse, ama oni egbegbi ọkpotoso ọ bia, a bia li rote ode ishobọ.

24 Eni ingme ena nya e mhọli emini e migha shi, irari khi ikpotso aava ena, ilama na egbe eva e khi. Ilama-negbe oghuo o khi ona ukhomhi ute iSinai, ọ bia eniye ni e ya khili ighumha. Lọli khi Ega.

25 Mena, Ega ọ migha shi ute iSinai na eke Arebia ni o khili ẹoli iJerusalemu, irari khi eri ọ nu imiọli khili ighumha.

26 Ama inyọ awa ọ khi ẹoli iJerusalemu ni o la odane, omi ogbọ ọ khi.

27 Irari khi a keke ọli, ẹ li:

“Ke ghele, yeye aga
ni ọa bia eniye,
ri oghẹle tseşe leghe,
yeye ni oku ọa to ghue,
irari khi ọkpotoso ni a kie,
ọ mhọli eniye ni e bu
dọşe ọkpotoso ni ọ mhọli odo.”‡

28 Memena, inyoghuo-mhe, eniye ishobọ a li khi ezeşe abi Aziki ọ li khi omọ ishobọ.

29 Abi o kpẹ li oni eghẹghe, ni omọ ni a bia elemhi idiegbе, ọọ li mu okhọli vule shi omọ ni a ri ekpabọ Ayemhẹ oyi Eshinegba bia ọ, ighọ o kie li memena.§

30 Ama se Ebe-no-pfuase o ngme? Ọo, “Khu ọkpotoso oghumha ali omiọli vu, irari khi omi ọkpotoso oghumha ọa tigbe ya nu omi egbegbi ọkpotoso kemhi ugu.”*

31 Irarigho, inyoghuo, awa aa khi eniye eyi ọkpotoso oghumha ama eniye eyi ọkpotoso ni ọ khi omi ogbọ.

5

Iruẹple ni o la obọ oyi iKirisiti

1 iKirisiti ọ she rue awa ọ le. Irarigho, a migha gbaa shi oni irueple, a khi ke gbo ze ni a gbo ya nyenẹ ri egbe ẹ khi ighumha oyi ushi.

2 A ghe i! Mhemhẹ iPọlu, mhi gue ẹ ye ẹ khi, akanya ni iKirisiti ọ gbe ọa ke ya mhọli elele okhoghuo na ẹ, ini a ya shele-a.

3 Mhi gbo gue ẹ ye ogbọ ni ọ da ze ni a shele ọli-a ne, ọ mema ya ri ushi nya gbe akanya.

4 Eẹ ni a dua ni a khi eni a pfa na rote iri-ushi gbe akanya, aa ke mhọli obọ shi ikanya ni iKirisiti ọ gbe, a she de okhale oyọli-a.

5 Ama rote irudunga awa te lolo migha a khẹ ipfuase ni awa ri udu nga rote elemhi Ayemhẹ-nọ-pfuase.

6 Irari khi elemhi iJesu iKirisiti, oshẹle ali umha-shele-a ẹa mhue eleli. Emini o mema mu egbe khi irudunga ni o mhọli inono.

7 A kpẹ gue ẹ kia. Oghuo ọ mu alo nyenẹ ni aa ke rọ ọ deba igesikia?

† 4:22 Li ze Igbae 16.15; 21.2 ‡ 4:27 Li ze Aza 54.1 § 4:29 Li ze Igbae 21.9 * 4:30 Li ze Igbae 21.10

⁸ Oni o lina mu e alo nyene, ɔa rɔte obɔ oyi iKirisiti ɔni o lu e bhale.

⁹ “Ogbɔ obe ɔtuɔghuo ɔ doɓe ya yese egbɔ eni e bu-a. Eri o li abi umiesobo oghuo, ni o ri oili e gbolo enekpɔle-a.”*

¹⁰ Ama mhi regbenga e khi eyi Onomhue a khi. Onana o re mhe lese gbɔo khi emini mhi gueye e a ya riɛɛ, khi aa ya riɛɛ emini ogboese o gueye e. Ogbɔ ni o nase e, o ya ri ukhomhi kpe o, ɔnini o riɛ khi.

¹¹ Inyɔghuo, ini ishele-a mhi kiele ro tse abɔ lo, abi egbɔ eghuo ee ngme, elo a mu okhɔli vule shi mhe o ke shi? Ini o khi igho lo, ungmehi apfida ɔa kha ke ri elemhi ke bi.

¹² Egbɔ ni e na ri ingme oshelɛ a nase e ena, mhi kha ga liɛ e bie wali egbewe-a.

Agbo na elemhi Ayemhe

¹³ Ee oyee, inyɔghuo-mhe, eri a lu e ni a la elemhi epfua. Ama a khi ze ni a ri oni epfua ona ke riɛɛ emini idiegbe olamhe oyɛ ɔo nono. Ochoghɔ a ri inono ke ga egbe e.

¹⁴ Irari khi emini a ro ze ushi nya ukhomhi khi, “Nono ɔnuzava oyɛ abi u li nono egbie.”†

¹⁵ Ini a mu okhɔli vule e shi egbe e o, ni a ro o khu egbe e, a mhue egbhe ini a khi a ya pfuse egbe e-a.

¹⁶ Emini mhia ngme khi, a ke kia okiali elemhi Ayemhe, eghɛghɛ agho aa ya riɛɛ oghuemhe oyi idiegbe olamhe.

¹⁷ Irari khi idiegbe, obe Ayemhe o khi, ali khi emini Ayemhe o nono, eri e zu oghuemhe idiegbe olamhe ode. Wewe ava-ava obe e khi shi egbe o, lo li o ze khi u waa doɓe a riɛɛ emini u wa nono ni u riɛɛ.‡

¹⁸ Ama ini Ayemhe o re e kia, waa tigbe ya riɛɛ oghumha oyi ushi.

¹⁹ Emini ikanya idiegbe olamhe ee gbe na; Itsɛbo, ikanya ichimhi na itsɛbo ali angeli efiala,

²⁰ ikhumhi igaga, ali ogbho ipfipi, ibiselemhi, umha lama a na egbe, ofuma ikpekpe, ofu imhɔli, ikanya ukphe, elemhi ibibi, ikemhi egbe,

²¹ Idiegbe-okonyo, idonyo doɓe, iye-ukue ni a la li itsɛbo, ali emhi elese eghoghɔ. Mhi tse agua ye e, abi mhi kpe li tse ɔli ye e, khi egbɔ ni e da a ngeli angeli eghoghɔ ne khi ɛa ya mhɔli okemhi shi Eghiele oyi Eshinɛgba.

²² Emini Ayemhe o ro o lasele khi; Inono, oghelɛ, opfomhe, irabomudu, isomhelemhi, onete, izɛ-ri-egbeda,

²³ Ipfomhe, igue-regbekia. Ushi ɔa ya mu ogbɔ shi o ini o riɛɛ enana nya.

²⁴ Eni e khi eyi iJesu iKirisiti e she rɔte idiegbe olamhe oyewe ali oghuemhe eyewe nya ma apfida.

²⁵ Aborokhia khi Ayemhe o ri awa a kia egho, awa ke deba ete-awe eyoli.

²⁶ Awa khi ke mu egbawa eloe doɓe ode, yese elemhi ke bi egbe, ni o ri awa a ke kpe ofuma deba egbe.

6

A ke riɛɛ onete na egbɔ nya

¹ Inyɔghuo-mhe, a kha bhale ya e khi a mu ogbokhoghuo shi olamhe, ee ni a la elemhi ayemhe, a kuegbe-a sheshe ɔli shi ode fie. Ama a ke to egbe e okpe, ini a khi li de pfilo imufe.

² A kpaghie egbe e itsua, ini a li igho, a ya riɛɛ oghuemhe oyi iKirisiti.

* 5:9 Li ze iKori 5.6 † 5:14 Li ze iLev 19.18 ‡ 5:17 Li ze iRom 7.15-23

³ Ini օգբօ օ ճաբի կի լօլի մս ւօ, նի ա ռօ իհալե յա օ կի օա կի Եմիկոօղհս, Եգբօլի օօ ճի.

⁴ Օգբօօգբօ օ կե մս անցի Եյօլի ֆե նի օ բինօ նի Ե տի. Օնի Եղեղեղե, օ տիցե մե ասա ա տիտի Եգբօլի. Օ կի ռի Եգբօլի կոօկոօ օգբօթե.

⁵ Օգբօօգբօ օ տսսա իտսսա Եյօլի.

⁶ Ա կե ռի Եմինե նս սօմի օգբօ նի օօ սեթե Ե Եմինի Եշինեցա օ նցմե.

⁷ Կի ճի Եցե Ե. Օգբօկոօղհս օա ճօթե յա ցհացա Եշինեցա. Եմինի օգբօ օ ռօ կօ, լօլի օ յա կիթե.

⁸ Ինի օգբօ օ ճեա օցհսմե օյի իճիցե օլամե օյօլի ռօ կօ օ կիթե Ե ֆսսա. Օնի օ ռօ կօ ռի ռի Եցե մս Այեմե, օ յա կիթե Եցբօ նա Եգբօօգբօ.

⁹ Ա կի շե նի օնե տիլե օ կհսե Եա, իրարի կի օ կա ռամի օնի Եղեղեղե, Եա յա կիթե, նի օա ճա Լթե Եա.

¹⁰ Իրարիցօ, Եբի Եա ճա մհօլի օնի Եղեղեղե կա, Եա կե ռիլե օնե ճեա օգբօկա, տե-տե, Ենա օմհս-Ե ֆթե իրճնցա.

Իտե-Եցսսա նի օ կքոկո

¹¹ Ա բինօ իկքամի Ելօ Եբե Ենիմի նի մի ռի օբօ օյեմե կեկե ցի Ե.

¹² Եցբօ նի Եթե ռիլե Եբամեմե, Ե ճսսա նի Ե ռի իտօ տի Ե իի իշեթե-Ե, Եմինի օ շե նի Ե ռօ օ լի իցօ կի, Եսսոնօ նի Ե մս օկհօլի վսլե իի Եթե օնի Ե ֆթի օյի Եքիտի.

¹³ Եցբեցի Ենի Ե իշեթե-Ե, Եսս ռի Եսի Եցե Եկանս, Եմի Եսսոնօ նի Ե իշեթե Ե-Ե, նի Ե իսս մե Եսս կե նեա օմթե կի Ե ռե Ե իշե իշեթե-Ե.

¹⁴ Ամս մի Եսս տիցե ռի Եմիկոօղհս յա նեա օմթե, նի օա լի կի ինցմե օյի Եքիտի օյի իԵսս իԿիտի Օնօմհս օյսսա. Իտօնօ օնի Եքիտի օնս, մի ռօ ցհս ֆս օցհսմե Եցբօ, օցհսմե Եցբօ օ ցհս ֆս Եցբօ օյեմե.

¹⁵ Իշեթե-Ե Ելի Եմհս իշեթե-Ե օա մհօլի Եբի օ նցմե, Եմինի օ մս Եցե կի, նի Ե ռօ ռիլե օգբօ իս Ելեմի իԿիտի.

¹⁶ Օքթօմե Ելի իլելեմի Ե կսս նի Ե ճեա օսեթե օնսնս լս Ելեմի Եցբօ օյեթե, լի իի Եցբօ իԶիլենի Եյի Եշինեցա.

¹⁷ Օշոկոմի Եմիկքս կի, օգբօկոօղհս օ կի կե նսթե մե, իրարի կի մի մհօլի Եմի օյի իԵսս իի Եցե օյեմե.

¹⁸ Ինյօցհս-մե, օկհսլե օյի իԵսս իԿիտի Օնօմհս օյսսա, օ կսս նս Եյեմե օյե Ե նս լս. Ատե.

Ebe ni iPoļu o keķe ghi eġbo Efisha Eni e miesuo

IPoļu o tse eni e mie iJesu suo ne la Efesoși

¹ Mhēmhe iPoļu, aghiusomhi na keķe oyi iJesu iKirisiti ni Eshineġba o ze mhi khi.*

Eġbo eyi Eshineġba ni e la eķe Efesoși, eni e regbenga iJesu iKirisiti mhi keķe ebe ona a ghi.

² Mhi lema Eshineġba ita awa ali iJesu iKirisiti Onomhue, e ka mhue isomhelemhi na e, e gbo ri opfohmē na e.

Eshineġba o she te obō oyi iKirisiti rieļe eminete na awa

³ Awa kuēghie Eshineġba. Loļi o khi Eshineġba ali ita iJesu iKirisiti Onomhue oyi awa. Loļi o ri ikhivoše ni o te iloghie bhale na awa, ikhivoše oni o kpaghie aye mhe oyi awa obō. Ikugbe ni o ku awa ali iKirisiti gbe o ro rieļe ona.

⁴ Neni Eshineġba o ma agbō, o she kpe ze awa eni e khi eġbo eyoļi, rote obō oyi iJesu iKirisiti, ini awa khi eni e pfuase ni e mhue umha-gueķia shi odalo oyi Eshineġba. Itobō khi o nono ingme oyawa o ro ligho rieļe oļi.

⁵ Neni Eshineġba o ma agbō, o she te eķe gba li khi loļi ya ri awa mele imi oļi-a, itobō emini iJesu iKirisiti o rieļe, ni o de shi o abi o ghole Eshineġba.

⁶ Eri o lina rieļe oļi ini awa kuēghie oļi shi okhale oniēmhi ni o mhue na awa, itobō emini omi oļi o tūoġhuo kpe ni o nono ingme oyōļi, o rieļe.

⁷ Obō oyi iKirisiti awa te mhōļi ipfasheķe, itobō oļia eyoļi ni o ku shi eķe abi o ro ghu-a na awa. Ona a te ri olamhe topfa awa. Itobō eġfue oyi okhale oyi Eshineġba ni o gbeku o, o ro rieļe ona.†

⁸ Oni okhale ona o tutu ku awa, rote ilēsingme ali eġbhe o te rieļe oļi.

⁹ Eshineġba o khueghie osheli emini o gba shi eķe-a khase awa, ikhi emini o rote obō oyi iJesu iKirisiti ro tse, abi o ghole oļi.

¹⁰ Emini Eshineġba o gba khi loļi ya pfuse rieļe khi, ini o ramhi oni eġheġhe te, o ya ku emhi na agbō ali ena iloghie gbe khi oġhuo, o ya ri iKirisiti le oghie weķe nya.

¹¹ Itobō khi Eshineġba o ku anye ali iKirisiti gbe, anye she mie ugu obō oyi Eshineġba. Irari khi o she kpe te eķe gba li khi loļi ligho ya rieļe oļi, o ro ligho rieļe oļi. O ri emhikpa tse shi abi o ghole oļi shi.

¹² Isheġho ni anye iġu ni e khi eġbo eni odode ni e kpe regbenga iKirisiti, e kuēghie Eshineġba shi ufumhi oyōļi.

¹³ Eri a li ku e ma iKirisiti abi a ro suo oni ungmehi iġesikia, oni o khi usomhi onete oyi Eshineġba, abi o mie e pfuese. Abi a ro mie iKirisiti suo, Eshineġba o ro shi oļeļe shi e eġbe. Aye mhe-no-pfuase ni o kie kpe ro nga na awa o khi oni oļeļe.

¹⁴ Itobō Aye mhe-no-pfuase ni Eshineġba o kpe ro na awa, awa ro mhōļi o shi udu khi Eshineġba o ya ri emini o ro nga na eġbo eyoļi gbo na awa. Eġheġhe ni Eshineġba o ro pfa awa eġbo eyoļi shi eķe nya, awa ro mhōļi eni emhi ena. Ona o ya ri eġbo eyoļi kuēghie oļi shi ufumhi oyōļi.

* 1:1 Li ze Ika 18.19-21; 19:1 † 1:7 Li ze iKolo 1.14

IPɔlu ɔ lema na eni e mie iJesu suɔ ni e la Efesɔsi

¹⁵ Itobɔ emhi ena nya ni Eshinɛgba ɔ riɛɛ, ali abi mhi te suɔ abi a mie iJesu iKirisiti Ɔnɔmhuɛ suɔ ni a gbo mɔli inono shi ɛgbɔ eyi Eshinɛgba nya ɔ,

¹⁶ mhia tigbe yɛmhɛ ikphɛmhi-a, ni mhi ri itobɔ oyɛ ɛ kphɛmhi na Eshinɛgba, ini mhi da lema na ɛ.

¹⁷ Eri mhia lema Eshinɛgba oyi iJesu iKirisiti Ɔnɔmhuɛ oyawa, ɔni ɔ khi ita awa ni ɔ mɔli ufumhi oniɛmhi, ɔ rɛ ɛ mɔli ayɛmhɛ ilɛsingme. Ɔ gbo ri egbe ɔli khasɛ ɛ ni a lolo lɛsɛ ɔli egbegbo.

¹⁸ Mhi gbo lema Eshinɛgba ɔ khuɛghie ɛ udu-a ini a lɛsɛ oni igɛsikia oyɔli, ini a gbo lɛsɛ irudushi ni a regbenga, ni Eshinɛgba ɔ lu ɛ shi. Ni a gbo mɛ ɛpfue oyi ugu oniɛmhi oyɔli ni eni e mie ɔli suɔ e mɔli.

¹⁹ Mhi gbo lema li ɔ zɛ ni a lɛsɛ ekpabɔ ni e funɛ eyɔli, ni ɛa mhuɛ irɔkhɔkhɔ, ni a rɔ na awa eni e miesuɔ.

²⁰ Eni ekpabɔ ena ɔ rɔ gbe akanya abi ɔ rɔ guise iKirisiti eghuli le abi ɔ rɔ ghua. Wɛwɛ ɔ rɔ ri iKirisiti shitɔ obɔ ita oyɔli obini iloghie.†

²¹ Oobɔ iJesu iKirisiti ɔ la mhɛsɛ na ekpabɔ, ali itoto ali igɛni, ghe enete ghe eni ɛa ti, ghe eni a mɛ agbɔ ona ne, ghe ɛna agbɔ ni aa mɛ ne.

²² Emhi nya Eshinɛgba ɔ rɔ shi ufuegɛ oyɔli ni ɔ mhɛsɛ shi. Lɔli ɔ zɛ iJesu ɔzukhomhi emhi nya ni ɔ pɔmɛ igbaa oyi eni e mie iJesu iKirisiti suɔ eyɔli egbe.

²³ Ɛgbɔ ni e mie iJesu suɔ e khi idiegbe oyi iJesu, iJesu ɔ khi ukhomhi. Ekpabɔ ali agbɔ oyi iJesu iKirisiti ɔ vɔsɛ agbɔ eyi eni e mie ɔli suɔ. Ufumhi oyɔli ɔ gasɛ agbɔ ali emhikpa oɔɛkhodɛ nya.‡

2

Okhale oyi Eshinɛgba ɔ rɔ mie awa pɛfuese

¹ Ɛghɛghɛ ni ɔ dɔsɛ ni a rɔ kpɛ la agbɔ olamhɛ, a la agbɔ umha-suɛɛsɔ, a khi ɛgbɔ eni e ghu shi olamhɛ ni ɛa mɔli Ayɛmhɛ oyi Eshinɛgba.

² Ɛghɛghɛ aghɔ ingeli agbɔ a ngeli, a ri ungmɛmhi oyi ɔkphaghie ɔni ɔ khi oghie ayɛmhɛ alo ebili i gbe akanya. Oni ayɛmhɛ ona ɔ kiele la agbɔ oyi ɛgbɔ ni ɛa ya suɔ esɔ na Eshinɛgba a gbe akanya.

³ Ighɔ awa nya awa kpɛ li ngeli. Awa ri ɔghuɛmhɛ egbe, ali usamhi ebe ni udu oyi awa ɔ gueyɛ awa a riɛɛ emhikpa. Abi ɛgbɔɛsɛ na agbɔ ni ɛa ya suɔ esɔ na Eshinɛgba e li ya pɛua, awa kha li pɛua.

⁴ Ama Eshinɛgba ɔ nono ingme oyi awa gba, ighɔ ilɛlemhi oyɔli ɔɔ gbɛdi.

⁵ Lɔli ɔ zɛ ni ɔ rɔ rɔte obɔ oyi iJesu iKirisiti ni ɔ guise le ri agbɔ ayɛmhɛ onogbo na awa, aboriɛkhia khi eni umha-guɛkia ɔ kɛsɛ-a awa khi. Okhale oyi Eshinɛgba a rɔ mie ɛ pɛfuese.*

⁶ Eri ɔ ri agbɔ onogbo oyi iKirisiti na awa, ɔ ri awa nu iKirisiti shitɔ obini iloghie, nu ɔ li ɛ mhɛsɛ, itobɔ emini iKirisiti ɔ riɛɛ na awa.

⁷ Rɔte iJesu iKirisiti Eshinɛgba ɔ te ri okhale ni ɔ mɔli na awa khasɛ, ogbenakɔ ni ɛgbɔ e mɛ ashini okhale oyɔli ɔ fu ramhi, ni ɔa mɔli irɔkhɔkhɔ.

⁸ Okhale oyi Eshinɛgba a rɔ mie ɛ pɛfuese abi u rɔ miesuɔ, ɔa khi ingeli enete ni u ngeli e mie ɛ pɛfuese. Afue-afue ɔ mie ɛ pɛfuese.

⁹ Eshinɛgba ɔa ri itobɔ ingeli enete ni u ngeli mie ɛ pɛfuese, ini ɔgbɔkhɔghuo ɔ khi vuse ike.

† 1:20 Li zɛ Iwolo 110.1 § 1:23 Li zɛ Iwolo 8.6; iKolo 1.18 * 2:5 Li zɛ iKolo 2.13

¹⁰ Eshinegba o ma awa. Ikanya enete o ma awa awa ke gbe abi awa ali iJesu iKirisiti awa ro da ke khi oghuo egbo.

Eshinegba o she te iKirisiti ku egbo iJu ali egbo ijeta gbe

¹¹ A yelee egbo enabi a khi elele, khi aa khi iJu. Egbo iJu e ma kpe ri ukpeloe gbe e, itobo khi aa shele a, ali itobo khi aa khi egbo iJu. Ama ee lu egbe we eni e khi egbegbi egbo, itobo khi a shele we-a. Oshelē ni o khi akanya ni egbo e ri abo gbe idiegebe.

¹² Yelee khi egheghe agho khi aa kpe ku ma iJesu iKirisiti o, a khi opfese shi ishiobo ni Eshinegba o ro nga na egbo iZireni. A khi eni ea mholi iregbenga ni ea mholi Eshinegba shi elemhi agbo.

¹³ Ama, memena, ee ni a kpe nuata shi Eshinegba o, o ri oia eyi iKirisiti ti e mama egbe.

¹⁴ IJesu iKirisiti o ri egbo ijeta ali egbo iJu ri ele. O rue ugbe ibiselemhi ni o kpe la we iteva ode-a, o rewe mele egbo eghuo-a.

¹⁵ Eghuli ni o ghu o ro shishi ishi ni e la we iteva-a, Ini o me asha ri egbo iJu ali egbo ijeta khi egbo enegbo eghuo. Ona o ro rewe ri ele ini e khi ke biselemhi egbe.[†]

¹⁶ Eghuli ni o ghu-a shi oora apfida o ro ku egbo ena gbe, o gbo rewe ali Eshinegba ri ele. Agho ibiselemhi egbewe o pfo shi.[‡]

¹⁷ Usomhi onete oyi Eshinegba oyi opfomhe, iJesu o bhale ya tse abo gueye egbo ijeta ni e nuata shi Eshinegba o, ali egbo iJu ni e timama Eshinegba.[§]

¹⁸ Obo oyi iJesu iKirisiti awa te mholi Ayemhe oghuo ni o ze khi awa ga ro dobe a le deba Eshinegba.

¹⁹ Itobo igho ee egbo ijeta, aa ke khi epfese, ama a she ku ma egbo eyi Eshinegba. Ena omhue-apfe oghuo a ke ga khi.

²⁰ Oni idiegebe owa a li khi. Ighiusomhi na ke ni iKirisiti o ze ali emekegueye eyi Eshinegba e khi igbaekele oyi oni owa. IJesu iKirisiti o mu oni owa mhue.

²¹ iKirisiti o ze ni eche ni a ro ma oni owa nya e ro toma, ni oni owa o ro mele owa oniemi a. O ro li khi oni o pfuase na Onomhue.

²² Itobo khi a ku ma iJesu o, o ro re e ma eni e mie oli suo. U ya mele owa ni Ayemhe oyi Eshinegba o ya ke la-a.

3

Eshinegba o ghi iPolu ghi egbo ijeta

¹ Itobo ona, mhemhe iPolu mhi ro lema na e. Mhemhe ni a ri itobo khi mhia gbe akanya na iJesu iKirisiti mu shi owa ighumha. Akanya abi mhi lie tse abo usomhi onete oyi Eshinegba ye e egbo ijeta.

² O limhe eloe khi ee egbo ijeta, khi a she kpe suo khi Eshinegba o ghie mhe ghi e mhi bhale ya tse abo ye e. Itobo okhale oyoli o ro ghie mhe usomhi ona, ni mhi kpaghie e obo.

³ Oni usomhi khi, ugbamhi ni Eshinegba o gba ni o khi oyi osheli, ni o khueghie-a khashe mhe. Mhi kpe khueghie ukuku o li-a khashe e elemhi ebe ni mhi kpe keke ghi e.

⁴ Ini a ze ebe onana, a ya me emini mhi lese osheli oniemi ni o khi osheli na iJesu iKirisiti, ni Eshinegba o gba.

⁵ Eshinegba ɔa kpɛ khueghie osheli emini ɔ ya riɛɛ ni ɔ gba shi ekɛ khase ɛgbo na agbo ena ɛɛɛɛ. Ama ɔ she rote elemhi Ayemhe-no-pfuaɛ khueghie ɔli-a khase ighiusomhi na keɛ ali emekɛguele eyi Eshinegba.

⁶ Emini Eshinegba ɔ gba khi, a ya rote itsabo usomhi onete oyi iJesu iKirisiti ri ɛgbo iJeta ni e miesuo nu ɛgbo iZireni ni e miesuo le ugu oghuo, abi ɛgbo ni e khi idiegebe oghuo. Egehegehe agho ni a bhale ya ɛ khi ɛɛ ni aa khi ɛgbo iJu, a nu ɛgbo iJu mhue obo shi emini Eshinegba ɔ rote iJesu iKirisiti ro nga na iJu.*

⁷ Eshinegba ɔ ri akanya ni mhi ro ɔ tse abo usomhi onete oyoli na mhe. Itobo okhale oyoli ɔ ro ri oni akanya na mhe. O ri ekpabo eyoli re mhe ɛ gbe oni akanya.

⁸ Ini Eshinegba ɔ pfi ukpeloe bino uwali ɔgbo ni mhi kpɛ khi ɛɛɛɛ lo, ɔa kha ze mhe, mhi ke tse abo usomhi onete oyoli. Ama itobo okhale oyoli ɔ ro ri akanya ona na mhe mhi ka tse abo usomhi onete oyi upfuemhi ni o la iKirisiti ye ɛ ɛgbo iJeta. Upfuemhi ni ɔgbo ɔa dobe lese udi oli ɛ pfo.

⁹ O gbo ze mhe mhi ka khueghie-a khase ɛgbo kpa abi ɔ li ri oni osheli ni ɔ gba nya ya tse. Eshinegba ni ɔ ma emhi nya ɔ kpɛ ro te igbaekele ri osheli ona sheli ɛgbo nya.

¹⁰ Eri Eshinegba ɔo nono ni loɔi rote igbaa oyi eni e mie iJesu iKirisiti suo ri ileingme ode ebubu eyelue khase igeni ali ekpabo na idane.

¹¹ Ina Eshinegba ɔ te ekɛ gba li neni ɔ ma agbo. Ro te iJesu iKirisiti Onomhue oyi awa ɔ te roli tse.

¹² Itobo khi awa mie iJesu suo, ali khi awa gbo ku gbe oli ɔ, awa ro a mhue igbedu ro a lo deba Eshinegba.

¹³ Itobo igho, a khi ze ni egbe pfo e-a ini a suo abi mhi lie me osue shi itobo khi mhia tse abo usomhi onete oyi Eshinegba ye ɛ. Ochoghɔ, a ze ni osue ni mhia me o ri ufumhi oyi Eshinegba ghi ɛ.

¹⁴ Loɔi o ze ni mhi ro wugha odalo oyi Eshinegba ni ɔ khi ita awa a so iromhi na e.

¹⁵ Ro te ayi oli unuekpɛ nya ni e la agbo ali iloghie e te le eva.

¹⁶ Eshinegba ɔ mhɔi ikhivose eniemhi ni ɔ ro ɔ na ɛgbo eyoli, itobo igho mhi ro lema li, ɔ ri Ayemhe oyoli ri udu oye ɛ toto a,

¹⁷ ini iKirisiti ɔ lo ɛ udu shito kpɛ abi a mie oli suo. Mhi gbo lema Eshinegba ɔ re ɛ migha abi ɔora ni o pfi imhili lo ekɛ egbeɛgbo, ni a nono ingme oyi Eshinegba ali ingme egbe ɛ, ini a khi de.

¹⁸ Mhi gbo lema Eshinegba ɔ ze ni ɛɛ ali ɛgbo eyi Eshinegba nya a dobe lese abi inono oyi Eshinegba ɔ gba ramhi.

¹⁹ Eshinegba ɔ ze ni a lese inono ni iKirisiti ɔ nono awa, inono ni o gho fu dose ode ni ɔa mhɔi ukpese, egehegehe agho ni ingeli eyi ɛɛ, e li abi eyi Eshinegba.

²⁰ A kpemhi na Eshinegba ni ɔ mhɔi ekpabo ro riɛɛ emhi eniemhi, eni e fu dose emini awa mhila li, ali emini awa da dobe sa. Ekpabo eyoli eni e la awa ayemhe ɛ gbe akanya, ɔ deba a riɛɛ eni emhi na awa.

²¹ A ze ni awa ɛgbo eyoli ni awa ali iJesu iKirisiti e khi oghuo, e kueghie Eshinegba, ogbe na akɔ ali agboagbo, ya ramhi ukpese. Atse.

4

Ikugbe onayi eni e miesuo

* 3:6 Li ze iKolo 1.26-27

1 Mhēmhe ni mhi ri itobọ khi mhia ga Ọnọmhuẹ la owa ighumha, mhi lema ẹ, a ke ngeli ingeli enete, enabi Ẹshinẹgba ọ ọ a ke ngeli egheghe ni ọ rọ lu ẹ.

2 Emini a riẹle nya, a ke ti egbe ẹ tiemhi eke, a ri ọfiẹ ali ikuegbe-a nu egbe ke ngeli. A ri inono ni a nono egbe ri ipfomhe-udu ke ngeli.*

3 A rọshẹka mu ikugbe ni Ayemhe-nọ-pfuase o ku awa gbe mhuẹ ali elemhi opfomhe ni o geṅo awa kugbe.

4 Idiegbe oghuo awa khi, Ayemhe-nọ-pfuase oghuo ọ la awa egbe, Igho awa gbo li ri ẹlole shi eke ẹ khe iregbenga oghuo oyi imiepfuese ni Ẹshinẹgba ọ rọ nga na awa abi ọ rọ lu awa.

5 Ọnọmhuẹ oghuo ni ọ khi iKirisiti, ali irudunga oghuo, ali ibatizi oghuo, awa mhọli.

6 Ẹshinẹgba ni ọ khi itawa nya, awa a ga, lọli ọ mhese a na awa nya, lọli ọ ri awa a gbe akanya oyọli, lọli ọ gbo la agbo oyawa nya.

7 Ama iKirisiti ọ kemhi afu ọdọda ke a na ọgbogbo ni ọ rọ ke gbe akanya oyọli. Lọlighuo ọ mhese abi ọ li kemhi we.

8 Ona o ze ni ungmemhi oyi Ẹshinẹgba o rọ ọ. “Abi ọ rọ khọli ebe ọli pfuse-a nya, ọ nga obini o yagha ne nya, ọ ri ebe ọli ni ọ mu ọ le la orọlo, ee deba li ukhu-khokho abi eni a mu okhọli. Ọ tige kemhi isomhopfa enete na egbo.”†

9 Emini a ri ungmemhi oyi Ẹshinẹgba ona ngme, ni ọ, “O nga obini o yagha,” lọli khi, eri iKirisiti ọ kpẹ tiemhie agbo ona, neni ọ nga idane obini ọ yagha.

10 IJesu iKirisiti oni ọ tiemhie agbo ona, ọ gbo nga obini idane iloghie ni o yagha ne nya, ini ọ ze emhikpa ukhomhi ni e guẹ ga ti.

11 iKirisiti ọ kemhi afu na ke na ọgbogbo. Ọ ze eghuo ighiusomhi na keẹ eyọli, ọ ze eghuo emekeguele eyi Ẹshinẹgba, Ọ ze eghuo eni e kia tse abo ungmemhi oyi Ẹshinẹgba, ọ ze eghuo eni eri ukpeloe ẹ khu egbo eyi Ẹshinẹgba ali eni e sese we.

12 Eri ọ lina kemhi afu na we ni e rewe ke gbe ikanya eyọli, ini eni e khi idiegbe oyọli e ke fu shọ, ishegho ni idiegbe oyi iKirisiti o totoa elemhi ugamhi oyọli.

13 Ina a li ya ke me ọli, ramhi egheghe ni awa nya awa rọ kugbe ẹ khi oghuo (abi awa mie Ẹshinẹgba suọ, ni awa gbo lese omi ọli), ya ramhi ni awa rọ fu shi imiesuọ mele eni e womhelo shi imiesuọ, ramhi ni awa rọ ya womhelo nya abi iKirisiti.

14 Egheghe agho awa aa ke ẹa li abi eniye, ini egbo eni e di egbo e khi dobe di awa ya mie emini ẹa khi egbegbingme suọ. Awa aa ke ya li abi oko-oke oniemi ni akpekpeli oniemi o tsua gase ukhomhi oke oniemi,

15 ni awa ri ochogho ke ngme igesikia elemhi inono, ni awa womhelo shi emhikpa, ni awa li abi iKirisiti Ọnọmhuẹ, oni ọ li abi ukhomhi, awa li abi idiegbe oyọli.

16 iKirisiti ọ ku egbo eyọli nya gbe abi idiegbe ogbo o tono elamhi manọ khi oghuo, ni uguabo ogbogbo o lie gbe akanya oyọli. Egheghe agho oni idiegbe nya o fu, o totoa, o womhelo shi ọ, egbo e mhọli inono na egbe.‡

Awa mu ingeli eyi awa pfi

17 Itobọ ona, mhi lo ye ẹ ude, itobọ eva oyi Ọnọmhuẹ, a khi gbo ngeli abi egbo ni ẹa lese Ẹshinẹgba, ni usamhi ni ẹ ẹ sa ọa mu amẹ.

18 Egbo eghogho ẹa ya dobe lese udi emhi eyi Ẹshinẹgba gboo. Ẹa mhuẹ obọ shi agbo onogbo oyi Ẹshinẹgba, itobọ umha lese Ẹshinẹgba oyewe, igbe udu oyewe o tsua ghi we.

* 4:2 Li ze iKolo 3.12-13 † 4:8 Li ze Iwolo 68.18 ‡ 4:16 Li ze iKolo 2.19

¹⁹ Egbe ɛa kɛ lili wɛ ini e riɛɛ ingme ebe. E she ri egbe wɛ na ikanya ebe eni e ghɔle wɛ dɛ. Ingeli khi ingeli eyi itɛɛɔ ɛɛ ngeli. Ingeli eghoɣo ɛ ghɔle wɛ ɛgheɣhe kpa e ke ngeli.

²⁰ Ama, ɔa khi ina a seɛɛ ɛ a li ke ngeli abi a rɔ leɛɛ mie iKirisiti suɔ.

²¹ Mhi leɛɛ khi a she suɔ ingme oyɔli, a gbo seɛɛ ɛ igesikia ni o la ingme oyɔli.

²² Emini a seɛɛ ɛ khi, a khi ke ngeli eni ingeli ni a kpe ngeli, ni oghuɛmhe egbe ni ɛa ti eghe e re ɛ ngeli, ni e yese ɛ agbo-a. §

²³ A zɛ ni Eshineɣba ɔ mu isamhi ali ingeli eyi ɛ pfi ya khi enegbo.

²⁴ Eshineɣba ɔ she ri ingeli enegbo enabi eyɔli na ɛ. Itobɔ ighe a ke ngeli abi Eshineɣba, elemhi ingeli enete ali ipfuase.*

²⁵ Irarighɔ, a khi ke gbo lo ɛgbhɔli, ama a ke gue igesikia ye egbe, itobɔ khi eri awa li abi iguabo ɔɔɔɔ eyi idiegbe oghuo. †

²⁶ Ini u me elemhi ibibi, khi lamhe, khi zɛ obili o bi ya ɛ elemhi-ibibi oye shi ɛ elemhi, ‡

²⁷ Khi ri ɛgheɣhe na okphaghiɛ ni ɔ mu ɛ fe.

²⁸ Oni ɔ kpe ɛ do ughiatɔ ɔ khi ke gbo do, ama ɔ ri abɔ eyɔli ke gbe akanya ni ɔ te me ɛ ke le, ni ɔ gbo te me ɛ ke kemhi na eni ɛa mhɔli.

²⁹ A khi ke ngme ingmemhi ichimhi unu, ama a ke ngme ungmehi onete ni e ri egbe ɛ mu oɣbo ni e ri oɣbo ɛ fu shi imiesuɔ. Zobɛ ni ungmehi oyi ɛ o guɛ ke de shi ɛgheɣhe ni a kha rɔ ngme ɔli, ni o mhɔli ikpaghiobɔ na eni e suɔ li.

³⁰ A khi ri egbe pfo Ayemhe-no-pfuase oyi Eshineɣba-a. Itobɔ khi Ayemhe-no-pfuase khi ɔlele ni Eshineɣba ɔ shi shi ɛ egbe, ni o re leɛɛ ɔli shi udu gboo khi oɣbele ɔɔ bhale ni ɔ ya pfa ɛ olamhe eye ɛ shi keɛ.

³¹ Zobɛ ni, iyese-a, ofu, elemhi ibibi, okhɔli, ali iyese egbe eva, ghe imuegbe oɣbe kpa, ali ikanya ebe nya, e lase ɛ udu le.

³² A ke mhɔli ilelemhi na egbe ɛ. A rɔ ke topfa egbe abi Eshineɣba ɔ ri itobɔ iKirisiti rɔ topfa ɛ. §

5

Angeli oyi oni ɔ miesuɔ

¹ Irarighɔ, a roshɛka ke khɔnya Eshineɣba abi a rɔ da khi imi ɔli ni ɔ nono egbegbo egheɣ.

² A la agbo inono, ezeze abi iKirisiti ɔ nono awa ni ɔ rɔ ghu-a na awa abi iluasobo ni ɛ kphela ni e ghɔle Eshineɣba.*

³ Abi a rɔ khi ɛgbo eni e pfuase egheɣ, a khi riɛɛ emini ɔa gbe akanya nabi itɛɛɔ, ukeliɛ emini ɔɔ pfi omama. A khi khi ena-emhi-ituegbe. Emhi enana ɛa khi emini a suɔ khi a me iteva oye ɛ ɛgbo eyi Eshineɣba ni e khi eni e pfuase.

⁴ A khi gbo ngme ingmemhi omama ali ungmehi oyeghe unu, wɛ khi eri a gbudu li iweghiɛ ali iba izɛɛ ni e we-a. Ochogho, a ke kueghie Eshineɣba.

⁵ A leɛɛ khi, ghe egbo ena itɛɛɔ, ali ɔna ingeli omama, ali ɔna emhi ituegbe, khi ɛa ya mhɔli okemhi shi iloghie oyi iKirisiti ali oyi Eshineɣba. Eri ɔna emhi-ituegbe ɔ li abi oni ɔɔ ga ikhumhi.

⁶ A khi zɛ ni oɣbokhoghuo ɔ ri ingmemhi afue di ɛ, itobɔ khi ɛgbo eni ɛ ngeli ingeli olamhe eghoɣo, Eshineɣba ɔ ya na wɛ ali ɛgbo ni ɛa ya suɔ esɔ na li osue.

§ 4:22 Li zɛ iKolo 3.9 * 4:24 Li zɛ Igbae 1.26; iKolo 3.10 † 4:25 Li zɛ iZaka 8.16 ‡ 4:26 Li zɛ Iwolo 4.4 § 4:32 Li zɛ iKolo 3.13 * 5:2 Li zɛ Okiali 29.18; Iwolo 40.6

7 Irarigho, khi ku ma egbo eni e ngeli ingeli olamhe eghoghogho o.

8 Ejele a kpe la alo ebili, ama memena elemhi akpa a ke la, itobo khi, a ku ma Onomhue o. Irarigho, a ke ngeli abi eni e la elemhi akpa.

9 Itobo khi onete ali ipfuase, ghe igesikia e khi umomhi ni akpa o ro lasele.

10 Rosheka ni u wena emini e ti Onomhue eloe, ni u ke ri ele we.

11 Khi ke nu egbo na alo ebili gbe ikanya afue na alo ebili, ni ea mhue eleli. Ri ochoghogho ke khueghie osheli oyewe-a.

12 Emhi omama ogo khi, ini a ta unu emini egbo ena alo ebili e ri ele elemhi osheli.

13 Ama, ini akpa o khueghie ikanya eghoghogho-a gbo o, egbo e ya lese emini e khi.

14 itobo khi akpa ogo khueghie emhi nya-a, ni a ke me gbo o. Loli Ebe-nopfuase o ro, "A guale eni e lese a, a khi li abi oni o ghua, ni akpa oyi iKirisiti o la e egbe ke ge."

15 Itobo igho lese abi u ke li ya ke ngeli. Khi ke ngeli abi oyeghe, ama ke ngeli abi olesingme.

16 Ini u da mholi eghoghe ro ya ri ele onete ne, nyanya ri ele oli, itobo khi agbo ingme-obe awa ke la.†

17 Itobo igho a khi khi eyeghe, ama a ze ni a lese emini e ghole Onomhue ni a ke ri ele.

18 Khi da onyo pfueche egbe-a, ochoghogho ze ni Ayemhe-nopfuase o ke vo agbo oye.

19 A ke to iwolo ena irudunga khashe egbe, ke to uwolo eni e te e udu lase ke kueghie Onomhue.

20 Eghoghe kpa, ke kueghie Eshinegba ita awa shi emhikpa, itobo iJesu iKirisiti Onomhue oyi awa.‡

Ingeli oyi emose ali ikpotso ni e la ughue

21 A ri egbe tiemhie na egbe e pfo nya itobo khi u mu ekpe na iKirisiti.

22 Ee ikpotso ni a la ughue, a ri egbe e tiemhie na odo e, abi u li ri egbe e tiemhie na Onomhue.§

23 Itobo khi omose o khi ukhomhi oyi ikpotso oni o ro shi ughue, ezeze abi iKirisiti o khi ukhomhi oyi igba oyi egbo eni e mie oli suo. Eni e mie oli suo e khi idiege oyoli ni o mie pfuese.

24 Itobo igho ikpotso ogbogbo ni o mhue odo, o nyese ukhomhi na odo li pfo, elemhi emhi nya, abi igba oyi eni e mie iKirisiti suo e li ri egbe we na li.

25 Ee emose eni e ri ikpotso shi, a mholi inono ni o te ekpe elemhi udu lasele shi ighue e o, ezeze abi iKirisiti o nono igba oyi eni e mie oli suo, ni o ze khi o ghu-a na we.*

26 O ri itoto oyi ungmehi oyi Eshinegba ri eni e miesuo khi eni e pfuase, o ri amehi khushe we-a ni e dala.

27 Eri o ri ele ona na igba oyi eni e mie oli suo, ni o ro ri ewe somhi otse, ni e ze oli ro migha odalo oyoli, ni e khi egbo ni uchimhi o a ta ma egbe, wekhi eni e mholi ichinya, u ke lie khi emhi olese ni o a ti, ama ni e khi eni e pfuase ni ea mholi umha-guekia.

28 Ina, ee emose e li nono ingme oyi ughue we abi e nono ingme oyi idiege oyewe. Oni o nono ingme oyi ughue oli ingme egbe oli o nono.

† 5:16 Li ze iKolo 4.5 ‡ 5:20 Li ze iKolo 3.16-17 § 5:22 Li ze iKolo 3.18; 1 iPit 3.1 * 5:25 Li ze iKolo 3.19; 1 iPit 3.7

29 Ini a mema bino o bie, a ya me khi ogbokhoghuo o a ya biselemhi egbe o li, ama eri o ri emhi na egbe o li e le, o ri ukpeloe e khu egbe o li, ezeze abi iKirisiti o li ri ukpeloe e khu igba oyi eni e mie o li suo oyoli.

30 Uguabo idiegbe oyi iKirisiti awa khi.

31 “Onana o ze ni omose o ro ri ita li ali inyo li e shi eke, o ya toma ughue o li o, eghege agho wewe aava e mele ogbo oghuo a.”†

32 Ukpokpomhi osheli na ni mhi gue e le, ni o la iteva iKirisiti ali igba oyi eni e mie o li suo.

33 Ama, ni mhi ro gbe o li ukhomhi, omose ogbogbo o lolo nono ingme oyi ughue o li abi o li nono ingme egbe o li, ye ye okpotso ni u la ughue, lolo mu ekpe ke na odo e.

6

IPolu o ye eniye ali eni e bia we ude

1 Eniye, a ri ungmehi oyi eni e bia e ke gbe akanya, itobo khi loli o ti ni eni e mie Onomhue suo e ke riepe.*

2 “Mu ekpe na ita e ali inye e.” Ona o khi ushi oni odode ni Eshinegba o shi ni o ri ishiobo ma.

3 “Ini u mu ekpe na eni e bia e, agbo oye o ya ke je odalo egbegbo, u ya gbo li agbo tese agbo ona.”†

4 Ee ita eniye, a khi riepe emini o ri elemhi e ke bi imie, a ri ochogho ke ri ukpeloe khu we, a ke sese we ode oni o ghole Onomhue.‡

IPolu o ye ighumha ali eni e mholi we ude

5 Ee ighumha, a ri ungmehi oyi oni o mholi e ni o la agbo ona ke gbe akanya. A rote ekelemhi udu ke mu ekpe na we. A ri ukpeloe oni o fu ke bino we abi a kha li ri ungmehi oyi iKirisiti gbe akanya.

6 A ke ri ingme oyi ewe gbe akanya eghege kpa, o a khi ini e bino e tse a ro ri ingme oye we ke gbe akanya ini e ba ke kueghie e. Ama a ke li abi ighumha eyi iKirisiti e li mu ekpe e na li, ikhi eni e rote ekelemhi-udu oye we e riepe emini Eshinegba o a ke riepe.

7 Rote elemhi udu oye ke gbe akanya abine khi Onomhue wa ga, itobo o a khi egbo tse awa ga.

8 Roli shi udu khi Onomhue o ya somhi ogbogbo opfa shi ikanya enete ni o gbe, shi oghumha o, shi oni o a khi oghumha.§

9 Ee eni e mholi ighumha, a li gue ke ngeli deba ighumha eyi ee, A khi so we ulishi khi a ya nase we. A lese khi oni o mholi e, mholi ighumha eyi ee, o la iloghie. Loli o khi oni o a mhu e khi ona o kpe mhe dose ogbo.*

Abi eni e miesuo e li nu okphaghe e kholi

10 Ni mhi ro gbe oni ungmehi oye me ukhomhi, a rote obo oyi Onomhue mie itoto eniemhi. Rote ekpabo eniemhi eyoli mie itoto.

11 Rue itsua okholi nya ni Eshinegba o ro ne so, ni u do be nu (ekpabo ali ode ebubu ni okphaghe o rote e lasele shi ogbo o) khe abo pfuse a.

12 Itobo khi o a khi egbo nabi awa, awa nu e kholi, ama itoto ali ekpabo ali ighe eyewe ni e mhesa agbo ona alo ebili, ali ayemhe ebe eyi okphaghe ena irarogbe ni awa a ya me.

† 5:31 Li ze Igbae 2.24 * 6:1 Li ze iKolo 3.20 † 6:3 Li ze Okiali 20.12; iDeut 5.16 ‡ 6:4 Li ze iKolo 3.21 § 6:8 Li ze iKolo 3.22-25 * 6:9 Li ze iDeut 10.17; iKolo 3.25; 4.1

13 Itobọ ighọ ri itsua okhọli eni Eshinegba ọ rọ nẹ nya sọ, ini u dobe khọli ele ni ekpabọ ebe e mu okhọli ẹ vule shi ẹ ọ. Ini u khọli se nya, gbe lighi.

14 Mu egbe ni u rọ khọli okhọli elemhi ayemhe. Eghẹghẹ kpa, mie emini e khi igesikia suọ. Eri ona o li abi ogbenẹ ni okhọli-okhue ọ rọ mu oku. Ke ngeli ingeli eni e migha shi ipfuase odalo oyi Eshinegba. Ona o migha shi awulu akhuli ni a rọ mu aye ini a ya khọli.†

15 Ke mu egbe eghẹghẹ kpa ni u rọ gue usomhi onete oyi Eshinegba oyi opfomhe le, onana o li abi ekuẹ ni okhọli-okhue ọọ sọ shi awe.‡

16 Ke regbenga Eshinegba, ona o ya khukhu ẹ obọ oyi ikuatse ni okphaghie ọọ nono ni lọli kuali ẹ, eri ona o li abi ofiasẹ ni okhọli-okhue ọ rọ mhọli obọ rọ ke fiase ote-osue erali kua.

17 Yebele khi Eshinegba ọ mie ẹ pfuese. Onana o li abi arula akhuli ni okhọli-okhue ọ rọ rughu ẹ ye okhọli. Rue ungmehi oyi Eshinegba ni Ayemhe-nọ-pfuase ọ rọ nẹ mhue obọ ke khọli, eri o li abi ogbhoro ni a rọ khọli okhọli.§

18 Rọ te elemhi Ayemhe no pfuase ke lema eghẹghẹ kpa. U kha lema, ke sọ iromhi ododa. Ke liẹ Eshinegba ọ kpaghie ẹ obọ. Abi u liẹ lema, ke tokpe. Ke lema na egbọ eyi Eshinegba eghẹghẹ kpa.

19 A gbo li ke lema na mhe ni Eshinegba ọ ri ungmehi shi mhe unu eghẹghẹ kpa ini mhi ya khueghie unu a ngme, ni mhi dobe khueghie osheli ni o la usomhi onete oyi Eshinegba-a khase egbọ, ini mhi khaa ngme, ni ulishi o khi mu mhe.

20 Oni ọ to-ẹoli iKirisiti ẹ tse abọ usomhi onete oyi Eshinegba ona mhi khi. Ona o ze ni mhi rọ la owa ighumha. Itobọ ighọ, a ke lema na mhe ni Eshinegba ọ ri udu na mhe ke tse abọ usomhi onete oyọli abi mhi kha li tse ọli.

IPolu ọ lema Eshinegba ọ khivose na eni e miesuo

21 Inyoghua awa ni awa nono ingme oyoli, ni ọ gbe akanya oyi Onomhue te ode igesikia, iTakikosi ọ khi. Ọ ya gue ingme eyemhe nya ye ẹ, ni a rọ gbo lese abi o li mhe egbe ali emini mhia riẹ.*

22 Itobọ ighọ mhi rọ ghie ọli ghi ẹ, ni a rọ lese abi anye li la ọ shi, ni ọ gbo ri udu shi ẹ ọ.†

23 Eshinegba ita awa ali iJesu iKirisiti Onomhue, e ri opfomhe na ẹ ni a miesuo. E ka re ẹ nono ingme egbe ẹ, ali ni a kie ke mie iJesu suọ

24 Eshinegba ọ ka li okhale na egbọ nya ni e nono ingme oyi iJesu iKirisiti Onomhue oyi awa, ikhi inono ni ọ ya pfo ghue.

† 6:14 Li ze Aza 11.5; 59.17 ‡ 6:15 Li ze Aza 52.7 § 6:17 Li ze Aza 59.17 * 6:21 Li ze Ika 20.4; 2 iTimo 4.12 † 6:22 Li ze iKolo 4.7-8

Ebe ni iPọlu o kẹkẹ ghi ẹgbọ IFilipia Eni e miesuọ

¹ Mhẹmhẹ iPọlu ali iTimoti eni ẹẹ ga eyi iJesu iKirisiti anye ga khi.*

Mhẹmhẹ mhi kẹkẹ ebe ona a ghi ẹgbọ ni e mie iJesu iKirisiti suọ nya ni e la eke iFilipi shi eni e ri ukpẹlo e khu eyi igbaa oyi eni e mie iJesu iKirisiti suọ ali eni e la aghọ o kpaghịe obo.

² Eshinẹgba Ita awa ali iJesu iKirisiti Onomhūe e ka li okhale na ẹ, e gbo ri opfomhẹ ghi ẹ.

³ Eghẹghẹ kpa ni mhi rọ da sato ẹ egbe ne, eri mhia kphẹmhi na Eshinẹgba.

⁴ Eghẹghẹ kpa ni mhi rọ da a sọ iromhi na ẹ nya ne, eri oghẹle ọọ la mhẹ udu ke sọ iromhi.

⁵ Irari ode ni a te nu mhẹ ri oni usomhi onete kia, rọte ẹle nodode ya ramhi amo.

⁶ Mhi rọ shọ khi, Eshinẹgba ni o gba ikanya enete eke le shi agbo oyeẹ, loli o ya nu e tsua li ramhi ẹle ni iJesu iKirisiti o rọ ya nyenẹ egbe bhale.

⁷ O ti ni mhi lina ke saa ingme oyeẹ eghẹghẹ kpa irari khi ingme oyeẹ o la mhẹ udu. O kha ririẹ khi ighumha mhi la, okekhi ini mhia khẹ oni usomhi onete shi eke, ali ini mhia pfi ọtsẹle rọ lama shi emini oni usomhi onete o riẹle. Irari khi eri Eshinẹgba o ri oni afu ona ga na awa, ni awa rọ gue oni usomhi onete le.

⁸ Eshinẹgba o khi ọtsẹle oyeemhẹ khi igesikia mhia ngme ini mhiẹ khi inono ekelemhi udu ona iJesu iKirisiti mhi mhue na ẹ.

⁹ Iromhi ni mhia sọ na ẹ khi, inono ni a mhue ena, o ke nga shọ, rọte ilẹsingme ali ilẹse udi ingme,

¹⁰ ni a rọ dobe ke ze emini o ti ne. Ini a pfuase, ni a khi eni ẹa mhue umhagukia ya ramhi ẹle ni iKirisiti o ya nyenẹ egbe bhale.

¹¹ Ni agbo oyeẹ o vọ ingeli ipfuase ni e rọte obo oyi iJesu iKirisiti bhale. Ni a rọ me asha ri ufumhi ali ikuẹghie na Eshinẹgba.

IKirisiti a la agbo o na

¹² Mena, mhia nono ni a lẹse khi emini mhi me khi eri o kpaghie obo ti usomhi onete je odalo.

¹³ Irarigho, ekhe-khe na agbala nya e she lẹse khi itobo khi mhi khi aghiusomhi oyi iKirisiti a rọ mu mhẹ shi owa ighumha.†

¹⁴ Ogba ighumha ni a mu mhẹ shi o she ri inyoghuo awa ebubu regbenga Onomhūe, ni a rọ bhale ya ẹ khi e zese udu-a eghẹghẹ kpa rọ gue usomhi onete oyi Eshinẹgba le, ni o khia khi ulishi ọa mu we.

¹⁵ Egbegbo lo, khi, rọte ayemhẹ ubogbo ali ofuma, ẹgbọ eghuo e rọ ri iKirisiti ẹ tse abo, ama eghuo e rọte udu igesikia roli ẹ tse abo.

¹⁶ Eni e rọte udu igesikia a tse abo, ayemhẹ inono e rọ o riẹle ọli, irari khi e lẹse khi itobo igho Eshinẹgba o rọ remhẹ shi akana ni mhi migha ke khẹ oni usomhi onete shi eke.

¹⁷ Elese e rọte udu arọ-timhenga ri iKirisiti ẹ tsabo. Oa khi ode igesikia e te roli ẹ tse abo. Eri o li we egbe abine khi e kha me asha to ingme shi eke na mhẹ abi mhi la owa ighumha ena.

* 1:1 Li ze Ika 16.12 † 1:13 Li ze Ika 28.30

18 Abiabi e li ri iKirisiti tsabɔ kpa, ɔa mhuɛ abi o ngme. O ke khi oɔɛ ɛgbɔli o, o khi ɛgbegbi oɔɛ oo, mhi mema ya ke gheɛ shi ɔ.

Igho lɔ e, mhi mema ya ke gheɛ shi ɔ.

19 Itobɔ khi mhi lɛsɛ khi rɔte iromhi ni a so, ali ikpaghiobɔ ni o rɔte Ayɛmhɛ oyi iJesu iKirisiti bhale, a ya rue mhɛ elemhi owa ighumha ona lasele.

20 Mhi ma tɔ ɛloe eke, mhi gbo mhuɛ irudushi ɔ khi, mhi aa ya tigbe zɛ ni akanya oyɛmhɛ o ba mhɛ ku. Ama ɛghɛghɛ kpa ali memena mhi ya ri igbedu ke ngme ni mhi ke ri ufumhi ghi iKirisiti rɔte angeli oyɛmhɛ, mhi la agbɔ oo, okekhi ini mhi ghua.

21 Irari ini ɛ oyɛmhɛ, agbɔ ni mhi la, iKirisiti mhi la ɔ na. Mhi kha ghua, eleli o khi na mhɛ.

22 Ama ini mhi kie la agbɔ a lɛ, mhi kha kie mhɔli ikanya enete ni mhi kha gbe na iKirisiti. Ama onoghuo ɔ, mhi kha zɛ mena? Mhi aa lɛsɛ e!

23 Udu o zɛ mhɛ eva, mhi aa lɛsɛ oni mhi ya zɛ ɔ. Mhi ga nono ni mhi deba iKirisiti ni mhi lase agbɔ le. Ona o ga ti mhɛ egbe nɛ.

24 Ama itobɔ oyɛ ɛ, o ti ni mhi la agbɔ.

25 Mhi lama shi ona, mhi lɛsɛ khi mhi ya la agbɔ. Mhi ya nu ɛɛ nya la agbɔ ni a ke je odalo, ali ni a mhɔli oghɛɛ ni o la irudunga.

26 Ni a rɔ bhale ya ɛ khi ini mhi nyenɛ egbe bhale gbo nu ɛ la, a ya mɛ asha ke titi egbe irari oyɛmhɛ, rɔte elemhi agbɔ oyɛɛ ni o kuma iJesu iKirisiti ɔ.

27 Abibi o riɛ li, ke ngeli abi ungmehi oyi iKirisiti o ngme. Ni a rɔ bhale ya ɛ khi, mhi bhale ya mɛ ɛ o, okekhi eri mhi suɔ eko ɛ o, mhi kɛ lɛsɛ khi a kie migha ɛgbegbɔ elemhi ayɛmhɛ oghuo. A khɔli okhuɛ usomhi onete elemhi ikudugbe abi ogbɔ oghuo.

28 A khi zɛ ni ulishi ebe ɛ o mu ɛ, ona o ya rɛ wɛ lɛsɛ khi a ya mhuɛ eleli, ama wɛwɛ e ya pfua, irari khi ɛshinɛgba lɔli o ri imuɔle na ɛ.

29 Irari khi a she ri ɛghɛghɛ na ɛ ni a rɔ ga iKirisiti, ni ɔa khi irari khi a lɛsɛ ya miesuɔ tsɛ, ama ni a rɔ li ya mɛ osue na li.

30 Memena, a li kuma mhɛ ɔ shi oni okhɔli. Oni a mɛ khi mhii khɔli ɛghɛghɛ ni o dɔsɛ, ni mhi kiele ɛ khɔli memena.‡

2

A ke khɔnya iregbe-tiemhie onabi oyi iJesu

1 Agbɔ oyɛɛ ni o kugbe iKirisiti ɔ, o zɛ ni a rɔ toto. Inono ni ɔ mhuɛ na ɛ o ri udu shi ɛ ɔ. ɛɛ ali Ayɛmhɛ oyɔli a mhuɛ ikugbe. A gbo mhuɛ isomhelemhi ali ilelemhi na egbe ɛ.

2 Irarighɔ, mhia nono ni a rɛmhɛ ke gheɛ shi abi a mhuɛ isamhi eghuo, ni a riɛle inono na egbe, a gbo khili oghuo elemhi ayɛmhɛ ali udu.

3 A khi ri ayɛmhɛ a ba timhɛ nga ali ni a ba mɛ asha ke tono obɔ udu, riɛle emhikhɔghuo. Ama a nyɛsɛ ukhomhi na egbe. A bino khi ɔgbɔɛsɛ ɔ somhi dɔsɛ ɛ.

4 A nono onete oyi egbe ɛ, ɔa khi onete oyi yɛyɛghuo tsɛ.

5 Mhuɛ angeli nabi iJesu iKirisiti ɔ mhuɛ.

6 Abi o riɛ khia khi
eri iKirisiti ɔ li abi ɛshinɛgba.

Ɔa tigbe sa li khi
otu lɔli ali ɛshinɛgba e khi.

7 Ochoghɔ, eri ɔ rɔte udu oyɔli
rue emini ɔ mhuɛ nya obɔ-a,
ɔ mele ɔni ɔɔ ga ɔgbɔ-a.

‡ 1:30 Li zɛ Ika 16.19-40

O mele oḡbọ-a,
 o ri ekuẹ oḡbọ ku egbe bhale.
 8 O ri egbọli tiemhile,
 o kia okiali isueso
 ya ramhi ni o ro ḡhua, ikhi eghuli oyọli na apfida.
 9 Itobọ ona, Eshineḡba o yase ọli
 nga obini o yagha ne nya.
 O ri eva ni o fu doṣe eva nya nali,
 10 ni a ro bhale ya e khi
 ashiashini a da la
 lu eva oyi iJesu ne,
 ikhomhẹgbhẹ nya e nyese
 ghe emhi nya ni e la idane
 ali eni e la eke, ali eni e la elemhi eke,
 11 emhi nya e ya pfi otsele
 khi iJesu iKirisiti o khi Onomhue,
 ni a ro ri ufumhi
 na Eshineḡba Ita.*

12 Itobọ igho, emole mhe, abi a lie sueso ukpeloeyemhe a gbo ligho ke sueso
 odukhokho oyemhe. A ri ulishi ali ikpheli ke gbe ikanya, ni irudunga oyee o
 gba pfo.

13 Itobọ khi eghẹghe kpa Eshineḡba o ro la e egbe e gbe akanya ni o re e mhue
 oghuemhe, ni a gbo doḡe ke riẹle emini o de shi omhese onete oyoli.

14 A khi ri awolo we ekhako riẹle emhikhoghuo.

15 Ni a khi egbo ni ea mhue umhaguekia, ni e pfuase abi imi Eshineḡba ni e
 gba pfo, elemhi agbo ni egbo ali ena ikanya ichimhi e la. A mema la we iteva
 ke ge abi ikpetata ni e la idane,†

16 abi a lie gue ungmemhi agbo ke ye we. Ini a li gho, mhi ya me asha ke re
 e titi egbe ele ni iKirisiti o ya nyene egbe bhale. Irari khi eri ona o ya rokhasẹ
 khi iroshẹka ni mhi roshi ali ikanya ni mhi gbe, ea khi afue.

17 Ini a tseku ku oia eyemhe abi onyo shi iluasobo ali ikanya enete ni o roṣe
 irudunga oyee lasele, eri egbe e mu mhe shi o, mhi nu e ghele.

18 Irarigho, egbe e li ke mu e, a li nu mhe ke ghele.

ITimoti ali Epafuroditusi

19 Ini o ghole Eshineḡba, mhi khokho khi mhi ya doḡe keḡe ghie iTimoti ghi
 e. Ni mhi ro suo eko e, ni mhi mhue oghelẹ ini o jele.

20 Lolighuo kpe o lese abi o li mhe egbe, ni ingme oyee o gbo mu egbe.

21 Egbo eni e kpole nya, eleli oyewe e na khu, ama o a khi eleli oyi iJesu
 iKirisiti.

22 Ama, ee, a lese abi iTimoti o li ri egbọli khase e abi o la o shi. Abi mhemhe
 ali lue anye li kugbe gbe akanya oyi usomhi onete oyi Eshineḡba abi ita ali omọ
 ee li.

23 Mhi ya keḡe ghie ọli ghi e ini mhi da lese abi o ya li mhe egbe.

24 Mhi ri egbe da Onomhue khi mhi ya keḡe bhale.

25 Mhi kie gbo li khokho khi o ti ni mhi ghie inyoghuo awa ghi e, ikhi
 Epafuroditusi ni o she gbe akanya deba mhe, ni o she gbo nu mhe gbe akanya
 ode-khode. Ni o gbo khi aghiusomhi oyee ni o o kpaghie mhe obọ.

* 2:11 Li ze Aza 45.23 † 2:15 Li ze iDeut 32.5

²⁶ Egbe e e kphakpha li ni o ro me e. Egbe e a ke sheshe oli itobo khi a suo khi o o ghua.

²⁷ Egbegbo lo, o o ghua gba, ukuku o kpoli eghuli le. Ama Eshinegba o mhu e ilelemhi na li. Oa khi lolighuo Eshinegba o mhu e ilelemhi na tse, o li mhu e na mhe, o tsumhi mhe elemhi osue ni o to-nga osoli.

²⁸ Mhemhe egbe e kphakpha ne ni mhi ro ghie oli ghi e. Ni a gbo mhu e oghel e ini a me oli, ni osoli oyemhe o kelea.

²⁹ A ri oghel e kpe abo mie oli abi inyoghuo na elemhi oni irudunga. A mu ekpe nofun e na egbo nya nabi loli.

³⁰ Itobo khi o ri agbo oyoli shi okhena, ukuku o kpole suii ni o kha ro ghu-a shi akanya oyi iKirisiti, ini o me asha ri ikpaghiobo na mhe ni e e aa dobe rona mhe.

3

Angeli ni o migha shi ipfuase

¹ Ni mhi ro gbe oli ukhomhi, inyoghuo, a ke ghel e shi abi a li kuma Onomhu e o. Oa mhu e abi o ngme mhe ini mhi ri el e emini mhi kpe keke ghi e gbo keke, loli o ya ti e egbe ne.

² A mu egbe e shi egbo egho ni e li abi ewa, ni e e gbe ikanya ebe. Ikhi eni e lie khi ogbo mema shel e-a neni imiepfuase oyoli o gba pfo.

³ Anye ena, a shel e egbegbi ishel e-a, irari khi anye te ode ayemhe e ga Eshinegba. Anye mholi oghel e shi elemhi agbo oyi anye khi anye kuma iJesu iKirisiti o, ni anye ea ri egbe da ikanya idiegbe.

⁴ Ama mhemhe mhii kha ri egbe da ikanya idiegbe eghogho ne.

Ini aa nono ogbo ni o kha regbeda ikanya idiegbe eghogho lo, mhemhe o kha khi.

⁵ Irari khi el e-nuzi-elele ni a ro bia mhe, a ro shel e mhe-a. Ongi iZireni a bia mhe, mhi rote unuekpe oyi iBejami lasele, egbegbi ongi Iburu. Ini e e, iri ushi oyi egbo iJu gbe akanya, iFarisi mhi khi.*

⁶ Mhi mhu e omuegbe ramhi ni mhi ro mu okholi vule shi igbaa oyi eni e mie iJesu iKirisiti suo o. Ini e e abi ogbo o lie pfuase, ode irushi-gbe akanya, mhi aa mhu e ashini o kp o mhe shi.†

⁷ Ama emhi eghogho ni mhi kha leli shi eleli, mhi rewe shi afue, itobo oyi iKirisiti.

⁸ Oa khi egho tse, mhi lama emhikpa o limhe opfu-a, itobo ufumhi ni o la ilese ni mhi lese iJesu iKirisiti Onomhu e oyemhe. Itobo oyoli mhi ro tsua emhi nya kua. Eri mhi ga bino we shi iku, ni mhi me asha mhu e iKirisiti,

⁹ ali ni mhi ga toma li o pfo. Mhi aa ke mhu e angeli no migha shi ipfuase oyemhe, angeli ipfuase onabi mhi ri itobo khi mhi ri ushi e gbe akanya mholi. Ama angeli ni o migha shi ipfuase ni a rote irudunga oyi iKirisiti ro na mhe mhi ke mholi memena, angeli ipfuase ni o rote ob o oyi Eshinegba bhale, ni o rote irudunga bhale.

¹⁰ Emini mhia nono ni mhi lolo lese khi iKirisiti ali ekpabo ni o rote eghuli guise oli le. Ni mhi ro nu oli me osoli ni o me, ni mhi nu oli ghu eghuli onabi o ghu.

¹¹ Itobo khi mhi mholi oli shi udu khi a ya li rote eghuli guise mhe le.

Roshaka na ya ramhi ukpese elemhi irudunga

* 3:5 Li ze Ika 23.6; 26.5; iRom 11.1 † 3:6 Li ze Ika 8.3; 22.4; 26.9-11

¹² Mhi a liē khi mhi she ramhi ashini mhia nono ni mhi ramhi ne, wēkhi eri mhi she gba pfo. Ama eri mhi rōshēka ni mhi li abi iKirisiti. Onana o zē khi iKirisiti ọ pfi obọ rue mhē.

¹³ Igesikia, inyoghuo, mhi aa bino egbemhē shi ọni ọ she lo owa ne. Emhi oghuo ni mhia li, khi, ni mhi rọ rue ẹloe emini e je ikhokho a, ni mhi rōshēka ri obọ ramhi emini e la odalo.

¹⁴ Irarigho, eri mhi na lē talala, ni mhi rọ mhue ifata, ni o khi ulumhi ni Eshinegba ọ lu mhē, rōte ifesu iKirisiti je agbọ ni o la iloghie.

¹⁵ Awa nya ni awa mhọli iwomhēloe shi elemhi ayemhē, awa li mhue udu onana. Ama ini eghuo elemhi ẹ, e mhue udu ọda shi ingme onana, Eshinegba ọ ya rọli khase ẹ.

¹⁶ Abibi o ya li, awa ke je odalo shi ushi oghuo ni awa deba ramhi ana.

¹⁷ A ke khonya mhē inyoghuo. A ri esọ shi ẹgbọ ni ẹ deba oni odẹ onete ni anye rọ shi ekẹ na ẹ.‡

¹⁸ Mhi she kpẹ gueye ẹ ne, mhi gbolo ri eviē shi alo a gueye ẹ memena, khi ẹgbọ eghuo e la no khia khi uwali agbọ ni e la, o she rẹ wẹ khi ọbe oyi eghuli ni iKirisiti ọ ghu shi apfida.

¹⁹ Owa erẹ ẹẹ je, irari khi oghuemhē idiegbe oyewẹ o khi olitsa oyewẹ. Eri ẹẹ titi egbe shi emini e kha rọ shi omama. Usamhi emhi agbọ ona e lẹsẹ ẹ sa.

²⁰ Ama awa, udiokute oyawa o la iloghie, awa lolo ri alo shi ekẹ ke khẹ Ọmpiefuese ikhi ifesu iKirisiti ni ọ rōte iloghie jele.

²¹ Ọ ya ọoghie idiegbe oyawa ona ni ọọ ghu, ọ ri idiegbe oyi ufumhi onabi oyọli to-ẹloli ọli. Itoto ogho ni ọ rọ doḅe ri emhikpa bhale omhese oyọli ọ rọ ya riẹlẹ wẹ.

4

Ungmemhi irudusho

¹ Itobo igho, inyoghuo, ingme oyẹ ọo mu mhē egbe gba. Eloli ẹ, o she nga mhē. A ma ri egbe a mu mhē, mhi gbo rẹ ẹ titi egbe, igho o ti ni a kha li migha agbọ oyẹ na Ọnọmhue.

² Mhi lema Euodia ali iSitaiki, a kpẹkpẹ a lama na egbe abi inyoghuo ni e mie Ọnọmhue suọ.

³ Ali yeye ọnuzava oyemhē, iSizigusi, kpaghie eni ikpotso ena obọ irari khi e she nu mhē mē osue shi itsabọ usomhi onete ona kia kia. Ghe iKilemeti ali eni anye ga gbe akanya kugbe ali elese nekpole, eni eva oyewẹ o la ebe ni a kekẹ eva oyi eni e ya mhọli agbọ na agbọagbọ.

⁴ Eshinegba o zē ni a ke mhọli oghelẹ ẹghẹghẹ kpa irari khi a kugbe Ọnọmhue ọ. Mhi gbolo ẹ i, a ke ghelẹ!

⁵ Zē ni ọgbokpa ọ ke me iguẹ riẹlẹ emhi shi ẹghẹghẹ oyẹ gboo. Irari khi Ọnọmhue ọ kelẹ ya bhale.

⁶ A khi zē ni emhikhoghuo o mu ẹ egbe doḅe. Ama, emhikpa, a ri udu ikphemhi ke sọ iromhi mhila Eshinegba emini u wa nono.

⁷ Ni opfomhē oyi Eshinegba ni o doḅe ileḅe oyi ọgbọ nya, o ri igbe udu ali ayemhē ni o migha na ẹ, irari ikugbe ni a kugbe ifesu iKirisiti ọ.

⁸ Ni mhi rọ gbe ọli ukhomhi i, inyoghuo-mhē, a zē ni isamhi eminete ni a kuẹghie ọgbọ ọ shi e vọ ẹ udu, li shi emini e khi egbegbo, ni e mu ẹloe, ni e rōte odẹ ipfuase bhale, ni e khi eyi inono, ni a mu ekpẹ shi.

‡ 3:17 Li zē 1 iKori 4.16; 11.1

9 A ri emini a wena obo oyemhe ali eni a mie obo oyemhe, okekhi eni a me agbo oyemhe ke gbe akanya. Shi eni mhi ri unu ngme ali eni mhi rieḷe. Eshineḡba ni o ri ofomhe e na ogbo o ya nu e la.

IPolu o tse obode shi isomhopfa

10 Abi ogbo ni o mie Onomhue suo, egbe ma mu mhe shi o gba, khi, abi o tseku tse, khi a kie gbo me asha ri inono ni a mhue na mhe khasē mhe. Oa ke khia khi eri mhi ri ona lie khi aa ke kpe ri eloe e khu mhe, ama eri aa ke kpe me asha kpaghie mhe obo.

11 Oa khi eri mhia ngme ona irari khi o limhe egbe abine khi a pfi mhe esō-a, itobo khi abi oni mhi mhue o lie khuese mhe o she ma mhe-a.

12 Mhi lese abi oḷ li egbe ini ogbo o la umhame ali abi oḷ li ini ogbo o la osuemhe. Mhi she wena osheli ona ni a ro bhale ya e khi oni mhi mhue o bu mhe. Obiobini o khi oo, ashiashini o khi oo, mhi le khue oo, o ke khia khi okiamhi oḷ gbe mhe.

13 Mhi doḃe rieḷe emhikpa rote itoto ni iKirisiti o ro na mhe.

14 A ma khale, abi a li kpaghie mhe obo abi mhi ro la omunu.

15 Ee egbo iFilipi, a lese khi abi mhi ro rote eke iMasidonia vu, ni mhi ro lese gba akanya itsabo usomhi onete le, eeghuo kpe a khi eni e miesuo ni e kpaghie mhe obo elemhi irona ali inemie.

16 Oa khi utoghuo tse, a kpaghie mhe obini eke iTesalonika abi mhi ro nono ikpaghioḃo.*†

17 Oa khia khi isomhopfa mhi lese nono, ama emini a ya keke shi ekuē oye na iloghie mhia nono.

18 A she fali mhe ota gba pfo, e gbo gba nga o. A she ri itsua ghi mhe ni e vo mhe eke, abi mhi ro mie Epafuroditusi emini a rona li ghi mhe ena, eri e li abi irona ni ee kphela, ikhi iluasobo ni a mie, ni e ti Eshineḡba eloe.‡

19 Eshineḡba oyemhe o ya ri emini e ghole e nya na e. Epfue ni o fune ni o la iJesu iKirisiti onayi oḷi o te ya rieḷe oḷi.

20 Ufumhi o khi oyi Eshineḡba Ita awa ya ramhi ele ni agboagbo, Atse!

Otse ni o kpukhokho

21 Mhia tse ogbokpa ni o khi Omi Eshineḡba ni o khi oyi iJesu iKirisiti. Inyoghuo nya ni e nu mhe la ana ee tse e.

22 Egbo eyi Eshineḡba ni e la ana nya ee tse e, ghe eni e la agbala oyi iSiza.

23 Okhale oyi iJesu iKirisiti Onomhue o ka nu ayemhe oye e la. Atse.

* 4:16 Li ze Ika 17.1 † 4:16 Li ze 2 iKori 11.9 ‡ 4:18 Li ze Okiali 29.18

Ebe ni iPɔlu ɔ keke ghi egbo IKolosha Eni e miesuo

¹ Mhemhe iPɔlu, aghiusomhi na kee oyi iJesu iKirisiti ni Eshinegba ɔ ze abi o ghole ɔli shi mhi khi, li shi inyoghuo awa iTimoti.

² Mhemhe mhi keke ebe ona ghi egbo eyi Eshinegba ni e la eoli iKolose, ikhi inyoghuo awa ni e pfuase ni a ri egbe e nga elemhi iKirisiti.

Eshinegba Ita awa ɔ ka li okhale na e, ɔ ri opfomhe na e.

Iromhi ali ikphemhi

³ Eghenge kpa anye ro kphemhi na Eshinegba, Ita iJesu iKirisiti Onomhue oyawa, ini anye e so iromhi na e.

⁴ Itobɔ khi anye she suo abi a migha shi irudunga oyi iJesu, ali abi a li nono ingme oyi egbo eyi Eshinegba nya.

⁵ Emini Eshinegba ɔ ro shi eke e khe e obini iloghie, o re e mhɔli irudunga ali inono ona, ikhi emini a she suo elemhi ungmemhi igesikia, ikhi usomhi onete oyi iJesu iKirisiti ni a she gueye e.

⁶ Oni usomhi onete ona o she ri umomhi e lasele, o gbolo fu e shi ɔ elemhi agbo nya, abi o kie kpe e li iteva oyee rote ogbele ni a te lese igesikia ni o la ukpokpomhi okhale ni Eshinegba ɔ li.

⁷ Obɔ oyi Epafurasi a te suo oni okhale oyi Eshinegba, oni ɔ khi otuoghuo elemhi anye, ni oo gbe akanya oyi iKirisiti te ode igesikia ni ɔ to eloli anye.*

⁸ Lolɔ ɔ gbo gueye anye abi oni Ayemhe ɔ li re e mhɔli inono na egbo eyi Eshinegba.

⁹ Abi anye te lina suo esɔ onete oyi angeli oyee, anye e tigbe yemhe iromhi isoso-a, ni anye so ɔ na e. Anye e so iromhi, Eshinegba ɔ rote ilisingme ali lese elemhi Ayemhe-no-pfuase kpaghie e obɔ, ni a lese oghuemhe oyoli, ni a riele ɔli.

¹⁰ Eri anye lina so iromhi na e, ni a guɛ ke ngeli abi egbo eyi Onomhue ee li, ni a ri egbe ke mu ɔli, a ri imomhi eyi onete iriele lasele, a gbolo e lese Eshinegba gbo shi ɔ.

¹¹ Anye gbolo e lema li, ɔ ri itoto na e, ni a ke ri ekpabo eyoli nya gbe akanya, ni a mhɔli ukpokpomhi iregbemie ali irabomudu ali oghelɛ.

¹² Ni a ke kphemhi na Eshinegba Ita, ni ɔ li re e fu te eni e li mhɔli okemhi shi ugu oyi egbo eyi Eshinegba, eni e la akpa, ni ɔ ro khe e.

¹³ Eshinegba ɔ she rue awa obɔ oyi ekpabo alo ebili eyi okphaghie lasele, o rue awa bhale iloghie oyi omi ɔli ni ɔ nono.

¹⁴ Obɔ oyoli awa te mhɔli ipfasheke, ni ɔ ri olamhe topfa awa.†

IKirisiti ɔ fu ne nya

¹⁵ IKirisiti khi irɔkhokho oyi Eshinegba ni ogbo aa ya me eloe. Lolɔ ɔ khi oni odode emini Eshinegba ɔ ma nya.

¹⁶ Irari khi obɔ oyoli a te ma emhikpa, ikhi emini e la ukhuli ali eke, ghe eni a me ali eni aa ya me, okekhi ikpekhomhi eghiele o, o khi ekpabo o, o khi ighie o, okekhi ena omhese o, lolɔ ɔ ma emhikpa, ɔ ma we na egbo li.

¹⁷ ɔ kpe la ɔ neni a ma emhi nya, lolɔ ɔ ze ni emhi nya e ro kugbe khi oghuo.

* 1:7 Li ze iKolo 4.12; iFilɛ 23 † 1:14 Li ze Efi 1.7

18 Lọlọ ọ khi ukhomhi oyi idiegbe, ikhi igbaa oyi eni e mie iJesu iKirisiti suọ. Lọlọ ọ khi igbaekele, itobọ khi lọlọ Ẹshinẹgba ọ kpẹ guise le, ni ọa ke gbo ya ghu ghue, eghẹghẹ agho ni lolighuo ọ ri obọ nga emini e la agbọ nya ke mhẹse shi.‡

19 Irari khi eri o ghọle Ẹshinẹgba ni emini ọ khi nya o la agbọ oyi Omi ọli.

20 Ishegho ni ọ me asha rote obọ oyi oni Omi ọli nu emhikpa mhue iro-riele, o khi emhi na agbọ ona okekhi ena idane. Olia eyọli ni ọ ku abi ọ rọ ghu-a shi ukhomhi apfida ọ rọ riele ona.§

21 Eghẹghẹ ni o dọse ni aa rọ kpẹ lese Ẹshinẹgba, eri a nuata shi ọli ọ. A khi ebe ọli elemhi udu oyeẹ, itobọ angeli obe ni a ngeli.

22 Ama Ẹshinẹgba ọ she re ẹ nu egbọli rọ riele. Eghuli oyi iKirisiti ọ rọ re ẹ khi eni e pfuase shi odalo oyọli, ni aa ke mhọli ichimhi, ni á pfue umhaguekia.

23 Ini a da kie la elemhi irudunga oyeẹ, ni a rọ migha gbagbagba shi ọ, ni aa rọ ze ni irudushi ni a mhọli o nighise, ikhi oni a mhọli shi emini Ẹshinẹgba ọ rọ shobọ na ẹ elemhi usomhi onete oyọli. Oni usomhi onete ona ni a she rọ tse abọ khase ọgbọkpa elemhi agbọ ona, lọli a ze mhẹ iPolu shi abi aghiusomhi, mhi rọli ke tse abọ.

Ikanya ni iPolu ọ gbe na igbaa oyi eni e mie iJesu iKirisiti suọ

24 Memena, egbe ga a mu mhẹ shi osoli ni mhi me ẹ na ẹ elemhi idiegbe oyemhẹ. Eri mhi ri oni osoli ona pfuse ikanya eni e kpole gbe, abi iKirisiti ọọ me osoli na idiegbe oyọli, ikhi igbaa oyi eni e mie iJesu iKirisiti suọ.

25 Ẹshinẹgba ọ she remhẹ khi oni ọọ ga oyi igbaa oyi eni e mie iJesu iKirisiti suọ oyọli, ni mhi ya tse-abọ oni usomhi oyọli nya ye ẹ.

26 Ona o khi osheli ni ọ kpẹ rọ sheli na egbọ rote igbaekele ramhi eghẹghẹ ana. Ama, lọli ọ tigbe khueghie a khase egbọ eyọli ena.

27 Eri Ẹshinẹgba ọ riele ona ni eni egbọ eyọli e lese ẹpfue oniemi ni o la oni osheli ona. Oni osheli khi, iKirisiti ni ọ la agbọ oye ẹ, ni ọ re ẹ mhọli irudusho khi, a ya nu ọli mhọli okemhi shi ufumhi oyi Ẹshinẹgba.

28 Lọli o ze ni anye rọ ri iKirisiti ẹ tse abọ khase ọgbọkpa. Rote egbhali ni anye mhọli nya anye te ẹ tse agua ye egbọ, anye gbolo ẹ sese we ni anye rọ rue we bhale odalo oyi Ẹshinẹgba abi egbọ ni e mhue iwomhelo, ni e toma iKirisiti ọ.

29 Ni a bhale ya ẹ khi ona o ze ukhomhi, eri mhi ri ekpabọ eyi iKirisiti nya ni e la mhẹ egbe rọsheka gbe akanya.

2

1 Mhia nono ni mhi gueye ẹ abi mhi li rọsheka a kpaghie ẹ ali eni e miesuo ni e la ẹoli iLaodisha ali egboese ni ẹa me mhẹ ukpelo ghu e obọ.

2 Emini o ze ni mhi rọ ọ riele ona khi ni a rọ ri udu shi we ọ, ali ni e kugbe elemhi inono, ini e mhọli ẹpfue ni o gba pfo ni ilese o rọ ọ na ogbọ. Eghẹghẹ agho ni e lese osheli ni Ẹshinẹgba ọ gba, ni o khi iKirisiti.

3 Lọlighuo kpe ọ khi okpe ni ọọ khueghie ẹpfue-a ni o la ileasingme ali ilese eyi Ẹshinẹgba.

4 Eri mhi gue ona a ye ini ọgbọkhoghuo ọ khi ri osese egbọli bhale ya di ẹ, abibi eni osese e ririẹ dala esọ ramhi.

5 Irari khi, ini mhi aa ririẹ nu ẹ la agho, ayemhẹ oyemhẹ o nu ẹ la agho. Mhi nono ni mhi bhale ya me ẹ abi a gue la kuete, ni irudunga ni a mhọli shi iKirisiti ọ ọa li nighise.

6 Aborokhia khi a she rue iJesu iKirisiti abi Onomhuae, a nu ọli ke ngeli kugbe,

7 à gbelighi mighà, a gbo rò ma imiesuo ni a mie iKirisiti suo, a kie mhòli òli shi udu khi emini a sese è khi ingme eyi iKirisiti khi igesikia e khi. A kphèmhì è na Èshinëgba èghèghè kpa.

8 Khi zè ogbòkhoghùo di è mu lama shi osesè afuè ali eyi ikpamhika. Ikhi osesè ni e migha nga angeli ali egbhali oyi agbò, ni èa ròte obò oyi iKirisiti bhale.

9 Irari khi emini Èshinëgba ò khi nya e la idiegbe oyi iKirisiti.

10 Irari khi a kugbe iKirisiti ò, a rò mhòli agbò ni ò gba pfo elemhi ayemhè. Lòli òò kpeda nya elemhi ekpabò ali omhèsè ali afu nya na elemhi ayemhè.

11 Itobò khi a kugbe iKirisiti ò, ò rò rue è oghuemhè idiegbe udu lasese, èzèzè abi a liè shèlè ogbò èpfi-a.

12 Èzèzè abi a li ri iKirisiti tò abi ò rò ghua, ni a gbo guise òli le, ighò a li pfi è lo elemhi okè gbo mu è vule, elemhi ibatizi. A guise è le bhale agbò irari khi a mhòli irudunga shi ekpabò oyi Èshinëgba ni ò ròte eghuli guise iKirisiti le.*

13 Eri a kpè ghu-a shi elemhi ayemhè èghèghè no dòsè, irari khi a la agbò olamhè. Ama memena, Èshinëgba ò she ri iKirisiti rè è gbo mhòli agbò. Ò ri olamhè eyawa nya topfa awa.†

14 Abi Èshinëgba ò rò shishi ishi ni a zè shi awa egbe-a se, ikhi eni e migha zu awa odè, ò rue wè awa odè-a, ò ta wè ma apfida abi iJesu ò rò ghua.‡

15 Abi ò rò mie iyemhè òkphaghè ekpabò se, ò rè wè lasese gboo yèghè-a abi ò rò ghu-a shi apfida.

16 Irarighò, khi zè ni ogbòkhoghùo ò gue è zò shi emini u wa le ali oni u wa da, ukènetà ushi imu Uki Onogbò ali ogbèlè ne pfuasè ali Ogbèlè iYemhèa oyi iju.§

17 Enana nya, iròkhòkhò oyi emini e ya bhale ikpukhokho agbò e khi, iKirisiti ò khi òzukhomhi wè nya.

18 Khi zè ni ogbòkhoghùo ni ò rièlè iregbe-tiemhie eyi ikpamhika, ni òò ga igeni, ò di è dobè eleli oye-a. Emini ègbò eghòghò e mè e la tònò ali udu oyewè ni imiesuo ò ròli è vuse ike shi isamhi afuè.

19 Ogbò oghòghò òa ke kugbe iKirisiti ò, ni ò khi Òzukhomhi oyi oni idiegbe, ikhi igbaa oyi eni e mie iJesu iKirisiti suo miesuo. Èzèzè abi ukhomhi oyi ogbò ò liè gueyè idiegbe abi ò liè kia, ighò omhèsè oyi iKirisiti ò liè mhèsè na ègbò eyòli nya, rèwè gbe akanya kugbe abi idiegbe ogbò ò tono elamhi ali ikpèsè egbe manò, khi oghuo. Èghèghè aghò oni idiegbe nya ò fu abi Èshinëgba ò nono òli shi.*

20 Aboròkhia khi u she nu iKirisiti ghua, ni ushi agbò òa ke rò mhèsè nè èghò, èlò ò zè khi u kie ri egbe è na wè, ni u rò ri ushi eyewè gbe akanya, ni èè liè,

21 “Khi mu ona mhòli obò,” “Khi tò èlèmhì oghò bino,” “Khi ri obò ti onana?”

22 Enana nya, emini e ya mèle afuè-a e khi, ini a rèwè rièlè emini a rèwè ya rièlè se. Irari khi ishi ali omhèsè ni ègbò e mhèsè lò.

23 Eri omhèsè eghòghò e li abinè khi ilèsingme e la ò, ikhi eni e ri itoto ri ègbò ga ugamhi ikpamhika ali iregbe-tiemhile oyi ikpamhika, ali ina-idiegbe-osoli, ama eni è rièlè ena èa rèwè lase olamhè le.

3

Angeli ni o ghòlè Èshinëgba

* 2:12 Li zè iRom 6.4 † 2:13 Li zè Èfi 2.1-5 ‡ 2:14 Li zè Èfi 2.15 § 2:16 Li zè iRom 14.1-6 * 2:19 Li zè Èfi 4.16

¹ Aborokhia khi a she rote eghuli guise e ali iKirisiti le bhale agbo egho, ri udu oye shi emini e la obini iloghie obini iKirisiti o shito obita Eghiele oyi Eshinegba.*

² Ri udu oye shi emini e la obini iloghie, khi roli shi emini e la agbo ana,

³ irari khi u she ghua, elemhi iKirisiti u ke la, ni o la elemhi Eshinegba.

⁴ Egbegi agbo oye, elemhi iKirisiti o la. O kha da feli lasele, ye ye, u li ya nu oli la akagho, u li nu oli mholi okemhi shi ufumhi oyoli.

⁵ Irarigho, ze ni oghuemhe oyi emhi agbo ni o kpe la agbo oye o ghua. Enabi itsebo, ali angeli ichimhi, ali isamhi ebe, ali oghuemhe ni ea ti, ali emhi-itoegebe ni o li khi ikhumhi igaga.

⁶ Itobo enana, elemhi e ro bi Eshinegba deba egebo ni ea ya suo eso na li.

⁷ Ee, a kpe li lina ngeli elele, abi a ro la ifuabo eyi egebo eghogho.

⁸ Ama, memena a ze ni emhi eghogho nya e lase e egbe le. Emhi nabi elemhi-ibibi, ali ofu imholi, ali imuege obe, ali iyesegebe-eva-a, ali ingmemhi iditsea, ali itono obo udu.

⁹ A khi ke lono egbholi khasa egbe aborokhia khi a she gueghie ingeli ali idiegebe onodi oshi eke egho,†

¹⁰ ni a shi ri idiegebe enegbo ku egbe, ni Eshinegba Ima o ro ya mele onogbo-a, ni o li abi oyoli. Ini o me asha re e mholi ilese oyoli.‡

¹¹ Itobo ona, azolomhe qa ke la iteva eni e khi iJu ali egebo ijeta, wee eni a shele-a ali eni aa shele-a, wee egebo eni ea fialo-a ali egebo eni e rote ifui ishemhi lasele, wee oghumha ali omi ogebo. Ama iKirisiti o khi oni o mu egbe ne.

¹² Irarigho, abi a ro da khi eni Eshinegba o ze, ni e pfuase ni o nono ingme oyewe egho, a ri ilelemhi, isomhelemhi, itiegebe-tiemhi, ali ipfomhe ali irobomudu so abi awulu.

¹³ A ke ti eni e miesuo nabi ee ma egbe. Ini a lue na egbe, a ro ke topfa egbe e. A ro topfa abi Onomhue o li ro topfa e.§*

¹⁴ Emini u gbo ro ya ma eni ingeli enete ena nya khi, inono ni o gono eni ingeli ena nya kugbe, elemhi ikugbe ni o gba pfo.

¹⁵ Zobe ni opfomhe oyi iKirisiti o mholi omhesa shi udu oye, aborokhia khi egebo ni e kugbe elemhi idiegebe oghuo a khi egho, aa kphemhi.

¹⁶ A ze ni ungmehi oyi Onomhue o la agbo oye e, abi a lie sese egbe, ni a ri ileingme e ye egbe ude. A gbo ligho ke to iwolo ena irudunga, ni a rote elemhi ayemhe e to ke lasele. A ri ayemhe ikphemhi e to uwolo kueghie Eshinegba.†

¹⁷ Emhikpa ni u wa riela ni u wa ngme, ri eva oyi ifesu Onomhue riela we. U gbolo ri eva oyoli e kphemhi na Eshinegba Ita.

Abi eni e miesuo e li ya ke ngeli

¹⁸ Ee ikpotso ni a la ughue, a ri egbe e na odo e pfo, irari khi ina ee eni e miesuo e ke li.‡

¹⁹ Ee edo, a nono ingme oyi ughue e, a khi ri obo ni o toto dose mu we.§

²⁰ Eniye, a ke suo eso na eni e bia e odekhode, irari khi onana o ti Eshinegba eloe.*

²¹ Ita eniye, a khi riela emini e ya ri elemhi bi imi e, irari khi o ya ri egbe pfo we a.†

* 3:1 Li ze Iwolo 110.1 † 3:9 Li ze Efi 4.22 ‡ 3:10 Li ze Igbae 1.26; Efi 4.24 § 3:13 Li ze Efi 4.32

* 3:13 Li ze Efi 4.2 † 3:16 Li ze Efi 5.19-20 ‡ 3:18 Li ze Efi 5.22; 1 iPit 3.1 § 3:19 Li ze Efi 5.25; 1

iPit 3.7 * 3:20 Li ze Efi 6.1 † 3:21 Li ze Efi 6.4

²² Eë ighumha, a ri ungmemhi oyi ɔni ɔ mhɔli ɛ ni ɔ la agbɔ ona ke gbe akanya. Ɔa khi ini e nu ɛ la aghɔ tɛɛ a rɔ ri ungmemhi oyewɛ ya ke gbe akanya ini e ba somhi-elemhi ɛ. Ama ri udu oghuo ke gbe akanya irari khi u mu ekpɛ a na Onɔmhue.

²³ Emiemi ni u wa riɛlɛ nya ri ɔmwegbe ni o rɔte udu oyɛ nya lasele ke riɛlɛ oli, abinɛ khi Onɔmhue u gbe akanya a na, ni ɔa khi ɔgbɔ.

²⁴ Lina ke ngeli abi u rɔ da lɛɛɛ khi u ya rɔte obɔ oyi Onɔmhue mɛ eleli egɔ.

²⁵ Eshinɛgba ɔ ya fali ɔni ɔ li onobe ota, ɔa ya gbe ɔgbɔkhɔghuo azɛba.†§

4

¹ Eë ega, a guɛ ke riɛlɛ deba ighumha eyɛ ɛ abi o ti shi, a ri igɛsikia deba wɛ. Sato khi yɛyɛ u li mhɔli Ɔga shi iloghie.*

Emini ɔ gbo mhɛɛ na wɛ

² A lolo ke sɔ iromhi, a tɔ ɛloe ekɛ, a tɛɛ Eshinɛgba uwegbe.

³ A gbo li ke sɔ iromhi na anye, ni Eshinɛgba ɔ khueghie oɔɛ-a na anye ini anye mɛ asha gue ungmemhi oyɔli le. Iki ungmemhi onayi osheli oyi iKirisiti, ni o zɛ khi mhi la ɔgba ighumha memena.

⁴ A lema na mhɛ, ni mhi gue oni usomhi le gboo ni ɛgbɔ e suɔ li.

⁵ Ri ilɛsingme nu ɛgbɔ eni ɛa miesuɔ ke ngeli. Egheghe ni u mhɔli nya, rɔli riɛlɛ onete.†

⁶ Zɛ ni ilɛsingme o la ungmemhi ni u wa ngme, u gbolo ɛ ngme ingmemhi eni ɛɛ ti esɔ, ɛgheghe aghɔ ni u lɛɛɛ emini u ya ke sɔ shi ɔgbɔkpa ingme.

Otsɛ ni o kpukhokho

⁷ ITakikɔsi ɔ ya gue ingme eyemhɛ nya yɛ ɛ. Egbegbi inyɔghuo ni ɔɔ gbe akanya oyi Eshinɛgba te oɔɛ igɛsikia, ni mhi nono ingme oyɔli ɔ khi. Ɔni anye ga kugbe ɛɛ ga Onɔmhue ɔ li khi.

⁸ Ni a rɔ lɛɛɛ abi anye li la ɔ shi memena mhi rɔ ghie ɔli ɛ ghi ɛ, ali ni ɔ gbo ri udu shi e ɔ.‡

⁹ Lɔli ali Onɛsimusi mhi ga ghie ɛ ghi ɛ. Inyɔghuo anye ɔni ɔɔ gbe akanya oyi Eshinɛgba te oɔɛ igɛsikia ni anye nono ingme oyɔli ɔ li khi. Ɔnge ɛoli oyɛ ɛ ɔ khi. E ya gueyɛ ɛ emini áá mɛ oola nya.§

¹⁰ Arisitakusi ni anye ga la owa ighumha, ɔɔ tɛɛ ɛ. IMaki ni lɔli ali iBanabasi e khi inyɔghuo, ɛɛ tɛɛ ɛ. Ini iMaki ɔ bhale a kpe abɔ mie ɔli abi a li mhɛɛ ɔli na e.*

¹¹ IJesu ni akiseva oyɔli o khi iJɔsitɔsi, ɔ liɛ tɛɛ ɛ. Eni ɛgbɔ aasɛ ena e khi ɛgbɔ iju tɛɛ eni e nu mhɛ ɛ gbe akanya iri-ungmemhi oyi Egheghe oyi Eshinɛgba ke kia gasɛ. Eri e ga ri egbe ɛ mu mhɛ.

¹² Epafurasi ni ɔ khi ɔnge ɛoli oyɛ ɛ, ni ɔ khi ɔni ɔɔ ga iJesu iKirisiti, ɔ li tɛɛ ɛ. Egheghe kpa ɔ rɔ ɔ ɔ ɔ ɔgbɔ elemhi iromhi isɔsɔ itobɔ oyɛ ɛ, ni a migha gbagbagba, ni a womhɛloe shi elemhi oghuemhɛ oyi Eshinɛgba. Ali ni a gbo mhɔli ɔli shi udu khi Eshinɛgba ɔ ya riɛlɛ emini ɔɔ khi lɔli ya riɛlɛ.†

¹³ Mhi pfi ɔtsɛlɛ na li khi ɔ ma a gbe akanya egbegbɔ itobɔ oyɛ ɛ, ali ɛgbɔ ni e miesuɔ ni e la iLaodisha ali Erapolisi.

¹⁴ ILuku ɔmɔle anye ni ɔ khi idɔkita, ali iDɛmasi ɛɛ tɛɛ ɛ.‡

‡ 3:25 Li zɛ iDeut 10.17; Efi 6.9 § 3:25 Li zɛ Efi 6.5-8 * 4:1 Li zɛ Efi 6.9 † 4:5 Li zɛ Efi 5.16 ‡ 4:8 Li zɛ Ika 20.4; 2 iTimɔ 4.12; Efi 6.21-22 § 4:9 Li zɛ iFilɛ 10-12 * 4:10 Li zɛ Ika 19.29; 27.2; iFilɛ 24; Ika 12.12,25; 13.13; 15.37-39 † 4:12 Li zɛ iKolo 1.7; iFilɛ 23 ‡ 4:14 Li zɛ 2 iTimɔ 4.10,11; iFilɛ 24

¹⁵ A li nu mhe tse eni e miesu ni e la iLaodisha, ali iNifa ali igbaa oyi eni e mie iJesu iKirisiti su ni e la owa oyoli.

¹⁶ Ini a ze ebe ona se, a ze ni a li ze oli ye igbaa oyi eni e mie iJesu iKirisiti su ni o la eoli iLaodisha. Zobe ni a li mie egbo iLaodisha ebe ni mhi keke ghi we li ze.

¹⁷ Gueye Achiposi khi mhi eoli o roshaka pfuse akanya ni Onomhue o ro nga li obogbe pfo. §

¹⁸ Mhemhe iPolu mhi ri ugba ma ebe ga keke otse ona ghi e. A khi yele-a khi eri a so mhe igha. Okhale oyi Eshinegba o nu e la.

Ebe onodode ni iPɔlu o keke ghi egbo ITɛsalonia Eni e miesuo

¹ Mhemhe iPɔlu ali iSalasi ali iTimoti anye ri ebe ona ghi e igbaa oyi eni e mie iJesu iKirisiti suo ni o la eke iTɛsalonika, ni e khi egbo eyi Eshinegba Ita awa ali iJesu iKirisiti Onomhuɛ.

Okhale ali opfomhe oyi Eshinegba e ka nu e la.

Angeli ali irudunga oyi egbo iTɛsalonika

² Anye maa tse Eshinegba uwegbe eghenge kpa shi itobo oyi ee nya, igho anye gbo lie teva e elemhi iromhi isoso oyi anye.

³ Anye ma la odalo oyi Eshinegba oyawa ali Ita awa sato ikanya eye e ni iregbenga oye e, o re e gbe. Abi inono ni a mhuɛ na egbe e o li re e toto obo akanya, ali abi irudunga ni a mhuɛ na iKirisiti Onomhuɛ o li migha.

⁴ Inyoghuo anye, anye lese khi Eshinegba o nono ingme oye e, o she gbo ze e ni a khi egbo eyoli.

⁵ Irari khi eri anye ri usomhi onete bhale ghi e. Oa khi ungemhi unu tse anye ro roli bhale, ama li rote elemhi ekpabo ali Ayemhe-no-pfuase. Anye li ri igesikia oyoli lo e eso egbegbo. A lese abi anye li ngeli abi awa ro ga la kugbe, irari ni o ro ti na e anye ro ligho ngeli.

⁶ Aa khonya anye ali Onomhuɛ abi o tseku khia khi a me osoli egbegbo, a ri oghelɛ mie oni usomhi ni o rote Ayemhe-no-pfuase bhale.*

⁷ Itobo igho, eni khonya a ngeli a ke khi shi egbo ni e miesuo na eke iMasidonia ali Akhaya o.

⁸ Irari khi aa khi eri usomhi oyi Onomhuɛ o lese rote e unu fie lase ya je eke iMasidonia ali Akhaya tse, ama, iregbenga ni a mhuɛ na Eshinegba o she ramhi asha kpa. Itobo ona, anye a ke mhuɛ ingme olese ni anye ke ya ngme.

⁹ Egbo egbo nya e ngme oli abi a li ri eloe e khu anye abi anye ro ku shi na e. Ali abi a li tsua ikumhi kua bhale deba Eshinegba, ni aa ga egbegbi oni Eshinegba ni o la o.

¹⁰ A gbo gueye anye abi a li migha a khe Omioli ni o rote iloghie ya bhale, ikhi iJesu ni o rote eghuli guise le, ni o mie awa pfuese ofu oyi Eshinegba ni o o bhale.

2

Ikanya eyi iPɔlu elemhi eoli iTɛsalonika

¹ Inyoghuo anye eni emose ali eni ikpotso, ee a lese khi ifeli ni anye bhale ya feli e, oa khi afue.

² A lese abi anye li me osoli ni a li tsue anye obini eke iFilipi neni anye bhale deba e eke iTɛsalonika. Abi o tseku khia khi anye me ukpokpomhi ozuode, Eshinegba oyawa o ri igbedu na anye ni anye kiele rue usomhi onete ni o rote obo oyoli bhale ghi e.*

³ Olema ni anye lema e oa khi ode ni oa gbe akanya, wekhi rote usamhi ni oa ti, wekhi eri anye e nono ni anye di e.

* 1:6 Li ze Ika 17.5-9 * 2:2 Li ze Ika 16.19-24; 17.1-9

4 Ochogho, eri anye a ngme abi Eshinegba oḡ anye li ngme. Irari khi o she bino anye shi ęgbḡ ni e nga obḡ ni o ri oni usomhi onete ona a te obḡ. Oa khi eri anye roshęka ni anye ba ri egbe ke mu ęgbḡ, ama Eshinegba anye roshęka ri egbe a mu. Lḡli o she bino isamhi udu eyi anye bie.

5 Eę a leşę khi oa khi ingmemhi udimhi anye ro bhale deba e, wękhi eri anye ri ingmemhi ikokoalo e guese ukpoko. Eshinegba o khi otselę oyi anye.

6 Oa khi eri anye e dua ni eę ukęlię oḡboęse o kuęghię anye, ukęlię khi eri anye nono ḡli obḡ oyeę wę khi obḡ oyi ęboęse.

Abi ighiusomhi na keę eyi iKirisiti, anye te o ni anye kha mhila e emhi obḡ.

7 Ama abi anye ro nu e la, eri anye ku egbe a abi inyo ḡ li ri eloe e khu eniyę eyoli.

8 Itobḡ inono ni anye mhue na e, oa khi usomhi onete oyi Eshinegba ona tse anye leşę nono ni anye ro ghi e. Ama li shi agbo oyi anye. Irari khi ingme oye e o mu anye egbe gba.

9 Inyoḡhuo, a ga sato abi anye toto obḡ gbe ikanya ali omunu ni anye me. Eri anye e gbe ikanya oḡbelę kpa, ini anye khi nase onęęę abi anye li i gue usomhi onete oyi Eshinegba ye e.

10 Eę ali Eshinegba a khi otselę eyi anye, khi angeli oyi anye khi eri o pfuase, o ti, oa mhue umhaguęli abi anye ro la eę eni e miesuo iteva.

11 Anye rięlę deba oḡboḡbo abi ita o li rięlę a deba omḡ.

12 Anye ye e ude, anye yeşę e, anye ri udu u shi e o, ni a ke ngeli angeli ni o ri egbe a mu Eshinegba ni o lu e, ni a mhue okemhi shi eghiele ali ufumhi onayi ḡli.

13 Emhi olese ni o gbo ri anye a kuęghię Eshinegba khi, abi anye ro ri usomhi oyi Eshinegba bhale ghie e, a suo a kpe abḡ mie ḡli. Aa mie ḡli abi usomhi oḡbo ama eri a mie ḡli abi usomhi oyi Eshinegba ni o khia khi ighḡ o khi. Irari khi ungmemhi oyi Eshinegba o la e ni a miesuo egbe e akanya.

14 Inyoḡhuo, eri a ga li abi igbaa nya eyi eni e mie iJesu iKirisiti suo eyi Eshinegba ni e la eke iJudia, ni e khi ęgbḡ eyi iJesu iKirisiti. Abi e li me ajilimhe obḡ oyi ęgbḡ iJu eyewe, ighḡ a li li me ajilimhe obḡ oyi ęgbḡ eye e.†

15 Eni ęgbḡ ena, e gbe iJesu Onomhue ali emekeḡuele-a. E tigbe khu anye ya fię. E ma ri elemhi a bi Eshinegba. E khi oḡe oḡbokpa.‡

16 Eri e ga roshęka ni wewe e zu anye ode ini anye khi me asha gue usomhi oyi Eshinegba ye ęgbḡ ięeta, ikhi ungmemhi ni o ri imiesuo o ghi we. Ode ona e te buse olamhe ni eę lamhe-a. Mena, elemhi ibibi oyi Eshinegba o she tiemhile shi we o.

IPḡlu o nono ni o gbo ya bino ęgbḡ iTēsalonika

17 Inyoḡhuo, abi a ro vase anye ali eę-a ukuku eḡheḡhe, (elemhi idieḡbe oa khi usamhi), eri eloli e o nga anye. Anye dua ini anye gbo me e.

18 Anye nono ni anye gbo deba e. Mhemhe oyemhe mhi dua ni mhi bhale iti-ingmi-ingme, ama okphaghie o zu anye ode.

19 Ini a bino o, eę a ze ni anye ro mhḡli irudushi ali oḡhele, ni a gbo ze khi anye roḡ tono obḡ udu shi imuḡle ni anye ya mhue odalo oyi iJesu, ini o bhale.

20 Iḡesikia, eę a khi ititiegbe ali oḡhele ni anye mhḡli.

3

1 Abi anye ea ke ro doḡe ri egbe mie, anye ke bie ro shito obini eoli Ateni.*

² Loli o zẹ ni anye rọ ghie iTimoti inyoghuo anye ni ọ nu anye ẹ gbe akanya na Ẹshinegba, ikhi akanya itse-abọ usomhi onete oyi iKirisiti. Anye ghie ọli ghi ẹ ni ọ zese ẹ-a, ni ọ gbo kpaghie irudunga oyeẹ obọ,

³ ini ọngẹẹ ọ khi nyenẹ egbe ukhokho irari ajilimhẹ enana. Ẹẹ oyeẹ a leşẹ khi ajilimhẹ eghoghọ e li la emini e ghọle Ẹshinegba khi awa ya me.

⁴ Irari khi abi anye rọ nu ẹ la, anye kpẹ gue ọli ye ẹ shi eke khi a ya mu okhọli vule shi anye ọ, a leşẹ khi ighọ o kie tşẹ.

⁵ Loli o zẹ ni mhi rọ ghie iTimoti. Itobọ khi mhi a ke dobe ri egbe mie, mhi rọ ghie ọli ọ bhale ya bino abi irudunga oyeẹ o ke laọ shi. Eri udu o nase mhe khi ọkpaghie ọ dobe ya mu ẹ fe, o li abine khi akanya ni anye gbe nya e ya mele afue-a.

Emini o ri egbe ẹ mu ni iTimoti ọ guele

⁶ Mena, iTimoti ọ she jele ya gue usomhi onete oyi irudunga ali inono oyeẹ ye anye. Ọ she gueye anye abi a lie sa usamhi onete oyi anye ali abi o li ẹ ghọle ẹ ni a me anye, abi anye lie nono ni anye li me ẹ.†

⁷ Itobọ ona inyoghuo, irudunga oyeẹ o she ri udu shi anye ọ, abi a rie mu okhọli vule shi anye ọ ni anye la osoli.

⁸ Eri ayemhẹ oyanye o mhọli itije-odalọ abi anye rọ suọ abi a li kie migha shi ikugbe ni ẹẹ ali Ọnọmhue a kugbe.

⁹ Mena seẹ anye lie dobe kphemhi na Ẹshinegba shi oghẹle ni a rọ ghi anye?

¹⁰ Ni o gbe no bi anye rọ ri udu oyanye nya mhila li, ọ zẹ ni anye me ẹ ẹlo e ni anye ri emini e kpọ ẹ irudunga le na ẹ.

¹¹ Ẹshinegba oyawa ali Ita awa lolighuo ali iJesu Ọnọmhue e ka be ode na anye ni anye rọ bhale deba ẹ.

¹² Ọnọmhue ọ ka zẹ ni inono ni a mhue na egbe ẹ ali egbọ kpa e ke fu shi ọ, ni o fu abi inono ni anye mhue na ẹ.

¹³ Ode ona ọ te ya zese ẹ udu-a, ni a khi eni e gba pfo, ni e pfuase shi odalo oyi Ẹshinegba oyawa ali Ita awa, ini iJesu Ọnọmhue ali eni e khi eyọli e bhale.

4

Angeli ni o ghọle Ẹshinegba

¹ Ni mhi rọ gbe ọli ukhomhi inyoghuo, anye e seşẹ ẹ abi a li ya ke ngeli ni o ya ghọle Ẹshinegba. A she lighọ ọ ngeli. Mena anye ri eva oyi iJesu Ọnọmhue gbo lema ẹ, a kie lina ke ngeli. A gbo khi ma ọ.

² Irari khi a leşẹ oseşẹ ni anye seşẹ ẹ rote afu ni iJesu Ọnọmhue ọ rọ na anye.

³ Eri Ẹshinegba ọọ nono ni a re ẹ khi eni a khuşẹ pfuase ni a pfi angeli itşẹbọ shi eke,

⁴ khi ọmọşẹ ọgbọgbọ ọ guẹ ri egbọli ke kia ọ gbo guẹ ngeli deba ughue-ọli, ode ipfuase ali ekpe.

⁵ A khi mhọli ọghuemhẹ oyi efiala ona itşẹbọ deba egbe, abi eni ẹa leşẹ Ẹshinegba ẹẹ li.

⁶ Emini a ngme ena khi, ọgbọkhoghuo ọ khi kia ọnuzava oyọli ni e ga mie iKirisiti suọ okiengme. Ọ khi li ọli le irari khi ọọ da ne ọli. Anye she kpẹ gue ona ye ẹ anye rọli tse agua ye ẹ khi Ọnọmhue ọ ya na egbọ eghoghọ osue.

⁷ Ẹshinegba ọa lu awa shi ikanya itşẹbọ, ama eri ọ lu awa ni awa khi eni e pfuase.

⁸ Itobọ ona, ọgbọ ni ọ da kie oseşẹ ona ne, ọa khi oseşẹ oyi ọgbọ ọ kie ama oyi Ẹshinegba ọ kie ni ọ ri Ayemhẹ-nọ-pfuase na awa.

† 3:6 Li zẹ Ika 18.5

⁹ Ōa khi oni anye ya gbo keke ebe ghi e, a nono ingme oyi eni e miesuo enabi ee. Irari khi Eshinegba lolighuo o she sese e abi a li ya nono ingme egbe e.

¹⁰ Igesikia, igho a kie li e ngeli deba inyoghuo e ni e la ekē iMasidonia. Irarigho, inyoghuo, anye lema e a gbo khi ma oni angeli.

¹¹ Rosheka la agbo ni o pfoṃṃhe. Ke mu alo shi akanya oye, u ri abo eye e gbe akanya, abi anye kie kpe gueye e.

¹² Ini a da lina ne, o ya ri ekpe shi e egbe odalo oyi egbo ni ea miesuo. Eghēghe agho wa ya ri egbe da ogho shi emini e to e.

Inyenegbe bhale oyi Onomhue

¹³ A ghe i inyoghuo, anye e nono ni a lese igesikia ni o la ingme oyi egbo ni e ghua, ini egbe e khi pfo e-a abi egbo ni ea mhue irudushi

¹⁴ Irari khi ini awa miesuo khi iJesu oghu-a o gbo guale. Awa li miesuo khi ini Eshinegba o rue iJesu nyene e bhale, o ya li rue eni e mhōli irudunga shi iJesu o ramhi ni e ro ghua, ma li egbe bhale.

¹⁵ Osese ni anye e sese e ena, osese oyi Onomhue lo. Awa ni awa la agbo awa aa ya ralo na eni e ghua, ele ni Onomhue o ya bhale.

¹⁶ A ya mhese leghe, uruli oyi aḡeni ni o kpeda nya o pfi leghe, a pfi akala oyi Eshinegba. Onomhue o ya rote iloghie tiemhile irarogbe. Egbo ni e ri udu nga iKirisiti ramhi ni e ro ghua, e kpe ya guale bhale agbo.

¹⁷ Awa ni awa la agbo oni eghēghe, a tigbe rue awa idane vui, ya ma we egbe deba Onomhue irarogbe elemhi otughunu. Igho awa ke lie nu Onomhue la agbo agbo.*

¹⁸ Irarigho, a ri ingmemhi ena ke ri udu shi egbe e o.

5

A mu egbe khe ibhale oyi Onomhue

¹ Inyoghuo, o a khi oni a ke gbolo e keke ebe ghi e shi ingme eghēghe ali oni ogbele ni a ya me ingme enana nya.

² Irari khi ee oye e a ga lese egbegbo khi ogbele iguezo oyi Onomhue eri o ya li abi oghiatō o lie bhale eliyose.*

³ Ini egbo e da lie. “Emhikpa o she pfoṃṃhe, ingme okhoghuo o a ke la o ne.” Eghēghe agho opfuse o ro ya de rughu we. Eri o ya bhale udemhija abi oku o lie to okpotso. Egbo ea ya pfue oni iguezo.

⁴ Ama ee inyoghuo aa la alo ebili nabi oni ogbele o ya bhale guo shi o abi oghiatō.

⁵ Irari khi ee nya egbo ni e khi eyi akpa a khi. Eyi ele oghuota a khi. Awa a khi egbo na eliyose wekhi egbo alo ebili.

⁶ Itobo igho awa khi ke lese a abi egboese, a bino angeli bie ke ngeli, aa ke tokpe.

⁷ Eliyose egbo e ro lese, eliyose onyo o ro gbe egbo.

⁸ Aborokhia khi egbo ena ele oghuota awa khi egho, awa bino angeli bie ke ngeli. Awa mema ya ri irudunga ali inono so abi awulu akhuli ni okhōli-okhue o ro mu aye, awa ri irudushi oyi imiepfuese rughu abi arula akhuli ni okhōli-okhue o ro rughu.†

⁹ Irari khi Eshinegba o a ze awa shi eni a ya pfuse-a, ama eni iJesu iKirisiti Onomhue o ya mie pfuese.

* **4:17** Li ze 1 iKori 15.51-52 * **5:2** Li ze iMat 24.43; iLuk 12.39; 2 iPit 3.10 † **5:8** Li ze Aza 59.17; Efi 6.13-17

¹⁰ Eri o ghu-a na awa, ni awa nu oſi la, awa la agbo o, okekhi ini awa ghua.

¹¹ Itobo ona, awa ri udu shi egbe awa o, awa a kpaghie egbe awa obo, abi a kiele e li ena.

Ungmemhi ali otse ni e kpukhokho

¹² A ghe ii, anye lema e inyoghuo, a ze ni a ke mu ekpe na eni e totobo o gbe akanya egbegbo ifuabo oye, ni ee sese e ode ni a te ya khi eni e miesuo.

¹³ A ga ri ekpe ali inono onofune ke na we, itobo akanya ni ee gbe. A nu egbe e e ngeli angeli opfomhe.

¹⁴ Anye gbo lema e inyoghuo, a ke tse agua ye egbo olemhe. Aa ye eni ulishi oo mu ude. Aa kpaghie eni ea mhue ekpabo obo. A mhue irabomudu ke deba ogbokpa.

¹⁵ A khi ze ni ogbo o ri onobe fata onobe, ama eghenge kpa a ze ni a roshaka ke riye onete na egbe e ali ogbokpa.

¹⁶ Egbe e ke mu e eghenge kpa.

¹⁷ Aa so iromhi eghenge kpa.

¹⁸ A ke tse uwegbe shi emiemi na me kpa. Ona o khi emini Eshinenga oo nono obo oye, abi ye ye ali iJesu iKirisiti a ro ga kugbe egbo.

¹⁹ Khi ke pfuse erali Ayemhe-no-pfuase a.

²⁰ A khi ri elo gbe ungmehi imekeguele.

²¹ A ke mu emhikpa fe bino, a rue onete ni o la.

²² Ti egbe emhi obe nya le.

²³ Eshinenga lolighuo ni o khi Eshinenga ona opfomhe, o ka re khi oni o pfuase ode khi ode. O ri ye ye nya, ghe ayemhe ali agbo ali idiegbe eye khi eni e gba pfo ni ea mholi umha-guekia, ya ramhi eghenge ni iJesu iKirisiti oyawa o ro ya bhale.

²⁴ Loli ni o lu e, o ya riye oli, irari khi oni o ze ri egbe e nga o khi.

²⁵ A ke so iromhi na anye inyoghuo.

²⁶ A ke tse egbo ni e miesuo egbegbi otse, a ghele e mu we.

²⁷ Mhi ri afu ni mhi mhue obo oyi Onomhue lema e, a ze oni ebe ona khasa egbo ni e miesuo nya.

²⁸ Okhale oyi iJesu iKirisiti Onomhue oyawa o ka nu e la.

Ebe onuzi-eva ni iPoļu o kẹkẹ ghi ẹgbọ ITeſalonia Eni e miesuọ

¹ Mhẹmhẹ iPoļu ali iSalasi ali iTimoti anye ri ebe ona ghi igbaa oyi eni e mie iJesu iKirisiti suọ ni o la ekẹ iTeſalonika, ni e khi ẹgbọ eyi Ẹshinẹgba Ita awa ali iJesu iKirisiti Onọmhuẹ.*

² Mhi lema Ẹshinẹgba Ita awa ali iJesu iKirisiti Onọmhuẹ e mhue isomhelemhi na ẹ, e ri opfọmhe na ẹ.

Ikpẹmhi ali Iromhi isọsọ

³ Inyọghuo, anye mema ya ke tse Ẹshinẹgba uwegbe na ẹ egheghe kpa. O ti ni anye ke lighọ, irari khi irudunga oyeẹ ọọ fu shọ egheghe kpa. Inono ni a mhue na egbe ọọ fu shọ.

⁴ Lọli o ze ni anye ro re ẹ la iteva igbaa nya eyi eni e mie iJesu iKirisiti suọ eyi Ẹshinẹgba a neta omose. Eri anye re ẹ neta omose itobo abi a li dobe ri obọ mu udu migha irudunga oyeẹ elemhi okhọli ali imufe nya ni a mu vule shi ẹ o.

⁵ Enana nya e rokhasẹ khi ezọ oyi Ẹshinẹgba o migha shi ipfuase. Itobo ighọ Ẹshinẹgba o ya leli ẹ shi eni e te o, ni e ya lo iloghie oyoli ni a me osoli ẹ shi.

⁶ Ẹshinẹgba ọa ya gbe azeba, ọ ya ri osoli fali eni e na ẹ osue ota.

⁷ O ya ri iyemhea na ẹ ni a me osue, o gbo li ri oni iyemhea na anye. O ya ri ele ona ini iJesu Onọmhuẹ o da feli lasele shi idane elemhi avuerẹ, loli ali igeni eniemhi eyoli.

⁸ O ya na ẹgbọ ni ẹa lese Ẹshinẹgba osue, ali eni ẹa ri usomhi onete oyi iJesu Onọmhuẹ gbe akanya.

⁹ E ya me osue. E ghu tiemhi ilimhi iriere. A rue we odalo oyi Onọmhuẹ ali ufumhi oniemi oyoli le.†

¹⁰ Ele ni a ya me ona khi, ogbele ni Onọmhuẹ o ya bhale, ni eni e ri udu nga li e ri ikuẹghie ali ekpe na li. Li shi ẹ lọ, itobo khi a she mie ungmemhi ni anye gueye ẹ suọ.

¹¹ Lọli o ze ni anye ro ọ sọ iromhi na ẹ, Ẹshinẹgba o ze ni a li khi eni e ya la agbo ni ọọ ghole ọli. Ali o ri ekpabo eyoli ri ugbamhi onete ni a mhọli bhale ya tse na ẹ, li shi onete ni irudunga oyeẹ o re ẹ ri ele.

¹² Itobo okhale oyi Ẹshinẹgba oyawa ali oyi iJesu iKirisiti Onọmhuẹ oyawa, a ya rue ufumhi ghi eva oyi iJesu Onọmhuẹ oyawa, o li ri ufumhi ghi ẹ.

2

Ona okhọlọ

¹ Inyọghuo, ingme ibhale oyi iJesu iKirisiti Onọmhuẹ oyawa, ali abi awa li ya kuma li egbe,*

² a khi ze ni usamhi oyeẹ o nyanya ghagha ku ni a yila. Ini ogbokhoghuo o ririẹ khi imeke loli me, okekhi usomhi ona ke o guele, okekhi eri ọọ khi ebe ni anye kẹkẹ ghi loli luẹ rote ze ọli khi ogbele oyi Onọmhuẹ o she bhale,

³ a khi ze ni ogbokhoghuo o te ode okhoghuo di ẹ. Irari khi oni ogbele ọa ya bhale ini aa li me ukpokpomhi imuokhuẹ-vule shi Ẹshinẹgba o ali ini ọna

* **1:1** Li ze *Ika 17.1* † **1:9** Li ze *Aza 2.10* * **2:1** Li ze *1 iTeſa 4.15-17*

umhasuɔ-esɔ ni ɔ khi ɔgbɔ ɔbe ɔa li feli lase gboo, ikhi ɔni a mhɛsɛ owa ɛrɛ na.

⁴ Ɔ ya mu okhɔli vule shi emhikpa ni ɛgbɔ ɛ lu Ɛshinɛgba, ilitsa ali emhikpa ni ɛgbɔ ɛɛ ga ɔ, ɔ ri egbɔli fu dɔsɛ wɛ nya. Ɔ gbo ga vu ya shito Owa oyi Ɛshinɛgba oyi Ɛshinɛgba ɔɔ liɛ khi lɔli ke khi Ɛshinɛgba.†

⁵ Aa ke sato khi mhi gue ingme ena nya yɛ ɛ abi mhi rɔ nu ɛ la?

⁶ Ɛɛ a lɛsɛ emini o zɛ khi aa roli lasele khase ne, ini ɛghɛghɛ oyi ɔna ɔkhɔlɔ ɔna o da ramhi, a ya roli lasele khase.

⁷ Ama eni ikhiakhiamhi ekpabɔ ɔkhɔlɔ ena e she beɛ ɛ gbe ikanya eyewɛ, ama ɔni ɔ mu ɔli gbaga. Ama ɔni ɔna ɔkhɔlɔ ɔa ya feli lasele ini ɔni ɔ mu ɔli gbaga ɔa li lase ode-a.

⁸ Ɛghɛghɛ aghɔ a ya ri ɔna ɔkhɔlɔ khase, ɔni iJesu Onɔmhuɛ ɔ ya ri ungmehi ni o rote ɔli unu lasele pfuse-a. Ugɛmhi oyɔli ini ɔ nyenɛ egbe bhale o ya ga pfuse ɔli-a nya.‡

⁹ Ɔna ɔkhɔlɔ ɔna, ɔ ya ri ekpabɔ oyi Ɔkphaghiɛ bhale, ɔɔ gbe ɔnyaloa ɛgbhuɛ ali ɔshabɔ ɔdɔda.§

¹⁰ Ɔ ri udimhi ɔdɔda ni e khɔlɔ di ɛgbɔ ni ɛɛ pfua. E ya pfua irari khi ɛa lama mie wɛkhi eri e nono igesikia, ni o kha mie wɛ pfuese.

¹¹ Itobɔ ighɔ, Ɛshinɛgba ɔ rɔ ghie ayɛmhɛ ɛgbhɔli ghi wɛ, ni ee rɔ mie emini e khi ɛgbhɔli suɔ.

¹² A ya pfa ɛzɔ mu ɔgbɔ ni ɔa da mie igesikia suɔ ne, ni ɔ da mhuɛ ɔghuɛmhɛ shi olamhɛ.

A migha gbabgaba

¹³ Anye mema ya ke tsɛ Ɛshinɛgba uwegbe ɛghɛghɛ kpa na ɛ, inyɔghuo ni Onɔmhuɛ ɔ nono. Irari khi ɛɛ Ɛshinɛgba ɔ kpe zɛ ni a ya mie pfuese. Ayɛmhɛ oyɔli o rɛɛ khi eni e pfuase, ali eni e mie igesikia suɔ.

¹⁴ Rote usomhi onete oyanye, Ɛshinɛgba ɔ te lu ɛ shi ona. Eri ɔ lu ɛ ni a rɔ mhuɛ okemhi shi ufumhi oyi iJesu iKirisiti Onɔmhuɛ oyawa.

¹⁵ Irarighɔ, inyɔghuo, a migha gbabgaba, a mu eni igesikia ni anye sɛsɛ ɛ mhuɛ abi anye rote itsabɔ ali elemhi ebe ni anye kɛkɛ gue ɔli yɛ e.

¹⁶ iJesu iKirisiti Onɔmhuɛ oyawa luɛghuo ali Ɛshinɛgba Itawa ni ɔ nono ingme oyawa, ni ɔ rote okhale oyɔli ri udu shi awa ɔ, ni ɔ gbo ri irudushi ni ɔa ya nighise na awa,

¹⁷ e ka ri udu shi ɛ ɔ, e gbo zese ɛ a shi ikanya ali ingmemhi enete.

3

IPɔlu ɔɔ, a sɔ iromhi na wɛwɛ

¹ Ni mhi rɔ gbe ɔli ukhomhi inyɔghuo, a ke sɔ iromhi na anye. A sɔ iromhi ni ungmehi oyi Onɔmhuɛ o nyanya ke ga asha kpa, ni ɛgbɔ e gbo mie ɔli, ni e ri ufumhi ke ghi Ɛshinɛgba, abi a li mie ɔli abi o rɔ la ɛ iteva.

² A gbo ke sɔ iromhi Ɛshinɛgba ɔ rue anye obɔ oyi ɛgbɔ ebe ali ena ɔkhɔlɔ lasele, irari khi ɔa khi ɔgbɔkpa ɔ miesuɔ.

³ Ama ɔni a ri egbe ɛ nga Onɔmhuɛ ɔ khi. Ɔ ya ri itoto na ɛ ɔ khukhu ɛ obɔ oyi ɔna ɔkhɔlɔ.

⁴ Anye regbenga Onɔmhuɛ khi a riɛɛ ali khi a kiele ɛ ke riɛɛ emini anye sɛsɛ ɛ.

⁵ Mhi lema, Ɔnɔmhuɛ ɔ ka udu oyɛɛ lɛɛ inono ni o funɛ ni Ɛshinɛgba ɔ mhue ali ni iKirisiti ɔ rɛɛ migha egbegbo.

Ogbogbo ɔ ke gbe akanya

⁶ Inyɔghuo, anye ri eva oyi iJesu iKirisiti Ɔnɔmhuɛ oyawa mhɛɛ na ɛ, a ti kia na inyɔghuo ɔkhɔghuo ni ɔ la agbo ɔwaza ni ɔa ya deba osɛɛ ni anye ɛ sɛɛ ɛ.

⁷ Ɛɛ oyɛɛ a lɛɛ khi o ti ni a ke li abi anye ɛ li. Anye ɛa li ɔwaza abi anye rɔ nu ɛ la,

⁸ wɛkhi eri anye mie ogbɔkhɔghuo emhi le ni anye a fali ota shi. Eri anye ri ochoghɔ gbe akanya, ɔpɔ ɔ ta anye ghe ɛɛ ɔguota ali ɛɛ iyɔɛ, ini anye khi ya khi itsua na ɔngɛɛ tsua.

⁹ Ɔa khi itobɔ khi anye ɛa tɛ eni ɛ mhila ɛ ikpaghiobɔ, anye rɔ lighɔ ngeli. Eri anye lighɔ, ni anye khi irɔkhɔkhɔ ni áá ke deba.

¹⁰ Abi anye rɔ nu ɛ la, anye gueye ɛ khi, “Ogbɔ ni ɔa lama gbe akanya ɔ khi le eminale.”

¹¹ Eri anye ngme ona itobɔ khi anye suɔ khi ɛgbɔ eghuo e la ɛ iteva ni ɛa lama gbe akanya, ni ɛa ya li emhikhɔghuo ama ikanya eyi ɛgbɔ elese ɛɛ sɔnɔ unu ke pfuɛchɛ-a.

¹² Anye ri eva oyi iJesu iKirisiti Ɔnɔmhuɛ mhɛɛ na ɛgbɔ eghoghɔ, anye gbo tse agua yɛwɛ e ke ngeli angeli ni o te oɔɔ. E ke gbe akanya ni e te mɛ emhi ya ke le.

¹³ Ama ɛɛ inyɔghuo a khi zɛ ni onete iriɛɛ o susu ɛ.

¹⁴ Ini ogbɔkhɔghuo ɔ la ɔ ni ɔa ya ri omhɛɛ ni a keke shi ebe ona gbe akanya, a lolo tɔ ogbɔ ɔghoghɔ ɔkpɛ. A khi kugbe ogbɔ ɔghoghɔ ɔ, ni omama o mu ɔli.

¹⁵ Ama a khi ngeli deba li abi ɔbe ɛ, ama a ri ochoghɔ tse agua ye ɔli abi inyɔghuo.

Ingmemhi ni e kpe ukhokho

¹⁶ Ɔnɔmhuɛ luɛghuo ni ɔ khi oɔɔ ɔpɔmɛ oyawa ɔ ka ri ɔpɔmɛ na ɛ ɛghɛghɛ kpa ali oɔɔ khi oɔɔ. Ɔnɔmhuɛ ɔ ka nu ɛ la.

¹⁷ Mhɛmɛ iPɔlu mhi ri obɔ oyɛmɛ keke ebe ona ghi ɛ. Mhi tɛɛ ɛ. Ina mhi liɛ keke eva oyɛmɛ shi ebe ni mhi keke kpa. Ina mhi liɛ keke ebe.

¹⁸ Okhale oyi iJesu iKirisiti oyawa o ka nu ɛ la nya.

Ebe onodode ni iPolu o keke ghi ITimoti

1 Mhemhe iPolu aghiusomhi na kee oyi iJesu iKirisiti, rote omhese oyi Eshinegba ni o mie awa pfuese ali iJesu iKirisiti ni o khi irudushi oyawa.

2 Mhemhe mhi keke ebe ona ghi iTimoti, ni o khi egbegbi omimhe elemhi imiesuo, okhale ali ilelemhi ali opfomhe enayi Eshinegba e ka khi eye.*

Mhue egbhe shi ena osese egbheli egbe

3 Mhia nono ni u la eoli Efesosi abi mhi kie kpe gueye abi mhi ro leq iMasidonia, ni u me asha gueye egbo eghuo ni e la oobo o sese osese egbheli e mu migha.

4 Gueye we, e tsua okhe igbaekele oyi egbo enede ali ida-echek ku-a ni o khia khi ekhako o lese roo bhale, ea ya kpaghie akanya oyi Eshinegba ni o rote irudunga bhale obo.

5 Emini o ze ni a ro mheso omhese ona khi, ni a ro guise inono, ni o rote udu no pfuase bhale le, ali oni o rote udu-onete ni o gue ogbo ezq ali egbegbi irudunga bhale.

6 Egbo eghuo e she rote enana lasese, nyene egbe je ingmemhi afue.

7 Ee nono ni wewe e khi esese Ishi eyi iMosisi eyi Eshinegba, ama ea lese emini e ngme wekhi eri e lese emini e ri itoto ge ma gue gagaga.

8 Awa lese khi ushi o ti ini awa gue deba li abi awa kha li.

9 Awa lese khi qa khi itobo egbo enete a ro shi ushi, ama itobo egbo ni ee gbe ushi-a ali ighiatq ali eni ea mhue ulishi Eshinegba ali ena olamhe, ali egbo ni ea lese ugamhi, ni ea mu ekpe e na emhi eyi Eshinegba, ali egbo ni ee gbe itawe ali inyewe-a, ali egbo ni ee gbe ugbeli.

10 A shi ushi na egbo okia ali eni nu emose nabi wewe ali ikpotso nabi wewe ee gbhe, ali egbo ni e muno egbo o de, ali egbo ni e lo egbhue ali eni ee pfi otsese egbhue, ali emhi elese ni ea de shi egbegbi osese,

11 ni o khi osese ni o de shi usomhi onete oni o mheli ufumhi oyi Eshinegba, ni o mheli ikhivose ni a ro nga mhe obo.

Ikphemhi shi ilelemhi oyi Eshinegba

12 Mhi kphemhi na iJesu iKirisiti Onomhue oyawa ni o ri itoto na mhe, ni o me khi mhi te o ni o ro ze mhe shi akanya oyoli.

13 Abi o tseku khia khi eghenge ni o dose khi mhi pfi unu-a deba Eshinegba, ali ni mhi i jili egbo ni e miesuo, ni mhi nu we kheli, qo mheli ilelemhi na mhe irari khi umhaleso ali umha miesuo o remhe li gho.†

14 Onomhue oyawa o ya tutu okhale ku mhe. O ri irudunga ali inono na mhe ni e khi eyawa irari ikugbe ni awa ali iJesu iKirisiti awa kugbe.

15 Egbegbi ungemhi na, ni awa kha mie shi nya, khi eri iJesu iKirisiti o bhale agbo ya tsumhi ena olamhe, ni o khia khi mhemhe mhi ga kholo ne nya.

16 Ama eri Eshinegba o mhue ilelemhi na mhemhe ni o kholo ne ena olamhe nya, ni a ro bhale ya e khi irabomudu oniemhi ni iJesu o mhue na mhe o khi irokhokho shi egbo ni e ke ya mie oli suo o, ali eni e ya mhue agbo na agboagbo.

* 1:2 Li ze Ika 16.1 † 1:13 Li ze Ika 8.3; 9.4-5

17 Ekpe ali ufumhi o khi oyi Oghie na agboagbo, ni ọa ya ghu, ni aa ya me, Eshinegba ni o khi oghuo kpe, rote agboagbo ya je agboagbo! Atse.

18 Yeye iTimoti omimhe, ena e khi omhesẹ ni mhi ro ne, ni e de shi abi a li me eke shi e egbe eghẹghẹ ni o dose. Ke ri omhesẹ ena gbe akanya, irari khi itsua-okhue e khi ne, ni u ro dobe ya kholi okholi onete,

19 kie mu irudunga oye ali udu onete ni o gue ogbo ezọ oye mhuẹ. Egbọ eghuo ni ẹa ke rieḷe emini udu onete ni o gue ogbo ezọ oyewe o gueye we e rieḷe, eri irudunga oyewe o de guoghọ-a abi oko-okẹ oniēmhi.

20 Egbọ enabi eghoghọ iManiusi ali Alezada e khi, ni mhi wolọ abọ na okphaghiẹ ni o sese we ingme, ini e khi ke ngme ungememhi ipfiunu-a deba Eshinegba.

2

Ugamhi igbaa oyi eni e mie iJesu iKirisiti suo

1 Mhi gueye ẹ, a kpe te odode so iromhi na egbo kpa. Abi u lie gue emini e to ẹ le, lema Eshinegba shi ilemhi na we, u kphemhi na Eshinegba na we.

2 U li so iromhi na enighie ali eni ẹe mhesẹ ni awa, ni e ro dobe ke la agbo na tsuke ali opfomhe, elemhi ekpe oyi Eshinegba rote igue-ngeli.

3 Ona oo ti, o ma ri egbe a mu Eshinegba otsumhi oyawa.

4 Ni ọọ nono ni ogbokpa o mhọli imiepfuese, ni o gbo lese igesikia.

5 Irari khi Eshinegba oghuo o laọ, ali omigha iteva ogbo ali Eshinegba oghuo, omose ni a lu iJesu iKirisiti.

6 Ni o ri egbọli bhale shi otoeloli, ni o ro mie egbo nya pfuese. Ona o khi usomhi ni Eshinegba ọọ nono ni loli gueye ogbokpa ni o gue de shi eghẹghẹ oyoli.

7 Ona o ze ni a ro ghie mhe abi aghiusomhi na kee ni iKirisiti o ze ali osese oyi ijeta ni mhi ro gue usomhi irudunga ali igesikia le. A khi egbhuẹ mhia lo, igesikia mhia guele.*

8 Ini a ye ugamhi, mhia nono ni emose e tsua abo eke shi iromhi isoso ni ọa mhuẹ elemhi ibibi wekhi ekhako.

9 Mhi lili e nono ni eni ikpotso e gue ke so itsua ni e gbe akanya, a khi khue akhue abamemhe, wekhi ie-itsu dolodolo shi ukhomhi, wekhi iri-igolu khue akhue ali ifefe isoso wekhi itsua ni e lolo ghalẹ isoso.†

10 Ama e ke gbe ikanya enete, ni o ye ni ikpotso ni ẹe khi wewe a ga Eshinegba e gbe.

11 Ikpotso e ke ri iregbe-tiemhile ke ku eso-a wena.

12 Mhi aa ze okpotso ni o sese, we khi eri o ya mhuẹ omhesẹ shi emose ukhomhi. O ke tsaghiẹ-a.

13 Itobo khi Adamu a kpe ma neni a ma Ivu.‡

14 Ọa khi Adamu okphaghiẹ o di, ama okpotso a di ni o gbe ushi oyi Eshinegba-a.§

15 Ama a ya tsumhi okpotso rote eniye ibiabia, ini o kiele e deba irudunga ali inono ali ipfuase, ni o ro mu ekpe shi egbọli egbe.

3

Eni e mhesẹ elemhi igbaa oyi eni e mie iJesu iKirisiti suo.

* 2:7 Li ze 2 iTimo 1.11 † 2:9 Li ze 1 iPit 3.3 ‡ 2:13 Li ze Igbae 2.7,21-22 § 2:14 Li ze Igbae 3.1-6

¹ Oni ungmemhi ona oo gbe akanya gba. Ini oḡbọ oḡ nono ni lọli khi ọni o ri eloe e khu eḡbọ eyi Eshineḡba, eminete lọ ni o ḡhọle ọli.

² Oni o ri eloe a khu eni e miesuḡ o mema ya khi oḡbọ ni o fu doṣe umhaguẹli, o khi oḡo ọkpotoso oḡhuo, o mhue ikuegbe-a, o mu ekpe shi egbọli egbe, o khi ọni a mu ekpe a na, o mema ya ke kpe abọ mie epfese lo apfe oyọli le, o mema ya doḡe ke sese oseṣe.

³ O khi khi oḡonyo, we oḡbọ okhọli, ama o pfomhe, o khi khi oḡbọ uwola, o khi nono ingme ukpagho doṣe.

⁴ O mema khi ọni o guẹ ri eloe e khu omhue-apfe oyọli. O khi ọni imiọli e mu ekpe e na, eṣe suḡ esọ na li egbegbo.

⁵ Itobọ khi ini oḡbọ oḡ guẹ ri eloe e khu omhue-apfe oyọli, se ọli ya doḡe ri eloe khu igbaa oyi eni e mie iJesu iKirisiti suḡ?

⁶ O khi khi ọni o leṣe miesuḡ ni ode oḡ nuẹ ne ini ititiegbe e khi vọ li egbe ni o tigbe ya de pfilo epfua nabi ọkphaghie o de pfilo.

⁷ O mema khi oḡbọ ni o mhọli eva onete iteva oyi ena edato, ini o khi yeḡhe-a ni o de ya pfilo igba ọkphaghie.*

⁸ Eni eṣe kpaghie elemhi owa ugamhi, e khi eḡbọ ni a mu ekpe e na, e khi eḡbọ ni a ri egbe e nga. E khi khi eni e da onyo o doṣe wekhi eni eṣe li oyamhi ukpagho.

⁹ E ri udu-onete ni oḡ gue oḡbọ eḡo mu igesikia ni a roḡhasẹ ni e la irudunga mhue.

¹⁰ A kpe mu we fe bino, ini o khia khi e gue gbe, a tigbe ze we obo o gbe akanya ọni oḡ ga.

¹¹ Ighuewe e mema ya mhue ingeli enete. E khi khi eni eṣe le eḡbọ ita uruli kiakia, e mhọli ayemhe ni o pfomhe, e khi eni a ri egbe e nga shi emhikpa.

¹² Omose ọkpaghioḡ o mema ya khi ọni o rue ọkpotoso oḡhuo shi, o khi ọni o guẹ e sese eniye eyọli ode, o gue ri ukpeloe a khu omhue-apfe oyọli.

¹³ Ekpaghie-obo eni e gue ga, e she roli mie ashini o mu eloe, ali e doḡe ri igbedu e ngme ingme oyi irudunga oyi iJesu iKirisiti ni e mhue.

Osheli ni o la irudunga oyawa

¹⁴ Aboriekhia khi mhi ririe mhọli ọli shi udu khi mhi ya keḡe bhale ya bine, mhi ro kie keke eni omhesẹ ena ghi e. Eḡheḡhe agho ni a bhale ya e khi,

¹⁵ ini o khia khi mhi tесе deṣe, ebe ona o ya sese e abi o ti ni eḡbọ e li ke ngeli elemhi omhue-apfe oyi Eshineḡba, ni o khi igbaa oyi eni e mie iJesu iKirisiti suḡ oyi Eshineḡba ni o la agbo. Ikhi igbaa oyi eni e mie iJesu iKirisiti suḡ ni o khi oche ali irḡbeke ni a ma igesikia nga.

¹⁶ Igesikia ni o la osheli oniemhi ni o la irudunga oyawa o fu doṣe oni oḡbokhḡghuo o mhue ekhako e shi.

IJesu o bhale agbo abi oḡbọ,

Ayemhe o roli khase
khi o ḡhọle Eshineḡba,

igeni e me ọli

A roli tse abo gase
ushishi nya,

eḡbọ e mie ọli suḡ

elemhi agbo nya

a rue ọli nga iloghie.

* 3:7 Li ze iTato 1.6-9

4

Ena Osese egbhali

¹ Ayemhe o guele gboo khi, ikpukhokho agbo, egbo eghuo e ya tsua irudunga pfi-a. E deba iyemhe ni ee di agbo, ee deba osese ni ayemhe okphaghi e tsua lasela.

² Osese eghogh, obo oyi elo-egbhu e ena ikokoalo e te e bhale, eni udu-onete ni o gue ogbo ezọ oyewe o she ghua dishi.

³ Egbo eghogh e sese egbo e khi rue okpotso, eni ikpotso e khi ye ughue, e gueye we e khi ke le eminale eghuo. Ama eri Eshinegba o ma eminale eghogh, eni e miesuo ni e lese igesikia e ke ri ikphemhi mie we le.

⁴ Emhikpa ni Eshinegba o ma o ti, a khi me emini a kie, ama a ke ri ikphemhi mie emhikpa.

⁵ Irari khi ungmemhi oyi Eshinegba ali iromhi isoso a ro rewe e shi eni e pfuase.

⁶ Ini u ri oni omhese ona na eni e miesuo, u ya khi oni o gue gbe akanya ugamhi oyi iJesu iKirisiti, ni a kuete vule rote igesikia na irudunga ali osese enete ni u wa deba.

⁷ Khi mhali emini u ri okhe oyi egbo nedu, ali okhe ikpotso egbhali e rieta. Ke ngeli rieta oghuemhe oyi Eshinegba.

⁸ Inisegbe-a o mhali ukuku eminete ni o rieta a na ogbo, ama ni a ro suo eso na Eshinegba, eri o ti odekhole, itobo khi o mhali ishobo na awa memena ali agbo ni o ke e bhale.

⁹ Ungmemhi igesikia na ni o ti ni a mieshi, ni a gbo lama shi o.

¹⁰ Onana o ri anye roshaka a gbe akanya egbegbo, irari khi awa she ri irudushi oyawa shi Eshinegba obo, oni o lao ni o khi Omiepfuese oyi ogbokpa, eni e miesuo kpaashi.

¹¹ Mhese, u gbo sese ena nya.

¹² Khi ze ni ogbokhoghuo o ri eloe gbe e irari khi ozele u khi, ama rote ungmemhi oye, ali agbo oye, ali inono oye, elemhi irudunga ali ipfuase oye khili irokhasa na eni e miesuo.

¹³ Ya ramhi eghenge ni mhi ro ya bhale, ri eloe shi o kie ke ze Ebe-no-pfuase khasa igbaa, u kie le e tse-abo oni ungmemhi, wa sese we.

¹⁴ Khi ri obo gbe isomhopfa ni Eshinegba o ro ne nye. Oni a ro ne abi a ro mekeguele shi e egbe ali abi eni egbhali e ro ri abo ne egbe.

¹⁵ Ke ri eloe shi eni emhi ena egbegbo, u ri egbe e na we pfo ni egbo nya e ke me ije-odalo oye.

¹⁶ Ri eloe shi egbe e egbe ali osese oye. Kie ke rieta emhi ena, irari khi ini u wa ligo u ya tsumhi egbe e ali eni e suo e.

5

Abi ee a ke li esamhi-olimhi, ali egbhali ali ighumha

¹ Khi dese egbhali, ri ipfomhe uruli nu oli ngme abine khi ite o khi. Ke rieta deba ozele abine khi inyoghue e u ngeli e deba.

² U rieta deba ikpotso eni egbhali abine khi inye e khi. Ke ngeli deba ozele ikpotso abi inyoghue ni ikpotso.

³ Khi ri eloe gbe esamhi-olimhi ni e khi esamhi-olimhi egbegbo, ni e mhali otomhe.

⁴ Ini oni osamhi-olimhi o bia eniye, o ke khia khi o mhue imimi, eni eniye e kpe ke ri emini e wena imiesuo gbe akanya, abi e li ri eloe e khu omhue-ape

oyewẹ. Ini e lina, eri ẹ feli eni e bia wẹ ali itita wẹ egho, irari khi onana o ma ri egbe a mu Eshinegba.

⁵ Oni o khi osamhi-olimhi igesikia ni o ke ye ughue, ni lolighuo o la, o she regbenga Eshinegba, o so iromhi ẹ mhila li ikpaghioḅo obo, eḷeḷogwota ali eḷe iyose.

⁶ Ama osamhi-olimhi ni o ri egḅoli shi aruele agḅo, o she ghu-a ini ayemhe oyoli o kie tseku laḷ.

⁷ Mhesẹ enana na wẹ ini a khi me gue shi wẹ egbe.

⁸ Irari khi ini oḅḅo o ri ukpeḷoe khu ena omhue-afẹ oyoli, tete imi oḷi ali ughue oḷi, o she kie oni irudunga. O kholo doḷe oni o miեսuo.

⁹ Khi keke eva oyi osamhi olimhi kuma eva eyi esamhi-olimhi se ni o she doḷe ikpe egbhuesẹ, oni o khia khi utoghuo-kpe o kpe lesẹ ye ughue.

¹⁰ O khi oni a suo eko shi ikanya enete, okpotso ni o gue kueḷe imiḷi. Ni o mie epfese ẹ shi owa. O gue a gbe ikanya deba eni e miesuo, ni oḷo kpaghiẹ eḅḅo ni e la omunu obo ni o ri egḅoli shi onete ododa iriele.

¹¹ Ama khi ri eva oyi ozele esamhi-olimhi shi ebe. Irari khi ini oghuemhe idiegbe oyewẹ o nga wẹ ukhomhi le doḷe ugamhi ni ẹ ga iKirisiti, e vu ya ngeli.

¹² Eri e rote agho lue, irari khi e she gbe ironga ni e kpe te eke ro nga ni iKirisiti-a.

¹³ Eḅḅo owaza e khi ni eḷe kia ifui owa. Oni o kholo ne nya khi eḷe le eḅḅo itsa uruli kia kia, eḷe sono unu ingme ni aa fe lu wẹ shi, eḷe ngme ungmehi ni eḷa kha ngme.

¹⁴ Itobo igho, o ghole mhe ni ozele isamhi olimhi e ye ughue, e bia eniye, e ri eḷe ẹ khu omhue-afẹ oyewẹ. Ini awa khi ri eghẹghẹ na ebe awa me asha yese awa eva-a.

¹⁵ Eni esamhi-olimhi eghuo e she lase ode oyi iKirisiti le deba okphaghiẹ.

¹⁶ Ama ini okpotso okhoghuo ni o miesuo o mhue osamhi-olimhi she unuekpe oyoli, o mema ya ke ri eḷe khu oḷi, o khi rue oḷi ghi igbaa oyi eni e mie iJesu iKirisiti suo ke tsua, ni e doḅe ri eḷe ke khu eni e khi egbegbi esamhi-olimhi ni e mhḷi otomhe.

¹⁷ A ke fali eni egbhali ni e ri igbaa oyi eni e mie iJesu iKirisiti suo ẹ kia ni e gue gbe akanya egbegḅo ifata agbhagbhamhi eva, tete eni e mema lolo toto obo itse-abo ali osese ungmehi oyi Eshinegba.

¹⁸ Irari khi ebe o ngme oḷi, u khi ge ena unu ini u roḷi ẹ kpishi ikpamhi emhi. A ke fali egbakanya ifata eyewẹ.*

¹⁹ Khi roḷi shi egbegbi ingme ini oḅḅoghuo a bhale ya ngme ingme shi ogbhali egbe, se ini e gbe aava okekhi aase.†

²⁰ La odalo eḅḅo kpa ke dese eni e lamhe ni o tse agua ye enekpole.

²¹ Mhi la ukpeḷoe onayi Eshinegba ali iJesu iKirisiti ali oyi igeni ni e pfuase mhesẹ ne, u ri omhesẹ ena gbe akanya, khi rote ode oshili weḷe azeba riḷe emhikhoghuo.

²² Khi tigbe keḷe ri obo nga oḅḅo egbe roḷi nga akanya ugamhi oyi Onomhue, u khi ya nu oḷi mhue okemhi shi olamhe oyi oḷi. Ri egbe ẹ shi ipfuase.

²³ Khi ke da amẹ tsee, ama ke da ukuku onyo ni eminale e keḷe ke daghiẹ-a shi ẹ elemhi, abi o ro khia khi u ma keḷe ẹ ghua egho.

²⁴ Eri a ga eḅḅo eghuo zu olamhe eyewẹ, neni a re ramhi iguezo, ama olamhe oye eḅḅese eḷeḷese e ya lasele.

* 5:18 Li ze iDeut 25.4; iMat 10.10; iLuk 10.7 † 5:19 Li ze iDeut 17.6; 19.15

²⁵ Igho a lię mę ikanya enete gboo. Shi eghuo ni aa ya mę memena, ęa ya sheli okhęse.

6

¹ Eni e khi ighumha e ke ri ekpe na ega eyewę eghęghękpa ini ogbokhoghuo o khi zę emuębe na eva oyi Eshinęba ali osesę oyawa.

² Ighumha e khi ri ęloe gbe ega eyewę ni e miesuo, ni e mholi wę, irari khi inyoghuo egbe e ga khi ni ęę deba iKirisiti, oni iKirisiti o nono ingme oyewę. Ochoghwo e ke ga wę dọsę abi e kpe li a ga wę, Eni ingme ena e khi eni u ya ke sesę wę, u gbo rẹwę ę ye wę ude.

³ Ogbọ ni o da sesę osesę olese ne, ọa lama shi egbegbi osesę oyi iJesu iKirisiti Onomhụe oyawa ali ugamhi oyawa,

⁴ eri itipfuabọ-nga o she vọ li egbe ni ọa ke lęsę emhikhoghwo. O mhue oghuemhę obe na ekhako ali uwola shi ingmemhi ni ęę pfi ofuma ali uwola ali itsue ali ireloeviqba.

⁵ E gbolo ę pfi ekhako shi iteva egbo ni isamhi udu oyewę ọa ya gbe akanya te ode, ni igesikia o she wa wę-a. Eri ę dabi khi ugamhi khi ępfue a rọli ę nono.

⁶ Egbegbo lo khi ugamhi o ri ogbọ o mhue ępfue egbegbo, o ri emini u mhue khuese ę.

⁷ Irari khi awa a kpe tsua emhikhoghwo bhale agbo ona. Igho awa a li rote agbo ya tsua emhikhoghwo vu.

⁸ Irari onana, ini awa da mhue eminale ali itsua na so ne, o khuese awa.

⁹ Ama eni ę nono ni wewę e pfue eri ęę de pfilo imufę ali igha ali oghuemhę eyi oyeghę ni ę kuale ogbọ utse, ni o pfi egbo pfilo epfua ali oyese.

¹⁰ Irari khi rote oyamhi ukpagho iwali onobe nya e te ę zę lasele. Egbo eghuo e she kphakpha egbe ini e mhue ikpagho, ni o she rẹwę kia lase ode irudunga le. E she ri ebubu oya yese egbe wę udu-a.

Agbo ni o ti ni oni o miesuo o la

¹¹ Ama yeyę Omose oyi Eshinęba, ti egbe emhi enana nya le, na ke khu ipfuase, ali iriele emini o ti Eshinęba ęloe, ali irudunga, ali inono, iregbemie ali angeli ipfomhę.

¹² Ga ri itoto eyę nya na unamhi oni irudunga oye, ni u mie eleli agbo na agboagbo. Itobọ khi oni agbo onana Eshinęba o lu ę shi abi u rọ pfi ọtsęlę shi irudunga oye odalo ebubu egbo.

¹³ Odalo oyi Eshinęba ni o ri agbo na emhi nya ali odalo oyi iJesu iKirisiti, ni o pfi ọtsęlę odalo iPotiusi iPaleti, mhi la mhęsę nę ena,*

¹⁴ u ri omhęsę enana gbe akanya, ri igesikia mu wę mhue gbaa ya ramhi ęle ni iJesu iKirisiti Onomhụe oyawa o rọ ya bhale.

¹⁵ Oni ibhale oyọli o ya tse shi eghęghę ni Eshinęba o mhęsę ọli shi te, loli o khi Oghie oghuo kpele ni a khivose na, Oghie oyi ighie nya, ali Onomhụe oyi ekhemhụe nya.

¹⁶ Lolighuo kpele o lęsę la o lę agboagbo. Eri o la akpa ni ogbokhoghuo ọa gbudu a ti mama. Oni ogbokhoghuo ọa mę ghue wękhi eri ogbọ tigbe dọbę ya mę ọli ghue. A ri ufumhi ali ekpabọ onięmhi nali. Atse.

¹⁷ Mhęsę na egbo ni e pfue shi elemhi agbo ona, e khi ke ti-ipfuabọ nga, a e khi ri udu shi ępfue ni ęa zę ri egbe ę da, ama e mhue irudushi na Eshinęba ni o ri emhikpa somhi awa opfa tuo, awa rọ ke li agbo.

* 6:13 Li zę ifon 18.37

¹⁸ Mhẹsẹ na wẹ e ke riẹlẹ onete, e khili eni e pfue shi elemhi onete iriẹlẹ, e ke somhi ẹgbọ opfa, e ke rọte emini e mhue rue obọ-a.

¹⁹ Ini e da li na ne, e ya ti ẹpfue ma na egbewẹ abi irogbekẹ ni o migha, elemhi agbọ ni ọọ bhale, ni e la agbọ ni Ẹshinẹgba ọ nono ni e la.

²⁰ ITimoti, ri ẹloe khu emini a rọ shi e obọ. Khi kuma ingmemhi ni ẹa khi eyi Ẹshinẹgba ali ekhakọ eyẹghẹ ni ẹgbọ eghuo e ri ẹgbhọlì ẹ lu ilẹsẹ,

²¹ ni ẹgbọ eghuo e deba ni o rẹwẹ lase ode irudunga oyẹwẹ le.

Okhale oyi Ẹshinẹgba o ka nu ẹẹ nya la.

Ebe onuzi-eva ni iPọlu o kẹkẹ ghi ITimoti

¹ Mhẹmhẹ iPọlu ni mhi khi aghiusomhi na kẹkẹ oyi iJesu iKirisiti abi o gholẹ Ẹshinẹgba shi. Mhẹmhẹ mhi kẹkẹ ebe ona. Mhẹmhẹ ni o ghie mhi ka ri agbọ ni o la iJesu iKirisiti ni Ẹshinẹgba o rọ shobọ na awa tse abọ guele.

² ITimoti mhi kẹkẹ ebe ona ghe. Okhale ali ilelemhi ali opfomhẹ eyi Ẹshinẹgba ali eyi iJesu iKirisiti Onomhẹ oyawa e ka khi eye.*

³ Mhi tse Ẹshinẹgba ni mhi ri udu no pfuase e ga abi eni e bia mhẹ e li ga. Eri mhi a tse Ẹshinẹgba uwegbe ini mhi la iromhi isoso sato e egbe, eḷe-iyose ali eḷe oguota.

⁴ Mhi áá sato eviẹ oye, mhi áá nono ni mhi mẹ e, eghẹghẹ agho ni oghẹle oyemhẹ o vọ.

⁵ Mhi áá sato egbegbi irudunga ni u mhue. Irudunga onabi inyinye o mhue ikhi iLoisi ali ni inyẹ iYunisi o li mhue. Mhi mie shi o khi oni irudunga o li le egbe.†

⁶ Irari ona, mhia ye e ude u guise isomhopfa ni Ẹshinẹgba o rọ nẹ le ke gbe akanya egbegbo, eni u mie abi mhi rọ ri abọ nge ukhomhi.

⁷ Irari khi Ẹshinẹgba o ri ayemhẹ ulishi na awa, ama ayemhẹ ekpabọ ali inono ali iguẹ ri egbe kia.

⁸ Itobọ ona, khi zẹ ni omama o muẹ ni u rọ pfi otsele na Onomhẹ oyawa, wẹkhi omama mhẹ ni mhi khi oghumha itobọ iKirisiti. Ama kuma mhẹ o shi osoli imemẹ shi iri usomhi onete tsabo, rọte ekpabọ oyi Ẹshinẹgba,

⁹ ni o tsumhi awa, o lu awa ni awa nu ọli la agbọ ipfuase ni o khia khi o a khi irari emhikhoghuo ni awa riẹle, ama abi o li gba li ali irari okhale oyoli. Eri a li oni okhale ona na awa rọte obọ oyi iJesu iKirisiti neni eghẹghẹ o gba ekẹ le.

¹⁰ Ama mena, a she rọli khasẹ awa rọte ibhale oyi Omiepfuese, iJesu iKirisiti ni o pfueche eghuli-a, ali ni o ri agbọ bhale, ni o rọte usomhi onete ri agbọ ni o a ya ghu khasẹ gboo.

¹¹ Oni usomhi onete ona Ẹshinẹgba o zẹ mhẹ shi mhi ke guele abi aghiusomhi na kẹkẹ oyi iJesu, ali oni oọ sese.‡

¹² Itobọ ona o zẹ ni mhi rọ mẹ osue abi mhi li ena. Abi o tseku li, omama o a mu mhẹ irari khi mhi lese oni mhi miesuo ali khi mhi mie shi o khi o dobe ya ri eloe khu emini mhi ronga li obọ shi ogbe ni eḷegho.

¹³ Emini u rọte unu oyemhẹ suo, mu wẹ mholi ni e khi ete-awẹ ni u rọ ya ke sese oseşẹ ni o dala. Gbo sato ke la elemhi irudunga ali inono ni u mhue elemhi iJesu iKirisiti.

¹⁴ Ri eloe khu oseşẹ onete ni a rọ nga e obọ, rọte ikpaghiobọ oyi Ayemhẹ-nọ-pfuase ni o nu awa la ini ogbọ khi dobe pfi ọli ukhomhi kpọkẹ.

¹⁵ U lese khi egbokpa ni e la ekẹ Esha e she mẹ mhẹ na, li shi iFigelusi ali Emogenesi.

¹⁶ Eshinẹgba o ka mhue ilelemhi na unuekpẹ oyi Onesiforosi, irari khi eri o ri egbe e mu mhẹ eghẹghẹ kpa, o a na omama iweghe ni a so mhẹ.

¹⁷ Ni mhi rọ ma o, abi o rọ bhale iRomu, o nono mhẹ ya ramhi ni o rọ mẹ mhẹ.

* 1:2 Li zẹ Ika 16.1 † 1:5 Li zẹ Ika 16.1 ‡ 1:11 Li zẹ 1 iTimo 2.7

¹⁸ Eshinegba o ka ze ni o me ilelemhi oyi Eshinegba ogbele elegho. U ga lese gboo abi o li kpaghie mhe obo abi mhi ro la Efesosi.

2

Abi a lie khi Okholi-okhue oyi iJesu iKirisiti

¹ ITimoti omimhe, ze ni u toto shi okhale ni o rote obo oyi iJesu iKirisiti bhale.

² Emini u suo khi mhi ngme ukpeloe otsela ebubu, rewe nga egbo ni a dobe ri egbe e nga obo, ni e ya dobe sese egboese.

³ Nu mhe ri egbe mie osoli abi okholi-okhue onete oyi iJesu iKirisiti.

⁴ Ogbo ni oo gbe akanya okholi-okhue, oa ya ku abo lo emhi agbo, irari khi oga oyoli oo ke dua ni loli ri egbe ke mu.

⁵ Igho o li khi, ini ogbo o kuma eni e ya na, aa ya rughu oli arula oghie khi o lo owa, ini oa li deba ushi ni o la unamhi.

⁶ O ti ni oghiale ni o toto obo gbe akanya, o kpe khi onodode ni o le emhi ekomhi ni o gua.

⁷ Sa shi emini mhi ngme ena irari khi Onomhue o ya re lese udi emhi ena nya.

⁸ Sato iJesu egbe ni a rote eghuli guise le, ni o khi unuekpe oyi iDefidi. Onana o khi usomhi onete ni mhi ro a tse abo,

⁹ ni o re mhe a me osoli ramhi ni a ro ri igha shi mhe abo abi ogbo usueso-akhue. Ama, ungememhi oyi Eshinegba oa ze e so igha.

¹⁰ Irarigho, mhi ro ri egbe mie emhikpa irari egbo ni Eshinegba o ze ni wewe e li mie imiepfuese ni o te obo oyi iJesu iKirisiti bhale, li shi ufumhi na agboagbo.

¹¹ Egbegbi ungememhi ni a ri egbe a da na.

Ini awa nu oli ghua,
awa gbo li ya nu oli la agbo.

¹² Ini awa ri egbe mie,
awa ya nu oli ke mhese.

Ini awa kie oli,
O ya kie awa.*

¹³ Ini awa a ya gbe akanya
te ode igesikia,
Ona igesikia o kiele khi.
Irari khi oa ya kie egboli.

Ogbakanya ni o ghole Eshinegba

¹⁴ Ke yele egbo eye enana le. U gbo tse agua ye we ukpeloe Eshinegba, e khi wola shi ingmemhi, ni oa mholi eleli, eri o lese e yese eni e suo oli-a.

¹⁵ Roshaka ni u ri egbee na Eshinegba abi, ogbakanya ni o mie ni omama oa ya mu, ni o gue e sese ungememhi igesikia.

¹⁶ Nuata shi ingme afue ni ea mholi eleli, irari khi egbo ni e so egbe ingme eghoghoh, eri e ri egbo nuata shi Eshinegba o.

¹⁷ Osese oyewe, o ya ke ge abi ugboko. Egbo eghoghoh khi Ameneusi ali iFiletusi.

¹⁸ E she zobee ode igesikia obo. E khi irote eghuli guale o she bhale ya dose, e yese irudunga oyi egbo eghuo-a.

* 2:12 Li ze iMat 10.33; iLuk 12.9

¹⁹ Abi bi o tseku li, iroḡbeḡe ni Eshineḡba o ro ḡbe eri o migha ḡbaa, ni a keḡe ena ro shi oḡi oḡeḡe khi: “Onomhuḡ o leḡe ḡḡo ni e khi eyoḡi.” Ali, “Onini o da guele khi oyi Onomhuḡ loḡi khi ne, o mema ya ti ḡbe oḡhoḡo irieḡe le.”†

²⁰ Ukpokpomhi owa oḡa leḡe mhuḡ itasa igolu ali eyi elomho tḡe, ama o li mhḡi eyi eḡa ali emḡ, eḡhuo, e khi eni e mu eloe, eḡhuo, e khi eni eḡa mu eloe.

²¹ Ini oḡḡo khuḡeḡe ḡḡoḡi-a pḡuaḡe lase emhi ebe le, a ya roḡi rieḡe ḡḡeḡbi emhi. A roḡi pḡuaḡe, oḡa oyoḡi o roḡi li emhi, ali khi o ya rieḡe oḡi shi oni a ro ke ḡbe ikanya enete.

²² Me oḡhuemḡe ebe oyi ozele na, ke na khu igueḡ-ngeli ali irudunga, ali inono ali opḡomḡe. Kuma ḡḡo ni e ri udu ni o pḡuaḡe e lu eva oyi Onomhuḡ o.

²³ Khi mhḡi emini u ri ekhako oyeḡḡe ali umhalḡe li, irari khi u leḡe khi uwola e pḡi.

²⁴ Oni oḡo ḡa Eshineḡba oḡa ḡbudu wola. O mema khi oni oḡo rieḡe isomhelemhi deba oḡḡokpa, o khi oḡeḡe onete ni o ri abo o mudu.

²⁵ O ri ofie seḡe eni e nu oḡi khako. O mhḡi oḡi shi udu khi Eshineḡba o ya khuḡeḡie ode-a na we ro mu pḡi ni o ya rewe bhale ya leḡe igesikia,

²⁶ ali khi ḡḡbali oyeḡe o ya tiemhile, e na pḡue igha ni oḡphagḡie o kḡe kḡe we. Oni o she mu we ighumha e ke rieḡe oḡhuemḡe oyoḡi.

3

Angeli oyi ḡḡo ikpukhokho ḡḡo

¹ Ke bino oḡi khi eḡheḡe omunu o ya la o ḡḡeḡe ni e kpe ukhokho.

² ḡḡo e ya ke nono ingme oyi ḡbe wewe-ḡhuo tḡe, e mhḡi oḡhuemḡe ebe na ukpago, eḡ tono obo udu, eḡ titieḡbe, eḡ weḡḡe ḡḡo, eḡ rieḡe umha-sueso deba eni e bia we, eḡ mhḡi itsuwegbe wekhi itsobode, e khi ḡḡo ni eḡa mu ekḡe na emhi Eshineḡba.

³ Eḡa mhuḡ isomhelemhi, eḡa mhuḡ igbekua na oḡḡo, e ri unu e pḡueḡe ḡḡo-a, eḡa mhḡi igueḡ-regbekia, wekhi ilelemhi, eḡa nono eminete.

⁴ E ri ḡḡeḡe e de, eḡ li umumume, eḡ ti ipḡuabo nḡa, e mhḡi oḡhuemḡe na ḡḡo ilili, ocho ni e kha ro mhḡi inono na Eshineḡba.

⁵ E rieḡe abineḡe khi eri e miesuo, ama e kie ekpabo ni o la imiesuo. Khi mhḡi emini u ri ḡḡo eḡḡoḡo li.

⁶ ḡḡo eḡḡoḡo e beḡa lo owa deba ikpotso ni eḡa mhuḡ ḡḡbali, eni usamhi oyi olamḡe eyewe enediḡ e nase, ali ni oḡhuemḡe khi oḡhuemḡe oḡo gua.

⁷ Eri ikpotso eḡḡoḡo eḡe nono ni e wena, ama eḡa doḡe e leḡe igesikia.

⁸ Ezeze abi iJanesi ali iJabireḡe e mu okhuḡe vule shi iMosisi o, igḡo eni ḡḡo ena e li mu okhuḡe vule shi igesikia o. ḡḡo ni o khia khi usamhi oyeḡe oḡa ke a ḡbe akanya ni e she de ode irudunga-a.*

⁹ Ama eḡa ya kia nuata, itobo khi oyeḡe oyeḡe o ya ri ḡbe khase oḡḡokpa, abi o ke li eni emose aava eḡḡo ḡḡe.

Omḡeḡe ni iPolu o ro na iTimoti

¹⁰ Ama u she leḡe oḡeḡe oyeḡe nya ali abi mhi lie ngeli, U leḡe emini mhi la ḡḡo shi, u leḡe irudunga, ali irabomudu ali inono ali ireḡbemie eyemḡe.

¹¹ U leḡe okhoḡi ni a mu vule shi mḡe o, ali osoli ali emini mhi me ḡbe obini eoli Atiḡi, ali eoli iKoniḡo mu ali eoli iLisitira. Okhoḡi oniemi a mu vule shi mḡe o ni mhi ri ḡbe mie. Ama Onomhuḡ o rue mḡe o le nya.†

¹² Egbegbo lo khi, ogbokpa ni o da nono ni lue la agbo ipfuase oyi iJesu IKirisiti ne, a ya mu okholi vule shi oli o.

¹³ Egbogbo okholo ni e ri egbe we khi emini ea fute e ya ke rielle onobe ke khi ma o, ee di egbo, a lili e di we.

¹⁴ Ama yeye oye, toto obogbo emini u wena ni u she mie shi, irari khi u lese obogbo oyi eni u te wena we,

¹⁵ Ali abi u te rote omofe lese Ebe-no-pfuase ni e dobe ya re khili olesingme shi irudunga ni u mholi na iJesu iKirisiti ni u khi oni a mie pfuese.

¹⁶ Emimi a keke shi Ebe-no-pfuase nya, ungmehi oyi Eshinegba lo. E ti ni a ro o sese emini e khi igesikia, ali ni a ro o tse agua ye ogbo shi iriele do-a, ali ni a ro o sheshe ogbo shi ode rote umhagueli, ali ni a ro o sese ogbo igue-ngeli.

¹⁷ Ni ro a bhale ya e khi a sese Omose oyi Eshinegba egbegbo ni o gue ke gbe ikanya enete ododa.

4

¹ Ukpeloe oyi Eshinegba ali iJesu IKirisiti, ni o ya gue egbo ni e lao ali eni e ghu-a ezogbo, ali oni o bhale ya mheshe abi Oghie, mhi la ri oni omheshe onana ne.

² Ke tse abogbo oni ungmehi, ke mu egbe eghenge kpa ni u ro ke tse oli, o khi eghenge ni o ti, o ke khi eghenge ni o ti, ke sheshe egbo, wa dese we ali u ri udu e shi we o. U ri iregbemie ri ofie sese we.

³ Irari khi eghenge odo bhale ni egbo ea ke ro ya ri esogbo shi egbegbi osese. Ama ni e ba ke suogbo emini e ti we esogbo, e ya ri ochogbo ti esese gbili gasogbo egbe ni e ya ke ngme emini esogbo ni e rielle we e nono ni wewe e ke suogbo.

⁴ E ya rue esogbo egbegbi ungmehi le, e ri esogbo shi okhe nedegbo.

⁵ Ama yeye oye, u mema ya ku egbe-a abibi o rie li. U ri egbe mie osoli, ri abogbo mu udu ini u wa a me osoli. Ke gbe akanya oyi oni o ri usomhi onete a tse abogbo, u ri eloe shi ikanya eye e gbe abi oni o ga oyi Eshinegba.

⁶ Irari khi a she ku mhe abi onyogbo ni a ku shi iluasobo, ali oni eghenge o she bhale ni mhi ro ya ghua.

⁷ Mhi she kholi oni okholi onete, mhi she na oni unamhi pfo, mhi mu oni irudunga mhuogbo ya to.

⁸ Mena, a shi ri arula igue-ngeli shi na mhe, ni Onomhuogbo ni o pfuase ni o khi osogbo-egbo o ro ya na mhe ogbe na elegbo. Oa khi mhemheshuo tse a ya roli na, ama li shi egbo ni e nono inyene egbe bhale oyoli.

IPolu ogbo ghie iTimoti usomhi

⁹ Rosheka ni u keke ramhi mhe egbe.

¹⁰ Irari khi idemasi o mholi inono na oni agbo ona. O she tsua mhe pfia je eoli iTesalonika. IKiresenisi o she je eke iGalesha, iTatogbo o je eoli iDalimatia.*

¹¹ ILuku luogbo kpe o ke lese nu mhe la akana. Rue iMaki mholi obogbo bhale, irari khi o mholi ikpaghiobogbo na mhe oni akanya.†

¹² Mhi ghie iTakogbo je eoli Efesogbo.‡

¹³ Ini u wa bhale rue awulu ugbakpi ni mhi ro shi obogbo oyi iKaripusi obini eoli iTiroasi ali ebe eyemhe mhuogbo bhale. Tete ekeke elamhi ni a keke emhi shi.§

* 4:10 Li ze iKolo 4.14; iFilu 24; 2 iKori 8.23; iGal 2.3; iTatogbo 1.4 † 4:11 Li ze iKolo 4.14; iFilu 24; Ika 12.12,25; 13.13; 15.37-39; iKolo 4.10 ‡ 4:12 Li ze Ika 20.4; Efi 6.21-22; iKolo 4.7-8 § 4:13 Li ze Ika 20.6

14 Alẹzada ọni ọọ lumhi ikhuli, ọọ li mhe onobe gba. Ọnọmhue ọ ya fali ọli ota shi emini ọ riẹle.*

15 Yeye li mu egbe ẹ shi ọli egbe, irari khi eri ọ lolo mu okhue vule shi usomhi ni awa rọ ọ tse abọ ọ.

16 Abi mhi rọ kpe tode pfa egbe mhe shi eke, ọgbọkhoghuo ọa nu mhe migha, eri wewe nya e na tsua mhe pfa. Eshinegba ọ khi rọli mu ota sọ we.

17 Ama eri Eshinegba ọ migha kpesẹ mhe, ọ ri ekpabọ na mhe ni a bhale ya ẹ khi, rọte obọ oyemhe, oni ungmemhi o lolo ze guele ni ẹgbọ iJeta e suọ li. Ali ni a rọ tsumhi mhe obọ oyi eghuli abine khi a mie ọgbọ unu oyi idumhi.

18 Ọnọmhue ọ ya pfuese mhe okhọli obe ni o vule shi mhe ọ, ali khi ọ ya rue mhe bhale iloghie oyọli tselele. Lọli ọ mhọli ufumhi ẹle na agbọagbọ ya je agbọagbọ. Atse.

Otse ni o kpe ukhokho

19 Tse iPisilia ali Akuila ali ọmhue-apfe oyi Onesiforosi na mhe.†

20 Erasitosi ọ la ẹoli iKoriti, ali mhi ze iTirofimosi obọ shi ẹoli iMilētusi irari khi ọọ ghua.‡

21 Roshẹka ni u kele ramhi ana neni orue ọọ pfi. Eubulusi ọọ tse ali iPudenisi ali iLanusi ali iKilaudia, ali eni e miesuọ nya e ga tse.

22 Ọnọmhue ọ nu ayemhe oye la. Okhale oyi Eshinegba o nu ẹ la.

* 4:14 Li ze 1 iTimo 1.20; Iwolo 62.12; iRom 2.6 † 4:19 Li ze Ika 18.2; 2 iTimo 1.16-17 ‡ 4:20 Li ze Ika 19.22; iRom 16.23; Ika 20.4; 21.29

Ebe ni iPoḷu o keke ghi ITaṭosi

Otse

¹ Mhemhe iPoḷu ni a ze abi oni oo ga oyi Eshinegba ali aghiusomhi na kee oyi iJesu iKirisiti, mhi keke ebe ona. Eri a ghie mhe ni mhi ya zese irudunga oyi eni Eshinegba o ze-a, ali ni mhi rewe khashe igesikia ni o ya sese we abi e li ya la agbo ni o ri egbe e mu Eshinegba.

² Oni irudunga ali lese ona o migha nga irudushi oyi agbo na agboagbo, ni Eshinegba ni o ya lo egbholi o ri nga na awa neni a me igbaekele oyi agbo.

³ Eghenge ni o ghole Eshinegba, o la rote ungmemhi oyoli ni o ro nga mhe obo ri usomhi oyoli khashe gboo. Eshinegba oni o mie awa pfuese o ligho mheshe oli.

⁴ Mhi keke ebe ona ghi iTaṭosi omimhe esheshi elemhi irudunga, ni mhemhe ali loli anye ga la elemhi imiesuo oghuo.

Eshinegba Ita iJesu iKirisiti oni o mie awa pfuese o ka li okhale ne, o ri opfomhe ne.*

Akanya ni iTaṭosi o ya gbe eoli iKireti

⁵ Emini o ze ni mhi ro ze obo shi iKireti khi, ni u me asha pfuse ikanya ni e kpole nya gbe, ali ni u ze egbhali shi igbaa nya eyi eni e mie iJesu iKirisiti suo na ukhomhi eoli ni e la iKireti nya. Sato abi mhi gueye khi:

⁶ Oni o khi ogbhali shi elemhi igbaa oyi eni e mie iJesu iKirisiti suo o mema ya khi ogbo ni o gue e ngeli, ini a khi me asha gue ezọ shi oli egbe. O mema ya khi oni o rue okpotso oghuo shi. Imi oli e khi eni e miesuo ni ea khi eniye ni e gbakaa ni ea ya suo eso.

⁷ Aborokhia khi eri a ri akanya oyi Eshinegba nga oni o ralo na igbaa oyi eni e mie iJesu iKirisiti suo nya obo egbo, oo mema khi ogbo ni o gue e ngeli ini a khi gue ezọ shi oli egbe. O khi khi ogbo ni o ri imebie e ngeli deba egbo. O khi khi oni elemhi e kele e bi. O khi khi ogbo ni o da onyo pfueche egbe-a. O khi khi ogbo ni o kele e pfi obo, wekhi ogbo ni ingme ukpagho o ghọ mu egbe dose ode.

⁸ Ochogho o khi oni o ghele e mu egbo, ni oo nono eminente. O khi ogbo ni o gue ri egboli e kia. O khi ogbo igesikia, ali ogbo ni o pfuase. O khi ogbo ni o mu ekpe shi egboli egbe.

⁹ O mema mu oni usomhi onete ni o mholi iregbenga mhue jijiji, abi a li sese oli. Loli o ro dobe ya ri osese igesikia ni oo sese egboese ke ri udu shi we o, ali ni o gbo ri ida-ode oyi eni e nu we e khako khashe, khi egbholi ee lo.†

¹⁰ Irari khi egbo iJu ebubu eghuo ni e miesuo ni e pfi ozughu, e la o, ni ee ngme ingmemhi afue ni ee di egbo. Wewe e sese ode egbholi khi a mema shele ogbo neni o khi oni o miesuo.

¹¹ O ti ni a pfi we okpe unu, itobo khi eri e ri emini e sese yese udu oyi omhue-ape ebubu-a. Itobo ini e ba me asha ke ti ukpagho ma, e ro ligho sese.

¹² Egbegbi omekeguele oyewe, o ke ngme oli ghue, oo, "Egbo iKireti, egbo egbholi, ali egbo ebe ali egbo iwaza elemhi-gbidi-a, a khi."

¹³ Igesikia oni ungmemhi ona o khi. Irarigho, ga lolo gbe omama ku we, ni irudunga oyewe o me asha migha.

* 1:4 Li ze 2 iKori 8.23; iGal 2.3; 2 iTimo 4.10 † 1:9 Li ze 1 iTimo 3.2-7

¹⁴ Egheghe agho, ɛa ke ke ri esɔ shi okhe afue oyi egbo iJu ali ishi eyi egbo eni e kie igesikia.

¹⁵ Eri emhi nya e pfuase shi odalo oyi egbo ni e pfuase. Ama emhikhoghuo ɔa ya pfuase shi eloe oyi egbo ni ɛa pfuase ni ɛa miesuo, irari khi a she keshe we udu ali isamhi-a.

¹⁶ E ma lie khi wewe e lese Eshinegba, ama eri angeli oyewe o rokhase gboo, khi ɛa lese oli. Egbo ni aa ti e mama ali egbo umha-sueso e khi, ni ɛa ti okie we e itoto.

2

Oseshe ni a ya ke sese iku egbo ododa

¹ Ghe i! Yeye oye, u mema ya ke sese emini o lama shi egbegi osese o.

² Sese emose ni e she khi egbhali, e ke ri abo mu udu. E khi eni a mu ekpe na, e khi egbo ni e guɛ ri egbewe kia. E ze ni irudungali inono ali iregbemie oyewe o lolo mu eke.

³ Gbo ligho sese ikpotso eni egbhali e ke ngeli abi ikpotso egbhali ni e la agbo ipfuase. E khi khi eni e ri unu e yese egbo a, e khi ditse onyo idada a, ama e ke sese egbo ingeli enete.

⁴ Ishegho ni e ke sese izele ikpotso e nono ingme oyi odo we ali imi we.

⁵ E khi egbo ni e guɛ ri egbewe e kia, e khi eni e pfuase. E khi shito ni ɛa mholi oni e e gbe owa. E khi eni e mholi isomhelemhi. E ke nyese ukhomhi na odo we pfo. Ini ogbokhoghuo o khi me asha ngme ungmehi inebie deba usomhi onete oyi Eshinegba.

⁶ Gbo li ligho gueye eni izo e khi egbo ni e guɛ ri egbewe e kia.

⁷ Ze ni emini u wa riɛle nya e khi eminete ni egbo nya e ya ke khonya. Ri igesikia ali omuegbe ke khashe elemhi osese ni u wa sese.

⁸ Ke ri ingmemhi ni e gba pfo ni ogbokhoghuo ɔa me te ya ke ze ifue ngme ungmehi oye. Ini ebe awa e khi me emini ɔa ti okhoghuo ngme shi awa egbe, ni omama o mu we.

⁹ Sese ighumha e ri egbewe na ega eyewe pfo nya, e ga ke riɛle emini o ri egbe e ke mu we odekhode. E khi ke solo shi we o ini e nu we e wola.

¹⁰ E khi bena ke do we ughiatɔ. E ri ochoghɔ ke rokhase khi egbo enete ni e gbe akanya te ode igesikia wewe e khi. Egheghe agho ni e ri osese ungmehi oyi Eshinegba ni o mie awa pfuese ke ghole.

¹¹ Irari khi okhale oyi Eshinegba ni o ri imiepfuese bhale o she ri egboli khashe ogbokpa.

¹² Loli o sese awa, awa ke kie ingeli ni ɛa ghole Eshinegba ali oghuemhe oyi emhi agbo, ni ogbogbo o ke nu egboli ngme. Awa a ngeli angeli ni o migha shi ipfuase egheghe ni awa la memena.

¹³ Abi awa li ri ukpeloe shi eke e khe ogbele ni Eshinegba ni o fune Omiepfuese iJesu iKirisiti oyawa o ro ya nyene egbe bhale.

¹⁴ IJesu iKirisiti ni o ri egboli bhale ro pfa awa shi eke rote obo oyi okholo nya lasela, ali ni o ro khuese egbo eyoli-a, ikhi egbo ni ikanya enete igbegbe e ghole.*

¹⁵ Enana e khi emini u wa ke sese. Ri afu ni mhi ro ne ke ri udu shi we o, u gbo tse agua ye we. Khi ze ni ogbokhoghuo o ri ukpeloe gbe e.

* 2:14 Li ze Iwolo 130.8; Okiali 19.5; iDeut 4.20; 7.6; 14.2; 1 iPi 2.9

3

Abi eni e miesuo e liẹ ke ngeli

¹ Ke yele eni ẹgbọ le, e ke nyẹş ukhomhi na enighie ali eni ẹ mhẹş, ali e ri ungmemhi oyẹwẹ ke gbe akanya. E mu egbe ni e rọ ke gbe ikanya enete.

² E khi lo ẹgbhọli yese ọgbọkhoghuo eva-a, e khi ẹgbọ opfomhẹ, e khi nu egbewẹ ke wola, ama e khi eni e ri ikuegbe-a a ngeli deba ọgbọkpa.

³ Irari khi awa kpẹ li riẹlẹ ingme oyẹghẹ ali umha-sueso. Awa khi eni a di, ni a ri ọghuẹmhẹ egbe, ali aruele mu shi igha. Awa la angeli ubọgbọ ali ofuma ikpekpe. Áá biselemhi awa, awa gbolo biselemhi egbe.

⁴ Ama abi isomhelemhi ali inono oyi Ẹshinẹgba Ọmiepfuese ọyawa o rọ feli lasele.

⁵ Ọ mie awa pfuese, ni ọa khi itobọ ingeli ni e migha shi ipfuase ni awa ngeli, ama itobọ ilelemhi oyọli. Ọ rọte iriẹlẹ bia ali ikhuẹş-pfuase oyi Ayẹmhẹ-nọ-pfuase tsumhi awa. Ọ ri agbọ onogbọ na awa.

⁶ Eri Ẹshinẹgba ọ tutu Ayẹmhẹ-nọ-pfuase ku awa tuọ itobọ emini iJesu iKirisiti ọ riẹlẹ na awa.

⁷ Eghẹghẹ aghọ, awa kha khi eni ọ rọte okhale oyọli rọ pfuase se, awa mele imi ọli a ni e mhọli ọli shi udu khi e mhue obo shi ugu agbọ na agbọagbọ.

⁸ Egbegbi ungmemhi ni a ri egbe e nga ona o khi.

Mhia nono ni u lolo gue ọli ye wẹ jijiji, ini eni e she kpẹ regbenga Ẹshinẹgba, ni e kuegbe-a ke gbe ikanya enete. Eni emhi ena e ma ti gba irari khi e ma ri eleli ẹ na ọgbọkpa.

⁹ Khi nu ẹgbọ khẹ akọ shi ingme afuẹ, ali itonọ utetọ oyi ẹcheli idada. Khi wola ali khi khọli shi ingme Ishi eyi iMosisi, itobọ khi afuẹ ali emini ẹa ri eleli a bhale e khi.

¹⁰ Kpẹ tse agua yẹ ọgbọ ozughu iteva, ini ọa kie suo, u ti gbe mẹ ọli na, ini emhikhoghuo e khi ku ẹ gbe.

¹¹ Lọli u rọ ya lẹşẹ khi ẹgbọ enana e she de ode khi ode, olamhẹ e ke la. Angeli oyẹwẹ o she pfa ẹzọ mu wẹ.

Omhẹş ni o kpukhokho

¹² Mhi kha da lẹşẹ ghie Atemasi ghi ẹ ne o ke khi iTakikosi, roshẹka ni u bhale ya ẹ mhẹ iNikapoli irari khi mhi she ri ọli shi udu khi oobọ mhi ya la ẹghẹghẹ oruame.*

¹³ Abibi o riẹ li, roshẹka kpaghiẹ iZenasi oni ọ khi iloya ali Apolosi obo, ini ẹẹ vu. Ri emini ẹ nono nya na wẹ.†

¹⁴ Ẹgbọ eyawa e khi eni e wena abi a liẹ gbe akanya enete, ni e dobẹ ke riẹlẹ emini ẹẹ nono elemhi ogbẹlẹ na egbewẹ, ini e khi la agbọ ighalaba.

¹⁵ Ẹgbọ ni e nu mhẹ la ana nya e ga tşẹ ẹ. A tşẹ eni e li miesuo ali eni e nono ingme oyi anye.

Okhale oyi Ẹshinẹgba o ka nu ẹ la.

* 3:12 Li zẹ Ika 20.4; Ẹfi 6.21-22; iKolo 4.7-8; 2 iTimo 4.12 † 3:13 Li zẹ Ika 18.24; 1 iKori 16.12

Ebe ni iPọlu o keke ghi iFilemọ

¹ Mhemhe iPọlu ni a ri itobọ khi mhi a gbe akanya na iJesu iKirisiti mu shi oḡba ighumha, mhi keke ebe ona, ali iTimoti. iFilemọ omole anye ni anye ga a gbe akanya, a keke ọli ghi,

² li shi igbaa oyi eni e mie iJesu iKirisiti suọ ni o la owa oye ali inyoghuo awa ni okpotso na lui Apfia ali Achiposi ni anye ga khi ekhọli-okhue eyi Eshinegba.*

³ Eshinegba Ita awa ali iJesu iKirisiti Onomhue e ka li okhale na e, e ri opfomhe na e.

Inono ali iregbenga ni iFilemọ o mhọli

⁴ iFilemọ, eghẹghẹ kpa mhi rọ kphemhi na Eshinegba ini mhia sọ iromhi ne.

⁵ Irari khi mhi suọ inono ni u mhọli na eḡbo eyi Eshinegba nya ali irudunga ni u mhue shi iJesu Onomhue.

⁶ Iromhi ni mhia sọ khi, o ze ni ilakugbe oyawa abi eni e mhọli irudunga oghuo, o ri awa lese ikhivose nya, ni awa mhọli irari khi awa kugbe iKirisiti o.

⁷ Inono oye i, inyoghuo-mhe, o she ri ukpokpomhi oghẹle ghi mhe, o gbo ri udu shi mhe o! U gbo guise udu oyi eni e miesuo le.

IPolu o sọ iromhi na Onesimusi

⁸ Itobọ igho, ini o rie khia khi mhi kha dobe mhesẹ ne emini o ti ni u rieḡe abi inyoghuo e elemhi iKirisiti,

⁹ mhi ya ri itobọ inono lema e, abi mhemhe iPọlu ni o she khi oḡbhali ni mhi gbo khi oni oḡ ga oyi iJesu iKirisiti memena.

¹⁰ Mhi lema e shi itobọ oyi Onesimusi ni o la elemhi oḡba ighumha ana mele omimhe-a.†

¹¹ Ni o khia khi waa ke kpe mhue emini a roli e rieḡe, ama memena, o she mhue emini awa roli ya rieḡe.

¹² Mhi ghie ọli nyene egbe e ghi e, rọte ekelemhi udu inono oyemhe.

¹³ Mhii kha ze ọli obọ ni o nu mhe la akana ni o to eloli e ke ri eloe khu mhe abi mhi li la oḡba oghumha ena shi usomhi onete oyi Eshinegba.

¹⁴ Ama mhi aa nono ni mhi rieḡe emhi okhoghuo ni u waa lama shi, ni a ro bhale ya e khi ikanya enete ni u gbe, eri u rọte elemhi udu gbe we. Ni o a khi eri a tanọ e abọ shi o.

¹⁵ A dobe e me khi eri Onesimusi o rọte e obọ vu ukuku eghẹghẹ, ni o kha ke jele deba e, o nu e la agboagbo.

¹⁶ O a ke khi oghumha tse, ama o fu dose oghumha, inyoghuo awa elemhi iKirisiti o ke khi. Oni awa nono ingme oyọli eḡbeḡbo o khi, abi oḡbo ali inyoghuo, elemhi Onomhue.

¹⁷ Ini o khia khi u lese mhe shi onuzava oye, gbo mie ọli abi u kha li mie mhe.

¹⁸ Ama ini o khia khi o lue ne, okekha khi eri o lo e ota, ku ota eyọli lo ekuẹ oyemhe.

¹⁹ Mhemhe iPọlu mhi ri obọ oyemhe e keke ebe ona. Mhie ye khi mhi ya fali e we. Mhia ke khi oni o ke gbolo e yele e le khi mhemhe mhi mhọli agbo oye nya.

* 1:2 Li ze iKolo 4.17 † 1:10 Li ze iKolo 4.9

²⁰ Irarigho, inyoghuo, ri ikpaghiobo ona na mhe itobo Onomhwe, abi inyoghuo ni awa ga mie iKirisiti suo ri oghelē shi mhe udu.

²¹ Mhi lēse gboo khi abi mhi liē keke ebe ona ghi e, khi u ya riele emini mhiē u riele, mhi ga lēse khi u ya riele dose abi mhiē u li riele.

²² Gbo li riele elemhi owa oghuo shi eke khe mhe. Irari khi mhi lēse khi a ya rue mhe obo a na e, ni o ri iromhi ni a so bhale ya tse.

²³ Epafurasi ni anye ga khi eni ee ga eyi iJesu iKirisiti, oo tse e.‡

²⁴ Igho li khi iMaki ali Arisitakusi ali idemasi ali iLuku ni anye ga gbe akanya, ee tse e.§

²⁵ Okhale oyi iJesu iKirisiti Onomhwe o ka la ayemhe oyi ee nya.

‡ 1:23 Li ze iKolo 1.7; 4.12

§ 1:24 Li ze Ika 12.12,25; 13.13; 15.37-39; 19.29; 27.2; iKolo 4.10,14; 2

iTimo 4.10,11

Ebe ni a kẹkẹ ghi ẹgbọ Iburu Eni e miesuọ

Ungmemhi oyi Ẹshinẹgba ni o rọte obọ oyi Omiọli bhale

1 Agbọ-nẹdẹ, ebubu ẹghẹghẹ ali ode ọdọda Ẹshinẹgba ọ te ri emekẹguele nu ititawa ngme.

2 Ama omiọli ni ọ zẹ ni ọ le ugu emhikpa ọ ke rọ nu awa ngme ogbele ikpukhokho ni awa la memena. Obọ oyọli ọ gbo rọte ma agbọ

3 Lọli ọ ri ufumhi oyi Ẹshinẹgba khase. Eri ọ gbo li abi Ẹshinẹgba ọ li tee. Lọli ọ ri ungmehi ni o tsua ekpabọ oyọli mu agbọ nya mhọli. Abi ọ rọ khuẹse awa olamhe-a se, ọ shitọ ukiẹkie obita na Eghiele oyi Ẹshinẹgba ni ọ mhọli ekpabọ ni o funẹ nya.

Ufumhi oyi Omi Ẹshinẹgba

4 A ri oni omiọli fu dose igeni abi eva ni Ẹshinẹgba ọ rọ na li o li fu dose oyewe.

5 Ageni ọnoghuo Ẹshinẹgba ọ tigbe lie ọli,

“Omimhe u khi

amo mhi te khi Ite?”

Ali ọnoghuo o gbolo ọli;

“Mhi ya khi Ita ẹ,

yeyẹ u khi Omimhe?”*

6 Ama abi Ẹshinẹgba ọ rọ ya ghie Omiọli ọghuo kpe je elemhi agbọ, ọọ,

“Igeni eyi Ẹshinẹgba nya

e mema nyese ukhomhi ga li.”†

7 Abi ọ rọ ọ ngme ingme oyi igeni, ọọ,

“O ma igeni eyoli

abi akpekpeli,

ọ ma eni ẹẹ ga eyoli

abi elemhi ere.”‡

8 Ama abi Ẹshinẹgba ọ rọ ọ ngme ingme oyi Omiọli, ọọ,

“Ẹshinẹgba u khi!

Omhesẹ oye,

agbọagbọ o ya la ọ.

Ipfuase ali igesikia

u rọ ya ke mhese

na ẹgbọ eye.

9 Ipfuase u nono,

ingmobe ọa ghole ẹ,

irarigho Ẹshinẹgba u khi!

Ẹshinẹgba oye, ọ she re

fu dose etu-e,

itobọ khi ọ ri

oili oghẹle to ẹ ukhomhi.”§

10 Ọ gbolo lie,

“Yeyẹ Ọnohmue,

* 1:5 Li zẹ *Iwolo* 2:7; 2 *iSam* 7:14; 1 *Okhe* 17:13 † 1:6 Li zẹ *iDeut* 32:43 ‡ 1:7 Li zẹ *Iwolo* 104.4

§ 1:9 Li zẹ *Iwolo* 45.6,7

rọte igbaekele,
u te ma agbọ.
Abọ eyẹ u rọ ma ukhuli.

11 Wẹwẹ nya e ya pfua,
ama yẹyẹ u kiele ẹ la ọ.

E ya taa abi itsua ni a sọ.

12 U khili wẹ abi ide,
e ya oghię abi a liẹ
oghię itsua ni a sọ.
Ama abi u li u kiele ẹ li,
agbọ oyẹ ọa tigbe
ya mhọli ukpẹşẹ.”*

13 Agẹni ọnoghuo Ẹshinẹgba ọ tigbe liẹ ọli,
“Shitọ mhẹ ukiẹkiẹ obita omhẹşẹ,
ramhi ni mhi rọ ya ri ebe ẹ
mele ukpẹkhomi akphawẹ-nga oyẹ-a?”†

14 Ọa khi iyẹmhẹ eni ẹ ẹ ga Ẹshinẹgba igẹni nya e khi, ni Ẹshinẹgba ọọ ghie e ke ga eni e ya le ugu imiepfuuse?

2

Ukpokpomhi imiepfuuse

1 Irarighọ a zẹ ni awa lolo mu igẹsikia ni awa suọ mhue, ini a khi tsua awa ibe vu.

2 Irari khi ini usomhi ni igeni e bhale ya guele, o khi egbegbọ, ni a ya na ẹgbọ ni ẹa rọli gbe akanya osoli to shi;

3 sẹẹ awa li ya pfue oni osoli ona, ini awa ri ẹloe gbe ukpokpomhi imiepfuuse oghọghọ ni Ọnọmhue lọlighuo ọ te odode gue le, ni eni e suọ li, e gueyẹ anye khi igẹsikia lọ?

4 Oni usomhi ona ni Ẹshinẹgba ọ gbo ri ọlele, ali ikanya oshabọ ali ọnyalọa ọdọda zẹ ọtsele shi, li shi isomhopfa eyi Ayẹmhẹ-no-pfuase ni ọ kemhi abi o li ghọle ọli shi.

Ijesu ọ bhale agbọ abi ọgbọ

5 Ẹshinẹgba ọa ri omhẹşẹ oyi agbọ ni ọọ bhale nga igeni obọ, ikhi agbọ ni awa ngme ena.

6 Ama, a mhọli ashini a ngme ọli shi elemhi Ebe-no-pfuase, ni ọọ.

“Elo ọgbọ fẹ khi,
ni ingme oyoli o rọ na mu
yẹyẹ Ẹshinẹgba egbe,
elo ọ khi ni u rọ
lina ri ẹloe ẹ khu ọli?”

7 U ma li kpọkẹ
na igeni dẹnẹ,
u ri ufumhi
ali ekpẹ rughu ọli,
u rọli loghie nga
emini u ma nya.

8 U rọli loghie
emhi nya.”*

* 1:12 Li zẹ *Iwolo* 102.25-27 † 1:13 Li zẹ *Iwolo* 110.1 * 2:8 Li zẹ *Iwolo* 8.4-6

Eshinegba o she ri emini o ma nya na li o ro ke mheshe shi. Oa keshe emhikhoghwo le ni o ro shi o li omheshe. Ama memena, awa aa kie me eni emhi nya pfo ne ni o ro nali o ke mheshe shi.

⁹ Ama iJesu awa a me, ni a kpe ma kpoke na igeni ukuku o dena. Oni a ri ufumhi ali ekpe rughu memena itobo eghuli ni o ghu. Igho lo, okhale oyi Eshinegba o roli ghu-a na egbokpa.

¹⁰ Ni Eshinegba, ni o ma emhi nya ni o mu we mholi, o me asha ri oni ufumhi ona na ebubu egbo, o ro ri iJesu khi oni o gba pfo rote osoli ni o me. Irari khi iJesu o re egbo nya bhale imiepfuese.

¹¹ Ghe oni o ri egbo pfuase ali eni a ro pfuase nya, unuekpe oghuo e ke ga khi. Loli o ze khi omama o mu iJesu ni o ro lu we inyoghwo.

¹² Oo Eshinegba,
 “Mhi ya gueye
 inyoghwo-mhe
 emini u she riye,
 Mhi ya la ilegba oyewe
 to uwolo ikueghie oye.”†

¹³ O gbolo e,
 “Mhi ya regbenga
 Eshinegba.”

O gbolo e,
 “Ghe mhemhe ali eniye
 ni Eshinegba o ro na mhe.”‡

¹⁴ Aborokhia khi imi Eshinegba, egbo ni e ze idiegbe ogbo ali oia e khi, loli iJesu Omioli o ro li mele ogbo ni o mholi idiegbe ali oia-a. Eri o lina ini o me asha rote eghuli ni o ghu pfuse Okphaghie-a ni o kpe mu ekpabo oyi eghuli mhu.

¹⁵ ni o me asha pfuese egbo ni ulishi eghuli oo mu elakhele.

¹⁶ Egbegbo lo khi o a khi igeni o bhale ya kpaghie obo, ama imimi Abu-raamu. §

¹⁷ Itobo ona a ro roli li abi inyoghwo o li nya odekhode. Ni o me asha khi Okpodalo-ugamhi oyi Eshinegba ni o kpeda nya, ni o mholi igesikia ali ilelemhi shi elemhi ugamhi oyi Eshinegba, ni o me asha shishi olamhe eyi egbo-a.

¹⁸ Irari khi o li me osoli abi a ro mu o li fe, o li dobe e kpaghie eni a lili e mufe obo.

3

IJesu o fu dose iMosisi

¹ Irarigho, inyoghwo-mhe ni Eshinegba o ze ni e khi egbo ni e pfuase eyoli, a sa ingme oyi iJesu ni awa lui aghiusomhi na kee, ali Oga oyi ekpodalo ugamhi nya.

² Eri o ri igesikia deba Eshinegba, ni o ze o li o ke gbe akanya eyoli, ezeze abi iMosisi oni oo ga o li ri igesikia gbe akanya elemhi Owa oyi Eshinegba.*

³ A she me khi iJesu o mhu e imueloe ni o fu dose oyi iMosisi, ezeze abi atsona o li mholi imueloe ni o fu dose owa ni o to.

⁴ A kie kpe lese khi ogbo oo to owa kpa, Eshinegba o ma emhikpa.

⁵ iMosisi o khi ogbo igesikia elemhi Owa oyi Eshinegba abi oni oo ga. Akanya ni o gbe o khi otsela oyi igesikia oyi emini a ya ngme ogbe na ako.

6 Ama iKirisiti o khi Omi Eshinegba ni o mhesẹ ẹ shi Owa ugamhi oyoli. Owa oyoli awa khi ini awa da kie mu igbedu ali irudushi oyawa ni awa regbenga mhue ne.

Iyemhea ni a ro na Egbọ eyi Eshinegba

7 Irarigho, abi Ayemhe-no-pfuase o ngme, ni oo,

“A kha suo uruli

oyi Eshinegba amo,

8 a khi zese udu-a,

abi eni e bia ẹ e li

egheghe ni e ro o riẹ

umha-sueso deba Eshinegba.

Egheghe ni a ro la

odagbe ifufu mu we fe,

9 ikhi obini ita ẹ e la

mu mhe fe, mhesẹ mhe bino,

e me emini mhi riẹ

elemhi ikpe egbhuẹva

10 Loli o ze ni elemhi e ro bi mhe

deba oni agbhotu ogho,

ni mhi ro lie, ‘Egheghe kpa

udu oyewe o ro rewe lo ebuli,

ea lese ode eyemhe.’

11 Irarigho, mhi ro ri

elemhi-ibibi shi-emuẹ lie,

‘Ea ya tigbe lo

iyemhea oyemhe.’ †

12 Inyoghuo, a mu egbe ẹ ini onge ẹ o khi mhọli udu umha-miesuo, ni o ya lase ode oyi Eshinegba ni o la o le.

13 Ochogho a ke ye egbe ẹ ude, itobo khi, “Amo.” Oni egheghe o kie la o, ni a ro o mu pfi, ini udimhi ni olamhe oo di ogbo o khi ri onge ẹ zese udu-a.

14 Eni e kuma iKirisiti o awa khi ini awa lolo mu igbedu ni awa rote eke mhọli mhue ya ramhi ukpese.

15 Abi Ebe-no-pfuase o ngme.

“Ini u suo uruli

oyi Eshinegba amo,

a khi zese udu-a,

abi eni e bia ẹ e li

egheghe ni e ro o riẹ

umha-sueso deba Eshinegba.” ‡

16 Eghuo e khi eni egbo ni e suo uruli oyi Eshinegba ni e riẹ umha suo eso deba li? Oa khi eni iMosisi o rote eke ijipiti rue lasele?

17 Eghuo o biselemhi deba ikpe egbhuẹva? Oa khi eni e lamhe, ni e ghuloa shi odagbe ifufu?

18 Eghuo Eshinegba o shi emue deba khi ea ya tigbe lo iyemhea, oa khi eni ea suo eso na li? §

19 Irarigho, awa me khi itobo umha-miesuo oyewe ea ro dobe lo.

† 3:11 Li ze Iwolo 95.7-11 ‡ 3:15 Li ze Iwolo 95.7-8 § 3:18 Li ze iNoba 14.1-35

4

Iyemhẹa ni a shobọ na ẹgbọ eyi Eshinegba

1 Aborokhia khi ishobọ ni awa rọ ya lo iyemhẹa khi o kie la ọ, awa mu egbe awa ini o khi de onge ẹ obọ-a.

2 Awa she li suọ oni usomhi onete abi wewe e ke li suọ ọli. Ama oni usomhi ọa mu we ẹloe irari khi ẹa ri irudunga mie ọli.

3 Awa ni awa mhuẹ irudunga, awa ya lo oni iyemhẹa. Ama eni ẹa miesuọ, Eshinegba ọọ lie

“Elemhi ibibi
mhi rọ shi-emue,
khi ‘Ea ya tigbe lo
asha iyemhẹa oyemhẹ.’ ”

Aborokhia rote abi ọ te ma agbọ ọ te riẹle oni iyemhẹa ona shi eke.*

4 A ngme na shi Ebe-no-pfuase abi ọ rọ ngme ingme ogbele onuzi-ishilua khi, “Eshinegba ọ yemhẹ ikanya-a nya-a ẹlenizu-ishilua.”†

5 A gbo ngme oni ingme onana khi. “Ea tigbe ya lo iyemhẹa oyemhẹ.”‡

6 Elese e laọ ni a ya ri ẹghẹghẹ na ni e rọ lo oni iyemhẹa. Irari khi eni e kpe suọ oni Usomhi Onete ẹa lo oni iyemhẹa ogho, itobọ khi ẹa miesuọ.

7 Irarigho, Eshinegba ọ rọ gbo ri ẹlelese shi eke ni a rọ ya lo iyemhẹa oyoli, ni ọ lu Amo. Ẹzeze abi ọ rote unu oyi iDefidi ngme ọli ẹlelese abi a kpe li ngme ọli, ni ọọ:

“A kha suọ uruli oyoli Amo,
a khi zese udu-a.”§

8 Ini iJoshua ọọ ri iyemhẹa na we lo, Eshinegba ọa kha gbo te ikpukhokho ri ogbele olese shi eke na we.*

9 Abi o li ena, Ogbele iyemhẹa o kie la ọ, ni ẹgbọ eyi Eshinegba e la yemhẹ-a

10 Itobọ khi oni ọ da lo iyemhẹa oyi Eshinegba ne, eri ọ li yemhẹ ikanya eyoli-a, abi Eshinegba ọ li yemhẹ eyoli-a.†

11 Irarigho, awa rọsheka ini awa dobe lo oni iyemhẹa ogho, ini awa khi de itobọ khi awa khonya we riẹle umha-sueso.

12 Irari khi eri ungmehi oyi Eshinegba o mhọli agbọ, ọọ gbe akanya. Ọ mu doşe itakobi ọzalo eva kpa, ni ọọ gbe lo ogbọ udu, o khueghie ọli-a, ni ọọ guano emini e la usamhi ali ayemhẹ, o gbo li gbe lo ikpese ali ikhoro na elemhi igua. O dobe ẹ khueghie ingeli ali isamhi na ekelemhi udu-a.

13 Emhikhoghwo ọa la emini a ma nya ni o sheli shi ọli ọ. Eri emhikpa e na khueghie-a shi ukpelo oyi Eshinegba, ikhi oni awa ya ri abọ khasẹ abi awa li gbe.

Ijesu ọ khi Oga Okpodalo-ugamhi Oniemhi Oyawa

14 Irarigho, a ze ni awa lolo mu irudunga ni awa mhọli mhuẹ, abi o rọ da khia khi awa mhọli Oga oyi ekpodalo ugamhi ni ọ Funẹ ni ọ she je odalo oyi Eshinegba. Lọli ọ khi ijesu Omi Eshinegba. 15 Ọa khi Oga oyi ekpodalo ugamhi ni ọa ya lelemhi awa shi emini awa do-a riẹle. Ama oni a she mu fe abi awa, odekhode ọ khi, ama ọa tigbe lamhẹ.

16 A ze ni awa ri igbedu ti deba Eshinegba ni ọ mhọli isomhelemhi. Agho awa te ya mie ilelemhi ali isomhelemhi ni o ya kpaghie awa obọ ẹghẹghẹ ni awa rọ ọ nono ikpaghiobọ.

* 4:3 Li ze Iwolo 95.11 † 4:4 Li ze Igbae 2.2 ‡ 4:5 Li ze Iwolo 95.11 § 4:7 Li ze Iwolo 95.7-8

* 4:8 Li ze iDeut 31.7; iJosh 22.4 † 4:10 Li ze Igbae 2.2

5

¹ Oga oyi ekpodalo ugamhi, ni a da rōte elemhi ẹgbọ zẹ kpa, eri a zẹ ọli ni ọ ke migha na wẹ ingme ugamhi eyi Ẹshinẹgba. Ni ọ ke riẹlẹ irōna ali iluasobo na wẹ shi olamhẹ eyewẹ.

² Ofiẹ ọ rọọ deba eni ẹa lẹsẹ emini aa li, ni ẹẹ da ode, itobọ khi lọli ọ li mhọli ode ni ọa te li gba pfo.

³ Onana o zẹ khi ẹgbọli ọ kpẹ luasobo a na shi olamhẹ eyọli, neni ọ luasẹ na ẹgbọ nya shi olamhẹ oyewẹ.*

⁴ Ogbọkhoghuo, ọa ya rue oni okhale ona ni a rọ lu ọgbọ shi Oga oyi ekpodalo ugamhi. Eshinẹgba lẹlighuo tṣẹ ọọ lu ọgbọ, ọ rọli khi Oga oyi ekpodalo ugamhi, ẹzezẹ abi a li lu Eroni.†

⁵ Ighọ iKirisiti ọa li mie oni okhale rọ lu ẹgbọli Oga oyi ekpodalo ugamhi. Ama Eshinẹgba ọọ li,

“Omimhẹ u khi,

Amo mhi te khi Itẹ.”‡

⁶ O gbo ngme ọli shi ashese,

“Okpodalo-ugamhi oyi Ẹshinẹgba
u khi agbọagbọ,

ẹzezẹ ọnabi iMẹkizẹdeki.”§

⁷ Abi ijesu ọ rọ la agbọ, atsṣẹ ali iku-amẹ-eviẹ alo ijesu ọ rọọ sọ iromhi lema Ẹshinẹgba, ọni ọ kha tsumhi ọli obọ eghuli. Itobọ khi eri ọ ri ẹgbọli tiemhile, ri ẹgbọli na Ẹshinẹgba pfo, lọli ọ rọ suọ iromhi eyọli.*

⁸ Abi o riẹ khia khi Omi Ẹshinẹgba ọ khi, osoli ni ọ mẹ, o rọli wẹna isuesọ na Ẹshinẹgba.

⁹ Abi a rọ rọli gba pfo se, obọ oyọli eni e suọ esọ nali e ke rōte mhọli imiepfunse na agbọagbọ.

¹⁰ Ẹshinẹgba ọ zẹ ọli Oga oyi ekpodalo ugamhi, ọnabi iMẹkizẹdeki.

Ogbọ khi pfi irudunga ona shi eke

¹¹ Emhi ebubu e la ọ ni awa ya ngme shi eni ingme enana, ama o ma a munu ni a rọ zọlọ wẹ-a lo ẹ esọ, itobọ khi aa mhọli ọghuẹmhẹ ni a rọ suọ.

¹² Abi o riẹ khia khi a she ramhi eni ẹẹ esṣẹ ẹgbọese, ni a rọ kie khi eni a sṣẹ owẹna eni ododẹ eyi ingme Ẹshinẹgba eghọ, ẹnyeli o ti ẹ egbe a tẹ eminale ni o toto ne.

¹³ Ọnini ọ da kiele ẹ nye ẹnyeli ne, eri ọ li abi ọmọ ni ọa lolo mhọli ilṣẹ shi osṣẹ iguẹ-ngeli.†

¹⁴ Ama eminale ni e toto, eni e womhẹ ẹloe ẹẹ le. Ikhi eni e ri itobọ eni eminale ni e toto ni ẹẹ le ẹghẹghẹ kpa lṣẹ ikhiọda shi emini o migha shi onete ali onobe.

6

¹ Irarighọ, a zẹ ni awa je odalo shi osṣẹ ni e womhẹloe ni awa pfi osṣẹ ni a rọ gba ingme eyi iKirisiti eke le. Awa khi ke gbo tiemhi eke je osṣẹ ena imupfi rōte ikanya ebe lasele, ali osṣẹ ena irudunga Ẹshinẹgba,

² ali osṣẹ ibatizi, ali irobọ-nga ọgbọ egbe, ali irōte eghuli guale oyi eni e ghua, ali osṣẹ oyi iguẹzọ ni ọgbọ la je obini ọ ya la agbọagbọ.

³ O kha ghọle Ẹshinẹgba awa ya je odalo elemhi owẹna.

* 5:3 Li zẹ iLev 9.7 † 5:4 Li zẹ Okiali 28.1 ‡ 5:5 Li zẹ Iwolo 2.7 § 5:6 Li zẹ Iwolo 110.4 * 5:7 Li zẹ iMat 26.36-46; iMak 14.32-42; iLuk 22.39-46 † 5:13 Li zẹ iKori 3.2

4-6 Ẹgbò ni e she kpe mē ákpá, ni e she kpe mie isomhopfa oyi iloghie ghue, ni e kpe mie Ayemhẹ-nọ-pfuasẹ, ni e she lẹsẹ onete ni o la ungmehi oyi Ẹshinẹgba ali ekpabọ oyi agbọ ni ọọ bhale, ni e tigbe tsua irudunga oyewẹ pfiá, ọa ke zẹ ẹ riẹlẹ ni a dobẹ nyenẹ wẹ gbolo bhale imiesuọ, aborokhia khi eri e she gbolo ta Omi Ẹshinẹgba ma apfida utonuzi-eva, ri omama mu ọli gboo.

7 Eri awa ẹgbọ awa li abi ekẹ. Ini amẹ o ruẹ shi ekẹ ni emhi ẹkomhi e rọ zẹ na oghiale, ikhivose oyi Ẹshinẹgba o khi.

8 Ama ini o zẹ igba ali ebuli-a, ọgbọ ọa mhọli emini a rọli ya riẹlẹ, o ya la okhena ipfiunu-a oyi Ẹshinẹgba ali khi a ya ri erali tose ọli-a.*

9 Emọle mhẹ, ini anye riẹ lina a ngme i, anye lẹsẹ khi ọa khi ẹ ẹ o nu ngme, anye lẹsẹ gboo khi emini e ti egbegbọ a riẹlẹ, enabi ẹgbọ ẹẹ riẹlẹ ini a mie wẹ ẹ pfuese.

10 Ẹshinẹgba ọa ya gbe ọgbọ azẹba. Ọa ya yele ikanya ni u gbe-a ali inono ni u rokhasẹ khi u nono ọli abi u li ri ikpaghibọ na ẹgbọ eyọli ni u kiele ẹ kpaghie wẹ.

11 Anye ẹ nono ni ọgbogbọ ọ mu omuegbe ni ọ mhọli mhue ya ramhi ukpese, ni ọ rokhasẹ abi irudushi oyọli o toto ramhi.

12 Anye ẹa nono ni a mele ewaza-a, ama ni a ke khọnya eni e rọte irudunga ali irobomudu mie ishobọ oyi Ẹshinẹgba.

Ekha oyi Ẹshinẹgba ọa ya fiakua

13 Abi Ẹshinẹgba ọ rọ tse ekha na Aburaamu, Ẹshinẹgba ọ romhi egbọli aborokhia khi ọgbọse ọa ke gbo fu dose ọli ni ọ ke ya romhi.

14 Ọọ li, “Mhi mema ya khi vose ne, mhi ya re mhọli eniye ali imi-imi ni e bu.”†

15 Aburaamu ọ ri abọ mu udu, irarighọ ọ mē emini Ẹshinẹgba ọ rọ tsekha nali mie.

16 Ini ọgbọ ọ tse ekha, ọgbọse ni o fu dose ọli ọọ romhi ni o mu oni ekha migha, ẹghẹghẹ akhokhomhẹ ọa ke la ọ, oni ekha o migha.

17 Eri Ẹshinẹgba ọ romhi isheli rọ rọli khasẹ eni ọ tse ekha na gboo, khi emini lọli rọ tse ekha khi lọli ya riẹlẹ ọli, khi ọa ya fiakua.

18 Irarighọ, Ẹshinẹgba ọ rọ ri emhi eva ena shi ekẹ; ekha ali isheli ni ọ romhi. Eni emhi eva ena ẹa zẹ mupfi irari khi Ẹshinẹgba ọa tigbe ya lo egbhọli ghue. Irarighọ awa ni awa she na deba li shi akhukhu, awa ya mhọli iregbada abi awa li mu irudushi oyọli ni o la odalo mhue.

19 Eri oni irudushi ona o li abi azu ni o toto ni o migha gbaa, ni ayemhẹ oyawa o mhue. Onana o ri awa dobẹ dose ode ugbakpi ni a rọ pfa ode ni o lo ashini o pfuasẹ ne nya-a.‡ 20 Ijesu ọ she ralo itobọ oyawa, ọ mele Ọga oyi ekpodalo ugamhi na agbọagbọ-a, ọnabi iMekizedeki.§

7

iMekizedeki ọkpodalo-ugamhi oyi Ẹshinẹgba

1 Oni iMekizedeki ọna, oghie oyi ẹoli iSalẹmu ọ khi, ọ gbo khi ọkpodalo-ugamhi ọnayi Ẹshinẹgba ni ọ Yagha ne nya. Abi Aburaamu ọ rọ rọte okhọli ni ọ la gbe ighie okhọli jele, iMekizedeki ọ ya ẹẹ ọli ode, ọ sọ iromhi khivose na Aburaamu.

* 6:8 Li zẹ Igbae 3.17-18 † 6:14 Li zẹ Igbae 22.16-17 ‡ 6:19 Li zẹ iLẹv 16.2 § 6:20 Li zẹ Iwolo 110.4

² Igho Aburaamu o rote itsua ni o rote okhōli ti nya zẹ aze-oghuo-igbe na li. Emini a ri iMekizedeki ngme khi, “Oghie Igue-ngeli,” emini a ri oghie iSalemu ngme khi, “Oghie opfomhe.”*

³ Oa mhue ita wekhi inyo, wekhi eri o mholi unuekpe ni o te lasese, wekhi eri a mhue ashini a keke abi a li bia li ali abi o li ghu-a shi. Abi Omi Eshinegba, Okpodalo-ugamhi oyi Eshinegba na agboagbo o khi.

⁴ Waa me ashini o fu ramhi. Egbegbi Aburaamu oni o gba ushishi egbo iZireni eke le, o ze aze-oghuo-igbe epfue ni o tsua rote okhōli ni o ye na li.

⁵ Eri ushi oo Imi iLiva ni e khi ekpodalo-ugamhi eyi Eshinegba e ke mieno egbo iZireni ni e khi inyoghwo we, aze-oghuo-igbe, aboriekhia khi imi-imi Aburaamu e ga khi.†

⁶ iMekizedeki o a khi omi iLiva, ama o mie Aburaamu aze-oghuo-igbe, so iromhi khivose na li, ikhi omose ni o mie ekha ni Eshinegba o shi na li.

⁷ Akhokhomhe o a la o khi ogbo oni kpeda, oo so iromhi ikhivose na oni o kpoke.

⁸ Eralo-ugamhi eyi Eshinegba ni ee mie aze-oghuo-igbe, egbo ni ee ghu-a e khi. Ama iMekizedeki ona o fu dose we nya itobo khi a gueye awa khi agboagbo o la o le.

⁹ Ogbo dobe e lie khi imi imi iLiva ni ee mie aze-oghuo-igbe, e she li ze oni aze-oghuo-igbe ona rote obo oyi iti-iti itawe Aburaamu.

¹⁰ Itobo khi egheghe ni iMekizedeki o ro me Aburaamu, iLiva o kie la elemhi oyi Aburaamu. Ogbo a bia li ne.

Abi ijesu ali iMekizedeki e li kho egbe

¹¹ Irari khi ini akanya eghiele ekpodalo-ugamhi eyi Eshinegba, ni Ushi oyi iMosisi o ro migha, ni imi imi iLiva ee gbe, o dobe ri ogbokhoghuo gba pfo lo, aa kha ke gbo ri okpodalo-ugamhi oyi Eshinegba olese lasese, oni o li abi iMekizedeki, ni o a khi unuekpe oyi iLiva wekhi oyi Eroni.

¹² Irari khi ini a mu eghiele ona ekpodalo-ugamhi eyi Eshinegba pfi, a mema li ya mu ushi pfi.

¹³ Onomhue oyawa ni a ngme ingme oyoli ena, edeli olese o te lasese. Ogbokhoghuo o a rote oni edeli oyoli gbe akanya okpodalo-ugamhi oyi Eshinegba ukhomhi atete ghue.

¹⁴ Awa ga lese gboo khi Onomhue, edeli iJuda o te lasese. iMosisi o a teva oni edeli abi o ro o ngme ungmehi oyi ekpodalo-ugamhi eyi Eshinegba.

¹⁵ Ibhale ni okpodalo-ugamhi oyi Eshinegba olese ni o li abi iMekizedeki o bhale, o rokhase gboo khi ushi oyi Eshinegba o she mu pfi.

¹⁶ Oa khi itobo khi o rote edeli oyi iLiva lasese abi ushi oo a ke li, loli a ro ze o li okpodalo-ugamhi oyi Eshinegba, ama itobo khi loli o mholi ekpabo ni o ro o la agbo agboagbo.

¹⁷ Itobo khi Ebe-no-pfuase o ngme oli khi,

“Okpodalo-ugamhi
oyi Eshinegba
ele na agboagbo u khi,
onabi iMekizedeki.”‡

¹⁸ Eri a ri obo gbe ushi oni elele nye, itobo khi o a mholi ekpabo wekhi eri o gbe akanya.

* 7:2 Li ze Igbae 14.17-20 † 7:5 Li ze iNoba 18.21 ‡ 7:17 Li ze Iwolo 110.4

¹⁹ Irari khi Ushi oyi iMosisi ọa doḅe ri emhikhoghuo gba pfo. Memena irudushi oni o ti ne ẹ a ke rọ na awa, ni o ri awa doḅe ti bhale mama Ẹshinẹgba.

²⁰ Ẹshinẹgba ọ gbo romhi ishe ma ọ khi iKirisiti khi ọkpodalo-ugamhi oyi Eshinẹgba ọ ya khi agbọagbọ. Ọa romhi isheli abi a rọ ri ẹgbọḅese ya le oghie ekpodalo-ugamhi eyi Ẹshinẹgba.

²¹ Ijesu tse a romhi isheli rọ le eghie abi Ẹshinẹgba ọ re.

“Mhemhe Onomhue

mhi she shi-emuẹ, khi

‘Ọkpodalo-ugamhi oyi Ẹshinẹgba

u ya khi agbọagbọ.

Mhi aa ya da ọ ghue.’ ”§

²² Itobọ oni ẹmuẹ ni Eshinẹgba ọ shi, ijesu ọ rọ khili oni iregbenga ni ọ ri awa mhọli ishobọ onogbo ni o tine.

²³ Ikhioda olese ni o gbo la akaghọ khi, ekpodalo-ugamhi eyi Ẹshinẹgba ebubu elese e la ọ eghẹghẹ ishobọ onodio. Eghẹghẹ aghọ ini ọkpodalo-ugamhi oyi Ẹshinẹgba ọ ghua, ọlese ọ to elolo ọli.

²⁴ Ama eri ijesu ọ la ọ agbọ le agbọagbọ, akanya ọkpodalo-ugamhi oyi Ẹshinẹgba oyọli, eri o migha agbọagbọ ni ọa ze ẹ kpe na ọgbọḅese.

²⁵ Irarighọ, ọ doḅe ya tsumhi eni e ri eva oyọli bhale deba Ẹshinẹgba zeghele. Itobọ khi eri ọ la ọ agbọagbọ, ọọ lema na wẹ.

²⁶ Ijesu ọ khi oni Ọkpodalo-ugamhi oyi Ẹshinẹgba ni ọ kpeda, ni ọ ri emini awa nono na awa. Oni ọ pfuase ọ khi, ọa mhọli umhaguekia wẹkhi olamhẹ shi egbe. A she zọlọ li iteva ena olamhẹ lasele, a yase ọli nga yagha doḅe idane.

²⁷ Ọa li abi Ega eyi ekpodalo-ugamhi eyi Ẹshinẹgba elese ni e kpe luase obọ oyi igbe-olamhẹ kua na egbewe ẹlẹkhele, neni e tigbe ẹ luase na ẹgbọḅese. Iluasobo oghuo iKirisiti ọ lese luase utoghuo kpele shi olamhẹ oyi ẹgbọḅese abi ọ rọ ri egbọli luasobo.*

²⁸ Egbọ eni mhue ashini o kie kpọ wẹ le shi, Ushi oyi iMosisi oo ze shi Oga oyi ekpodalo ugamhi, ama ishobọ ni Ẹshinẹgba ọ ri isheli shi, ni o kpe ukhokho bhale khe Ushi oyi iMosisi, ọ rọ ze Omi Ẹshinẹgba, ni a she rọ khi oni ọ gba pfo agbọagbọ.

8

Oga oyi ekpodalo ugamhi ona Ishobọ onogbo

¹ Ọzukhomhi emini anye ẹ ngme na. Awa mhọli Oga oyi ekpodalo ugamhi, ni ọ shito ukiẹkiẹ obita omhesẹ oyi Ẹshinẹgba ni ọ mhọli ekpabọ nya na obini iloghie agbọagbọ,*

² ni ọọ ga abi Oga oyi ekpodalo-ugamhi eyi Ẹshinẹgba elemhi Okholo ni a ri ode ghi ni o khi egbegbi igholo ni o la iloghie, oni Onomhue lolighuo ọ to, ni ọa khi abọ eyi egbọ a rọ to li.

³ Eri a ze eni e kpeda na ekpodalo-ugamhi eyi Ẹshinẹgba kpa ni e ri isomhopfa ali iluasobo ke luase. Lọli o ze khi Oni ọ kpeda na ekpodalo-ugamhi eyi Ẹshinẹgba oyawa, ọ mema mhọli emini ọ li rọ ya luase.

⁴ Agbọ ọ kha la lo, ọa kha fe khi ọkpodalo-ugamhi oyi Ẹshinẹgba, aborokhia khi ekpodalo-ugamhi eyi Ẹshinẹgba ni ẹ deba ushi oyi egbọ iju e la aghọ eghọ.

§ 7:21 Li ze Iwolo 110.4 * 7:27 Li ze iLev 9.7 * 8:1 Li ze Iwolo 110.1

⁵ Okholo ni a ri ide to ni e la ga, iròkhòkhò ali aroro oyi emini e la iloghie e khi. Lọli o zẹ khi abi iMosisi ọ rọ ya to oni igholo, khi Eshinẹgba ọọ li, “Zobẹ ni a bhale ya ẹ khi abi a li rẹ wẹ khasẹ ukhomhi ute, u li ya rieḷe wẹ tee.”†

⁶ Ama, memena, akanya ọkpodalo-ugamhi ni a rọ na iJesusu, o mu ẹloẹ dọsẹ oni a rọ na ekpodalo-ugamhi enedio, ezeze abi ishobo ni ọ migha shi rọ gbe akanya o li mu ẹloẹ dọsẹ onodio, itobo khi o migha nga ironga eni e ti nẹ.

⁷ Ini ishobo oni ododẹ ọa mhọli ashini o kpọli le shi lo, ọgbọ ọa kha ke mhọli emini a ri ishobo olese ẹ rieḷe.

⁸ Ama Eshinẹgba ọ mẹ ashini ẹgbọ eyọli ẹa kie te gba pfo, lọli ọ rẹ.

“Oni ogbeḷe ọọ bhale,
ni mhi rọ ya shobo onogbo
na ẹgbọ iZireni
ali ẹgbọ iJuda.

⁹ Ọa ya li abi ishobo
ni mhi nu iti-itita wẹ shi,
ogbeḷe ni mhi mu wẹ oobo
rọte ekẹ ijipiti ya fiẹ.
Ẹa ri igesikia deba
oni ishobo ni mhi nu wẹ shi,
itobo ighọ mhi rọ
rue wẹ ẹloẹ egbe-a.

¹⁰ Onomhufe ọọ,
ogbeḷe ni ọọ bhale,
Ishobo ni mhi ya shi
na ẹgbọ eyi iZireni na,
Mhi ya ri ishi eyemhe
shi wẹ isamhi,
mhi keke ọli shi wẹ udu.
Mhi ya khi Eshinẹgba oyewe,
wewe e khi ẹgbọ eyemhe.

¹¹ Ongewe ọa ke ke sese
onuzava oyọli, wexhi eri
ọ ya lie inyoghuo ọli,
‘Lese Eshinẹgba.’
Itobo khi wewe nya
e ya lese mhe,
rọte oni ọ kpọke nya
ya je oni ọ fune nya.

¹² Mhi ya ri olamhe topfa wẹ,
mhi aa ke gbo ya sato
ipfido oyewe.”‡

¹³ Abi ọ rọ da lu ishobo onana, “Onogbo” egho, o she ri oni ododẹ mele onodio-a. Emini o da mele onodio-a ni o she ẹ womhe, o keḷe ya kele-a.

9

Ugamhi na iloghie ali ekẹ agbo

¹ Ishobo onododẹ o mhọli ishi ni a rọ ọ ga ugamhi, o gbo mhọli igholo ni a ri ide ghi shi ekẹ agbo.

† 8:5 Li zẹ Okiali 25.40 ‡ 8:12 Li zẹ ijere 31.31-34

² A tọ okhọlo ni a ri ide ghi gasẹ shi elemhi oni ighọlo. Elemhi owa eva e la ọ oni okhọlo. Elemhi owa ni a kpe ramhi aa lui, Asha no Pfuasẹ. Akaghọ a ri emini a ri ákpá ru ẹ nga shi, ali itebu ni a ri ibuleđi ni o pfuasẹ ẹ nga.*

³ Elemhi owa onuzi-eva ni o kpe oobọ na ode ugbakpi ni a rọ pfa ode-a, a lui Ashini o Pfuasẹ nẹ nya.†

⁴ Aghọ adido igolu ni a la tose ituale afu ẹera ni ẹẹ pfiẹ o la. Akpati ishobo ni a ri igolu ku o li la Ashini o Pfuasẹ nẹ nya. Oni akpati ona, omi utasa igolu o la ọ ni a ri ibuleđi imana a shi.‡ Aghọ a li ri orọkpọ oyi Erọni ni o zẹ ukhuli shi, ali ipẹpẹmhi eche eva ni a keke ishi shi.Š* ⁵ Ikpeda na oni akpati ona, a ma emhi eva ni e li abi igeni ni e zẹ ipfua shi, ni e sọ alo ghue ufumhi oyi Eshinegba. E naghie ipfua eyewe-a guese ashini a la ri olamhe ẹ topfa. Ama ọa khi memena awa ya me eghẹghẹ rọ ke tọnọ eni emhi ena nya ramhi udi we pfo.†

⁶ A kha da she lina ri emhi ogbogbo nya shi ashini a rọli ẹ shi se, lọli eni ẹẹ ralo ugamhi e rọ ọ lo elemhi owa onodode ya gbe akanya ododa eyewe ogbele kpa.‡

⁷ Ama Oga oyi ekpodalo ugamhi lolighuo tse ọ dobe ẹ lo elemhi Owa Ni o pfuasẹ nẹ nya ni o la ọ. Utoghuo elemhi ukpe ọ lese ẹ lo akaghọ. Olia eni ọ rọ luasobo na egbọli ali egbese shi olamhe ni e lamhe elemhi umhalese, ọọ rue ẹ mhọli obọ lo akaghọ.Š

⁸ Eri Ayemhe-nọ-pfuasẹ ọ ri onana guele khi, ogbọ ọa khueghie ode ni o lo elemhi Owa ni o Pfuasẹ nẹ nya-a, na ogbokhoghuo ne, ini okhọlo onodode o kie migha.

⁹ Eri emhi enana e khi irọkhokho na awa eghẹghẹ ana. Emini onana o ngme khi irona ali iluasobo eyi elamhako ni a luasẹ ukpe khi ukpe khi, ẹa dobe khuese eni e bhale ya ga Eshinegba udu-a pfuasẹ, rewe gba pfo.

¹⁰ Ingme eminale, ali onyo ali ikpegbe-a enana e migha shi, ni e khi ushi na elele. Eri ushi onana o gbe akanya ramhi eghẹghẹ ni Eshinegba ọ rọ ri ushi onogbo shi eke.

Olia eyi ifesu

¹¹ Ama iKirisiti ọ she bhale abi Oga oyi ekpodalo ugamhi, ni ọ khi oyi eminete ni e she bhale. Ọ she lo elemhi Okhọlo ni a ri ode ghi ni o fune ogbo ni o gba pfo, ni o la iloghie, ni ogbọ ọa ri abọ tọ wekhi eri o la eke agbo.

¹² Abi iKirisiti ọ rọte elemhi oni okhọlo lo oni elemhi Owa ni o Pfuasẹ nẹ nya, ọa rue olia eyi elamhi ali ena ya luasẹ obo, ama olia eyi lolighuo ọ rue utoghuo kpele rọ mie ipfasheke na agboagbo na awa.

¹³ Eri olia eyi elamhi ali ena, ali emue eyi ozele ẹna ni a tose-a, ni áá miatse ku egbo ni ẹa pfuasẹ, o rewe khi eni e pfuasẹ idiegbe.*

¹⁴ Seẹ olia eyi iKirisiti ẹa ke lie li dobe khuese udu oyawa-a pfuasẹ, rọte ikanya ni ẹẹ pfi eghuli. Ikhi oni ọ rọte ekpabo Ayemhe oyi Eshinegba ri egbọli na Eshinegba abi iluasobo ni o gba pfo itobọ olamhe eyawa-a, ni awa dobe ke ga Eshinegba ni ọ la ọ agboagbo.

* **9:2** Li zẹ Okiali 26.1-30; 25.31-40,23-30 † **9:3** Li zẹ Okiali 26.31-33 ‡ **9:4** Imana khi eminale ni Eshinegba ọ rọte idane ruese kule abi amẹ na eniye iZireni abi e rọ rọte ijipiti vu je eke ishobo, ni a lu iKena § **9:4** Eri orokpo onayi Erọni ni a ngme ena ni o she khakha o kie zẹ ukhui onogbo. * **9:4** Li zẹ Okiali 30.1-6; 25.10-16; 16.33; iNoba 17.8-10; Okiali 25.16; iDeut 10.3-5 † **9:5** Li zẹ Okiali 25.18-22

‡ **9:6** Li zẹ iNoba 18.2-6 § **9:7** Li zẹ iLev 16.2-34 * **9:13** Li zẹ iLev 16.15-16; iNoba 19.9,17-19

15 Itobọ ona iKirisiti ọ rọ migha iteva Ẹshinẹgba ali ẹgbọ ri ishobọ onogbọ ona gbe eke, ẹgheghe agho ni eni Ẹshinẹgba ọ lu, e li mie ugu na agboagbo ni Ẹshinẹgba ọ rọ nga. Onana o ya zẹ li, itobọ khi ọ ghu eghuli ni ọ rọ gbe olamhe ni ẹgbọ e lamhe ẹgheghe ishobọ onodode kua.

16 Ini ọgbọ ọ keke shi eke abi a li ya kemhi ugu oyọli se, ni ọ rọ ghua, a mema ya me ọli me gbo khi ọ she ghu-a neni ọgbokhoghuo ọ ya me emhikhoghuo le ugu.

17 Irari khi emhi afue oni ebe ni a keke abi a li ri ugu ya kia o ya khi, ini oni ọ keke ọli ọ da kie la agbo ne. Ama ini ọ ghu-a se, a rọ tigbe ri ọli ẹ gbe akanya.

18 Ona o zẹ khi ishobọ onodode ọa kha zẹ rọ gbe akanya ini ọlia ọa ma ọ lo.

19 Abi iMosisi ọ rọ zẹ ishi eyi Ẹshinẹgba ye eni ẹgbọ se, ọ rue ọlia eyi ena ali elamhi, ọ ku amẹ shi ọ. Ọ rue uguabo ọora ni a khili oolu opfopfo shi, ọ rọli miatse eni ọlia shi oni emini a keke ishi nya shi, ọ gbo li miatse ku ẹgbọ nya.

20 Ọọ wẹ, “Ọlia eyi oni ishobọ na, ni Ẹshinẹgba ọọ awa rọ ghuẹ.”†

21 Igho ọ gbo li miatse eni ọlia shi oni owa ugamhi ali emhi nya ni a rọ la ọ riele ugamhi.‡

22 Abi o li, khi, eri ushi ọọ a ri ọlia ri emhi nya khi eni e pfuase, ali khi ini aa li ri ọlia luase, irolamhe-topfa ọa la ọ. §

23 Owa Oyi Ẹshinẹgba na eke agbo ni a lina ri ọlia rọ khi oni o pfuase, irokhokho oyi owa ugamhi na obini iloghie o khi. Ama emini e la obini iloghie, iluasobo oni o tine a mema rọ ya rewe shi ipfuase.

24 iKirisiti ọa lo elemhi okhoro ni a ri ode ghi ni ẹgbọ e ri abọ ma ni o khi irokhokho eyi egbebewe. Ama iloghie ọ ri ochogho ya lo, ni ọ la migha odalo oyi Ẹshinẹgba na awa memena.

25 Wekhi eri iKirisiti ọ lo iloghie ya ri egbo li luasobo iti-ingmingme, abi Oga oyi ekpodalo ugamhi ọ liẹ tsua ọlia eni ẹa khi eyọli ẹ lo elemhi Owa ni o Pfuase ne nya, ukpe-khi-ukpe ya luase.

26 Igho ọ kha khi lo, eri iKirisiti ọ kha me osue iti-ingmingme abi a te ma agbo. Ama ọa khi igho. Eri ọ bhale utoghuo tse abi oni ẹgheghe ọ rọ gba, ni ọ rọ ri egbo li luasobo rọ rue olamhe ode-a.

27 Ezeze abi ọgbọ ọ liẹ ghu-a utoghuo tse, ọ kha da ghu-a se, ọ bhale shi iguezo.

28 Igho a li ri iKirisiti luasobo utoghuo kpele ni a rọ shishi olamhe oyi ebubu ẹgbọ-a. Ọ ya gbo bhale utonuzi-eva. Ọa khi ni ọ rọ gbo tsua olamhe, ama ni ọ rọ tsumhi eni e migha a khe ọli.*

10

Iluasobo utoghuo kpele oyi iKirisiti

1 Ugamhi onodiọ ni a ga ẹgheghe Ushi oyi iMosisi, aroro oyi eminete ni ẹ bhale e khi. Ẹa khi wewe e khi egbebewe we. Eni iluasobo ni a kpe luase ẹgheghe agho ukpe kpa, ẹa tigbe dobe ri ipfuase ni o gba pfo na eni bhale odalo oyi Ẹshinẹgba ya ga ugamhi.

2 Ini eni iluasobo ee dobe ri eni ẹgbọ pfuase lo, a kha yemhe eni iluasobo a? Irari khi e kha ri eni e bhale ya ga pfuase utoghuo kpele, ni udu oyewe ọa ke mhọli umhaguekia.

3 Ama eri eni iluasobo e yele ẹgbọ olamhe eyewe le ukpe khi ukpe.

4 Irari khi ọlia eyi ena ali elamhi ẹa dobe rue olamhe ode-a.

⁵ Irarigho, abi iKirisiti o ro ya bhale agbo, oo Eshinegba,
 “Iluasobo ali isomhopfa
 ea ghole e.

Ama u she ri idiegbe na mhe,
 ni mhi ri ungmehi oye
 gbe akanya.

⁶ Iluasobo eni a tose
 ali iluasobo igbe-olamhe kua
 ea tigbe ti e eloe.

⁷ Igho mhi re,
 ‘Ghe mhe ana,
 Eri mhi bhale ya ri ele
 oghuemhe oye, Eshinegba.’”*

⁸ O te eke ya ngme, oo, “Iluasobo ali isomhopfa ea ghole e, wekhi iluasobo eni a tose ali iluasobo igbe-olamhe kua e ghole e, wekhi eri e ti e eloe.” Ama khi a lese khi eri ushi oo a mema ligho ke ri ele we.

⁹ Igho o ke re, “Ghe mhe ana Eshinegba, eri mhi bhale ya ri ele oghuemhe oye.” Eri o ri obo ri iluasobo eni elele shi eke, o ri iluasobo oyi iKirisiti to eloli we.

¹⁰ Itobo khi iJesu iKirisiti o ri ele oghuemhe oyi Eshinegba, lolu o ze ni a ro ri iluasobo ni o ri idiegbe oyoli luase utoghuo kpele khuese awa nya olamhe-a pfuase.

¹¹ Elekhele, ekpodalo-ugamhi eyi Eshinegba nya e ro gbe ikanya ugamhi eyewe, eri e ri ele eni iluasobo gbo ri ele iti ingmi-ingme, ama ea tigbe dobe rue olamhe ode-a.†

¹² Ama abi iKirisiti, oni okpodalo-ugamhi oyi Eshinegba ona, o ro luasobo utoghuo kpele oyi igbe-olamhe-kua ni o khi oyi ona agboagbokpa, ni o ro shito obita oyi Eghiele oyi Eshinegba.

¹³ Agho o ke shito migha a khe eghenge ni Eshinegba o ro ya ri ebe oli mele akphawe-nga eyoli-a.‡

¹⁴ Irari iluasobo utoghuo kpele ni o luase o ro ri egbo eni o rote olamhe pfuase khi eni e pfuase agboagbo.

¹⁵ Ayemhe-no-pfuase o gbo pfi otsele shi ona ye awa. Oni odode, oo,
¹⁶ “Ishobo ona mhi ya nu we shi.

Onomhue o ngme ghokhi,
 oni eghenge ogho o kha ramhi,
 mhi ya ri ishi eyemhe shi we udu,
 mhi keke oli shi we ayemhe.”§

¹⁷ O ke gbo ro ma o khi, “Mhi aa ke ya sato olamhe ali ikanya ebe eyewe.”*

¹⁸ Irarigho, a kha she da ri ena topfa se, ogbo oa ke gbo mholi emini a ri iluasobo irue-olamhe ode-a ya ri ele.

A ze ni awa ti bhale deba Eshinegba

¹⁹ Irarigho, inyoghuo-mhe, aborokhia oia eyi iJesu e ri igbedu na awa ro lo Ashini o Pfuase ne nya egbo,

²⁰ ikhi ode onogbo ni o mholi agbo, ni o ri awa te ode ugbakpi ni a ro pfa ode-a a dose.

* 10:7 Li ze Iwolo 40.6-8 † 10:11 Li ze Okiali 29.38 ‡ 10:13 Li ze Iwolo 110.1 § 10:16 Li ze ijere 31.33 * 10:17 Li ze ijere 31.34

21 Abi o rọ gbo li khia khi awa mhọli ọkpodalo-ugamhi oyi Ẹshinẹgba ọniẹmhi ni ọọ mhẹsẹ shi Owa ugamhi oyi Ẹshinẹgba na iloghie egho,

22 awa ri udu igesikia ali irudunga ni o migha gboo ti bhale deba Ẹshinẹgba. Awa gbo mhọli udu ni a ri imiatse ọlia eyi iKirisiti rọ khi ipfuase ni ẹa ke mhọli umhaguẹkia, ali awa mhọli idiegbe ni a ri amẹ khuẹsẹ-a pfuase.†

23 Awa mu irudushi ni awa guele khi awa mhọli mhue gagaga, irari khi Ẹshinẹgba ni ọ shobo na awa, oni a ri egbe ẹ nga ọ khi.

24 Awa ke sa abi awa li ya ke ri udu shi egbe ọ, ni awa ke riẹlẹ inono ali awa gbe ikanya enete.

25 Awa khi ti egbe ilona oyi egbawa je ukhokho, abi egbo eghuo ẹẹ li, ama, awa totobo ke ri udu shi egbe ọ, aborokhia khi u me khi Ogbelẹ oyi Ọnọmhue ọ shi ti ẹ bhale.

26 Irari khi iluasobo olese ọa ke gbo laọ ni o ya rue olamhe ode-a, ini awa mema famhi ẹ lamhe, ikpukhokho khi a she kpẹ gue oni igesikia ye awa ne.

27 Emni egbo egho e ke ya shito ke khe khi iguezo ni o ri ulishi ẹ mu ali erali na biobiobio, ni o ya pfuse eni ẹa ya suọ esọ na Ẹshinẹgba-a.‡

28 Ọnini ọ da gbe Ushi oyi iMosisi-a, ni a rọ da ri ọli gue ezọ, ni ọ rọ da lue ne, ni a rọ me otselẹ egbo aava okekhi aase, eri a gbe ọli-a, ni ọa mhọli ilelemhi.§

29 Sẹ u sa khi a kha li nase eni e ri awe wu Omi Ẹshinẹgba eke-a, ni e ri ukpeloe gbe ọlia ni Ẹshinẹgba ọ rọ riẹlẹ ishobo, ikhi ọlia ni o khuẹsẹ we olamhe-a pfuase, ali eni o khia khi eri e ze emuebe na Ayemhe Okhale?*

30 Irari khi awa lesẹ oni ọọ, "Mhemhe mhi ya nase eni e lina ngeli, Mhi ya fali oru," ali oni ọ gbolo ẹ, "Ọnọmhue ọ ya ri egbo eyoli gue ezọ."†

31 Irari khi emhi okhena o khi ni ogbo ọ rọ ya pfi obo lo ingme oyi Ẹshinẹgba ni ọ la ọ.

32 A ke sato egheghe ni a rọ lesẹ mie oni akpa, ni a rọ migha mu imiesuọ oye ẹ mhue, aboriekhia khi aa na ẹ ukpokpomhi osoli shi ọ.

33 Isheghuo, eri egbo e ga la igbaa a pfi itsue manya ẹ, a mu okhọli vule shi ẹ ọ. Isheghuo, a kugbe egbo elese ni a ligho mu okhọli vule shi ọ.

34 Elemhi eni e la ogba ighumha ee ala ẹ. Abi a rọ ri itoto mie ẹ itsua, aa khako, a ri oghele rue we obo-a na we, itobo khi a lesẹ khi a mhọli itsua eni e tine ni e ya la ọ agboagbo.

35 A khi tsua igbedu oyeẹ pfia, irari khi o ma mhọli eleli oniẹmhi.

36 A mhọli iregbemie, ni a bhale ya ẹ khi ini a dobe riẹlẹ oguẹmhẹ oyi Ẹshinẹgba se, ni a mie emni ọ rọ nga na ẹ.

37 Irari khi Ebe-no-pfuase o ngme ọli khi,

"Ini o riẹ tẹsẹ ukukuọ,

Oni ọ ya bhale ọ ya bhale,

ọa ya tẹsẹ.

38 Ama eni Ẹshinẹgba ọ pfa na,
irudunga e rọ ya ke la agbo,
ama ini ongewe ọ nyene egbe ukhokho,
elemhi ẹa ya timhe deba li."‡

39 Awa aa li abi eni ẹẹ nyene egbe ukhokho ni e ya pfua, ama eni e miesuọ ni a mie pfuse awa khi.

† 10:22 Li ze iLev 8:30; Ezik 36.25 ‡ 10:27 Li ze iAza 26.11 § 10:28 Li ze iDeut 17.6; 19.15 * 10:29 Li ze Okiall 24.8 † 10:30 Li ze iDeut 32.35,36 ‡ 10:38 Li ze Abak 2.3-4

11

Irudunga

¹ Mena, irudunga khi, ini ọgbọ ọa mhọli akhọkhọmhẹ shi udu shi emini ọ ri udu shi ekẹ ẹ kẹ, ali ni ọgbọ rọ mhọli ọli shi udu guẹguẹguẹ khi emini aa me ne khi e la agho.

² Irudunga ona, o ri egbo enedẹ le eva onete odalo oyi Eshinegba.

³ Awa leşẹ khi irudunga ona, Eshinegba ọ rọ ri ungmemhi oyọli ma emini awa me ẹloe nya. Ni a rọ bhale ya ẹ khi, a rọte emini aa ya me ẹloe riẹle emini a me ẹloe.*

⁴ Irudunga, o ri Ebeli ri iluasobo ni e ti doşẹ eyi iKeni na Eshinegba. Rọte irudunga oyọli, Eshinegba ọ rọ mie obọ shi ọ khi ọgbọ ni ọ mhọli angeli onete ọ khi, abi Eshinegba ọ rọ ngme onete irọna eyọli. Irudunga ona o ri Ebeli kiele ngme, abi ọ rọ ririẹ ghua.†

⁵ Irudunga a rọ rue Enọki agbo vu, ini ọ khi me eghuli. Ọgbọ ọa ke me ọli, irari khi eri Eshinegba ọ rue ọli nga idane. Neni a rue ọli vu, ọ mhọli ọtşele khi ọgbọ ni ọ ri egbe mu Eshinegba ọ khi.‡

⁶ Ọgbọkhọghuo ọa dobe ya riẹle emini e ri egbe ẹ mu Eshinegba, ini ọa mhọli irudunga. Irari khi neni ọgbọ ọ ya bhale deba Eshinegba, ọ mema mhọli irudunga khi ọ la agho, khi lọli ọ somhi eni e kuegbe-a nono ọli opfa.

⁷ Irudunga o ri iNoa, abi ọ rọ suọ agua ni Eshinegba ọ tse ye ọli shi emini aa me ne, rọli ri ikuegbe-a ali ulishi oyi Eshinegba, khali okọ-okẹ oniẹmhi ni o pfuse apfe ọli. Irudunga oyọli o ri umha miesuo oyi eni egbo na agbo khaşẹ gboo, ni ọ rọ mie ikhivọşẹ itobọ khi irudunga oyọli o ti Eshinegba ẹloe.§

⁸ Irudunga o ri Aburaamu vule abi Eshinegba ọ rọ lu ọli ọ vule ke je ashini lọli shobọ khi lọli rọ ya na li le ugu. Ọ rọte ekẹ oyọli vu, abi otseku khia khi ọa leşẹ obini ọọ je.*

⁹ Irudunga o rọli ngeli ekẹ ishobọ abi opfese. Ọọ la ifui okholo, igho li khi Aziki ali iGiekopu, ni e ga le ugu oni ekha oghuo.†

¹⁰ Irari khi eri ọ ri ẹloe shi ekẹ kẹ ẹoli oni o mhọli irogbekẹ, ni Eshinegba ọ vi ali ni ọ gbo khi atşona oyọli.

¹¹ Irari irudunga a rọ ri Aburaamu dobe khi ita eniyẹ abi ọ rọ ririẹ rọ she doşẹ oni eghẹghẹ ni ọ kha la dobe bia omọ ali ni iSera ọ rọ khi aga. Irari khi ọ leşẹ khi Eshinegba ni ọ shobọ nali khi ọna igesikia ọ khi lo.‡

¹² Rọte obọ oyi Aburaamu, ni ọ li abi oni oyọli o she pfo se, a te me imimi ni ẹa zẹ leli abi ikpetata na idane ali ekhashe na ese okẹ oniẹmhi.§

¹³ Agbo irudunga egbo ena e kie la ramhi ni e rọ ghua. E kie miesuo khi wewe ẹ ya mie emini a rọ shobọ na we. Eri e leşẹ li rọte odonue pfi alo o me we odalo, o ri egbe mu we. E lama shi ọ khi ena ẹoli oboese ali epfese wewe e khi shi elemhi ekẹ agbo.*

¹⁴ Ini egbo e da lina ngme ne, eri o rọkhaşẹ khi ẹoli oni e ya ke lu oyewe ẹẹ nono.

¹⁵ Ini eri ẹoli ni e rọte vu kha o la we udu lo, e kha mhọli eghẹghẹ rọ mu egbe pfi je obini e te vu.

* **11:3** Li zẹ *Igbae 1.1*; *Iwolo 33.6,9*; *Ijon 1.3* † **11:4** Li zẹ *Igbae 4.3-10* ‡ **11:5** Li zẹ *Igbae 5.21-24*
 § **11:7** Li zẹ *Igbae 6.13-22* * **11:8** Li zẹ *Igbae 12.1-5* † **11:9** Li zẹ *Igbae 35.27* ‡ **11:11** Li zẹ *Igbae 18.11-14*; *21.2* § **11:12** Li zẹ *Igbae 15.5*; *22.17*; *32.12* * **11:13** Li zẹ *Igbae 23.4*; *1 Okhe 29.15*; *Iwolo 39.12*

16 Eri ẹoli ni o tinẹ o ri okiamhi i gbe wẹ, oni o khi ona iloghie. Irarigho, ọa ri omama mu Ẹshinẹgba khi ee lu luẹ Ẹshinẹgba oyẹwẹ, irari khi ọ she mu egbe ẹoli shi ekẹ khẹ wẹ.

17 Irudunga o ri Aburaamu ri Aziki luasobo, abi Ẹshinẹgba ọ rọ mu ọli fẹ bino. Lọli ni ọ she mie oni ekha, ọọ nono ni lọli ri omi ọli ọtuoghwo kpe luasobo,†

18 aboriẹkhia khi Ẹshinẹgba ọ gueyẹ ọli khi, “Rọte Aziki u te ya mhọli imi imi ẹ.”‡

19 Eri Aburaamu ọ sa li shi udu khi Ẹshinẹgba ọ doḅẹ ya rọte eghuli guise ọgbọ le. Eri o li abinẹ khi eri oni Aziki ọ ghu-a egho, ni o rọ li abinẹ khi eri Aburaamu ọ rọte eghuli gbo mie Aziki.

20 Irudunga o ri Aziki ku isẹmḅẹ na iGiekọpu ali iSọ shi emini a ya mẹ odalo.§

21 Irudunga o ri iGiekọpu abi ọ rọ ya ghu-a sọ iromhi na imi iJosefu ava-ava, ọ da abọ na Ẹshinẹgba abi ọ li kie ri egbe da orọkpọ oyọli.*

22 Irudunga o ri iJosefu, abi ọ rọ ya ghu-a ngme ingme abi eniyẹ iZireni e li rọte ekẹ ijipiti ya vu shi ekẹ. Ọ guele shi ekẹ abi a ya li igua eyẹlue.†

23 Irudunga o ri eni e bia iMosisi rọli sheli ramhi iki esẹ abi a rọ bia li se, irari khi ọa khi ọmọ na tse, ulishi ọa mu wẹ ni e rọ ri ukpẹloe gbe omḅesẹ oyi oghie.‡

24 Irudunga o zẹ khi abi iMosisi ọ rọ fu vule se, khi ọa lama a ke lu luẹ omi omi iFero ọnọkpotos.§

25 Ọ lama khi lọli ya nu ẹgbọ eyi Ẹshinẹgba mẹ osoli, ocho ni luẹ rọ ya li agbọ olamḅẹ ukuku eghẹghẹ.

26 Ọ bino ọli khi, omama ni ọgbọ ọ ri itobọ iKirisiti ẹẹ mẹ o mu ẹloe dọsẹ ẹpfue na ijipiti nya. Itobọ khi eleli ni o la odalo ọ ri ukpẹloe shi.

27 Irudunga o rọli rọte ijipiti vu, ni o khia khi ulishi elemhi ibibi oyi oghie ọa mu ọli. Itobọ khi o li abinẹ khi eri ọọ mẹ Ẹshinẹgba ni aa ya mẹ ẹloe, lọli ọa rọ mu egbe pfi.

28 Irudunga o rọli ri Ukpẹ iPasova na iri-ọlia to ogbhele kọ, ni ọ rẹ, eniyẹ iZireni e miatse ọlia ku shi ogbhele, ini ageni eghuli ọ khi gbe emọdiọ eyẹwẹ-a.*

29 Irudunga o ri ẹgbọ iZireni doḅẹ da okẹ oniẹmhi ni a lu Okẹ Ifulo, abinẹ khi eni e rọte ekẹ ifufu dọsẹ. Abi ẹgbọ ijipiti e rọ li mu ọli fẹ, khonya wẹ, oni okẹ o to wẹ luẹ.†

30 Irudunga o ri rigbe ni a khi gasẹ iJeriko de ya gbe abi ẹgbọ iZireni e rọ kia gasẹ ọli se ogbẹlẹ ishilua.‡

31 Irudunga a rọ tsumhi iRé-àbu ni ọ khi adegbe ni ọa rọ nu eni ẹa suọ esọ na Ẹshinẹgba pfua. Irari khi ẹgbọ iZireni ni a ghie e ka bẹna tokpẹ oni ekẹ bino, ọ mie wẹ shi owa.§

32 Sẹ mhi ke gbo ya ngme ma ọ? Mhi kie ke zọnọ wẹ? Eghẹghẹ ọa la ọ na mḅẹ ni mhi rọ ya ngme ingme oyi iGidiọni, iBaraki, iSamusi, ijefita, iDefidi, iSamuẹni ali emekẹguele eyi Ẹshinẹgba.*

† 11:17 Li zẹ Igbae 22.1-14 ‡ 11:18 Li zẹ Igbae 21.12 § 11:20 Li zẹ Igbae 27.27-29,39-40 * 11:21 Li zẹ Igbae 47.31; 48.1-20 † 11:22 Li zẹ Igbae 50.24-25; Okiali 13.19 ‡ 11:23 Li zẹ Okiali 2.2; 1.22 § 11:24 Li zẹ Okiali 2.10-12 * 11:28 Li zẹ Okiali 12.21-30 † 11:29 Li zẹ Okiali 14.21-31 ‡ 11:30 Li zẹ ifosh 6.12-21 § 11:31 Li zẹ ifosh 2.1-21; 6.22-25 * 11:32 Li zẹ EgeẼzo 6.11-8.32; 4.6-5.31; 13.2-16.31; 11.1-12.7; 1 iSam 16.1-1 Ighie 2.11; 1 iSam 1.1-25.1

³³ Irudunga e rọ mu omhẹse eyi ighie le, e mhẹse na ẹgbọ abi Ẹshinẹgba ọọ li nono ọli shi. E mie emini Ẹshinẹgba ọ tse ekha na wẹ. E guese inu eyi idu,†

³⁴ e pfuse erali ebe-a, e na pfuse eghuli ọgbhoro. O lọse wẹ, ama e toto-a, e khi idenomọ elemhi okhọli, e pfuse ekhọli-okhuẹ eyi ẹoli oboese-a.‡

³⁵ Irudunga, ikpotso e rọ gbo mie ẹgbọ eyewẹ ni a rọte eghuli guise le bhale agbo. §

Ẹgbọ elese e ri egbe mie ugbemhi obe, ẹa lama a wolọ wewẹ abọ-a, ama e ghu-a shi ugbemhi obe, itobọ khi e ri udu shi irọte-eghuli-guale bhale agbo ni o tine.

³⁶ Eghuo ọ, a rẹwẹ li egia, a gbe wẹ itali, a sọ eghuo igha rọ shi ọgba ighumha.*

³⁷ A tono wẹ echẹ, a ri isọ kie wẹ shi asha eva, a ri ọgbhoro gbolo wẹ-a. E ri ekuẹ elamhi ali isumha ku egbe, e khi ena umha mẹ, a nasẹ wẹ, a li wẹ unumumẹ.†

³⁸ Ẹgbọ ni agbo ẹa lu emhi eni ẹgbọ ena e khi. E dudu kia kia ifui ọdagbe ifufu ali ikhomhi ite abi eni ẹa mhọli apfẹ, ee la elemhi irui ali ifui esẹ na elemhi eke.

³⁹ Itobọ irudunga oyi enana a rọ kuẹghie wẹ, ama ọngewẹ ọa kie mie emini Ẹshinẹgba ọ shobọ.

⁴⁰ Itobọ khi Ẹshinẹgba ọ she mhẹse emini o tine shi eke ẹ khẹ awa, ẹghẹghẹ aghọ e kha kugbe awa ọ, ọ ri awa ali wewẹ gba pfo.

12

¹ Aborokhia khi ebubu ọtsẹle eyi ingme agbo irudunga e she lina le gasẹ awa ena, awa tsua emini ẹẹ zu awa ode ku-a ali olamhẹ ni e kelẹ ti awa je ukhokho. Awa zẹ ni awa ri iregbemie ke na oni unamhi ni a rọshi awa odalo.

² Awa ri ẹloe shi ijesu egbe ke bino ọli, oni ọ khi igbaekẹle ali oni ọ ri irudunga oyawa gba pfo. Oni ọ ri itobọ oghẹle oni a rọ shi eke ẹ khẹ ọli, ri egbe mie eghuli na apfida, ọ ri ukpẹloe gbe omama ni ọ la apfida ya mẹ. Mena, ọ she shito obita ukpẹkhomhi Eghiele oyi Ẹshinẹgba.

³ Pfi ukpẹloe ke bino lọli ni ọ ri egbe mie ibiselemhi ni mẹ obọ oyi ẹgbọ olamhẹ, ini o khi lọse ẹ ni o pfanọ ku ẹ alo.

⁴ Inu-olamhẹ khẹ abọ oye, ọa kie rẹ ramhi oyi eghuli ne.

⁵ Eri a she yele ungmemhi iyude ni Ẹshinẹgba ọ nu ẹ ngme-a, abi imi ọli eni emọse ali eni ikpotso? Ni ọ le.

“Omi mhẹ, khi ri
 ẹloe gbe isheshe shi ode

oyi Ọnọmhue,
 ali a khi zẹ ni
 egbe pfo ẹ-a
 ini ọ sheshe ẹ shi ode,

⁶ Irari khi eni Ọnọmhue
 ọ nono ingme oyewẹ
 ọọ sheshe shi ode,

ọgbọkpa ni ọ lama
 khi omiọli luẹ khi
 ọọ na osoli.”*

† 11:33 Li zẹ iDan 6.1-27 ‡ 11:34 Li zẹ iDan 3.1-30 § 11:35 Li zẹ 1 Ighie 17.17-24; 2 Ighie 4.25-37

* 11:36 Li zẹ 1 Ighie 22.26-27; 2 Okhẹ 18.25-26; ijere 20.2; 37.15; 38.6 † 11:37 Li zẹ 2 Okhẹ 24.21

* 12:6 Li zẹ ijebu 5.17; Ekpi 3.11-12

7 Ri egbe mie ini a sheshe shi ode, eri Eshinegba o o ri ele e abi imi o li. Mhie ii, o mo onoghuo itali o a ya sheshe shi ode?

8 Ini aa sheshe e shi ode abi a lie sheshe o mo kpa shi ode, eri o rokhase khi waa khi egbegbi omioli ama o mo ni aa lese oni o bia li u khi.

9 Itawa ena agbo e a ya sheshe awa shi ode, ni awa ro kiele e mu ekpe na we? Elo o ze ni awa aa ke ro lili e ze ni oni o khi Itawa elemhi ayemhe o li sheshe awa ni awa mholi egbegbi agbo?

10 Ukuku egheghe itawa ena agbo ee sheshe awa shi ode abi o ti we eloe shi, ama itobo onete oyawa Eshinegba o ro sheshe awa shi ode, ini awa nu o li mholi okemhi shi ipfuase oyoli.

11 Isheshe shi ode okhoghuo o a ya violo egbe, ama eri o o to. O kha ke deno, o ri oni a ligo sese ingme e ngeli angeli enete, ali o gbo mholi opfomhe.

12 Irarigo, abo eye e ni o lese ali ikhomhegbe eye e ni ee kpheli rere, a zese we-a.†

13 A ke kia ode ni o sheshe talala, ni a ri eni e cheghele awe-a ze, ocho ni e ro ya de.‡

14 A rosheka odekhole ni a nu ogbokpa la agbo opfomhe, ni a gbo la agbo ipfuase, irari khi ogbokhoghuo ni o mholi ipfuase o a ya me onomhue.

15 A rosheka ini ongee o khi khi oni okhale oyi Eshinegba o a ramhi obo ali a khi ze ni iyese-elemhi-a o ze shi e iteva ni o o pfi ingme obe ro pfueche egboese-a.§

16 Ogbokhoghuo o khi khi oni o o ku itsebo, we e ongee okhoghuo o li abi iso ni o a mholi ayemhe oyi Eshinegba, ni o ri itobo eminale utoghuo kpele ri ugu odio oyoli de.*

17 A lese khi elelese, abi o ke ro o nono ni loli mie oni ikhivose, a kie o li. Itobo khi o a ke me asha mu udu pfi, abi o tseku ke ri ame evie nono o li.†

18 Irari khi aa bhale ute ni a dobe ri obo o ti, onabi ute iSinai ni egbo iZireni e ke bhale, ni elemhi erali o la a de biobio, ni obili ulishi o la, ali ni okiki olitsa o la khili eke,

19 ali ni akala o la de limhilimhi, ni uruli oniemi o la a ngme, ni egbo ni e suo oni uruli e ro lema oni ungmehi o kpeso agho.‡

20 Itobo khi e a dobe ri egbe mie ushi ni a shi na we ni o o, "Ini o rie khia khi elamhako o ri egbe ti oni ute, a mema ya tono o li eche gbe-a."§

21 Eri emini a me agho o lolo ri ulishi mu ramhi ni iMosisi o re, "Ulishi oniemi o ga mu mhe!"*

22 Ama, mena, a she bhale ute iZayo, ali eoli oyi Eshinegba oni o la o, ijerusalemu ona iloghie ali obini ilegba oghela oyi igeni upfoleli.

23 A she bhale igbaa oyi eni e mie iJesu iKirisiti suo oyi emodio eyi Eshinegba, eni a keke eva oyewe shi iloghie. A she bhale deba Eshinegba ni o khi oso-ozo oyi egbo kpa, ali a gbo bhale deba ayemhe oyi egbo enete ni a ro khi eni e gba pfo.

24 A she bhale deba iJesu oni o ri ishobo onogbo ko, a gbo bhale deba o lia ni a miatse ku, ni ee ngme emini e ti dose emini o lia eyi Ebeli e ngme.†

25 A mu egbe e ini a khi kie ungmehi oyi oni o nu ee ngme. Ini eni egbo e a dobe pfue o, abi e a ro ri ungmehi oyi oni o la agbo tse agua ye we gbe

† 12:12 Li ze Aza 35.3 ‡ 12:13 Li ze Ekpi 4.26 § 12:15 Li ze iDeut 29.18 * 12:16 Li ze Igbae 25.29-34 † 12:17 Li ze Igbae 27.30-40 ‡ 12:19 Li ze Okiali 19.16-22; 20.18-21; iDeut 4.11-12; 5.22-27

§ 12:20 Li ze Okiali 19.12-13 * 12:21 Li ze iDeut 9.19 † 12:24 Li ze Igbae 4.10

akanya, sẹ u sa khi awa li ya pfue ọ, ini awa aa ri ungmehi oyi ọni ọ rọte idane tse agua ye awa gbe akanya.‡

²⁶Eri uruli oyi Eshinẹgba o nighise eke agbo eghẹghẹ agho, ama mena, ọ she shobo, ọo, “Ọa khi eke agbo tse mhi gbo ya nighise utoghuo shi ọ, ama li shi ukhui.”§

²⁷Eri ungmehi ni ọo, “Utoghuo shi ọ,” o rokhasẹ gboo khi emini a ma nya, khi a ya nighise wẹ, a rue wẹ ode-a, ni a bhale ya ẹ khi emini ẹa zẹ nighise e ke kpole.

²⁸Irarigho, aborokhia khi awa a mie omhẹsẹ ni ọa zẹ nighise egho, a zẹ ni awa ke kphẹmhi, awa ri ekpe ali ulishi ga Eshinẹgba abi o ti shi,

²⁹irari khi Eshinẹgba oyawa erali opfuse ọ khi.*

13

Ugamhi ni o ghole Eshinẹgba

¹A kie ligho ke nono ingme oyi egbe ẹ abi inyoghuo.

²A ke sato mie epfese shi owa, a mu wẹ epfese. Irari khi egho eghuo ee ke ligho, ni e ro mu egho eghuo epfese, ni ẹa lesẹ khi igeni e khi ni wẹwẹ e mu epfese.*

³A ke sato eni a mu shi owa ighumha egbe abinẹ khi eri a nu wẹ la agho. A ke sato egho eni a na osoli egbe abinẹ khi eri a li nu wẹ mẹ oni osoli.

⁴Omoṣe ali ughue ọli e mu ekpe shi angeli oyewẹ. Omoṣe ali ughue ọli e khi li egbe le. Irari khi Eshinẹgba ọ ya gue eni ẹ ku itsẹbo ali eni ẹ kia okia ẹzo.

⁵Zobe ni agbo oyẹ o nuata shi oghuemhẹ ukpagho, zẹ ni emini u mhọli o ke khuese ẹ. Irari khi Eshinẹgba ọọ lie,

“Mhi aa tigbe ya zẹ obo,
mhia ya tsuẹ pfia ghue.”†

⁶Lọli o zẹ ni awa ro ya ri igbedu lie,
“Onomhue ọ khi

okpaghiobo oyemhẹ,
mhia ya tigbe na ulishi.

Elo ogbo dobe ya li mhe?”‡

⁷A pfi eloe bino eni e ralo na ẹ ena eṣeṣe. Eni e ri irudunga gue ungmehi oyi Eshinẹgba ye ẹ. A sa je abi e li ngeli ramhi ni e ro ghua, ni a ke khonya irudunga oyewẹ.

⁸Ijesu iKirisiti, abeghuo ọ khi, ode, amo, ali agboagbo.

⁹Khi zẹ ni osẹsẹ eghọli ododa e tsua ẹ udu vu. Irari khi okhale o ri udu oyawa ze-a, ọa khi ni a ri ushi eminale gbe akanya, ni ọa kpaghie eni e rewe gbe akanya obo.

¹⁰Ama awa mhọli atete ni ekpodalo-ugamhi eyi Eshinẹgba na elemhi owa ugamhi oyi egho iJu ẹa mhọli afu ya rote le emhi iluasobo.§

¹¹Eri Oni ọ kpeda na ekpodalo-ugamhi eyi Eshinẹgba oyi egho iJu ọọ tsua ọlia eyi elamhako lo elemhi Asha-no-Pfuase ne nya ya ro luase obo shi olamhe irotopa, ama eri a rue eni idiegbe eyi eni elamhako fie ifui apfe je odagbe ya tose-a.*

‡ 12:25 Li zẹ Okiali 20.22 § 12:26 Li zẹ Agai 2.6 * 12:29 Li zẹ iDeut 4.24 * 13:2 Li zẹ Igbae 18.1-8; 19.1-3 † 13:5 Li zẹ iDeut 31.6,8; iJosh 1.5 ‡ 13:6 Li zẹ Iwolo 118.6 § 13:10 Emini onana o ngme khi, 'Awa mhọli atete ni o khi apfida ni ijesu ọ la ri idiegbe oyọli luasobo. Ama egho ni ẹ sa khi iluasobo ni a luase elemhi owa ugamhi oyi egho iJu, e te ya mhọli imiepfuese, ẹa mhọli okemhi shi oni atete ona.' * 13:11 Li zẹ iLev 16.27

¹² Onana o zẹ ni iJesu ọ rọ li ghu-a shi ikhokho apfẹ, ni ọ rọ ri ọlia eyọli ri ẹgbọ khi eni e pfuase.

¹³ Irarigho, a zẹ ni awa lẹ deba li ikhokho apfẹ ni awa nu ọli mẹ omama ni o mẹ.

¹⁴ Irari khi agbọ oola, awa aa mhọli ẹoli ni o laọ agbọagbọ, ama ẹoli ni o ya bhale awa ri ukpẹloe shi eke ẹ khe.

¹⁵ Awa ri irarigho rọte iJesu ke ri iluasobo ikueghie na Ẹshinegba. Ini awa ligho, eri awa pfi ọtsẹle shi ọ khi lọli ọ khi Ọnọmhuẹ.

¹⁶ A khi yele onete iriẹle-a, ali ni a gbo ke kpaghie egbe obọ, irari khi enana khi iluasobo ni e liẹ ti Ẹshinegba ẹloe.

¹⁷ A ke suọ esọ na eni e ralo na ẹ, a ri egbe ẹ tiemhie na omhese oyewe. Eri e ri ukpẹloe shi ẹ egbe abi eni e ya rokhasẹ abi e li gbe. A ke suọ esọ na we ni akanya ni ẹẹ gbe o ri oghẹle na we, ini o khi khi itsua na we, irari khi u wa mhọli eleli ni u ya mẹ ọ.

¹⁸ A ke lema na anye. Anye lese khi udu oyanye o pfuase, anye gbolo ẹ ngeli ke mu ekpe shi egbe anye egbe odekhode.

¹⁹ Mhi gbo ga lolo lema ẹ, a lolo lema Ẹshinegba ọ gbo remhe kele nyene egbe bhale deba ẹ.

²⁰ Mhi lema Ẹshinegba ọna opfomhe, oni ọ ri ọlia oyi ishobo na agbọagbọ rọte eghuli guise iJesu Ọnọmhuẹ le, ikhi Ọrisumha-kia oniemi oyi isumha ogho.

²¹ Ọ ri eminete nya shi ẹ egbe ni a rọ ke riẹle oghumhe oyọli. Ọ gbo gbe ikanya eni e ti ọli ẹloe shi awa egbe, rọte obọ oyi iJesu iKirisiti, ni ọ mhọli ufumhi na agbọagbọ. Atse.

²² Inyoghuo-mhe, mhi lema ẹ, a kuegbe-a ri esọ shi oni usomhi irudusho ona, irari khi ebe ni mhi keke ghi ẹ ena ọa lolo nuata.

²³ Mhia nono ni a lese khi a she rue iTimoti inyoghuo awa oga ighumha lasale. Ini ọ kele bhale, mhi ya rọli bhale ya mẹ ẹ.

²⁴ A tse eni ẹẹ ralo na ẹ nya, ali ẹgbọ eyi Ẹshinegba nya. Inyoghuo awa eni e la Itili ẹẹ tse ẹ.

²⁵ Okhale oyi Ẹshinegba o ka nu ẹ nya la. Atse.

Ebe ni iJemhisi O keke

¹ Mhēmhe iJemhisi ni mhi khi ɔni ɔɔ ga oyi Eshinēgba ali oyi iJesu iKirisiti Onomhūe mhia keke ebe ona ghi ɛgbɔ eni e miesuo, ni ɛ la ɛdɛli igbɛva eyi ɛgbɔ iZirɛni, ni e gbhiaku elemhi eke agbɔ nya.*

Mhi tsɛ ɛ.

Ke ghele elemhi imufe

² Inyoghuo-mhe, leli ɔli shi emhi oghelɛ ini imufe ɔdɔda e bhale debɛ.

³ Irari khi u lesɛ khi ini a da mu irudunga oyɛ fɛ bino ne, iregbemie oyɛ o ya mɛ asha fu-a shi ɔ.

⁴ Zobe ni iregbemie oyɛ ɔ gbe akanya oyɔli pfo, ni a mhɔli iwomhɛloe, ni o gba pfo, ni a khi eni ingeli enete ɛa baku.

⁵ Ama ini ongeɛ ɔɔ nono ɛgbhali, ɔ mhila Eshinēgba ni ɔ pfo elemhi rɔ ɔ na ɔgbɔkpa, ni ɔa ya mɛ umha-guɛkia oyi ɔgbɔ. O ya rɔli na li.

⁶ Ama ini ɔɔ mhila, ɔ mhɔli irudunga ni ɔa mhue akhɔkhomhe, irari khi ɔni mhɔli akhɔkhomhe, eri ɔ li abi izughuse oyi okɛ oniɛmhi ni akpekpeli o pfi ɛ kia.

⁷ ɔgbɔ oghogho ɔ khi sa khi lɔli mɛ emhikhoghuo ya mie obɔ oyi Onomhūe.

⁸ ɔgbɔ ɔzidu eva ɔ khi, ɔa ya riɛle emini o mu ame.

ɛpfue ali umhame

⁹ Eni e mie iJesu iKirisiti suo ena umhame e ke ghele irari khi e ma ghale ukpɛloe oyi Eshinēgba.

¹⁰ Igbaa oyi eni e mie iJesu iKirisiti suo ni e pfue, e ke ghele ini agbɔ o ke ti we tiemhile. Irari khi eri ɛpfue e ta a kua abi udodo.

¹¹ Irari khi ini ovɔ o ngale khi ɔɔ to, eri ɔɔ tose ebuli a, e khakha-a, idodo eyewe e de kua, isomhotse eyewe o yese a. Igho, ɔni ɔ pfue ɔ li ya ta kua, abi ɔ li na ya nga na ya tiemhi shi akanya oyɔli.†

Imhesɛ-bino ali imufe

¹² Ikhivose o khi na ɔgbɔ ni ɔ kie migha ini ɔ mhɔli imufe, irari khi ini ɔ doɛ ri egbe mie, ɔ ya mie arula oghie oyi agbɔ na agbɔagbɔ, ni Eshinēgba ɔ she shobɔ khi lɔli ya rɔ na eni e nono ingme oyɛlɛ.

¹³ Ini a mu ɔgbɔ ligho fɛ bino, ɔ khi liɛ khi, “Eshinēgba ɔ mu mhe ɛ fɛ.” Irari khi ɔgbɔ ɔa ri onobe ya doɛ mu Eshinēgba fɛ, wɛkhi eri lɔli ɔ mu ɔgbɔkhoghuo ɛ fɛ bino.

¹⁴ Ama oghuemhe eyawa ni e di awa mu, e ri awa mhɔli imufe.

¹⁵ Eghɛghɛ agho oni oghuemhe o kha mɛ, o bia olamhe, ini olamhe o fu, khi o tɛ, o bia eghuli.

¹⁶ Inyoghuo-mhe a khi zɛ ni a di ɛ.

¹⁷ Isomhi-opfa onete kpa ni o gba pfo, idane o te bhale, obini oyi Ita ni ɔ ma ikpa na idane, o rɔte ɛ tiemhile. ɔni ɔa ya mu pfi abi aroro ni ɔɔ je oola je oobɔ.

* **1:1** Li zɛ iMat 13.55; iMak 6.3; iKa 15.13; iGal 1.19 † **1:11** Li zɛ Aza 40.6-7

¹⁸ Oghuemhe oyoli o ro ri ungmemhi igesikia oyoli ri awa bhale agbo, ini o me asha ri awa khi imomhi eni odode elemhi emini o ma nya.

Isuo-ungmemhi oyi Eshinegba ali irqli-gbe akanya

¹⁹ A sato ona inyoghuo-mhe, ogbokpa o kele ke suo ungmemhi, ama o khi kele ke ngme unu, o khi gbo kele ke mhue elemhi ibibi.

²⁰ Irari khi elemhi ibibi oyi ogbo o ri ogbo o mholi igue-ngeli oyi Eshinegba

²¹ Irarigho, a ti egbe ingeli ichimhi-a ali ingeli ingmobe ni e sha e ma-a. A ri egbe e tiemhile na Eshinegba, a ri eloe shi ungmemhi oyoli, ikhi oni a ro ko e udu, ni o dobe ya mie e pfuese.

²² A khi khi eni e lese ri esu suo tse ni ee di egbe we, a ri ochoghoo ke ri emini a suo gbe akanya.

²³ Oni o ri esu suo oni ungmemhi ni o ri rieles emini o ngme, eri o li abi oni o le ya bino egboli ughembe abi loli li.

²⁴ O kha bino egboli se, o vu agho le, aghoaghoo o yele abi o li-a.

²⁵ Ama ogbo ni o bino elemhi ushi ni o gba pfo ni oo rue ogbo o le, ni o kiele e rieles emini o ngme, ni o yele-a abi oni ushi o ngme, a ya khivose na li emiemini oo rieles kpa.

²⁶ Ini onge e o rue egboli khi ona ugamhi loli khi, ni o ro lolo mu elemhi oyoli mhue kpe, egboli oo di. Ugamhi afue oo ga.

²⁷ Ugamhi ni o pfuase ni o mholi ifue ni Eshinegba Ita awa oo mie loli o khi, ni u ro ri ukpeloe khu imi-olimhi ali esamhi-olimhi ini ee me osoli. Ali ni ogbo o mu egboli ini agbo o khi ri ichimhi mu oli.

2

A khi zolo egbe e

¹ Inyoghuo-mhe, ini u mie iJesu iKirisiti Onomhue oyawa ni o mholi ufumhi oniemi suo, a khi rieles khi onana o kpe mhe ne.

² Ini a fe bhale ya e khi ogbo ni o pfue ni o so ukpekhuhi oyi igolu ali ide eni e somhotse, o lo ilegba oyele, ali ni a ro gbo me khi ona umhame o so ijele ide li lole.

³ Ini u ri ekpe na oni o so itsua ni e somhotse ne, ni u ro lie oli, "Bhale ya shito ashini o ti ne," ni u ro lie ona umhame, "Migha oobo," okekha khi eri u we oli, "Shito ekekh epefe awe eyemhe." O fe ti ghoo?

⁴ Aa she rieles azolomhe deba egbe e ghoo? Aa gbolo ri isamhi ebe e gue egbe e ezoo ghoo?

⁵ A ri esu shi mhe eke inyoghuo-mhe, o ri khi eri Eshinegba o she ze ena umhame ukpeloe agbo, ni e mholi pfue oyi irudunga, ali ni e mholi okemhi shi ugu eghiele ni o ro shobo na eni e nono ingme oyoli?

⁶ Ama u she me ena umhame bie. O ri khi eri eni pfue e li e le? O ri khi wewe e re e ye ikotu?

⁷ O ri khi wewe e ri unu e yese eva onete oyi iJesu iKirisiti-a oni a kugbe o?

⁸ Onete wa rieles ini u ri ushi ni o mu egbe ne nya, ni o la Ebe-no-pfuase gbe akanya, ni oo, "Nono ingme oyi onuzava oye abi u li nono ingme egbe e."*

⁹ Ama ini u rieles azolomhe, u she lamhe, ushi o gbo pfa ezoo mu e khi oni o gbe ushi-a u khi.

¹⁰ Irari khi onini o da ri ishi nya ghue ni o pfi do elemhi ushi oghuo tse, ishi enekpole nya o gbe-a.

* 2:8 Li ze iLev 19.18

11 Irari khi ɔni ɔɔ, “Khi kia okia.” Lɔli ɔ gbolo ɛ, “Khi gbe ugbeli.” Ini u wa ririɛ kia okia, ni u rɔ da gbe ugbeli ne, ɔgbushia u khi.†

12 A ke ngme ungmehi, ɔɔ ngeli abi ɛgbɔ eni a ri ushi inono ya gue wɛ ɛzɔ, ikhi ushi oni o ri ɛpfua a na ɔgbɔ.

13 Irari khi ɛshinɛgba ɔa ya mhɔli ilelemhi na ɔgbɔ ni ɔa ya mhɔli ilelemhi, ɛɛ ni ɛshinɛgba ɔ rɔli ya gue ɛzɔ. Irari khi ini u mhɔli ilelemhi, eri u ya ke ghele ini a rɛ ɛ gue ɛzɔ.

Irudunga ali iro-gbe akanya

14 Inyɔghuo-mhɛ ini ɔgbɔ guele khi lɔli mhɔli irudunga, ni ɔa rɔ mhɔli iro-gbe akanya, onete onoghuo o ya li nali? Imiesuɔ oghoɔgho ɔa ya doɔɛ tsumhi ɔli?

15 Ini a fɛ bhale ya ɛ khi inyɔghuo awa ɔni ɔmɔse okekhi ɔkpotso ɔa mhɔli itsua ni a sɔ ali eminale ni ɔ ya le ɔgbele.

16 Ni ɔngɛ ɔ rɔ gueye ɔli, “Ke vu, o ya ti nɛ, ɛshinɛgba ɔ khi zɛ ni ulili ali okiamhi o nɛ osoli”, ni ɔa rɔ mhɔli emhi khɔghuo ni ɔ riele na, ighe onete ni o riele?

17 Eri o li abinɛ khi ɔgbɔ mhɔli irudunga ni ɔa rɔli gbe akanya. Irudunga luɛghuo tɛ ni a ri akanya ma, irudunga oni o ghu-a o khi.

18 Ama a doɔɛ ya mɛ khi ɔgbɔ ɔɔ li, “U mhɔli irudunga, mhɛmhɛ mhi gueye ɔli khi iro-gbe-akanya mhi mhɔli.” Ri irudunga oyɛ khase mhɛ ni ɔa mhɔli akanya igbege, mhɛmhɛ mhi ya ri emini mhi riele rɔ ri irudunga oyɛmhɛ khase ɛ.

19 U miesuɔ khi ɛshinɛgba ɔghuo ɔ khi, oo ti gba. Egbegbi ayɛmhɛ eyi ɔkphaghiɛ e mie ona suɔ, ɛɛ na ulishi, ɛɛ guɔ.

20 Yeɛ ɔmɔse ɔyɛghe, eri u wa nono ni a gbo gue ɔli ke ye, khi irudunga ni ɔa mhɔli akanya igbege, khi afuɛ o khi?

21 ɔa khi emini ititawa Aburaamu ɔ riele a rɔ rɔli lie khi ɔni ɔ pfuase ɔ khi, abi ɔ rɔ ri omi ɔli Aziki luase obo ukhomhi atete?‡

22 U mɛ ɔli khi irudunga ali iro-gbe-akanya oyɔli e ga gbe akanya kugbe, emini ɔ riele o ri irudunga oyɔli gba pfo.

23 Lɔli o zɛ khi emini Ebe-no-pfuase o ngme o rɔ bhale ya tse ni ɔɔ, “Aburaamu ɔ mie ɛshinɛgba suɔ, a leli ɔli nali shi ipfuase”, A lu ɔli ɔmɔle ɛshinɛgba.§

24 U mɛ ɔli egho khi emhi ni ɔgbɔ ɔ riele a rɔ lie khi ɔgbɔ ɔna ipfuase ɔ khi, ɔa khi irudunga tse ɔgbɔ ɔ rɔ khuɛ pfuase.

25 Igho o gbo li egbe oyi iRé-àbu ni ɔ khi adegbe. Emini ɔ riele o rɔli khuɛ pfuase odalo oyi ɛshinɛgba. Abi ɔ li mu egho iZireni ni e bhale ya tokpe eke bino epfese. Ni ɔ gbo kpaghiɛ wɛ obɔ ni e rɔ mɛ asha na rɔte odɛ oboese vu.*

26 Irarigho, abi idiegbe ni ɔa mhɔli ayɛmhɛ o li khi oni ghua, igho irudunga ni ɔa mhɔli akanya o li khi oni ghua.

3

Ekpabɔ oyi ɛlemhi

1 Emɔle mhɛ, ɛɛ nya a khi ya khi eni ɛɛ sɛsɛ, irari khi a lesɛ khi anye ni anye khi eni ɛɛ sɛsɛ ɛgbɔ, a ri ɛzɔ oni o ze nɛ nya na ya gue.

† 2:11 Li zɛ Okiali 20.13,14; iDɛut 5.17,18 ‡ 2:21 Li zɛ Igbae 22.1-14 § 2:23 Li zɛ Igbae 15.6; 2 Okhe 20.7; Aza 41.8 * 2:25 Li zɛ iJosh 2.1-21

² Awa nya awa mhōli ashini awa te pfi dō. Ama ini oḡbō ọa pfi dō elemhi ungmemhi oyōli ghue, oḡbō ọni o gba pfo o khi, ni o doḡe ẹ mheḡe ni idiegbe oyōli nya.

³ Eri a sọ achi aghẹkpe unu ni o ke suọ esọ na awa, lōli o zẹ khi awa doḡe nga li ẹ je obini o ghōle awa.

⁴ Gbo li sa ingme oḡo oḡe oniēmhi bino, ashini o gbēdi ramhi egho, ni o khia khi akpekpele oniēmhi o kha riẹ ẹ li, ukuku akhuli, ọni ọọ gua li o rọ mu ọli ukhomhi ẹ pfi je obiobini o ghōle ọli.

⁵ Igho ẹlēmhi o li li. Ashini o shẹ ramhi elemhi idiegbe oyi oḡbō, o ma pfi okhorobo.

Sa o ghue, abi ukuku akhuere o liẹ ma ere osha.

⁶ Eri ẹlēmhi o li abi erali. Emhi obe o khi ni o la elemhi idiegbe oḡbō. Eri ọọ yese oḡbō-a nya ode khi ode. Ilimhi iriereḡe oni erali ogho o te bhale ẹlēmhi.

⁷ Elamhako nya e ze ẹ mu abo, ghe ipfeli o, ghe eni ẹ tialo akpidi eke o, ghe elamhako ena oke o, oḡbō o doḡe ẹ mu we abo.

⁸ Ama oḡbō khoghuo ọa doḡe ya mu ẹlēmhi abo. Eri o li abi osue ẹnye oḡe ni ọọ gbe.

⁹ Oni ẹlēmhi awa rọ o kuẹghie Ita awa Onomhue. Lōli awa gbo rọ o ku itse na eḡbō ni a rọ khokho Eshinegba ma.*

¹⁰ Ikuẹghie ali itse ikuku e rọte unu oghuo ẹ lasele. Ọa kha khi igho inyoghuo-mhe.

¹¹ Ame eni e ti unu ali ame ni ẹa ti unu ẹa doḡe ya rọte unupfie oyi oke oghuo ke chocho lasele.

¹² Inyoghuo-mhe, okhua-eni o fe doḡe ya mo udumhi olivu? Wekhi eri olomu iba o doḡe ya mo udumhi okhua-eni? Igho oke oni ọọ chocho ame ugbheli, ọa doḡe ri ame eni e ti unu ya lasele.

Iku ilęsingme eva

¹³ Oghuo o elemhi ẹ o khi otsegbhe ni o mhōli ilęse? Oni oḡbō o ri angeli onete oyōli rōli khase, ikhi onete ni o ri iregbe-tiemhile ni o rọte ilęsingme bhale rieḡe.

¹⁴ Ama ini u mhōli ayemhe ubogbo ali emhi-itoegbe shi udu oye, khi vuse ipfua shi o, ni u rōli kie oni igesikia.

¹⁵ Ilęsingme oghoghō ọa khi iloghie o te bhale, ama onayi agbo ona o khi, ni ọa rọte Ayemhe-no-pfuase bhale, elemhi ayemhe oyi okphaghie o te lasele.

¹⁶ Ashini ubogbo ali emhi ituegbe o da la ne, ozughu ali emhi ebe ododa, e ma la akagho.

¹⁷ Ama egbhe ali ilęse ni o te idane bhale, eri o kpe te eke pfuase, o nono opfomhe. Eri ọọ kuegbe-a, o ri egbe ọli ẹ tiemhile na oḡbōkpa pfo, o mhōli elemhi-iamhe, o ri umomhi angeli onete ẹ khase. Ọa ya gbe azeba, o mhōli igesikia.

¹⁸ Eni ẹ nono opfomhe ni e ri ayemhe opfomhe ri onete ko, ikhiesẹ oyi ipfuase ẹẹ me.

4

A ri egbe ẹ na Eshinegba pfo

¹ Elo ọọ pfi okhōli ali uwola a na ẹ? Ọa khi itobo oghuemhe, ni e la ẹ udu nu ẹ a khōli o ze ni a rọ nu egbe ẹ khōli?

* 3:9 Li ze Igbae 1.26

² Emhi ọọ ghọle ẹ, ama aa mhọli ọli. A gbe ugbeli, a mhọli ẹloe-iamhẹ ama a doḅe mhọli emini ẹẹ ghọle ẹ. A kha wola, a khọli. Aa ya mhọli emini a nono, irari khi aa mhila Ẹshinẹgba.

³ A kha mhila, aa ya mẹ mie, irari khi usamhi obe a rọ shi udu ke mhila, ini a ba mẹ asha ri emini a mhila rọ li agbọ shi egbe.

⁴ Ẹẹ ni a khi ẹgbọ ni e li abi ọkpọtso ni ọọ kia okia, eri aa lẹṣe khi ini emhi agbọ o ghọle ẹ doṣe, khi ọbe Ẹshinẹgba a khi? Ọnini ọ da zẹ agbọ ona ọmọle ne, ọbe Ẹshinẹgba ọ khi.

⁵ Eri u dabi khi afuṣe Ebe-no-pfuase o ngme ọli khi, eri ayemhẹ ni Ẹshinẹgba ọ rọ shi awa egbe ọọ kpe ofuma egbegbọ, ni o khia khi eri ọọ nono ni awa khi ọyi Ẹshinẹgba pfo nya.

⁶ Ama eri Ẹshinẹgba ọ khi ma okhale na awa. Onana o zẹ ni Ebe-no-pfuase o rọ liẹ,

“Eri Ẹshinẹgba

ọ mu okhọli ẹ vule shi

ọni ọ ti egbe ọli ẹ nga ọ.

Ọọ somhi elemhi

ọni ọ ti egbọli ẹ tiemhile.”*

⁷ Ri egbe ẹ tiemhile na Ẹshinẹgba pfo nya. Tsẹṣe ku ọkphaghie ọ ti kia ne, khi ọ ya na ne.

⁸ Ti bhale deba Ẹshinẹgba, khi ọ ya ti bhale deḅe. A kpe abọ eyẹ ẹ-a, ẹẹ ena olamhẹ, a ri udu oye ẹ shi eni e pfuase, ẹẹ ezidu-eva.

⁹ Viẹ osoli, viẹ oya, mu egia oye mele eviẹ-a, u gbo mu oghẹle oye pfi bhale iyese udu-a.

¹⁰ Ti egbe ẹ tiemhile odalo oyi Ọnọmhuẹ, khi ọ ya ti ẹ nga.

¹¹ A khi ke yese egbe eva inyoghuo-mhẹ. Ini u da yese ọnuzava oye ni a ga mie iKirisiti suọ eva-a ne, ni u rọ da gue ọli ẹzo, ushi wa zẹ ifue, ni u wa gue ẹzo. Ini u gue ushi ẹzo, wa ke khi ọni ọ ri ushi ẹ gbe akanya! Ama ọni ọ gue ọli ẹzo u ke khi.

¹² Ẹshinẹgba lọlighuo tṣe ọ khi ọni ọ rue ushi na agbọ ni ọọ gue ọgbọ ẹzo egbe-a. Lọlighuo tṣe ọ doḅe a tsumhi, ni ọ doḅe a gbe-a. Ọghuo u sa khi u khi ni u wa gue ọgbọṣe ẹzo?

Awa khi ke tono obọ udu

¹³ A suọ mhẹ, yeyẹ ni u wẹ, “Amo okekhi akọ awa ya ye ẹoli ona okekhi oghọ, awa ya la oobọ elemhi ukpe oghuo, awa la oobọ gbe akanya ona ali oghọ, awa gbe ukpaghọ tima.”

¹⁴ Waa lẹṣe emini ogbe na akọ o ngme ne, wẹkhi emini a ya mẹ akọ. Sẹ u lẹṣe abi agbọ oye o ya li? Eri u li abi otughunu ẹlẹ uzogbe ni ọọ lasele ukuku eghẹghẹ, o gbo kala-a.†

¹⁵ Eri u kha ri ochoghọ liẹ, “Ini o ghọle Ọnọmhuẹ, awa ya la agbọ, awa li ona ali oghọ.”

¹⁶ Mena eri u wa tono obọ udu, waa ti ipfuabọ nga. Itonobọ-udu eghọghọ nya ẹa gbe akanya.

¹⁷ Irarighọ, ọnini ọ da lẹṣe onete ni ọ kha riẹlẹ ni ọa rọ da riẹlẹ ọli ne, olamhẹ o khi na li.

5

A tṣe agua yẹ eni e pfue, ni ẹẹ nase eni ẹa pfue.

¹ Ghe ii, ẹẹ eni a pfue, a viẹ, a viẹ oya irari osoli ni ọọ bhale na ẹ.

* 4:6 Li zẹ Ekpi 3.34 † 4:14 Li zẹ Ekpi 27.1

² Eɸfue eyɛ ɛ, e she ke a, ali khi esele e she re ɛ ide le.

³ Igotu ali ɛlomho eyɛ ɛ, e she mu oghuoghua-a. Oghuoghua ni e mu, e ya pfi otsele mu ɛ, a ya na ɛ osoli to o irari khi u ti ikpagho ma leghe na egbe ɛ ya ramhi memena.*

⁴ Waa fali egbo eni e gbe ikanya ishemhi oye ne ifata ne. Eɛ vie, eɛ wolo. Eviɛ oyi eni e nu ɛ khiɛɛ itsua ishemhi, o she ramhi esɔ eyi Eshinegba ni o funɛ nya ni o mhuɛ ekholi-okhuɛ na iloghie.†

⁵ Eri u la agbo ɛ li agbo nyafunyafu, u li agbo o tsua kua. Wa le okpo, ali ofolo, u gbɛdi-a loogho abi ɛlamhi ni a mu ya gbe-a.

⁶ U she pfa ɛzo ugbeli mu egbo eni ɛa mhuɛ abi e li, u gbolo we-a. Wɛwe na, ɛa doɛɛ lie khi wɛwe a lama shi ɛ o.

Irabomudu elemhi osoli

⁷ Irarigho, inyoghua, ri abo mudu ramhi ibhale oyi Onomhuɛ. Bino ghue abi oghiale o lie migha khe egheghe ni ishemhi e la bie. Abi o li ri abo mudu ni otsukpe o de, ni oruame o ro le.

⁸ Yeye li ligho ri abo mu udu abi oghiale. Lolo ri ukpele shi eke, u migha gbagbagba irari khi ibhale oyi Onomhuɛ o ti bhale.

⁹ A khi ke me umha-guɛli oyegbe inyoghua-mhe, ini a khi gue ɛ ɛzo. Osɛɛzo o ga ti mama awa memena.

¹⁰ Inyoghua-mhe, a ke khonya emekɛguele ni eɛ ngme na Onomhuɛ. Eri e ri abo mudu ini o rie khi e ya me osoli.

¹¹ A she kpe lese khi eni a khivose na, anye ɛ lu egbo eni e ri egbe ɛ mie. A she kpe suo eko iJobu abi oo ri egbe mie tese. A me emini Eshinegba o riele na li ikpukhokho. Onomhuɛ, ona ilelemhi o khi.‡

¹² Inyoghua-mhe, oni o mu egbe ne nya khi, khi romhi iloghie ali eke agbo ali emhese. Ze ni, "Ti oye o khi ii, u ze ni iye oye, o khi iye." Ini a khi me asha pfa ɛzo mu ɛ. §

Iromhi ni a ri irudunga so

¹³ Ini ongeɛ o la elemhi omunu, o lema Eshinegba. Ini ongeɛ oo ghele, o to uwolo ikuɛghie.

¹⁴ Ini ongeɛ oo ghua, o ka lu egbhali ni e la igbaa oyi eni e mie iJesu iKirisiti suo, ni e so iromhi na li, e ri eva oyi Onomhuɛ ri oili to oli egbe.*

¹⁵ Egheghe agho, ni iromhi ni e ri irudunga so, ni o ri oli ze. Ni Onomhuɛ o rote ughuamhi mu oli vule. Ini o lamhe olamhe, Onomhuɛ o ya ro topfa li.

¹⁶ Irarigho, a zono olamhe eyee ye egbe ɛ, a lema na egbe, ni a re ɛ ze. Eri iromhi oyi ogbo ni o la ipfuaɛ o migha a gbe akanya egbegbo.

¹⁷ Ogb onabi awa, Elaja o khi. Eri o te ekelemhi udu lema egbegbo. Oo ame o khi rue, ame o mu oni eke elemhi ikpe ese ali ukhukhui.†

¹⁸ O gbo lema, oo ame o rue, ame o rue, eke o ri emhi ekomhi ze lasele.‡

¹⁹ Ini onge ɛ o pfi egbegbi ode oyi Eshinegba shi eke, no ogboese o ro mu oli nyene bhale ukhokho,

²⁰ sato o khi, onini o mu ona olamhe rote ode egbhali oyoli pfi, o ya tsumhi ayemhe oyoli oboghuli, o guese olamhe ebubu na li. §

* 5:3 Li ze iMat 6.19 † 5:4 Li ze iDeut 24.14-15 ‡ 5:11 Li ze iJobu 1.21-22; 2.10; Iwolo 103.8 § 5:12 Li ze iMat 5.34-37 * 5:14 Li ze iMak 6.13 † 5:17 Li ze 1 Ighie 17.1; 18.1 ‡ 5:18 Li ze 1 Ighie 18.42-45 § 5:20 Li ze Ekpi 10.12; 1 iPiti 4.8

Ebe onododę ni IPita O kęke

¹ Mhęmhę iPita aghiusomhi na kęę oyi iJesu iKirisiti mhi kęke ebe ona ghi ę egbo ni Eshinęba o zę, ni a khi epfęse shi elemhi eke agbo, ni a miatę ku asha khi asha eke iPontusi, ali iGalesha ali iKapadosha ali Esha, ali iBitinia.

² Eri Eshinęba ita o zę ę abi o li ghole oli shi, o rote ikanya eyi Ayęmhę-nọ-pfuasę khuęę-a pfuasę ni a ke suọ eso na iJesu iKirisiti ali ni o ri oia eyi iKirisiti rę ę khi egbo oda shi ugamhi oyoli.

Opfomhę ali okhale ni e gbeku o, e ka nu ę la.

A kuęhię Eshinęba shi Irudushi ni o mhuę agbo

³ Awa kuęhię Eshinęba, ita iJesu iKirisiti Onomhüę. Itobo ilelemhi onięmhi ni o mholi na awa o ro rote eghuli guise iJesu iKirisiti le. Onana o ri agbo onogbo ali irudushi ni o mhuę agbo na awa.

⁴ Loli o li ri awa ri eloe shi eke ę khę ugu ni Eshinęba o ro shi agho o khę egbo eyoli. Iloghie o rę wę shi nę, ni o khi asha ni ęa la kę-a, ni ęa la pfuęchę, wękhi eri e ya taa.

⁵ Eyę ę eni ugu ena e khi, ikhi ęę ni a mholi iregbenga, ni Eshinęba o ri ekpabo eyoli khukhu shi ę khę imiepfuесе, iki imiepfuесе ni a ya rokhasę ikpukhokho agbo.

⁶ A zę ni onana o ri egbe ke mu ę ini o tseku khia khi a ya mholi iyeseudu-a ukuku eghęghę irari imhęę bino ebubu ni a ya mę.

⁷ Eri a ri ena mu ę fe bino ni a mę ini egbegbo irudunga oye ę o khi. Igho a ya li mhęę irudunga oyeę ni o mu eloe doęę igolu bino, ni a mę asha mie ekpe ali ikuęhię ali ufumhi ele ni iJesu o ya nyenę egbe bhale.

⁸ A nono ingme oyoli, a gbo mie oli suọ, aboriekhia khi aa mę oli eloe ghue. A mholi oghęę onięmhi ni unu odo dobe ę ngme.

⁹ Itobo khi u mholi imiepfuесе elemhi ayęmhę oye, o zę khi a miesuọ, a regbenga li.

¹⁰ Eri emeķęuele ngme ingme okhale ni odo bhale deba ę, e kuegbe-a guano biе abi Eshinęba o li ya mie egbo eyoli pfuесе, onana o zę ni e ro ngme angme-shi-ekę oyi oni imiepfuесе ona.

¹¹ Ayęmhę oyi iKirisiti ni o la emeķęuele udu o gueyę wę abi iJesu o li ya mę osoli, neni o ya mę ufumhi onięmhi, eghęghę ni e ro ngme ungmęmhi amęęuele. E roshęka guano ni e leşę oghuo o ya khi oni iKirisiti ali abi eni ingme e ga li ya de nyaa.

¹² Eshinęba o rokhasę eni emeķęuele khi odo khi itobo eleli oyęwę a ro ri emhi ena khasę wę ama irari oye ę. Memena, eni emeķęuele e she gue eni ingme ena nya yę ę, abi ekpabo Ayęmhę-nọ-pfuasę ni o rote iloghie bhale o li gue wę yę wę. Eri ięeni e lili nono ni węwę e li mę eni ingme ena.

A ke la angeli ipfuasę

¹³ Irarigho, a bino angeli bie ke ngeli ni a mu egbe shi ugamhi oyi Eshinęba, a ke tę eloe eke, a ri udu oye ę shi isomhelemhi ni a ya mę ogbele ni a ya ri iKirisiti khasę.

14 Abi eniyē ni eē suō esō na Eshinegba ni o la iloghie, a khi nyenē egbe ukhokho je angeli ni u kpē ngeli neni a lēšē ungmehi oyi Eshinegba.

15 Lēšē khi Eshinegba ni o lu ē, o ma pfluasē ni a li ghō mhōli ingeli ni e pfluasē shi emiemni a riēlē nya.

16 Ebe-no-pfluasē oō, “Zē ni u khi oni o pfluasē, itobō khi mhemhē mhi pfluasē.”*

17 Ini o khia khi Ita wa lu Eshinegba ini u wa sō iromhi, ikhi ita ni o a ya gbe azēba ini oō gue ezo, ri ekpē ali ulishi ke ga li aborokhia khi oṣṣe ekē agbō u khi eghō.

18 Irari khi a lēšē khi o a khi emhi nabi igolu ali eḥomho ni eē li opfu-a a rō pfa ē shi ekē, lasē elemhi imu ali angeli afuē le, ni eni e bia ē e rōshi ekē na ē.

19 Oḥia ni e ghalē eyi iJesu iKirisiti, ni o khi omi osumha ni o a mhuē ichimhi, a rō luasē obō na awa.

20 Eshinegba o zē oḥi neni a ma agbō, o gbo ri oḥi lasēle khasē eḡbō ikpukhokho agbō ni awa la ena, irari oyē ē.

21 Obō oyi iJesu a te mie Eshinegba suō ni o te eghuli guise oni iJesu le, ni o gbo ri ufumhi oniēmhi na li, irarighō a mhōli irudunga ali irudushi na Eshinegba.

22 Aborokhia khi a she ri udu eyē ē khi eni e pfluasē eghō, abi a ri ungmehi igesikia a gbe akanya, ni a rō mhōli inono na egbe ē abi a ga miesuō, a kie lighō ke nono ingme egbe ē.

23 Irari khi ungmehi oyi Eshinegba ni o mhuē agbō na agbōagbō a rō riēlē ē bia, o a khi emini eē pfua a rō riēlē bia.

24 Ebe-no-pfluasē o ngme ghō khi,
“Eri eḡbō nya
e li abi ebuli.

Eri isomotse oyewē
o li abi udodo.

Ini ebuli o khakha-a,
udodo e de o kua.

25 Ama eri ungmehi
oyi Eshinegba o laḡ agbōagbō.”†

Ona o khi usomhi onete ni a tšē abō ye ē.

2

Echē ni o mhōli agbō ali ushishi no pfluasē

1 A she riēlē ē bia, irarighō, khi kono onobe shi elemhi deba oḡbō, khi ke lo eḡbhōli, khi ke ngeli ingeli abamemhē, khi ke dō oḡbōkhoghūo oḡḡnyō ali khi ke ngme ungmehi yese oḡbō-a.

2 Ochoghō, zē ni angeli oyē ē e li abi oyi emofē. Okiamhi eḡbegbi amē inyeli eyi ayemhē ni o khi ungmehi oyi Eshinegba, o ke gbe ē. Eni a kha da, o rēḡ fu shi imiepfuase,

3 mena ni a she mu Onomhuē fē bino ni a mē oḥi mē khi oō ti.*

4 Abi a li bhale deba Onomhuē ni o khi eḡḡ nō mhuē agbō, ni eḡbō e kie, ama Eshinegba o zē oḥi, o mu oḥi eḥoe.

5 Ighō, eē abi echē ni e mhuē agbō, a rō tō owa ayemhē, ni a khi ekpodalougamhi eyi Eshinegba ni e pfluasē, ni a ke luasobo ena ayemhē eni e ghōle Eshinegba, rōte obō oyi iJesu iKirisiti.

* 1:16 Li zē iLēv 11.44,45; iLēv 19.2; iLēv 20.7 † 1:25 Li zē Aza 40.6-9 * 2:3 Li zē Iwolo 34.8

⁶ Irari khi Ebe-no-pfuase ọọ,
 “A bino khi mhi ri
 eche gbe eke shi iZayo,
 echele ebe ni o mu owa mhue,
 ni mhi ze ni o mu eloe.

Oni o da ri egbe da li ne,
 ọa ya me omama.”†

⁷ Irari khi eche ona oni o mu eloe o khi na e e ni a mie ọli suo. Ama eni ẹa mie ọli suo, o khi,

“Eche ni itsona e kie,
 ni o tigbe mele oni
 o mu eloe ne nya-a.”‡

⁸ “Onana o kie gbo khi
 eche ni ebubu egbo
 e ya kholo awe shi
 ukpokpomhi eche
 ni o ya pfi we gbe.”

Itobo khi ẹa ri ungmehi oyi Eshinegba gbe akanya e ro de. Abi o kha li we o li egbo. §

⁹ Ama eni Eshinegba o ze a khi, ni a khi ekhemhue ni e e ga Eshinegba, ushishi na ipfuase, egbo enayi Eshinegba, ni a ro me asha ri ikueghie na oni o rote alo ebili lu e lasele bhale akpa ni o somhotse oyoli.*

¹⁰ Eghenge ni o dose aa kpe khi egbo eyi Eshinegba, ama memena, egbo eyi Eshinegba a ke khi, aa kpe mhọli ilelemhi na e, ama memena Eshinegba o she mhọli ilelemhi na e.†

Ighumha eyi Eshinegba

¹¹ Emole mhe, mhi lema e, e e abi epfese ni a la elemhi agbo ona, a lase oguemehe ni e khi eyi olamhe le, ni e mu okhọli e vule shi isamhi eye e o.

¹² A kie ke ngeli ingeli enete elemhi ifuabo oyi egbo ni ẹa miesuo. Ini e tseku e ze e unu, e kie ke me ingeli enete ni a ngeli, ni e ke kuẹghie Eshinegba, ogbele ni o ya bhale deba awa.

Iregbe-tiemhie na Enighie ali Ega eyawa

¹³ A ri itobo Onomhue ke ri egbe e tiemhie na eni e e mhesẹ nya ni a mu vule shi iteva egbo. Okekhi oghie ni o fune,

¹⁴ okekhi igovunọ ni oni oghie ọọ ghie o ke nase eni e pfido, ali e ke kuẹghie eni e riele onete.

¹⁵ Irari khi eri Eshinegba ọọ nono ni a pfi egbo okhọlo okpe unu, rote angeli enete ni a ya ke ngeli.

¹⁶ A ke ngeli abi egbo ni ẹa mhọli ọzuode, ama a khi zudigba umha mhọli ọzuode oye e ke ngeli ingeli ebe. A ke ngeli abi eni e e ga Eshinegba.

¹⁷ A ke ri ekpe na ogbokpa. A nono ingme oyi egbo ni a ga ro khi ena irudunga. A ke na ulishi oyi Eshinegba. A gbo mu ekpe e na oghie.

¹⁸ E e ni a khi eni e e ga, a ri egbe e tiemhi eke na eni e khi ega eye e. Ọa khi ega ni eri opfomhe ngeli deba e tse ama li shi eni e ngeli angeli ni o ze deba e.

¹⁹ Eshinegba o ya khivose ne ini u ri egbe mie osoli anasemhe ni u wa kha me, itobo khi u lese oguemehe oyi Eshinegba.

† 2:6 Li ze Aza 28.16 ‡ 2:7 Li ze Iwolo 118.22 § 2:8 Li ze Aza 8.14-15 * 2:9 Li ze Okiali 19.5-6; Aza 43.20,21; iDeut 4.20; 7.6; 14.2; iTato 2.14; Aza 9.2 † 2:10 Li ze Asia 2.23

²⁰ Eleli onoghuo o la ọ ini ọgbọ ọ mę osoli shi umha-suesọ ni ọ riele? Ama ini u wa mę osoli shi onete ni u riele, ni u rọ ri egbe mie ọli, Ẹshinęba ọ ya khi voşę ne shi ọ.

²¹ Irari onana Ẹshinęba ọ rọ lu e, abi iJesu ọ rọ mę osoli na e rọ ri angeli irọkhọkhọ shi ekę na e ni a ke deba. A roşhęka ke deba oni angeli.

²² Ọa lamhę olamhę okhọghuo, wękhi eri a mę khi ọ ngme ungmemhi egbhọli.‡

²³ Abi egbọ e rọ tseku u tsue ọli, ọa tsue wę shi ọ. Abi ọ rọ tseku mę osoli ọa tsekha wę. Ama eri ọ ri egbọli mhọli Ẹshinęba obọ, ọni ọ guę sọ ezo shi ode igęsikia.§

²⁴ IKirisiti lọlighuo ọ tsua olamhę eyawa shi egbe je apfida, ini awa khi ghu eghuli olamhę, ama ni awa la agbọ iguę-ngeli elemhi ipfuase. Utse ni a kuale ọli o ri awa ze.*

²⁵ Eri a kpę la agbọ abi osumha ni ọ waa, ama a she mu pfi deba Ọni Orisumha-kia ni ọ khi ọni ọ khekhę ayemhę o ye.†

3

Angeli oyi ikpotso ni e la ughuę ali odo wę

¹ Eę ni a khi ikpotso, a nyęşę ukhomhi na edọ e, isheghọ a khi mę ọngewę ni ọa mie ungmemhi oyi Ẹshinęba suọ, ni eni edọ e ri itobọ ekpę ni a mhọli a na wę ali angeli eyi e mu udu pfi, ini aa ke tseku ngme ungmemhi unu lasele,*

² ini eę mę angeli ipfuase ali angeli ekpę ni a ngeli.

³ Khi zę ni isomhotse oyę o rọte akhuę idiegbe ri egbe khase, ni a la do itsu shi ukhomhi dolodolo, ali ena igolu isosọ ali igbanọ itsua ni e somhotse.†

⁴ Ochoghọ, zę ni isomotse oyę o khi ona ekelemhi udu. Isomhotse ni ọa ya taa, ni o khi ona ikuegbea ali ayemhę no pfohmę, ni o ghọle Ẹshinęba ne nya.

⁵ Ina ikpotso eni ełele ni e ri egbe da Ẹshinęba, e li ri egbe wę shi isomotse, irari khi e nyęşę ukhomhi na edọ wę.

⁶ Abi iSera ọ li mu ekpę na odọli Aburaamu ramhi ni ọ rọ lu ọli, ọnohmuehmę. Imi ọni iSera a khi, ini a da ngeli ingeli enete ne, ni aa rọ da zę ni ulishi o mu e.‡

⁷ Ighọ, eę edọ, a guę ke ngeli deba ighuę e. A ri iwomhęloe nu wę ke ngeli. A leşę khi eą mhue ekpabọ abi eę. A gbo leşę khi eni e nu e mhọli okemhi shi isomhopfa oyi isomhelemhi oyi Ẹshinęba ni o mhọli agbọ onogbo e li khi. A guę ri ełoe ke khu wę, ini emhikhoghuo o khi zu iromhi oyę ede.§

Imę-osoli shi onete iriele

⁸ Ọzukhomhi ungmemhi oyemhę khi, eę nya a mhọli udu oghuo, a mhọli ilęlemhi na egbe, a nono ingme egbe abi inyoghuo, a vię osoli ke na egbe, a ke ri egbe e tiemhile.

⁹ Khi ri onobe fata onobe. Ini ọgbọ ọ tsue e, khi tsue ọli shi ọ, ochoghọ sọ iromhi onete na li. Itobọ khi eri Ẹshinęba ọ luę ni u khi ọgbọ oyọli, ni u le ikhivose ugu.

¹⁰ Irari khi,
 ọni ọ da a nono
 ni lọli mę agbọ li
 ali ni lọli mhọli

‡ 2:22 Li zę Aza 53.9 § 2:23 Li zę Aza 53.7 * 2:24 Li zę Aza 53.5 † 2:25 Li zę Aza 53.6 * 3:1 Li zę Ẹfi 5.22; iKolo 3.18 † 3:3 Li zę 1 iTimọ 2.9 ‡ 3:6 Li zę Igbae 18.12 § 3:7 Li zę Ẹfi 5.25; iKolo 3.19

ebubu ogbele enete,
 o khi ke ri elemhi oyoli
 ngme ingmemhi ebe,
 ali ingmemhi egbholi.

11 O mema ya me
 ingmobe na,
 o o riele onete.

O o mema ya ke
 nono opfomhe,
 o na khu oli.

12 Irari khi eri ukpelo
 oyi Onomhue o la
 egbo eni e gue ngeli egbe,
 eso eyoli e khueghie-a
 shi iromhi ni e so,

ama elemhi e ma bi

Onomhue deba egbo okholo.*

13 Oghuo o ya ri emhi obe li e, ini onete iriele o mema ghole e?

14 Ama ini u tseku me osoli shi onete iriele, ikhivose o khi ne. “Khi na ulishi ogbokhoghuo.”

15 Ama a rote eke elemhi udu oye e rue iJesu abi Onomhue oye e. A ke mu egbe shi eke egheghieka, ini ogbokhoghuo o ya mhila e emini irudushi oye e o migha nga, ni a gue oli ye we. Ama a ri ipfomhe-udu ali ekpe ke so we o.†

16 Zobe ni udu oye o pfuase ishegho ni eni e ngme onobe shi angeli onete oye abi oni o deba iKirisiti, e me omama ingmemhi ipfueche ogbo-a eyewe.

17 Ini o ghole Eshinegba ni u ro me osoli shi itobo khi u riele onete, o ti dose khi u me osoli shi okholo ni u riele.

18 Irari khi iKirisiti o ghu-a shi olamhe oyi ogbokpa utoghuo kpe, ikhi loli ni o pfuase, o me osoli na ena umhapfuase, ni o ro rue awa bhale ghi Eshinegba. A gbe oli-a alo gbugbugbu, ama o la agbo elemhi ayemhe, a ri Ayemhe guise oli le bhale agbo.

19 Elemhi ayemhe ni o la, o ro vu ya tse abo usomhi onete oyi Eshinegba ye iyemhe ni e la owa ighumha.

20 Iyemhe ena e khi eni ea suo eso, abi Eshinegba o ro ri abo mu udu, ni iNoa o ro khali oko-oké oniemhi se. Egbo etu-olale kpele a pfuese elemhi oni ame.‡

21 Oni ame o migha shi ibatizi, ona o mie e pfuese memena. Oa khi ilese khue ichimhi idiegebe-a, ama, imholi udu ni o pfuase deba Eshinegba ni o tsumhi e rote irote eghuli guale oyi iJesu iKirisiti.

22 IJesu iKirisiti o she je iloghie, o shito epfe obo obita oyi Eshinegba, o mhese e na igeni ali afu ali ekpabo ni e la idane.

4

Angeli ni o mu pfi

1 Abi o ro khia khi iKirisiti o she me osoli idiegebe, a li mu egbe ni a li ya mholi angeli oghogho, irari khi oni o da ligho me osoli idiegebe ne, oa ke gbo mholi emini o ri olamhe e riele.

2 Rote memena je odalo elemhi agbo oye, khi gbo ze ni oghuemhe idiegebe oye o mhese ne, ochogho, ze ni u ke ngeli abi Eshinegba o li nono oli shi.

* 3:12 Li ze Iwolo 34.12-16 † 3:15 Li ze iMat 5.10; Aza 8.12-13 ‡ 3:20 Li ze Igbae 6.1-7.24

³ A she kpe pfuse ukpokpomhi eghēghe-a je ukhokho rọ ọ riēle emini eni ẹa miesuo e riēle. A la agbọ itsebo ilili, idokonyo, idonyo yesegbe-a, ali idobie, ali ikia-ye-ukue ke da onyo, ali ilita igaga.

⁴ Ama memena, abo e sha we khi aa ke nu we a riēle ikhiakhiamhi emini ẹe riēle, e ri itobo igho ọ tsue ẹ.

⁵ Ama khi e mema ya gueye Eshinegba abi e li gbe, oni ọ ya gue ẹgbọ ẹzọ, shi eni e laọ ali eni e ghua.

⁶ Onana o ze ni a rọ tse abo usomhi onete ye ẹgbọ ni e ghua, ni a rọ gue we ẹzọ abi a li ya gue ẹgbọ na agbọ ẹzọ, ama eri e la elemhi ayemhe abi Eshinegba ọ la ọ.

Gue ri ukpeloe ke khu isomhopfa eyi Eshinegba

⁷ Eghēghe ni agbọ o rọ ya pfo o she ti ramhi ana. Irarigho, a bino angeli bie ke ngeli ni a dobe toto obo ịromhi isoso.

⁸ Oni o mema mu egbe ne nya khi, a nono ingme egbe ẹ egbegbo, itobo khi eri inono ọọ khukhu olamhe ebubu.*

⁹ A ke mu egbe ẹ epfese, ni awolo ọa la.

¹⁰ Ogbogbo ọ ri isomhopfa ni ọ mhuẹ ke kpaghie onuzava oyoli obo, ọ ri igesia ke ri eloe khu okhale oyi Eshinegba odekhode.

¹¹ Ini ogbokhoghuo ọ mholi ungmehi ya ngme, ọ ke ngme ungmehi oyi Eshinegba. Onini ọ ya kpaghie ogbọ obo, ọ ri itoto ni Eshinegba ọ rọ na li riēle ọli. Ni a rọ bhale ya ẹ khi a rọte obo oyi iJesu iKirisiti ri ikueghie na Eshinegba odekhode. Lọli ọ mholi ufumhi ali ekpabo rọte agbogbo ya je agbogbo. Atse.

Ime-osoli irari khi u miesuo

¹² Emole mhe abo e khi sha ẹ shi omufe ni o toto ni a me, abine khi emini aa kpe me ghue a me.

¹³ A ri ochoghọ ke ghele khi a li nu iKirisiti me osoli ni ọ me. Eghēghe agho ni a mholi oghelẹ oniemi, ini a ri ufumhi oyoli khase.

¹⁴ Ini a ri itobo eva oyi iKirisiti ẹe tsue ẹ, ikhivose o khi ne, irari khi Ayemhe oyi ufumhi ali oyi Eshinegba o nu ẹ la.

¹⁵ Ini u me osoli, khi ze ni a bhale ya ẹ khi itobo khi u gbe ugbeli ali itobo khi u do ighiatọ, wekhi angeli ikpamhika ali itashingme u rọ me osoli.

¹⁶ Ama ini u wa me osoli abi oni ọ miesuo, khi ze ni omama o mu ẹ, ama ke kueghie Eshinegba irari khi u wa yemhe eva oyoli.

¹⁷ Irari khi eghēghe o she ramhi ni iguezo o rọ ya rọte Owa oyi Eshinegba ya gbaekele. Ini o te awa egbe gbaekele, se o ke beshi ya li eni ẹa mie usomhi onete oyi Eshinegba suo egbe?

¹⁸ Abi Ebe-no-pfuase o ngme ọ li khi,

“Ini o ya munu ni a rọ tsumhi

ogbo ni ọ gue ẹ ngeli,

se o ke bie ya li

egbo okholo ni ẹa mholi

Eshinegba egbe?”†

¹⁹ Irarigho, eni ẹe me osoli, abi o li ghole Eshinegba shi, e ri egbe we mholi Eshinegba ni ọ ma we ni ọ ze ri egbe ẹ nga obo. E kie ke gbe ikanya enete.

5

Ude ni a ye Egbhali ali ozele

* 4:8 Li ze Ekpi 10.12 † 4:18 Li ze Ekpi 11.31

¹ Mhi lolo ye ẹ ude, ẹẹ ni a khi egbhali abi mhemhe mhi li khi ogbhali, ni mhi ri ẹloe me osoli ni ijesu o me, ni mhi gbo li ya mhọli okemhi shi ufumhi oyọli ini o nyene egbe bhale.

² A ri ẹloe ke khu isumha eyi Eshinegba ni a ro nga ẹ obo. O ga pfo ẹ udu ke ri ẹloe khu we. Oa khi irari eleli ni u ya me o tse, ama abi ogbo ni o mhọli oguhemhe ugamhi oyi Eshinegba.*

³ Khi ri itoto mhesa na egbo ni Eshinegba o ro nge obo, ochoghọ angeli o ye o khi irokhokho ni egbo ke deba.

⁴ Ini ijesu iKirisiti ni o khi Oreloe-khu isumha onofune o bhale, o ya ri arula oghie ni o tigbe ya taa ne.

⁵ Ee ezele, a li ligho nyese ukhomhi ke na egbhali. Ogbokpa o ke ti egbe oti tiemhi eke, aa ga egbe e. Irari khi Ebe-no-pfuase o ngme ghọ khi.

"Eshinegba o ma biselemhi

ogbo ni o ti egbo li a nga,

ama o khi e vose na eni

e ti egbewe ẹ tiemhile."†

⁶ Irarigho, a ri egbe ẹ tiemhile na ekpabo oyi Eshinegba ni e fune, ni o ti ẹ nga idane ini o ramhi oni egheghe.‡

⁷ A ze otoemhe eye ẹ obo na Eshinegba, itobo khi o ya rue ẹ o le.

⁸ A bino angeli bie ke ngeli, aa tokpe, itobo khi obe ẹ ni o khi okphaghie, o kia gasa abi odumhi ni o khoshe, eri o nono oni o ya mu nyanole.

⁹ Khi ze oti lo ẹ le! Gbe lighi irudunga oye, itobo khi u lese khi eni e miesuo nabi yeye ni e la elemhi agbo ashakhasha e lili ẹ me osoli enabi enana.

¹⁰ Ini u me osoli ukuku egheghe se, Eshinegba na okhale nya, ni o rote iKirisiti lu ẹ shi ufumhi oyọli na agboagbo, o ya rie ẹ ti dose abi o kpe li ẹ egbe. O re toto, o mu ẹ mhọli re gbelighi.

¹¹ Ekpabo o khi oyọli agboagbo. Atse.

Otse ni o kpukhokho

¹² ISalasi ni mhi ro shi inyoghuo ni o mhọli igesikia o nu mhe keke ebe ona. Eri mhi keke ebe ona ni o nu ghe ẹ, ro ri udu shi ẹ o ali ni a ro lese khi emiemi a rie me khi egbegbi okhale oyi Eshinegba na. A mu oti mhue gagaga.§

¹³ Egbo eni e miesuo ni a ze abi ee na eke iBabilo, ee tse e, li shi iMaki ni o limhe egbe abi omimhe.*

¹⁴ A ke tse egbe ẹ a ri inono ghele mu egbe. Opfomhe o ka nu ee nya ni a la elemhi iKirisiti la.

* 5:2 Li ze iJon 21.15-17 † 5:5 Li ze Ekpi 3.34 ‡ 5:6 Li ze iMat 23.12; iLuk 14.11; 18.14 § 5:12 Li ze iKa 15.22,40 * 5:13 Li ze iKa 12.12,25; 13.13; 15.37-39; iKolo 4.10; iFile 24

Ebe onuzi-eva ni iPita O keke

¹ Mhemhe iSamọ iPita ni mhi khi oghumha ali aghiusomhi na kee oyi iJesu iKirisiti, mhi keke ebe ona ghi eni e mholi irudunga nabi oyi anye ni o mu eloe, ni a rote angeli onete oyi Eshinegba ali iJesu iKirisiti Omiepfuese ro na we.

² Okhale ali opfomhe o ka khi oyeē rote ilese ni a lese Eshinegba ali iJesu Onomhue oyawa.

Ulumhi ali uzemhi oyi Eshinegba

³ Itoto oyi Eshinegba o she ri emhikpa ni o ri awa ya ke la agbo irudunga na awa, irari khi awa lese oni o ri ufumhi ali onete oyoli ti awa mama egbe.

⁴ Eni ekpabo eniemhi ena o ro rue isomhopfa ni e mu eloe ni o shobo na awa. Ini a bhale ya e khi irari eni isomhopfa ena awa me asha na pfue epfua ni o la oghuemhe emhi agbo, ni awa mholi okemhi shi agbo oyi Eshinegba.

⁵ Irarigho, rosheka ri ingeli enete ma irudunga oye, gbo ri ilese ma ingeli enete.

⁶ Ri igue-regbekia she egbe ma ilese, ri iregbemie ma igue-regbekia shi egbe, ri angeli irudunga ma iregbemie,

⁷ ri isomhelemhi-inyoghuo ma angeli irudunga, ri inono ma isomhelemhi inyoghuo.

⁸ Irari khi ini u mholi eni ingeli enana egbegbo, e ya re ke zaza, wa gbe akanya elemhi ilese ni u lese Onomhue iJesu iKirisiti.

⁹ Ama oni o da mholi eni ingeli ena ne, o ya me eke nuata, eri o ze alo, o she yele-a khi Eshinegba o she kpe khuese luē olamhe enedio-a pfuase.

¹⁰ Irarigho, inyoghuo-mhe, rosheka ni uzemhi ali ulumhi oye o migha egbegbo. Ini u wa ligho, waa ya tigbe do owe eke-a wekhi eri u ya de.

¹¹ Egheshe agho Eshinegba o ya khueghie ode Omhe oyi Onomhue-a ne lo. Ikhi Onomhue na agboagbo Omiepfuese iJesu iKirisiti oyawa.

A ri esọ shi emini Ebe-no-pfuase o ngme

¹² Mhi ya ke yele e le eni ingme ena nya egheshe kpa. Ini a ririē kpe lese we, ni a migha gba elemhi igesikia ni a mholi ena.

¹³ Mhi lese khi o ti ni mhi yele e eni ingme ena nya le, ini mhi da kie la agbo.

¹⁴ IJesu iKirisiti Onomhue oyawa o she ro li khashe mhe khi ogbele eyemhe ea ke bu, khi mhi kele ya ghua.

¹⁵ Mhi ya rosheka ri ingme ena nya shi e odalo ni a ke sato o, ini mhi so ukhokho gbe.

Eni e ri ukpeloe me ufumhi oyi iKirisiti

¹⁶ Oa khi okhe egholi anye regbenga gue ingme inyenegbe bhale oniemhi oyi iJesu Onomhue ye e. Alo eyanye anye ro me ufumhi oyoli.

¹⁷ Anye la agho ni Eshinegba ita o ro ri ufumhi ali ekpe na li, ni uruli oyi Eshinegba o ro rote otughunu ni o ge nyanyanya ngme, ni o, "Omimhe ni mhi nono ingme oyoli na, o ma ghole mhe."

¹⁸ Eri anye suo khi oni ungmehi o rote idane ngme tiemhile, abi anye ro nu oli la ukhomhi ute no pfuase.*

* 1:18 Li ze iMat 17.1-5; iMak 9.2-7; iLuk 9.28-35

¹⁹ Igho anye li mhọli iregbenga shi usomhi ni emekeguele e guele, khi egbegbo lo. O ma a ti e egbe ini a ri esọ shi oni ungmemhi, itobọ khi eri o li abi akpa ni o la alo ebili e ge nyagha, ramhi ni ogbe o ro maghie alo-a, ni imeke oyi ukpetata na obili-atso o ro ge shi udu o ye.

²⁰ Ozukhomhi oni ungmemhi khi, a lese khi ungmemhi ameguele okhoghuo ọa rote ilese oyi emekeguele okhoghuo bhale.

²¹ Irari khi ungmemhi ameguele okhoghuo ọa ri imelemhi oyi ogbo bhale ghue, ama Ayemhe-no-pfuase o la egbo egbe gbe akanya rewe gue usomhi oyi Eshinegba le.

2

Ena Osese egbhọli ali epfua oyewe

¹ Abi emekeguele eyi egbhọli e ke li la iteva eyi egbo iZireni, igho esese egbhọli e ya li la e iteva. E ya tsua osese egbhọli ni ọọ yese egbo-a lasela ke sese egbo, e ga kie Onomhue ni o de we, e ya ri epfua ni o kele ghi egbewe.

² Igho ebubu e e li ya deba ode omama eyi itsebo eyewe, e ri omama shishi oni ode igeskia oyi iKirisiti-a.

³ E ya ri emhi ituegbe rue okhe egbhọli lasela gueye e, ni e ro me asha di e mie ikpagho. Eshinegba o she so we ezo se agboagbo, epfua oyewe o migha khe we ode.

⁴ Irari khi ini Eshinegba ọa kesẹ igeni le abi e ro lamhe deba Eshinegba, ama o ku we lo ilimhi iriere, o ri iweghe ge we abo pfino kulo alo ebili migha khe ogbele iso-ezo.

⁵ Ini Eshinegba ọa pfuese agbo onodio, ama o ri ochikpho oniemi pfuse oni agbo olamhe-a, se ni iNoa ni ọọ tse abo igue ngeli ali apfoli oshilua.*

⁶ Ini Eshinegba o pfa ezo mu iSodomu ali iGomora, khi o ri erali tose we ni e de emue-a, ni o rewe riela irokhokho abi o ya li egbo ni ẹa mhọli Eshinegba egbe,†

⁷ ni o ro pfuese iLoti, omose ni o gue ngeli, ni egbo ena umhaso-eso e ri ingeli ebe nase ayemhe.‡

⁸ Eri oni omose ọna ipfuase ọnana o vie oya elemhi ayemhe oyoli egege kpa shi ingeli okholo ni ọọ me ali ni ọọ gbolo suo.

⁹ Ini o khi igho, Onomhue o lese abi o lie tsumhi egbo eyoli elemhi imhesebino, ali o gbo li lese abi o li ya pfi egbo okholo lo anasemhe ramhi ogbele iso ezo.

¹⁰ Tete egbo ni e deba oguemhe idiegbe oyewe ni e ri ukpeloe gbe omhesẹ oyi Eshinegba.

E mhọli igbedu obe ali ititiegbe. Ulishi ọa ya mu we ni e ro ri unu ghi igeni ro yese we-a.

¹¹ Ama abotseku khia khi eni igeni ena e mhọli ekpabo dose eni esese egbhọli ena, ẹa ya yese we-a khase Onomhue.

¹² Eri eni egbo ena ẹẹ pfi unu-a shi emini ẹa lese udi ọli. Eri e li abi elamhako ni ẹa mhọli egbhali ni a bia, ni a mu e gbolo le tse. Igho e li ya pfua abi elamhako.

¹³ Opfusa a ro ya fali we ota shi ode opfusa ni weweghuo e be na egbewe. Idobie ele oguota gboo, ẹẹ bino khi o khi agbo ilili, ni o ya khuese idiegbe

* 2:5 Li ze Igbae 6.1-7.24 † 2:6 Li ze Igbae 19.24 ‡ 2:7 Li ze Igbae 19.1-16

oyewẹ. Egbọ ebe e khi itobọ khi ini e nu ẹ le eminale inono kugbe egbo, eri e kiele ẹ ngeli angeli efiala.

¹⁴ Alo efiala eyi okia, e zẹ shi ukhomhi, ikpotso ni e ya yemhẹ shi wẹ ọ, e kia bino alo. Okiamhi olamhẹ ni ọọ gbe wẹ ọa tigbe ẹ mholi ukpẹsẹ. Egbọ ni udu oyewẹ ọa sheshe ẹẹ di kulo igha olamhẹ. E she wẹna emhi ituegbe shi udu. Elemhi itşe eyi Eshinẹgba e la kia.

¹⁵ E she da egbegbo ode lase, e wase ode oyewẹ-a. E she deba ode oyi iBelamu omi iBeo vu ni ọ mholi ukpokọ shi ukpagho ni ọ ya mie shi onobe ilili.

¹⁶ Ni akphẹre ọ dese shi angeli olamhẹ. Akphẹre ni o khia khi ọa kpẹ mholi ungmehi ọgbọ shi unu, ni ọ ri uruli ọgbọ nu iBelamu ngme shi angeli ujili. §

¹⁷ Eri egbo ena e li abi okẹ ni o khakha-a, ali uza ni o bi abi amẹ ni akpekpeli o pfiolo irarogbe kua. Eshinẹgba ọ she riẹle ilimhi iriẹriẹ shi ekẹ ẹ khẹ wẹ ni e la mẹ osoli.

¹⁸ Eri ẹẹ ngme ingmemhi itono obọ udu, ali ingmemhi ni e viọlo, rọ rẹ egbo sato ọghuemhẹ idiege oyewẹ, ni e ba di wẹ nyenẹ egbe je olamhẹ. Ikhi egbo ni e leşẹ rọte ifuabọ eyi egbo ni e la agbo ẹgbhọli pfue.

¹⁹ E shobọ ẹpfua na wẹ, ama wewẹ ni e shi oni obọ onana, e khi ighumha angeli ẹpfua. Irari khi oghumha ọgbọ ọ khi shi emini o da mhẹşẹ na ayemhẹ oyoli.

²⁰ Irari khi, ini egbo e she da rọte oyese ni o la agbo pfue ne itobọ khi e leşẹ iJesu iKirisiti Onomhūe, ni e rọ gbo ri egbewẹ na emhi agbo gẹnọ ne, ikpukhokho oyewẹ o kẹ khọlo doşẹ igbaekẹle oyewẹ.

²¹ O kha tinẹ ini ẹa bie kpẹ leşẹ ode ipfuasẹ oyi Eshinẹgba lọ, khi e leşẹ ọli se, e tigbe sọ ukhokho gbe ode ipfuasẹ oyi Eshinẹgba ni a rọ na wẹ.

²² Emini ọ li wẹ o rọkhasẹ khi ekpita ona khi igesikia lọ, ni ọọ,

“Áwá ọ mu egbe nyenẹ
gbo ya le ekpa
ni ọ kpa shi ekẹ.
Agulu ni a kpe khuşẹ-a se,
ọ gbo mu egbe nyenẹ
je igboḷọ ya pfue.”*

3

Onomhūe ọ nyenẹ egbe ẹ bhale

¹ Emọlemhẹ, ebe onuzi-eva ni mhi kẹkẹ ẹ ghi ẹ na, eri mhi ri ebe eva ena ya guise ẹ le ali ni a rọ mholi isamhi eni e te ode.

² A sato ingmemhi ni emekeguele ni e pfuasẹ e ngme ni o she tẹşẹ, ali omhẹşẹ ni Onomhūe Omiepfuese ọyawa ọ mhẹşẹ rọte obọ ighiusomhi na kẹş ọyawa.

³ Onodode, a leşẹ khi ogbeleş ni e kpukhokho, ẹgbọ ni e ri ungmehi oyi Eshinẹgba a li egia e ya lasele. Eş li egia ẹẹ riẹle ọghuemhẹ idiege oyewẹ.*

⁴ E ya ke liẹ, “Ige ibhale ni ọ shobọ khi lọli ya bhale mena? Abi ititawa e te ghuloa, emhikpa e kiele ẹ je odalo abi e li rọte igbaekẹle agbo la ọ.”

⁵ Eri e famhi rọli shi iẹ-esọ-a, khi rọte ungmehi oyi Eshinẹgba a te ma idane, ni a rọ gbo rọte amẹ ri amẹ ma ekẹ agbo.†

⁶ Ama, eni amẹ ena a gbo rọ ri ochikpho pfuse ẹgbọ na agbo onodiọ-a.‡

§ 2:16 Li zẹ iNọba 22.4-35 * 2:22 Li zẹ Ekpi 26.11 * 3:3 Li zẹ iju 18 † 3:5 Li zẹ Igbae 1.6-9

‡ 3:6 Li zẹ Igbae 7.11

⁷ Ama agbọ ali idane ni e kie laọ ogbe-namo, Eghiele oyi Eshinegba a rọ rẹwe migha rẹwe ẹ khe offuse oyi erali. Eri a zẹ wẹ obọ ọ khe ogbele iguezo ni a rọ ya pfuse egbo okholo-a.

⁸ Emọlemhẹ, a khi yele emhi oghuo-a khi, eri ogbeleghuo o li abi ogbele agbele, ogbele agbele o li abi ogbeleghuo ukpeloe oyi Eshinegba.^{S*}

⁹ Oa khi eri Eshinegba ọ ti egbe ẹ je ukhokho shi emini ọ rọ shobo, abi egbo eghuo e liẹ sa khi ini emhi ọ ọ ti eke eri o wu eke-a egho. Eri ọ mema mhọli irabomudu na ẹ, itobo khi ọa nono ni ogbokhoghuo ọ pfua, ama ni ogbokpa ọ te agbo olamhẹ mu nyene.

¹⁰ Ama eri ogbele oyi Onomhue o ya bhale abi ibhale oyi oghiatọ. Oni ogbele, eri idane o ya ri okeke oniemi kele-a udemhija. Erali oniemi o daghie emini e la idane nya kua. Eke ali emhikpa ni e laọ e kala-a.†

¹¹ Aborokhia khi a ya lina pfuse emhi nya ena, uwali egbo enabise a kha ke fe khi? A kha ke la agbo ipfuase ali agbo Eshinegba,

¹² abi a li ri eloe shi eke ẹ khe ogbele oyi Eshinegba, ni awa ke ri ele emini o ya roli bhale pia, ali ogbele ni a ya ri erali pfuse idane-a erali oniemi o daghie emini e la idane-a nyaa.

¹³ Ama emini Eshinegba ọ rọ shobo, awa migha a khe, ikhi iloghie ali eke agbo onogbo, ni o khi apfe igue-ngeli.‡

¹⁴ Irarigho, ẹ emole mhe, abi a li ri eloe shi eke ẹ khe oni ogbele ena, a zẹ ni a bhale ya ẹ ẹ shi ingeli ni ẹa mhọli ichimhi ali umhaguekia, ali a la opfomhe.

¹⁵ Ri ọli shi udu khi irabomudu ni Onomhue ọ mhọli na awa, khi, ni ọ ba ri eghẹghẹ na awa mhọli imiepfuese lo, ezeze abi inyoghuo awa ipolu ọ kpe li keke ọli shi ebe ghi ẹ abi Eshinegba ọ li ri oni ile singme na li.

¹⁶ Ina ọ kie liẹ keke ọli shi ebe, ini ọ da a ngme eni ingmemhi ena ne. Ebe ni ọ keke e tsua ingme eghuo ni e lolo ẹ munu irolo-ogbo-eso, ni egbo ni ẹa mhọli ilese ali igesikia e kholo ẹ manọ, abi e liẹ khi ma ingmemhi elese ni e la Ebe-no-pfuase ni o ya ri epfua ghi we.

¹⁷ Irarigho, emọlemhẹ, abi a ke rọ lese onana egho, a mu egbe ẹ ini a khi ya deba ode egbhọli oyi egbo ena umhasuo-eso, ini a khi rote iguemigha oye ẹ de.

¹⁸ Ama mena awa ke fu shi okhale ali ilese ni awa lese Onomhue Omiepfuese oyawa ikhi ijesu iKirisiti. Lọli a ri Ufumhi a na agboagbo. Atse!

^S 3:8 Emini a ri onana ngme khi Eshinegba ọa deba eghẹghẹ gbe akanya. * 3:8 Li zẹ Iwolo 90.4

† 3:10 Li zẹ iMat 24.43; iLuk 12.39; 1 iTesa 5.2; Iro 16.15 ‡ 3:13 Li zẹ Aza 65.17; 66.22; Iro 21.1

Ebe onodode ni Iḵoni O keke

Ungmemhi ni o mh̄li agbo

¹ Anye keke ungmehi oyi ̄ni o ri agbo o na oḡbo ghi e, ̄ni o rote igbaekele la o. Anye she suo ̄li, anye ri alo eyi anye me ̄li, anye bino ̄li, anye gbo ri abo eyi anye ti ̄li.*

² Abi ̄ni o ri agbo o na oḡbo ona o ro feli lasele, anye me ̄li, anye gbo li pfi oṣsele shi ̄ni agbo na agboagbo ona. Loḷi o nu Ita la, ni a rokhas̄e anye.†

³ Emini anye me ni anye suo, anye gbo lie gueye e, ishegho ni awa kugbe nu Ita ali Omi ̄li iḵesu iKirisiti la.

⁴ Eri anye keke ona ni ogh̄ele oyawa o gba pfo.

Okiali elemhi akpa

⁵ Onana khi usomhi ni anye rote obo oyi Omi ̄li suo, ni anye gue e ye e khi, Eshinegba khi akpa, obili okhogh̄uo o f̄e la li egbe kpa.

⁶ Awa kha guele khi awa nu ̄li la kugbe ni awa ro kie la elemhi alo ebili e kia, eḡbh̄oli awa lo, awa aa la agbo igesikia.

⁷ Ama ini awa la elemhi akpa a kia, abi loḷi ̄li la elemhi akpa, ona o rokhas̄e khi awa nu ̄li la kugbe, ishegho oḷia eyi iḵesu Omi ̄li, e khūse awa olamhe-a pfuase.

⁸ Ini awa guele khi awa aa mh̄li olamhe, egbawa awa a di, awa aa mh̄li igesikia.

⁹ Ama ini awa zono olamhe eyawa ye Eshinegba ni o ri igesikia rīle emhikpa; ̄ni oḡ rīle emini o te ode o khi, o ya ri olamhe eyawa topfa awa, o khūse awa umha-pfuase egbe-a nya.

¹⁰ Ini awa e khi awa aa lamhe, eri awa ri Eshinegba mele olo-egbh̄oli-a. Ungmemhi oyoli oḷa la agbo oyawa.

2

IKirisiti, okpaghiobo oyawa

¹ Eniye eyemhe, e e mhi keke ebe ona ghi, ini a khi lamhe. Ama, ini a bhale ya e khi oḡb̄okhogh̄uo o lamhe, awa mh̄li ̄ni o nu Ita a ngme khe awa shi eke. Loḷi khi iḵesu iKirisiti ̄ni o pfuase.

² Loḷi o khi iluasobo ni a ro shishi olamhe eyawa-a, oḷa khi eyawa tse ama olamhe eyi eḡbo kpa.

³ Ini awa ri omh̄ese eyoli e gbe akanya, loḷi awa ro ya lese gboo khi awa lese oḷi.

⁴ Eni lie khi wewe e lese oḷi ni eḷa ri omh̄ese eyoli e gbe akanya, elo-egbhue e khi, eḷa mh̄li igesikia.

⁵ Ama onini o da ri ungmehi oyoli da gbe akanya ne, inono oyi Eshinegba o gba shi ̄li egbe. Ina awa li ya lese khi awa ali Eshinegba khi oghuo awa khi.

⁶ Eni e da lie khi wewe e kugbe Eshinegba o ne, e mema ya ke ngeli abi iḵesu iKirisiti o lie ngeli.

* 1:1 Li ze iḵon 1.1 † 1:2 Li ze iḵon 1.14

Ushi onogbo

⁷ Emọle mhe, ọa khi omheṣe olese mhi keke ẹ ghi ẹ, ama onodiọ lo, ikhi oni a rọte igbaekele ro na ẹ. Oni omheṣe onodiọ ona o khi oni usomhi ni a she kpẹ suọ.*

⁸ Aboriẹkhi igho, omheṣe onogbo mhi keke ẹ ghi ẹ, irari khi a me igesikia oyi oni omheṣe ona iJesu egbe, a gbo me ọli agbo oyee. Itobo khi obili o she ẹ ge. kalaa, oni akpa oyi igesikia o she ẹ ge.

⁹ Onini o da lie khi loli la elemhi akpa ni o biselemhi inyoghuo ọli ne, elemhi alo obili o kie la.

¹⁰ Onini o da nono ingme oyi inyoghuo ọli ne, elemhi akpa o la, emhikhoghuo ọa la li egbe ni o roli ya khi owe.

¹¹ Ama onini o da biselemhi inyoghuo ọli ne, alo obili o la, alo obili o la kia gase. Ọa lese obini o je, irari khi obili o she zuse ọli alo.

¹² Mhi keke ebe ona ghi ẹ eniye,
itobo khi a she ri olamhe topfa ẹ
itobo eva oyi iKirisiti.

¹³ Mhi keke ebe ona ghi ẹ, ẹ ẹ ita,
itobo khi a she lese ọli,
oni o rọte igbaekele la o.

Mhi keke ebe ona ghi ẹ ozele,
itobo khi a she mu
Oni o khi Ogbọ-obe o le.

Mhi keke ebe ghi ẹ eniye,
itobo khi a she lese oni Ita.

¹⁴ Mhi keke ebe ghi ẹ, ẹ ẹ ita,
itobo khi a she lese ọli,
oni o rọte igbaekele la o.

Mhi keke ebe ona ghi ẹ ezele,
itobo khi a mholi ekpabo,

ali khi ungmehi
oyi Eshinegba o la
elemhi oyẹ ẹ,

ali khi a she mu
Oni o khi Ogbọ-obe o le.

Agbo ona o khi ghole ẹ dose

¹⁵ Agbo ona o khi ghole ẹ dose, wekhi emhikhoghuo ni e la o. Ini ogbokhoghuo o mholi oghuemhe na agbo, inono oyi Ita ọa la agbo oyoli.

¹⁶ Irari emhikpa ni e la elemhi agbo, ni e khi, oghuemhe olamhe idiegbe, emini ukpeloe o vie shi, ali itipfuabo-nga shi emini o mholi ali ni o dobe ẹ riele. Okhoghuo ena nya ẹa rọte obọ oyi Ita bhale, ama agbo ona e te bhale.

¹⁷ Oni agbo ona ali emini e la o ni ẹ ẹ ghole egbo e she ẹ dose, ama eni ẹ riele oghuemhe oyi Eshinegba e ya la o agbo agbo.

Eni ẹ kholi iKirisiti

¹⁸ Eniye, ukpese agbo o she ti bhale! A she gueye ẹ khi oni o kholi Omiepfuese o ya bhale, memena eni ẹ kholi Omiepfuese ebubu e she bhale agbo. Onana awa ro ya lese khi ukpese agbo o she ti bhale.

¹⁹ Eni egbo ena ẹa mema kie kpẹ khi eyawa, loli o ze khi e rọte awa iteva vu. Ini e kie kpẹ khi eyawa lo, e kha migha. Ama eri uvumhi oyewe o rokhasẹ khi ẹa ku ma awa o.

* 2:7 Li ze iJon 13.34

²⁰ Ama Omiepfuese, Oni o pfuase o she ze e, irarigho a she lese igesikia.

²¹ Oa khi itobo khi aa lese igesikia mhi ro keke ebe ona ghi e, ama itobo khi a lese igesikia, a gbo lese khi egbholi oa rote igesikia a lasele.

²² Mena, oghuo o khi olo-egbhue? Oni oo khi iJesu oa khi oni Omiepfuese, loli o khi Obe vule shi Omiepfuese o, loli o kie Ita ali Omo.

²³ Aa me ogbokhoghuo ni o kie Omo ni o mholi Ita. Oni o da mie-obo shi Omo o, o li mholi Ita.

²⁴ Zobe ni emini u rote eke suo o kie le egbe. Ini o ligho kie le egbe, u ya li kie nu oni Omo ali Ita la kugbe.

²⁵ Emini o shobo na wa na, ikhi agbo na agboagbo.

²⁶ Ingme eyi egbo eni e nono ni wewe e yese e da ode mhi keke e ghi e.

²⁷ Ama ee oye e, ekpabo Ayemhe no pfuase ni a mie, o kie la e egbe, irarigho, aa ke khi eni a sese. Ama eri Ayemhe oyoli oo sese e emhikpa, ikhi emini e khi igesikia ni ea khi egbholi. A ri osese oyi Ayemhe ke gbe akanya, a kie nu oli la kugbe.

Imi Eshinegba

²⁸ Mena, eniye, a kie kugbe oli o. Ishegho ini o feli lasele, awa mholi igbedu ni omama oa mu awa odalo oyoli, ini o nyene egbe bhale.

²⁹ Ini u lese khi iKirisiti khi oni o migha shi ipfuase o khi, lese khi oni o ri ele emini e te ode Omi Eshinegba o khi.

3

¹ A bino abi inono ni Ita awa o nono awa o li fu ramhi, ni a ro bhale ya e khi aa lu awa imi Eshinegba! Ni o khia khi igho awa khi! Emini o ze khi egbo na agbo ea lese awa khi, ea lese Eshinegba.*

² Emole mhe, imi Eshinegba awa khi, ama, awa aa lese ne, abi awa ya li, ama awa lese khi ini iKirisiti o lasele, awa ya li abi loli, irari khi awa ya me oli abi o li tee.

³ Ogbokpa ni o da mholi irudushi ona ne, oo mholi oni oghuemhe ni o ro khi oni o pfuase abi iKirisiti o li pfuase.

⁴ Onini o da lamhe ne, eri o gbe ushi oyi Eshinegba-a, irari khi olamhe, igbushi oyi Eshinegba-a o khi.

⁵ Ama u lese khi eri iKirisiti o bhale ni o ya rue olamhe eyawa vu, ali khi olamhe oa la li egbe.†

⁶ Irarigho, ogbokpa ni o nu oli la kugbe, oa ya lamhe ke le. Onini o kie da la olamhe ne, oa fe me oli ghue wekhi eri o lese oli.

⁷ Eniye, a khi ze ni ogbokhoghuo o di e ya de ode-a. Oni o da ri ele emini o te ode ne, o pfuase, ezeezee abi iKirisiti o li pfuase.

⁸ Onini o da ri ele emhi olamhe ne, oyi Okphaghi e o khi. Irari khi te-ek e vu, okphaghi e o te e lamhe. Emini o ze ni Omi Eshinegba o ro feli bhale khi, ni o ro me asha pfueche ikanya eyi Okphaghi e-a.

⁹ Ogbokpa ni o da khi Omi Eshinegba o ya lamhe, irari khi ukpamhi oyi Eshinegba o la li egbe, ea ya lamhe irari khi Eshinegba o khi Ita we.

¹⁰ Onana o ri ikhioda shi iteva imi Eshinegba ali imi Okphaghi e. Enieni ea da ri ele emini o te ode ne ali ni ea mholi inono na egboese ne, ea khi imi Eshinegba.

A nono ingme oyi egbe e

* 3:1 Li ze iJoni 1.12 † 3:5 Li ze iJoni 1.29

11 Onana o khi usomhi ni a rōte eke suō. Ikhi, awa nono ingme oyi egbe awa.‡

12 Khi li abi iKeni ni o khi oyi Ona Okhōlō, ni o gbe Ebeli inyoghuo oḷi-a. Elo o zē ni iKeni o rō gbe oḷi-a? Irari khi emini oni iKeni oḷo riēlē, ẹa gbe akanya, ama emini inyoghuo oḷi oḷo riēlē e khi eni e pfuase.§

13 Irarigho, o khi sha ẹ abo, inyoghuo-mhẹ eni emose ali eni ikpotso, ini egbo na agbo ẹa ti elemhi ẹ.

14 Awa leşe khi awa she te eghuli lasele je agbo, itobo khi awa nono ingme oyi inyoghuo awa. Onini ọa da mhōli inono ne, elemhi eghuli o kie la.*

15 Onini o da biselemhi inyoghuo oḷi ne, oḷo-ugbeli o khi. U leşe khi oḷo-ugbeli ọa mhōli agbo oyi Eshinegba shi agbo oyōli.

16 Ina awa liē leşe emini inono o khi. Eri iJesu iKirisiti o ri agbo oyōli bhale, ni e pfuse-a, shi itobo oyawa. Awa kha li rue agbo oyawa li shi eke na inyoghuo awa.

17 Ini oḷo o mhōli epfue, ni o rō mē khi inyoghuo oḷi o mhōli emini o to oḷi, ni ọa rō mhōli ilelemhi na li, seē o li dobe ya liē khi lōli mhōli inono oyi Eshinegba?

18 Eniye, a khi zē ni awa ri ungmehi ali eḷemhi ke riēlē inono, ama awa ri iriēlē ali igesikia ke ri inono khase.

19 Ini awa nono ingme oyi egboese, awa leşe khi igesikia awa la kia, awa mhōli udu opfomhẹ odalo oyi Eshinegba.

20 Abi eni e miesuo, ini udu oyawa o pfa ezō mu awa, awa leşe khi Eshinegba o fu doşe udu oyawa, ali khi o leşe emhikpa.

21 Irarigho, emole mhẹ, ini udu oyawa ọa da pfa ezō mu awa ne, lōli awa rōo mhōli igbedu odalo oyi Eshinegba.

22 Emiemini awa da mhila kpa, awa te obō oyōli ya mie oḷi, itobo khi awa ri ishi eyōli ẹ gbe akanya ali khi awa a riēlē emini e ghole oḷi.

23 Emini o mhese na awa khi, awa mie Omi oḷi iJesu iKirisiti suō, ali awa nono ingme oyi egbe, ezeze abi iKirisiti o li mhese na awa.†

24 Eni e ri omhese oyi Eshinegba a gbe akanya, eri wewe ali Eshinegba e ga kugbe, Eshinegba o li kugbe we o. Itobo Ayemhẹ ni Eshinegba o rō na awa, awa rō leşe khi awa kugbe Eshinegba o.

4

Ke mu Iyemhẹ fe bino

1 Emole mhẹ, a khi mie shi iyemhẹ nya o, ama mu we fe bino ni a mē ini obō oyi Eshinegba e te bhale. Irari khi emekeguele eyi egbhōli ebubu e she fie lasele shi agbo ona.

2 Ina a li ya leşe ini Ayemhẹ oyi Eshinegba lo: Ayemhẹ nya ni o da lama khi iJesu iKirisiti o she bhale abi oḷo ne, oyi Eshinegba lo.

3 Ama ayemhẹ nya ni ọa da mie-obō shi iJesu o ne, ọa rōte obō oyi Eshinegba bhale. Onana o khi ayemhẹ oyi oni o khōli Omiepfuese, ni a suō khi oḷo bhale, o she ga la elemhi agbo memena.

4 Ama enayi Eshinegba a khi, imi mhẹ, a she gbo mu emekeguele eyi egbhōli o le, irari khi Ayemhẹ ni o la ẹ egbe o fu doşe oyi oni o la elemhi agbo.

5 Elemhi agbo eni emekeguele eyi egbhōli egbo e rōte lasele, ingmemhi agbo ẹẹ ngme, irarigho egbo agbo e rō mie shi emini ẹẹ ngme.

‡ 3:11 Li zē iJoni 13.34 § 3:12 Li zē Igbae 4.8 * 3:14 Li zē iJoni 5.24 † 3:23 Li zē iJoni 13.34; 15.12,17

⁶ Ama enayi Ɛshineŋgba awa khi. Ɔnini ɔ da leŋe Ɛshineŋgba, lɔli ɔ ri esɔ ɔ shi emini anye e ngme. Ɔni ɔa da khi oyi Ɛshineŋgba ne, ɔa ya ri esɔ shi emini anye e ngme. Ina awa liɛ leŋe ikhiɔda ni o la Ayemhɛ igesikia ali ayemhɛ eghɔli.

Ɛshineŋgba inono ɔ khi

⁷ Emɔle mhɛ, a ze ni awa nono ingme egbe, irari khi obɔ oyi Ɛshineŋgba inono o te bhale. Ɔni ɔ da mhɔli inono, Ɛshineŋgba ɔ khi itali ali khi ɔ leŋe Ɛshineŋgba.

⁸ Ogbɔ ni ɔa da mhɔli inono ne, ɔa leŋe Ɛshineŋgba, irari khi Ɛshineŋgba khi inono.

⁹ Eri Ɛshineŋgba ɔ ri Omi ɔli ɔtuɔghuo kpe ni ɔ ghie bhale agbɔ rɔ ri inono ni ɔ mhɔli na awa khasɛ, ini awa a rɔte obɔ oyɔli mhɔli agbɔ.

¹⁰ Onana o khi egbegbi inono, ɔa khia khi eri awa nono ingme oyi Ɛshineŋgba, ama eri ɔ nono ingme oyawa, lɔli o ze ni ɔ rɔ ghie Omi ɔli bhale ni ɔ rɔ luasɛ obo rɔ shishi olamhɛ eyawa.

¹¹ Emɔle mhɛ, ini o khia khi ina Ɛshineŋgba ɔ li nono awa, awa li nono ingme egbe awa.

¹² Ogbɔkhoghuo ɔa mɛ Ɛshineŋgba ghue, ama ini awa nono ingme egbe awa, Ɛshineŋgba ɔ la agbɔ oyawa, ali khi, inono oyɔli ɔɔ gbe akanya ni ɔ nono ni lɔli gbe agbɔ oyawa.*

¹³ Awa ga leŋe khi Ɛshineŋgba ɔ la agbɔ oyawa, irari khi ɔ she ri Ayemhɛ oyɔli na awa.

¹⁴ Ali khi awa mɛ, awa gbo pfi ɔtsɛle khi Ita ɔ ghie Omi ɔli ni ɔ rɔ khi Ɔmiepfuese oyi agbɔ.

¹⁵ Ini ogbɔkhoghuo ɔ mie shi ɔ khi Omi Ɛshineŋgba iJesu ɔ khi, Ɛshineŋgba ɔ la agbɔ oyɔli, lɔli ɔ li la elemhi Ɛshineŋgba

¹⁶ Isheghɔ, awa leŋe, awa gbo mie shi inono ni Ɛshineŋgba ɔ mhɔli na awa.

Inono Ɛshineŋgba ɔ khi, eni e la agbɔ inono e nu Ɛshineŋgba la kugbe, Ɛshineŋgba ɔ li nu wɛ la kugbe.

¹⁷ Ina inono oyɔli o liɛ gbe akanya ni ɔ nono ni lɔli gbe agbɔ oyawa, ni awa rɔ mhɔli igbedu ogbele iguezo, irari khi eri awa li abi lɔli ekagbɔ ona.

¹⁸ Ulishi ɔa la inono. Ama eri inono ni o gba pfo, ɔɔ khu ulishi fie, irari khi eri egbɔ eɛ na ulishi Ɛshineŋgba itobɔ khi ɔ ya na wɛ osoli. Ɔni ɔɔ na ulishi ɔa gba pfo elemhi inono.

¹⁹ Eri awa mhɔli inono, itobɔ khi lɔli ɔ kpe nono ingme oyawa.

²⁰ Ini ogbɔkhoghuo ɔɔ liɛ, “Mhi nono ingme oyi Ɛshineŋgba,” ama ɔ kiele e biselemhi inyɔghuo ɔli, ɔloegbhue ɔ khi. Irari khi ogbɔ ni ɔa da nono ingme oyi inyɔghuo ɔli ni ɔɔ mɛ ɛloe, ɔa doɔe ya nono ingme oyi Ɛshineŋgba ni ɔa mɛ ɛloe ghue.

²¹ Omhɛse ni iKirisiti ɔ rɔ na awa na: Eni e nono ingme oyi Ɛshineŋgba nya, e mema li nono ingme oyi inyɔghuo wɛ.

5

Imuɔle ni awa mu agbɔ ɔ le

¹ Ɔnini ɔ da mie shi ɔ ne khi iJesu ɔ khi ɔni iKirisiti Ɔmiepfuese, Omi Ɛshineŋgba ɔ khi, Ɔnini ɔ da nono ingme oyi Ita ne, ɔ li nono ingme oyi omi ɔli.

² Abi awa liɛ leŋe khi awa nono ingme oyi imi Ɛshineŋgba khi, ini awa nono ingme oyi Ɛshineŋgba, ni awa gbo rɔ ri omhɛse oyɔli gbe akanya.

* 4:12 Li ze iŋon 1.18

³ Ini awa nono ingme oyi Eshineḵba egbegbḵ, awa mema ya ri omhḵḵḵ oyḵli gbe akanya. Ama omhḵḵḵ eyḵli ḵa ya mu unu irogbe-akanya.*

⁴ Itobḵ khi oḵbḵkpa ni Eshineḵba ḵ bia, lḵli ḵ doḵḵ ya mu agbḵ ḵ le, irudunga oyawa ḵ khi oni imuḵle.

⁵ Oḵhuo ḵ doḵḵ mu agbḵ ḵḵ le? Sḵ ni oḵbḵ ni ḵ miesuḵ khi, iḵesu khi Omi Eshineḵba.

⁶ Ona khi iḵesu iKirisiti ni ḵ bhale, rḵte iri-amḵ-batazi, ali rḵte ḵlia ikushieḵ abi ḵ rḵ ghua. Ḷa khi rḵte amḵ tse, ama li shi ḵlia ni ḵ ku shi eḵḵ abi ḵ rḵ ghua. Ayemḵḵ ḵ pfi ḵtsḵḵ shi ḵ, irari khi ḵni Ayemḵḵ oyi iḵḵḵḵia lḵ.

⁷ Irari khi ḵtsḵḵ esḵ e la ḵ.

⁸ Ayemḵḵ, amḵ, ali ḵlia. Eni ḵtsḵḵ esḵ ena unu oḵhuo ee ngme.

⁹ Ḵtsḵḵ oyi agbḵ awa mie ḵ suḵ, ama ḵtsḵḵ oyi Eshineḵba ḵ toto ne. Ḵ she pfi ḵtsḵḵ shi ingme oyi Omi ḵli

¹⁰ Irarighḵ, oḵbḵkpa ni ḵ mie Omi Eshineḵba suḵ nya, ḵ mhḵli ḵtsḵḵ onana shi udu oyḵli. Ama ḵni ḵa mie Eshineḵba suḵ, eri ḵ rḵli shi ḵlo-ḵghḵli, itobḵ khi ḵa mie shi emini Eshineḵba ḵ ngme shi ingme oyi Omi ḵli.

¹¹ Oni ḵtsḵḵ ḵ khi Eshineḵba ḵ she ri agbḵ na agbḵagbḵ na awa. Oni agbḵ ona ḵ la obḵ oyi Omi ḵli.†

¹² Irarighḵ, ḵni ḵ da kugbe Omi Eshineḵba ḵ ne, lḵli ḵ mhḵli oni agbḵ oyi Eshineḵba ona. Ḵni ḵa da kugbe Omi Eshineḵba ḵ ne, ḵa mhḵli agbḵ oyi Eshineḵba.

¹³ Mhi she keḵḵ emhikpa shi elemhi ebe ona ghi ḵ, ni a mie iḵesu Omi Eshineḵba suḵ, ni a rḵ mhḵli ḵli shi udu khi a mhḵli agbḵ oyi Eshineḵba.

¹⁴ Iḵbe-udu ni awa a mhḵli ini awa la odalo oyi Eshineḵba a sḵ iromhi khi, awa leḵḵ khi eḵḵḵḵḵ kpa ni awa rḵ mhila li emhikhḵḵghuo abi ḵ ḵḵḵḵ ḵli shi, eri ḵḵ suḵ awa ḵ.

¹⁵ Irarighḵ, abi awa rḵ da leḵḵ khi ḵḵ suḵ awa ini awa da mhila emhi ne, awa leḵḵ khi awa she mhḵli emini awa mhila li.

¹⁶ Ini oḵbḵkhḵghuo ḵ me khi inyḵghuo ḵli ḵḵ lamḵḵ olamḵḵ ni ḵa ri eghuli gbe oḵbḵ, ḵ lema na li, khi Eshineḵba ya ri agbḵ nali. Eni olamḵḵ oyḵḵḵ e khi olamḵḵ ni ḵa ri eghuli gbe oḵbḵ mhia ngme. Olamḵḵ ḵ la ḵ ni ḵ ri eghuli ḵ gbe oḵbḵ. Ḷa khi olamḵḵ eḵḵḵḵḵ mhiḵ a lema shi.

¹⁷ Umha-guḵli kpa, olamḵḵ ḵ khi. Ama olamḵḵ ḵ la ḵ ni ḵa ya ri eghuli gbe oḵbḵ.

¹⁸ Awa leḵḵ khi ḵni Eshineḵba ḵ bia, ḵa ya lamḵḵ olamḵḵ, irari khi eri Omi Eshineḵba ḵ khukhu ḵli, ini Ḵphaghie ḵ khi doḵḵ li ḵli onobe.

¹⁹ Awa leḵḵ khi imi Eshineḵba awa khi, ali khi Ḵphaghie ḵ mhḵḵḵ ḵ na eḵbḵ nya ni ḵa leḵḵ Eshineḵba.

²⁰ Awa gbo leḵḵ khi Omi Eshineḵba ḵ she bhale elemhi agbḵ, ali khi ḵ she ri ileḵḵ ni awa rḵ leḵḵ ḵni egbegbi Eshineḵba. Ali khi awa kugbe ḵni Eshineḵba ni ḵ khi iḵḵḵḵia ḵ, iḵḵḵ awa gbo li kugbe iḵesu iKirisiti ni ḵ khi Omi ḵli ḵ. Lḵlḵghuo kḵḵ ḵ khi egbegbi Eshineḵba, ali oni agbḵ na agbḵagbḵ.

²¹ Eniyḵ eyemḵḵ, a mu eḵbe ḵ. A khi mhḵli emini e ku ḵ ali ilitsa gbe.

* 5:3 Li ḵḵ iḵḵn 14.15 † 5:11 Li ḵḵ iḵḵn 3.36

Ebe onuzi-eva ni Ijōni O keke

¹ Mhēmhē ọgbhali na igbaa oyi eni e mie iJesu iKirisiti suọ mhia keke ebe ona ghi ẹ.

Yeye ọkpotoso ni Ẹshinẹgba ọ zẹ ali imi ẹ, ni mhi nono ingme oyewẹ mhi keke ọli ghi. Ọa khi mhēmhẹghuo tse mhi nono ingme oyẹẹ, li shi eni e lẹsẹ igesikia.

² Eri anye nono ingme oyẹẹ, itobọ igesikia ni o la anye egbe, ni o kie ya la anye egbe agbọagbọ.

³ Mhi lema Ẹshinẹgba Ita ali iJesu iKirisiti Omiọli e ri okhale ali ilelemhi ali opfomhẹ na awa elemhi igesikia ali inono.

⁴ Egbe ma mu mhẹ gba abi mhi rọ suọ ingme oyi imi ẹ eghuo, ni e la angeli ode oyi Ẹshinẹgba, ni ẹẹ riẹlẹ emini ẹ ghọle Ita.

⁵ Irarighọ, nọkpotoso, onana ọa khi omhẹsẹ onogbọ ni mhia yele ẹ le, ama oni awa rọte ekẹ lẹsẹ lọ. Eri mhie awa nono ingme egbe awa.*

⁶ Inono ni mhia ngme khi awa mema ya ke ri omhẹsẹ oyi Ẹshinẹgba gbe akanya. Oni omhẹsẹ abi ẹẹ nya a she li suọ li rọte ekẹ vu khi, ẹẹ nya a mema la angeli inono.

⁷ Ebubu ẹgbọ ni ẹ di ẹgbọ e she lasese shi asha kpa elemhi agbọ, ni ẹẹ liẹ khi iJesu iKirisiti ọa li abi ọgbọ li bhale agbọ. Ẹgbọ enana nya, ẹgbọ elo-ẹgbhue e khi, e gbo khi eni ẹẹ khọli Ọmiepfuese.

⁸ Irarighọ, a mu egbe ẹ ini emini awa gbe akanya a shi o khi de awa obọ-a, ama ni awa khi eni a somhopfa gba pfo.

⁹ Mhi gueye ẹ khi ọnini ọa da mu emini iKirisiti ọ sẹsẹ mhue, ni ọ da ọ, ọa mhọli Ẹshinẹgba. Ama ọnini ọ da mu emini iKirisiti ọ sẹsẹ mhue ne, ọ mhọli Ẹshinẹgba Ita ali Omiọli.

¹⁰ Irarighọ, ini ọgbọkhọghuo ọ bhale debẹ ni ọ rọ tsua osesẹ olese ni ọa khi onana bhale, khi zẹ ọli lo owa oyẹ le, khi ga fẹ mhọli ikpaghiobọ shi ọli oni osesẹ.

¹¹ Ọnini ọ da mhọli ikpaghiobọ shi ọni ọgbọ ọghọghọ osesẹ ne, eri ọ kugbe ọli ọ, ni e ga riẹlẹ oni ọkhọlọ.

Ungmemhi ni o kpukhokho

¹² Mhi ga mhọli emhi ebubu ni mhi kha keke ghi ẹ, ama mhi aa nono ni mhi keke wẹ shi ebe. Eri mhi ya ri ochoghọ bhale ya bino ẹ, isheghọ ni awa mẹ egbe imi-alo nu egbe ngme. Ni oghẹlẹ oyawa o vọ.

¹³ Imi inyoghue ni ọkpotoso ni Ẹshinẹgba ọ zẹ, ẹẹ tse.

* 1:5 Li zẹ ijōn 13.34; 15.12,17

Ebe onuzi-ese ni IJōni O keke

¹ Mhemhe ni mhi khi ogbhali.*

Mhia keke ebe ona ghi omole mhe iGayusi ni mhi nono ingme oyoli egbegbo.

² Omole mhe, mhi so iromhi ne, Eshinegba o ka re ze, ali emhikpa e ke je odalo ne onete abi ayemhe oye o lie je odalo shi o.

³ Egbe ma mu mhe gba abi eni anye ga miesuo eghuo e ro bhale ya bino anye, ni e ro guele khi u ma mu igesikia mhuē ali khi u kiele e ngeli angeli igesikia.

⁴ Emhese ea la o ni o remhe e ghele, abine khi ini mhi suo khi imi mhe e la angeli igesikia.

⁵ Omole mhe, u ga ri igesikia ri ele emhi ebubu ro kpaghie inyoghuo awa ni awa ga miesuo obo, abi e ririe khi epfese.

⁶ Eni egbo e she gue ingme inono oye ye igbaa oyi eni e mie iJesu iKirisiti suo ni o la akana. Kpekpe kpaghie we obo ni e dobe ri oni okiali ke je odalo abi o li ghole Eshinegba.

⁷ Itobo oni Eva ona, e ro vu oni okiali ona, ni o khia khi ea lama mie eni ea mie Eshinegba suo ikpaghiobo.

⁸ Irarigho, awa egbo eyi iKirisiti, awa khi eni e mema ya kpaghie eni egbo eghoghobo, ni awa kugbe we o gbe oni akanya, shi igesikia.

⁹ Mhi kpe keke ebe ghi igbaa oyi eni e mie iJesu iKirisiti suo ni o la eoli oye, ama iDiofefisi ni o kie kpe ligho nono ni loli ralo na eni igbaa oyi eni e mie iJesu iKirisiti suo, oa lama ri emini mhi gueye oli gbe akanya.

¹⁰ Irarigho, mhi kha bhale, mhi ya guele emini o ri ele le gboo. Abi o lie gue anye ezo, ni o lie kienegbho ma anye. Ogho oa ga bu oli, ama oa gbo lama mie apfowa ni awa ga miesuo. Eri o ga khu egbo ni e nono ni wewe e mie we shi owa ya fie igbaa oyi eni e mie iJesu iKirisiti suo.

¹¹ Omole mhe khi ke khonya angeli obe, ama khonya eminete. Oni o da ri ele eminete ne, Omi Eshinegba o khi. Onini o da ri ele onobe, oa lese Eshinegba.

¹² Ogbokpa oo ngme onete oyi iDemetiriusi. Egbegbi angeli igesikia oyoli o gbo pfi otsela na li. Anye gbo ri otsela oyanye ma o. A lese khi otsela oyanye khi igesikia o khi.

Otse ni o kpukhokho

¹³ Emhi ebubu e la o ni mhi kha keke ghi e, ama mhi aa nono ni mhi keke we shi ebe.

¹⁴ Mhi sa khi mhi ya kele bhale ya me, ni awa me egbe imialo nu egbe ngme.

¹⁵ Opfomhe o ka nu e la. Emole e ni e la oola, ee tse e. Kpekpe tse emole anye nya ni e la oobo, otuoghughuo.

* 1:1 Li ze Ika 19.29; iRom 16.23; 1 iKori 1.14

Ebe ni iJudu O keke

1 Mhemhe iJudu ni mhia ga iJesu iKirisiti, ni mhi gbo khi inyoghuo iJemhisi mhi keke ebe ona.*

Eni Eshinegba Ita o ze, ni o nono ingme oyewe, ni a ri akhukhu oyi iJesu iKirisiti khukhu, mhi keke oli ghi.

2 Ilemhi ali opfomhe ali inono ni e gbeku o, e ka khi oyewe.

Epfua oyi egbo esese egbholi

3 Emole mhe ni awa ga a ga Eshinegba, o mema ghole mhe ni mhi keke ingme imiepfuese ni awa mholi shi ebe ghi e, ni mhi ro me khi o mu egbe ne ni mhi ri ebe ya ri udu shi e o, ni a dobe gbelighi shi oni irudunga ni Eshinegba o ro nga egbo eyoli obo agboagbo kpa.

4 Oni irudunga o she la okhena, irari khi egbo ni ea ya na ulishi Eshinegba e she kuma awa o ni awa aa lese. Eni e mu ilemhi oyi Eshinegba nyene, khi eri o ri eghenge na we ro ke li itsebo. E kie iJesu iKirisiti ni o khi Oga ali Onomhue oyawa. O she tese ni Ebe-no-pfuase o ro kpe te eke ngme oli khi eni e ya pfua ele iguezo e khi.

5 Irari khi ini a ririje kpe kie lese ena nya, mhi kie gbolo e yele e le khi Onomhue o rue egbo eyoli rote eke ijipiti lasele, ama, elelese, o pfuse eni ea lama miesuo ni e la we iteva-a.†

6 A sato khi igeni ni ea mu omhese ni a ro na we mhue, ni e lase ashini a re we shi-a. Eri o rewe shi obili, o ri iwenge na agboagbo ge we, o rewe e khe iguezo ona ogbele ni o fune ni a la ya pfuse we a.

7 A sato khi igho egbo iSodomu ali iGomora ali eni e la eoli ni e mama we e li i ngeli, ni e ro ku abo lo itsebo ali ighue ebe imumu. Eri a na we osoli na agboagbo, ro re we ri ele irokhokho, ro tse agua ye egbo kpa.‡

8 Igho eni egbo ena, e li la elena ni o rewe lamhe ri ichimhi mu egbe we, e ri ukpeloe gbe omhese oyi Eshinegba, e tigbe gbo me igeni na idane bie.

9 Egbegbi ageni ni o fune nya ni a lu iMakieni oa fe gbudu ri ungmehi imebie pfueche Okphaghie-a, abi e ro khe olimhi oyi iMosisi, ama eri o lese lie, "Onomhue o kie e."§

10 Ama eri eni egbo ena e kie pfi itsue e manya egbo shi emini ea ririje lese udi oli. Eri e li abi elamhako ni ea ya sa. Angeli obe oyewe o ze ni e ro pfua.

11 Epfua e ya pfua! Ode oyi iKeni e rote, eri itobo ukpagho ri egbewe ni ode ni oa gbe akanya de abi oni iBelamu o ri ele. E nga engo, abi iKora o li nga engo, ni o ro li pfua.*

12 Egbo ukhimhi elemhi e khi ini e nu e la ukue ni a la le eminale inono. Eri umha a na omama ali ulishi, e ro nu e a le eminale. Egbewe tse, e so eminale e shi idi. Eri e li abi uza ni akpekpeli o tsua kia. Eri e li abi epera okase ni ea ya mo idumhi, ni a vu a pfia, e khakha.

* 1:1 Li ze iMat 13.55; iMak 6.3 † 1:5 Li ze Okiali 12.51; iNoba 14.29-30 ‡ 1:7 Li ze Igbae 19.1-24

§ 1:9 Li ze iDan 10.13,21; 12.1; iIro 12.7; iDeut 34.6; iZaka 3.2 * 1:11 Li ze Igbae 4.3-8; iNoba 22.1-35; 16.1-35

13 Eri angeli oyewẹ o ri egbe a khasẹ abi ofulu oke oniēmhi ni akpekpeli oọ tsughuse. Eri e li abi ikpetata ni ẹ kele-a, ni Eshinegba o ri obili ni o limhi shi eke ẹ khe agboagbo.

14 Agbhotu ishilua, Enoki o khi ini a rote Adamu leli oli, ayemhe o ro ngme ingme angme-shi-ekẹ oyi egbo ena, ni o la liẹ, “Ghe khi Onomhue oọ bhale, lolu ali igeni agbele agbele eni e pfuase eyoli,

15 ni o ro bhale ya gue ogbokpa ezọ, ni o ro pfa ezọ mu egbo ebe nya shi ingeli ebe ni e ri ode obe ngeli, ali ingmemhi ebe ni e toto ni egbo ebe e ngme deba li.”

16 Egbo awolo ali eni ẹẹ me umha-gueli oyi ogbo e khi, oghuemhe obe oyi egbewe ẹ deba, e ri unu ẹ nyanọ ifele shi osomhi ro ti egbewe nga. E ri ikhomhi ako ẹ titi egbo, ini o ba me asha ti we egbe.

Itse-agua ali Ude

17 Ama emole mhe, a sato emini ighiusomhi na kee eyi iKirisiti Onomhue e ngme shi eke.

18 Ee gueye ẹ khi, “Ogbelẹ ikpukhokho, egbo ni e ri egbo ẹ li egia, ni e ya ke deba oghuemhe ebe eyewe e ya la o.”†

19 Eni egbo ena ẹẹ pfi okemhi shi ẹ iteva. Isamhi agbo, ni udu oyewe o gueye we, ẹ deba. Ea mhọli Ayemhe oyi Eshinegba.

20 Ama ẹẹ emole mhe, a ke sese egbe ẹ ode irudunga ni o pfuase. A ke lema elemhi Ayemhe-no-pfuase

21 A la elemhi inono oyi Eshinegba abi a li migha a khe ilelemhi oyi iJesu iKirisiti Onomhue oyawa ni o re ẹ bhale agbo na agboagbo.

22 Le elemhi eni e mhue akhokhomhe shi irudunga oyewe.

23 Tsumhi egbo ni ẹẹ nono ni wewe e mie iwali osese egbhọli suo abine khi u wa ti ogbo erali lasele, lelemhi egboese ni e nono ikpaghiobọ. Ama mu egbe ẹ ini e khi yese li de pfilo olamhe eyewe.‡

Iromhi ikuẹghie

24-25 Awa ri ikuẹghie na Eshinegba Otsumhi oyawa itobo iJesu iKirisiti Onomhue oyi awa! Lolu o dobe ya mu ẹ mhọli ini u khi de, ni o re pfuase, re ẹ ghele odalo oyoli ni o mhọli ufumhi. Eshinegba, lolighuo o fute ni a ri ufumhi, ekpe, ekpabo ali omhesẹ ẹ na, neni a me igbaekele agbo, ghe memena, ali agboagbo. Atse.

† 1:18 Li ze 2 iPit 3.3 ‡ 1:23 Abi a li keke ona shi elemhi iGiriki khi. ‘Khi mhọli emini u ri itsua ni idiegbe olamhe e ri ichimhi a mu li.’

Irokhase Ni iJoni o keke

Ikhueghie ungmemhi-a

¹ Ebe ona a keke imekeguele oyi iJesu iKirisiti shi ni Eshinegba o ro nali ni e khi emini a ya me ni ode o a ke nu, ni o rote obo oyi agheni rokhasa iJoni oni oo ga oyoli.

² IJoni o pfi otsele shi emhi nya ni o me ni o khi ungmemhi oyi Eshinegba ali otsele oyi iJesu iKirisiti.

³ Ikhivose o khi na ogbo ni o ya ze ingmemhi eyi imeguele ena, ikhivose o li ya khi na ogbo ni o suo we, ali oni o ri emini a keke shi o gbe akanya, irari khi oni eghenge ni a ro ya me eni emhi enana nya o she ti bhale.

⁴ IJoni o ri otsele ghi igbaa nya eyi eni e mie iJesu iKirisiti suo ishilua ni e la eke Esha.

Okhale ali opfome o ka khi oyele rote obo oyoli, Oni o khi loli, ni o kie kpe khi loli, ni o kie gbo ya bhale. Iyemhe ishilua ni e migha odalo ukpekhomhi oyoli e li e tse e.*

⁵ Li shi iJesu iKirisiti ni o khi otsele ona igesikia, oni o te odode mu eghuli o le, ni o mhesa na ighie na agbo, o li ri otsele ghi e.†

Loli ni o nono ingme oyawa, ni o ri o lia eyoli rue awa olamhe eyawa le,

⁶ o she ri awa khi ighie ali ekpodalo-ugamhi eyi Eshinegba ni e ke ga Eshinegba oyoli ali itali. Ufumhi ali ekpabo e khi eyoli agboagbo ya je agboagbo! Atse.‡

⁷ A ghe i, o ya la
elemhi otughunu
ke bhale,
ukpele nya e ya me oli,
ghe egbo ni e sono li iwere.
Egbo nya na eke agbo
e ya vie oya irari oyoli.

Igho o ya li! Atse.§

⁸ “Mhemhe mhi khi Aafa ali Omega.” Eshinegba Onomhue Nofune nya o ngme gho, Oni o khi loli, ni o kie kpe khi loli, ali ni o ya bhale.*

Oni o li abi Omi ogbo

⁹ Mhemhe iJoni ni mhi khi inyoghuo e ni awa ga me osoli, ni awa ga mholi obo shi omhesa ali ni awa kuegbe-a regbemie itobo iJesu. Abi mhi ro la eke ni i la iteva oke oniemhi ni a lu iPatimosi irari ungmemhi oyi Eshinegba ali otsele oyi iJesu.

¹⁰ Ayemhe o tiemhile shi mhe o ogbele oyi Onomhue, mhi suo uruli na leghe nabi akala ukhokho oyemhe.

¹¹ Oni uruli oo, “Keke emini u me shi ebe, ni u rue oli ghi igbaa nya eyi eni e mie iJesu iKirisiti suo ishilua eni e la eoli Efesosi, ali iSimirina ali iPagamu ali iTiatira ali iSadisi ali iFiladefia ali iLaodisha.”

* 1:4 Li ze Okiali 3.14; Iro 4.5 † 1:5 Li ze Aza 55.4; Iwolo 89.27 ‡ 1:6 Li ze Okiali 19.6; Iro 5.10

§ 1:7 Li ze iDan 7.13; iMat 24.30; iMak 13.26; iLuk 21.27; 1 iTesa 4.17; iZaka 12.10; iJon 19.34,37 * 1:8 Li ze iRom 1.17; Iro 22.13; Okiali 3.14

12 Mhi mu egbe nyenẹ ni mhi mẹ uruli ni o nu mhẹ ẹ ngme. Abi mhi rọ nyenẹ egbe, mhi mẹ ikhuli igolu ishilua ni a ri ikpa ru ẹ nga.

13 Ifui eni ikhuli ni a ri ákpá ru ẹ nga, mhi mẹ ọgbọ, “Ni ọ li abi Omi Ọgbọ.”† Ọ sọ itsua na dogo ni e ramhi ọli imẹkenẹ awẹ, ni ọ ri ugbhogbho igolu mu aye.

14 Ukhomhi ali itsu eyọli ee pfuasẹ abi afuolu, ee pfuasẹ pepẹpe abi otughunu opfopfo, ikpamhi alo eyọli e li abi eḽmhi erali.

15 Awẹ eyọli e gẹ nyagha abi akhuli idẹ. Uruli oyọli oo de limhilimhi abi ikhoshẹ oyi utumhi okẹ nofunẹ ni o rọte ikhomhi echẹ tu ẹ tiemhile.‡§

16 Obita oyọli ọ mu ikpẹtata ishilua mhue, itakobi ọzalo eva o rọte unu oyọli lasele. Alo eyọli e ga nyanyanya abi ovọ o khueghie unu-a.

17 Abi mhi rọ mẹ ọli, mhi de yeshi ọli awẹ abi ọni ọ she ghu-a. Ama ọ ri obita oyọli nga mhẹ egbe, ọọ mhẹ, “Khi na ulishi, mhẹmhẹ mhi khi Ọnododẹ ni mhi khi ọni ọ kpe ukhokho.*

18 Mhẹmhẹ mhi khi Ọni ọ la agbọ, Mhi kpẹ ghua, ghe khẹ khi mhi la agbọ agbọagbọ. Mhi mu okpẹ eghuli ali ilimhi mhue obọ.

19 “Irarighọ, kẹkẹ emini u mẹ, emini áá mẹ mena, ali emini a ya mẹ ini oo dene.

20 Osheli oyi ikpẹtata ishilua ni u mẹ mhẹ obita ali ikhuli igolu ishilua ni a ri ikpa ru ẹ nga na. Eni ikpẹtata ishilua wewẹ e khi eni igeni ena igbaa oyi eni e mie iJesu iKirisiti suọ ishilua, eni ikhuli ikpa ishilua e khi igbaa nya eyi eni e mie iJesu iKirisiti suọ ishilua.

2

Ebe ni a kẹkẹ ghi igba eni e miesuọ ena ọli Efesọsi

1 “Kẹkẹ enana ghi aḡeni na igbaa oyi eni e mie iJesu iKirisiti suọ ni o la ọli Efesọsi: Enana e khi ingmemhi eyi ọni ọ mu ikpẹtata ishilua mhue obita, ni ọọ kia ifuabọ eyi ikhuli igolu ni a ri ikpa ru ẹ nga. 2 Mhi lẹsẹ onete ni áá riẹlẹ ali itotobọ gbe akanya oyeẹ ali iregbemie oye ẹ. Mhi lẹsẹ khi aa ya sọ ẹgbọ okhọlọ shi iteva oye ẹ, ali khi a she mu ẹgbọ ni ẹ lu egbewẹ ighiusomhi na kẹkẹ fe bino, a mẹ khi ẹgbhọli ẹẹ lo.

3 A she mhue iregbemie, a ri egbe mie ọmunu irari eva oyemhẹ, aa ti egbe je ukhokho.

4 Ama mhi mhọli ona ya gue shi ẹ egbe, khi a she kie inono ni a te ekẹ mhue.

5 A sato ashini a ti nga ramhi elemhi ayemhẹ ni a te de. A mu pfi, ni a riẹlẹ emini a kpẹ te ekẹ ẹ riẹlẹ gbo ke riẹlẹ. Ini aa mu pfi, mhi ya bhale deba ẹ ya wolọ ikhuli ni a ri ikpa ru ẹ nga eyẹ ẹ ashini e la le.

6 Ama a mhue onete ona ni a riẹlẹ. Eri angeli eyi ẹgbọ iNikolaita ẹ kpasẹ ẹ, ni o khia khi e lili ẹ kpasẹ mhẹ.

7 Ọni ọ zẹ esọ, ọ rọ suọ abi Ayemhẹ ọ gue ẹ ye igbaa oyi eni e mie iJesu iKirisiti suọ nya.* Ọni o da mu ọ le ne, mhi ya lama na li ni ọ le ukpamhi ọora oyi agbọ ni o la Apfẹ oyi Eshinegba ni o la iloghie.

Ebe ni a kẹkẹ ghi igba eni e miesuọ ena ọli iSimirina

8 “Kẹkẹ enana ghi aḡeni na igbaa oyi eni e mie iJesu iKirisiti suọ na ọli iSimirina.†

† 1:13 Li zẹ iDan 7.13 ‡ 1:15 Li zẹ Ezik 1.24; 43.2 § 1:15 Li zẹ iDan 7.9; 10.6 * 1:17 Li zẹ Aza 44.6; 48.12; Iro 2.8; 22.13 * 2:7 Li zẹ Igbae 2.9; Iro 22.2; Ezik 28.13; 31.8 † 2:8 Li zẹ Aza 44.6; 48.12; Iro 1.17; 22.13

“Enana e khi ingmemhi eyi ɔni ɔ ralo ni o gbo kpe ukhokho, ni ɔ ghu-a ni ɔ gbo bhale agbo.

⁹ Mhi leşe osoli ali umhamę oyęę, ama a mhɔli eƆfue. Mhi leşe ungmehi opfuęhe ni eĝbo ni e lu eĝbewę iju ni ęa khi, e rɔ ɔ pfuęhe ę-a, no khia khi eĝbo owa ugamhi oyi ɔkphaghie e khi.

¹⁰ A khi na ulishi osoli ni ɔo bhale na ę. A ghe i, ɔkphaghie ɔ ya pfi eghuo lo ɔgba ighumha ni a mu ę fe bino, a ya nase ę ogbele igbe. A mu irudunga oyęę mhue ramhi eghuli, eĝheĝhe agho, mhi ya ri arula oghie agbo na ę.

¹¹ ɔni ɔ ze eso, ɔ rɔ suɔ abi Ayemhe ɔ gue ę ye igbaa oyi eni e mie iJesu iKirisiti suɔ nya. ɔni ɔ da mu ɔ le ne, eghuli ni uzeva ɔa ya ramhi ɔli eĝbe.†

Ebe ni a keķe ghi igba eni e miesuɔ ena ęoli iPagamu

¹² “Keķe ona ghi aĝeni na igbaa oyi eni e mie iJesu iKirisiti suɔ na iPagamu. “Enana e khi ingmemhi eyi ɔni ɔ mhɔli itakobi ɔzalo-eva ni o lolo ę mu.

¹³ Mhi leşe ashini a la, ikhi ashini ɔkphaghie ɔ ri ukpeķhomhi oyɔli shi. Ama a kie mu eva oyemhe mhue. Aa kie irudunga ni a mhɔli na mhe. Gbo li shi eĝheĝhe oyi Atipasi, ni ɔ khi ɔtsęle oyemhe ni ɔ migha shi igesikia, ni a gbe-a shi ifu apfe oyęę ashini ɔkphaghie ɔ ngeli.

¹⁴ Ama mhi mhue ikuku ingme shi ę eĝbe. A mhɔli eĝbo eghuo iteva oyęę ni e mu oseę oyi iBelamu mhue. Lɔli ɔ seşe oghie iBalaki ɔ di eĝbo iZireni lo olamhe. Eri ɔ gueye we e le eminale ni a rɔ luase obo na ikhumhi ali e ke ku itsebo.‡

¹⁵ Igho a gbo mhue eĝbo ni e mu oseę oyi iNkolaita mhue.

¹⁶ Irarigho, a mupfi. Ini ɔa khi igho, mhi ya keķe bhale ya ri itakobi ni o la mhe unu nu we kholi.

¹⁷ ɔni ɔ ze eso ɔ rɔ suɔ abi Ayemhe ɔ gueye igbaa oyi eni e mie iJesu iKirisiti suɔ nya. ɔnini ɔ da mu ɔ le, mhi ya ri ibuleđi eghuo ni a rɔ sheli na li le. Mhi gbo li ya ri eķe opfopfo na li ni a keķe eva onogbo shi, ni ɔgbo okhoghuo ɔa leşe, se ni ɔgbo ni ɔ mie oni eķeli.*

Ebe ni a keķe ghi igba eni e miesuɔ ena ęoli iTiatira

¹⁸ “Keķe ona ghi aĝeni na igbaa oyi eni e mie iJesu iKirisiti suɔ na ęoli iTiatira: Enana e khi ingmemhi eyi Omi Eshineĝba ni ɔ mhue ikpamhi alo ni e ĝe abi eļemhi erali, ni awe eyoli e li abi ide.

¹⁹ Mhi leşe ikanya eye ę, abi a li mhɔli inono ali irudunga ali abi a li ga egbe ę ali iregbemhi na a mhɔli. A gbolo ę rięle memena doşe abi a te eķe li.

²⁰ Ama mhi mhue ingme onana ni mhi ya gue shi ę eĝbe. A mie ɔni ɔkpotso ijezebe ogho lama, ɔni ɔ lu eĝbɔli ɔmeķeĝuele. Rote oseę oyoli ɔ te di eni ęę ga eyemhe ya lo itsebo, ni e gbolo a le eminale ni a rɔ luase ikhumhi.†

²¹ Mhi she ri eĝheĝhe na li ni ɔ rɔ mupfi lase itsebo eyoli le, ama ɔa ghole ɔli.

²² A ghe i, mhi ya ri ughuamhi pfi ɔli gbe she ukpho osoli, mhi ya pfi eĝbo ni e nu ɔli kia okia lo osoli, seę ni e mupfi lase ode ɔkholo oyoli le.

²³ Mhi ya ri eghuli gbe imiɔli, eĝheĝhe agho eni igbaa nya eyi eni e mie iJesu iKirisiti suɔ e ya leşe khi mhemhe khi ɔni ɔo bino udu ali isamhi eyi ɔgbo. Mhi ya fali ę ota abi ɔgboĝbo ɔ li gbe.‡

²⁴ “Ama ęę ni e kpole shi ęoli iTiatira ni ęa lama mu oseę eyi ijezebe mhue, ni aa lama wena owęna eyi ɔkphaghie ni ęę lu osheli ni e limhi, mhi aa ya khi omheşe olese nga ę ike.

† 2:11 Li ze Iro 20.14; 21.8 § 2:14 Li ze iNɔba 22.5,7; 31.16; iDeut 23.4; iNɔba 25.1-3 * 2:17 Li ze Okiali 16.14-15; 16.33-34; iJon 6.48-50; Aza 62.2; 65.15 † 2:20 Li ze 1 Ighie 16.31; 2 Ighie 9.22,30 ‡ 2:23 Li ze Iwolo 7.9; iJere 17.10; Iwolo 62.12

²⁵ A lẹṣe mu emini a mhọli mhue obọ egbegbo ya ramhi ni mhi ro ya bhale.

²⁶ Oni o mu o le, ni o ri oguemuhe oyemuhe gbe ya ramhi ukpese, mhi ya ri ishishi nali ke mheshe shi.

²⁷ O ya ri akhuli mhue obọ ke mheshe na we, o ya guogho we-a abi a lie ma ekhe. §

²⁸ O ya mhọli afu onabi mhi rote obọ oyi Itamhe mie. Mhi gbo ri ukpetata anukpesumegie na eluzogbe na li.

²⁹ “Oni o ze eso, o ro suo abi Ayemuhe o gueye eni igbaa nya oyi eni e mie iJesu iKirisiti suo.

3

Ebe ni a keke ghi igba eni e miesuo ena eoli iSadisi

¹ “Keke ona ghi agheni na igbaa oyi eni e mie iJesu iKirisiti suo na eoli iSadisi.

“Enana e khi ingmemhi eyi oni o mu iyemuhe ishilua eyi Eshinegba ali ikpetata ishilua mhue. Mhi lẹṣe ikanya eye. A mhọli eva onete abi ezeze khi a la agbo, ama eri a ghua.

² A guale ni a zese emini o kpo e le-a ni e nono ni e ghua. Irari khi mhi me ikanya eye khi ea gba pfo odalo oyi Eshinegba oyemuhe.

³ A ri itobo igho sato emini a she mie ni a suo, a ri oli gbe akanya, a mupfi. Ama ini aa da guale, mhi ya bhale abi oghiat, aa ya lẹṣe eghenge ni mhi ro ya bhale na e.*

⁴ Abi o kie li ena, a kie mhue egbo eghuo eoli iSadisi ni ea ri ichimhi mu itsua eyewe. E ya so itsua epfopfo nu mhe kia, irari khi e te o.

⁵ Oni o mu o le, igho o li ya so itsua epfopfo. Mhi aa ya shishi eva oyoli ebe ni a keke eva oyi eni e ya mhọli agbo na agboagbo shi-a. Ama mhi ya ngme ingme oyoli le khashe itamhe ali igeni eyoli.†

⁶ Oni o ze eso, o ro suo emini Ayemuhe o gueye eni igbaa oyi eni e mie iJesu iKirisiti suo nya.

Ebe ni a keke ghi igba eni e miesuo ena eoli iFiladefia

⁷ “Keke ona ghi agheni na igbaa oyi eni e mie iJesu iKirisiti suo na eoli iFiladefia. Ena e khi ingmemhi eyi oni o pfuase, ni o khi igesikia, ni o mhọli okpe oyi iDefidi. Oni o kha khueghie-a, ogbo o la o ni o dobe ya khukhu, oni o kha khukhu, ogbo o dobe khueghie-a.‡

⁸ Mhi lẹṣe ikanya eye e. A ghe i, mhi she khueghie ode-a shi eke na e, ni ogbo o dobe ya khukhu. Mhi lẹṣe khi ukuku itoto a mhọli, abotseku khi igho, a kie ri ungemhi oyemuhe e gbe akanya, aa tige kie eva oyemuhe.

⁹ A ghe i, mhi ya ri eni e la owa ugamhi oyi okphaghe ni e lu egbewe iju ni o khia khi egholi e lo, bhale ya nyese ukhomhi shi e ufuege ni e lẹṣe khi mhi nono ingme oyeye. §

¹⁰ Irari khi a ri omheshe oyemuhe gbe akanya ni o gueye e a ri irabomudu ri egbe mie, mhi ya rue e imufe le, ni o do bhale eke agbo nya. Imufe ni o ya mu agbo na agbo nya fe bino.

¹¹ Mhi ya keke bhale. Mu emini u mhọli mhue toto, ini ogbokhoghuo o khi mie e arula oghie oyeye.

§ 2:27 Li ze iwolo 2.8-9 * 3:3 Li ze iMat 24.43-44; iLuk 12.39-40; Iro 16.15 † 3:5 Li ze Okiali 32.32-33; iwolo 69.28; Iro 20.12; iMat 10.32; iLuk 12.8 ‡ 3:7 Li ze Aza 22.22; iJobu 12.14 § 3:9 Li ze Aza 49.23; 60.14; 43.4

¹² Oni o da mu o le ne, mhi ya roli khi oche elemhi Owa ugamhi oyi Eshinegba oyemhe. Oa ya tigbe rote agho vu. Mhi ya keke eva oyi Eshinegba oyemhe shi oli egbe, li shi eva oyi eoli oyi Eshinegba oyemhe ni o khi iJerusalemu onogbo, ni o rote Eghiele oyi Eshinegba oyemhe e tiemhile ali eva onogbo oyemhe.*

¹³ Oni o ze eso, o suo emini Ayemhe o gue e ye eni igbaa oyi eni e mie iJesu iKirisiti suo nya.

Ebe ni a keke ghi igba eni e miesuo ena eoli iLaodisha

¹⁴ “Keke ona li ghi agheni na igbaa oyi eni e mie iJesu iKirisiti suo na eoli iLaodisha. Enana e khi ingmemhi eyi Atse, ni o khi otselē oni o ze ri egbe e nga, ni o khi igesikia, oni o mhesē e na emini Eshinegba o ma nya.†

¹⁵ Mhi lese ikanya eye e khi, aa mhue utomhi wekhi eri a pfo. O kha ti ini a khi oghuo o lo.

¹⁶ Irarigho, itobo khi a rimhe, ni aa ro to wekhi eri a pfo, mhi ya rote unu oyemhe to e pfia.

¹⁷ Irari khi a lie, ‘Mhi pfue, mhi she ti epfue ma, mhi aa ke mhue emini o to mhe.’ Ama aa lese khi egbo eyemhe a khi, eni a vie osoli e na, ena umhame, ni e khi ezalo ali ebanqa.

¹⁸ Irarigho, mhia ye e ude ni a nu mhe de elomho ni a ri erali nye-a ini a mele eni e pfue-a, ni a mholi itsua epfopfo ni aa so, ni a ro khukhu irumheba omama eye e. Ni mhi ri ogugu na e vi shi alo ni a ke me eke.

¹⁹ Egbo ni mhi nono ingme oyewe, mhi ya dese, mhi gbo sheshe we shi ode, irarigho a mhue omuegbe ni a mu nyene.‡

²⁰ A ghe i! Mhi migha ode mhia kpheli obo o, ini ogbokhoghuo o suo uruli oyemhe ni o ro khueghie-a na mhe, mhi ya lo le, mhi nu oli le, o nu mhe le.

²¹ Oni o mu o le, mhi ya lama na li ni o nu mhe shito ukpekhomhi oghie oyemhe, ezeze abi mhemhe mhi li mu o le ni mhi nu Itamhe shito ukpekhomhi oghie oyoli.

²² Oni o ze eso, o ro suo emini Ayemhe o gueye eni igbaa nya eyi eni e mie iJesu iKirisiti suo.”

4

Ugamhi na iloghie

¹ Abi mhi ro me ena dose se, mhi ke gbo me imeke olese. Mhi me khi ode o khueghie-a shi iloghie, mhi suo khi uruli ni o kpe nu me mhe ngme abi akala. Oo mhe, “Bhale odane ana, khi mhi ya re khasē emini a ya me ini ena e dose se.”

² Utoghuo kpe mhi la elemhi Ayemhe, mhi me odalo oyemhe khi ukpekhomhi o migha iloghie, khi ogbo o shito nga o.

³ Oni o shito o, o li abi eche ni oo ge ni a lu ijasipa ali ikaneliani. Ogaji ni o li abi eche ughegbe ni a lu emeradi o vi gasē oni ukpekhomhi.*

⁴ Ipekhomhi uye ali ene elese e la gasē oni ukpekhomhi. Egbhali uye ogbo ali aane e shito eni ikpekhomhi. E so itsua epfopfo, e rughu irula oghie igolu shi ukhomhi.

⁵ Rote oni ukpekhomhi oghie, inyamhisalo amē ali ingmolo oyi akphala e te o o lasele. Rote oni ukpekhomhi oghie ikpa ishilua e lala ni e khi Ayemhe ishilua eyi Eshinegba.†

* 3:12 Li ze Iro 21.2; Aza 62.2; 65.15 † 3:14 Li ze Ekpi 8.22 ‡ 3:19 Li ze Ekpi 3.12; Iburu 12.6 * 4:3 Li ze Ezik 1.26-28; 10.1 † 4:5 Li ze Okiali 19.16; Iro 8.5; 11.19; 16.18; Ezik 1.13; Iro 1.4; iZaka 4.2

6 Ali khi oni ukpekhomhi khi emini o li abi okę ighegbe onięmhi o la odalo ọli ni o pfuase ni a te ę me eke gboo.

Elamhako aane ni e mhuę ayemhe ni e ze alo gasę egbe odalo ali ukhokho, e le gasę oni ukpekhomhi oghie roli shi iteva.

7 Emini o mhuę ayemhe onodode o li abi idu, onuzava o li abi ęna, onuzase o ze alo abi ogbo, onuzi-aane o li abi akpa odegbe ni oọ fiala.‡

8 Eni elamhako aane ena e mhọli ipfua esesa esesa, e mhọli ikpamhi alo gasę idiegbe, li ghe elemhi ipfua eyewe, Efe oguota ali efe iyose ęa tigbe ę yemhe-a, eri e lese lie,

“Ipfuase, ipfuase, ipfuase
khi Eshinegba Onomhue

Nofune nya,

Oni o khi loli,

ni o kie kpe khi loli,

ali ni o ya bhale.”§

9 Ini eni elamhako aane egbo e da ri ufumhi ali ekpe ali ikphemhi na oni o shito oni ukpekhomhi oghie ne, ni o laọ a le efe na agboagbo,

10 eni egbhali uye ogbo ali aane egbo, e de ya yeshi na oni o shito oni ukpekhomhi, e ri kphemhi na oni laọ a le efe na agboagbo. E gueghie irula eghie eyewe shi eke odalo oni ukpekhomhi oghie, ęę lie.

11 “U teọ Onomhue ali

Eshinegba oyanye,

Ni o mie ufumhi

ali ekpe ali ekpabo,

Irari khi yeye u ma emhikpa.

Oghumhe oye u ro ma we,

loli e gbo ro laọ abi a li ma we.”

5

Ebe ali Omi Osumha

1 Mhi ke gbo me oni o shito oni ukpekhomhi oghie khi o mu ebe ni a keke emhi shi odalo ọli ali ukhokho ọli mhuę obita. A ri erueli rote asha ishilua to ọli ma.*

2 Mhi me ageni ni o fune ni o tseşe ngme leghe oọ lie, “Oghuo o ya dobe maghie eni erueli oni ebe-a?”

3 Ama ogbokhoghuo ọa la iloghie, wekhi eke agbo, wekhi ikpoke na agbo, ni o dobe khueghie oni ebe-a, ukeneta khi eri o dobe ya bino elemhi oni ebe.

4 Mhi vie egbegbo irari khi aa me ogbo ni o teọ ni o ya khueghie oni ebe-a wekhi ni o bino elemhi ọli.

5 Otuoghuo eni egbhali egbo oọ mhe, “Khi ke vie! Ghe khe, Odumhi na unekpe oyi ifuda, Omiomi idefidi o she mu o le. O dobe ya khueghie oni ebe-a ali erueli ishilua eyoli.”†

6 Igbo mhi me khi Omi Osumha khi o migha odalo oyi oni ukpekhomhi oghie ni elamhako aane egbo, ali eni egbhali e gasę. O li abine khi a she kpe gbe ọli-a. O ze ekphali ishilua ali ikpamhi alo ishilua ni e khi Ayemhe ishilua eyi Eshinegba ni o she ghie je eke agbo nya.‡

7 Oni omi osumha o le ya rue oni ebe obita oyi oni o shito oni ukpekhomhi oghie.

‡ 4:7 Li ze Ezik 1.22,5-10; 10.14 § 4:8 Li ze Ezik 1.18; 10.12; Aza 6.2-3 * 5:1 Li ze Ezik 2.9-10; Aza 29.11 † 5:5 Li ze Igbae 49.9; Aza 11.1,10 ‡ 5:6 Li ze Aza 53.7; iZaka 4.10

8 Abi o ro rue oni ebe se, eni elamhako aane egbo ali egbhali uye ogbo ali aane, e de yeshi odalo oyi oni Omi osumha. Wewe nya ogbogbo o mu efa mholi obo ali itasa igolu ni ituale afu era ni a tose e vo, ni e khi iromhi ni eni Eshinegba o she pfa na e so.[§]

9 E to uwolo onogbo, e lie,
 “U te oni o rue oni ebe,
 u gbo te oni o ya maghie
 erueli ni a ro ma o-a,
 Irari khi a gbe-a,
 U ri o lia eye de egbo
 na Eshinegba,
 egbo ni e rote agbo nya bhale
 rote unuekpe nya ali
 emu e ododa ali egbo ododa nya.*

10 U rewe mele ighie
 ali ekpodalo-ugamhi ni e ga
 Eshinegba oyawa-a.

E ya la agbo ke mhese.”†

11 Mhi bino mhi suo iruli eyi igeni ebubu ni e ramhi igbele ali idududu. E le gase oni ukpekhomhi oghie ali elamhako egbo ali eni egbhali.‡

12 E ri ukpokpomhi uruli i to uwolo, e lie,
 “Oni o teo Omi osumha
 ni a gbe-a o khi,
 ni o mie ekpabo ali epfue
 ali ileasingme ali itoto,
 ali ekpe ali ufumhi
 ali ikueghie!”

13 Mhi tigbe suo khi emhikpa ni a ma na iloghie ali eke agbo ali ikpoke na agbo ali ena oke oni emhi ali emini e lao elemhi o ni nya khi e to uwolo, e lie,
 “Oni o shito oni ukpekhomhi
 ali Omi osumha,

Ikuighie ali ekpe
 ali ufumhi ali ekpabo,
 e khi eye e, rote
 agbogbo ya je agbogbo!”

14 Eni elamhako aane egbo e li, “Atse,” eni egbhali egbo, e de yeshi, e ga li.

6

Eni erueli

1 Mhi tokpe bino abi oni Omi Osumha o ro maghie erueli onodode elemhi eni erueli ishilua-a. Mhi suo khi oghuo eni elamhako egbo o ngme abi uruli akphala, o o li, “Bhale!”

2 Mhi bino, ghe achi opfopfo odalo oyemhe khe! Omose ni o nga li o mu usheli mhue, a ri arula oghie na li, o nga oni achi ya fie abi okholi-okhue ni o kholi mu o le ni o gbo vu ya kholi mu o le.*

3 Abi oni Omi Osumha o ro maghie erueli onuzi-eva-a, mhi suo khi elamhako onuzava o ngme, o o li, “Bhale!”

§ 5:8 Li ze Iwolo 141.2 * 5:9 Li ze Iwolo 33.3; 98.1; Aza 42.10 † 5:10 Li ze Okiali 19.6; Iro 1.6

‡ 5:11 Li ze iDan 7.10 * 6:2 Li ze iZaka 1.8; 6.3,6

4 Mhi mẹ khi achi olese ni ọọ yilẹ nyọgho ọ fiẹ lasele. A ri afu na ọni ọ nga li ni ọ rọ rue opfomhẹ eke agbọ-a, ni ọ rọ ri ẹgbọ ke gbolo egbe wẹ-a. A ri ọgbhoro oniemi na li.†

5 Abi ọni Omi Osumha ọ rọ maghiẹ ẹruẹli onuzi-esẹ-a, mhi suọ khi elamhako ọnuzi-aasẹ ọ ngme, ọọ li, “Bhale!” Mhi bino, ghe achi ọbishi odalo oyemhẹ khẹ! Oni ọ nga li ọ mu emini a rọ ọ mhẹsẹ ukhomhi oyi emhi.‡ 6 Mhi suọ khi emini o li abi uruli o la elemhi ifuabọ oyi eni elamhako aane egbo ngme, ọọ liẹ, “Ifata ogbeleghuo a ri ago oghuo oyi ado ẹ de, idiakpala esẹ oyi ọakpa, o li migha shi ifata ogbeleghuo. Khi yese oili olivu-a ali onyo!”

7 Abi ọni Omi Osumha ọ rọ maghiẹ ẹruẹli onuzi-ene-a, mhi suọ khi uruli oyi elamhako ọnuzi-aane ọọ li, “Bhale!”

8 Igho mhi mẹ achi ni ọ li abi ọni ọ ya ghu-a. Oni ọ nga li a lui Eghuli, ali eghiele ilimhi oo deba li udidi, a ri afu na wẹ ni e rọ ri ọgbhoro ali okiamhi ali ighuamhi ali elamhako okhena gbolo ẹgbọ iku akemhishi asha ene ẹgbọ na eke agbọ-a.§

9 Abi ọni Omi Osumha ọ rọ maghiẹ ẹruẹli onuzi-ishe-a, mhi mẹ iyemhẹ eyi ẹgbọ na gbolo-a irari ungmemhi oyi Eshinẹgba ali ọtsẹlẹ ni e mu mhuẹ ufui oni atete.

10 Ee viẹ leghe, e liẹ, “Onomhẹ ni ọ khi ọna ipfuasẹ ali igesikia, eghẹghẹ onoghuo u rọ ya gue ẹgbọ na agbọ ẹzo, ni u rọ ya ye okhuẹ ọlia eyi anye obo oyewẹ na anye?”

11 Eghẹghẹ agho, a ri itsua epfopfo na wẹ. A gueyẹ wẹ e migha ne ukuku ọ, ramhi eghẹghẹ ni eni ẹẹ gba nabi wẹwẹ etuangmẹ ni a nono ni a li gbolo-a e rọ ya gba. Ezezẹ abi a li gbolo wẹwẹ-a.

12 Mhi bino abi ọ li khueghie ẹruẹli onuzi-esesa-a. Ukpokpomhi eke o kuluẹ. Ovo o bishi-a abi ode abuma ni a ri iriria elamhi do. Uki nya o yilẹ-a abi ọlia.*

13 Ikpetata na idane e deno kule eke abi ikpamhi okhua-eni ni ẹa yilẹ ne e liẹ de kule ini akpekpeli ni o ze o jighise wẹ.

14 Irarogbe o khili ode-a abi a liẹ khili ighelẹ eke-a. Ite nya ali eke ni e la iteva oke, a rue wẹ ashini e la le.†‡

15 Eghẹghẹ agho, ighie na eke agbọ ali ekhemhẹ ali idenomọ okhọli ali eni e mhọli ẹpfue ali eni e mhọli ekpabọ ali ọgbokpa ali ighumha ali eni ẹa khi ighumha, e na ya sheli ifui irui ali echẹ na ite.§

16 Ee viẹ lu ite ali echẹ eniemhi, e liẹ wẹ, “A de mu anye ni a ri anye sheli ẹloẹ oyi ọni ọ shitọ oni ukpekhomhi oghie ali ofu oyi ọni Omi Osumha!”*

17 Irari khi ogbele ofu oniemi oyi Eshinẹgba o she ramhi ni o rọ ya tiemhile shi wẹ ọ, ọghuo ọ dobe ya migha?††

7

Egbọ agbele egbhueshilua ali ene (144,000) ni a shi ojele

1 Ona o dosẹ sẹ, mhi ke gbo mẹ khi igeni aane e migha iguabọ enenene na eke agbọ. E mu akpekpeli enenene na iguabọ eke agbọ gba ini akpekpeli o khi ke li eke agbọ, wẹwẹ ukhomhi oke oniemi wẹwẹ ẹera.*

† 6:4 Li zẹ iZaka 1.8; 6.2 ‡ 6:5 Li zẹ iZaka 6.2,6 § 6:8 Li zẹ Ezik 14.21 * 6:12 Li zẹ Iro 11.13; 16.18; Aza 13.10; iJoẹ 2.10,31; 3.15; iMat 24.29; iMak 13.24-25; iLuk 21.25 † 6:14 Li zẹ Iro 16.20 ‡ 6:14 Li zẹ Aza 34.4 § 6:15 Li zẹ Aza 2.19,21 * 6:16 Li zẹ Osia 10.8; iLuk 23.30 † 6:17 Li zẹ iJoẹ 2.11; iMala 3.2 * 7:1 Li zẹ iJere 49.36; iDan 7.2; iZaka 6.5

² Igho mhi ke me ageni olese khi o roṭe obini ovo o te e ngale lasese, o tsua akhuli ni a ro o shi emhi oḡeḡe oyi Eshineḡba ni o la agbo. O ri uruli na leghe lu eni igeni aane egho ni a ri ekpabo na ni e ro yese eke ali oke oniemihi-a.

³ Oo we, “A khi yese eke-a wee oke oniemihi wee eera, se khi awa shi oḡeḡe shi eni ege ga eyi Eshineḡba alukpo se.”†

⁴ Igho mhi suo khi eni a roṭe elemhi edeli eyi iZireni nya shi oḡeḡe, e ya khi eḡbo agbeḡe egbhuḡeshilua ali ene (144,000).

⁵ A roṭe unuekpe oyi iJuda,
shi oḡeḡe shi eḡbo
agbeḡe igbeva egbe (12,000).

A roṭe unuekpe oyi iRubeni,
shi oḡeḡe shi eḡbo
agbeḡe igbeva egbe (12,000).

A roṭe unuekpe oyi iGadi,
shi oḡeḡe shi eḡbo
agbeḡe igbeva egbe (12,000).

⁶ A roṭe unuekpe oyi iAsha,
shi oḡeḡe shi eḡbo
agbeḡe igbeva egbe (12,000).

A roṭe unuekpe oyi iNafutali,
shi oḡeḡe shi eḡbo
agbeḡe igbeva egbe (12,000).

A roṭe unuekpe oyi iManase,
shi oḡeḡe shi eḡbo
agbeḡe igbeva egbe (12,000).

⁷ A roṭe unuekpe oyi iSamo,
shi oḡeḡe shi eḡbo
agbeḡe igbeva egbe (12,000).

A roṭe unuekpe oyi iLiva,
shi oḡeḡe shi eḡbo
agbeḡe igbeva egbe (12,000).

A roṭe unuekpe oyi iSaka,
shi oḡeḡe shi eḡbo
agbeḡe igbeva egbe (12,000).

⁸ A roṭe unuekpe oyi iZebulo,
shi oḡeḡe shi eḡbo
agbeḡe igbeva egbe (12,000).

A roṭe unuekpe oyi iJosefu,
shi oḡeḡe shi eḡbo
agbeḡe igbeva egbe (12,000).

A roṭe unuekpe oyi iBejami,
shi oḡeḡe shi eḡbo
agbeḡe igbeva egbe (12,000.)

⁹ Ona o dose se, mhi bino, ghe ebubu eḡbo ni ogbokhoghuo oḡa doḡe ya leli khe! Ishishi khi ishishi ali unuekpe nya ali eḡbo ali emuḡe oḡoḡa e te bhale. Igho e migha odalo oyi oni ukpekhomhi oghie, e migha odalo oyi oni Omi Osumha, e sono itsua epfopfo, e muno eyamhi mḡoli abo.

¹⁰ E tseḡe leghe, e liḡ.
“Eshineḡba oni o shito
oni ukpekhomhi oghie,

† 7:3 Li ze Ezik 9.4,6

Ọ mhọli ekpabọ

ni ọ rọ mie ẹgbọ eyọli pfuese,
ighọ li khi ọni Omi Osumha.”

¹¹ Igeṅi nya e migha gaṣẹ ọni ukpẹkhomehi oghie, ali eni egbhali ali elamhako aane e de ta alo mu ekẹ odalo oni ukpẹkhomehi oghie e ga Ẹshinẹgba.

¹² E liẹ,
“Atse!

Ikueghie ali ufumhi,
ali ẹgbhe ali
ikpẹmhi ali ekpe,
ali ekpabọ ali itoto,
e khi eyi Ẹshinẹgba oyawa,
ẹlẹ na agbọagbọ.

Atse!”

¹³ Ighọ ọgbhali ọghuo elemhi wẹ ọ nu mhe ngme ọ mhe, “Eghuo egho e khi ni e sọṅo itsua epfopfo? U lẹṣe obini e tẹ bhale?”

¹⁴ Mhie ọli, “Ọga, yeye u ya lẹṣe.”‡

Ọọ mhe, “Ena e khi eni e pfue oni ukpokpomhi ajilimhe, e she pfue itsua eyewe-a, e ri ọlia eyi ọni Omi Osumha rewe pfuase.

¹⁵ Irarigho,
“E rọ migha odalo
ukpẹkhomehi oghie
oyi Ẹshinẹgba.

Ni e la

elemhi Owa oyi Ẹshinẹgba oyọli
ke ga li ẹlẹ ọguota ali ẹliyose.

Ọni ọ shitọ oni
ukpẹkhomehi oghie oyọli,
ọ ya ri okhọlo oyọli
khukhu wẹ.

¹⁶ Okiamhi ọa ke
gbo ya gbe wẹ ghue,
wekhi okiamẹ o ke ya gbe wẹ ghue.
A ya khukhu wẹ ovọ erere,
ọa ke toṣe wẹ ghue. §

¹⁷ Irari khi ọni Omi Osumha
ni ọ migha odalo oni
ukpẹkhomehi oghie,
ọ ya ri ẹloe ke khu wẹ.
O rewe je okẹ amẹ
ni o ri agbọ a na ọgbọ.

Ẹshinẹgba ọ ya shishi wẹ amevie alo-a.”*

8

Eruẹli onuzi-ishilua

¹ Abi ọni Omi Osumha ọ rọ maghie eruẹ onuzi-ishilua-a, iloghie o kekeke elemhi iminiti uye ali igbe.

² Ighọ mhi me igeni oshilua ni ẹẹ migha odalo oyi Ẹshinẹgba, khi a ri ikala ishilua na wẹ.

‡ 7:14 Li zẹ iDan 12.1; iMat 24.21; iMak 13.19 § 7:16 Li zẹ Aza 49.10 * 7:17 Li zẹ Iwolo 23.1; Ezik 34.23; Iwolo 23.2; Aza 49.10; 25.8

3 Ageni olese o bhale ya migha atete. O tsua ilolo oyi elomho. A ri afu ituale ne e bu na li ni o ya tose, gbo li shi iromhi ni eni Eshinegba o she pfa na e so. O la oni atete elomho ni o la oni eghiele tose we.*

4 Ewoli eyi oni ituale afu era ni aa tose ali iromhi eyi eni Eshinegba o she pfa na, e rote obo oyi oni ageni nga idane deba Eshinegba.

5 Igho oni ageni o rue oni ilolo, o we erali ni e la ukhomhi oni atete vo o. O pfi oli tiemhi eke agbo, igho ikphala e de, ali ingmolo, ali inyamhise alo ame, ali eke ikulu.e.†

Eni ikala

6 Mena, igeni oshilua ni e mholi ikala ishilua e mu egbe ni e ro pfi we.

7 Ageni onodode o pfi akala oyoli, ech e ame ali erali e kuma o lia wushe kugbe, e de ku shi ekexhe. Ukiekie opfoghwo akemhishi ese oyi eke agbo, o to-a. Asheghuo akemhi shi ese oyi era nya e toa, ebuli nya e toa.‡

8 Ageni onuzi ava o pfi akala oyoli, emini o li abi ute o lala, a pfi oli lo oke oniemi. Ukiekie oghwo ini a kemhi oni oke oniemi shi asha ese o mele o lia-a

9 asheghuo akemhi shi ese elamhako ni e la o e ghuloo, asheghuo akemhishi ese oko-oke oniemi ni e la oni oke e tseke-a.

10 Ageni onuzase o pfi akala oyoli, ukpokpomhi ukpetata ni o lala abi ugbili, o rote idane pfa, o de ya shi asheghuo akemhi oke nya shi asha-ese ali inu we ni oke e te e chocho.§

11 Eva oyi oni ukpetata a lu Oyala. Asheghuo akemhi-shi ese ame eyi oke nya ni o de pfilo egho e yala, ebubu egho e ghuloo irari khi eni ame oke e yala.*

12 Ageni onuzi-aane o pfi akala oyoli, a gbe emhi shi asheghuo akhi ovo-a shi asha ese, ali akhi uki-a shi asha ese, ali akhi ikpetata-a shi asha ese. Eni asha esese ena e bishi-a. A khi ogbe-a shi asha ese, o bi obili-a, igho a li li khi eliyose-a shi asha ese, akpa o a ge.†

13 Abi mhi li bino egho, mhi suo khi akpa odegbe ni o la irarogbe fiala, o vie, o lie, "Epfua, Epfua! Epfua o khi na eni e la eke agbo itobo ikala ni igeni aase enekpole e ya pfi."

9

1 Ageni onuzi-oshe o pfi akala oyoli. Mhi me ukpetata ni o rote idane de tiemhile ekexhe. A ri okpe oyi ode oyi ilimhi na ningolo na li.

2 Abi o ro khueghie ode oyi oni ilimhi na ningolo-a, ewoli e rote o lasese abi ewoli ni e rote avuer e lasese. Ovo ali irarogbe e bishi-a irari eni ewoli ni e rote oni ilimhi na ningolo lasese.*

3 Initso e rote eni ewoli ve e kule eke agbo, a ri afu na we ni e ro mhue ekpabo nabi eyi izage.†

4 A gueye we e khi ri unu ti ebuli ali emhi ekomhi okhoghuo wekhi ora na eke agbo, ama e ke nase egho ni ea mholi o lele oyi Eshinegba shi alukpo oyewe.‡

5 Aa lie we e gbolo eni egho ena-a, ama ni e ro nase we iki ishe. Utomhi ni e to we, eri e li abi utomhi oyi okpi ini o ta ogbo.

6 Egheghe ni a ngme ena, egho e ya ke nono eghuli ama ea ya me, o ya ghole we ni e ghu-a ama eghuli o ya me we na.§

* 8:3 Li ze Emo 9.1; Okiali 30.1,3 † 8:5 Li ze i Lev 16.12; Ezik 10.2; Okiali 19.16; Iro 11.19; 16.18 ‡ 8:7 Li ze Okiali 9.23-25; Ezik 38.22 § 8:10 Li ze Aza 14.12 * 8:11 Li ze i Jere 9.15 † 8:12 Li ze Aza 13.10; Ezik 32.7; i Jof 2.10,31; 3.15 * 9:2 Li ze Igbae 19.28 † 9:3 Li ze Okiali 10.12-15 ‡ 9:4 Li ze Ezik 9.4 § 9:6 Li ze i Jobu 3.21; i Jere 8.3

7 Eni initso e li abi ichi ni a mu egbe shi okhōli. E rughu emini o li abi arula oghie igolu shi ukhomhi, alo eyewẹ e li abi alo egbo.*

8 Itsu eyewẹ e li abi itsu eyi ikpotso, akọ eyewẹ e li abi akọ idumhi.†

9 E zẹ ipfiapfia shi egbe abi awulu akhuli ni okhōli-okhue ọ rọ a mu aye. Okeke ni ipfua eyewẹ e kpe, e li abi okeke oyi ichi ikhuli ni e lo bu ni e na le okhue.‡

10 E zẹ ighia ali ẹka, ee ta abi ikpi, e mhōli ekpabọ shi eni ighia ni e rọ na egbo osoli iki ishe.

11 E mhōli oghie oyewẹ ni ọ khi aḡeni oyi ilimhi na ningolo. Abi a lu eva oyoli o khi Abadoni a lu ọli ẹlemhi Iburu. Ama Apoliṅi a lu ọli ẹlemhi iGiriki. (Oni ọ Yese-a a ri ona ngme.)

12 Epfua onodode ó she doṣe, ama epfua eva elese ẹa bhale ne.

Akala onuzi-esesa

13 Aḡeni Ọnuzi-osasa ọ pfi akala oyoli, mhi suo khi uruli o rọte igo ene oyi atete igolu ni o kpọ eke le ni o la odalo oyi Eshinegba ngme lasese.§

14 Ọ gueye ọni aḡeni Ọnuzi-osasa ogho ọọ li, “Taghie iḡeni aane ni a ge shi epfe oke oniemi na lu iYufiretisi-a.”

15 Igho a li rue eni iḡeni aane egho obo-a, ni a she ge shi agho, rọ khe oni eghẹghẹ ona, ali ogbele ali uki ona, ali ukpe ona, ni e ya gbolo egbo igbekhi ese na eke agbo ona-a.

16 Ekhōli-okhue etuangme ni a rọ shi eke e khe okhōli e bu ramhi udududu asha egbhuegbe, 200,000,000. Mhi suo etuangme ni a lu we.

17 Abi eni ichi ali eni e nga we e li na, abi mhi me we elemhi imealo oyemhe. Iwulu ikhuli ni ekhōli-okhue e rọ ọ mu aye eyewẹ, ee yile nyoghọ abi erali, e li abi egholi ibulu na koli, o mhōli oyile abi ofu. Ikhomhi eyi eni ichi e li abi ikhomhi idumhi, erali, ewoli ali ofulu e rọte we unu lasese.

18 Igbekhi asha ese egbo nya, eni erali ali ewoli ali ofulu ni e rọte we unu lasese e gbolo-a.

19 Ekpabọ eyi eni ichi e la we unu ali ighia. Irari khi eri ighia eyewẹ e li abi enye, e zẹ ikhomhi ni e rọ kuale egbo utse.

20 Egbo ni e kpole shi agbo ni oni opfuse ọa gbolo-a, ẹa kie mu pfi lase ikanya abo eyewẹ le. Ẹa lase ekphaghie igaga le, li shi ugamhi eyi ikhumhi ni a ri igolu ali elomho ali ide ali ẹra khali. Ikhumhi ni ẹa ya me eke wekhi eri ẹe suo eso, wekhi eri e doḡe ẹ kia.*

21 Wekhi eri e lama mu pfi lase ugbeli le, ali imhese imumu ali itsebo ilili ali ighiatọ idodo.

10

Oni aḡeni ali ebe nikeke

1 Igho mhi me aḡeni nofunẹ olese, khi ọ rọte idane e tiemhile, ọ ri otughunu khukhu egbe, ogaji o vi gasẹ ọli ukhomhi, alo eyoli e li abi ovo, awe eyoli e li abi oche erali.

2 Ọ mhōli ukuku ebe mhōli obo ni o khueghie-a shi eke. Ọ gbosẹ owe obita oyoli shi elemhi oke oniemi, ọ ri owe ogobo nga eke.

3 Ọ ri ukpokpomhi uruli pfi lasele leghe abi odumhi ọọ khoshe. Abi ọ rọ pfi, uruli ikphala ishila e ngme.

* 9:7 Li zẹ iJọe 2.4 † 9:8 Li zẹ iJọe 1.6 ‡ 9:9 Li zẹ iJọe 2.5 § 9:13 Li zẹ Okiali 30.1-3 * 9:20 Li zẹ Iwolo 115.4-7; 135.15-17; iDan 5.23

⁴ Abi eni ikphala ishilua e ro ngme se, mhi nono ni mhi keke shi ebe, ama mhi suo khi uruli o rote idane lie, "Ri emini eni ikphala ishilua egho e ngme sheli, khi keke we shi eke."

⁵ Igho oni ageni ni mhi me ni o migha oke oniemi ali ekekhe egho, o yase obita oyoli nga ukhui.

⁶ O ri eva oyi Eshinegba ni o lao le ele na agboagbo romhi ishe. Oni o ma ukhui ali emhikpa ni e lao, ali eke ali emhikpa ni e la o ali oke oniemi ali emhikpa ni e lao. Oo, "Emhi enana ea ke ya tese ni e ro bhale ya tse.

⁷ Ama khi ogbele ni ageni onuzi-oshilua o da ya pfi akala oyoli, Eshinegba o ya khueghie osheli oyoli-a ni o gba abi o li gue oli ye eni ega ni e khi emekeguele oyoli.*

⁸ Igho uruli ni mhi rote iloghie suo egho o gbo nu mhe ngme, oo mhe, "Le ya mie ageni ni o migha oke oniemi ali ekekhe ighele ebe ni o khueghie-a, ni o la li obo."

⁹ Igho mhi le deba oni ageni mhi o ri oni ebe nikeke ogho na mhe. Oo mhe, "Mo oli le. O ya yese e elemhi-a, ama o ya violo e unu abi iwo."

¹⁰ Mhi mie oni ageni oni ebe nikeke obo, mhi roli le. O violo mhe unu abi iwo, ama abi mhi roli le se, oo yala mhe elemhi.†

¹¹ Igho a gueye mhe, "U mema ya mekeguele shi ebubu unuekpe, ali egho ali emue ododa ali ighe egbe."

11

Eni otsela aava

¹ Igho a ri ufulo ni o li abi ukpokpo ni a ro o mhesem emhi na mhe, a gueye mhe, "Le ya mhesem Owa Ugamhi oyi Eshinegba ali atete ali eni e ga ugamhi akagho.*

² Khi mhesem atukpapfe oniemi oyoli, khi mhesem oli irari khi a she roli na ifeta. Wewe e ya lighi oni eoli no pfuase eke-a elemhi iki egbhueva ali eva (42.)†

³ Mhi ya ri afu na otsela aava eyemhe. E ya meke guele elemhi ogbele agbele ali egbhuegbese (1,260.) E so ide ibuma."

⁴ Otsela aava ena e khi eera olivu eva ali emhi eva ni a ri akpa ru e nga ni e migha odalo oyi Onomhue ni o mhu eke agbo.‡

⁵ Ini ogbokhoghuo oo dua ni loli kwale we utse, erali e rote we unu fie ya tose eni ebe we-a. Ina ebe we ni e nono ni e kwale we utse e mema li ya ghua.

⁶ E mholi afu ni e ro pfi okpe ukhui ini am e o khi rue egheghe ni e ro da me guele ne. E gbo mholi afu ni e ro mu am e oke mele oia-a. E gbo ku ighuamhi khi ighuamhi she eke abi o li ghole we shi.§

⁷ Ini e da pfi o otsela se ne, inyagbemhi ni o ya rote ilimhi na ningolo lasele o ya tsua mu we, o mu we o le, o gbolo we-a.*

⁸ Ilimhi eyewe e ya de yeshi ifui eoli ni o fune ashini a la gbe Onomhue oyewe-a shi apfida. Irokhokho iSodomu ali ijipiti eoli ona o khi.†

⁹ Ogbel e se ali ukhukui, egho na agbo nya ali edeli ali emue ali ushishi e ya ke nise uruli bino ilimhi eyewe, ea lama rewe to.

* 10:7 Li ze Okiali 20.11; iDeut 32.40; iDan 12.7; Emo 3.7 † 10:10 Li ze Ezik 2.8-3.3 * 11:1 Li ze Ezik 40.3; iZaka 2.1-2 † 11:2 Li ze iLuk 21.24 ‡ 11:4 Li ze iZaka 4.3,11-14 § 11:6 Li ze iIghie 17.1; Okiali 7.17-19; iSam 4.8 * 11:7 Li ze iDan 7.7,21; iRo 13.5-7; 17.8 † 11:8 Li ze Aza 1.9-10

¹⁰ Egbo na ekẹ agbo e ya ke ghele shi eghuli ni e ghu, eẹ bọla, e de isomhopfa a ghi egbewe, irari khi emekẹguele aava egbo, e she nase egbo ni e la ekẹ agbo khue.

¹¹ Ama abi ele ese ali ukhukhui e ro dose, Ayemhe oyi Eshinegba ni mhọli agbo o lo we egbe, e vule migha. Ulishi oniemi o lo egbo ni e me we egbe.‡

¹² Igho e suo uruli na leghe o rote idane ngme. Oo we, “Ngale odane oola.” Igho e li nga idane elemhi otughunu. Ebe we e lese fe kpee. §

¹³ Oni eghẹghe a me ukpokpomhi inighise ekẹ ni o ku ekẹ asheghuo akemhishi igbe oyi oni eoli lue. Egbo agbele oshilua, 7,000, e ghulua, ulishi o mu egbo ni e kpole, e kuẹghie Eshinegba ni o la iloghie.

¹⁴ Opfuse onuzi-eva o she dose, opfuse onuzi-ese o kele ya bhale.

Akala onuzi-ishilua

¹⁵ Igho ageni Onuzi-oshilua o pfi akala oyoli, igbo ikpokpo iruli e la idane ngme. Ee lie,

“Eghiele agbo o she mele
eghiele oyi Onomhue oyawa-a,
ali onayi iKirisiti oyoli-a.

O ya mhesẹ ke le agbo agbo.”*

¹⁶ Egbhali uye ali aane ni e shito ukpekhomhi oyewe odalo Eshinegba, e de ya ta alo mu ekẹ ga Eshinegba.

¹⁷ Ee lie,

“Anye ri ikphemhi ne,
Eshinegba Onomhue Nofune nya,
Oni o khi loli, oni o kpe khi loli,
irari khi u she rue
ekpabo eniemhi eye,
u she e mhesẹ.

¹⁸ Abi elemhi e ro bi ishishi,
yeye u li mhọli ofu. †

Eghẹghe o she ramhi
ni u ro ya gue eni eghua ezọ,
ni u ro ya ri eleli na eni eẹ ga eye
ni e khi emekẹguele,
ali eni Eshinegba o she pfa na
ni e ri ekpe na eva oye,
ghe egbo ni ea mu eloe
ali ekhemhue,
abi u li pfuse eni e pfuse ekẹ agbo-a.”

¹⁹ Igho a li kueghie Owa ugamhi oyi Eshinegba na iloghie-a, a me Akpati Ishobo agho. Igho inyamhisalo ali ukpimhi ali ingmolo ali ikphala, ekẹ e de kulẹ, echẹ rote idane deno kule. ‡

12

Oni Okpotso ali Oligio oniemi

¹ Ukpokpomhi irokhasẹ onyaloa o feli shi idane: Okpotso o ya laọ ni itsua ni o so e khi ovo, uki o kpokẹ awe eyoli, arula oghie oyi ikpetata igbeva o rughu oli ukhomhi.

‡ 11:11 Li ze Ezik 37.10 § 11:12 Li ze 2 Ighie 2.11 * 11:15 Li ze Okiali 15.18; iDan 2.44; 7.14,27

† 11:18 Li ze Iwolo 2.5; 110.5; 115.13 ‡ 11:19 Li ze Iro 8.5; 16.18,21

² Ọọ mẹ. Ọ tsesẹ leghe elemhi ọtomhẹ abi ọ rọ ya bia.

³ Ighọ emhi olese o gbo feli shi idane, ukpokpomhi Oligio oniẹmhi oyile ni ọ zẹ ikhomhi ishilua ali ekphali igbe, ali ọ rughu irula oghie ishilua shi ukhomhi.*

⁴ Ọ ri ughia oyọli fuomhi asheghuo akemhishi esẹ ikpẹtata ni e la ukhuli pfino kule ekẹ agbọ. Oni Oligio oniẹmhi ọ migha oni ọkpotoso ni oku ọ to egbo odalo, ni o ba mẹ asha gbe ọli oni ọmọ ọghọ le, ini a lẹsẹ bia li lasele.†

⁵ Oni ọkpotoso ọ bia ọmọse ni ọ ya ri ọtsuọdu akhuli mhẹsẹ na egbo ni e la ekẹ agbọ nya. Ama a ba oni ọmọ ekẹ rue ya nga idane ghi Ẹshinẹgba ali ukpẹkhomhi eghiele oyọli.‡

⁶ Oni ọkpotoso, ọ na je ọdagbe ifufu asha ni Ẹshinẹgba o riẹlẹ shi ekẹ khẹ ọli ni a la ya dua li egbe ogbeḷe agbeḷe ali egbhuegbesẹ (1,260.)

⁷ Ighọ okhọli o lasele shi obini iloghie, iMakiẹni ali igeni eyọli, e nu oni inyagbemhi i khọli. Oni Oligio oniẹmhi ali igeni eyọli e mie wẹ abọ oni okhọli.§

⁸ Ama ọa mhue ekpabọ tẹ iMakẹni ali igeni eyọli oni okhọli. Ashini a kpẹ rọ na wẹ obini iloghie o de wẹ obọ-a.

⁹ A pfi oni ukpokpomhi oni Oligio oniẹmhi ọghọ tiemhile ekẹ agbọ, oni ẹnye onedẹ ọghọ ni a lu Etse ali Ọkphaghie, oni ọ di agbọ nya ya da odẹ, a pfi oli tiemhile ekẹ agbọ, a li pfi igeni eyọli li tiemhile.*

¹⁰ Ighọ mhi suọ ukpokpomhi uruli obini iloghie khi ọọ li,

“Mena, imiepfuесе
ali ekpabọ ali
Eghiele oyi Ẹshinẹgba ọyawa
e she bhale!

IKirisiti oyọli ni ọ zẹ
ọ she ri afu oyọli khase.

Irari khi Ọkphaghie,
ni ọ gue ezọ ọ shi
inyoghuo awa egbe,

odalo oyi Ẹshinẹgba
ghe ẹlẹ ọguota ghe ẹlẹ-iyosẹ,
a she pfi ọli tiemhile.†

¹¹ E gbe ọli mu ọli le,
itobọ ọlia eyi oni Omi Osumha
ali ingmemhi ọtsẹlẹ oyewẹ.

Ẹa lighọ nono ingme agbọ oyewẹ,
ni o rewẹ ya ke
ti je ukhokho na eghuli.

¹² Irarighọ, a ke gheḷe,
ẹẹ iloghie ali egbo
ni e la elemhi ọli.

Ama epfua o khi na
ẹ ekẹ ali okẹ oniẹmhi,
irari khi Ọkphaghie
ọ she ri ofu tiemhie deba ẹ!

Ofu o she vọ li elemhi,
irari khi ọ lẹsẹ khi
ukuku eghẹghe ọ ke mhọli.”

* 12:3 Li zẹ iDan 7.7 † 12:4 Li zẹ iDan 8.10 ‡ 12:5 Li zẹ Aza 66.7; Iwolo 2.9 § 12:7 Li zẹ iDan 10.13,21; 12.1; ifu 9 * 12:9 Li zẹ Igbae 3.1; iLuk 10.18 † 12:10 Li zẹ iJobu 1.9-11; iZaka 3.1

13 Abi oni Oligio oniemi o ro me khi a she pfi luẹ tiemhile eke, o khu oni okpotso ni o bia oni omọ omose.

14 Ama a ri ipfua eva eyi akpā odegbe oniemi na li, ni o ro fiala je odagbe ifufu. Ikhi obini a riẹle shi eke kẹ ọli ni a la ya ri eloe khu ọli, eghẹghẹ ali igheghẹ ali ukhukhui eghẹghẹ ni o khi ikpe ese ali ukhukhui, ini oni inyagbemhi o khi ri emhi li o.‡

15 Oni Oligio oniemi o rote unu ku amẹ lasele abi oke ni oo tu, ro khu oni okpotso ni o ba ri ochikpho fuomhi ọli ya gbe.

16 Ama eke o kpaghie oni okpotso obo irari khi eke o nya unu-a ri oni oke da ni oni Oligio oniemi o rote unu kpa ku le.

17 Igho oni inyagbemhi o pfaa deba oni okpotso, o ya mu okhọli vule shi imi ọli enekpọle o, ikhi eni e ri Omhese eyi Eshinegba gbe akanya, ni e ri igesikia mu otsẹle oyi ijesu.

18 Igho oni Oligio oniemi o migha egele oke oniemi.

13

Oni Inyagbemhi ni o rote oke oniemi lasele

1 Mhi me inyagbemhi khi o rote elemhi oke oniemi ngale. O ze ekphe igbe ali ikhomhi ishilua, o rughu irula oghie igbe shi eni ekphali. Ukhomhi ogbogbo a keke eva ni o khi ungmemhi ipfiunu-a shi.*

2 Oni inyagbemhi ni mhi me, o li abi ekpe, awe eyoli e li abi eyi akpogene, unu oyoli o li abi unu odumhi. Oni oligio oniemi o ri afu na oni inyagbemhi ni o ro mhọli ekpabo ro ke mhese abi oghie.†

3 A kuale oni inyagbemhi ukpokpomhi utse ni o ge ugboko oniemi. Ama oni ugboko ogho o bie. O ri abo sha agbo nya, e ve deba li.

4 Egbọ ee ga oni Oligio oniemi irari khi o she ri afu na oni elamhako, egbo e li ga oni elamhako, e lie, "Oghuo o li abi oni inyagbemhi!" "Oghuo o dobe ya nu oni inyagbemhi khọli?"

5 A ri unu na oni elamhako ni o ro ngme ingmemhi emuebe ali ipfiunu-a. A ri eghẹghẹ na li ni o ro ri afu oyoli gbe akanya iki egbhueva ali eva.

6 O khueghie unu-a, o ngme ipfiunu-a deba Eshinegba, ro pfueche eva oyi Eshinegba ali ashini o o la ali egbo ni e nu ọli la iloghie-a.‡

7 A ri afu na li ni o nu eni Eshinegba o she pfa na khọli, ali ni o mu we o le. A ri afu na li ni o mhese shi edeli nya, egbo ali emue ododa ali ishishi.§

8 Egbọ ni e la eke agbo nya e ya ke ga oni inyagbemhi. Eni ea ga oni inyagbemhi ona, e khi eni a keke eva oyewe shi ebe ni a keke eva oyi eni e ya mhọli agbo na agboagbo shi, neni a ma agbo. Oni ebe agbo ona o khi ebe agbo oyi Omi Osumha ni a ro luase obo.*

9 Oni o mhọli eso, o ro suo!

10 Eni okhọli o ya mu,
o mema ya mu we.
Eni a ya gbolo-a,
a mema ri itakobi
ya gbolo we-a.

Eri a ri ona lie eni Eshinegba o pfa na e ri irabomudu ri egbe mie, e ri igesikia ke khase.†

‡ 12:14 Li ze iDan 7.25; 12.7 * 13:1 Li ze iDan 7.3; Iro 17.3,7-12 † 13:2 Li ze iDan 7.4-6 ‡ 13:6 Li ze iDan 7.8,25; 11.36 § 13:7 Li ze iDan 7.21 * 13:8 Li ze Iwolo 69.28 † 13:10 Li ze Ijere 15.2; 43.11

Oni Inyagbemhi ni o rote agbo lasele

¹¹ Igho mhi gbo me inyagbemhi olese ni o rote eke e lasele. O ze ekphali eva abi omi osumha, oo ngme abi oligio oniemhi.

¹² O ri afu oyi inyagbemhi oni odode e gbe akanya na li. O ri itoto ri egbo na eke agbo o ga inyagbemhi onodode, ikhi oni ukpokpomhi ugboko oyoli o she bie.

¹³ O riefe irokhase onyaloa enefune, o ga ri erali rote idane e tiemhile, ni egbo ee me.

¹⁴ Itobo irokhase ni a ri afu oyi inyagbemhi onodode lina a riefe, o di egbo ni e la eke agbo. O gueye we e khali ikhumhi, ro khi ufumhi na oni inyagbemhi ni oni itakobi o kuali utse, ni o kie la agbo.

¹⁵ A ri afu na li ni o ri ayemhe na oni ikhumhi irokhokho oyi oni inyagbemhi onodode, ni o dobe ke ngme, ali ni a ke gbolo egbo ni ea lama ga li-a.

¹⁶ O gbo ri itoto mu ogbokpa shi olele shi obita okekhi alukpo, ghe egbo eniemhi ali enikeke, ghe eni e mholi epfue ali eni ea mholi, ghe eni ea khi ighumha ali eni e khi ighumha.

¹⁷ Ogbokhoghuo oa dobe ke e de emhikhoghhuo wekhi eri o ro o de, se ni oni o mholi olele ogho, ni o khi eva oyi oni inyagbemhi ali inoba oyi eva oyoli.

¹⁸ Eri onana gueye awa, awa mholi ilasingme. Oni o lolo lese ingme o sa abi a ri oni inoba ona ngme. Oni inoba khi (666), egbhue uye ali igbe ali egbhue se ikpamhi esesa. Inoba ni o migha shi ogbo na.

14

Oni Omi Osumha ali eni egbo agbele egbhueshilua ali ene (144,000)

¹ Igho mhi bino. Ghe Omi Osumha odalo oyemhe khi o migha Ute iZayo. Egbo 144,000 (agbele egbhueshilua ali ene) ni a keke eva oyoli ali eva oyi itali shi we alukpo e nu oli migha.*

² Mhi ya rote idane suo uruli abi ikhoshe oyi utumhi oyi oke nofuno ni o rote ikhomhi echu tu e tiemhile. Oo ngmolo abi akphala. Oni uruli ni mhi suo, o li abi ini eni e kpheli efa, ee kpheli efa.

³ E to uwolo onogbo odalo ukpekhomhi oghie ali ukpeloe oyi eni elamhako aane ni Eshinegba o ma ali ukpeloe oyi eni egbhali. Ogbokhoghuo oa dobe wena oni uwolo ogho, se ni egbo agbele egbhueshilua ali ene egho (144,000), ni a she rote eke agbo pfasheke.

⁴ Enana e khi egbo ni ea ri ikpotso ri ichimhi mu egbewe, irari khi eri e ri egbewe shi ipfuase. E deba oni Omi Osumha a je obiobini o je kpa. Eni a rote ifuabo egbo pfasheke e khi ni a rote odode ro na Eshinegba ali oni Omi Osumha pfo.

⁵ Ogbo oa me egbholi okhoghuo unu oyewe, irari khi ea mholi umhagueli okhoghuo.†

Eni Igeni Aase

⁶ Igho mhi me agheni olese khi o la iteva irarogbe e fiala, o mhue usomhi onete na agboagbo ni o ro ya tsabo gueye egbo na agbo, ikhi eni e la ishishi nya, ali edeli nya, ali emue-khi-emue ali egbo kpa.

⁷ O ri ukpokpomhi uruli lie, "Na ulishi Eshinegba, ri ufumhi nali, irari khi eghenge iguezo oyoli o she ramhi, a ke ga oni o ma idane ali eke ni o ma oke oniemhi ali ashini ame o te e chochu."

* 14:1 Li ze Ezik 9.4; Iro 7.3 † 14:5 Li ze iZef 3.13

⁸ Aḡeni ɔlese ɔnuzava ɔ deba li, ɔɔ, “IBabilɔ okɛkhui o de, ɔni ɔ ri onyɔ ni ɔa pfuase oyɔli ona okia na ishishi nya da.”[‡]

⁹ Aḡeni ɔnuzi-aase ɔ deba we, ɔ ri ukpokpomhi uruli lie, “Ini oḡbɔkhoghuo ɔ ga ɔni inyagbemhi ali ikhumhi oyɔli, ni ɔ rɔ mie ɔlele oyɔli shi alukpo, okekhi obo,

¹⁰ ɔni oḡbo oḡho, ɔ ya rɔte onyɔ elemhi ibibi oyi Eshineḡba li da, ikhi onyɔ ni aa pfose-a ni a she ku vɔ uko elemhi ibibi oyɔli. A ya ri ofulu ni ɔɔ lala biobiobio tose ɔli-a ukpeloe oyi iḡeni eni e pfuase ali ukpeloe oyi ɔni Omi Osumha. §

¹¹ Ewɔli oyi anasemhe eyewe ee nga idane agboagbo. Eni e ga ɔni inyagbemhi ali inyagbemhi ni a khali, ali ɔnini ɔ da mie ɔlele oyi eva eyɔli ne, ɛa mhue iyemhe shi eleḡuota, shi eliyose.”^{*}

¹² Eri onana o gueye eni Eshineḡba ɔ pfa na e ri irabɔmudu ri egbe mie, ikhi eni e ri omhese eyi Eshineḡba a gbe akanya, ni e ri igesikia a deba iJesu.

¹³ Iḡho mhi suo khi uruli o rɔte idane lie, “Keke onana: Ikhivose o khi na eni e ghu-a shi elemhi ɔnomhue rɔte memena vu.”

“Ikhivose o khi na we egbegbo!” “Iḡho Ayemhe ɔ ngme, khi e ya yemhe inyama-egbe agbo-a, irari khi eminete ni e riele, e ya deba we!”

Ikhiese oyi eke agbo

¹⁴ Iḡho mhi bino, mhi me otughunu opfopfo odalo oyemhe. ɔni ɔ shito ɔ, “O li abi Omi Oḡbo.” O rughu arula igolu oyi oghie shi ukhomhi, o ri agaga ni ɔɔ mu mholi obo.[†]

¹⁵ Aḡeni ɔlese ɔ rɔte Owa oyi Eshineḡba lasele ri ukpokpomhi uruli lu ɔni ɔ shito nga ukhomhi otughunu eḡho leghe, ɔɔ li, “Rue agaga oye ni u ke khiese, irari khi eḡheḡhe ikhiese o she ramhi, irari khi agbo o she bie ni a khiese.”[‡]

¹⁶ Iḡho ɔni ɔ shito otughunu eḡho, ɔ ri agaga oyɔli khiese agbo.

¹⁷ Aḡeni ɔlese ɔ rɔte Owa oyi Eshineḡba na iloghie fie lasele, loḡi ɔ li mholi agaga ni ɔɔ mu.

¹⁸ Iḡho aḡeni ɔlese o rɔte atete fie lasele, ikhi aḡeni ni ɔ mholi omhese shi erali. O ri uruli oniemi lu ɔni ɔ mholi agaga ni ɔɔ mu eḡho leghe, ɔɔ li, “Rue agaga oni ɔɔ mu oye, ni u rɔ khiese ipfonu eke agbo-a, irari khi ipfonu e she yile!”

¹⁹ Iḡho ɔni aḡeni ɔ pfi agaga oyɔli gase eke agbo, ɔ khiese ipfonu nya, ɔ ku we lo ashini a te e mino onyɔ. Amino onyɔ ona, elemhi ibibi oyi Eshineḡba o migha shi.

²⁰ Iḡho a la ashini a la amino onyɔ ni o la olase oni eoli ri awe gue we. Oḡia e rɔte oni amino onyɔ tu lasele. Utumhi oyi oni ɔḡia o ga nuata ramhi imali egbhueḡbe, e limhi abi ete-awe ishe. §

15

Iḡeni oshilua ni e tsua anasemhe ishilua

¹ Iḡho, mhi me irokhase oniemi ni o mu eloe olese ukhomhi idane, ikhi iḡeni oshilua ni e mholi anasemhe ishilua ni e khi eni e kpukhokho, irari khi wewe Eshineḡba ɔ rɔ ya gbe ofu oyɔli ukhomhi.

[‡] 14:8 Li ze Aza 21.9; iJere 51.8; Iro 18.2 § 14:10 Li ze Aza 51.17; Igbae 19.24; Ezik 38.22 * 14:11

Li ze Aza 34.10 † 14:14 Li ze iDan 7.13 ‡ 14:15 Li ze iJofe 3.13 § 14:20 Li ze Aza 63.3; iLame 1.15; Iro 19.15

² Mhi me emini o li abi oke ighegbe oniemihi ni erali e solo shi, o migha epfe oke oniemihi. Egbò ni e mu oni inyagbemhi ali oni ikhumhi oyoli ali inoba oyi eva oyoli o le, e mu efa ni Eshinegba o ro na we mhue abo.

³ E to uwolo oyi iMosisi oni o o ga oyi Eshinegba ali uwolo oyi oni Omi Osumha, e lie,
 “Ufumhi ali oshabo
 e khi ikanya eye,
 Eshinegba Onomhue Nofune nya.

Ipfuase ali igesikia
 ode eye e khi,
 oghie ni o mholi ishishi nya!*

⁴ Oghuo o ya na
 ulishi oye Onomhue,
 ni o ya ri ufumhi
 bhale ghi eva oye?
 Irari khi yeyeghuo kpele
 u khi oni o pfuase.
 Ishishi nya e ya bhale
 ya kueghie e, irari khi
 ikanya ipfuase eye
 e she ri egbe khase.”†

⁵ Onana o dose se, mhi bino, mhi me Owa oyi Eshinegba na iloghie, ni o khi Igholo oyi otsela khi o khueghie-a.‡

⁶ Rote oni owa ugamhi, eni igeni oshilua ni e mholi anasemhe ishilua e te lasale. E sono itsua ni e pfuase ni ee ge nyanyanya, e ri ogbene igolu mu aye.

⁷ Igho otuoghuo eni elamhako aane ni e mholi ayemhe egbo, e ri italabi igolu ishilua ni ofu oyi Eshinegba e la, na eni igeni oshilua. Ikhi Eshinegba, ni o la o agboagbo.

⁸ Oni owa ugamhi o vo ewoli oyi ufumhi ali ekpabo oyi Eshinegba. Ogbò okhoghuo o la o ni o dobe lo oni owa ugamhi ya ramhi ni eni anasemhe ishilua e ro gba pfo.§

16

Italabi ishilua ofu eyi Eshinegba

¹ Igho mhi suo khi uruli na leghe o rote oni Owa ugamhi oyi Eshinegba gueye eni igeni oshilua, “A ka ku eni italabi ishilua eyi ofu oyi Eshinegba shi eke agbo.”

² Ageni onodode o vu ya ku atalabi oyoli shi eke agbo. Iwali igboko ebe ni e lolo e to, e ge egbo ni e mholi olole oyi oni inyagbemhi, ni e ga oni inyagbemhi ni a khali.*

³ Ageni onuzava o ya ku atalabi oyoli lo oke oniemihi, oni oke oniemihi o mele oia eyi egbo ni e ghua-a. Emhikpa ni e mholi ayemhe ni e la elemhi oni oke oniemihi e ghulua.

⁴ Ageni onuzi-aase, o ku atalabi oyoli lo oke ali ichocho amē, e mele oia-a.†

⁵ Mhi suo khi ageni ni a ri amē nga obò khi o o li,
 “Ogueso-ezo ni o pfuase

* 15:3 Li ze Okiali 15.1 † 15:4 Li ze ifere 10.7; Iwolo 86.9 ‡ 15:5 Li ze Okiali 38.21 § 15:8 Li ze Okiali 40.34; 1 Ighie 8.10-11; 2 Okhe 5.13-14; Aza 6.4 * 16:2 Li ze Okiali 9.10 † 16:4 Li ze Okiali 7.17-21; Iwolo 78.44

u khi, irari khi
 u guę sọ ingme ena,
 Yeęe u khi Eshineęba Nọ pfause,
 Yeęe u la o memena,
 ni u kpę la o, ni u gbo ya la o,
 itobọ khi igesikia u rọ o sọ ezo eyę.

6 Irari khi eębo e she gbolo
 eni a pfa na-a
 ali emekeęuele,
 u she ri o lia na we da,
 abi o ti shi!”

7 Mhi suọ khi atęte o tseęe, oọ,
 “Guęeęueęe,
 Eshineęba Onomhue Nofunę nya,
 iguezo eyę, eyi igesikia
 ali eni e te ode e khi!”

8 Aęeni Onuzi-aane o ku atalabi oyọli ku ovo, a ri ekpabọ na ovo o ri erali ke tose eębo-a.

9 Eębo e daghie-a irari utomhi oyi erali, e ze emuebe na eva oyi Eshineęba ni o mholi ekpabọ rọ mhesę na anasemhe enana, ama ęa lama mupfi ni e ri ufumhi na eva oyọli.

10 Aęeni Onuzi-oshe o ku atalabi oyọli kushi ukpekhomhi oghie oyi oni inyagbemhi, eghiele oyọli o la obili. Eębo e ngomhi elemhi unu, shi oya.‡

11 E ku itse na Eshineęba na iloghie irari utomhi ali igboko eyewe, ama ęa lama mupfi lase ode okholo oyewe le.

12 Aęeni Onuzi-osasa o ku atalabi oyọli lo oke iYufiretisi ni o fu, o khakha ame-a ni ighie na obini ovo o te ę nagle e me asha rote dose. §

13 Igho mhi me khi ikhiakhiamhi iyemhe aase ni e li abi ikele e rote unu oyi oni oligio oniemi ali unu oyi inyagbemhi ali unu oyi omekeęuele oyi eębhọli, lasele.

14 Weęe e khi iyemhe okphaghie ni eę gbe ikanya oshabọ, ni e fię deba ighie ni e la eke agbo nya, ni e ya ti we gbili shi okholi ogbele oyi Eshineęba Nọ funę nya.

15 “A ghe i, mhi ya bhale abi oghiatọ! Ikhivose o khi na oębo ni o ya guale, ni o ya ri eloe khu ide eyọli ini o khi banọ-a ni a me oli irumheba!”*

16 Igho eni iyemhe okphaghie e ti we gbili ashini a ri elemhi Iburu e lui Amagedo. †

17 Aęeni Onuzi-oshilua o ku atalabi oyọli nga idane, igbo uruli na leghe o rote Owa ugamhi oyi Eshineęba rote ukpekhomhi eghiele ngme lasele, oọ li, “A she riele oli!”

18 Igho, inyamhisalo ame, ali ukpimhi ali ingmolo oyi ikphala ali inighise eke ee bhale. Inighise nabi oębo-a kpę me ghue abi a te ma oębo shi eke agbo. Oni inighise o ga khi oniemi!‡

19 Oni eoli oniemi o kemhi asha ese, eoli oyi eni ishishi nya e de kua. Eshineęba o sato eoli iBabilo no fu egbe. O mhesę uko ni onyo ofu oyọli o vo nali. §

20 Eke ni e la iteva elemhi oke nya e kelea, aa ke me ite ekhoghuo.*

‡ 16:10 Li ze Okiali 10.21 § 16:12 Li ze Aza 11.15 * 16:15 Li ze iMat 24.43-44; iLuk 12.39-40; Iro

3.3 † 16:16 Li ze 2 Ighie 23.29; iZaka 12.11 ‡ 16:18 Li ze Iro 8.5; 11.13,19 § 16:19 Li ze Aza 51.17

* 16:20 Li ze Iro 6.14

21 Eche amẹ na idane eniemhi e rote idane de mu egbo. Ee ngmano ku Eshinegba irari eni opfuse oyi eni eche amẹ, irari khi oni opfuse o kholo gba.†

17

Adegbe nofunẹ

1 Igho ageni oghuo ni o mhọli italabi ishilua o bhale, o o mhe, “Bhale khi mhi ya ri abi a li ya nase oni adegbe onofunẹ khase, ikhi eoli oniemhi ni o la epfe oke ni e bu.*

2 Loli ighie na eke agbo e nu kia okia, onyo okia eyoli e gbe egbo ni e la eke agbo.”†

3 Igho oni ageni o rue mhe je odagbe ifufu elemhi Ayemhe. Igho mhi me okpotso ni o shito nga inyagbemhi oyile, ni o le iwali eva ipfiunu-a, o ze ikhomhi ishilua ali ekphali igbe.‡

4 Oni okpotso o sono itsua eyile, a ga mema ri igolu ali ifefe ali ema ro khuşe oli-a. O mu uko igolu mhọli obo ni o vo emhi ighuighue ali ikanya ichimhi eyi itsebo eyoli.§

5 Emhi osheli na keke shi oli alukpo khi.

Osheli.

IBabilo Oniemhi.

Inyo idegbe nya.

Ali inyo itsebo nya.

6 Mhi me khi oni okpotso, o da olia eyi egbo ni a pfa na, o lia eyi eni a gbe-a irari khi e mie ijesu suo.

Abi mhi ro me oli, mhi yila.

7 Igho oni ageni o o mhe, “Elo o ze ni u ro yila? Mhi ya gueye osheli oyi oni okpotso ali oyi oni inyagbemhi ni o o nga, ni o ze ikhomhi ishilua ali ekphali igbe.

8 Oni inyagbemhi ni u me ni o kpe khi, mena ni o ke khi loli, o ya rote ilimhi na ningolo ngale ya je epfua oyoli. Abo e ya sha egbo ni e la agbo ni aa keke eva oyewe shi ebe ni a keke eva oyi eni e ya mhọli agbo na agboagbo shi, rote igbaekele agbo, ini e me oni inyagbemhi irari khi, o kpe khi, mena o ke khi, ni o ya ya bhale.*

9 “Onana o khi emini o gbo te e sa usamhi ileşingme. Eni ikhomhi ishilua egbo, e khi ikhomhi ite ishilua ni oni okpotso o o shito.

10 Ighie oshilua e li gbo khi. Etuoshe o, e she ghua, oghuo o o kiele e mhesẹ, oni o kpole o bhale ne. Ini o da bhale, o mema ya la o ukuku egheghe.

11 Oni inyagbemhi ni o kpe la o ni o ke la o egbo, o khi oghie onuzi-olale, abeghuo loli ali oshilua enekpole e li, o ya li je epfua oyoli.

12 “Eni ekphali igbe ni u me egbo, e khi ighie ogbe ni aa ri egbiele na ne, ama a ya ri afu na we elemhi iwakati oghuo tse ni e ro mhesẹ abi ighie, li shi oni inyagbemhi.†

13 Enana emhi oghuo e khi, e ya ri ekpabo ali afu oyewe na oni inyagbemhi.

14 E ya nu oni Omi Osumha khọli. Oni Omi Osumha o ya gbe we oni okhọli, irari khi Onomhue oyi enemhue o khi, ali Oghie ni o mhọli ighie o khi. Irari khi e nu o li la, we we o lu ni o ze, ali ni e khi eni e ri igesikia deba li.”

† 16:21 Li ze Okiali 9.23; Iro 11.19 * 17:1 Li ze iJere 51.13 † 17:2 Li ze Aza 23.17; iJere 51.7 ‡ 17:3

Li ze Iro 13.1 § 17:4 Li ze iJere 51.7 * 17:8 Li ze iDan 7.7; Iro 11.7; Iwolo 69.28 † 17:12 Li ze iDan 7.24

¹⁵ Igho oni ageni o o mhe, “Eni oko eniemhi ni u me, ni oni adegbe o shito, egbo ali ebubu egbo ali ishishi ali emue ododa e la agho.

¹⁶ Oni inyagbemhi ali ekphali igbe ni u me egho e ya biselemhi oni adegbe. E pfuse oli-a, e banọ oli-a, e nyanọ li elamhi egbe ro le, e ri erali tose oli-a.

¹⁷ Irari khi Eshinegba o roli shi we udu e ri ele emini o gba, loli e ro lama kugbe ri ekpabo eyewe na oni inyagbemhi ni o mheso, ya ramhi ni ungemhi oyi Eshinegba o ro bhale ya tse.

¹⁸ Oni okpotso ni u me loli o khi oni eoli oniemhi ni o o mheso na ighie na agbo.”

18

Udemhi oyi iBabilo

¹ Onana o dose se, mhi me ageni olese khi o rote iloghie e tiemhile. O mholi afu nofuno, ugemhi oyoli o ri eke agbo o ge nyanyanya.

² O ri uruli oniemhi tseso leghe, o li.

“Eoli iBabilo Oniemhi,
o she de.

O she mele ugbebo
oyi iyemhe eyi

okphaghi-e-a,

ali ashini iyemhe

okphaghi-e e la lese,

ashini ipfeli ali elamhako

ni aa pfuase ni aa ghue,

ee la.*

³ Irari khi ishishi nya,

e she kpokpo onyo,

ni o ri ujili e kpha,

ikhi onyo okia oyoli.

Ighie na eke agbo

e she kia okia deba li.

Eduoki na eke agbo,

e she rote

iliagbo-tsuakua oyoli

mhuo epfue.”†

⁴ Igho mhi suo uruli olese ni o rote idane lie,

“Egbo eyemhe, a na li egbe kua,

ini a khi mhue okemhi

shi olamhe eyoli,

ini a khi mhue okemhi

shi osoli anasemhe oyoli.‡

⁵ Irari khi olamhe eyoli

e she tighili yagha ramhi idane,

Eshinegba o she sato

umha-gueli eyoli.§

⁶ A li oli, abi o li e,

a fali oli ota asha eva

shi ikanya ni o gbe.

Onyo ni o toto ni o ro na e da,

* 18:2 Li ze Aza 13.21; 21.9; Ijere 50.39; 51.8; Iro 14.8 † 18:3 Li ze Aza 23.17; Ijere 51.7 ‡ 18:4 Li ze Aza 48.20; Ijere 50.8; 51.6,45 § 18:5 Li ze Igbae 18.20-21; Ijere 51.9

a sọ oghoḡho nali da asha eva.*

7 A ri osoli ali oyala nali
ni o guẹ to ufumhi ali ẹpfue
ni o rona egbọli.

Irari khi eri Oni Okpotso
o la ekelemhi tono obọ udu liẹ,
'Mhemhe mhi khi oni oḡle!
Mhi aa tigbe ya khi
osamhi-olimhi,
mhi aa tigbe ya
me oya egbe ghue.'

8 Irarigho, ogbeḡghuo
anasemhe oyoli
o ro ya sha rughu oli,
shi eghuli ali evie
ali okiamhi.

A ya ri erali tose oli-a.
Irari khi Eshinegba Onomhue
ni o ya gue oli ezọ,
onofunẹ nya o khi."†

9 "Ini ighie na agbo ni e kia okia deba li, ni e nu oli li agbo tsua kua, e ya vie,
e vie evie oya na li, ini e me ewoli erali ni ẹ tose oli-a.

10 E ya tapfia migha ke vie irari ulishi osoli ni a na li, ẹ liẹ,
" 'Eekhue o Eekhue o
yeye ẹoli nofunẹ,
iBabilo ẹoli no mhue ekpabo!
Elemhi iwakati oghuo tse
epfua oye o she bhale!‡

11 "Eduoki na agbo e ya vie oli e vie oya irari khi ogbokhoghuo o a ke nu we
ya de itsua.§

12 Itsua igolu ali elomho, imieche ni e somhotse ni e ghale, ifefe ali ema, ide
epfopo na kpishi, ali eni e yile, ghe ena wono, ali ilolo eni eyile ali itsua ododa
ni a ri oora ni e pfi khali, ali itsua ododa ni a ri ekphali eni khali, ali ẹra ni e
ghale, ide ali ikhuli ali eche imabo.

13 Ali alagho na lu ikinamoni ali oshamhi ali ituale afu ẹra ali ituale ni a ku
ẹ shi olimhi egbe, ali atike ni o pfi ni o ghale ali onyo ali oili ali ifulawa ali
ikpamhi emhi ni a lu ado, ena ali isumha ali ichi ali amoku ni ichi ẹ tsua, li
shi egbo ni e khi ighumha.*

14 "Eni eduoki e ya liẹ oli, 'Imomhi ni u ri ukpeloe shi eke ẹ khe, o she me na.
Epfue ali osuemhe eyẹ nya e she kele-a, ni a ke dobe gbolo me ya mie.'

15 Eduoki ni e ri emhi enana de ni e me elele epfue rote obọ oyi oni okpotso,
e ya migha tapfia, ulishi osoli ni o me o mu we. E ya vie e vie oya,†

16 e vie nyogho, ee liẹ,
" 'Eekhue-o! Eekhue-o,
ẹoli Onofunẹ,
ni a ri iwulu ichẹ eneyile,
ni a ri igolu ali eche
ni e ghale ali ifefe

* 18:6 Li ze Iwolo 137.8; ifere 50.29 † 18:8 Li ze Aza 47.7-9 ‡ 18:10 Li ze Ezik 26.16-17 § 18:11
Li ze Ezik 27.31,36 * 18:13 Li ze Ezik 27.12,13,22 † 18:15 Li ze Ezik 27.31,36

khue akhue!

17 Aboriekhi igho,
elemhi iwakati oghuo tse,
eni epfue eniemhi egho
e li opfu-a.*

“Eni e khi ega oko-okę onięmhi nya ali eni e lo oko-okę onięmhi ya asha ali eni e gua li ali eni e rote okę onięmhi e mie ifata, e ya tapfia migha.

18 Ini e me ewoli eyi utomhi oyoli, e ya lie, ‘Eoli okhoghuo o la o ni o li abi oni eoli onięmhi?’§

19 E yalo ifufu ku ukhomhi, e ri evie ali oya vie leghe, ee lie,*

“‘Eekhue-o! Eekhue-o,
yeyę eoli onięmhi,
ni eni e mholi
oko-okę onięmhi nya,
e te mholi epfue eyewe
rote osuemhe oyi oni eoli!
Elemhi iwakati oghuo tse
a ro pfuse oli-a.†

20 A ri itobo li
ke ghele, iloghie,
A ke ghele,
eę eni a pfa na
ali ighiusomhi na keę ali emekeęguele!

Irari khi Eshineęba
o she gue oli ezo
shi abi o li nase e.’ ”‡

21 Igho aęeni nofunę o rue udumhi eęę ni o li abi eęę iko pfilo oni okę onięmhi, o o li,

“Ekpabo na guo
a ro ya guoghọ
eoli iBabilo onięmhi-a,
aa ke gbo ya

me e eloe ghue.§

22 Ogbo ọa ke gbo ya suọ
uruli efa
wekhi oyi emini aa kpheli
wekhi oyi ofele,
wekhi oyi akala
elemhi yeyę oni eoli ona ghue.

Ogbo ọa ke ya me
ogbakanya okhoghuo
elemhi e ghue.
Ogbo ọa ke ya suọ
okeke emini a mheli iko,
elemhi e ghue.*

23 Erali akpa ọa ke gbo ya ge
elemhi e ghue,
wekhi eri a ya gbo suọ

‡ 18:17 Li zę Aza 23.14; Ezik 27.26-30 § 18:18 Li zę Ezik 27.32 * 18:19 Li zę Ezik 27.30-34 † 18:19

Li zę Ezik 27.30-34 ‡ 18:20 Li zę iDeut 32.43; iJere 51.48 § 18:21 Li zę iJere 51.63-64; Ezik 26.21

* 18:22 Li zę Ezik 26.13; Aza 24.8

uruli eni e zu ode
 elemhi e ghue.
 Eduoki eye e khi
 egbo eni e fune na eke agbo,
 u ri ogbho oye
 di ishishi nya wase-a.†
 24 Elemhi oni eoli a me
 oia eyi emekeguele
 ali eyi eni a pfa na,
 ali eni a gboloa shi eke agbo nya.”‡

19

Okuekhoogo!

1 Onana o dose se, mhi suo uruli ni o li abi okeke oniemi oyi ebubu egbo
 obini iloghie khi oo tseşe, oo lie,
 “Okuekhoogo,

Imiepfuese ali ufumhi
 ali ekpabo khi
 eyi Eshinegba oyawa.

2 Irari khi iguezo oyoli
 eyi igesikia ali
 eni e sheshe e khi.

Q she pfa ezọ mu
 adegbe onofune,
 oni o she ri okia eyoli
 yese eke agbo-a.
 Eshinegba o she ye okholi

to oia eyi eni e ga eyoli.”*

3 Igho e gbo tseşe, e lie,
 “Okuekhoogo!

Ewoli eyoli e she e nga
 idane agbo agbo.”†

4 Igho egbhali uye ali aane ali elamhako aane, e de yesi, e ga Eshinegba ni
 o shito oni ukpekhomhi oghie, e lie,
 “Atşe! Okuekhoogo!”

5 Uruli o rote oni ukpekhomhi oghie ngme o o lie,
 “A kuęghie

Eshinegba oyawa,
 e e ni e ga eyoli nya,
 e e ni a na ulishi oyoli,
 ghe egbo ni e fu
 ali eni e she!”‡

6 Igho mhi suo uruli ni o li abi uruli oniemi oyi ebubu egbo ni o li abi
 ingmolo oyi oke ni o o tu, ni o gbo li abi ingmolo oyi akphala. Ee lie,
 “Okuekhoogo!

Irari khi Eshinegba
 Onomhue oyawa Nofune nya,
 loli o le oghie!§

† 18:23 Li ze iJere 7.34; 25.10 ‡ 18:24 Li ze iJere 51.49 * 19:2 Li ze iDeut 32.43; 2 Ighie 9.7 † 19:3
 Li ze Aza 34.10 ‡ 19:5 Li ze Iwolo 115.13 § 19:6 Li ze Ezik 1.24; Iwolo 93.1; 97.1; 99.1

7 Awa ke ghele,
egbe ke mu awa,
awa ri ufumhi nali!

Irari khi izu-ode oyi
oni Omi Osumha
o she ramhi,
omueshi o she mu egbe shi eke.

8 Ode opfopfo
ni o dala ni o pfuase,
a ro nali so.”

(Oni Ode opfopfo, igue ngeli oyi eni a pfa na o migha shi.)

9 Oni ageni oo mhe, “Keke khi. ‘Ikhivose o khi na egbo ni a lu shi oni ukue aruele oyi izu-ode oyi oni Omi Osumha.’” O gbolo e mhe, “Ingmemhi enana, egbegbi ingmemhi eyi Eshinegba e khi.”*

10 Igho mhi de ya wugha li awe ni mhi ga li. Ama oo mhe, “Khi li gho! Oni oo ga nabi yeye ali onabi inyoghuo e enekpole mhi khi ni e mu otselē oyi iJesu mhuē. Ga Eshinegba! Irari khi otselē oyi iJesu o khi ayemhe imekeguele.”

Oni o nga achi opfopfo

11 Igho mhi me khi iloghie o khueghie-a mhi me achi opfopfo. Oni o nga li a lu oze-regbenga ali oni o khi igesikia. Ode ni o a mhue azeba o te e so ezo, ni o te e kholi.†

12 Ikpamhi alo eyoli e li abi elemhi ere. O rughu irula oghie ni e bu. O mholi eva ni a keke shi oli egbe ni ogbo olese o a lese, se ni loli ghuo kpele.‡

13 O so awulu ni a so oia. Eva ni a lu oli khi, “Ungmemhi oyi Eshinegba.”

14 Ekholi-okhue ni e la iloghie e deba li kia, e sono itsua epfopfo ni e dala ni e pfuase, e nga ichi epfopfo.

15 Itakobi ni oo mu o rote unu oyoli lasese, ni o ro ya kholi eni ishishi. Otsuodu akhuli o ro ya ke mhese na eni ishishi. O ya rote ashini a te e minonyo mino onyo lasese, Ikhi onyo no khi ofu oniemhi oyi Eshinegba Nofune nya.§

16 A keke eva, “Oghie Ni o Mholi Ighie, Ali Onomhue Ni o Mholi Ekhemhue,” shi awulu na dogo oyoli ali ukhiowe oyoli.

17 Igho mhi me ageni khi o migha ovo, ni o vie lasese leghe lui ipfeli ni e la irarogbe e fiala, “A bhale a ka legba shi aruele ogbomhi oniemhi oyi Eshinegba.

18 Egheghe agho ni a le elamhi idiegbe oyi ighie ali ega ekholi-okhue ni e ri ekholi-okhue e ye okhue, ali elamhi idiegbe eyi egbo nefune, shi elamhi ichi ali eni e nga we, ali elamhi idiegbe egbo nya, shi ighumha ali eni ega khi ighumha ghe egbo enikeke ali egbo eniemhi.”*

19 Igho mhi me oni inyagbemhi ali ighie na eke agbo ali ekholi-okhue eyoli khi e lona kugbe, ni e ro nu oni o nga oni achi ali ekholi-okhue eyoli kholi.

20 Ama a mu oni inyagbemhi ma omekeguele oyi egbholi oyoli, oni o ri eva oyoli gbe irokhase onyaloa. Eni irokhase ena o ro di egbo ni e mie eni olee eyi oni inyagbemhi shi egbe, ni e ga irokhokho oyoli ni a khali. Oni inyagbemhi ali oni omekeguele oyi egbholi, a mu we pfilo uyele erali ni ofulu o la to kua yala.†

* 19:9 Li ze iMat 22.2-3 † 19:11 Li ze Ezik 1.1; Iwolo 96.13; Aza 11.4 ‡ 19:12 Li ze iDan 10.6

§ 19:15 Li ze Iwolo 2.9; Aza 63.3; iJofe 3.13; Iro 14.20 * 19:18 Li ze Ezik 39.17-20 † 19:20 Li ze Iro 13.1-18

21 Eni e kpole, a ri itakobi oni o rote unu oyi oni o nga oni achi gbolo we-a. Eni ipfeli nya e ri elamhi idiegbe eyewe le.

20

Ikpe Agbele

1 Igho mhi me khi ageni o rote idane e tiemhile o mu okpe ilimhi na ningolo mholi obo, o tsua ukpokpomhi uwegehe.

2 O gamhi oni oligio oniemhi rue, ikhi enye onede ogho ni o khi etse ali Okphaghi, o ge oli ikpe agbele oghuo.*

3 O pfi oli lo oni ilimhi na ningolo, o pfi okpe o. O pfi oni ilimhi na ningolo unu ma, ini o khi ke gbo me asha di ishishi egbo, ya ramhi ni eni ikpe agbele e ro ya gba. Ini ona o dose se, a mema ya rue oli obo-a ukuku eghenge.

4 Igho mhi me ikpekhomhi ighie. Eni e shito o, e khi eni a ri afu na ni e ri egbo gue ezọ. Igho mhi gbo li me iyemhe eyi egbo ni a kholo ikhomhi o, irari otsele ni e pfi na iJesu ali ungmehi oyi Eshinegba. Eni egbo ena ea ga oni inyagbemhi wekhi irokhokho eyoli, wekhi eri e mie olele oyoli shi atete ukhomhi, wekhi obo. E ya te eghuli guale, e ya nu iKirisiti mheshe ikpe agbele.†

5 Egbo ni e kpole ni e ghuloa ea ke rote eghuli guale, ramhi ni ikpe agbele egho e ro gba. Onana o khi irote eghuli guale onodode.

6 Ikhivose ali ipfuase e khi eyi eni e mholi obo shi iguale onodode onana. Eghuli onuzi-eva o mholi ekpabo shi egbo eghogho egbe, ama e ya khi ekpodalo-ugamhi eyi Eshinegba ali eyi iKirisiti. E ya nu oli mheshe ikpe agbele.

7 Ini eni ikpe agbele e gba se, a ya taghie Okphaghi owa ighumha oyoli-a.

8 O ya fie lasela ya di egbo ni e la ishishi nya na eke agbo, ikhi egbo ni a lu iGogi ali iMagogi, ni o ro ti we gbili shi okholi. Eri e bu abi ekhashe ni e la egele oke oniemhi.‡

9 Igho e to ogholi ya gbe eke agbo khia, e pfi gasa apfe eyi egbo eyi Eshinegba, eoli ni o nono egbegbo. Ama erali e rote idane tiemhile ya tose we-a.

10 Oni etse ni o di we, a mu oli pfilo erali ilimhi iriere ni ofulu o la to kua yala. Ikhi ashini a pfi oni inyagbemhi ali omekeguele oyi egholi lo. A ya la agho na we osoli agboagbo, no gbe no bi.

Ari eni e ghu-a gue ezọ

11 Igho mhi me ukpokpomhi ukpekhomhi oghie opfopfo ali oni o shito o. Abi o shito egho, eke ali ukhui e kele-a, ea ke me ashikhoghua lo.

12 Igho mhi me egbo ni e ghuloa, ghe oniemhi, ali enikeke, e migha odalo oni ukpekhomhi oghie. Igho a khueghie ebe ni e bu-a. A gbo khueghie ebe olese-a ni o khi ebe ni a keke eva oyi eni e ya mholi agbo na agboagbo shi. A gue eni e ghu-a ezọ abi ikanya ni e gbe e li, abi a li keke we shi eni ebe.§

13 Oke o kpa egbo ni e ghuloa shi o ku lasela. Eghuli, ali ilimhi, e khueghie unu-a kpa egbo ni e la elemhi we ku lasela. A gue oghogbo nya ezọ abi o li gbe.

14 Igho a pfi Eghuli, ali ilimhi lo uyele erali. Erali ilimhi iriere onana o khi eghuli onuzi-eva.

15 Onini eva oyoli o da la oni ebe ni a keke eva oyi eni e ya mholi agbo na agboagbo shi ne, eri a ya pfi oli pfilo oni erali ilimhi iriere.

* 20:2 Li ze Igbae 3.1 † 20:4 Li ze iDan 7.9,22 ‡ 20:8 Li ze Ezik 7.2; 38.2,9,15 § 20:12 Li ze iDan 7.9-10

21

IJerusalemu Onogbo

1 Igho mhi li me iloghie onogbo ali eke agbo onogbo. Iloghie onodode ali eke agbo onodode e she kala-a, igho li khi oke oniemi.*

2 Mhi me oni eoli ni o pfuase ikhi oni iJerusalemu onogbo khi o rote idane e tiemhile rote obo oyi Eshinegba, abi omueshi ni a khuese somhotse e ghi odo li.†

3 Igho mhi suo ukpokpomhi uruli khi o rote oni eghiele e lie, "A ghe khe! Eshinegba o ri apfe oyoli tiemhile deba egbo, eri o ke ya nu egbo ngeli kugbe, eni egbo e ya khi egbo eyoli, Eshinegba o ya nu we la kugbe.‡

4 O ya shishi we amevie alo-a, eghuli o a ke ya lao, wekhi eri a ke ke vie wekhi asha o ke ya ke to ogbo, irari khi emini edio e she dose.§

5 Oni o shito oni ukpekemhi oghie o o li, "Ghe khe, Mhi ri emhikpa a mele enegbo-al" Igho oo, "Keke emhi enana shi eke irari khi ingmemhi ni a ri egbe e da ni e khi igesikia e khi."

6 Oo mhe, "A she li oli. Mhemhe mhi Aafa ali Omega, mhemhe mhi khi igbaekele ni mhi khi ozukhomhi. Oni okiam e oo gbe, mhi ya rote oke ni oo chocho ame, ni o ri agbo a na ogbo na li da afue.*

7 Oni o da mu o le ne, o ya mholi ikhivose ona, ni, Mhemhe mhi ya khi Eshinegba oyoli, loli o khi omimhe.†

8 Ama egbo ni e khi enulishi ali eni ea ya lama miesuo, ena angeli ichimhi ali egbugbeli, ali ena itsebo eni e mu imhese ogbho ali eni ega ikhumhi, ali e lo egbholi nya, okiemhi oyewe o ya khi erali ilimhi irierie ni ofulu la to kua yala. Onana khi eghuli onuzi-eva."

9 A geni oghuo eni oshilua ni o mholi italabi ishilua ni e vo anasemhe ishilua ni e kpe ukhokho, o bhale ya lie mhe, "Bhale, mhi ya ri oni omueshi onogbo khase, ni o khi ughue oni Omi Osumha."

10 Elemhi oni ayemhe, oni ageni o tsua mhe nga ukhomhi ute oniemi ni o yagha, o remhe khase oni Eoli-No-pfuase ikhi iJerusalemu, khi o rote idane te obo oyi Eshinegba a tiemhile.‡

11 O ri ufumhi oyi Eshinegba ge nyanyanya. Ugemhi oyoli o li abi echeli ni o somhi otse ni a lu ijasipa ni o li abi ughegbe.

12 O mholi ukpokpomhi ugbe ni o yagha ni o mholi ode inuekpe igbeva. Eni ode inuekpe, igeni ogbava e la o. Eni ode inuekpe igbeva ena a keke eva eyi edeli igbeva eyi iZireni shi o.

13 Ode inuekpe esese e la obo-ugbe enenene oyi oni ugbe. Ese e la ukiekie obini ovo o te e ngale oyoli, ese e la ukiekie obita, ese e la ukiekie ogobo, ese e li la ukiekie obini ovo o te e lo eko.§

14 Oni ugbe ni o gase oni eoli o mholi echere irogbekere igbeva. Eni echere irogbekere ena, a keke eva eyi ighiusomhi na keke ogbava eyi oni Omi Osumha shi o.

15 Oni o nu mhe e ngme, o mholi ukpokpo ni a roo mhesere emhi ni o khi igolu ni o ro ya mhesere oni eoli ali eni ode inuekpe ali igbe eyoli.*

16 Oni eoli o ze abo igbe ene, ni iyagha ali inuata ali uemhi eyoli e li abizize. O mhesere oni eoli, o ya khi ikuku emhi ea la imali agbele ali egbhuese ashi ishe (1,500), unuemhi ali uemhi eyi eni abo igbe ali iyagha eyoli e khi abizize.

* 21:1 Li ze Aza 65.17; 66.22; 2 iPit 3.13 † 21:2 Li ze Aza 52.1; 61.10; Iro 3.12 ‡ 21:3 Li ze Ezik 37.27; iLev 26.11,12 § 21:4 Li ze Aza 25.8; 35.10; 65.19 * 21:6 Li ze Aza 55.1 † 21:7 Li ze 2 iSam 7.14; iWolo 89.26-27 ‡ 21:10 Li ze Ezik 40.2 § 21:13 Li ze Ezik 48.30-35 * 21:15 Li ze Ezik 40.3

17 Oni ageni o li mheshe ugbe oyoli, e ya khi ete-awegbhuugbe. Abi awa lie mheshe eke.

18 Ugbe oyoli, echegbhuugbe a ro ma li, oni eoli o khi egbegbi igolu ni a te eme eke abi ughegbe.

19 Irogbekwe oyi igbe ni a ma gashe oni eoli e ya khi echegbe ni e ghale ododa. Onodode o khi ijasipa, onuzi-eva o khi isafaya, onuzi-eshe o khi ikalisedoni, onuzi-ene o khi emeradi,

20 onuzi-ishe o khi isadonizi, onuzi-esesa o khi ikaneliani, onuzi-ishilua o khi ikirisolati, onuzi-elele o khi iberili, onuzi-itili o khi itopazi, onuzi-igbe o khi ikirisopirazi, onuzi-igbaghuo o khi ijasiti, onuzi-igbeva o khi ametisiti.

21 Eni ode inuekpe igbeva e ya khi ifefe. Ode unuekpe ogbogbo a ri ufeve oyoli riefe o. Ode agbala ni o la oni eoli, egbegbi igolu ni a te eme eke abi ughegbe a ro ku o.†

22 Mhi aa me Owa ugamhi okhoghuo oni eoli, irari khi Eshinegba Onomhue Nofun nya ali Oni Omi Osumha weve e khi Owa Ugamhi ni e la agho.

23 Oni eoli o ke mholi emini o ri ugemhi oyi ovogbhe oyi uki ya li. Irari khi ugemhi oyi Eshinegba loli o khi akpa ni o la agho, oni Omi Osumha o khi akpa ni o la agho.‡

24 Egbogbo na agbogbo nya e ya ri oni akpa ke kia, ighie ni e la agbogbo e ya tsua epfue eyewe bhale agho.§

25 Ogbogbo o ya tigbe khukhu ode inuekpe ni e lo oni eoli le ghue, itobogbo khi ogbogbo o ya me eliyose agho.

26 A ya tsua epfue ali ufumhi eyi ishishi lo oni eoli le.*

27 Ama, emini e ri ichimhi emu o ya tigbe lo agho le, wekhi ogbogbo ni ogbhe ikanya omama ali ni o riefe emhi egbhuugbe, se khi ogbogbo ni eva oyewe o la ebe ni a kekwe eva oyi eni e ya mholi agbogbo na agbogbogbo shi oyi oni Omi Osumha.†

22

Oke Amej Agbo

1 Igho o ri oke amej ni o ri agbogbo o na ogbogbo khashe mhe, oke ni o pfuase abi ughegbe, ni o rote ukpekghomhi Eghiele oyi Eshinegba ali oyi Omi Osumha tu u lasale.*

2 Oni oke o rote iteva oyi oni ode agbala ni o la oni eoli. Ukiekie eve-eva oyi oni oke, oora ni o ri agbogbo o na ogbogbo e migha, ni o mo idumhi igbeva ododa, ni ogbogbo mo idumhi uki kpa. Ebe oyi oni oora a ro ri ishishi eze.†

3 Emhikhoghhuo ni Eshinegba o pfi unu na o ke ya la agho. Ama ukpekghomhi oghie oyi Eshinegba ali oyi Omi Osumha oyoli e ya la agho, eni eze ga eyoli e ya ke ga.‡

4 E ya me alo eyoli, ali eva oyoli o la we alukpo.

5 Eliyose o ke ya la o. E a mholi emini e ri ugemhi oyi akpa ali ugemhi oyi ovogbo ya li, irari khi Eshinegba Onomhue lolighuo o ya khi akpa oyewe, e ya ke mheshe abi ighie agbogbogbo.§

6 Oni ageni og mhe, "Eni ingmemhi enana, eni a ri egbe e da e khi, e gbo khi igesikia. Eshinegba Onomhue ni o ri ayemhe oyoli na emekeguele, loli o ghie ageni oyoli o ka rokhase eni eze ga eyoli, emini a ya me ni o ke ya tese."

† 21:21 Li ze Aza 54.11-12 ‡ 21:23 Li ze Aza 60.19-20 § 21:24 Li ze Aza 60.3 * 21:26 Li ze Aza 60.11 † 21:27 Li ze Aza 52.1; Ezik 44.9 * 22:1 Li ze Ezik 47.1; iZaka 14.8 † 22:2 Li ze Igbae 2.9; Ezik 47.12 ‡ 22:3 Li ze iZaka 14.11 § 22:5 Li ze Aza 60.19; iDan 7.18

Ijesu o ya bhale

7 “A ghe ii, mhi keḷe ya bhale! Ikhivose o khi na ogbo ni o ri ingmemhi imeguele ni e la ebe onana gbe akanya.”

8 Mhemhe iḶoni mhi suo, ni mhi gbo me emhi enana. Abi mhi ro suo, ni mhi ro gbo me na, mhi de ya wugha oni ageni ni o ri eni emhi enana khashe mhe awe ni mhi ga li.

9 Ama o gueye mhe, “Khi li igbo, oni oo ga nabi yeḷe ali onabi inyoghuo e emekeguele, ali eni e ri ingme ni a keke shi ebe onana gbe akanya mhi li khi. Ga Eshinegba!”

10 Oo mhe, “Khi khukhu ingmemhi imeguele ni e la ebe ona, irari khi oni eghenge o she ti ramhi.

11 Oni oo riḷe onobe, o ke riḷe tsee, oni oo gbe ikanya ichimhi, o ke gbe tsee, oni o guḷe a ngeli, o guḷe ke ngeli tsee, oni o pfuase, o pfuase ke le tsee.”*

12 “A ghe ii, mhi keḷe ya bhale, mhi tsua ifata eyemhe, mhi ya fali ogbogbo ota abi o li gbe.†

13 Mhemhe mhi khi Aafa ali Omega, Mhemhe mhi khi oni Odode ali Okpukhokho, ni mhi khi Igbaekele ali Ukpese.‡

14 “Ikhivose o khi na egbo ni e pfue iwulu eyewe-a pfuase, ni e mhuḷe obo shi oora ni o ri agbo a na ogbo, ali ini e ba me asha rote ode unuekpe ni o lo oni eoli, le lole.§

15 Ewa e la oolase oni eoli, ali eni e mu imheshe ogbho ali eni e li itsebo ali egbo ugbeli ali eni e ga ikhumhi ali eni e da nono ingme egbholi, ni e di egbo.

16 “Mhemhe ijesu mhi she ghie ageni oyemhe o ri otselḷe ona ghi e eni igbaa nya eyi eni e mie ijesu iKirisiti suo. Mhemhe mhi khi Umhili ali Omiami iDefidi, Mhemhe mhi khi Ukpḷetata ni o ge eluzogbe.”*

17 Oni Ayemhe ali omueshi onogbo oo li, “Bhale!” Oni o suo ona o li lie, “Bhale!” Oni okiamḷe oo gbe o bhale, ali onini o ghole o bhale ka da amḷe ni o ri agbo a na ogbo, afue afue.†

18 Mhi tse agua ye ogbo ni o suo imeguele ni e la ebe ona. Ini ogbokhoghuo o khi ma o, Eshinegba o ya khi anasemhe ni a keke shi ebe ona ma li agbo.

19 Ini ogbokhoghuo o rote ingmemhi imeguele ni a keke shi ebe onana rue pfi-a, Eshinegba o ya mie oli okemhi ni o mholi shi oora ni o ri agbo a na ogbo, ali ashini a khi na li shi eoli ni o pfuase, ni a ngme ingme oyoli shi oni ebe onana.‡

20 Oni o pfi otselḷe shi ebe onana, oo, “Igesikia lo, mhi keḷe ya bhale.”

Atse. Ijesu Onomhuḷe bhale.

21 Okhale oyi ijesu Onomhuḷe o ka nu eni miesuo nya la, Atse.

* 22:11 Li ze iDan 12.10 † 22:12 Li ze Aza 40.10; 62.11; Iwolo 28.4; iJere 17.10 ‡ 22:13 Li ze Iro 1.8,17; 2.8; Aza 44.6; 48.12 § 22:14 Li ze Igbae 2.9; 3.22 * 22:16 Li ze Aza 11.1,10 † 22:17 Li ze Aza 55.1 ‡ 22:19 Li ze iDeut 4.2; 12.32